


《續修四庫全書》編纂委員會編

續修四庫全書



上海古籍出版社

五一一・史部・詔令奏議類

張文襄公奏議七十二卷 張文襄公電奏十三卷 (張文襄公奏議卷四十四至張文襄公電奏

卷十三) [清]張之洞撰

戊戌奏稿 [清]康有為撰 麥仲華輯

六九一

2664/01

張文襄公全集卷四十四

奏議四十四

回湖廣任謝恩摺 光緒二十二年正月二十八日

竊臣奉旨飭回湖廣總督本任嗣經欽奉光緒二十一年十一月十八日寄諭湖廣地方緊要鐵廠槍礮廠甫經告成現當開辦鐵路整頓陸軍之際需用甚繁煉鋼軋製快槍實為當務之急銀元鑄成能否流通各省該督回任後均當加意舉辦以立富強之本等因欽此業將交卸兩江總督署篆及起程赴鄂日期奏報在案茲已行抵鄂省本年正月二十八日准兼護督臣譚繼洵

張文襄公全集 卷四十四 奏議四十四

將湖廣總督關防並王命旗牌文卷等件委員齎送前來臣當即恭設香案望闕叩頭謝恩祇領任事伏念臣以下駟之庸材處上游之重鎮自慚需緩莫補時艱假節江東曾無遷地為良之效回車漢上豈有駕輕就熟之功訓勉欽承悚惶莫喻查湖廣自去秋以來北潦南旱匪伏民窮况值商埠之新開益覺軍容之難弛臣惟有因時撫定竭力經營廣仁以利疲氓明恥以求戰士凡現辦之鐵政銀元礮廠學堂諸事皆有關乎通商惠工任能勸學之端在議者或譏其並鶩之勞而微臣常覺有後時之懼為山覆簣何辭積累於寸銖未雨徹桑

敢懈綢繆於閒暇其一應地方事宜當隨時與湖北湖南兩撫臣悉心商辦以期仰答高厚鴻慈於萬一殊批知道了欽此

鐵廠招商承辦議定章程摺 并清單 光緒二十二年五月十六日

竊惟湖北鐵廠兼采鑛煉鐵開煤三大端荆地球東半面未有之局為中國造軌製械永杜漏卮之根開辦以來鉅細萬端而皆非經見事機屢變而意計難周經營積年心力交困今廠工早已次第告成各種鐵爐鋼爐冶煉鋼鐵製造軌械均能精美合用以至鐵山煤井一切機器運道皆已燦然大備惟是經費難籌銷場未廣

張文襄公全集 卷四十四 奏議四十四

支持愈久用款愈多當此度支竭蹶不敢為再請於司農之舉亦更無羅掘於外省之方再四熟籌惟有欽遵上年六月十二日諭旨招商承辦之一策方今滇藏粵桂新疆東三省之外英法俄鐵路相逼而來中國幹路已成欲罷不能之勢洋商早見及此知中國開辦鐵路需用鋼鐵必多就地取材獲利必厚自上年秋冬以來則有英之陶秘深柯第仁賀士當法之戴馬陀等皆外洋鋼鐵大廠之經理人前後來商自願以銀五百萬兩附股合辦先繳一百萬另附股四百萬加增爐座機器添開煤井大舉采煉得利官商均分蓋深知東部洲風

氣漸開需用鋼鐵必多不僅中國一處而已而漢陽一廠經營最先收效必早非有真知灼見孰肯以巨款合辦臣惟今日五洲風會路械船機無往非鐵西人於煉鐵一廠視爲至重至大之事鐵之興廢國之強弱貧富繫焉大冶鐵礦之旺甲於天下實足取用不窮惟冶鐵煉鋼非煤不濟欲添爐座必添煤井湖北境內產煤之區歷經試驗灰多磺重堪作焦炭者甚鮮卽江夏馬鞍山自開之煤井雖可煉焦炭亦以磺氣稍重必須攙合湘煤或搭用開平焦炭方能煉成佳鐵開平之炭道遠價昂不可久恃將來必於湘省及沿江各省擇地另開

張文襄公全集

卷四十四

奏議四十四

三

煤井數處方能添爐多煉洋商力厚氣壯慨然擔任力言此事甚不爲難且外國公使領事皆屢來婉切詢商堅欲承攬惟礦務爲中國自有之利源斷不能與外人共之洋商合辦之議不得不作罷論而華商力微識近大都望而卻步從前曾招粵商迄無成議蓋煤鐵並舉局勢艱難事理精深工作險苦煤礦未可必得利鈍卽難逆觀無怪其視爲畏途也伏查大冶鐵礦從前本係直隸津海關道盛宣懷督率英國鑛師所勘得就鄂設廠煉鐵造軌之議又自該道發之且曾續有承辦原議該道才猷宏達綜核精詳於中國商務工程製造各事

宜均極熟習經理招商局多年著有成效久爲華商所信服適因奉差在滬經臣電調來鄂勸令力任其難檄飭將湖北鐵廠歸該道招集商股一手經理督商妥辦並卽督飭司道與盛宣懷酌議章程截清用款其大指以嗣後需用廠本無論多少悉歸商籌從前用去官本數百萬概由商局承認陸續分年抽還准限期須從寬緩大率以紓民力扶官廠爲主腦以中國興造鐵路必須路廠一氣軌由廠造爲要義俟鐵路公司向漢陽廠訂購鋼軌之日起卽按廠中每出生鐵一噸抽銀一兩卽將官本數百萬抽足還清以後仍行永遠按噸照抽

張文襄公全集

卷四十四

奏議四十四

四

以爲該商局報効之款該道力顧大局已於四月十一日將漢陽廠內廠外各種爐座機器房屋地基存儲煤鐵料物各件以及凡關涉鐵廠之鐵山煤礦運道馬頭輪刺各船一律接收自四月初十日以前鐵廠歷年各項用款共約計銀五百數十萬兩除歷次奏撥外不敷之款均係查照奏案在槍礮局經費及布局息借之款項下移撥應用並有積欠洋廠華廠及各商號之款此時因所欠華洋各廠物料價值及湘煤廠價運費與夫洋匠薪費鐵廠鐵山運道煤井各處工匠員司薪費以及存廠鋼鐵煤炭物料價值茲正在官商交接之際一

時數目未能截清兼其中多有與槍礮局牽搭分認之款俟將各件點清核明截數後即當將確數行知商局立案業經與商局議明無論將來尾數若干商局均允認還并續行各部立案一面督飭鐵政局司道分款詳細造報溯查福建船政及津滬製造局開辦經費各數百萬兩皆無收回之日鐵廠改歸商辦用過官款但期鐵路開辦即可按日計噸常川提繳現已議定俟尋獲佳煤鑛後除漢陽廠兩爐齊開外必須在大冶之石灰窯一帶添設新式生鐵大爐四座計每一爐日出生鐵六七十噸六爐共日出四百餘噸每年可出生鐵約十

張文襄公全集

卷四十四

奏議四十四

五

餘萬噸即每年可繳官款約十餘萬兩歲月雖寬涓滴有著從前所費數百萬不致虛糜而從此風氣日開造船造械造一切機器次第推廣相率效法中華開富強之宏規國家收永遠之報効此則誼正道明之後而功利始見庶幾微臣可藉寬疚責者已抑臣更有請者鐵廠一事固在資本之足鎔鍊之精而利益轉輸尤在銷路之廣目前中國製造之藝尙未能各關畦運日出新機農工器具土鐵足用製造官局歲購不多綜計用鐵大宗無如路軌鄂廠采煉本專爲杜中國鐵路極大漏卮而設比將廠造貝色麻鋼軌寄交督辦津蘆鐵路胡

燭茶督飭洋人施德林分驗據稱炭錳停勻燐硫分數最少出產本佳提煉加淨鋼質益純施之抵壓牽扭諸器無往不宜是路軌船械種種合用驗有明徵中國苦心孤詣煉成鋼鐵不異洋產萬一各省辦事人員以意見爲好惡仍舍其自有而求諸外人則自強之本意既大相刺謬廠商之力量亦必不能支此次華商承辦鐵廠臣與盛宣懷堅明要約以蘆漢路軌必歸鄂廠定造爲斷并懇天恩飭下南北洋大臣直省各督撫嗣後凡有官辦鋼鐵料件一律向鄂廠定購不得再購外洋之物蓋鐵務爲將來之大利而目前數年內承辦商人必

張文襄公全集

卷四十四

奏議四十四

六

先墊不貲之鉅本必使商局有可恃之銷路方能招集眾股籌墊鉅款以待鐵利之興至中國創開鐵廠專爲保守自有利權起見然非輕其成本不能與外洋鋼鐵爭衡故外洋於自產鋼鐵運銷無不免稅以杜他國鋼鐵進口分奪本國之利查中國仿照西法煉成各種鋼鐵料件運售各口爲從前關稅之所無至商廠需用煤斤係爲多煉鋼鐵出售逐漸收回官本所有湖北鐵廠自造鋼軌及所出各種鋼鐵料並在本省外省自開煤鑛爲本廠煉鐵煉鋼之用該廠中有官本鉅款與他項商業不同應請酌照廣西絲綢煙臺果酒江西洋式瓷

器免抽稅釐數年成案量為從優仰懇天恩敕部免稅十年屆時察看本廠如有優利足可抵制洋鐵再行徵稅總之西法於利國利民之商務國家必力為保護使本國商人得自主其權利臣深惟斯義不敢不豫陳於聖主之前仍當督飭該廠考求采煉精益求精以給天下之用而挽外溢之利斯區區謀國之微忱所不敢不勉者也奉

硃批戶部速議具奏單併發欽此

謹將商局承辦湖北鐵廠酌議章程恭呈御覽

計開

張文襄公全集 卷四十四 奏議四十四 七

一湖北鐵廠遵奉諭旨招商承辦現蒙飭委招集商股官督商辦自應遵照原奏官局用款及各項欠款截至商局承接之日為止以前用款及各項欠款均歸官局清理報銷以後收支各款均歸商局籌辦以清界限
一漢陽鐵廠大冶鐵礦錳礦興國錳礦李士墩馬鞍山煤礦以及廠內廠外凡關涉鐵廠之鐵山煤礦煉鋼煉鐵製造修理燒焦各爐座各機器輪車路挂綫路運道馬路輪船各船房屋地基以及存積在廠之鋼鐵煤炭材料什物各項皆係官局成本均於承接之日由官局交付商局逐項接收造冊呈報即以交付實在各項為

接收官局成本根據俾各商咸知官局成本數目有所考核

一鐵廠既歸商辦自應招集商股以固根本惟目前承接之始諸事尙無把握華商欲速見小未免觀望現擬先招商股銀一百萬兩仍以一百兩為一股自入本之日起第一年至第四年按年提息八釐第五年起提息一分此為本廠老商必須永遠格外優待辦無成效額息必不短欠辦有成效餘利加倍多派嗣後氣局豐盛股票增價其時推廣加股必先儘老商承認有舊票呈驗方准其納入新股以示鼓勵舊商而杜新商趨巧之

張文襄公全集 卷四十四 奏議四十四 八

一官局截至商局接辦日止所有用款欠款據官局摺開約計總數五百數十萬兩其尾數確數若干俟截清後再行知照商局另由官局撥付商局備還官局已定機器及耶松購物各欠款銀十五萬兩非常之局創辦之費本難逆料內有試開各處煙煤礦中止停廢以及試辦鐵廠七年常年經費積少成多皆如船政及津滬各製造廠所用之款無可交代者也今蒙湖廣總督體念華商氣餒力薄鐵廠事艱任鉅商辦之後籌措支撐已屬萬分竭蹶深恐難於接濟至以前官局用款欠款

商力急切難籌惟有寬其歲時免權子母收得一分補償一分參酌商情局勢總以籌銷鋼軌爲補救要計擬自路局購辦鋼軌之日爲始所出生鐵售出每噸提銀一兩按年核計共出生鐵若干共應提銀若干彙數呈繳以還官局用本其煤與熟鐵鋼件應免再提俟官用還清之後每噸仍提捐銀一兩以伸報効地稅均納在內並無另外捐款

一官局用款已定煉出生鐵每噸提銀一兩陸續歸繳如果鐵廠鐵路一氣呵成所用鋼軌各料悉歸鄂廠購辦毫無隔閡則出鐵每噸提銀一兩自有把握屆時擬

張文襄公全集

卷四十四 奏議四十四

九

請札飭路局鐵廠在於預付軌價之內分作兩次先行提銀一百萬兩儘先歸還急需之官本此一百萬兩即在造軌之後應提每噸銀一兩內扣抵俟預付銀一百萬兩扣清之後每噸一兩再行按年彙繳如路軌不能一氣則鐵廠危殆可立而待每噸一兩既不能提自無所謂預付矣

一鐵廠必須寬籌銷路中國現尙不能成鐵艦不慣用鐵屋不知造機器民間農具農器土鐵足敷所用銷鐵之處無多從前立廠本意專爲造軌製械而設本省槍礮廠各省製造廠所需鋼鐵自應悉向鄂廠定購然亦

每年所用無多現今議造各省鐵路所需鋼軌及應用鋼鐵料件係屬大宗擬請奏明無論官辦商辦必要專向湖北鐵廠隨時定購約計兩爐出鐵每日夜可煉成鋼軌三四華里每年約可成軌千里所製之軌與外洋頂好之軌相同可派鐵路洋員試驗壓力自有定評此爲塞漏卮興鐵廠第一要端司鐵路者當無不公忠體國悉用鄂廠鋼鐵雖造路數萬里除雇用洋匠辛工外所費皆在國中藉使鄂廠立定脚不歇手創辦之用款數百萬可期逐漸有著何樂不爲惟目前遠運焦炭多用洋匠恐鋼價比較外洋每噸略貴數兩當爲存記將

張文襄公全集

卷四十四 奏議四十四

十

來長江續開煤礦大冶添設化鐵爐華匠習練可用鋼價必能比較外洋更賤自當如數補還路局掣長補短通籌合算總不使中國軌價昂於外國萬一路局秦越視鐵廠則必大開漏卮華鐵銷路阻塞難支持與設鐵廠之本意相背關係國計甚大商人無力挽回應請准其停工發還商本或仍歸官辦或即奏請停止官款亦即停繳以免賠累

一大冶鐵礦各種鋼鐵可煉取之不竭所惜馬鞍山煤礦直眉不能多取礦重不合化煉必須派礦師在長江一帶另尋上等煤礦俾與鐵廠相爲配合鄂廠利鈍之

源在此一著應請奏明如湖北本省無相宜之煤礦准在湖南江西安徽江蘇四省沿江沿河之處隨時稟明派員勘尋開采以成利國利民之大政

一中國費鉅款開鐵廠專為保守自有利權起見然欲與外洋鋼鐵爭衡非輕成本不能抵制故歐洲於自產鋼鐵運銷無不免稅以杜他國鋼鐵進口分奪本國之利所有湖北鐵廠自造鋼軌及所出各種鋼鐵料並在本省或外省自開煤礦為本廠煉鐵煉鋼之用應請奏明免稅十年屆時察看本廠如有優利足可抵制洋鐵再行徵稅

張文襄公全集

卷四十四 奏議四十四

十一

一鐵廠目前支持局面必須將化鐵爐兩座齊開添購各項機器將來推廣必須另開大煤礦一處並就大冶添造生鐵爐數座方能大舉保本獲利否則萬無轉圜之法現在公款難籌自應續招商股二三百萬兩如一時商股不及應請准由商局不拘華商洋商隨時息借以應急需即以鐵廠作保商借商還庶可及早推廣商本不致斷缺而以前官本亦不致毫無著落

一鐵廠奉委商辦之後用人理財籌畫布置機爐應否添設款項如何籌措委員司事華洋工匠人等如何撤留及應辦一切事宜悉照輪船電報各公司章程遵照

湖廣總督札飭均由督辦一手經理酌量妥辦但隨時擇要稟報湖廣總督查考

一漢陽總廠擬派總辦一員聯絡上下官商之情稽查華洋員匠之弊並派總董三員一司銀錢一司製造一司收發其餘各執事均擇要選派大冶鐵礦馬鞍山煤礦各派一員一董互相鈐制悉除官場習氣皆須切實保人其緊要之缺派定後仍隨時詳報三年後如有成效應請准照漠河金礦之例分別異常尋常勞績擇尤酌保數員以示鼓勵如有查出重咎有職者詳參降革無職者送官懲治庶幾賞罰惟明

張文襄公全集

卷四十四 奏議四十四

十一

一鐵廠收支銀錢采煉鋼鐵出售貨物查照輪船商局章程按月由駐局總辦將清帳送與督辦查核按年由督辦復核轉送湖廣總督查核並刊刻詳細帳略布告廠商准有股各商隨時到局稽查察看

一督辦應由有股眾商公舉湖廣總督奏派總辦及委員應由督辦稟派辦事商董查帳商董應由眾商公舉司事應由總辦及駐局商董公舉庶幾相聯指臂互為句稽所有情薦恐致亂羣應如西例概不收用並無乾脩挂名以昭核實

一漢陽鐵廠濱臨襄河隄工實為全局保障且有槍礮

廠在內關係官民休戚甚重所有大修經費請歸善後局開支礮廠鐵廠近在咫尺如果目覩險工當隨時稟報卽由善後局派員修理所有隄外地基租稅仍應歸公備作襄隄歲修款其不敷之費由鐵廠七成礮廠三成開支總期大局無虞

一漢陽大冶及馬鞍山三處廠局向派營勇駐劄彈壓嗣後應仍請照章辦理由鐵路酌給賞犒並請通飭有鑛各州縣營汛照常保護洋鑛師所到之處必須地方官盡力保護以免滋生事端商局接辦以後遇有關涉地方事件遵札咨會鐵政局司道知照以便量爲協助

張文襄公全集

卷四十四 奏議四十四

三

一鐵廠歸商承辦萬一遇有兵革水火災異之事機爐一切無法搬移應照西例各聽天命無從保險

二十二年五月十六日

竊臣之洞前在兩江總督任內奏明將護軍前營調來湖北教習洋操以開風氣應給餉項由鄂省裁營抵支奉旨允准欽遵在案本年正月回任後與臣繼洵熟商卽將該護軍營練熟勇丁分爲前後兩營募勇添足兩營額數以便轉相傳習遴委游擊銜儘先補用都司張彪充前營管帶官世襲一等輕車都尉四川補用參將

張文襄公全集

卷四十四 奏議四十四

古

岳嗣儀充後營管帶官督率操練並派德國駐京公使薦來之德將貝倫司多爾夫充當該兩營總教習選募津粵武備學生充當分教習專肄西法馬步礮各隊陣式技藝槍礮藥彈裝卸運用機器理法營壘橋道測量繪圖事宜該兩營月餉卽裁湖北原有之武防旂武剛右旂鎮南前旂三旂餉項抵支至所裁三旂前已奏明在案臣等竊維鄂省地據上游值此時事孔亟從前綠營勇營積習已深驟難振作計惟改練洋操方足以開風氣而漸成勁旅惟餉項難籌一時未便遽練多營只得就現在餉力所及先練兩營並工程隊一哨徐圖擴充查洋操餉項以江南自強新軍爲最優鄂省未易倣行惟直隸提督聶士成新練之武毅軍三十營采用淮軍舊制改練洋操餉章視江南爲省尙可斟酌倣照變通辦理查武毅軍共三十營步軍營制每營管帶官五員勇丁五百名長夫一百八十名月支薪餉銀二千八百九十二兩二錢外加柴草銀一百六十兩車駝運載等項銀一百兩而三十營隨軍辦理文件巡查等項共月需銀一千八百兩每營應攤銀六十兩總計薪餉各項步隊每營每月共攤支銀三千二百一十二兩二錢又直隸督臣原奏聲明用西法操練如有變通增添款

項隨時奏咨則斷非三千二百餘兩之數所能包括淨盡鄂省現做德國軍制開練洋操每哨須加多副哨官一員又須設排長以總司口令設槍匠以修理槍械兵丁衣履須歸一律以肅軍容朝夕操練又須遣出登山涉水所需衣袴操鞞自較尋常多費而勇數不准一名缺額勇丁又不准經日不操自不能不曲加體恤向章營哨官薪費不多每借長夫餉項通融津貼衣履須兵丁自備每致參差藍纒殊於軍容有礙現在整頓軍制事事均須核實款項又未便多支再四思維惟有將長夫一項暫行節省夫餉即移添官弁薪費及添設副哨

張文襄公全集

卷四十四 奏議四十四

五

排長槍匠鼓號手並官弁兵丁衣袴之用至工程隊一項查外洋軍制凡造橋修路築壘等事概由工程隊任役又須槍法陣法無不通曉此項工程隊兵兼有步隊之長宜與正兵同重今酌設工程隊百人為一哨即由前營營官兼管毋庸另設營官其木鐵磚石編籬結繩各匠首比照礮隊之礮目馬步隊之副排長餘與他哨相同官弁衣袴亦由官製另加刀斧鋤各器具計前營步隊三哨礮隊二哨月支薪餉衣袴等項銀二千九百四十八兩後營步隊三哨馬隊二哨月支薪餉衣袴喂養銀二千八百九十四兩八錢又工程隊一哨月支

銀五百八十一兩六錢統計兩營一哨每月共支銀六千四百二十四兩四錢較之武毅步軍兩營餉數適相符合毫無出入以上餉項均自本年二月初一日起支至華洋教習薪資不在前項餉內亦與武毅軍同此後如有應行變通舊制必須增添款項之處仍做照武毅軍奏案隨時奏咨飭據善後局司道籌議具詳前來臣等覆加查核所裁武防三旗共計一千八十人而護軍馬步礮兩營工程隊一哨計弁勇一千人馬一百餘匹人數大略相等惟因改練洋操朝夕操練無間寒暑較尋常防營為最勞而官弁人等督率教練暨工匠修整

張文襄公全集

卷四十四 奏議四十四

六

槍礮各有專責其人數不得不酌量加增且弁勇操練跋涉衣袴操鞞較費均須分季由官製給非僅如防營於成軍時給予號衣一次而已故必加給薪餉方足勵其廉勤茲仿照直隸武毅軍新練洋操餉章參用德國軍制詳加酌核不惟勇額無一名短缺此次章程所擬各項涓滴均歸實用不貽防營陋習所有加派副營官副哨官排長槍匠每月約需薪餉銀四百餘兩又由官製給兩營一哨弁勇衣袴操鞞每月攤銀四百兩皆係必不可少之需即係就武毅軍奏定長夫口糧委員薪水柴草運載各項內摺節變通改為以上各款並不另

行開支以期餉不加增而可多收實效總之此兩營一哨餉章其間開支名目雖與武毅軍微有異同而支餉之數正與武毅軍步隊兩營相符不使稍有出入至鄂省所裁三旂餉項抵支微有不敷當於別項撙節湊足殊批著督辦軍務王大臣議奏欽此

繪刻承華事略補圖告成恭進摺光緒二十二年七月初三日

竊臣於光緒二十一年十月二十六日在署兩江總督任內接准南書房公函欽奉發下御筆題籤內府鈔本承華事略一本又南書房奏蒙欽定提要一篇凡例一篇圖說一分原進表一道并傳面奉諭旨著即由南書

張文襄公全集

卷四十四 奏議四十四

七

房詳具公函發交兩江總督張之洞付蘇州書局照說畫刻并提要刻入俟刻成時仍解交南書房欽此臣謹案元王暉承華事略凡二十篇三十九圖始於廣孝終於審官其著書緣起雖為豫教而設然所舉諸大端胥關至德要道千古帝王治平之要實不外乎此其標目較焦竑養正圖解為典要其立說視張居正帝鑑圖說為雅馴特是寫本雖存原圖久佚今蒙敕發補圖刊印釐為六卷以還舊觀增入一圖以協成數仰見我皇上稟承懿訓尊養承歡以孝治為本原以典學為急務於稽古右文之盛舉見問安視膳之肫誠至其餘十九

篇備陳主德治道之要無一不仰契宸衷故但求其迹則類乎保傅之篇而善取其義則無異帝範之作昔唐太宗謂考古事之得失如以銅而為鑑宋蘇軾謂覽前賢之奏議如和藥以成方即茲法戒之昭垂仰見緝熙之日懋祗承之下欽頌莫名臣當即欽遵發下式樣次序派委湖北試用知縣寶豐恭領原書就近在江甯書局敬謹督工繪刊以便臣隨時督察審定一面選訂蘇州上海等處善畫之士照說繪圖每一圖為之疏解大意考究歷代衣冠器物制度審度事情配合景物酌定章法惟圖式皆甚古雅精細時工殊難措手必須十餘

張文襄公全集

卷四十四 奏議四十四

六

日方能成一圖每定一圖又必須數易其稿詳慎將事不敢稍涉疎率臣本年春初奉旨回湖廣本任各畫士皆蘇滬之人不願赴鄂而繪刻諸事又需人照料因查在籍翰林院編修費念慈學問淹雅考古功深并能精通畫理該編修現居蘇州當令委員帶同畫士赴蘇州書局接續辦理函託費念慈就近督催考訂所有圖樣隨時函商酌定期於盡善至刻圖之工較刻字為難疊在廣東蘇州揚州上海湖北選募數十人擇其目力手法尤佳者僅得數人一人之工須二十餘日方能刻成一圖經費念慈悉心校勘隨時指授訂正稍有出入即

令改畫改刊種種周折以致多需時日未能迅速蒞事
惶悚實深茲幸各工一律告竣恭校刷印裝訂成冊計
木刻二百部又以石印精細另印二百部以備一格合
共四百部并內府鈔本原書一併恭繳其南書房發出
提要凡例圖說進表原件暨此次刊刻版片亦即隨同
繳還備查飭委原派督工委員湖北試用知縣寶豐賈
送南書房恭呈御覽在王惲原書以叢殘遺帙得蒙
聖上表章補繪刊布昭垂實為榮幸而此編常供乙覽
其古雅莊嚴有裨治道較之禮壁武梁之畫象幽風無
逸之成圖洵足媲美於千古矣

張文襄公全集 卷四十四 奏議四十四 九

蘆漢鐵路商辦難成另籌辦法摺 光緒二十二年七月二十五日

竊臣等承准軍機大臣字寄光緒二十二年三月十二
日奉上諭督辦軍務王大臣奏遵議司業瑞洵奏蘆漢
鐵路商辦難成請撥款官辦一摺蘆漢鐵路前經明降
諭旨各省富商如有集股在千萬兩以上者准其設立
公司自行興辦茲據該王大臣奏稱官辦不如商辦上
年十月間奉旨後即有廣東在籍道員許應鏘來京具
呈集資承辦當經飭回粵勸募現據該員電稱股已
集至七百萬兩五月初間即可到京又有廣東商人方
培珪等並候補知府劉鶚監生呂慶麟均稱集有股分

千萬先後具呈各願承辦請派大員督理等語蘆漢鐵
路關係重要提款官辦萬不能行惟有商人承辦官為
督率以冀速成王文韶張之洞均係本轄之境即著責
成該督等會同辦理道員許應鏘等分辦地段准其自
行承認毋稍掣肘並著該督等詳加體察不得有洋商
入股為要原摺均著鈔給閱看將此由四百里各諭令
知之欽此仰見聖人聯薄海之商情宏大同之車軌臣
等轄治之境皆居幹路之端敢不欽奉宸謨急成先務
伏惟鐵路之設有形之利在商無形之利在國有限之
利在路商無限之利在四民運費棧租此有形有限之

張文襄公全集 卷四十四 奏議四十四 三

利也徵兵轉餉通商惠工暢土貨出礦產增課稅省差
徭廣學識開風氣速政令去壅蔽此無形無限之利也
故西人之視國勢編政表者每比較鐵路之長短以衡
論國計民生之盛衰日本東瀛島國明治維新之後甫
閱五年即作自東京至橫濱鐵道中國與泰西立約通
商先於日本十年而鐵路利弊訟紛紜蘆漢之議雖
自臣之洞創之實由朝廷主之嗣以事局變遷未能興
舉比年東方用兵徵調徧於天下水陸兼程赴機常綏
齎運費繁智盡能索中外士大夫於是始憾興造鐵路
之遲矣此項鐵路論旨以官督商辦為指歸以不入洋

股爲要義我 皇上察於庶物實已洞屬幾先歷觀各國商辦鐵路有盡屬本國商股者有兼收各國股分者要皆本國人自爲主持中國口岸洋股公司如匯豐等行雖有華股在內權利皆洋人主持華人不能不俯首聽命鐵路利便首重徵饋若專恃洋股一旦有事儻於轉運兵械等事藉口刁難是自强者不轉以自困乎所有先後在京具呈集資承辦之四人遵旨會同詳加體察呂慶麟劉鶚及方培堃之商夥方需咸侯承裕俱已到津鄂見過呂慶麟自言係洋股方需咸呈驗天津麥加利銀行憑單並無洋人簽名當飭津海關道李岷琛

張文襄公全集

卷四十四

奏議四十四

三

親往確查據麥加利行主森順面稱方需咸等並無存款查方呂兩商均倚英商韋立森爲財東韋立森又轉託麥加利代承該行主見事難含糊故吐其實劉鶚呈驗履祥洋行憑單亦無洋人簽名當經電飭上海道黃祖絡查詢該洋行並不股實卽洋股亦不可靠惟道員許應鏘呈請最先四月間接兩廣督臣譚鍾麟覆電稱催據許應鏘稟稱已在南洋商埠集股七百餘萬俟招足千萬卽赴津鄂等語屢次電催稱病未至臣等會同電詢外洋六月初三日接新嘉坡總領事張振勳電稱舊金山未悉南洋並無招股事等語又接出使美國大

臣楊儒電稱據金山領事電覆二月間美人來埠由華到金自稱許應鏘辦蘆漢鐵路代招洋股每股百兩查在金華商並未入股等語本月中旬又經電粵催詢仍復推展杳無一準行期是四人者其行徑不必盡同而全恃洋股爲承辦張本則無不同分地承辦各節均可毋庸置議總之華商不出於商學其趨利也近則明遠則闇其謀事也私則明公則闇如招商電報等局倡辦招股之時應者甚少迨獲利有效則爭購股票趨之若鶩今鐵路未經開辦欲集數千萬之鉅股華人故見自封識力均不足以及此明詔之頌久矣僅得此影射洋

張文襄公全集

卷四十四

奏議四十四

三

股者三四人亦可見華商之情狀而茲事之觀成蓋未日也夫鐵路爲富強第一要義盡人而知矣強鄰環伺事變日亟就使自今日始急起圖成尙虞不及若復因循推宕必將貽噬臍之悔然則幹路必不可緩洋股必不可恃華股必不能足其事愈急其術愈窮臣等奉命數月正在爲難六月十六日接准總理衙門銑電稱蘆漢鐵路以集華股歸商辦爲主前此具呈集股之人均不可靠直鄂會商必另有辦法及早具奏等語臣等惟西國商政凡商務之有利於國家者國家必出全力以助之商利愈厚而國勢亦以愈強稽覽洋籍各國商

民創建鐵路政府常給以官地助以官金或借給經費而免收其利息或經營利微而籌補其缺少惟其工於謀國故能宏此遠猷臣等博采周諮或謂鐵路未成之先華商斷無數千萬之鉅股惟有暫借洋債造路陸續招股分還洋債之一策集事較易流弊較少蓋洋債與洋股迥不相同路歸洋股則路權倒持於彼款歸借債則路權仍屬於我咄嗟立辦可以刻期成功故曰集事易路款劃分可以事權不移故曰流弊少且中國所借洋債向指關稅作抵若華商自向西商移借必指鐵路應入之款作抵所訂合同條款亦須國家核准故論者

張文襄公全集

卷四十四

奏議四十四

三

謂商借不如官借之直捷款由官借路由官造使鐵路之利全歸於官策之上也仰惟朝廷之意自以中國官商未能合轍鐵路事係商務而欲責成於華商願華商見小欲速勢散力微且商情百變不齊商務計及織悉若僅臨之以疆吏就使虛心延接相與講求斷無此專精工夫勢必動形隔膜臣等折衷羣議綜其大要當以專設大員官督商辦並准由公司一面招股一面借款爲入手第一義竊思此事重要宏大尤賴得人而理方能與臣等同心協力堅忍圖成查直隸津海關道盛宣懷來鄂籌商承辦鐵路之時正值奉到寄諭令臣等考

核鐵路商人之際臣等因該四商情詞虛浮知其斷難成議當經臣文韶與臣之洞往復電商就近詢問該員蘆漢鐵路有何辦法即能刻日興工該員指陳利弊窮原竟委反覆籌計井井有條查該員才力恢張謀慮精密博通洋務深悉商情甚有合於劉晏用人所謂通敏之才中國向來風氣官不習商業商不曉官法即或有勤於官通於商者又多不諳洋務惟該員能兼三長且招商電報各局著有成效今欲招商承辦鐵路似惟有該員堪以勝任然總理此事之員非稍假事權得所藉手不足以號召羣情應請特旨准設蘆漢鐵路招商公

張文襄公全集

卷四十四

奏議四十四

三

司先派盛宣懷爲總理使天下皆知事在必成以一視聽而便設施據該員稱蘆漢一路貫通鄂豫直三省專重拱衛而略於東南財賦之區於商務利益較薄若專指此路別開繁富近便之地不入公司恐東南各省紳商必以本鉅利微不願入股則招股更難惟有合南北鐵路爲一局庶可萃四方之商力而注之一隅蘆漢爲正幹自應盡力先造分路開工不容稍緩至現已奏定擬造之蘇甯鐵路似毋庸另立公司致礙蘆漢招股應請准其歸併一公司由蘆漢公司兼辦先由吳淞造至上海由上海造至蘇州其蘇州至江甯一路並准由該

公司接續兼行承造庶可挹彼注茲集股較易此以推廣為招徠之法也商人眼界其事之不能速成則必徘徊不進蘆漢需款三四千萬閱四年而後完工再逾三五年而後獲利華商獨善其身莫肯舍近圖遠儻必待招徠股本而後開辦直無開辦之期矣惟有先籌借墊使人人知路工必可剋期造成收利確有把握其股分或可自至得一萬股本即還一萬墊款如招商局昔年會以產業抵借怡和匯豐各洋行之款商借商還毫無流弊此以借墊為招徠之法也既歸公司承辦必須選派公正殷實商總接鐵路所需總數將商股招足但只

張文襄公全集 卷四十四 奏議四十四 五

先收現銀二成如股票以百兩為一股先收二十兩有商人有商股始成公司迨公司既成商股不足自可由公司設法借款商借商還如借款八成分作三十年按還每年按股僅須出銀數兩輕而易舉此收商股還本之法也鐵路所收之費除支常年經費以其餘抵還債息除還本息經費以外如餘利豐厚再行酌議報效此收路費繳利之法也又查有新嘉坡總領事候選知府張振勳素與南洋各商相習現經該員稟請由臣等電商出使大臣龔照瑗札調回華應由盛宣懷與之商酌招股事宜臣等詳核該員所擬辦法揣情量力周折騰

展而終歸於有成合南北之路以資啟動藉國家之力以為主持官商相維而終歸於可行工費年限數目以及商股如何招借款如何還悉皆明白洞達切實有著惟該員以二十年任事憂讒畏譏前經奏派接辦鐵廠已堅辭再四強而後可現在臣等與之考核鐵路辦法該員尤以力小斷難勝重任籲請另派情詞極為懇切臣等亦知該員向來勇於任事局外不免間有吹求特以此事關係全局得人甚難反覆焦思既別無招鉅商集鉅款之方而該員所擬辦法又實係於國家有益無損之計確知非該員不能勝任自不敢不據實上陳聖

張文襄公全集 卷四十四 奏議四十四 五

明在上自當具有權衡至總理之員雖經派定但此事本以招商為主所有許應鏘劉鶚等果能招集確實華股無論或數萬或數十萬均准附入該公司並准令集款較鉅者得照商務通章隨同管事以收廣益而示公溥其餘應籌之事應定之章經緯萬端派定之後應由該員督率各路紳商逐一詳議妥協再由臣等會同奏明辦理惟籌款辦工緊要關鍵以及一切未盡事宜自應飭令該員迅速入都以便總理衙門垂詢一切總期竭力趨築早觀成效以免萬國之譏議而慰中外之瞻矚大局幸甚臣等幸甚

上諭前據王文韶張之洞會奏蘆漢鐵路另籌辦法請設鐵路招商公司並保盛宣懷督辦一摺當交總理各國事務衙門王大臣查閱旋據奏稱遵旨諮詢盛宣懷據陳一切辦法均確有見地請准設鐵路總公司令盛宣懷督辦從蘆漢辦起蘇滬粵漢亦次第擴充即由公同招商股七百萬兩借洋款二千萬兩商借商還並提撥借款一千萬兩南北洋存款三百萬兩以期官商維繫速成鉅工並稱蘆漢既為幹路非雙軌不足為各路之倡等語並將盛宣懷所遞說帖抄錄呈覽昨召見盛宣懷奏對具有條理已責成該員實力舉辦以一事權張文襄公全集 卷四十四 奏議四十四 三

仍著王文韶張之洞督率興作如勘路購地及設棧造橋等事條緒極繁該督等不得因薦舉有人遂爾稍寬責任作事謀始務策萬全著再逐細考校電商妥協盛宣懷開缺以四品京堂候補此後摺件著一體列銜具奏總理衙門原奏及盛宣懷說帖均著抄給閱看將此各諭令知之欽此

請撥已借洋債作鐵路股本片 光緒二十二年七月二十五日 再訪查泰西各國初造幹路多由官辦日本於明治五年先造東京至橫濱鐵路亦係由官籌款蓋鐵路之興輟關繫國家之強弱者大而商民惟利是視可與圖成

難於謀始故各國鐵路無不官創之而商因之即中國創辦招商局之初南北洋先後籌借各省官款二百餘萬兩方能立定根基陸續歸繳即胡燏棻現辦之津蘆鐵路僅招商股四十萬兩仍由戶部北洋籌給銀二百萬兩華商氣散力薄若欲以數千萬之鉅工悉以責之華商臣恐徒曠歲月不易有觀成之日此次督辦軍務處議復司業瑞洵所奏原摺內稱該司業以商辦難成請提借款二千萬元以標準為先路之導未始非率作興事之法但以官辦則浮費倍多度材庀工較輕衡重不如商辦在王大臣鑒於官事之不能精核節省力主張文襄公全集 卷四十四 奏議四十四 三

商辦誠為顛撲不破之至論無如商力斷不能足與其多借洋債仍須國家核准似不如參酌瑞洵所議而變通之准在英德已借洋債之內撥銀一二千萬兩發交公司或暫作官股與商股一律掣存股票收取股息將來風氣大開再以股票並售與商或竟作為借款寬其年限俟商股招定陸續歸還皆為有著之款與他項用去而不能收回者絕不相同夫以官款附入公司仍歸商辦掃除官習一善也使商民皆知國家肯出資本官必出力護持商股可期踴躍二善也如得官助千萬即可少借洋債千萬華本愈重愈好以免洋商多方要挾

三善也官商合股即可官商互相鉤稽公分利益四善也如蒙俞允便可刻日開工不致遲回觀望貽外人因循坐誤之譏臣等更無不慎重公款決不浪擲絲毫並當與公司眾商堅明約束力求核實臣等實爲自強大局不容泄沓起見謹附擬一說以備采擇

鐵廠徵稅商情未便摺

光緒二十二年九月二十三日

竊照本年六月二十二日接准戶部咨議覆湖北鐵廠招商承辦議定章程一摺奏奉諭旨刷印原奏各行遵照等因當經轉行督辦鐵廠正任直隸津海關道盛宣懷遵照辦理在案茲據該道稟稱此案原請煉成各種

張文襄公全集

卷四十四

奏議四十四

元

鋼鐵料件運售當按案免稅十年一節部議以本年五月據總理衙門奏准通行摺內聲稱凡機器製造貨物不論華商洋商統計每值百兩徵銀十兩此後無論運往何處概免稅釐該廠現在招商承辦鐵務卽爲商局自應遵照總理衙門奏案辦理將來各省果能購運暢銷再由該督詳細奏明核辦等因竊維總署奏定值百徵十之案專爲預防洋人在華設廠用機器改造土貨而設夫日製造日改造皆變其本體別成一物之謂也如由蠶繭而織爲絲由絲而織爲綢由棉花而紡爲紗由紗而織爲布是矣若鐵之爲物必以機器造爲輪船

槍礮以機器製爲各種機器始可謂機器製造貨物今采鑛鐵煉生鐵以生鐵煉鋼煉熟鐵本體未改與繅絲紡織等廠名義攸殊鐵廠用過官款數百萬華商承辦後方期陸續收回官本商辦關係尤重中國煉鐵事屬創始一切廠用繁費較多佳煤未得購價尤貴再加十一之稅成本愈重銷滯商乏官本虛懸獲咎無辭何益於事仰懇仍照原請優免稅釐十年或俟官本收清再行照收稅釐以清成本而暢銷路等情稟請具奏前來臣惟部臣以凡用機器事同一律不便於鐵廠獨示優異以杜洋人來華改造土貨引爲藉口之端用意至爲

張文襄公全集

卷四十四

奏議四十四

三

深遠但西法於事物品類辨析名實絕無混同煉鐵則猶是土貨製造則別成一物本判兩門未宜牽合中國采煉鋼鐵爲保守自有利權第一大政內地鐵礦決無與外人公共之理非如蠶繭棉花隨地可買更無慮其藉口鐵廠雖由華商承辦而官款甚鉅將欲次第提收實官本商辦之局盈虛利害公家與商人休戚相同較絲紗各廠之全屬商本者關係尤重部臣謂商務之興必以能自樹立爲主商政機括要言不煩然非暢銷不能自立非輕本不能暢銷中國始創煉鐵購器雇匠悉資外洋比之外洋廠鐵費多本重所恃保華商以抵洋

鐵者全在國家自有減免稅釐之權可以輕成本而廣銷路他日辦理就熟工藝之學日興能自用華匠自製機器則商廠之成本益輕洋鐵之來源自杜國家收自強之利益乃永永無窮部臣以暢銷督責盛宣懷並責成於臣詞嚴義正既已身在其難豈敢復有諉謝惟當艱難辦之時首行徵抽什一之政是重其成本以塞其銷路臣與盛宣懷雖欲展其手足而束縛馳驅力無所施誠外洋鐵廠所聞而稱快華商顛踣可立而待官本無著承其做者豈獨眾商合無仰懇天恩飭下戶部通籌熟計俯念鐵廠與絲紗各廠不同煉鐵與製造貨

張文襄公全集

卷四十四

奏議四十四

三

物有別仍准查照原請優免稅釐十年或俟官本全數收回後再行照章徵稅以維鐵政而保權利大局幸甚微臣幸甚

硃批該衙門議奏欽此

湖南安設電綫摺

光緒二十二年十月二十九日

竊惟電綫之設將數千萬里聯為一氣若一省之內則更無異戶庭於地方戢匪備荒商務盈絀民生利病諸事信息靈通得以早為籌備至於吏治考核軍務指揮可免壅蔽稽延之弊洵為有益無損之要政各省奉旨設立通行已久前因湖南湖北兩省中隔重湖文報往

來遇有風阻動淹旬日設遇地方緊要事件尤虞遲誤於光緒十六年經臣之洞奏明將荆州商局電綫由沙市過江接造至湖南澧州經長沙省城直抵湘潭維時地方風氣未開澧州愚民輕信地痞搖惑以致羣疑電綫為洋人所設遂有毀折電桿情事且時值夏令雨多水漲電桿經過地方多被水淹本難工作當即飭令停工暫緩安設俟以後從容開導一律曉悟再為妥酌辦理奏明在案茲查湘省上年長衡等屬旱災開辦賑撫專人由湖北漢口轉電各省請款協助旬日內外皆即回電協濟款項僅能匯銀至漢而中間湘漢專人往返

張文襄公全集

卷四十四

奏議四十四

三

半月比及銀到已遲月餘現在湘省紳民咸知電綫之便為事勢所必需臣寶箴與臣之洞往返函商意見相同隨飭善後總局司道集紳籌議擬改由自湘通鄂之驛路安設不占民地尤為簡便易行茲定議由長沙省城起歷湘陰臨湘岳州一帶驛路安設至湖北蒲圻縣境計程四百五十餘里飭由各縣選擇正紳於本年秋冬間先將驛路勘明修補完好斷不礙民田廬基沿途士民均知為公私便利之事無不樂從此路工竣再由長沙省城接設湘潭省城紳民既經樂從省外州縣自無扞格據總局暨在事諸紳稟報當經臣寶箴咨請總

理電報事宜候補四品京堂盛宣懷派委委員率領熟諳工匠隨帶應用綫碗尅日至湘會同員紳從省城外迤邐前往安設以達鄂境其由蒲圻縣接續安設至湖北武昌省城再由臣之洞會同湖北撫臣譚繼洵派員勘辦俟勘定後續行具奏
硃批該衙門知道欽此

張文襄公全集卷四十四終

張文襄公全集卷四十四 奏議四十四

三

吳縣周仰公校

張文襄公全集卷四十五

奏議四十五

田家鎮礮臺設立臺官礮勇酌定餉章摺

光緒二十二年
十一月初十日

竊查田家鎮爲湖北省下游門戶光緒二十年秋間籌辦江防之際經臣等會同往勘相度南北岸形勢督飭於北岸馮家山南岸半壁山中路吳王廟二路趕修礮臺安設前後腔各礮派營駐守其時因事出倉猝尙未及詳定章程礮臺工程亦僅略具規模查礮臺爲江防第一要務關係最爲切實大礮理法尤爲精深較之陸路步隊僅練行營槍礮者難易迥乎不侔其測量演練斷非數月所能純熟不惟勇丁嫻此者無多卽將弁中通曉礮法臺式者亦實罕觀必須各臺專設臺官各礮專設礮勇各有專司勤加練習測確長江船路審定礮力礮準彈藥隨時檢點配合如法儲備齊全平日演放純熟既能命中又能迅速臨事方能有用至此項礮弁礮勇責令專管礮務不准派當雜差旣經練成以後永不移動更換卽或統帶營官間有事故撤調斷不准將礮勇帶往任意更補此爲礮臺一定不移之辦法現經詳加酌度二路應分作二臺每一路無論幾臺幾礮統

歸此專臺官管理應設總臺官一員居中調遣專臺官
 三員督率操練總臺官體制責任即如統領專臺官體
 制責任即如營官查有奏調差委記名提督鄧正峯久
 在江南吳淞廣東之長洲各礮臺帶營防守於礮法素
 所講求部下嫻於槍礮之弁勇亦多茲特派委該提督
 為三臺總臺官其專臺官及礮弁由鄧正峯遴選熟諳
 礮法之員稟請考驗委充必須能親自下手施放者方
 准委以此任三臺共募礮勇護臺槍勇及水雷勇共五
 百名督飭認真操練以後著為定章不得移調他處臺
 官不准無故將礮弁礮勇更換募補礮弁礮勇不准隨
 張文襄公全集 卷四十五 奏議四十五

臺官為去留其各臺尚須依法妥為修造務須一律完
 備堅固如式應隨時酌籌款項量力陸續興修以鞏江
 防而收實效統計三臺分設大礮十尊每尊設礮弁一
 員頭等礮勇四名二等礮勇八名共計礮弁十員礮勇
 一百二十名中礮十尊每尊設一等礮勇二名二等礮
 勇四名共計礮勇六十名共設礮弁三名護臺次礮三
 十尊每尊設三等礮勇一名共計礮勇六十名共設礮
 弁三名三臺各設護臺槍勇八十名共二百四十名內
 計槍勇什長二十四名槍勇二百十六名各設槍勇哨
 官一員三臺各設礮教習一員機器匠一名水雷與礮

臺相輔而行另設操練水雷測量水勢專勇二十名內
 計水雷什長二名總計三臺官弁教習機匠並槍礮水
 雷三項丁勇五百名照章共應設長夫五十名惟礮弁
 礮勇技藝較精遴選較難其餉應較陸營步隊酌加方
 有實濟每月應支餉銀二千九百七十九兩六錢即以
 此次新裁各營餉項抵支謹合詞具陳伏祈聖鑒
 硃批該部知道欽此

請展閱營伍期限摺 光緒二十二年十二月初九日

竊照前准部咨欽奉上諭本年輪應查閱湖北湖南雲
 南貴州四省營伍之期湖北即派張之洞湖南即派陳
 張文襄公全集 卷四十五 奏議四十五

寶箴雲南即派崧蕃貴州即派崑崙認真查閱各省營
 伍關係緊要國家養兵歲糜鉅帑不知凡幾原以備禦
 侮折衝之用近來各督撫往往視為具文並不認真校
 閱以致武備日形廢弛殊屬有負委任茲特再行申諭
 各該督撫務當逐一簡校如有技藝生疏老弱充數及
 軍實不齊等弊即將該管將弁據實嚴參毋得稍涉瞻
 徇欽此伏思簡閱營伍乃自強之要圖本應加意整頓
 且現奉嚴旨切戒視為具文之弊尤應慎遵認真講求
 務求實際斷不敢以循例出省一行覆奏塞責查今日
 整飭武備之道重在勇營次則練軍此項練軍湖北向

謂之操防營緣勇營習氣較淺練軍餉銀較厚若力加整頓尙可冀其有用至綠營未曾加餉挑練之兵既因饑疲困苦多兼工賈營生又以分汛零星不能團紮訓練故整飭殊爲不易將來尙須另籌長策奏明辦理本年臣回鄂後奏明於湖北設立洋操隊護軍兩營並於秋冬之間將榆關甘省遣撤回鄂各征軍挑選留用原有各防營分別裁併汰弱存強田家鎮礮臺專設臺官礮勇創擬章程奏明在案當經切飭各統帶營官講求操練屏棄飾觀之故套另立簡易之新章惟除洋操護軍兩營操練已熟外其餘均係裁併移調到防未久移

張文襄公全集

卷四十五

奏議四十五

四

營築壘多未竣工操練之日尙淺至今日軍械專以槍礮爲切用臨陣優絀祇在爭此一端其刀矛弓箭均非制勝之具查湖北各綠營向來祇有土槍在今日幾同棄物操防練軍亦只係前膛洋槍因鄂省精械素少各營大率不過發給後膛槍數十枝以資弁目操練臣前由粵帶來後膛快槍二千枝又在鄂採購後膛槍數百枝軍裝局原存亦有後膛槍數百枝曾經酌發防練各營操練打靶嗣以東洋有事鄂省奉調北征諸軍甚多過境者亦復不少需用孔亟當將各槍儘數解供北上各軍尙苦不足並將已發各營者收回湊用從此鄂省

軍械蒐羅一空並前膛洋槍亦罕有存者此時若循例校閱無論綠營勇營皆不過以舊槍刀矛老年陣式敷衍了事於戰守之實用毫無裨益上年兼護督臣譚繼洵訂購前膛洋槍數千枝今年八月始到臣奏明在江南所撥小口徑快槍數千枝查點槍彈因來華以後尙未開用不免間有鏽澀現正派員督匠逐件檢閱細加擦拭且其槍機簧極精藥彈甚貴各營初學快槍未能諳曉理法易致損壞只可酌發爲打靶之用漢陽槍礮廠因洋匠未到工作未熟現止造成一千餘枝分發各營不敷尙多當經函商南洋大臣劉坤一借撥購存最

張文襄公全集

卷四十五

奏議四十五

五

多之毛瑟十響快槍二千枝不日即可運到到日當分發省內外各勇營及練軍營責成官弁兵勇一體上緊學習操練查閱時專以此爲將弁考成俟漢陽廠自製快槍漸多卽當陸續發領換回異式各槍合湖北通省勇營練軍均歸一律並將快槍理法功用繪圖譯說刊發各軍令其考求解悟惟初學演練快槍必須數月後始能大致嫻習屆時再加考校庶有實際再本年秋季湖北江漢並漲加以霖潦爲災沿江之宜昌荊州漢陽沿漢之安陸荊門各府州所屬隄垸漫潰甚多災區甚廣小民蕩析流離極形困苦災象較去年爲尤重辦

理賑撫籌修隄防諸事均形緊迫工鉅民窮費多款艱難萬狀地方官吏奔命不遑而出省閱伍適在此數府州之境調操弁兵既多勞費文武官吏不免紛紜亦有未便擬請待至明年夏間災象稍紓彼時各營操練新槍漸有規模臣當再行出省將武漢及省外各處勇營綠營次第簡閱認真考核分別賞罰以昭激勸查練兵是臣專責現爲此事日夕籌思與各將領娓娓講求設法激勵變其油滑虛糜之心思破其拘執懶惰不肯變通之妄論省其有妨操練之雜差總期力除舊習有神實用以仰副 聖主振軍經武實事求是之至意

張文襄公全集

卷四十五 奏議四十五

六

硃批著照所請兵部知道欽此

籌設鑄錢局摺

光緒二十三年正月十二日

竊照近年以來制錢缺乏市價日增湖北寶武局自光緒十三年奏明鼓鑄一年以後旋即停止錢無來源又兼鄰近各省錢價俱貴紛紛禁錢出境彼此不能流通以致商民益形艱困查湖北爲長江中樞南北結轂之地商賈走集利在流通斷不能如他省之閉關嚴禁自顧一隅且丁漕釐課等項官民需錢爲最多非廣鑄制錢不能濟用亟應開局鼓鑄用資補救並可補助銀元疊經多方考查核舊案並用土法試鑄錢式既屬粗

劣虧折又復甚鉅合計舊案動支內銷外銷各款虧折約係二成且彼時銅鉛之價尙平洋銅每百斤僅銀十二兩零洋白鉛每百斤僅銀五兩數錢前年冬間可鑄錢之洋銅長至二十兩數錢目前長至二十一兩以外白鉛價長至七兩內外若用土法虧賠必過二成萬難舉辦大率土法銅色可較低銅劑可較少而人工太費斷不能如機器所鑄之工精用省且土鑄積弊樣錢式尙可觀實在流行民間者不免粗惡是以先行籌款購運銅鉛咨解廣東錢局附鑄援照上年六月戶部議覆兩江督臣劉坤一奏請每錢一文重七分奉旨允准成

張文襄公全集

卷四十五 奏議四十五

七

案鄂省附鑄之錢亦以每文七分爲率鑄成分批解鄂惟粵局附鑄者不止一省每日所出之錢勻攤分解鄂省所得無多仍不足以濟民用且由滬局購運銅鉛赴粵復由粵鑄錢裝運回鄂往返運費不免折耗自不若湖北購機自鑄較爲相宜雖目前機廠所費較多第此後一勞永逸源源鼓鑄銀元銅錢子母相權輕重相劑其益無窮臣等督同司道詳加籌畫摺節變通之法因查臣繼洵前於兼護督臣任內曾奏明由外籌款購備製造後膛擡槍劈山礮機器現因機器尙未全備添購所需尙鉅此項槍礮擬暫緩造可移作鑄錢之用其應

添配各件擬令槍礮廠鐵廠先行墊款代造精大者始向外洋購買零星者向上海洋廠就近添補庶幾費不鉅而事可集飭據熟諳機器之員估計應用各項機器應配爐座料件並即在武昌省城鐵政局西偏餘地舊日寶武局基址建造鑄銅錢局所有需用機器各項飭委湖北候補知縣張清干總黃福華前赴上海詳細訪查考究茲據張清黃福華稟稱在滬逐件講求英德造錢機器均不及美國新機之速現在茂生洋行向美國漢立克納浦廠定購春餅機壓字機剪牀搖光笛及供此各項之馬力汽機刻字鋼模以上各件價值連運保

張文襄公全集

卷四十五

奏議四十五

八

費共銀三萬二千三百六十餘兩限六箇月到鄂又需用大小車牀抽水機鎔銅罐由上海洋廠製造價銀一千七百兩此外尚需鍋爐及供軛片等項之馬力汽機及各廠車軸架輪皮帶等件即在前次購存製造後膛擡槍劈山礮機器內移用至壓鋼模機銀元局尙有存者其軛銅片之熱軛冷軛烘牀鐵水櫃鑄銅生鐵槽並架等項由槍礮廠墊款製造其儲水池並水管各爐鐵料由鐵廠代造暫時尙可不需現款應俟錢局造成以後從容算明籌還此項配造機器每日可出錢四百串覆核價值與江南四川等省所購者比較尙屬相宜當

經飭付定銀向外洋趕造又估計修造廠屋爐座機墊煙囪一切等項工料約需銀一萬六千餘兩合計購機造廠價值工費等項除其中機器有就存件移用及由槍礮廠鐵廠墊款代造暫可不計外約共需現銀五萬餘兩查從前寶武局停鑄成本鹽道庫尙存有銀一萬五千九百六十餘兩錢五千四百八十四串零銀錢併計約合銀二萬餘兩又查光緒十二年鑄錢成案其鑄錢工本係奏明借撥海防餉項及土藥稅銀茲酌照成案於釐金項下借撥銀三萬兩以爲添補購機建廠之需由官錢局傾鎔項下分爲五年籌還現在一面購機

張文襄公全集

卷四十五

奏議四十五

九

一面造廠其鑄錢式樣即查照戶部議定每文七分奏案辦理至粵局鑄錢銅鉛成本係銀元局所籌粵錢現已陸續運到即發銀元局行銷以之專收本局所造之銀元民間見銀元可取現錢自然樂於行用銷出銀兩即以購運銅鉛接續鑄造轉輸周轉足可接濟不窮無須另籌鑄本查購辦鑄錢全分機器多則八九萬金少亦五六萬金茲經多方湊集分向外洋及滬廠鄂廠購造所省已多至機器製造較之土法鼓鑄可少攤人工之費銅鉛成本折耗無多與夫局用一切均查照舊案仍由外籌補不動正款而其輕重精粗始終一律市肆

不致消惑工役無從偷減官用民用一歸大同開鑄以後可與銀元相輔而行於商務民生均有裨益
硃批著照所請戶部知道欽此

設立官錢局片 光緒二十三年正月十二日

再湖北省錢少價昂商民交困雖議設爐購機鼓鑄一時驟難即有現錢供用至行用銀元本以輔制錢之不足而民間持向錢店易錢每為奸商所抑勒以致錢價仍不能平查從前各州縣解繳丁漕錢文皆在各錢店易銀上兌於是制錢專歸錢店該商遂得以擡價居奇臣等與司道熟商惟有設立官錢局製為錢票銀元票

張文襄公全集 卷四十五 奏議四十五

十一

精加刊印蓋用藩司印信及善後局關防編立密號層層檢察如有私造者照私鑄制錢銀元例嚴行懲辦通行湖北省內外此票與現錢一律通用准其完納丁漕釐稅凡州縣丁漕向來以錢赴省易銀者概令由官錢局易銀上兌即以此錢供民間持現銀及官票來局換錢之需民間來局換錢者概照市價錢票以制錢一千文為一張銀元票以大銀圓一元為一張蓋以數少票多工精罰重則作偽者自絕當於上年夏秋間在武昌省城設局試辦派委廉謹誠實之員經理現又於漢口設一分局以資推廣行之半年尚無弊端有此官錢局

之錢票銀元票流播民間庶可補現錢之缺乏臣等仍當督飭司道隨時嚴加稽核體察民情與時消息行之既久民信既堅官票大暢則市價自平而民困可漸紓矣

硃批戶部知道欽此

購茶運俄試銷有效擬仍相機酌辦摺 光緒二十三年正月十二日

竊照前因湖北湖南兩省茶商為洋商多方抑勒以致虧累頗多事關商民生計必須設法維持當查紅茶銷路以俄商購辦為最多惟有自行運赴俄國銷售庶外

張文襄公全集 卷四十五 奏議四十五

十二

洋茶市情形可以得其實際不致多一轉折操縱由人然商力較薄須官為提倡以開風氣經臣於光緒二十一年七月間會同湖北撫臣譚繼洵前湖南撫臣吳大澂奏明由南北兩省分借官款飭令江漢關道選辦上等紅茶二百箱運俄境之阿疊薩海口試銷電商出使俄國大臣許景澄託俄境茶行代銷並委員照料計茶價箱工雜費出口關稅等項共洋例銀五千四百七十二兩零復選購二茶中之最上紅茶一百二十箱分運俄境之阿疊薩及恰克圖水陸兩路試銷由前湖南撫臣吳大澂電託素識之俄商余威羅福照料計茶價箱工

雜費出口關稅等項原奏共洋例銀一千八百十六兩零嗣復據俄商開報加增水脚銀百餘兩共一千九百二十七兩零在案茲查出使俄國大臣許景澄先後代銷茶價洋例銀五千八百九十七兩零俄商余威羅福先後代銷茶價洋例銀二千八百二十一兩零均經匯鄂撥還歸款以利合本均有盈餘而余威羅福代銷茶價計本僅一千九百餘兩現贏出八百餘兩利息尤爲獨優查中外通商以絲茶爲大宗湖南北爲產茶之地故漢口茶務又爲兩湖商務大宗關繫釐稅巨款近來茶市年遜一年遠不及前若不極力整頓一聽江河之

張文襄公全集

卷四十五

奏議四十五

三

售以究商情
硃批該衙門知道欽此
設立武備學堂摺
光緒二十三年正月二十八日
竊照光緒二十一年閏五月二十八日奉上諭練陸軍整海軍立學堂皆應及時舉辦等因欽此又光緒二十二年十一月初二日奉上諭武備學堂能否於各省會一律添設著妥籌具奏等因欽此亟應欽遵辦理臣查自強之策以教育人材爲先教戰之方以設立學堂爲本湖北地據長江上游南北樞紐又將來鐵路所發端尤爲用武之邦當此時勢多艱自當開設武備學堂以

張文襄公全集

卷四十五

奏議四十五

三

學術深淺難易以此為差今中華為救時之計雖不能
遽設大學堂而教武官之學堂則不可緩取材精而經
費省用功約而收效多今擬專儲將領之材專選文武
舉貢生員及文監生文武候補候選員弁以及官紳世
家子弟文理明通身體強健者考取收入學堂肄業緣
上項諸人皆科名仕宦中人將來効用國家引伸會通
展轉傳授上則可任帶兵征戰之事次亦可充營務幕
府軍械局所之官蓋此輩即或未能有衝鋒決勝之才
然於考核弁兵籌備餉械整飭製造各局察閱礮臺營
壘諸事則固優為之矣裨益多而收效速似乎無逾於

張文襄公全集

卷四十五

奏議四十五

十四

此嘗惟兵事為國之大政古者學校中人無不先習射
御與我朝八旗文員兼習騎射之意相同而司馬法一
書列入禮家故卿士大夫皆為軍官伍兩卒旅悉入鄉
校春秋傳云雖有文事必有武備此先聖身體力行之
效經義昭然以至孔門諸賢多能戮力行間執戈衛國
唐宋以後文武分趨殊失古人教士良法美意泰西諸
國民皆為兵將皆入學頗於古義有合今擬合文武為
一途雖云因時制宜實則反經復古也查武備學堂功
課分講堂操場兩事講堂以明其理操場以盡其用講
堂功課如軍械學算學測繪地圖學各國戰史營壘橋

道製造之法營陣攻守轉運之要操場功課如槍隊礮
隊馬隊營壘工程隊行軍隊行軍礮臺行軍鐵路行軍
電綫行軍早雷演試測量演習體操等事皆須次第講
習通曉始有實用經臣於上年電致出使德國大臣許
景澄向德國兵部商派都司法勒根漢干總根次二洋
員來鄂教習會與德兵部議定到華後法勒根漢加給
副將銜根次加給遊擊銜令其體制較優以資表率管
束並議定歸總辦道員節制惟學生百餘人教習僅止
兩人不敷講授疊據該洋員堅請添募數人以資協助
現經電商兩江督臣劉坤一於江南自強軍諸洋員中

張文襄公全集

卷四十五

奏議四十五

十五

調撥洋員三人來鄂乃法勒根漢挑選甚嚴僅留德守
備斯忒老一員令人武備學堂隨同教習尙短一員允
俟隨後再行訪募其餘何福滿賽德爾兩員派入護軍
營洋操隊教練弁勇其功課章程令洋教習酌擬總辦
道員核議轉稟由臣核定飭辦洋教習課程餘暇即令
其誦讀四書披覽讀史兵略以固中學之根柢端畢生
之趣向另派華教習經理考選學生百二十名並選派
粵津學堂出身久充教習者十二員為領班學生按照
洋教習講說課程譯成華文華語轉述指授諸生入堂
以後無論何項功名統為學生均須恪遵規矩虛心受

教違章者卽行屏除除火食操衣均由學堂供給外每名月給贍銀四兩分定月課季課年終大課以考其優劣如果將來學有成效擬請按照直隸江南奏定學堂年限章程請獎並擇委差缺以示破格鼓勵茲於湖北省城內東偏黃土坡地方購地建造武備學堂該堂未造成之先暫借鐵政局及該局附近暫賃房屋爲棲止之所派委署江漢關道湖北候補道蔡錫勇總辦該學堂事宜令該道督同洋教習妥定課程認真激勸並委奏調分省知府錢恂浙江候補知府聯豫充學堂提調令其考核經費約束學生整飭一切責令各該員等與

張文襄公全集

卷四十五 奏議四十五

六

洋教習商酌協助隨時維持以期有實效而無流弊查武備學堂歲費甚鉅鄂省之力本難辦此然當此時艱事急閒暇不易得人材不易成若再一因循蓄艾已晚反覆焦思不能不勉力爲之現擬暫在鹽務雜款及銀元局贏餘項下設法湊撥惟此係國家經武儲材之要政儻若零星湊補勉強支持亦爲非體將來尙須籌定常款奏明辦理以期經久

硃批該衙門知道欽此

華商用機器製貨請從緩加稅並請改存儲關棧章程摺
光緒二十二年正月二十八日

竊照光緒二十二年五月總理各國事務衙門具奏機器製造貨物酌定稅則奉旨允准續據總稅務司酌擬章程九條經總署核定由南北洋大臣通行各關在案伏查光緒八年北洋大臣奏准上海織布局只完正稅一道概免沿途稅釐此後各省機器紡織皆援此例此聖主愛養民生之深仁而卽古來興國者通商惠工以致富強之至計天施覆庇感頌同聲從此中華商務駁駁漸有生機矣此次加稅之舉在總署原意謂洋商得在中國設廠造貨人工運費種種省便利益甚優故議酌加稅則洋商既加則凡華商用機器造貨亦應一律

張文襄公全集

卷四十五 奏議四十五

七

照加以免洋商藉口此總署謀國裕課統籌中外之深心臣雖至愚亦能領解特是詳察商情知機造各貨加稅一層不免有損多益少之病有不敢不爲我皇上陳之者溯自馬關定約以後臣在署南洋通商大臣任內欽奉閏五月十三日電旨飭令招商多設織布織綢等局廣爲製造臣當卽宣布德意廣爲勸諭招徠中國商民知外人將來內地設廠造貨莫不感慨奮發思有以防內蠹外漏之患而又深悉朝廷恤商輕稅之章其議集股分圖占先著者頗不乏人凡各處稟請購機造貨者臣多從允准且爲之籌備廠地歸併釐稅計畫銷

路曲意維持江南湖北紗絲各廠更屢有奏明助給官本鉅款之舉總冀厚集商力以挽此外溢之利源數年以來江浙湖北等省陸續添設紡紗織絲烘繭各廠約三十餘家此外機造之貨滬蘇江甯等處有購機製造洋酒洋蠟火柴碾米自來水者江西亦有用西法養蠶繅絲之請陝西現已集股開設機器紡織局已遣人來鄂考求工作之法四川已購機創設煤油並議立洋蠟公司山西亦集股興辦煤鐵開設商務公司至於廣東海邦十年以前卽有土絲洋紙等機器製造之貨近年新增必更不少天津煙臺更可類推湖北湖南兩省已

張文襄公全集

卷四十五 奏議四十五

六

均有購機造火柴及榨棉油者湖北現已考得機器製茶機器造塞門德土之法正在督飭稅務司勸諭華商興辦湖南諸紳現已設立寶善公司集有多股籌議各種機器製造土貨之法規模頗盛似此各省氣象日新必且愈推愈廣彼洋商雖亦聲稱集鉅資設大廠而迄今造成者只上海二三家他處未之有也無如華商智慮初開行銷未廣已成之廠獲利無多未成之廠集資匪易洋商見我工商競用新法深中其忌百計阻抑勒價停市上年江浙湖北等省繅絲紡紗各廠無不虧折有歇業者有推押與洋商者以後華商有束手之危洋

商成獨擅之勢商民延頸舉踵正以寬恤保護之法望之朝廷兩湖風氣初開商力甚薄尤爲惴惴此近年商務之實在情形也臣愚以爲洋商在內地改造土貨本於華商生計有妨是以舊約懸爲厲禁今迫於事勢不得已而允之則又當就已成之局而熟權利弊庶免吾華商民有累上加累之虞竊謂今日如洋廠之設否聽之而華商機器製造之稅如故洋商開一廠則華工習一法洋商創一貨則華民曉一用大抵華商性情憚於精思創物而樂於摹仿爭利華商用度較儉土產較熟足可與之相勝果使華商本輕利穩愈開愈多洋商見

張文襄公全集

卷四十五 奏議四十五

九

華廠已經充叔利息愈分愈薄則續開者自少卽如湖北織布局一開而江漢關進口之洋布已歲少十餘萬匹可爲明徵目前華廠已將十倍於洋廠是機器製造之利洋商得其二華商得其八且就華洋各廠合計出貨自多稅額雖輕稅數必溢此有益於民生而仍有益於國計者也卽使洋廠因稅輕而爭開不已然洋廠所獲之優利亦華廠之所同沾其出貨之數分利之勢總足相敵且洋廠所在其一切物料必取之中國工匠必取之中國轉移閒民必資之中國彼洋商所得者商本盈餘之利而其本中之利留存於中國者仍復不少是

華商之利雖去其半而中國農工畝漁之利仍得其全
華民既沾其利又曉其工則華商購機製造之廠必不
能絕從古未有農工盛而商獨衰者此目前不求有益
於國計而必無損於國計且尙不盡有損於民生者也
若於華商鼓舞方見萌芽之時遽行加徵則華商困阻
於內洋商抑勒於外數年之間已成者歇業未開者絕
響是九州之地產物力萬國之巧法厚利盡爲洋商壟
斷之資如謂明文則一體加稅暗中則曲予維持目前
中華局勢外洋情形竊恐未能辦到且洋商之究竟肯
遵加稅與否亦尙不知何時而華商則已先做矣即使

張文襄公全集

卷四十五

奏議四十五

三

洋商於華造者遵加而其來自外洋者仍不能加明知
華商不能再開機廠則不造於中華而專運之於本國
銷流日廣貨價日增徒存內地製造加稅之虛名而受
華商阻塞利源之實害此有損於民生而仍無益於國
計者也從來華民最樸不曉物宜華工最拙不諳機器
華商最散不籌鉅本是以拘守舊法坐棄萬物之菁華
不究阜財之大用今幸而鑒於鉅創忱於強鄰一旦幡
然捐棄故智爭講用機器暢土貨集公司之法正是中
華自振之機若再從而尼之以後更復何望私憂過計
不勝悚懼近日與江蘇巡撫臣趙舒翹浙江巡撫臣廖

壽豐往返電商均以暫緩加稅爲保護華商之至計今
無仰懇天恩飭下總理衙門將機器造貨值百抽十之
新章暫行緩辦一俟商務大盛而各國又一體允加進
口稅之時再行舉辦彼時洋貨價漲華貨即使加稅尙
足相抵而目前無不能自立之患大局幸甚又總稅務
司所擬章程第二條有凡有製造之貨均須一律存儲
關棧俟撥等語在總稅務司之意只爲杜絕透漏然商
民成貨待價而沽市情瞬息變易有失之須臾而盈虧
迥判者又如機器造甄機器碾米機器造水泥火泥此
等笨重之物如何搬運如何封存又如機器造煤油機

張文襄公全集

卷四十五

奏議四十五

三

器造火柴此等危險之物同棧之貨孰不畏其延累設
有損失恐洋關賠不勝賠矣大抵商情樂簡而惡繁喜
活便而畏膠滯若一概存儲關棧交貨看貨動須報關
即使不至留難而貨主既嫌經官之周折又不如本廠
自存之放心種種窒礙必致紛紛歇業至洋商則仍出
納自如如此明明力窒華商之生機而暗暢洋商之銷路
矣竊謂宜在運貨出口時切實查驗不在貨成後概予
封藏應請一併飭稅務司重改章程方爲妥善此乃農
工商民公共之利害中華貧富強弱之樞機臣爲自強
大局力固根本起見反覆焦思不敢不言謹恭摺具陳

伏祈聖鑒

硃批該衙門議奏欽此

安設蒲圻至江夏電綫片 光緒二十三年正月二十八日

再查電綫為方今要政最為有益於地方民生商務之舉湖北沿江二千餘里久已興辦多年於隄工賑務商業及察吏整軍緝匪捕盜諸事皆臻便利確有神益惟湖南一省未能接通不免尙有阻礙近日湘省紳民咸知電綫之便經湖南司局與諸紳籌議妥協請由長沙省城起歷湘陰臨湘岳州一帶驛路安設至湖北蒲圻縣境當經臣會同湖南撫臣陳寶箴具奏並聲明蒲圻縣接造至武昌省城再由湖北派員勘辦在案茲據湖南安設電綫委員候補同知直隸州曾慶溥等稟稱長沙電綫正月初四日開工將至鄂境應即由蒲圻咸甯江夏等縣地方驛路接造以通武漢正綫聯為一氣俾竟全功南北兩省此起電綫均飭由電報商局承造現已由太常寺卿盛宣懷派委員司起運桿料沿途查勘安設並經臣會札湖北藩臬兩司善後總局轉飭蒲圻等縣出示曉諭紳民並委員幫同彈壓照料以期周妥殊批該衙門知道欽此

張文襄公全集 卷四十五 奏議四十五

密陳籌辦幹路次序並請准借官款摺 光緒二十三年二月

二十 六日

竊臣等奉命辦理北幹鐵路業將開辦蘆溝橋保定府一段並臣宣懷在上海設立鐵路總工局緣由於上年冬間先後奏報在案伏查蘆漢鐵道近三千里費逾四千萬綜其綱領以借款招股工程為三大端此三端者雖各為一事而關鍵鈎連因應得其宜施行有其序則指顧可以集事否則外商挾持中商觀望曠日持久弊亦無窮美國向無覬覦於中國路工之精甲於五洲故原擬借美債用美匠去冬臣宣懷到滬旋有彼國上議院紳華士賔偕其商人來滬就商借款始請包辦全

張文襄公全集 卷四十五 奏議四十五

工事權獨攬繼請折扣之外另給辦工酬勞及餘利紅股歲息雖減至四釐而取盈既奢亦有軼轍且必須俟美國工師勘路估價後方能定議英德法商繼有來者如有已造之路抵保辦法可無葛藤歲息五釐而欲折扣其本欲承購其料欲舉用其人熟察洋情皆因揣知幹路必行華股決難速集其意以為必借洋款始能動工種種要挾由此而起總之外洋借款無論如何借法必有實抵而無空欠中國歷借國債皆以海關指抵今總公司可以鐵路指抵要必有已成之路始可為抵保之資路尙未成保不足信若因此遷延工作則華商益遠

巡不前矣臣宣懷說帖第二條聲明商股必在路成之日有利可收方能招集洋債亦須俟工將及半有路可指始能抵借所以有先借官款千萬分道開工造成一段抵借一款之故也臣等深思先後之序以爲操縱之宜惟當謹守原議以趕緊造軌爲先著計官債官股及先收商股三項已可造路千餘里現在蘆保業經興築淞滬亦在開工此兩段來年均可造成漢口迤北已派美國工程司前往勘估大概兩月後即皆勘畢亟須迅赴事機分段測量購地趨造彼時南北兩路均指日有必成之望將來之利操券可期已成之路實本可計俾

張文襄公全集

卷四十五

奏議四十五

五

中外周知原議章程皆能顛撲不破洋商既深知不疑華股亦自陸續而至若無論議借何國路債必須先用華款後用洋債庶可權自我操不致貽後來無窮之患且如官款一經撥定洋商要挾之念自可稍輕所議洋款即不難先與商訂此際關鍵知在聖明洞燭之中仰懇飭下戶部將議准撥借官款銀一千萬兩即日發給承領以成分道開工之策以操借款招商之權路工之遲速實以發款之遲速爲斷也鐵路長至數千里實爲莫大之工雖以俄人之雄圖大力而西畢爾亞鐵路費刻期屢有加展臣等當茲重任慎始圖終凡所措施總

以說帖四議爲範圍苟非事出意料之外決不敢踰越初議更端以請至於維繫保護一心成功使商情有所依恃使臣等得展其手足之力此在廟堂之主持毋俟臣等懇懇願慮也

硃批戶部議奏欽此

請飭各直省將軍督撫通行地方官幫同勸諭招

徠片 光緒二十三年三月二十六日

再臣文韶之洞去年奏明蘆漢一路專重拱衛而略於東南財賦之區若專指此路別開富庶近便之地不入公司恐各省紳商不願入股惟有合南北鐵路爲一局

張文襄公全集

卷四十五

奏議四十五

五

庶可萃四方之商力蘆漢爲鐵路正幹自應盡力先造至擬造之蘇甯鐵路毋庸另立公司致礙蘆漢招股應請准其歸併一公司先由吳淞造至上海再由上海造至蘇州自蘇州至甯亦由該公司接續兼造庶可挹彼注茲集股較易嗣臣宣懷呈遞說帖第一條請設總公司先造蘆漢幹路其餘蘇滬粵漢等處亦准該公司次第展造不再另設公司似此西北造路東南股方能號召且可泯各國窺伺之心各等語九月十四日欽奉諭旨准設鐵路總公司從蘆漢辦起蘇滬粵漢亦次第擴充仰見聖明洞燭商情於緩急先後之序權衡至當臣

宣懷到滬傳詢華商頗慮籌借洋債爲難蘆漢道遠利
益尙無把握未免遊移觀望夫華商本無遠識求利極
奢可與圖成難與謀始臣等早已言之故必令重要之
路歸併一公司其無關重要者稍置緩圖方能合官商
全力注重南北幹路若復准其紛紛各自爲謀莫不存
近便之見以遂其私利之心蘆漢僅屬直豫鄂三省地
瘠民貧風氣未開商股更難措集臣宣懷正擬分派商
董赴各省招股乃有京外各官紳前來總公司遞函具
稟或請分辦蘇州至上海或請分辦鎮江至江甯或請
分辦杭州併有赴南洋請辦清江浦口鐵路者其稟詞

張文襄公全集

卷四十五

奏議四十五

三

輒謂蘆漢幹路應全請官款官辦商人專辦蘇滬粵漢
等處各挾一不顧大局之私見意在搖動蘆漢並稱總
公司如不批准卽向督撫衙門遞稟督撫如不批准卽
進京請託代奏訪查遞稟之人並非殷實紳商半係受
洋人囑託希圖影射半係識認一二官紳招搖撞騙甚
至有私刻章程冒充委員到京招股之事雖由臣等分
別批駁查禁而覬覦之私究恐未泯殊不知洋商不得
入股華商先從蘆漢辦起明訓昭彰豈容踰越大抵呈
請分辦之人原未必確有華商鉅股無非洋股影射然
商民無知實足以搖惑人心於蘆漢大有窒礙因是總

公司招股章程未便輕於嘗試恐目前觀望遷延併使
後來不能踴躍竊思蘆漢雖借洋債必有華股以立根
基方能責成眾商分年歸本所有領官款借洋債積商
股鈎連層次臣等籌之已熟必須俟勘路估工圖說齊
備部款洋債領借既定曉然於工竣之有期收利之有
效章程一出羣疑盡釋自開工以迄工竣之日股分由
數十萬以至數百萬似有把握工竣得利之後由數百
萬以至千萬亦不甚難至由粵漢以通兩廣由蘇甯以
通上海此兩道爲關係商務東南西南兩大幹路固宜
展造其自山海關外以達吉林自黃河南岸以達關中

張文襄公全集

卷四十五

奏議四十五

三

此兩道爲關係邊防東北西北兩大路亦難從緩但必
照原議先將蘆漢籌定的款布置就緒立定根基逐段
推廣並俟前項各幹路應用之款陸續籌定再聽各省
商民自行分造枝路緣枝路之工費省於幹路成效速
於幹路利息厚於幹路故以總公司倡爲其難而令眾
商民踵爲其易庶幾不礙幹路招股而枝路自有推行
之日總公司現在請領官款議借洋債大局一定卽當
遴派公正員董分赴各省宣布章程招集商股應請飭
下各直省將軍督撫通行地方官吏遇有總公司所派
員董前往各省招股持有關防章程應由地方官隨時

幫同設法勸諭招徠以免混淆而昭慎重

硃批覽欽此

購地運料章程開單恭呈御覽片

光緒二十三年三月二十六日

再造路之費以購地購料為大宗將來路利之有無多寡視此時造費之減輕增重為權衡泰西各國創造鐵路其為商家公司興辦者國家必力助其成有給予官地之法有除免料稅之法有津貼造費之法有官保利息之法中國鐵路雖仿西法而造費保利二端未能輕議惟地價料價有可使減輕而又無損於公家者一曰官地概由官給二曰民地定給官價三曰材料免徵稅

張文襄公全集

卷四十五

奏議四十五

天

銀至官地給用仍由公司照完地稅民地本有平時常價惟人情每以地為鐵路所必需遂為居奇抬價之計故宜由官定價以無逾平時常價為度此項鐵路需用外購之器料及華廠自造車軌應用之各器料皆專為造路而來不造鐵路而關卡本無此項稅釐今雖免征實非虧蝕向有之入稅皆謂可使減輕而無損於公家也復查京榆京津鐵路所用官民地段華洋材料悉用官給官定免稅之法上年廣東籍道員許應鏞集股承辦幹路亦將此數端開具章程呈經督辦軍務王大臣核准現在檢公司有官股官本路之盈虧利害國家與

商人共之與全屬商本者不同現值路款竭蹶商情觀望若不援照京榆京津鐵路辦法不足以維繫要工不足以激揚眾志相應將購地運料各節原擬章程繕具清單恭呈御覽祇候敕下遵辦以資循守

硃批覽欽此

整頓釐金摺

光緒二十三年四月初十日

竊查湖北餉源惟百貨釐金為大宗鹽課次之歷年奉撥京協本省各餉本屬浩繁現兼派還洋款每年須添籌數十萬兩款鉅期促萬分為難查地丁漕糧皆有定額歷年災荒蠲緩有減無增關稅責成稅務司照章徵

張文襄公全集

卷四十五

奏議四十五

天

收亦別無整頓之法鹽課須看銷路暢否至徵收之數有江南加抽川鹽局互相維繫尚無弊端惟貨釐一事其稽徵之寬嚴用人之當否報解之虛實其關鍵全視乎局員得人則盈不得人則絀整頓之道尚有可施於此若能日有起色或可稍資補苴惟比年以來水旱交乘民生既形困苦商業亦見蕭條釐金收數頗為短絀據各局卡委員來稟多以歲歉商稀為詞體察情形尚非盡屬虛飾惟值此時艱餉急豈可再令入款日減然而嚴比較則恐病民寬責成則慮虧餉查各局卡委員實力稽徵者未嘗無人而司巡蒙蔽委員侵蝕者亦所

不免省城遙遠耳目難周州縣雖多尚有本管道府考察釐卡分布省外遠者數百里以至千餘里並無考察之人若謂一一皆廉介奉公實難深信竊思釐卡所在若非附近城關即係繁要市鎮其商貨之衰旺員司之賢否弊端之名目各該地方官紳必有見聞委員但能欺省城上司之耳目不能掩附近官民之公論縱該局卡之事旁人不能纖悉周知然抽收之數與報解之數是否相懸總能知其大較特以向來地方官不預此事以故但有竊議不肯公言反覆籌思惟有責成所在地方官稽察一法尙可維繫檢制雖地方印官亦未必皆

張文襄公全集

卷四十五

奏議四十五

三

賢特既有民社之責其自待總較局卡委員為較重相應請旨著為定章將湖北通省釐金責令局卡所在地方官認真稽察其在何州縣之境內者即責成該州縣其有局卡與道府治所相距甚近者並責成該道府一體稽察如該局卡有賄賣司事巡丁侵蝕虛報苛勒留難等弊即行據實稟報督撫藩司及牙釐總局以憑參辦每屆夏冬兩季即將此半年內境內釐卡有無弊端商貨是否暢旺密行通稟一次儻有較大弊端地方官扶同徇隱查出亦即撤任參處竊思近年屢奉諭旨振興商務且令各府州縣講求水陸商務則道府州縣所

轄境內百貨之盈虛舟車之衰旺徵權之利弊固為地方官所必應周知而考究者責以稽察實非分外如此明定章程庶弊端可以稍清釐收可期核實其於籌濟餉需必有裨益
硃批著照所請該部知道欽此

張文襄公全集卷四十五終

張文襄公全集

卷四十五

奏議四十五

三

吉林慶 珍校

張文襄公全集卷四十六

奏議四十六

為籌辦蘆漢鐵路情形並議借比國洋款摺光緒二十三年四月二十四日

光緒二十三年三月二十九日奉到

電諭旨蘆漢鐵路既設公司派大員督辦則借款自應歸公司擔保何以洋人復索國家作保倘此路未成及甫成而未獲利時此項洋息從何取給豈亦由國家代還耶著再分晰電奏等因欽此又於四月初七日奉到陽電諭旨借款作保流弊滋多著力與磋商務行刪去如比國銀行決

張文襄公全集

卷四十六

奏議四十六

一

意不刪即另籌辦法毋得依違遷就貽誤將來等因欽此又於初八日奉到庚電諭旨借款代保改為國家批准原可允行惟批准二字亦非輕下即使批准亦專指借款而言不得牽涉公司權利及推廣辦法以免含混草合同底稿著即電來且勿畫押等因欽此經臣等次第欽遵辦理並將草合同底稿電請總理各國事務衙門代奏在案竊惟蘆漢幹路臣等原奏鐵路未成之先華商斷無數千萬之鉅款惟有暫借洋債造路陸續招股分還洋債之策若華商以西商移借必指鐵路應人之款作抵所訂合同條款亦須國家核准等語總理

衙門覆奏後欽奉諭旨亦准借洋款以期速成鉅工速與美商議借要挾多端以致借款難成嗣旨英德洋商來議因欲牽涉粵路頗慮該國或有深心正在遲疑比國商人緣其駐京公使薦引來鄂比係小國以鋼鐵起家重在工作故僅於購料願工斤斤較量別無他志並慮及他國干預條約內載明中國鐵路總公司祇認比國公司不認別人其餘各條亦無牽涉權利至其利息較英德關稅抵借債項有減無增磋商已至極處並告以總公司係奉旨設立先行承辦蘆漢二千八百里之全工將來一面招集商股一面收取路利自有歸還借

張文襄公全集

卷四十六

奏議四十六

二

款之把握既以鐵路作保便無庸再寫國家作保字樣開導再三比公司於初六日允先議立合同俟臣等奏奉諭旨批准彼亦候稟准該國再訂正合同蓋印方為定約此與比國所議借款之情形也日來駐漢口比領事屢來催詢以草合同議定已逾十日外間謠言紛至意究如何當以請旨未定覆之英德美三國亦俱至公可詰問其猜忌之心形於言表臣等以為鐵路為自強第一要端鐵路不成他端更無論矣蘆漢不成他路亦可知矣自光緒十五年初議鐵路之日起忽忽八年自光緒二十一年下詔自強之日起忽忽又三年今則吉

黑北路已經許俄代造桂滇南路法亦來爭代造邊患已岌岌不可終日祇有此中權幹路猶可及時自主而英德耽耽虎視幾有不得此不快之意種種謠言皆從此出若再當幾不斷坐使外人藉端爭攘恐他日將無事可以自主矣况西畢爾亞之路方日夜經營我之幹路則部款既請而未撥洋債又議而未定華股更觀望而不前或且枝節橫生利其中止似此傳播歐亞外人將以為中國決無自強之日從此覬覦環生禍且至於不可思議此臣等不能不鯁鯁過慮者也夫蘆漢既不能緩辦則洋債必不能不借初則謠傳造路之洋款必張文襄公全集 卷四十六 奏議四十六 三

借不成及至借成而又謂鐵路不可抵保凡持此論者殆以此路成亦無利不成亦無害以故局外旁撓之論紛紛百出而莫知所止臣等肩斯重任總期及早觀成為自強根本除將議借路款情形迭次電陳大概外謹將所擬比國借款草合同底本繕具清摺恭呈御覽仰祈聖明鑒核迅賜批准即由臣等電請總理各國事務衙門照會比國駐京使臣彼此按照合同辦理

硃批依議欽此

遵旨會同覈議銀行利弊擬請仍歸商辦並由南北洋稽查以保利權摺

光緒二十三年六月十七日

竊臣等欽奉光緒二十三年三月二十八日上諭前據盛宣懷條陳自強大計請開設銀行業經諭令招商集股合力興辦茲據御史管廷獻奏銀行官設流弊宜防一摺縷陳原定章程窒礙多端有不可解者六條大致設銀行不必冠以中國字樣官款撥存直須指定抵還的保及股商擔保滙兌官款須交實銀設立商會公所止議商務不得干預金礦等務銀行設有拖欠與國家無涉自係為慎始圖終預防流弊起見平心而論銀行之設固屬富強要圖然茲事體大中國情形與泰西各國亦有不同現當創辦伊始自應通盤籌畫計出萬全張文襄公全集 卷四十六 奏議四十六 四

該御史所指官設銀行各流弊固宜防範然中國不自行舉辦一任外人在內地開設攘我利權亦非長策著王文韶張之洞盛宣懷悉心核議究竟官設銀行利弊若何徹始徹終詳細議奏並將該御史所奏逐條聲覆以憑核辦另片奏蘆漢鐵路息借洋款國家不宜代商作保等語昨據王文韶等會奏籌辦幹路請飭發准借官款現尚未據戶部議覆該御史所奏息借洋款不宜國家担保並鐵路萬不可作為抵押之處並著王文韶等就現在籌辦情形權衡輕重酌量緩急悉心妥議具奏原摺片均著抄給閱看將此諭令知之欽此臣等伏

查銀行之設利國利商利民中外臣工陳奏至詳而論旨富強要圖中國不自舉辦一任外人攘我利權亦非長策之訓實已究極終始西人理財之法上自國家下至商民其財皆可由散而聚由私而公故一國之中有無相通緩急相濟子母相權實以銀行爲商務樞紐而銀行又有國辦商辦之別國家銀行卽戶部之府庫也通國財賦轉輸於關關之中官款盈則輸於商官款絀則貸於商其利與害皆官任之也商家銀行卽眾商之公司也所集商本皆用股票所舉商董皆出鉅資遵本國之商律訂本行之專章與官府通往來而盈餘折蝕

張文襄公全集

卷四十六

奏議四十六

五

皆按商股均派官不過問其利與害皆商任之也光緒二十二年十月初八日欽奉諭旨銀行一事前交部議尙未定局昨盛宣懷有請歸商辦之議如果辦理合宜洵於商務有益着卽責成盛宣懷選擇殷商設立總董招集股本合力興辦以收利權欽此臣盛宣懷到滬遵照選擇商董會議大概章程二十二條並公擬牌名電呈總理衙門王大臣核定旋奉駁詰數條復飭各商董逐條考訂遵照登覆已准總理衙門咨會及早開辦庶要舉勿墮半塗卽據商董呈報上海總行於四月二十六日開辦除由臣宣懷將總分各行章程改定妥帖再

行專案奏咨外御史管廷獻所奏各條計慮良周自應徹始徹終詳細聲覆銀行不必冠以中國字樣一節查俄行名爲中俄銀行德行名爲德華銀行英行家數較多滙豐有利麥加利均仍冠以大英字樣現設華行須與各國通往來冠以中國示無外之規庶與他銀行有別再官款撥存亦須指定抵還的款及殷商担保一節查華商本不願存官款祇因中俄銀行發有官本五百萬若華行而反不稍存官款未免貽譏中外各總董皆海內殷商且以數百萬之商本止領百萬似應仿照外國銀行勿庸另覓殷商担保致碍體面原定章程內開

張文襄公全集

卷四十六

奏議四十六

六

生息年限俟咨商戶部再由總董議請奏咨正指還款的實辦法現據總董議擬一俟分行開齊續收二批商股卽行繳還毋庸久存至章程所議公司借貸銀兩應照西例有抵還的款等語此非商行不信官府因商本只有此數官借動需鉅款如國家所借滙豐等款自數百萬以至數千萬皆係該銀行出售股票向眾人代借將來華行亦非代借無此大力也滙兌官款須交實銀一節查章程僅言撥借之款可以滙兌若不交實銀部庫何肯兌收設立商會公所止議商務不可干預金礦一節查章程載明鐵路輪船電報金礦各處款項凡與

本銀行往來者一切悉照章程毫無偏倚等語因總董內有兼管各公司之人恐股商疑其或有偏倚故列專條以聲明之至金礦係指漠河三姓寄金到滬向歸他行兌換者亦可歸華行兌換並非干預金礦至商會公所本不過籌議公司之事西商在滬無多尙有商會而華商渙散處處吃虧故銀行各商董請設公所以聯商情別無他意銀行設有拖欠與國家無涉一節查銀行放款層層鈐束本無拖欠况中西律例皆無商人欠款而致國家歸還之理英之麗如銀行美之旗昌洋行曾經停閉並不涉及國家且洋人畛域之見甚深中國自

張文襄公全集

卷四十六

奏議四十六

七

設銀行方傾軋之不暇斷不肯以鉅款存於華行非比華人甘心附和洋行也尤幸銀行半年一結如有一虧折即可隨時議停儘其股分償還自與國家無涉以上各節臣宣懷自遵旨選商集股以來皆與商董堅明約束不容絲毫假借者也臣文韶臣之洞會同臣宣懷悉心覆議中國風氣初開士夫不諳商學驟語以銀行鮮不謂利無把握弊難窮究創始之初忌者疑者不一而足故臣文韶臣之洞深知銀行可保中國之利權現在各國銀行接踵而來俄行則更阻與華合辦心頗難測若竟使華行搖惑中止此後華官華商華民之利必爲

彼族一網打盡而人且莫知其窮困之所由致臣等往復電商吁衡大局既無中止之理即宜力籌護持之方該行本屬奉旨商辦自與國家銀行不同應令仍照輪船招商局章程俱歸商辦而官爲扶持保護至其公司之盈虧利鈍皆歸商股承認自與國家無涉抑臣等更有請者銀行仿照西例之法至爲慎密且屬商本商辦數千百股商人身家所關繫凡有防弊之法宜無不竭力爲之惟有出票一層尤宜慎益加慎前經總理衙門詰問即查明滙豐於西歷一千八百六十七年英國國家批准初定章程第十三條出票之數不得逾實在資

張文襄公全集

卷四十六

奏議四十六

八

本之數至香港總公司常年存款亦須照所出票數存儲現銀三分之一以備兌付其餘三分之二亦必有存放實在銀款抵付當飭各商董悉照滙豐章程辦理防微慮患本已周詳但查外國商開銀行章程亦有實本一千萬出票不得過九百萬之例比較滙豐出票與實本相等辦法尤爲謹嚴今以中國創舉自宜格外謹慎擬即飭令該商董照此辦理並請著爲定章由南北洋通商大臣於每年六個月結賬時派員赴該行查驗出票儲銀數目務期事事核實以仰副朝廷慎重商務之至意此臣等會同酌議力圖萬全之辦法也臣文韶臣

之洞覆查銀行之利前已縷陳銀行之害惟在虧累一端所以致虧累之由惟在兼作他商及多出銀票兩端今查前次咨呈總署文內已將不作他項之業一切買賣一節聲明列入詳細章程在案至出票一節若虛票多而實本少方有虧累之事今既仿照西例格外謹慎明定章程出票之數不得逾實本九成之數必須存現銀三分之一可備持票兌取每半年報由南北洋大臣稽查一次似已周密穩妥銀行自不致有虧累之虞銀行既穩自無從累及商民更無從累及國家且章程內聲明盈虧皆係商本而商本又有定數亦不致掣動大

張文襄公全集

卷四十六

奏議四十六

九

局所謂利弊始終之大要已具於此所有遵飭會議銀行利弊緣由謹合詞恭摺密陳伏乞聖鑒訓示

硃批該衙門知道欽此

薦舉人才摺

并清單

光緒二十三年七月二十九日

竊照光緒二十一年閏五月十三日欽奉上諭飭令各省將軍督撫保薦人才微臣疊經舉其所知具疏上陳臣自回湖廣任以來於兩省官員詳加物色觀其設施察其志操凡有才品出眾者必獎勵而敬禮之竊惟時事多艱全賴人才眾多各效其用始足以裨益時局茲查現在兩湖各官中其器識才猷確足備人才之選者

已有數員不敢不達諸朝廷以備器使其曾任湖北官員及在他省曾為僚屬者亦附列其中所舉各員皆係確有幹才毫無習氣臣所實驗而深知者若蒙聖恩甄拔使盡其才皆可期其成就遠大

謹將遵旨薦舉人才開具清單恭呈御覽

新授奉天府尹前湖南辰永沅靖道廷杰

該員廉公有威吏事精練膽職尤為過人前在岳常

澧道諸事整飭嗣調任辰永沅靖道地處苗疆復多

伏莽素稱難治該員察吏撫苗治盜安民政績昭著

臣歷年密考俱已詳陳今蒙恩特簡府尹是其才品

張文襄公全集

卷四十六

奏議四十六

十

久在聖鑒之中熟察該員器幹實為今日任事濟變之才既確有所知不敢不仍行上陳

署安徽布政使于蔭霖

該員學有本原體用兼備品望素優前任湖北荆宜

施道節省隄工土費任廣東按察使察吏戢匪兩處

官聲均好今官皖省與湖北鄰境吏民稱頌敬其方

嚴而感其誠恕實為兩司中不可多得之員論其公

正廉明不避嫌怨素與山東撫臣李秉衡齊名而思

能綜核才能應變似尙勝之

湖北漢黃德道瞿廷昭

該員器職閎達才守兼優在湖北二十餘年通省吏治民情極為熟悉辦理交涉事件操縱咸宜舉重若輕屢署湖北藩臬兩司遇事能持大體籌畫精詳實為幹濟長才

漢陽府知府余肇康

該員才猷明達器局開張於所屬吏治民生切實講求聽斷精詳折獄明決本年奏委辦理宜施郎三府賑務後路購糧雇輪學畫精密有條不紊應機赴時救濟甚多如該員之為守兼優循聲卓著洵屬湖北知府中最為出色之員

張文襄公全集

卷四十六

奏議四十六

十一

江蘇候補同知鄭孝胥

該員學識清超志趣堅定曾充出洋隨員講求洋務賅通透澈能見本源於商務尤為考求詳實臣前在江南備知其才委充商務局委員其時初擬籌辦商務尚無端緒尙未能盡展其才今日時艱方亟講求富強要政如該員之才實不易覯可否懇恩敕令送部引見以備錄用

候選內閣中書黃忠浩

該員籍隸湖南黔陽才識傑出學純志遠向來講求兵事早年在籍辦理團練聲望久著近數年在湖北

委帶勇營軍律謹嚴操練勤勞又肯講求新式軍火槍礮臣愚以為欲開湘軍風氣必自湘將開之而湘軍宿將多已衰老每多自負舊勞固執成見不肯改用西法操練且武臣不學亦難驟語精深惟於文員中能得講求兵事之人才庶可望提倡振奮適湖南統領總兵劉福興病故撫臣陳寶箴函商臣將該員調回湖南接統此營臣本意實不欲遣因屢函懇切辰沅一帶甚關緊要只可勉令回湘竊察湘中後起堪備軍旅之才實無逾於該員者可否懇恩敕令送部引見以備錄用

張文襄公全集

卷四十六

奏議四十六

十二

裁減湖北制兵並整頓練軍摺

光緒二十三年八月二十八日

竊臣承准軍機大臣字寄光緒二十三年三月初四日奉上諭戶部奏冗兵耗財過鉅亟宜大加裁汰一摺近因庫款支絀各省亦籌解維艱經戶部先後奏請裁減綠營七成勇營三成疊經降旨飭令遵行上年十一月初二日復通諭各直省將軍督撫不論綠營勇營均應大加裁汰是裁減兵勇一事事機所迫勢在必行茲據戶部奏稱自行知各省以來惟山東一省經該撫李秉衡奏明將制兵分限五年裁減五成並將防營練勇分別裁減此外各省或請將兵額酌裁尙無成數或僅裁

綠營二三成所裁勇營更屬寥寥無幾似此敷衍塞責有名無實何濟於事現在綜計各省兵勇尚有八十餘萬人歲需餉銀約共三千餘萬兩綠營積情久同虛設當此償款期迫中外諸臣自應合力通籌先其所急若猶復飾詞搪塞坐擁多營值此需款緊急之時棄有用之餉養無用之兵以致借無可借抵無可抵民生日蹙國計亦因之愈窮在公忠體國之大臣當不出此各直省將軍督撫奉到此旨統限一月內將裁減兵勇若干節省餉銀若干條分縷晰切實覆奏所留兵勇務當精選訓練鎮撫地方至所裁兵勇應酌給遣餉銀米之處

張文襄公全集

卷四十六

奏議四十六

三

並著該將軍督撫等體察情形奏明辦理原摺著抄給閱看除直隸南洋河南浙江現有各軍另行諭令切實裁汰外將此由四百里通諭各直省將軍督撫知之等因欽此當經恭錄轉行欽遵辦理查湖北勇營前經奏明分別裁併此後能否再裁應再隨時體察情形奏明辦理湖北綠營前經奉旨裁汰撫臣譚繼洵在兼護督臣任內奏明飭令各營革除老弱病故者缺額不補在案竊維綠營制兵久形積弱零星分駐無從訓練且以餉項微薄多兼工匠貿易更難專意操防若以之緝捕彈壓則未嘗無益若以之征巨寇禦外侮則罕見奏功

當此時艱孔亟宵旰憂勞豈敢因仍故習聽其坐耗餉需而不思變計查湖北兵額道光二十一年以前係二萬二千六百三十四名嗣後迭次裁減軍務大定以來減為一萬八千三百四十八名外委額外二百四十九名至光緒十一年裁減馬戰守兵二千九百二十一以後現在實存馬戰守兵一萬五千四百二十七名內抽練兵三千八百名存營存汛兵一萬一千六百二十七名臣欽遵諭旨會商撫臣提臣督同司道各鎮各營將領等詳加籌酌擬請按照山東奏案就湖北現有兵額實數馬步一律裁減五成其光緒十一年前督臣裕祿已經奏裁之通省馬步兵額不在此數之內連光緒十一年前案合計實已裁減將及七成總計此次應裁馬戰守兵共七千七百一十五名均分為五年遞裁庶乎輕而易舉至其裁減之法其大指仍即臣前在江南奏裁兵額摺內所陳裁散不裁整裁兵不裁官二義此則裁者既無扞格存者亦可用現據提臣及各鎮協營先後咨覆稟覆一律遵辦計裁竣後每年約可節省兵餉馬乾米折共銀十一萬餘兩謹將詳晰辦法敬為

張文襄公全集

卷四十六

奏議四十六

四

我 皇上臚陳之一督撫提鎮各標武昌城守營漢陽施南竹山三協已挑入操防營之練軍糧餉既較原營

爲優屯聚復在一處操練之法尙有可施若責成將弁大加整頓將來尙可期其有用擬請勿庸議減此外應就原營未練之兵分別地方輕重酌量裁減總之就練軍及原營實數合計馬戰守兵統共裁減五成不得別除練軍之數計算以冀少裁擬將應裁之數勻分五年裁竣本年應裁兵丁應發餉乾米折銀兩卽令各營截至八月底爲止以昭畫一以後每年遞裁截餉之期卽均以八月底爲斷一所裁之兵擬發給一年餉銀餉米遣令歸農俾得藉以資生徐圖改業卽自各營開額停餉之日起由藩司糧道按數核明發足一年銀米此項

張文襄公全集

卷四十六

奏議四十六

十五

恩餉旣厚可免其窮困缺望以致爲非一副參遊都守等官以及千把外委額外等弁應請留爲弁兵升轉之階及將來分帶兵勇之用擬請勿庸議裁一所裁原營未練之兵係體察地方輕重情形緩急繁要者裁減較少簡僻者裁減較多如其地設有練軍者其原營卽不多留一酌裁次第先儘千把以下外汛及各塘零星無益之兵裁汰如塘汛所裁不足五成之數再將副參遊都守專營隨身在城在營之兵裁減察其繁簡分別酌留如副參遊都守之營裁不足額再將提鎮各標同城之營及督撫標各營未練之兵酌裁以足五成之數一

凡有守備千總分防外汛者其地或係州縣城內或係關津鎮市較有關繫需兵彈壓如遇有匪徒竊發尙可作巡查哨探之用應將此守備千總之汛仍行存留分汛守備擬一律留兵四十名分汛千總擬一律留兵二十名其該守備千總所屬分撥外塘外汛兵丁零星無益均卽裁汰一把總以下之防汛兵數尤屬崎零無用不能無兵者應於練軍及原營酌撥一分駐協防外汛之把總外委額外等弁所管之兵雖經裁除其額缺廉俸應請仍循其舊仍將此項無兵汛弁留於原駐該州

張文襄公全集

卷四十六

奏議四十六

十六

縣本城或本汛由州縣酌量委令管帶團勇民壯協助緝捕等事亦屬有益該弁卽歸該州縣節制調遣如不得力准州縣稟請撤換緣此項汛弁若一概撤歸本營未免困苦可憫且千把等弁爲兵勇升階若有缺之千把等弁不能自給兵勇安有上進之望以後兵勇征戰緝捕出力者將何以爲鼓勵之具茲擬令千總留防把總以下仍留原駐州縣差委固所以體恤有缺未弁實所以鼓勵兵勇若該汛弁所管兵丁旣裁自願回本標差委不願留州縣差委者亦聽其便一向來捕盜得力與否全視州縣分防協防之千把外額疏防開參不過

循例受過以後裁去外汛之處其捕盜等事即專責成州縣若外汛之兵裁去者有疏防之案原轄之武職免議一以後州縣解餉解犯看守城門局庫等事有練軍及原營者兼派練軍及原營或並無練軍及原營人數過少不敷差派者即責成州縣派役護解看守一塘汛既裁以後武營遞送公文有驛站地方即由驛遞無驛站者交州縣向用遞文之鋪司等項人役投遞不令營員出費一練軍既概不裁減即須認真操練惟通省難得上等教習多名分布且省外本營營官操練不過沿襲故套施放前膛槍刀矛排演老陣仍係有名無實即

張文襄公全集

卷四十六

奏議四十六

七

發給精槍利礮亦不知收檢操練之法現經臣先將各營練軍及馬步防勇於每營中擇其強壯樸實年在二十五歲以下者就本營人數挑選十分之一派一哨弁率帶來省蓋造營房令其同駐分派上等教習教以新式快槍快礮及練習體操各法臣隨時親臨督查嚴核課程分別賞罰練至半年遣回各營教練同營兵勇仍另調一成來省學習總之半年一換務使各營兵勇輾轉相授一律練成勁旅惟調省教練者僅止一成其本營全隊亦應一體講求若上等教習無多即派次等教習前赴練軍防勇各營查照省標操法認真教練以為

循序漸進之基務令裁存者漸臻有用不致徒糜餉需一各標練軍皆係就本標各營挑入此次裁減以後原營之兵愈少所有管帶練軍應即委本標同城實缺署缺將官管帶不得另委候補人員以免實缺將領無兵可管如查有才不勝任者由提鎮咨請稟請另於他營調署以符名實而專責成以上各條裁減雖遲而羣情一無窒礙恩餉雖優而經久所省實多留兵雖少而於地方武備實際毫無所妨其有未盡事宜容臣隨時妥籌辦理總期力除綠營積習不因節餉需而弛武備以仰副 皇上兵食兼籌之至意至何營應裁馬戰守兵

張文襄公全集

卷四十六

奏議四十六

七

各若干每年均裁兵若干每年層遞節省餉銀餉米若干以後實需餉銀餉米若干現在應給一年恩餉銀米若干各項細數已飭各營造具詳細清冊由藩司糧道核算明確再行開具清單奏咨備案至湖南情形與湖北略有不同其應裁兵數由臣會商湖南撫臣陳寶箴妥籌辦理現已議有眉目容即另案具奏

殊批該部知道欽此

會奏為幹路由楚入豫詳勘襄樊信陽兩道比較便利請旨遵行並陳報南北兩端情形摺

光緒二十三年

九月二十日

竊蘆漢鐵路貫幅幘之中通南北之脈闢道取徑必求至當西人造路以勘路爲全局綱領測量圖繪爲入手要義稍有不審稽時誤工勞民糜費其害不可勝數臣等先派德國公司測勘一次續派美國公司覆勘一次項比款借定應用比人造路復令比公司覆勘遴派熟悉情形通曉測繪之華員相輔至再至三惟恐其不詳也臣等前年奉命籌辦幹路嘗以襄陽西通秦中形勝之地樊城一鎮西北商旅出於其途茲將幹路取道西偏繞德安南陽以達鄭州似於經緯區宇之中兼寓陰雨綢繆之旨現在就節次洋工所勘按圖証說參以見

張文襄公全集

卷四十六

奏議四十六

九

惟漢口至瀟口三十餘里低地患水其山路則信陽之武勝關與襄樊路之棗陽嶺難易無甚區別而襄樊較信陽路長三百二十二里以造路每里二萬計襄陽須多費六百四十六萬兩以養路每里二千計襄樊須每年多費六十四萬六千兩兩路工程利便之別又如此緣是三端似幹路由楚入豫當以逕行信陽爲得策俟幹路既成察看西路情形再由鄭州向西經河南府直入潼關籌添支路庶不紊緩急先後之序王大臣原稟此項幹路須造雙軌臣以查中貫萬方所歸攘往熙來宜圖永逸查東西鐵路非實在繁盛地段不設雙軌

張文襄公全集

卷四十六

奏議四十六

三

聞臣宣懷奉旨入都南下之後和衷商榷大抵修築幹路之事本意首裨國事次興商務次計工程國事以徵調饋運爲重海內有故調發罕至楚豫迤西路跨襄樊較逕指信陽計程多三百二十三里程多則時刻運費與之俱羽書星火所貴捷速則往來之便利不如信陽矣襄樊一路地多汙萊道鮮車馬軌路俱沿襄河舟楫車輪均分其利即均受其損以言興商不如信陽一路其直如矢輪蹄輻輳沿途河流東西橫達軌路舟車之利互相益無相奪也由漢口至德安二百餘里多低窪之地歲患水災樊城四面二十餘里大略相同信陽一路

今之蘆漢鐵路所經多非殷闐繁富之區孤幹初立重枝未與若遽舉直豫鄂三省之路全建雙軌恐加倍之工料實屬虛費養路之利益無所取資且照原估四千餘萬兩之數不敷甚鉅不如預備雙軌之地除平站暨轉灣之處應設雙軌外其餘先設單軌俟枝路四達車輛日增之時再議加添仰祈聖明折衷一是現在北端自蘆溝橋至保定一段土工已竣各項物件亦陸續到工年外當可支搭先鋪軌道開車運料一面派員續籌保定至正定一段買地事宜一俟比國總公司到日即行廣續趨集南端由漢口至孝感一段已儲備木石各

料指日水落當即墊道造橋計日程工大約鐵道不難在築路鋪軌而難在造橋尤難在運料南北橋工如環河襄河淮河沙河潁河淇河衛河漳河洛河滹沱河渚路河塘河琉璃河永定河寬濶自數十丈至四五百丈已費經營中間渡黃之處約在滎澤左近寬濶約十餘里工艱費巨向來各國興造大路重在測繪茲先勘尋運道如衛輝至黃河一段軌道必應先造所有黃河橋軌各重料應以天津衛河運至衛輝其他皆可類推現經比公司商酌選派頭等工程師多帶測繪洋匠前來逐段勘測繪圖一俟圖成全局在握謀定後動不難多

張文襄公全集

卷四十六

奏議四十六

三

分段落同時兼舉期於五年限內告厥成功苟非有意外之阻當不致過形重滯也

硃批該衙門議奏單並發欽此

附片

再今天下大興作莫甚於鐵路路料莫巨於鋼軌湖南大冶縣鐵礦臣宣懷謀之於先漢陽鐵廠臣之洞成之於後皆所以爲今日造路計也顧非軌不能成路非鐵不能製軌非佳炭不能鍊鐵故臣之洞經營漢廠先經營馬鞍山煤礦竊計兩礦日出之鐵足敷鍊鐵之用馬鞍山所出之煤亦足敷兩爐之用其不足者輔以萍鄉

之煤不料馬鞍山煤質中變出煤之數雖屬不少無如礦質甚多或供鍋爐或鍊焦炭供他項之用若鍊生鐵只能配搭而萍鄉之煤不用機器不能盡純粹以致先開一爐亦須求煤於外臣宣懷去夏接辦後一面廣求煤礦一面與開平礦務局按照時價訂購焦炭以應目前伏查一爐歲需焦炭三萬六千噸兩爐同開即倍之化鍊鋼軌之焦炭尙不在內今年與開平但訂三千噸不及一鑪數月之用然猶不能挑選整潔廣函商懇至再至三常炭炭有不克接濟之意現在蘆漢兩端並舉非開兩爐無以應期成軌近來雖在江皖湖北等省沿

張文襄公全集

卷四十六

奏議四十六

三

江近水地方察得煤礦數處正在分遣礦師鑽試即使煤旺質佳亦須二三年始能辦成此二三年內幹路鐵軌須用十分之七中國礦煤鍊焦合化鐵用而用機器開挖日可出煤一二千噸者僅有開平一處則漢廠改鍊此七分之軌非賴開平公司之力不可方今鎊價昂貴購外洋鋼鐵逾半價三四成如開平公司一年之內能應漢廠焦炭六七萬噸則軌不外購實吾華興工藝塞漏卮利權不外溢之機會否則軌料橋料莫不取資洋廠蘆漢幹路多擲二千萬以貽外人而漢廠將一蹶不振工藝均廢漏卮日出利權坐失自強利鈍之機無

有大於此者開平公司經李鴻章竭力維持幸有今日顧全大局應有同心除由臣文部督飭該局儘力設法開煤運洛務令足用並由臣之洞宜懷派員前往開平商訂合同外謹將一切機宜奏聞伏祈聖鑒再蘆漢鐵路議借比國洋款業經臣等議定草合同奏准簽字在案嗣由該公司續派德福尼愛蘭依期來滬查照原約期於六月二十八日將草合同彼此再行簽字作為正合同另訂附約五款補正約所未備除咨行總理衙門外理合附片奏聞

唐心口隄工緊要親往察看摺 光緒二十三年十一月十二日

張文襄公全集 卷四十六 奏議四十六

竊臣等承准軍機大臣字寄光緒二十三年十月二十七日奉上諭給事中高燮會奏湖北潛江縣唐心口隄工關繫數州縣田廬本年漢水漫溢其故由於興工太遲請飭迅速堵築等語此項隄工據奏關繫緊要即著張之洞譚繼洵酌度情形趕緊堵築原片著鈔給閱看將此諭令知之欽此伏查唐心口係京山縣所屬去冬因水退過遲口門水深數丈無從施工且直無從估計故至臘正之交中洪稍淺始能勘估晝夜趕修乃今年春間雨水過多二三月內兼旬霖雨晝夜滂沱春漲又復早至以致口已堵合復被漫決並非謀之不豫實緣

洪深雨早工艱款鉅人力難施前經疊次奏明在案茲當霜清水落業經臣等於十月下旬檄委奏辦賑務江西候補道惲祖祁署安陸府知府候補知府彭覺先等趁此水涸之時前往勘估百計挪湊款項迅速興修兼可以工代賑於十一月初九日奏明在案茲據惲祖祁等稟稱唐心口隄今春潰口僅五百餘丈夏秋冲刷多出三百餘丈是以此次月隄搭腦又須退後填築相度形勢插立引桿已至二千丈外至填築三處水洪共八百餘丈所費已鉅而築隄二千餘丈水陸各廣取土甚難加以填洪拋沙堆掃及木石物料各項費用費通盤估計約需數十萬金原擬籌備之款所差甚鉅且此隄患深工險所有塞決築隄自當一氣趕成不可作輟若停工待款則費用轉加且恐前功盡棄惴惴過慮不易措手稟請核示等情查鄂省庫儲如洗百端交集羅掘久窮專恃賑捐一款應用而此時捐事甚不踴躍從何籌此鉅款實覺束手無策特是該隄關繫京山天門漢川潛江等縣民命田廬萬不能置而不修各該縣罹此水災已經兩年溝壑流亡慘苦萬狀不惟無耕種之地並且無棲止之區若再不修築是明年一年生計又已無望百餘萬災黎固屬可憫且流離窮迫為患亦不堪設

張文襄公全集 卷四十六 奏議四十六

想臣等反覆籌思萬分焦灼茲由臣之洞即日馳赴唐
心口親往察看督飭該印委等力求樽節核實確估一
面就現發之款飭催趕緊興工俟臣之洞回省當會同
臣繼洵督飭司道等熟商籌款之法再行具奏請旨辦
理臣等總期竭力設法成此要工以仰副 聖主軫念
民艱拯救饑溺之至意所有唐心口隄工先經臣等委
員勘修茲復遵旨酌度情形趕緊堵築並由臣之洞親
往察看確估督催再行設法竭力籌款
硃批知道了欽此

察看隄工情形並回省日期片

光緒二十三年十
二月初七日

張文襄公全集

卷四十六 奏議四十一

三

再湖北京山縣唐心口隄工奉旨籌辦經臣奏明親往
查勘因上水遲滯於十一月二十四日行抵工次親身
周歷該口上下游暨口門內外察看水勢土性以及現
擬退築月隄處所應填水洪處所一一詳閱查該口實
因對岸蔡家洲一帶連年新淤沙洲縣互數里日漲日
寬突入河心以致將河水橫逼衝潰舊隄邊刷經年致
成巨浸現在此洲業將襄河正道全行占滿口門內已
成一湖口門上下現存舊隄各四百餘丈日受緊溜內
外衝刷岌岌可危俱不可用以致月隄退築逾遠工段
逾長現計應修新隄至十餘里之長應填水洪至三道

之多擬定隄形地方淤塘甚多墊築維艱不惟取土甚
遠即取沙亦復不易而對岸新淤沙洲必須設法挑溝
衝刷一面出示曉諭不准刁民挾私壑隣藉口抗阻其
上口兼須添築碎石坦坡及石裏頭以護廢隄藉作屏
蔽下口對岸之謝家埠地屬潛江將來新隄成後即成
頂衝亦甚可危潛江亦係災區並須代籌經費培築完
固此項工程實為艱鉅然數縣民命田廬所關勢不能
置而不修現在趕緊拋沙填洪災民男婦老弱藉工就
食者以數萬計幸天氣尚屬晴和已在決口內下游築
壩截溜俟壩成後口門之溜當可漸就平緩當經督飭
道員惲祖祁署安陸府知府彭覺先及在工各委員等
核實籌辦趕緊興修限於明年正月底將大致規模作
就以防春漲惟經費萬分艱難當會同撫臣譚繼洵督
飭司局設法籌辦因省城事務殷繁現在交涉事件尤
為緊要當於上月二十八日回省
硃批知道了欽此

請添練精兵摺

光緒二十三年十
二月二十四日

再方今時勢自以武備為第一急務若各省各有精兵
一大枝則外侮稍有顧忌消患無形近日欽奉寄諭飭
令練兵惟今日練兵一事實非倉卒可辦烏合招募雖

張文襄公全集

卷四十六 奏議四十六

三

有數十百營臨時毫無所用是非竭累年心力精加訓練不可必須掃除故套參用西法參用各國洋弁教習講求槍礮理法兼習營壘測繪始可謂之為兵而各營將官習氣難化罕肯用心即使操演仍屬皮毛查湖北防營本不甚多除分布荆襄漢口大冶等處或彈壓地方巡緝私鹽此各營分段割卡直如外國巡捕綠衣兵難於合隊精練外省城內外所割止有二千九百人尙須備省外有事派出彈壓臣現擬酌添一千人訪求志氣忠壯耐勞勤操之將弁帶之合同在省原有各營分配華洋教習講求各種操法不派雜差臣當親自督率

張文襄公全集 卷四十六 奏議四十六

日加訓練務期悉成勁旅俟練有成效後再發往省外將各營舊勇以次更換其餉需即於善後局本省餉需項下支撥設法騰挪湊集總期於京協各餉無所妨礙方今外患日亟武漢沿江重鎮僅有防軍三四千人豈能濟用但籌餉既難即使有餉而練兵亦不易選將尤不易只有循序擴充若各省武備俱能漸臻強實庶可戢外人狎侮吞噬之心

張文襄公全集卷四十六終 衡陽江楫校

張文襄公全集卷四十七 奏議四十七

粵漢鐵路緊要三省紳商籲請通力合作以保利權摺 光緒二十四年正月初五日

竊光緒二十二年九月臣宣懷赴召議辦蘆漢鐵路之時經總理衙門王大臣代奏設立總公司先造蘆漢幹路其餘蘇滬粵漢等處商股方能號召且可混各國窺伺之心斷却無數葛藤等語當蒙王大臣奏准各司自必合南北統籌始能展拓蘇滬粵漢亦當次第舉辦等因仰見朝廷俯採芻蕘無遠弗屆之至意現今幹路蘆

張文襄公全集 卷四十七 奏議四十七

漢兩端均已開辦雖因部帑未能全撥洋債復多波折比國總工程司開春到滬即應催令付款分頭趕辦臣宣懷並當親自督同工程司由鄂豫履勘以達畿輔多分段落期於五年竣工所召粵漢南幹路原擬稍緩籌辦無如時局日亟刻不及待羣雄環伺輒以交涉細故兵輪互相馳騁海洋通塞靡有定時今海道既無力能與設有外變隔若異域必內地造有鐵路方可聯絡貫通廣東財賦之區南戒山河豈可退棄此粵漢南路所當與北路同時並舉者一也原議由粵至鄂擬繞道江西道里較湖南為迂遠而形勢利益亦迥殊臣等與湖南

撫臣陳寶箴函電互商該撫臣電稱國家創興大政以立自強之基蘆漢已行鄂粵繼舉江湘莫非王土豈能有所阻撓况湘人素懷忠義近來紳士尤多通曉時務不泥故見並據湖南在籍紳士翰林院庶吉士熊希齡江蘇候補道蔣德鈞來鄂與臣之洞宣懷面商如取道郴永衡長由武昌以達漢口則路較直捷湘中風氣剛健他日練兵可供徵調鑛產尤豐厚地利亦可蔚興此粵漢鐵路之宜折而入湘者又一也茲據湘粵鄂三省紳商聯名呈請會奏前來除抄錄公呈分咨軍機處總理衙門查核外臣等深維時變莫測鐵路早成一日可保

張文襄全集

卷四十七

奏議四十七

二

路相為銜接以符原議
硃批另有旨欽此
時局危迫預杜外謀片光緒二十四年正月初五日
再總理衙門原奏蘇滬粵漢鐵路次第舉辦是南路在必辦之列氣脈方能貫通獲利方能還債處今之勢借款招股均屬繁難原非一蹴可幾惟目前德國無理肇衅占踞膠墨要害並獲山東承辦鐵路利益局勢頓變俄國已造路於黑龍江吉林以為通奉天旅順之計法國已造路於廣西以為割滇之計獨英國窺伺既久尙無所得目前必有效尤要挾占我路權之舉查今年春

張文襄全集

卷四十七

奏議四十七

三

一日之利權多拓百里可收百里之功效粵漢南幹自應仍照原議與北路一氣呵成議由湖南以達武昌尤得致富強之要該三省紳商立意既同輿情已洽自必眾志成城無所搖惑如蒙俞允應請飭下兩廣總督廣東湖南湖北撫臣與臣等隨時會商妥議招集華股酌借洋債並選舉各省紳商設立分局購地鳩工認真辦理總之各省紳商分任路利自須公溥均霑而造路之本資借款抵押之辦法通行之章程必須蘆漢粵漢二大幹路合為一氣遞招遞墊遞修遞押遞借遞展轉相生竭五六年之苦功若無意外之虞當可使南北幹

東西水陸之樞紐若粵漢一路再令英人造一鐵路直貫其中將來俄路南引英路北趨雖有蘆漢一路間隔於中無能展布且將來甚至為英俄之路所併則是咽喉外塞腹心內潰雖欲講求練兵製械之法理財足國之方亦將無從著手豈惟不能自強恐從此中華不能自立矣時局危迫至此思之寒心惟有趕將粵漢一路占定自辦尙是補救萬一之法然則由粵入湖通漢一路緩辦則必為彼族強占之資急辦則恐集資有限難於展布臣宣懷前擬蘆漢鐵路借用英債嗣以英商華士實來華多方要挾議遂中輟不得已而謀之比利時張文襄公全集

卷四十七 奏議四十七

四

國雖權利不失可無後患然係小邦勢力甚微屢以未成之鐵路不足為保滋其疑懼委曲遷就事甚勉強則粵漢借款斷宜另謀至英及法德無論何國承辦皆有大害擬函商駐美使臣伍廷芳就近仍與美國紳商籌議借款伍廷芳係粵人度無不竭力而謀俟有規模自當隨時與王大臣電商請旨核定現在已據湘粵鄂三省紳商議定合立公司呈請奏明先行立案以備抵制外人杜絕腹心之禍應請諭旨宣布准令總公司同三省紳商迅速籌款辦理並請飭下總理各國事務衙門立案如他國有以承辦粵漢鐵路為請者即明告以預

准各該省紳民公司自行籌辦俾免枝節臣等實因時局危迫預杜外謀起見除已於昨日會同電奏外謹據實密陳伏祈聖鑒

字寄王文韶張之洞盛宣懷據奏粵漢鐵路緊要三省紳商願請通力合作以保權利現在時局日亟所有中國緊要枝幹各路除蘆漢業經開辦外粵漢一路自應預爭先著若由湘鄂粵三省紳商自行承辦派歸總公司總其綱領實於大局有裨惟是造路之資本借款之辦法通行之章程必須與蘆漢公司一氣貫注始可收通力合作之效著王文韶張之洞譚繼洵陳寶箴許振

張文襄公全集 卷四十七 奏議四十七

五

禱隨時會商盛宣懷妥議招股借款各節並選舉各省紳商設立分局購地鳩工認真辦理各國如有以承辦此路為請者即由總理衙門王大臣告明以三省紳商自行承辦杜其要求此路貫湖南腹地銜接武昌不特取徑直捷即練兵開礦諸凡有益該大臣當妥速開辦力任其難以收實效將此各諭令知之欽此

裁減湖南制兵摺 光緒二十四年三月二十二日

竊臣承准軍機大臣字寄光緒二十三年三月初四日奉 上諭戶部奏冗兵耗財過鉅亟宜大加裁汰一摺近因庫款支絀各省亦籌解維艱經戶部先後奏請裁汰

綠營七成勇營三成疊經降旨飭令遵行上年十一月初二日復通諭各直省將軍督撫不論綠營勇營均應大加裁汰是裁減兵勇一事事機所迫勢在必行茲據戶部奏稱自行知各省以來惟山東一省經該撫李秉衡奏明將制兵分限五年裁減五成並將防營練勇分別裁減此外各省或請將兵額酌裁尙無成數或僅裁綠營二三成所裁勇營更屬寥寥無幾似此敷衍塞責有名無實何濟於事現在綜計各省兵勇尙有八十餘萬人歲需餉銀約共三千餘萬兩綠營積惰久同虛設當茲償款期迫中外諸臣自應合力通籌先其所急若

張文襄公全集

卷四十七

奏議四十七

六

猶復飾詞搪塞坐擁多營值此需款緊急之時棄有用之餉養無用之兵以致借無可借抵無可抵民生日蹙國計亦因之愈窮在公忠體國之大臣當不出此各直省將軍督撫奉到此旨統限一月內將裁減兵勇若干節省餉銀若干條分縷析切實覆奏所留兵勇務當精選訓練鎮撫地方至所裁兵勇應酌給遣餉銀米之處並著該將軍督撫等體察情形奏明辦理原摺著抄給閱看除直隸南洋河南浙江現有各軍另行諭令切實裁汰外將此由四百里通諭各直省將軍督撫知之等因欽此當經恭錄轉行欽遵辦理查湖南兵額從前節

次核減同治三年復裁馬戰守兵三千七百餘名現在實存馬戰守兵二萬二千八百二十三名內抽練兵一千名存營存汛兵二萬一千八百二十三名臣等欽遵諭旨當經會商提臣督同司道各鎮等詳加籌酌就湖南現有兵額體察地方衝僻繁簡情形分別免裁酌減庶於節省餉項之中仍寓慎重邊防之意其大指仍卽臣之洞前奏所陳裁散不裁整裁兵不裁官二義則裁者既無扞格存者亦可用現議撫提鎮各標已挑入操防營之練軍糧餉既較原營爲優屯聚復在一處責成將弁大加整頓將來可期有用至苗疆邊要之鎮軍

張文襄公全集

卷四十七

奏議四十七

七

鎮兵向稱勇敢善戰海內知名擬請毋庸議減又如綏靖鎮永綏協乾州協鎮溪營河溪營保靖營古丈坪營等處均係駐紮苗疆要隘若留兵過少難資鎮懾擬將最要之綏靖一鎮裁減一成永綏乾州鎮溪河溪保靖古丈坪各協營各裁減二成此外腹地各營無論何標何營凡未練之兵一律裁減五成係就練軍及現在原營實數馬戰守兵合計統共裁減五成不得剔除練軍計算以冀少裁應裁之數勻分五年裁竣所裁兵丁應發餉乾米折銀兩飭令各營截至光緒二十三年十月底爲止以後每年遞裁截餉之期均以十月底爲斷以

歸畫一所裁之兵擬發給一年餉銀餉米遣令歸農即自各營開缺停餉之日起由藩司糧道按數核明發足一年銀米俾得藉以資生徐圖改業副參游都守等官及千把外委額外等弁應請留為弁兵升階及分帶兵勇之用鼓勵征戰緝捕出力者之資毋庸議裁凡分防分汛之千總其地或係州縣城內或係關津鎮市需兵彈壓者將此項千總存留給隨身兵二十名餘概裁汰把總額外防汛尤屬畸零無用一律裁除向來地方呈報盜案犯未弋獲分防協防之千把額外開參疏防不過循例受過以後裁去外汛地方遇有疏防之案原轄

張文襄公全集

卷四十七 奏議四十七

八

武職應免置議捕盜等事即專責成州縣辦理州縣解餉解犯看守城門局庫等事亦責成州縣派役看守其裁汰無兵之把總外委額外等弁額缺廉俸應請仍循其舊以上皆體察地方輕重情形緩急分別辦理總計此次共裁馬戰守兵七千四百二十八名勻分五年遞裁計裁竣後每年節省兵餉馬乾米折共銀十三萬餘兩裁存兵飭令各鎮協挑選強壯樸實者認真訓練擇要屯紮俾免徒糜餉需其有未盡事宜臣等隨時妥籌辦理除將分年裁減各營馬戰守兵數目暨層遞節省餉銀餉米並給一年恩餉銀米各細數造具詳細清冊

咨部備案外所有湖南裁減綠營兵額分別辦理情形臣等謹合詞恭摺具奏再此事於上年九月間已經定議札飭截餉因該司等核計兵餉細數日內始行具詳是以此時甫行陳奏其截餉日期仍係以光緒二十三年十月底截止合併陳明
硃批戶部知道欽此

設立農務工藝學堂暨勸工勸商公所摺
光緒二十六年二月十六日

竊惟富國之道不外農工商三事而農務尤為中國之根本前經總理各國事務衙門戶工等部疊次議奏廣

張文襄公全集

卷四十七 奏議四十七

九

種植興製造講商務各事飭令設局開學各就本省情形切實籌辦勿得徒託空言等因均經奉旨允准通行各省在案亟應欽遵籌辦且湖北連年水旱歲收歉薄穀價踊貴洋貨充溢商賈蕭條民生艱苦異常尤須於訓農通商惠工各政急速講求以冀稍資補救惟中國農民向多樸拙其於地學化學製器利用素未通曉士大夫又多不措意於此工商各業不過就其所已知已能各謀生理罕能同心考求以規遠大是非官為提倡斷不能開發民智日起有功查農政修明以美國為最上年即經電致外洋選募美國農學教習二人來鄂派

員伴同前往近省各州縣考察農情辨別土宜並購致美國新式農具暨穀果佳種爲試種之用茲於湖北省城設立農務學堂即酌借會館公所應用擇取官山官地並酌租民間田地爲種植五穀林木暨畜牧之所招集紳商士人有志講求農學者入堂學習研求種植畜牧之學又於洋務局內設立工藝學堂選募東洋工學教習一人一教理化學一教機器學招集紳商士人有志講求商學者入堂學習並派中國通曉化學製造之士人幫同教導藝徒講求製造各事宜先擇湖北物產所有銷路易通者以漸試行俾遠近商民皆來取法以

張文襄公全集

卷四十七 奏議四十七

十

得縱觀合各幫大商公舉董事數人經理其事隨時邀集素有閱歷之行商坐賈常來公所評論商權較物產之精粗衡工藝之優劣考求采製配用之新法至以後各商應如何推廣集股購製運銷統由各商自行籌辦官不預聞其彈壓保護詢訪外省外洋情形等事則稟官爲之主持照料不合窒礙此係仿照外洋勸工場辦法既可以興商業亦可以勉工藝俾省外僻遠之區所有地產各物人工各貨得以傳播流通自然製造日精貿易日盛所需經費無多即飭該關道籌措應用總期利源漸闢民困漸蘇庶仰副朝廷本教養以致富強之至意

張文襄公全集

卷四十七 奏議四十七

十一

硃批該衙門知道欽此

槍礮局添廠製造請加撥經費摺

光緒二十四年閏三月十一日

竊光緒二十四年正月十一日承准軍機大臣字寄光緒二十三年十二月二十五日奉 上諭據榮祿奏稱各省煤鐵礦產以山西河南四川湖南爲最精請飭籌款設立製造局漸次擴充從速開辦以重軍需等語自係爲因地制宜起見原片均著抄給閱看等因欽此查原奏內稱已經設有局廠省分規模未備尤宜擴充自煉鋼以迄造無煙藥彈各項機器均須實力講求從速開

辦以重軍需等語所言皆切中機宜亟應從速籌辦查鄂廠所造快槍快礮爲新式最精之械若有械無彈有彈無藥仍屬虛器故既添設銅殼廠又須添設無煙藥廠緣外洋裝配快槍快礮悉用無煙藥他項洋藥皆不合用此物斷難仰給外人又槍管礮身必須精煉之罐子鋼方足以受無煙藥之漲力鐵廠所煉之西門馬丁鋼製他器則已稱精良製槍礮則尙非極致外洋罐鋼價值十數倍於常鋼非徒道遠價昂兼恐有事之秋諸多窒礙故精藥精鋼兩端均必須購機自造雖物力困絀終不敢畏難自沮致槍礮一廠有不全不備之機臣

張文襄公全集

卷四十七

奏議四十七

三

於上年卽經飭局員在漢口禮和洋行議訂向德國格魯森廠添購無煙藥機每十點鐘能出藥三十三磅每年約出藥五十噸其價德銀十三萬六千八百馬克允減五釐另加運保等費每百馬克加十七馬五十分先付定銀三分之一餘分兩次俟貨到給清現在機器已到上海上年復與禮和洋行訂購德國名廠煉罐子鋼機器全副每日能煉罐鋼二三噸鑄鋼機能鑄塊鋼每塊重二噸價值運保各費實價德銀十三萬三千馬克久已起運約計四月內亦可到滬至廠中僅製行營快礮以備陸戰之用因經費太絀故於礮臺之大礮未經

議及目下外侮日深長江設防斷不可緩查十二生新式長快礮施於沿江礮臺已足禦敵上年經臣電致出使德國大臣許景澄在力拂廠定購十二生快礮並架彈等機實價德銀三十二萬五千馬克機器四月內可到以上機器皆屬無款可籌不得不與洋商婉商墊欠分期認息歸款以期及早舉辦計各種機價以近日馬克折算共欠約銀二十四五萬兩加以添購大小新式樣礮輾銅板機拉鋼機壓鋼機大汽錘以及添配最精之鋼模樣板刀具等件亦約須銀數十萬兩再加增建廠屋又約須銀十餘萬兩其添雇華洋工匠常年製造

張文襄公全集

卷四十七

奏議四十七

三

工料之費爲數甚鉅約需銀二三十萬兩夙夜焦思各款實無所出查南北洋各製造局自建廠以來動撥巨款數難枚舉卽如上海製造局每年既撥有二成洋稅七八十萬兩嗣因添製快槍復蒙戶部撥給部借匯豐洋款四十萬兩俾還洋廠積欠並加撥常年工作之需二十萬兩上年二成洋稅多至八十四萬兩合以加撥之數已逾百萬以外今鄂省購機建廠等費皆係外籌未請部撥溯查光緒十七年臣曾奏明槍礮廠經費每年本須七十五六萬兩若每年先造一半約需銀四十萬兩現在鄂省所造槍礮子彈較津局既逾數倍較滬

局亦復加多近又添造無煙藥添煉罐子鋼添造礮臺所用十二生大快礮功用益廣而常年經費僅止土藥稅銀二十萬兩川淮鹽江防加價十六七萬兩僅及滬局三分之一且尙不及原估之半似乎偏枯過甚近日土藥商人多挂洋旗收數異常短絀川淮加價能否照常抽收尙須與稅司商辦目前情形岌岌難支儻援滬局之案每年請款百餘萬今日時勢亦知爲難再四思維惟有速請加撥常年專款銀四十萬兩撥足原估七十五六萬兩之數俾臣得以應急濟用分年將購造機廠之費劃撥還清以後卽統作爲槍礮廠新增常年經費庶可增料添工舊有各廠得盡機器之力新增各廠早收美備之功而較之滬局百餘萬之數仍不過三分之一查華洋商輪近准行駛內河由關收稅以後各海關洋稅收數必有起色如撥此項的款四十萬兩尙不爲難合無仰懇天恩俯念時勢艱危武備最急湖北槍礮廠擴充製造需款孔殷近日奉撥槍礮爲數甚多實難支持造成槍礮並非湖北一省所用事關全局且滬局鄂局理無二致必蒙朝廷一視同仁可否准於江漢關洋稅項下每年撥銀十萬兩另在洋稅暢旺之海關分撥銀三十萬兩共銀四十萬兩以爲添廠製造常年

張文襄公全集

卷四十七 奏議四十七

西

經費適符原估七十五六萬兩之數俾軍實要需得以爲籌備

硃批該部知道欽此

查明煉鐵廠用款咨部立案摺光緒二十四年閏三月十三日

竊照湖北煉鐵廠原估續估及開煉以後續增各項用款均經隨時奏咨迨至光緒二十二年改歸商辦復將歷年各項用款前後綜計約共五百數十萬兩截數奏明各在案迭准戶兵工三部咨催開列細數清單咨部立案戶部並行令將鐵廠情形詳細查勘繪圖貼說奏咨存案等因前來均經轉行遵辦茲據湖北鐵政局司道詳稱查湖北創設煉鐵廠大工精事繁費鉅工程之艱苦機器之笨重名目之繁多起運之煩難築基之勞費鑿鑿修路開煤煉鋼之紛歧隨地異宜隨時增補中國官吏工匠見所未見實非可以常例相繩而且機器鑪陸陸續續增添補購一物不備停工以待耗費殊多鑄價低昂前後不一機件均係電致出使大臣訂購使署於付價時不特將織布槍礮各局機器籠統牽入卽鐵廠每批機器亦復參差計算良以款本不敷挪墊在所不免而運保各費亦因之時有混淆加以建造工程迭有遷改煤鑛試辦時有廢興拖運輸剝則視緩急以

張文襄公全集

卷四十七 奏議四十七

五

為增損堤工險要則因盛漲而有停待及至歸商以後
點交既費時日外局尤多淹滯條分縷析清查非易此
疆彼界區別尤難此皆歷年未能驟為清釐之實在情
形也現經督飭局員次第句稽截清用數計奉准部撥
銀二百萬兩奏撥鹽釐銀三十萬兩借撥鹽糧道庫銀
四十萬兩咨准截作勘鑛費本省新海防捐尾數庫平
銀二萬八千五百五十一兩零奏明撥用槍礮廠經費
銀一百五十六萬四千六百二十二兩又前經奏明撥
用織布局股本銀三十四萬兩現結算清楚除鐵廠歷
年代布局墊付運保及代付外洋機價墊款扣除外實
張文襄公全集 卷四十七 奏議四十七

六

用銀二十七萬八千七百六十二兩零收鐵廠自煉出
樣鋼鐵價銀二萬四千八百二十五兩零借撥江南籌
防局五十萬兩兩淮商捐銀五十萬兩統共實收庫平
銀五百五十八萬六千四百十五兩零實用庫平銀五
百六十八萬七千六百十四兩零除收付兩抵外實不
敷銀十萬一千一百九十九兩零皆係分欠華廠洋廠
各商號之款其與原估續估前案未能符合者以前係
約略之詞原奏業經聲明不免疏漏及工程浩大隨時
增添補救非意料所及等情在案此係統計造廠以至
廠成並廠成開煉以後各項實用之全數歷年咨報案

贖可稽並非前後參差總計該廠開辦以來所有經費
除部撥二百萬兩奏請撥用數十萬兩外其餘三百餘
萬兩皆是外間多方湊借焦思羅掘而來備歷艱苦始
得成此規模無一時不慮停工無一事不求節省時時
察訪處處稽核不容稍有含混且現已歸商承辦用款
至五百數十萬之多議定皆可陸續收回若使稍有浮
糜商人豈能承接商局豈肯歸還查各省創造船政製
造各局所用經費從未收回涓滴至故大學士左宗棠
前在甘肅開設織呢局費銀百餘萬兩旋經後任廢棄
鉅款盡付東流今商人接辦煉鐵廠已有蒸蒸日上之
張文襄公全集 卷四十七 奏議四十七

七

勢是此鉅款將來皆可收回實係支而未銷與他項局
廠支用已過即歸無著者實有不同且未歸商辦以前
重建槍礮廠鐵梁柱六百餘噸皆是鐵廠所出所造之
件現在蘆保鐵路即用鄂廠鐵軌似已有利民塞漏之
明效茲開具收支分款數目清單咨部立案並分請部
示何項應歸何衙門核銷之處再造具清冊送部核銷
硃批該部知道欽此

查明槍礮廠用款咨部立案摺 光緒二十四年閏
三月十三日

竊照湖北漢陽槍礮局廠前經臣在廣東購定機器移
置湖北安設改換添購機器增建廠屋及開機製造各

情形均經隨時奏報各在案所有該局收支款目前請截至光緒二十一年底止將用款劃清咨報因外洋購辦機器物料各件多有墊欠牽搭且多與鐵廠所購之件所計之工諸多交涉粹難劃分現經督飭委員悉心句稽將購機建廠開工試造一切用款截至二十二年底止開單報部分清界限以後得以按年造報有條不紊溯自光緒十六年開辦以來歷年收過奏定該廠常年經費之宜昌土藥稅川淮鹽江防加價兩項專款及陸續籌捐籌借墊撥等項共實收庫平銀三百六十七萬三千六百七十八兩四錢零均經隨時奏報在案除

張文襄公全集

卷四十七 奏議四十七

六

八釐已湊匯使署代購碾銅板機及十二生快礮全機價不敷尙鉅其訂購之無煙藥罐子鋼等項機器用款均係商明洋商墊借應付分年給息還清應歸於二十四年以後分案辦理

硃批該部知道欽此

湖北試辦工藝附蠶桑局摺

九緒二十四年閏三月十三日

竊惟周禮六職飭其材月令五庫審其益萬物有曲成不遺之妙百工爲自古政令所關光緒十六年臣繼洵到任後卽經會同督臣之洞督飭司道籌款興辦農桑會於十九年籌款興辦蠶桑會奏在案近年廣招學徒

張文襄公全集

卷四十七 奏議四十七

九

添設織機六十張仿織浙江細緞各料精益求精銷路寬廣經費足資周轉既擬擴充規模飭令工匠學徒講求工藝以備農桑蠶織之不足藉抵外洋賤削之利權伏查內地所產麥草或非貴重之物織成帽辦粗細式樣二百餘種行銷外洋甚有利益就山東煙台一處而論每年銷價計銀已有一二百萬兩之多所造之貨文工居多近年日本設廠織造質良工細銷數甚多更奪中國之利又樟樹易於種植採葉製鍊可成樟腦台灣向有成法廣東近已仿造亦可暢銷外洋他如日用所需有洋蠟燭洋紙壓油等物多以中國布縷毛骨鎔煉

而成我材彼有償我祇此纖微彼貨我銷益彼每逾舊物更互交易盈絀懸殊慨自關市交通外洋以機器代人工中土財力遂爾交困惟有因利推行以濬其來源多方效法以敵其銷路湖北民貧地瘠水旱頻仍尤當設法補苴用蘇民困茲由山東萊州招僱織辦上等工匠來鄂收買麥草即於農桑局添募本省學徒令其指授由蠶及精一面飭令民間廣栽樟樹其有長成之木先行收買試熬樟腦並購造機器逐漸仿製洋燭壓油等物俟有效驗即擇學徒之精其法者派赴各屬轉相傳授總期失業者得所工作成物者各盡土宜以副朝廷

張文襄公全集

卷四十七 奏議四十七

三

廷利用厚生之至意

硃批該衙門知道欽此

自強學堂改課五國方言摺

光緒二十四年閏三月十五日

竊臣於光緒十六年在湖北省城創設自強學堂分課方言格致算學商務四門曾經附片奏明在案歷課兩年風氣稍開漸有研求時務者嗣思命題考試所課者僅已成之材所讀者僅已擇之書於今日新理新學日出不窮之西書尙無從探討其菁華考究其利病以為救時之要策是以上年春間擴充規模專以方言及算術為功課漸讀地志格致理化等書不復命題考試分

設日本及英法俄德五堂選已通中文者為學生每堂三十人共百五十人其東文俄文德文兼延洋教習課授其英法兩文中國習此較多即選華人為教習學生中不乏聰穎可造之士惟查總署同文館以外各省學堂無課東文俄文者臣前署兩江任內設立儲材學堂亦僅及東文而未及俄文去冬以來時局緊迫該兩文尤為切時之用總之新理新學非貫通洋文者無從得其底蘊必士大夫多半諳曉洋文而後各種政學有所措手儲譯材於此儲通材亦於此是方言一門洵為救時要策一俟學生學有成效即當仿照同文館之例量

張文襄公全集

卷四十七 奏議四十七

三

予獎敘並送入同文館一併備用

硃批該衙門知道片併發欽此

兩湖經心兩書院改照學堂辦法片

光緒二十四年閏三月十日

五

再臣疊准總理衙門暨禮部咨增設學堂整頓書院變通章程均經奏奉諭旨允准咨行欽遵辦理在案查湖北經心書院係臣為湖北學政時創設兩湖書院係臣於光緒十五年調任楚督以後所設茲將兩書院均酌照學堂辦法嚴立學規改定課程一洗帖括詞章之習惟以造真才濟時用為要歸兩湖書院分習經學史學

地輿學算學四門圖學附於地輿每門各設分教諸生於四門皆須兼通四門輪日分習另設院長總司整飭學規考核品行講明經濟用宋太學積分之法每月終核其所業分數之多寡以爲進退之等差經心書院分習外政天文格致製造四門每門亦各設分教諸生於四門皆須兼通四門分年輪習無論所習何門均兼算學分教中卽有通曉西文者諸生若自願兼習西文亦聽其便另設院長總司整飭學規專講四書義理中國政治其考分數而不僅取空文亦與兩湖書院同兩書院所習八門皆係學人必應講求通曉之事因專門分

張文襄公全集

卷四十七 奏議四十七

三

教一時難得多人故於兩書院分習之大指皆以中國爲體西學爲用既免迂陋無用之譏亦杜離經畔道之弊其入院之生皆選擇年在二十五歲以下者以五年爲滿學成者擇尤酌量咨送請獎學不成者遣歸另招新生總期體用兼備令守道之儒兼爲識時之俊庶可有裨時艱以仰副朝廷興學儲材之至意

爲蔡錫勇請卹摺

光緒二十四年閏二月十五日

竊一品頂戴已故湖北補用道蔡錫勇由同文館學生洊保道員歷充美日秘各國繙譯參贊等官繼在廣東湖北辦理洋務交涉事宜先後二十餘年臣前於廣東

省創辦銀元局水陸師學堂魚雷局及到湖北後創辦煉鐵廠槍礮廠銀元織布紡紗繅絲等局自強學堂武備學堂雖查羣策羣力而該故道實總其成前經臣奏保由吏部帶領引見光緒二十二年十月二十四日奉旨著以道員發往湖北補用並交軍機處存記欽此旋經奏署漢黃德道以歷年積勞心血虧耗時患怔忡之疾是年十一月因武備學堂開堂生徒入學之日該故道渡江經理中流大風陡起摧折船桅已將覆溺賴救生紅船搶救始得轉危爲安因受驚恐猝得類中風之症調治雖愈元氣未復交卸道篆後仍力疾總理各局

張文襄公全集

卷四十七 奏議四十七

三

廠事務夙夜在公風疾時復引動言語總帶審澀督催槍礮廠工作較定武備學堂章程不遺餘力卒以百務叢集勞瘁過甚舊疾復發猝不及治頃刻身故其疾作之前數刻猶復手書致武備學堂洋教習詳論學生課程事理周密卽於是日夜間病故身後蕭然債負纍纍僚屬諸人同聲悼歎查該故道志操廉正器識閎深博通泰西語言文字精究天文格致測算等學於各國外政暢悉利病源流而天懷淡泊任事肫誠凡各國領事江海稅司以及鑛師洋匠中西商賈莫不欽其耿介服其明達遇交涉重要繁難之事他人棘手莫辦者該故

道靡不迎刃而解所辦鐵布槍礮各局廠經手款項多至數百萬兩力杜虛糜絲毫不苟迨其歿也囊無餘蓄旅殞難歸各國洋報流傳咸加惋惜傷悼異口同聲微臣失此臂助極目時艱人才罕覩尤不能不為國家惜此人矣查奉天已故候補知府李金鏞前在漠河開辦金鑽積勞病故經前直隸總督臣大學士李鴻章奏奉

上諭交部從優議卹等因欽此欽遵在案今該故道蔡錫勇辦理洋務創設製造各局廠銀元鐵政各局關富國之本計槍礮廠及武備方言各學堂為自強之要圖成效昭著尤非李金鏞功在一隅者可比而積勞病故

資觀感而勵將來

張文襄公全集 卷四十七 奏議四十七

以死勤事與李金鏞實同一律且疾由因公渡江受驚而起尤堪憫惻合無仰懇天恩俯准交部從優議卹以

硃批著照所請該部知道欽此

恭報交卸起程日期摺 光緒二十四年閏三月十七日

竊臣承准總理衙門電開奉旨張之洞著即來京陛見有面詢事件湖廣總督著譚繼洵暫行兼署欽此臣遠離闕廷已逾十載依戀之誠常縈夢寐恭聞恩命獲申瞻覲之忱曷勝欣幸臣當將鄂省重要事件趕速略為部署與撫臣及司道等籌計大概於閏三月十七日將

湖廣總督關防並王命旗牌文卷等項委員賞送撫臣譚繼洵接收任事臣即於是日交卸由鄂乘輪起程趨詣闕廷跪聆聖訓硃批知道了欽此

張文襄公全集 卷四十七 奏議四十七

五

張文襄公全集卷四十七終

新城王樹樸校

張文襄公全集卷四十八

奏議四十八

恭報折回本任日期摺光緒二十四年四月十六日

竊臣前准總理各國事務衙門來電奉旨張之洞著即來京陛見有面詢事件湖廣總督著譚繼洵暫行兼署欽此臣當即欽遵交卸督篆由鄂起程恭摺奏明在案嗣於閏三月二十五日在上海行次欽奉閏三月二十四日電旨現在湖北有沙市焚燒洋房之案恐湘鄂匪徒勾結滋事長江一帶呼吸相連上游情形最為喫重著張之洞即日折回本任俟辦理此案完竣地方一律

張文襄公全集卷四十八奏議四十八

安靜再行來京等因欽此臣因上海各國領事約期陸續接晤並與日本領事及督辦鐵路大臣盛宣懷有籌商事件於四月初一日自滬開行旋於初八日抵鄂四月十二日准兼署督臣譚繼洵將湖廣總督關防並王命旗牌文卷等件委員賚送前來臣當即恭設香案望闕叩頭謝恩祇領任事伏查沙市一案兼署督臣譚繼洵已飭獲犯嚴辦疊經電奏現正籌議賠款租界等事惟武漢謠言甚多人心不靖洋人不免驚惶正在力籌鎮撫其地方一切事宜當隨時與湖北湖南兩撫臣照常悉心商辦俟地方一律安靜再行請旨

硃批知道了欽此

妥議科舉新章摺光緒二十四年五月十六日

竊臣前准部咨光緒二十四年正月初六日欽奉上諭開經濟特科令中外大臣薦舉考試近日恭讀邸鈔四月二十三日欽奉上諭殷殷以變法自強京外設立學堂為急又讀邸鈔五月初五日欽奉上諭於下科為始鄉會歲科各試向用四書文字者一律改試策論一切詳細章程該部即妥議具奏等因欽此際此時局艱危人才匱乏屢頒明詔破除成格力懲譴陋空疏之習思得體用兼備通達時務之士而任之海內士民見我

張文襄公全集卷四十八奏議四十八

皇上處事之明決如此求才之急切如此孰不欽仰感奮竊惟救時必自求人才始求才必自變科舉始四書五經道大義精炳如日月講明五倫範圍萬世聖教之所以為聖中華之所以為中實在於此歷代帝王經天緯地之大政宅中馭外之遺略莫不由之國家之以四書文五經文取士大中至正無可議者也乃流失相沿主司不善奉行士林習為庸陋不能佐國家經時濟變之用於是八股文字遂為人所詬病今聖主斷然罷去八股不用固已足振動天下之耳目激發天下之才智特是科舉一事天下學術所繫即為國家治本所關若

一切考試節目未能詳酌妥善則恐未必能遽收實效而流弊亦不可不防當考北宋初創爲經義取士之法體裁只如講義文筆亦尙近雅明成化時始定爲八股之式行之已五百年文徇俗而愈卑流積久而愈敝雖設有二場經文三場策問而主司簡率自便惟重頭場時文二三場字句無疵卽已中式遂有三場實止一場之弊今改用策論誠足以破拘攣陳腐之習矣然文章之體不正命題之例不嚴則國家垂教之旨不顯取士之格不一多士之趨向不定今廢時文者惡八股之纖巧苛瑣浮濫不能闡發聖賢之義理也非廢四書五經

張文襄公全集

卷四十八

奏議四十八

三

也若不爲定式恐策論發題或雜采羣經字句或兼采經史他書界限過寬則爲文者必至漫無遵守徒騁詞華行之日久必至不讀四書五經原文背道忘本此則聖教興廢中華安危之關非細故也竊以爲今日當詳議者約有數端一曰正名正其名曰四書義五經義以示復古文格大略如講義經論經說二曰定題四書義出四書原文五經義出五經原文或全章或數章或全節或數節或一句或數句均可不得刪改增減一字亦不得用其意而改其詞三曰正體以樸實說理明白曉暢爲貴不得塗澤浮豔作駢儷體亦不得鈎章棘句作

怪澀體四曰徵實准其引徵史事博考羣書但非違悖經旨之言皆可引用凡時文向來無謂禁忌悉予蠲除五曰閑邪若周秦諸子之謬論釋老二氏之妄談異域之方言報館之瑣語凡一切離經叛道之言嚴加屏黜不准闖入則八股之格式雖變而衡文之宗旨仍與清真雅正之聖訓相符顧猶有慮者文士之能講實學治古文者不多改章之始恐僅能稍變八股面目不免以時文陳言濫調敷衍成篇若主司仍以頭場爲重則二三場雖有博通之士仍然見遺與變法之本意尙未相符若主司厭其空疏陳腐趨重二三場則首場又同虛

張文襄公全集

卷四十八

奏議四十八

四

設其詭誕浮薄趨風氣者或又將邪說之說解釋四書五經附會聖道必致離經畔道心術不端之士雜然並進四書五經本義全失聖道既微世運愈否其始則爲惑世誣民之談其終必有犯上作亂之事其流弊尤多爲禍尤烈且明目開特科立學堂而學堂肄業有成之士未嘗示以進身之階經濟雖併入鄉會場而未議及六科如何分考之法若非合科舉經濟學堂爲一事則以科目升者偏重於詞章仍無以救迂陋無用之弊以他途進者自外於聖道適足以爲邪說暴行之階今宜籌一體用一貫之法求才不厭其多門而學術仍歸

於一是方爲中正而無弊昔朱子當南宋國勢微弱之際憤神州之多難傷救世之無才屢欲改變科舉嘗考語類中力詆時文之弊者不一而足而究其救科舉積弊之法則曰更須兼他科目取人歐陽修知諫院時惡當時舉人鄙惡剽盜全不曉事之弊嘗疏請改爲三場分試隨場而去之法每場皆有去留頭場策合格者試二場二場論合格者試三場其大要曰鄙惡乖誕以漸先去少而易考不至勞昏全不曉事之人無由而進其說頗切於今日之情事朱子之擬兼他科目猶今之特科經濟六門也歐陽修之欲以策論救詩賦猶今之欲

張文襄公全集

卷四十八

奏議四十八

五

以中西經濟救時文也又查今日定例武科鄉會小試騎射步射硬弓刀石分爲三場皆有去取人數遞刪而遞少技藝遞考而遞精而磨勘之例尤以末場弓力爲重竊謂宜道師朱歐之論近仿武科之制擬爲先博後約隨場去取之法將三場先後之序互易之而又層遞取之大率如府縣考覆試之法第一場試以中國史事國朝政治論五道此爲中學經濟假如一省中額八十名者頭場取八百名額四十名者頭場取四百名大率十倍中額卽先發榜一次不取者罷歸取者始准試第二場二場試以時務策五道專問五洲各國之政專門

之藝政如各國地理學校財賦兵制商務刑律等類藝如格致製造聲光化電等類分門發題考試此爲西學經濟其雖解西法而支離狂悖顯背聖教者斥不取中額八十名者二場取二百四十名額四十名者取一百二十名大率三倍中額再發榜一次不取者罷歸取者始准試第三場三場試四書義兩篇五經義一篇取其學通而不雜理純而不腐者合校三場均優者始中式發榜如額磨勘之日於三場尤須從嚴如有四書義五經義理解謬妄離經畔道者士子考官均行黜革如是則取入二場者必其博涉古今明習內政者也然恐其

張文襄公全集

卷四十八

奏議四十八

六

明於治內而闇於治外於是更以西政西藝考之其取入三場者必其通達時務研求新學者也然又恐其學雖博才雖通而理解未純趨向未正於是更以四書義五經義考之其三場可觀而中式者必其宗法聖賢見理純正者也大抵首場先取博學二場於博學中求通才三場於通才中求純正先博後約先粗後精既無迂闊庸陋之才亦無偏駁狂妄之弊三場各有取義以前兩場中西經濟補益之而以終場四書義五經義範圍之較之或偏重首場或偏重二三場所得多矣且分場發榜則下第者先歸二三場卷數愈少校閱亦易寒士

無候榜久羈之苦謄錄無卷多謬誤之弊主司無竭蹶
草率之虞一舉三善人才必多而著重尤在末場猶之
府縣試皆憑末覆以定去取不愈見四書五經之尊哉
其學政歲科兩考生童均可以例推之歲科考例先試
經古一場卽專以史論時務策兩門發題生員歲考正
場原係一四書文一經文卽改爲四書義經義各一生
員科考童生考試一切均同其童試孝經論性理論應
仍其舊難者或曰主司罕通新學將如之何不知應試
則難試官則易近年上海譯編中外政學藝學之書不
下數十種切實者亦尙不少闡中例准調書據書考校

張文襄公全集

卷四十八

奏議四十八

七

似不足以窘考官且房官中通曉時務者尙多總裁主
考惟司覆閱尤非難事至外省主考學政年力多強論
旨旣下以三年之功講求時務豈不足以爲衡文量才
之資乎惟是變法之初兼習未久其研求時務者豈能
遽造深通是宜於甄錄之時稍寬其格以示駿骨招賢
之意兩科以後通才碩學自必蔚然可觀且登科入仕
者漸多則京外考官房官自不可勝用矣抑臣等之愚
更有請者百年以來試場兼重詩賦小楷京官之用小
楷者尤多士人多逾中年始成進士甫脫八股之厄又
受小楷之困以至通籍廿年之侍從年逾六旬之京堂

各種考試仍然不免其所謂小楷者亦不合古人書法
姿媚俗書貽譏算子挑剔破體察及秋毫且同一紅格
大卷而殿試散館優拔貢朝考字體之大小不同同一
白摺而朝考大考考差御史各項字格之疏密不同紛
歧煩擾各有短長詔令並無明文而朝野沿爲痼習故
大學士曾國藩奏疏嘗剴切言之夫八股猶或可以規
理解之淺深詩賦則多文而少理詩賦猶或可以見文
詞之雅俗小楷則有藝而無文其損志氣耗目力廢學
問較之八股詩賦殆有甚焉由是士氣銷磨光陰虛擲
舉天下登科入仕之人才歸於疏陋輒熟以至今日遂

張文襄公全集

卷四十八

奏議四十八

八

無以紓國家之急今旣罷去時文則京官考試詩賦小
楷之舉亦望聖明奮然釐定一併掃除查鄉會試之外
惟殿試一場典禮至重自不可廢然臨軒發策登進賢
良自宜求得正誼明道如董仲舒直言極諫如劉蕡者
而用之斷不宜以小楷爲去取一經殿試卽可據爲授
職之等差以昭鄭重朝考似可從省及通籍以後無論
翰苑部堂一應職官皆以講求實學實政爲主凡考試
文藝小楷之事斷斷必宜停免惟當考其職業以爲進
退則已仕之人才不致以雕蟲小技困之於老死俾得
汲汲講求強國禦侮之方此則尤切於任官修政之急

務者也至於詞章書法潤色鴻業乃館閣撰述應奉文字所必需自亦不可盡廢如朝廷需用此項人員之時特頒諭旨偶一行之不爲常例略如考試南書房考試中書故事嚴則止及翰詹寬則無論翰詹部屬小京官皆可與考視其原有階品分別授官應候請旨裁定與三年會試殿試取士之通例各不相涉庶幾文學政事兩不相妨矣難者又曰本朝名臣出於科舉翰林者多矣安見時文詩賦小楷之無益不知登進貴顯限於一途固不能使賢才必出其中抑豈能使賢才必不出其中此乃偶然相值非時文詩賦小楷之果足以得人也

張文襄公全集

卷四十八

奏議四十八

九

且諸名臣之學識閱歷率皆自通籍任事以後始能大進然則中年以前神智精力銷磨於考試者不少矣假使主文者不專以時文詩賦小楷爲去取所得名臣不更多乎竊謂如此辦法博之以經濟約之以道德學堂有登進之路科目無無用之人時務無悖道之患似此切實易行流弊亦少此舉爲造就人才之樞紐而卽爲維持人心世道之本原臣等憂慮所及不敢不効其一得之愚事體重大伏望敕下廷臣會議施行不勝惶悚激切之至

上諭張之洞陳寶箴奏請飭安議科舉章程並酌改考

試詩賦小楷之法一摺鄉會試改試策論前據禮部詳擬分場命題各章程已依議行茲據該督等奏稱宜合科舉經濟學堂爲一事求才不厭多門而學術仍歸一是擬爲先博後約隨場去取之法將三場先後之序互易等語朕詳加披閱所奏各節剴切周詳頗中肯綮著照所擬鄉會試仍定爲三場第一場試中國史事國朝政治論五道第二場試時務策五道專問五洲各國之政專門之藝第三場試四書義兩篇五經義兩篇首場按中額十倍錄取二場三倍錄取取者始准試次場每場發榜一次三場完畢如額取中其學政歲科兩考生

張文襄公全集

卷四十八

奏議四十八

十

童亦以此例推之先試經古一場專以史論時務策命題正場試以四書義經義各一篇禮部卽通行各省一體遵照朝廷於科舉一事斟酌至再不厭求詳典試諸臣務當仰體此意精心衡校以期遴選眞才至詞章楷法雖館閣撰擬應奉文字未可盡廢如需用此項人員自當先期特降諭旨考試偶一舉行不爲常例嗣後一切考試均以講求實學實政爲主不得憑楷法之優劣爲高下以勵碩學而黜浮華其未盡事宜仍著該部隨時妥酌具奏欽此

酌擬變通武科新章摺
光緒二十四年五月十六日

竊准兵部咨開會奏變通武科一摺並擬定大概章程十條光緒二十四年二月二十六日欽奉上諭著照該大臣等所議鄉試自光緒二十六年庚子科爲始會試自光緒二十七年辛丑科爲始童試自下屆爲始一律改試槍礮等因欽此又准兵部咨議覆廣西巡撫黃槐森奏武場改試洋槍並考取中式分別選用一摺令各督撫各就見聞所及詳細奏明並開列各項章程報部酌辦等因光緒二十四年三月二十八日具奏奉旨依議欽此各行到鄂仰見 皇上因時制宜詰戎奮武之至意欽佩莫名部咨並稱令各省體察情形指陳利弊

張文襄公全集

卷四十八

奏議四十八

十一

各抒所見陸續奏咨等因竊惟今日用兵專恃火器外洋各國槍礮之製日出而益精武學教練之法日推而益密然則武科取士斷宜專習火器別定良規然後無所習非所用之弊惟是變法伊始防弊宜慎取材宜精臣查初次部咨會奏各條恐器械之不能畫一也則定指名代購之例恐藏用之漫無限制也則定報明存案之例二次部咨照廣西撫臣黃槐森原奏洋槍由士子購買槍桿刻考姓名防微杜漸頗極周詳願臣猶有鯁鯁過慮者軍火一項例禁綦嚴固立法之精意亦有國之恆規考之東西各國保安之槍遊獵之銃皆須繳

納稅捐頒發執照違者或科罰或沒入或監禁則視其多少而爲之差蓋與我國舊例大略相同自髮捻削平以來各省遂無大亂其實陬澁邊隅亂萌時有卽如近年熱河教匪甘肅回匪亦甚披猖或兵甫集而眾降或鋒一交而敵潰實由同治初年洋槍洋礮流入中華漸推漸廣官軍所用無論精粗總係洋械火器精利聲威震盪亂民無抗拒之資宵小弭蕪芽之漸今若概准演習一縣火器累百盈千收藏之家良莠不齊武生武舉本多強梁生事之徒若又假以利器一有意外會匪游勇糾結橫行頃刻亂作其禍豈可勝言雖云稽察責諸

張文襄公全集

卷四十八

奏議四十八

十二

地方官然州縣事繁習惰不過視爲查私鑄查燒鍋禁宰牛禁賭博之類但以具文了之若時常挨戶搜查則不免騷擾若但憑差役一報鄉保一結則必然有名無實卽如民間私藏鳥槍州縣例有處分而閩粵鄉鎮槍礮如林然則稽察之說豈可恃乎光緒十七年江南有查獲洋人美生私買軍火接濟會匪謀奪鎮江以攻金陵之案二十二年廣東有查獲匪徒孫文私運軍火入城爲亂圖據廣州省城之案本年廣東又有查出匪徒私買軍火三船之案前鑒不遠豈可更揚其波乎且近日各國槍礮式樣日新名目繁雜同一槍礮而藥彈門

類區別甚多改造原裝等差不一若應考者每人各執一式之槍如何考校高下如須同係一式私家零購則先後參差由官代購則不勝紛擾此層似多窒礙臣詳稽舊制參考新章審酌通籌謹擬一營伍學堂武科三事合一之法查原奏章程第四條云如欲廣爲招徠則綠營制兵防營練勇不妨准其報名鄉試又二次部咨云此次改章意在合考試與操防通融定制凡武生投營營兵應試以及武舉武進士如何教練管束各大吏當參酌營制妥籌良法各等語竊謂莫如就此條之意而推之查武場條例八旗驍騎校前鋒領催等官以及

張文襄公全集

卷四十八

奏議四十八

三

馬甲步甲分別准應武鄉試武童試綠營兵丁有願應武童試者各歸本縣與武童一體考試其取進武生准應鄉試取中武舉准應會試即千把等官或係武生或係武舉均准分應鄉會試故各省向有兵童兵生名目是武科人才取諸旗綠各營弁兵本係國家舊制既以用其素習兼以勵其勤操立法之意至爲精切闕遺至今日於旗綠弁兵而外又有防營弁勇一項比之綠營年力人才較爲強壯操練火器較爲熟嫻今武科改試槍礮莫若卽專令營弁兵勇應試最爲無患於地方而有益於軍旅若令應武試者皆入武備學堂肄業一節

勢有所難目前風氣初開有武備學堂者共止有四五省一省亦只一堂且武學教習甚難不能不取材異地故學堂之經費既鉅學生之額數無多大率一堂不過數十人又必須文理清通氣習良謹者若各府各縣均設學堂一時斷無許多之經費亦斷無許多之教習若謂令武職教練則中華將弁向來惟尙勇敢其精細者不過約束紀律較爲詳明其於火器理法測算繪圖工程製造邊海形勢罕能通曉至文理通暢能讀洋書者尤不易覯故各省大小武職能教兵勇者或間有之能教將弁者決無其人其稍能通曉一二能教兵勇者卽

張文襄公全集

卷四十八

奏議四十八

四

已矜貴非常則必留在防營使充營官教習豈肯令其散往各屬教授武生武童乎是學堂之廣設尤爲不易至各營兵勇究係曾經本營華洋教習教練雖不能遽語精深尙可得其粗淺且外洋定章凡入武備學堂三年者必須隨營操練一二年以增閱歷斷無學生而在營伍之外者若卽令兵勇應試名籍易考鈐束易施所用槍礮發之本營自然一律擬請惟兵勇准應武童試兵勇取進武生後仍在營充伍者准應武鄉試兵勇取中武舉後仍在營充伍者准應武會試其已拔實缺外委實缺把總候補千總者准作爲武生應武鄉試已補

實缺千總守備者准作為武舉應武會試綠營弁兵令該管專營之將官都司保結冊送勇營弁勇令該管之本營管帶官保結冊送童試由各營送交原籍知府錄送學政考試免其縣考以省紛繁而免曠誤旗營仍照舊章鄉試仍由綠營勇營各營官冊送學政錄科會試仍照舊章但武弁兵勇均應照例歸原籍考試不得混考凡非在營現充武弁兵勇者均不得應武童試此後既無營外之武童自無營外之武生既無營外之武生自無營外之武舉武進士矣其從前取進取中之武生武舉現未在營者准其呈請附入本省防營或學堂自

張文襄公全集

卷四十八 奏議四十八

五

備資斧隨同學習其槍礮即用本營本堂者藥彈價值由該生呈繳並仿照外洋學堂章程令其酌繳該生火食束修雜用器具各費由該管營官及管堂之員察其年力精壯性情謹樸者方准收錄若不守規條不能勤學頑鈍難教者均隨時斥退其學堂畢業者分發本省各營酌量委用將來風氣漸開華弁可充教習者漸多各府州縣能自行籌資設立武備學堂者准其稟官辦理既設學堂則必有由官約束稽察章程雖有槍礮可無伏戎藉寇之虞迨學成以後統發各營分別効用則營伍學生合為一貫是整飭科舉即所以整飭營伍矣

總之非現在營伍之兵勇不准應武童試非現在營伍之武生武舉不准應武鄉試武會試即例准應試之武弁若現不在營者亦不得錄送咨送鄉會試正與部臣前奏寓營制於科舉之意相合其利有三外洋火器價值甚昂平日練習需用藥彈為數尤鉅若生童惜費不購則操練無具臨場考錄勉湊中額仍無裨益若各省紛紛購買則合計所費不貲似乎空增一絕大漏卮亦為非計今應試取之兵勇則操練械藥本是各營應有之需間有願附入防營學堂練習者規矩嚴肅人數必不甚多且所習槍礮即由官借用藥彈由該生繳價是

張文襄公全集

卷四十八 奏議四十八

六

日塞漏其利一也我朝將才輩出大率不外乎旗營官校綠營弁兵招募練勇三項總之皆係行伍自成豐軍興以來其由武舉武進士立功著稱者實屬寥寥此輩恃符武斷如虎而冠魚肉鄉民窩庇匪盜每遇歲試鄉試武童武生聚集省城府城必滋生無數事端街市店鋪日有戒心訛詐逞兇防範隱忍待至場畢人散則彼此相慶各省官商士民無不以為巨患萬口一辭徒以舊例相沿幾為附骨之疽去之無術究其所長者不過粗豪勢力倖中箭枝不識字者十人而九臨敵之火器既未嘗習制勝之韜鈴更未嘗解即使安分守法豈能

與於干城腹心之選乎且各省武生武童舊習其騎射硬弓刀石亦只臨場肄習數月無論中否過考輒已廢棄於國家儲材禦侮之意毫不相涉今若專令營弁兵勇就試卽入武學登武科以後仍有本營長官鈐束無從爲非其技藝亦不至荒廢如慮專准兵勇應試恐武童武生必少則又不然一省綠營勇營合計多者二萬以外少者一萬五千以外三年之內止取武生千餘名取武舉數十名或十人而取一或二十人而取一何慮不敷且應試者果能人人皆有材藝何在於多如本無材藝混場僥倖聚眾橫行多愈爲害從此可爲地方暗

張文襄公全集

卷四十八

奏議四十八

七

減此一項違法擾害之游民此尤潛移默化之微權矣是日戢暴其利二也曠昔征討髮捻之時各路軍營有以步卒水手不數年而保至提鎮者海內忠勇之士翕然向風近年軍務收平保案少則防軍之拔擢難文法繁則綠營之升遷滯雖有偉材壯志無所得官糧餉聊以糊口操練視爲具文雖經按期簡閱空言獎勵收效終微蓋兵勇自視不過如擔夫匠役食力營生其謹愿者僅不爲會匪地痞而已人既卑視兵勇兵勇因而自卑若望其深明敵愾同仇之大義講求破敵致勝之方略蓋亦難矣今若懸此一途以爲營弁兵勇進身之階

功名所在則肄習自精不待朝廷督責將帥勸勉而各省各營皆爲勁旅矣是曰勵軍其利三也抑臣尤有進者親上死長者強國之本原明恥教戰者強兵之要術當此羣強憑陵正所謂天下危注意將之會近年東西洋各國精研兵事最重武職其國君卽服提督之服鄰國之君互相贈送以將官之銜故人人以當兵爲榮以從軍爲樂以敗奔爲恥王子之尊下儕戍卒一隊之長榮若登仙凡挂名軍籍者居鄉則族黨貴之過市則路人敬之以故弁兵之自愛聲名修飭行檢過於儒士中國乃有好鐵不打釘好人不當兵之諺稍有身家戚所

張文襄公全集

卷四十八

奏議四十八

六

鄙棄貴賤之分強弱之源也夫中國所貴者士士之徒步而致公卿者多矣人之貴之蓋有由也中國所賤者兵兵之荷戈而流爲傭丐者眾矣人之賤之固其所也卽使不終於困餓而三四十歲以外猶爲廝養之賤卒五六十歲以外始爲循資之神將旣已純乎暮氣豈能建立奇功今欲重武厲兵而積習已深不能驟改空言訓勉亦恐無裨惟有勵行伍以科舉之一法使其非由行伍不得科舉非由科舉不得將官爵祿所在則豪傑爭趨流品旣殊則廉恥自立將領不肯侮辱旁人不敢輕量從此凡爲兵勇者儼然可列士流欣然望得大將

夫然後世族文儒皆肯入伍感慨激發人人有執干戈
衛社稷之心然則今日欲求中國士氣之奮軍實之修
轉移微權必在於此又臣區區之微意也綜考各國
軍政有武學而無武科其各等學堂以次考拔發營錄
用即是中國武科武試從無不由學堂出身之官校亦
無不充軍營官校之學生其法實將武營武學武科三
事合而為一立法最善故今日而欲采擇西法莫如先
自練兵始欲學西人之練兵莫如自開兵勇之升階合
學堂於營伍始矣若其學習考試之法非僅改用槍礮
遂能收效歷考外洋諸國無不讀書不明算不能繪圖

張文襄公全集

卷四十八

奏議四十八

九

之將弁亦無不識字之兵丁誠以今日戰事日精戰具
日巧即一哨弁之微亦斷非粗材下走所能勝任若只
考槍礮準頭從容施放中靶者多殊難去取且憑此即
授以侍衛參遊都守之官似亦太易擬請仿馬步箭弓
刀石武經三場之制頭場試槍礮準頭兼合演試裝拆
運動之法二場試各式體操及馬上放槍步下擊刺之
技三場試測繪工程臺壘鐵路地雷水雷輿地戰法等
學鄉會試格式宜較嚴童試格式宜較寬三場合校智
勇兼優將來游膺將領庶可勝任又考外洋兵制及武
學章程初入營及末弁學堂者年不得過二十歲蓋以

年力少壯則體操及測算各事始能按程學習穎悟易
通以後凡應武童武科亦宜酌定年限即武科從寬亦
不得過二十五歲至所試之槍礮槍則以單響毛瑟為
主蓋此項槍彈各局多能自製礮則以單響七生半及
六生車礮為主蓋此項礮用處最多而金陵局製熟鐵
六生車礮一名兩磅礮成本頗輕雖不如外洋之精操
練亦頗可用他局仿造尚不甚難即向江南購造亦不
甚貴若本省自有七生半車礮者亦可通融學習考試
通行似惟此兩種槍礮最為適用而易得若快槍快礮
過於精巧珍貴各路軍營尚且難得各省生童豈能皆

張文襄公全集

卷四十八

奏議四十八

十

習此種他日製造既廣改習亦不難也方今時際艱危
宜防隱患事關變法不厭求詳臣管見所及不敢緘默
是否有當恭候聖裁其有未盡事宜自當遵照部咨陸
續開單奏咨

殊批著兵部會同總理各國事務衙門議奏欽此

保薦使才摺

并清單

光緒二十四年六月初一

竊准吏部咨稱光緒二十四年四月二十三日奉上諭
方今各國交通使才為當務之急著各直省督撫於平
日所知品學端正通達時務不染習氣者無論官職大
小酌保數員交總理各國事務衙門考驗帶領引見以

備朝廷任使欽此竊惟專對之選異等之才自古重之況方今強鄰環伺則使才尤亟茲者仰蒙 聖主慎重邦交豫儲才俊破格蒐采不限階資臣謹就平日體訪考察確有所知者敬舉數員以備朝廷采擇該員等銜名才具另繕清單恭呈御覽該員等才性雖各有所長要皆能考求鄰政慎固邦交不僅以賓介酬酢壇坫周旋遂謂克盡厥職者所有微臣遵旨保薦使才各緣由理合恭摺具奏伏祈聖鑒

謹將保薦使才各員繕具清單恭呈御覽

降調內閣學士陳寶琛

張文襄全集

卷四十八 奏議四十八

三

該員才品兼長學端志遠辦事沈毅有為向來講求洋務於兵輪商務工作等事並皆熟習中外大局均屬瞭然能見其大不同侈談西學皮毛者

湖南鹽法長寶道黃遵憲

該員學富才長思慮精細任事勇往曾充日本及出使英法大臣參贊及新加坡總領事等官深悉外洋各國情形著有成書於中外約法西國政事均能透澈

直隸候補道傅雲龍

該員學問優長治事精核考求洋務曾經遊歷各國

著有成書

奏調湖北差委三品銜分省補用知府錢恂

該員中學淹通西學切實識力既臻堅卓才智尤為開敏歷充歐洲各國出使大臣隨員參贊於俄德英法奧荷義瑞埃及土耳其各國俱經遊歷博訪深思凡政治律例學校兵制工商鐵路靡不研究精詳曉其利弊不同口耳游談洵為今日講求洋務最為出色有用之才

江蘇候補同知鄭孝胥

該員才識堅定學問湛深辦事沈摯有力前充出使

張文襄全集

卷四十八 奏議四十八

三

日本大臣隨員於東西洋形勢政術均能得其要領確有見地

審結沙市客民滋事一案摺

光緒二十四年六月二十四日

竊照本年閏三月十九日沙市地方因湖南幫客民與招商局更夫滋事焚毀關局圍船延燒華洋房屋一案經臣繼洵在兼署總督任內檄調各營前往防護並委員會同地方官查辦拏獲首要各犯余以仁等四名審明先行正法梟示餘犯飭再確審擬辦此案起釁詳細情形暨獲犯審辦各節業經奏報在案其時英日兩國均以沙市案情重大誤信謠傳均擬派兵輪赴沙臣之

洞奉命入覲行至上海欽奉電旨折回本任辦理此案當經一面飭荆州道府營縣安撫居民拏辦餘犯一面與英日兩國領事等籌議完結此案辦法茲據荆宜施道俞鍾穎湖北候補道扎勒哈哩率同荆州府知府舒惠江陵縣知縣劉秉彝暨各委員等稟稱沙市湖南幫客民余以仁因同鄉楊與全被招商局更夫周順興毆傷肇釁糾眾焚燒關局延燒華洋房屋一案先後拏獲首要各犯均籍隸湖南巴陵湘陰臨湘等縣會提逐一研訊均各認供不諱除情節最重之余以仁李得勝張太貞袁輝煌四犯先已奏明正法外其餘各犯內有易張文襄公全集卷四十八 奏議四十八

跛子即易成應一名訊係曾經聽從放火滋鬧該犯素不安靜擾害地方應擬以永遠監禁周玉清黃善堂余忠恩許興明譚左卿五名訊係隨聲附和燒毀華洋房屋雖未搶奪財物未便稍事寬縱該五犯均應擬以監禁十五年招商局更夫周順興即王姓訊係倚仗主勢於楊與全前赴招商局門首洩溺輒即持擔行兇傷人以致釀成巨案情節較重應擬監禁十年曹品堂楊高明二犯究無隨同放火搶奪情事惟因楊與全被傷拍回醫治中途攔轉並投鳴同幫之楊悅來開會館門請客議事釀成事端均應擬監禁五年以上監禁各犯均

俟限滿由地方官察看是否安分守法酌量辦理劉蔭堂彭德太陳春堂湯成家劉洪臣彭方心李福元孫保廷劉懷保九犯訊係僅止隨同滋鬧拆毀柵欄並未放火搶奪均應酌予滿杖繫帶鐵桿石墩三年徐正煥陳茂清即陳教師二犯訊係僅止隨同滋鬧並未拆毀柵欄亦無放火搶奪情事均應酌予杖一百枷號一箇月沙市招商局董捐納同知銜候選知縣張鴻澤平日恃勢凌人此案如將更夫當時交出審辦自可無事乃袒護更夫不交以致南幫之人不服滋事釀成巨案其咎甚重應與南幫約束不嚴之會首從九品職銜楊明階張文襄公全集卷四十八 奏議四十八

一併斥革另行追照繳銷永不准投効軍營更名捐復並飭各府縣驅逐回籍不准在湖北地方逗留逸犯獲日另結等語臣等督同臬司覆加查核所擬尙屬允協應即照此完結至沙防營勇日本公使所稱滋事時該勇為匪黨聲援查明尙無其事惟近駐該鎮不能彈壓解散趕督水龍前往撲救實屬觀望不力已飭將該營勇丁撤遣回籍遴派得力將官另行募足所有管帶該營總兵江得意督率不力應請旨以都司降補該營右哨哨官花翎遊擊李心鑑後哨哨官把總池士祥二員應請均即革職江陵縣知縣劉秉彝係於閏二月十七

日到任沙市滋事係本月十九日中間僅隔一日沙市又距江陵縣城十餘里之遙該令一聞事出即行馳往實屬竭力保護勢有弗及查光緒二十二年總理各國事務衙門奏定教案處分章程內載如係事起倉猝迫不及防應將地方官照防範不嚴降一級留任公罪例議以降一級留任等語此案江陵縣知縣劉秉彝到任僅止二日實係事起倉猝迫不及防隨即趕赴沙市竭力彈壓撫慰居民幸未激成巨變並將首要及附從各犯拏獲多名懲辦應照章議以降一級留任管帶荆江後營水師副將張國棟所帶皆係礮船會經派勇協同

張文襄公全集

卷四十八

奏議四十八

三

減其半改爲修隄費各等語查沙市滋事一案費起招商局細故並非與各國洋人爲難當經臣之洞隨時酌議電達總署與日本公使矢野詳商一切其所請明降諭旨一節恭讀五月二十四日邸抄此事已經欽奉上諭又諭拏辦匪犯懲儆地方文武官均爲我內政應辦之事茲已分別擬辦至所索租界照杭章一節查杭章乃未定專管租界以前所議既定專界則斷難援照浙鄂情形迥異只能就地定章至租界細目地價可予酌減道路溝渠常租可免惟其價未便全免許其隨意酌給華民雜居一條漢口德界已經總督署允行日界自

張文襄公全集

卷四十八

奏議四十八

三

彈壓據該道等查明各船一時難於調集人少力難鎮懾尙非保護不力照章議處應請俟補缺之日降一級留任至延燒英日兩國公寓洋行損失貨物各節前准總署電開日本公使矢野照會沙市一案該國政府電令要求五事一明降諭旨將各外國人身家財產一體優待保護勿再有如此之事諭旨須極周詳二速將此案匪徒從重治罪並彈壓不力之地方文武從嚴議處三賠補關平銀十萬五千兩四沙市專管租界章程以杭章爲本五岳州福州三都澳均設日本專管租界嗣後又接該公使照會將賠款減爲一萬八千兩餘款又

可照辦又請開三埠各節事與沙案無涉已經辯論明晰可置不議又索賠一萬八千兩一節查日領事住屋乃係我租與並非彼屋原訂合同有遇火延燒日本不賠屋中國不賠物之語本可不賠即日本領事屋後貨物陳列所屋宇窄狹所失當亦不多惟釁起匪徒在地主願敦睦誼現已飭沙市關監督在原處重造新屋仍照原式量加擴充整潔租與日本領事租價多少不計以便安居擬共給賠款銀一萬兩一切各項賠補均包在內又所請以八萬六千餘兩作沿江隄費兩國各半一節事屬可行當已照允並與議明修隄工費恐尙不

止此數惟此乃兩益之事將來無論所費若干總是兩國分認興修時公同估計公同監工以上與日本所議各節經總署屢與辯論日本政府暨公使頗能顧全鄰誼不肯始終堅執業由總署與矢野議定完結又英領事所索各節除明降諭旨懲辦各犯懲處官員三條與日本相同已經自辦外所索賠補怡和洋行存貨器具招商局囤船存貨及領事幕友人役失物共銀二萬二千九百餘兩疊加辯駁共許給一萬兩完案惟催開岳州口岸一節屢次照會目前即須開辦詞意堅悍查岳州地方係奉旨開作通商口岸久經知照各國此乃我

張文襄公全集 卷四十八 奏議四十八 三

自開之口不應牽入沙案且湖南風氣未開若舉辦太驟布置未周於商務必然無益昨准總署來電擬於明年二月開辦當即另文照知英領事聲明此與沙案無涉又英領事請開長沙常德湘潭三處口岸尤屬節外生枝當已正言拒之謂此事未便議及惟此次沙市肇衅係由招商局董張鴻澤一人釀成厥咎甚重據司道府縣紳民公議此案賠款本應由招商局全數繳出姑予從寬官商各半分認除日本賠款一萬兩由沙市關籌給外查沙市英國商貨存放南局囤船者三千三百餘兩本應該局賠償外此外英國賠款約六千數百兩

所有英國賠款共一萬兩應飭令招商局將款繳到江漢關轉給以示儆戒而昭平允其沙市關稅務司毀失衣物應由該關監督另行斟酌補給現在沙市地方靜謐關局各項房屋飭令籌款次第修復
硃批另有旨欽此

請將荊州道江陵縣移駐沙市片 光緒二十四年六月二十四日

再湖北荊州沙市鎮五方雜處民情浮囂前三年武漢客幫聚眾械鬪戕殺多命本年復有焚燬關局延燒洋房之案皆以細故釀成巨患該地方正印各官均在荊州城內遠隔十餘里事出倉猝馳往防護已屬不及自

張文襄公全集 卷四十八 奏議四十八 三

上年沙市開關通商以後交涉事體愈形繁難地方尤為緊要今昔情形迥然不同自應有關道及地方正印官坐鎮其間庶可隨時隨事就近經理銷患未萌且查各省關道無不即駐該關者應請將沙市關監督荆宜施道並江陵縣知縣衙門移駐沙市地方以資鎮懾而專責成至荊州城有將軍暨知府理事同知以次各官足資撫馭該道及該縣仍可不時回至府城察看料理似此權度緩急量為移駐實於地方有裨
硃批該衙門議奏欽此

張文襄公全集卷四十八終 新城王樹桂校

張文襄公全集卷四十九

奏議四十九

盧漢鐵路借款摺 光緒二十四年六月二十四日

竊盧漢幹路前因總公司籌借比國商款上年四月先在武昌簽立草約六月比公司續派德福呢愛蘭來滬續定正約均經會同奏准在案嗣以德人膠州之役中國之情勢各國之意向皆有變更比人緣此翻議頭批銀兩遂逾期不付續送條款多與前議相背臣宣懷堅持痛駁亦將決裂時有法國駐京公使照會總理衙門稱比款有法國銀行工廠所出資本顯欲干預當以中國公司議借比國公司之款理不應牽涉國勢受其挾持法使所稱爲合同所不載公司不應答覆臣宣懷即于本年閏三月初八日函致比公司代理人俞貝德罷議並呈明總理衙門照錄來往各電送請查核旋承准總署電云已與法使議定不再扛幫比使電令領事妥商正可相機因應此次議妥當不至再有反覆等語比使電請續議至再至三臣等伏思借款造路各國所索權利莫不因國勢以爲輕重比續請各款照去年原約加增甚多照英美草約不相上下臣宣懷與該公司逐條爭論數十次絲毫不肯減讓拖延半載無可再議若

張文襄公全集 卷四十九 奏議四十九

一

與他國另商權利仍與此無異且恐俄法必乘其後更難收束不得已體會相機因應之指准令俞貝德代比公司再送條款其尤要者在以鐵路所生之利歸還借款本利若有不敷中國必須設法彌補斷堅執牢不可破平心而論中國借外國之債無論官商斷不能諉卸不還要在總公司通籌幹枝互相挹注并就鐵路推廣生利務使足敷還債而已但所定條款窒碍太多者亦萬萬不能曲徇均已逐細駁改內惟過期未還借款抵完關稅一條在我爲必不可行在彼則索之尤切力拒不允磋商至極然後刪去當與定續約二十九條內

張文襄公全集 卷四十九 奏議四十九

二

惟兩公司設有爭執請公司人詳斷一條比公司必欲註明請賣票最多國之公使詳斷臣宣懷執定武昌合同第十四款總公司專認比公司不認別國一條力予刪駁並將比使來電鈔呈總署五月初七日承准電覆費使面稱公斷一條可改寫如有爭執由總署比使商請公正人詳斷另函聲明宜請股票最多國之公使云我會專認比公司聞欵由法國轉借若本利有欠法國不能無詞事已無可再議應先與畫押再行會同奏咨等因遵于五月初八日在上海總公司由臣宣懷先與畫押並另給一函除鈔錄咨呈總理衙門查核外謹將

蘆漢鐵路比國借款續定合同暨另函底稿繕具清單

恭呈御覽

殊批依議欽此

請飭戶部將未發部款即行續撥片光緒二十四年六月二十

四日

再蘆漢鐵路議准撥借部款一千萬兩上年夏間經戶部先撥銀四百萬兩保資應用自蘆溝橋至保定吳淞至上海漢口至灤口三段先後開工陸續撥付購料購地勘給築路各款所有部款四百萬連南洋款三百萬現已支用垂罄臣宣懷說帖第三條以先借官款後借

張文襄公全集

卷四十九 奏議四十九

三

洋債最後集商股為次序臣等上年三月密陳籌辦鐵路機宜聲明無論議借何國路債必須先用華款後用洋債庶可權自我操均蒙聖明洞察故比款合同雖更變其議而必須總公司已有股本一千三百萬一節為準的現在比款已定總工程司俞貝德已赴漢口布置接辦按照議定條款今年祇能起辦漢口至信陽一路其北若由保定南抵黃河亟須先由總公司分段購地采石趨築土木俟其堅實明年南路軌道就緒接辦北路始無間曠相應請旨飭下戶部將未發部款即行續撥以符原議而速程功免啟比人藉口不勝激切之至

殊批該衙門知道欽此

恭報兼管巡撫事日期摺光緒二十四年八月初八日

竊臣恭讀電傳邸鈔本年七月十四日奉上諭督撫同城之湖北廣東雲南三省巡撫並東河總督著一併裁撤其湖北廣東雲南三省均著以總督兼管巡撫事裁缺之巡撫河督京卿等員聽候另行錄用等因欽此當經撫臣譚繼洵電奏奉旨譚繼洵電悉湖北巡撫關防著交張之洞收繳譚繼洵來京聽候簡用欽此譚繼洵現於八月初二日交卸委員將湖北巡撫關防並坐名專款暨王命旗牌文卷等項賫送移交前來臣當即恭

張文襄公全集

卷四十九 奏議四十九

四

設香案望闕叩頭謝恩即於是日兼管巡撫事伏念臣謬領兩湖茲復兼任鄂撫政劇責專益深兢惕臣惟有將應辦各事統籌兼綜竭力圖維不敢稍涉曠誤以仰答聖恩於萬一所有湖北巡撫關防並敕諭一道謹即封存現交解餉委員賫至禮部內閣分別呈繳其餘王命旗牌等件即留存督署再湖廣總督關防篆文係總督湖廣等處軍務兼理糧餉關防十四字應請敕部另鑄關防查照原文加管湖北巡撫事六字俟鑄就咨照容臣派員祇領回鄂再將原用總督關防繳銷

漢口試辦商務局酌擬辦法摺光緒二十四年八月初八日

竊照承准軍機大臣字寄光緒二十四年六月初七日
奉上諭振興商務爲目前切要之圖疊經諭令各省認
眞整頓而辦理尙無頭緒泰西各國首重商學是以商
務勃興稱雄海外中國地大物博百貨浩穰果能就地
取材講求製造自可以暗塞漏卮不致利歸外溢著劉
坤一張之洞揀派通達商務明白公正之員紳試辦商
務局事宜先就沿海沿江如上海漢口一帶查明各該
省所出物產設廠興工果使製造精良自能銷路暢旺
日起有功應如何設立商學商報商會各端暨某省所
出之物產某貨所宜之製造並著飭令切實講求務使
張文襄公全集 卷四十九 奏議四十九 五

商辦理雖分爲兩局仍聯爲一氣應由臣兩江督臣劉
坤一商酌籌辦所有應辦之事其要有八謹條列於後
一曰啟發商報商會商學皆係啟發之事商報係采訪
沿江沿海各口岸暨鄰省本省土地所產及人工所造
各貨市價銷路並譯各洋報所載商務兼譯西書之有
關商務者分期出報商會係由本局商董邀集各省各
幫大商人局定立商會或面商或通函或登報互相討
論考校以期聯絡協助力厚氣旺商學係考求製貨理
法銷貨道路綜核新式護商律例以及中外盈絀銀幣
漲落各國嗜好各業衰旺各情形自應設立學堂延師
張文襄公全集 卷四十九 奏議四十九 六

利源日闢不令貨棄於地以期逐漸推廣馴致富強事
屬創辦總以得人爲先該督等慎選有人卽著將擬定
辦法迅速奏聞毋稍延緩將此各諭令知之欽此仰見
朝廷通商惠工阜財利民之至意欽佩莫名查商務乃
今日要政上海爲沿海總匯漢口爲上游要衝鐵路樞
紐自應分設兩局除上海一局由兩江督臣劉坤一委
員開辦外茲於漢口設立商務局以鼓舞聯絡上游川
陝河南雲貴湘粵等處工商爲要義其商學商報商會
及講求工廠製作商貨銷路等事江楚兩局各自籌辦
遇有應行聯絡通貫或應互相協助之處隨時知照會

局外其餘土貨之需用機器者若牛皮骨角紙張竹器漆器洋蠟之類均可次第籌辦官籌本若干並借商欸若干先設數廠令其觀感見有成效自知仿行或代爲訪求製造之法及需用何項機器以爲之倡三曰合力商務必集公司方能大舉一省商力不足合他省以益之查上游四川雲貴等省出產土貨甚多而地勢較偏購機選匠種種不便且機器運至川江以上實屬不易銷路亦窄若造成後再運至下游行銷徒多往返耗費至於陝甘河南兩廣湖南亦不如漢口地勢適中四達現擬於武漢一帶衝要地方購買地段以備入商會者

張文襄公全集

卷四十九

奏議四十九

七

在此地段內購地造屋或設行棧或設機廠四曰塞漏現
在洋商已准在內地設廠製造土貨無從禁阻愈開愈
多華商更難覓生計即使日後續開固已著著落後莫
若議與洋商合辦既免占我全利并可學其工藝此亦
補救漏卮之一法五曰祛習中國商賈積習識陋見小
亦思依仿新式辦運新貨而偷減工料貨質全非以假
亂真以劣攙優種種欺偽以致外人割價退盤甚至無
人過問其貨真價實之商反爲所累甚有招集股分意
存誑騙事未辦成資已用罄遂至人人畏避公司難集
商務莫興實緣於此必須明定賞罰以示勸懲六曰保

護近日各省倒帳之案層見疊出漢口沙市已屬不少
商局既設未倒之先官爲訪察防護既倒之後官爲嚴
追懲辦凡曾經倒塌之商照西例飭令報窮列諸商報
使遠近咸知以後永遠不准更名充商貿易七曰體恤
嚴禁稅關釐卡留難需索新製土貨可以抵制洋貨者
奏明減輕或暫免稅釐定明專利年限不准他商仿造
八曰獎勵新創機廠暨捐資興辦商報商會商學及在
外洋學成工藝回華可資實用者奏明請獎以上八端
總之不外於抵制洋貨依仿洋式借助洋師之義從此
著手方爲有關內地商務大端由粗入精由近及遠卽

張文襄公全集

卷四十九

奏議四十九

八

將前經奏設之勸工勸商局歸併此局之內其中事體
繁博現在先立大槪章程此後隨時籌畫變通務期以
漸推廣查有奏調湖北差委廣東候補道王秉恩端廉
切實才力精強商務綜核尤所擅長此次另片奏調之
江蘇候補道程儀洛廉正核實不辭勞怨擬委令該兩
員會同總理其事並擬遴選殷實誠信通曉時勢之商
董數人爲總董惟漢口之商外省人多本省人少但取
其熟悉商情勢難拘於本處紳士所有選員設局大槪
情形已經於七月十八日電奏奉旨允准在案現在督
飭該道等將商務應辦各事宜妥擬詳細章程認真次

第籌辦務期聯絡上游各省漸次擴充

上諭朕欽奉 慈禧端佑康頤昭豫莊誠壽恭欽獻崇熙皇太后懿旨國家振興庶務凡有益於國有利於民者均應及時興辦以立富強之基前因商務爲當今要圖特諭劉坤一張之洞就沿江沿海一帶先行試辦茲據張之洞奏稱應於上海漢口設商務局以聯絡川陝河南雲貴湘粵等處工商講求工廠製作商貨銷路等事並酌擬辦法等語商務爲利源所繫創辦之始不在恢拓規模而在考求實際現在財力未裕所需經費無論官籌商借皆當以核實爲主毋稍虛糜該督所擬辦法八條均尚扼要江漢上游爲商務大宗張之洞責無旁貸即著督率在事各員加意講求認真經理隨時會商劉坤一與上海局聯絡一氣務期中外流通確有成效不得徒飾空言致負朝廷力圖振作至意欽此

會奏湖北釐金擬請外銷賞款提解充饒摺

光緒二十四年八月

竊臣等欽奉上諭現在事機日迫出入兩款不敷甚鉅前曾諄諭各省嚴杜釐金中飽著即嚴飭在事各員釐剔弊端力除中飽確實覆奏等因欽此嗣准戶部咨令各省將外銷各款向來取給釐稅者據實奏明分別裁

張文襄公全集

卷四十九

奏議四十九

九

減一面將所收釐稅數目據實報部毋事欺飾等因具

奏奉旨依議欽此欽遵咨行到鄂臣等當即轉飭司道遵辦並派員分赴各局密查茲據各委員查明稟覆由湖北布政使王之春會同總辦通省牙釐局司道覆核具詳前來臣等伏查湖北釐金自前撫臣胡林翼開辦以來迄今四十餘年原定稽徵之法本屬周密迨經各督撫臣暨臣等隨時增定尤爲加嚴凡有商人赴局完釐向用兩聯大票由總局印發各局收存隨時填給不特應完正釐於票內逐一填註即有偷漏罰款亦於票內註明隨正同解其票四聯一由本局支查一齎總局

張文襄公全集

卷四十九

奏議四十九

十

覆核其餘二聯均給商人持赴經過之局覆查無訛裁一聯仍繳總局核對總局於繳到之票派員專司稽核稍有不符立即查究不稍寬假其各局收數各有定額並查照上三年收數按月按年逐一比較盈則記功留辦絀則記過撤差甚且停委罰賠倘查有弊端並即參追上年臣之洞於兼署撫臣任內又經奏定章程由地方官稽查按季密稟臣繼洵亦不時密委親信之員分投訪查遇有商人控告之案輕則委查重則提究從不稍事瞻徇層層考核立法甚嚴以故各局委員無敢欺朦未能中飽惟湖北地方年來水旱頻仍市面蕭條商賈

懋遷未能如前兼之洋關增設子口稅盛行釐收較遜蓋由於此至於通省收數歷按定章半年奏報一次銀錢各數均係據實造報局用經費亦照向章八分開支即有不敷之處亦惟設法裁減騰挪未嘗多支分釐至釐金向收十足錢文湖北市用歷以九百八十文為一千每千申出底錢二十文名為申申向為運解盤費員弁兵勇犒賞並小輪船薪工煤炭洋水龍夫役工食等項之用近年收數不旺底錢亦減尙不敷支亦經前督撫臣奏明有案此款碍難提解惟查向章各局收數如能溢額歷係於溢收數內酌量提款充賞以示鼓勵相

張文襄公全集

卷四十九

奏議四十九

十一

沿已久此本額外盈餘既以激勵司巡正所以裨益正款前人立法具有深意但此項賞需之數牽算約計每年多寡無定就近兩年提賞每年約錢六千串內外本難裁減提解惟現當庫款支絀之際擬即飭將此項賞款自本年為始一併提解另款造報於餉需不無補苴其應賞司巡者即飭各局於局用項下別求撙節騰出酌賞不准另立名目苛取商人總之欲除中飽惟在得人臣等當督飭司道嚴飭局卡各員督率司巡實力稽徵並由總局隨時派員密查嚴核比較予以功過倘有弊端立即撤參懲辦斷不稍事姑容以仰副 聖主剔弊

裕餉之至意至湖北鹽道所收漢口督銷局移解淮鹽緝私經費每年約銀二萬四千餘兩歷年彙入應照公費內報銷現已奏明劃出一半充餉又四川每年包解萬戶沱鹽卡經費銀一萬二千兩亦經奏明提出五成銀六千兩充餉以上二項共劃提充餉銀一萬八千兩綜計貨釐提賞鹽釐緝費兩項併計其由外銷提解充餉者約合銀二萬三千餘兩實已竭力羅拙此外省城各善堂書院學堂並歲修城垣壇廟及口岸街道工程各項經費或由地方籌捐或提罰款充用或由關局經費節省多寡有無難以預定均係隨時籌畫設法支持

張文襄公全集

卷四十九

奏議四十九

十二

其數難以確指以上各項經費均未動用庫款既與正釐稅無涉自應邀免開報除咨戶部外謹會同奏陳伏乞聖鑒

硃批戶部知道欽此

裁營騰餉精練洋操片

光緒二十四年九月初十日

再查今日以練兵為第一要務而練兵非仿照洋操不可我軍操練舊法理雖具而法較疎且於礮械工程測算繪圖等事未能講求施之今日禦侮斷不可恃惟西法弁兵操練之制先練體操再練槍礮最為勤苦其測繪工程等事學堂之功課野操之奔馳尤為繁細勤勞

非年力强壯志氣堅卓能耐艱苦者不能充當而欲得此項志堅力强之人非厚給餉需不可且非衣履堅韌飲食充足居處爽潔則終年督課終日跋涉其人亦斷不能支故洋操經費亦必較多非此則仍然無益查湖北在省各防營操法必須一律方有實用餉章亦必須一律方能鼓舞若餉章操法參差不一終非治軍之法西人每每竊議面勸屢以爲言但各營俱練洋操均須加餉當此餉需支絀之際籌措爲難惟有減營加餉庶款不增而兵可練人數雖少較有實際現擬將緝私武勝新營五百名裁撤另派武功左營升字左營兩底營

張文襄公全集

卷四十九

奏議四十九

三

哨分爲橋梁營壘雷修械測繪路電六所經臣親加考驗勇丁皆精強趨捷各門功課均能通曉已著成效擬添募四百名足成五百名爲工程隊一營專選年二十歲以下兼能識字者方准收入遴委千總姚廣順爲管帶此外並將副將吳元愷所統武愷二底營五百名副將俞厚安統帶之武防中營一底營二百五十名均令改練洋操弁勇精加選汰其精力不能習練洋操者卽行開除應支餉需照護軍洋操各營一律加給以助勤練而一心志此時除分防漢口分防沙市分防襄樊及麻羅緝私田家鎮礮臺各營未練洋操其餉費仍舊

張文襄公全集

卷四十九

奏議四十九

四

勇丁五百名前往填紮餉銀仍在督銷局所解緝私營勇專餉撥給騰出升字等兩底營餉銀每年共二萬四千七百餘兩又沙防營因沙案彈壓不力裁撤另將蔣聲耀所帶之武防左營調往填紮改爲沙防營每年騰出武防左營餉銀一萬二千餘兩又裁撤漢口緝捕營勇一百名每年騰出該營員弁勇丁薪糧銀七千餘兩又裁撤大冶鐵山馬鞍山煤井所紮之武勝右營一底營二百五十名每年騰出餉銀一萬二千餘兩其鐵山煤井另派練軍彈壓以上計裁四營及緝捕營勇一百名每年共騰出餉銀五萬六千餘兩查原有工程隊一

餉不另增兵有實用教練一律悉成勁旅以期仰副朝廷整軍經武之至意

硃批該部議奏欽此

漢口請設專官摺

光緒二十四年十二月初八日

竊照湖北漢陽縣屬之漢口鎮古名夏口為九省通衢夙稱繁劇自咸豐年間創開通商口岸以來華洋雜處事益紛煩近年俄法英德日本各國展拓租界交涉之件愈形棘手且奉旨開辦蘆漢粵漢南北兩鐵路現在北路早已興工南路亦正勘路紛雜萬端將來告成漢口尤為南北各省來往要衝市面愈盛即交涉愈多乃

張文襄公全集

卷四十九

奏議四十九

五

漢陽縣與漢口中隔漢水遇有要事奔馳不遑若至通濟門外往返之間已廢一日且以後鐵路由該鎮通濟門外至黃陂縣界之滯口數十里間悉成繁盛之區即皆有華洋交涉事件必須隨時應付刻期履勘斷不能稍延時日致誤事機加以商賈輻輳訟案繁滋會匪游勇溷迹窺伺緝捕彈壓在在均關緊要該縣本係繁要地方政務不少又豈能日事奔馳於數千里之中於民事洋務均多窒礙自非有正印專官駐紮漢口不足以重交涉而資治理經臣督同藩臬兩司江漢關道迭次籌議如將漢陽縣移駐漢口則該縣為漢陽府首邑轄

境遼濶政本殷繁以之移駐仍不免顧此失彼之虞蓋漢口之不能兼顧漢陽亦猶漢陽之不能兼顧漢口如添設一縣則事屬創始一切煩費尤不易言現在通籌熟計不如將漢口同知改為夏口撫民同知較為協宜且品秩視知縣為崇於彈壓亦較得力該同知向無管理土地人民之責事權不屬今擬將漢陽縣轄襄河北之地北至滯口西至涓口橫約一百二十餘里縱約三四十里地方撥歸該同知管轄作為正印地方官以專責成應援照河南浙川廳陝西孝義佛坪等廳成案所有刑名案件仍歸漢陽府審轉倉庫錢糧仍歸該府

張文襄公全集

卷四十九

奏議四十九

六

考核一切治理統屬各事宜均與所屬州縣無異遇有洋務交涉地方緊要事件隨時稟承該管之江漢關道就近督率辦理以期迅速而免貽誤似此就漢口原設之官分漢陽一縣之地可免增設湊撥之煩而事權既專治理自易其養廉役食等項添籌無多衙門監獄即就原有房基量加擴充添置應設載在祀典各壇廟暫照各直省兩縣同城之例與漢陽縣共之容俟將漢鎮舊有廟宇分別酌改亦尚簡易該鎮禮智巡檢即在同知衙門附近擬令兼司獄事其漢陽訓導擬移設廳治改為教諭所有該廳應撥學額及管轄地段田糧細數

並其餘應行建置事宜應俟奏准部議覆到後再行續籌辦理至漢鎮既駐有同知專治其漢口原設漢陽府通判雖名有緝捕之責實鮮可辦之事似毋庸仍駐該鎮查溯漢而上六十里漢陽縣屬之蔡甸地方市面較盛水陸交通亦屬要地不可無職分較大之員駐紮其間擬將該通判移駐蔡甸至漢黃德道兼綜地方洋務安民戢匪責任甚重查各省要缺道員其銜內多加兵備字樣營汛自都守以下可歸節制此後可否請將漢黃德道加兵備字樣以資控馭實於彈壓地方確有裨益如蒙聖恩俞允分別改設移置應請由部另頒夏口

張文襄公全集

卷四十九

奏議四十九

七

撫民同知夏口廳教諭禮智巡檢兼司獄各印記並另頒分巡漢黃德兵備道關防俾資信守再漢口同知本係要缺今因洋務事繁改爲撫民同知管理庶務缺更緊要擬定爲衝繁疲難四字最要缺由外揀補漢陽縣本係衝繁疲難要缺現雖將境地分撥約計尙存原轄境地三分之二且係該府附郭地方政務仍屬繁要應刪去衝字改爲繁疲難三字要缺仍由外題調以昭詳慎

硃批該部議奏欽此

剿辦宜施會匪摺

光緒二十四年十二月二十六日

竊照湖北宜昌施南兩府與川省毗連自川匪余燮蘭開教以來訛言四起該兩府哥老會匪素多一名江湖會羣思效其所爲與各處教堂爲難廣播余燮蘭示煽惑民心臣當分飭宜施文武嚴拏造謠匪徒認真防範本年九月二十四二十九等日施南府屬利川縣川楚交界地方有匪眾數百名假託余燮蘭旗號擾至該縣將野茶壩李子壩等處教堂育嬰堂燒燬並焚掠教民房屋閬縣大擾經臣電飭施南協副將楊通純派兵會同署知縣蔡國楨迅赴掩捕立將匪徒擊散拏獲匪黨七名其教士女嬰人等九十餘名均經救出由該縣分

張文襄公全集

卷四十九

奏議四十九

六

別厚撫該縣稍定詎十月十五日宜昌府屬長樂縣教民劉義敦因聽教民畢開榜唆使休妻起衅與民爭毆匪徒從中煽動遂聚眾將畢開榜殺斃焚燬教堂擾及長陽巴東等縣殺斃比國洋教士董若望一名到處焚掠教堂慘殺教民該匪等以僞主帥向策安爲首李策卿李少白次之立有僞軍師統領先鋒大將等名目李策卿本係靈軍散勇改裝道士兼以邪術惑人張貼僞示招聚匪黨山中會匪聞風嚮應長樂縣屬漁陽關另起李清臣會匪一股與爲聲援旬日之間眾至二三千人旗上大書滅洋字樣率眾四出分擾三縣並突至湖



南石門縣子良坪地方焚掠教堂教民洋教士方類思
逃至澧州經地方官保護尙未被害各該縣會黨滋蔓
日廣匪燄大熾聲言係余蠻子分股欲渡江直撲宜昌
府城一面由巴東建始東趨川境與余匪合宜昌係通
商口岸華洋震恐漢口法領事宜昌英領事屢次函照
切請保護除匪沿江上下大爲驚擾當經宜昌鎮總兵
傅廷臣稟請急速募勇五百人以鎮郡城署利川縣知
縣蔡國楨募勇一百名以防川匪荊州沙市人心亦頗
惶惶伏莽皆思蠢動臣以山深地廣若不大舉及早撲
滅擾及宜昌必致成燎原之勢當派候補知府朱滋澤

張文襄全集

卷四十九 奏議四十九

九

總辦宜施兩府會匪事宜派副將吳元愷帶勇兩營副
將劉恩榮帶勇一營乘輪馳往並飭宜昌鎮總兵傅廷
臣派委遊擊鮑佑卿守備王佐賢帶練軍一百名馳往
該處分路入山攻勦先令吳元愷繞至上游巴東野三
關一帶截其入川之路並飭宜昌鎮施南協各派練兵
分投截擊署巴東縣知縣恩潤長陽縣知縣寶以莊均
各督團扼要剿捕復因荊州喫重添派提督鄧正峰帶
勇三營扼紮東路瀘陽關派沙防營遊擊蔣聲耀帶勇
兩哨扼紮下游宜都縣聶家河一帶遏其下竄荊州之
路並電商湖南撫臣俞廉三飛飭總兵陳海鵬提督賀

長發譚會友參將徐建威等酌帶營哨自石門縣越境
會勦該匪竄至長陽車綫棚地方適與鮑佑卿之軍相
遇夜間潛來襲營被官軍擊退斃匪五人斃匪馬四匹
奪旗六桿兵丁陣亡一名受傷十二名圍丁陣亡一名
知府朱滋澤及副將吳元愷一軍入山後出示解散脅
從曉以此乃會匪藉名並非義舉匪黨漸散該匪見官
軍已扼上游不能入川折而東趨節節內避意欲引我
軍深入險阻負隅相拒以困官軍愷軍由小塘沙河等
處奮力窮追該數縣跬步皆山嶺高崖險並無徑路可
尋又值山中大雪冰凍嚴寒山中米穀素缺官軍裹糧

張文襄全集

卷四十九 奏議四十九

三

奔馳備極艱苦該匪沿途糾集賊眾復感回竄長樂署
知縣蘇貽英到任甫經數日布置未周遽聞匪至率役
督團出擊詎書役團丁多係入會通匪遂將該縣劫逼
擁入山寨禁制不放典史亦被關禁該縣向係殘破土
寨間有零落短垣數尺與無城同該匪闖入縣城大肆
劫掠因聞兵勇將至旋即退出回至該縣西北之紅溢
白溢兩寨內搜集城汛鄉團槍礮堆集巨石憑險拒守
該兩寨陡峻異常白溢尤爲高峻寬廣周圍三十餘里
其上有寨可容千人素稱天險嘉慶初年教匪爲亂占
踞累年始經官軍攻克該匪分設多卡抵死抗拒副將

吳元愷帶隊趕到該處親督弁勇緣崖攀木奮勇仰攻先後將兩寨擊破殺賊一百三十餘名我軍陣亡二名受傷六名奪獲大小旗幟數十面鐵礮四尊擡槍鳥槍數十桿餘匪潰散奔逃墜崖跌斃者甚多遂將各官救出附從各匪分別懲辦繳免罪被擾居民妥爲安撫朱滋澤到長樂後將該縣會黨切實清查其吏役團眾附賊劫官者訊明正法會督各營及本省鄰省附近州縣分派兵團截緝餘匪先後據各路文武稟報拏獲要匪多名內有長陽一股匪首覃培章一名已經格殺宜都一股匪首袁敦五一名漁陽關一股匪首李清臣張

張文襄公全集

卷四十九

奏議四十九

三

么兒二名均已訊明就地懲辦其殺斃洋教習之首犯楊大經及焚燬教堂首犯呂守蛟二名先經長陽縣督團拏獲解至宜昌由該府陳其璋覆訊供認屬實均已正法其倡亂劫官之首匪僞主帥向策安現經施南府知府額勒恆額署施南協副將楊通純分派兵團兜圍擒獲審辦惟其次匪首李策卿李少白等均尙在逃嚴飭分路懸賞截拏斷不容其漏網此宜施會匪開教爲亂派兵勦辦之實在情形也查宜昌施南兩府爲鄂省邊隅界連川湘地勢極爲險遠官軍罕能深入游匪會黨伏莽甚多兼之各處教民以教堂爲護符平日欺害

良民怨毒甚深匪徒遂藉此以行其煽惑之計以致糾集嚮應勢極鴟張現雖攻破巢穴渠魁就擒而匪黨尙須查緝且民教相仇已非一日若不設法解釋仍恐貽患將來現已飭令朱滋澤會同宜施兩府迅提已獲之首夥各犯悉心研審從嚴懲辦一面會督各屬將教案及會匪兩事大加清查妥籌善後辦法務使地方一律平靖民教照常相安以紓宸廑除由臣查明疎防文武員弁彙案另摺奏參暨陣亡兵勇查明請卹外查此次會匪起事蔓延甚廣焚掠三縣擾及鄰省專以滅洋攻教爲名愚民紛紛附和若一經出山必致不可收拾加

張文襄公全集

卷四十九

奏議四十九

三

以山深地苦雪大糧艱各軍深入攻勦備歷艱苦幸得一舉撲滅免致燎原於交涉事體不致別生弊端不無微勞足錄合無仰懇天恩准臣擇其深入勦匪尤爲出力者據實保獎以勵戎行

硃批准其擇尤酌保數員毋許冒濫該部知道欽此

裁撤南學會並裁併保衛局摺

光緒二十四年十一月二十六日

竊臣承准總理各國事務衙門電本年八月二十一日奉旨湖南省城新設南學會保衛局等名目迹近植黨應卽一併裁撤會中所有學約界說札記問答等書一律銷毀以絕根株著張之洞迅卽遵照辦理欽此遵卽

飭據湖南藩臬兩司將南學會保衛局即日裁撤當經
電奏在案臣仍一面飭將學約界說札記答問等書板
片全數調查來鄂一律銷毀至保衛局之設飭兩司切
實查覆經升任湖南撫臣俞廉三前在布政使任內會
同署按察使夏獻銘詳稱前署臬司黃遵憲以原設保
甲局員紳懈弛因參酌各通商馬頭捕房條規添設大
小各分局派委員紳設立巡捕更名保衛擬定章程均
以緝捕盜賊清查戶口為主其附於保衛局之遷善所
凡失業流氓犯有賭竊等事即收入所內看管延致工
匠教習手藝令其改過自新藝成限滿察看保釋與他

張文襄公全集

卷四十九 奏議四十九

三

省之自新所章程相同惟湘省民情與洋教素不相能
開辦之初人以仿照洋場辦法不免驚異浮議頗多殆
試辦數月城廂內外晝夜有人梭巡凡宵小之徒皆為
歛迹塵市一清商民翕然安之惟與保甲名異實同實
屬多立名目且設局太多經費過鉅勸令民捐力有未
逮現擬裁歸保甲局樽節用款核實辦理等情詳請核
辦前來臣復於湘省來鄂官紳詳加詢考據稱保衛局
係變保甲之名而行保甲之實頗有成效尚無植黨情
事等語臣查保衛局既係辦理保甲局務其兼辦遷善
習藝教養難民亦地方應辦之事原不必另立保衛之

名且辦事期在核實亦不必仿照洋場文飾之觀以示
奇異自應仍用舊日保甲局名而力掃濫支敷衍之積
習現在迭次欽奉諭旨整頓保甲臣已嚴飭該司將所
有局章參考民情斟酌妥善酌減捐數督飭員紳認真
巡緝務期事有實效款不虛糜仰副朝廷綏靖閭閻之
至意
硃批知道了即著嚴飭湖南保甲局認真辦理毋得有
名無實欽此

張文襄公全集

卷四十九 奏議四十九

三

張文襄公全集卷四十九終

新城王樹桂校

張文襄公全集卷五十

奏議五十

裁汰冗員摺

光緒二十五年正月十六日

竊照前於六月內欽奉上諭將候補分發捐納勞績等項人員嚴加甄別裁汰等因欽此嗣於八月內欽奉慈禧端佑康頤昭豫莊誠壽恭欽獻崇熙皇太后懿旨仕途冗雜奔競成風非激濁揚清不足以昭懲勸等因欽此伏查候補人員過多最為吏治之累鑽營者妄為而生事樸拙者被擠而困窮有才者乏見長之方年深者無循資之望以致營營擾擾求缺求差絕不知安分

張文襄公全集

卷五十 奏議五十

一

之可貴干求之違法殊於政體有礙自非認真沙汰不足以澄清吏道分別賢愚且疊次欽奉懿旨諭旨飭令嚴加甄別裁汰尤應欽遵切實查辦除貪劣不職者臣當隨時考察據實奏參外現經督飭兩司將通省候補人員切實清查茲據查明歷年奉差不銷久假不歸潛行離省私自回籍者應即咨明吏部不准再來鄂省候補其病故未報者咨部除名以上正佐共計一百二十員此外又查有在本省候補得缺與例不甚相合多有違礙而該員不免意存推宕掩飾粹難查得確據者已飭司暫停其補署差委於是此項人員紛紛自行離省

回籍此項共計五十餘員以後仍當督飭兩司隨時清查裁汰以期漸次疏通

上諭張之洞奏遵旨裁汰冗員一摺候補人員過多奔競鑽營最為吏治之累該督所奏甚得綜核名實之要著各督撫一體查照辦理以杜冗濫而清仕途該部知道欽此

復設巡撫到鄂送交關防片

光緒二十五年三月初七日

再前因湖北巡撫裁缺所有巡撫關防經臣奏明交解京餉委員赴部資繳嗣因欽奉懿旨復設湖北巡撫仍將關防收回封存臣署茲新授湖北巡撫臣于蔭霖到

張文襄公全集

卷五十 奏議五十

二

鄂臣當將封存之巡撫關防并王命旗牌暨文卷等項委員資送撫臣接收任事

硃批知道了欽此

請將岳常澧道移駐岳州摺

光緒二十五年五月初四日

竊照湖南岳州府現在欽奉諭旨開設通商口岸事屬創辦舉凡稅務商務及華洋交涉事件在在均關緊要自應查照各洋關成案設立關道督辦以專責成查分巡岳州等府之岳常澧道原駐澧州與岳郡地隔重湖既恐鞭長莫及然若另行增置又復糜費滋多臣等往復相商擬請將分巡岳常澧道移駐岳州兼管岳州關

監督事務所有一切通商開埠事宜得以就近經理可免增設之煩雖與原駐之澧州相距稍遠然岳澧二府州均係該道轄境今茲遙領澧州與前此遙領岳郡情事正復相同而權衡輕重今日之岳郡為新開通商口岸華洋交涉事務殷繁較之澧州尤為重要如蒙俞允移設其興造道署稅關添設委員巡捕各事自當督飭該道妥為籌議漸次舉辦隨時奏陳應請敕下禮部鑄造岳州關監督之關防一顆祇領開用以昭信守殊批著照所請該部知道欽此

查明招商局保借洋款擴充萍礦有益無礙摺

張文襄公全集

卷五十一 奏議五十一

三

二十五年六月十七日

竊照承准軍機大臣字寄光緒二十五年四月初二日奉上諭有人奏大理寺少卿盛宣懷辦理江西萍鄉煤礦鐵路以招商局洋涇濱各產抵保洋行借款請飭查禁等語萍鄉煤礦前據張之洞等奏陳開辦情形並無抵保借款之說若如所奏因萍鄉一隅之礦輒以招商局各產抵保殊屬有礙大局著張之洞詳細查明即行知照盛宣懷毋得輕許致滋流弊是為至要原片著鈔給閱看將此諭令知之欽此臣查各國自強之道不外鐵路輪船槍礮數大端皆以鐵廠為根基而煉鐵煉鋼

尤以得佳煤煉焦炭為先務湖北前經奏開鐵廠偏覓煤礦不得佳質後經臣訪獲江西萍鄉煤礦最合煉焦之用歷年臣飭鐵廠購用不少實為鐵廠化鐵煉鋼造軌之根本因路僻運艱故未能盡量採購多開爐座上年三月間經督辦鐵路大理寺少卿臣盛宣懷會同臣奏明購用機器築路設綫派員總辦力籌大舉並按照開平禁止商人別立公司及多開小窿擡價收買以濟廠用而杜流弊仰蒙俞旨欽遵在案蓋開礦不用機器不能深入得佳煤煉焦不用洋爐不能去燐成佳鋼運道不用鐵路輪剝不能濟急用而輕成本目前造軌將

張文襄公全集

卷五十一 奏議五十一

四

來行車需用煤焦皆屬極鉅路廠與萍礦互相聯屬皆為杜塞中國漏卮要舉至輪船招商局每年用煤為出款大宗上年因開平煤不及接濟多購洋煤虛糜二十萬金以故竭力籌辦萍煤至今已用銀五十萬兩左右係由湖北鐵廠認股二十萬鐵路總公司輪船招商局各認股十五萬均以其相需甚殷也現在每日出煤二百噸運道節節艱阻所運不敷所用必須先由鑛山造鐵路一條至萍鄉河口由湘潭至漢口置造輪剝各船使每日可運數千噸足供鐵廠輪船車路之用然後路廠可相持不做招商局亦受其益而萍礦得可恃之

銷路即操獲利之券但購辦機器營造鐵路輪刺需款至繁事當未成利尙有待華商之股未易立時招集盛宣懷當因機器各件多由德商禮和洋行墊購爲數已鉅故與該行議借四百萬馬克分十二年攤還統由萍鄉煤礦公司商借商還惟向來借用洋款必須給以辦礦事權並須分得礦中餘利此次盛宣懷議明萍礦仍歸自辦僅給借息七釐彼既無辦礦之權又無餘利可得不得不照商例切實保借因將招商局產業以爲作保之據當經議訂借款合同分別咨呈總理衙門路礦總局核准存案此盛宣懷以招商局保借禮和洋款擴張文襄公全集卷五十一 奏議五十一 五

押且止上海洋涇濱一處棧房產業作保並未將全局各馬頭及輪船作保查光緒十一年向旗昌洋行贖回招商局之時因無款可籌曾將全局各馬頭輪船按照商例抵押與匯豐銀行其時經律師將各項地契船照均繕押契赴英領事衙門過立匯豐行名至光緒二十一年還本清楚始收回各契據仍易招商局戶名係屬洋商抵押之一定辦法現借禮和之款止有合同載明作保字樣並未將地契交給亦未赴領事處過戶是招商局產不作抵押之明證又光緒二十四年商局結帳載明全局馬頭輪船棧房各項資本六百八十六萬兩其中上海洋涇濱南北中棧房產業值本一百六十八萬八千兩以保禮和借款係專指此項洋涇濱棧房產業是並未將全局資本作保之明證至於抵押與作保區別之處查抵押則產業已屬於人作保則產業現仍在我現在不過由招商局作保設將來借款本利無著應先將所借禮和四百萬馬克購辦之煤礦機器鐵路等物以及該煤礦公司自己股本五十萬所辦之礦產各物盡其所有以歸借款必不致將招商局保產作抵押如煤礦公司各物不敷還款再由保人如數補足賠還了事如保人不能將欠款賠補始將合同內所指作保

之產業變價補足此作保不能遽抵之明證茲查禮和借款前三年不還本後十年每年攤還四十萬馬克約合銀十三萬兩左右預計此礦三年後每日至少出煤一千噸一年出煤三十萬噸每噸提銀五錢已足敷歸還本利就使意外之變出煤無多該煤礦尚有股分及借款所置鐵路機器各項產業不難作第二次借款為借債還債之計就使該煤礦及鐵路機器各項產業不足抵償而所短之數已屬有限鐵廠鐵路公司輪船公司應照商例按股攤賠至多不過數十萬兩斷不致將作保之洋涇濱產業為彼所占更不能將全局占踞管

張文襄全集

卷五十一 奏議五十一

七

理此又臣查明盛宣懷保借洋款不難籌還與招商局無礙之情形也查該少卿盛宣懷此次以招商局保借禮和洋款實因商股一時難集而萍鄉煤礦所關於鐵政甚鉅不得不力圖其成核計借款本息每年止攤還十餘萬兩為數不鉅必能清還盛宣懷綜核素精斷無將成本數倍借款之商局送與外人之理恭釋此次諭旨原只戒其勿得輕許作抵礙大局然則此事之有無流弊應否阻止自以於招商局是否有礙為斷體察合同辦法情形實與招商局並無妨礙且此事既經咨明總署及路礦總局均經核准有案而洋行久經訂立

合同既與招商全局無妨似不必另起波瀾致外人別滋口舌合無仰懇天恩仍准以此款擴充萍礦不獨於鐵廠有益而地產工作日盛一日於萍鄉小民之生計裨益尤宏現仍一面招集商股辦理擬有章程並當多留礦股專待江西商富附入以示公享美利之意計股票擬定一百萬兩鐵廠及鐵路公司並輪船招商局入股五十萬兩其餘五十萬兩由盛宣懷將章程股票咨送江西巡撫藩司就地招股如有不敷再向他省招集其所認股分限六箇月繳足以免觀望貽誤如此辦法盛宣懷肩借款之難任開鑿洗煉修路轉運之勞而江

張文襄全集

卷五十一 奏議五十一

八

西商富享入股獲利之逸有盈則江西商富分一半之利無效則盛宣懷一人還全數之款似亦極為平允所有遵旨查明招商局保借洋款辦理萍鄉煤礦並未輕許抵押不致有礙大局且實有益萍民生計各情形理合恭摺據實覆陳伏祈聖鑒

硃批知道了欽此

驗收蘆漢幹路蘆保首段工程並趕辦全路情形

光緒二十五年 八月三十日

竊蘆保一段工竣開車臣等於光緒二十四年十二月初二日馳電奏報在案半年以來所有尙未全復之橋

梁車站各工亦已次第蒞事臣宣懷於八月初十日由上海坵輪前赴天津與裕祿籌商一切即於二十五日馳至蘆溝橋順軌西行以達保定察見土工橋工密實堅固鋪設軌枕安帖不浮裝配車輛位置車站亦皆合法京津迤東地瀕海洋機輪殊形工作新製士夫眈庶久稔見聞近道多年羣焉相習京西直入腹地耳目隔絕塞而未通此次創興大工華洋員匠絡繹載道制防調護視風氣已開之區艱難倍蓰勞費均增猶幸朝廷爲百姓經營樂利之意隨時宣諭深入民心輪轂風馳便利日著都人士女舉有欣欣之色誠中土由塞而通

張文襄公全集

卷五十一

奏議五十一

九

之氣象卽地方由貧而富之樞機也至幹路全工照比約所載應自光緒二十四年五月借款簽定合同之日起計日程功惟上年因息借英法兩國款十六兆鎊合同有禁止一年之內不得另有中國他項債票在歐洲印度印賣之條故比國公司候至本年四月始印賣蘆漢鐵路借票陸續滙交應用遲滯一年初非原議時意料所及至蘆保工程得以首先告竣漢口至瀟口石隄亦克完工皆資部款開辦幸不虛曠歲月查幹路難工以南端首段爲最漢瀟一帶外江內湖武勝關一節鑿山開洞施工遲速不可以平地相提並論本年春夏間

卽商令比國工程司沙多將瀟口至信陽一大段畫分四小段每一段一百二十里各分設工程處測勘綫路算繪各圖現在第一段土工及橋座底柱工皆完備其餘三段同時並舉購地年底全完土工橋梁底柱年內外全完約計明年九十月間信陽全段工程可以告竣此南段路工趕辦情形也保定至正定二百六十里路綫勘定各圖亦已完備購地約得其一半明春全段土工告竣現就定州已成土方段內鋪軌運料以次開辦橋梁各工約計來年夏月保正全段完工蘆保之西可達正定此北段路工趕辦情形也大抵營造鐵路以勘

張文襄公全集

卷五十一

奏議五十一

十

路之工爲基址每勘一路必分三次勘至三次全圖均出水綫已平築土造橋思已過半比款未定之先臣已節次派員索勘全路比公司承辦後卽接辦漢信保正第二三次勘路工程目下又選派華洋員司接勘黃河南北岸兩段第二次一俟辦畢再接勘第三次計明年漢信保正兩段完勘已成一千里其時中段路工亦可得三分之一工頭夫匠教練諳習地勢平坦駕輕就熟信陽正定兩路通車南北材料運送便捷因易見速據沙多稟稱由黃河南至信陽北至正定兩段二年告成可操左券除黃河或先造船過渡或暫建木橋通車大

橋工程不計外算至全路告成閱時三年有半但期無意外阻礙當不致有曠日持久之虞堪以仰慰宸廑下紓羸負

懇請飭撥各省欠款片 光緒二十五年八月三十日

再蘆漢鐵路議准撥借部款一千萬兩又南北洋官款撥銀三百萬兩為建造鐵路立備行車各事已於上年夏間由戶部先撥之四百萬兩連同南北洋官款支用垂盡於六月奏請續撥仰蒙飭下戶部劃撥各省昭信股票銀三百萬兩陸續解收外計江蘇廣東欠解最巨江西福建黑龍江湖南亦有帶欠共計短銀八十九萬張文襄公全集卷五十一 奏議五十一

餘兩伏查此時需款甚殷既與比公司訂明自備資本若干未便爽約合無仰懇天恩飭下戶部將蘇粵等省已撥未解之款另行籌撥俾供要需不勝迫切之至殊批着戶部另行籌撥欽此

黃河南北兩路擬派總辦兩員片 光緒二十五年九月十五日
再蘆漢幹路延長二千四百華里即遍較歐洲各國大軌路亦稱巨擘中間以黃河天然分界道里略均營造之任似非一人所能收效擬就黃河南北分作兩路趕造派總辦兩員以專責成北段擬派直隸候補道孫鍾祥南路擬派江蘇候補道鄭孝胥經理俾收指臂之助

伏乞恩准

校閱近省各營並操演防營行軍隊摺 光緒二十五年十二月二十

月二十

竊臣前奉諭旨查閱湖北營伍當因上年湖北正值奏裁綠營兵額之時籌辦工賑尙未竣事又以有鄂省鹽釐抵還洋款之舉一切籌措未能就緒奏請展緩出省校閱奉旨允准在案茲臣仍因諸務繁重緊要一時尙難出省當將督撫兩標武昌城守漢陽協等七營官兵調齊並調近省之黃州蕪州兩營及向係調操之德安興國兩營自副將以下及都司守備千把外額之汛地

張文襄公全集卷五十一 奏議五十一

可暫離者並挑選能放洋槍兵丁隨帶至省臣於本年十二月十七日起連日校閱各官弁騎射打靶及各兵丁洋槍技藝省營中靶在八成以上外營中靶在三成以上又於二十一日調集督撫兩標及漢陽協練軍並護軍營武愷營武防營武功營升字營各防勇至距省三十里青山一帶地方操演行軍隊查方今練兵以洋操為最精細而洋操尤以行軍隊為最有實際既可驗軍士之強弱又可考將領之心思兼可練習測量地勢趕作溝壘等事迭飭各將領認真講求茲經臣親加校閱並令洋教習布置一切隨隊察看兵勇俱屬強壯部

伍亦甚整齊並由洋教習將各營分作兩隊一爲攻軍一爲守軍互相比校各軍於攻守進退之間尙能悉聽調度其施放槍礮以護軍營最爲純熟不亂以及工程營之趕造橋壘安放地雷輜重隊之運致軍資等事皆能合法其餘各營其中亦有可觀惟此係初次合操行軍隊內中各營生熟自難一律緣各營兵勇今年有彈壓鐵路者有填築本營操場者有修造本營營壘者不能日練洋操此時若不一氣練成則閱伍既過又復鬆懈終難人格現經臣嚴飭各營將領予限一箇月上緊操練行軍隊俟明年二月臣當復行親加校閱再將操

張文襄公全集

卷五十一

奏議五十一

十三

練出色及生疎疲緩各官弁兵勇比較等次分別賞罰果能從此切實訓練勤密不懈當可漸收實用臣仍當隨時督飭考校以期仰副 聖主整軍經武之至意殊此知道了著卽勒限上緊操練行軍隊復加校閱據實奏聞欽此

湖北認定抵款實數請敕部詳核通籌摺

光緒二十五年

十二月二十九日

竊照湖北宜昌鹽釐前經戶部奏准咨行自光緒二十四年起抵還洋款一百萬兩由部另行指款撥補鹽釐一百萬兩核計光緒二十四年分撥補百萬款內有指

撥本省之裁兵節餉一款實只扣存五萬餘兩丁漕平餘一款除災緩及完銀者無收外實止收銀二萬五千餘兩尙短八萬五千餘兩將本年奏准部撥湖北昭信股票銀十萬餘兩撥出八萬五千餘兩湊足上年撥補百萬之數至本年撥補之數無著太鉅經年以來一面與稅司辯論一面支持餉需一面與戶部電商騰挪牽補於緊要各餉勉強解出然照此情形實難持久要餉有誤鄂省固難當其咎洋款懸宕稅司亦必纏繞不休且往復劃扣膠葛太多官吏核算數目每致昏眩滑訛籌款之難更可知矣臣等督同司道詳核熟籌謹將鹽

張文襄公全集

卷五十一

奏議五十一

十四

釐實收款抵還款撥補款鄂款江款分晰各項年分數目籌擬以後辦法敬爲 聖主臚陳之一本年撥補無著之款太多也查光緒二十五年分撥補百萬款內計指撥外省各款四十萬兩本省各款六十萬兩前次查明本省外省無著者共七十餘萬兩經臣等奏請由部另行改撥旋准部覆止准撥本省昭信票十萬餘兩然以湊抵上年撥補百萬之數止餘存銀一萬五千兩爲數甚微難資補苴復經督飭司道詳加核計有著者仍止三十七萬兩茲計本省無著之款如裁兵節餉十一萬兩一項現照五年遞裁之案本年新舊兩案併計祇

節存銀九萬餘兩不敷一萬數千兩丁漕錢價平餘五萬兩一項現計因災蠲緩及以銀完納致令錢價平餘短少亦止銀二萬五千兩不敷銀二萬五千兩漕項四萬六千兩一項業經提解輕賚等項及撥還四國洋款並無餘存川鹽加價五萬兩一項此項加價全數撥還四國洋款尙屬不敷現實無款可撥宜昌關十萬兩一項核計該關徵稅最旺之年約銀四十萬兩除解四國洋款內務府經費槍礮廠經費沙市關借撥經費出使經費並支本關經費傾鎔折耗存票抵稅等項共銀四十一萬數千兩已屬徵不敷解上年復加撥稅務司經

張文襄公全集

卷五十一

奏議五十一

十五

費二萬兩尙難騰挪近復派還鎊價銀五萬兩更屬無款籌解此項撥補鹽釐十萬兩實無可撥又指撥湖北暫停采買米價運費銀七萬兩原係有著之款現奉諭旨仍飭采運是此項銀兩今復不能撥補以上皆本省無著之款即以所存昭信票銀尾數一萬五千兩補之無著者仍約三十萬兩至外省之款惟湖南解漕項四萬兩又平餘銀三萬兩據稱現尙無款須俟明年秋後籌解其餘指撥湖南四川山西雲南各款疊經電咨催詢接准咨復均不能解計外省無著之款三十三萬兩本省外省共無著銀約六十三萬兩此本年撥補百萬

有著無著之實數也一湖北宜昌所收抵債鹽釐止有此數他省之款不能代認也竊惟欲免抵債膠繞之虛懸尤必先清湖北鹽釐所收之實數查宜昌鹽釐向來每年收錢合銀約一百餘萬兩惟內有應行扣除三款一爲鹽釐加課須分一半解歸兩淮旺年一半約收銀十三萬兩乃係兩江之款湖北不能扣留解交稅司一爲籌餉加價旺年宜昌約收十萬兩由四川代收一萬四五千兩川省每未解足合計鄂川實收不過十萬數千兩以供戶部指撥四國洋款十二萬兩計不敷銀一萬數千兩是舊案四國洋款尙難解足斷不能移還新

張文襄公全集

卷五十一

奏議五十一

十六

債一爲江防加價旺年約收十萬兩係奏定專供槍礮廠常年經費之用疊經欽奉諭旨擴充製造現值各省練兵京營調械正苦事急款絀尙須添籌更不能解與稅司還債此係江防由鹽商額外抽捐不在鹽課之內且江省所抽加價仍係留充江省之用戶部亦未提出抵債湖北自應事同一律核計除以上三款之外湖北自收鹽釐所可解稅司者旺年約可共收七十萬兩乃自上年川匪余蠻滋事沿江商販梗阻所收鹽釐頓減一成有零計上年閏三月十一日起至本年三月二十一日止西歷一年屆滿共祇解稅司規元銀六十九萬

三千零合庫平銀六十三萬七千餘兩自本年三月下旬起至年底止收數仍屬不旺與上年相等來春三月約略可知兩年以來川鹽滯銷至此已極日後有無起色尙難預必此戊戌己亥兩年湖北鹽釐所收可解稅司之實數也一本年無著愈多已遵照部電將上年多收之款留抵尙多不敷也查以上年抵還洋款百萬計之上年尙短交稅司銀三十六萬餘兩以上年各省撥補湖北鹽釐百萬計之鄂省實多收銀三十六萬餘兩惟鄂省上年雖有多收之銀而本年撥補之款無著者多至六十餘萬兩且卽有著款內如湖南丁漕平餘明

張文襄公全集

卷五十一

奏議五十一

七

秋方解本省丁漕平餘裁兵節餉須俟明年夏間奏銷時方能有款三項約共十五萬兩目前並無實銀而京餉荆州滿餉東北邊防甘餉及舊案洋款待解甚急萬難延誤當經電請部示辦理旋准戶部十月冬電覆稱本年撥補各款解不足數准將上年多收銀數留抵等語當卽遵辦故不獨將上年多收銀數早已歸入本年用罄卽本年撥補之款亦經湊解仍屬不敷况復撥款日增如自上年起每年加撥江漢宜昌兩關稅務司經費共十萬兩自本年起每年加撥東北邊防經費五萬二千兩自明年起每年加撥鎊價不敷銀二十四萬五

千兩又舊案指還四國洋款之加價短收鄂川共不敷一萬數千兩統計增款數十萬金尤屬無從籌措此本年無著太多遵照部電將上年多收留抵之情形也一以前兩年不敷洋債百萬之數事與湖北無涉湖北實不能認補也查前准戶部電據總稅務司聲稱宜昌鹽釐每月約短交銀四萬兩行令設法籌解查宜昌鹽釐已解稅司銀六十三萬七千餘兩乃總稅司聲稱每月短解四萬數太不符殊爲難解且無論短解多寡均與湖北無涉查宜昌所徵鹽釐業已全數交與稅司可謂悉索無餘矣且原約原案皆指鹽釐今總稅司乃欲於

張文襄公全集

卷五十一

奏議五十一

六

鹽釐之外更令補解鉅款似非情理所有且派還洋款之數似應按各省原有之款按成分攤方昭平允今以淮鹽皖鄂兩岸計之每年收數約二百餘萬兩止派還八十萬兩湖北宜昌川鹽每年所收不及百萬而派還洋款百萬之多是鄂省本無之款無從解足業經臣等詳細電復戶部聲明總稅司所索每月添籌四萬兩萬難遵辦誠以鄂省羅掘俱窮更無由於鹽務外別謀籌補之方惟查戶部訂立合同係以宜昌鹽釐並萬戶沱加價作抵洋款一百萬在當日戶部之意或以加課全數及萬戶沱加價均爲鄂省所收故以百萬全數責之

鄂省今查萬戶沱加價每斤三文乃光緒十一年兩江督臣委員設局所收奏明各行各省有案並加課一半解准銀兩均與湖北無涉亦經臣等電達戶部至此款應否合兩省認還應請部臣籌度湖北未敢越俎置議嗣准戶部勘電稱已電令兩江解交稅司惟江省所收萬戶沱加價及一半加課兩款上年亦屬短絀約共收銀二十五萬兩上下合鄂省所解稅司之數亦止有八十八萬兩以之統抵洋款百萬尙不敷銀十二萬兩此項不敷之數應請由戶部酌核辦理總之鄂省久已枯竭實屬無法再認戶部通籌全局至公至平想不至再

張文襄公全集

卷五十一 奏議五十一

九

以此責之鄂省此戊戌己亥兩年不敷洋款並非鄂欠應請敕部另籌之情形也一湖北鹽釐抵債願認定一確數戶部撥補亦祇請實撥此數以免虛懸推延也查以後宜昌鹽釐或鄂款或江款必須各定一抵還確數方免推諉膠纏以致部臣核計為難無從豫籌擬自明年四月起無論收數盈絀鄂省自願認定湊足七十萬兩解交稅司如收數不足則由鄂省奏明另行動支他款籌補斷不能掣動舊案四國洋款之籌餉加價槍礮廠經費之江防加價如收數有餘則報部候撥其不敷三十萬兩鄂省論力則久已枯竭論理則非所當認惟

有饋懇天恩免令鄂省認還其由部撥補之款鄂省亦祇願收銀七十萬兩明年請由戶部指撥湖北湖南兩省有著之款毋庸另撥他省徒多虛懸致誤要餉如湘鄂有著之款不敷擬即由鄂省在於江漢宜昌兩關稅內撥足以免貽誤而資周轉查鹽務日疲以後收數能否復舊實所難料歲認七十萬之數並無把握然值時勢艱難部臣派撥固亦甚費籌維臣等仰體宵旰憂勞不敢不勉任其難認一定數以備部臣豫籌此以後湖北宜昌鹽釐認抵洋債實數之辦法也以上所陳俱係實在情形合無仰懇天恩俯念鄂省物力困竭敕部詳核通籌庶幾應還洋款及本省應解要餉各不虛懸兩無貽誤鄂省幸甚

張文襄公全集

卷五十一 奏議五十一

三

硃批戶部妥議具奏欽此

整頓田房契稅摺目

光緒二十五年十二月二十九

竊照湖北自鹽釐抵還洋債以後戶部撥補之款不敷至銀數十萬兩又益以加撥東北邊防五萬二千兩加撥鎊價二十四萬五千兩添撥兩關稅務司十萬兩舊案四國洋款加價不敷一萬數千兩數月以來臣等督飭司道迭次籌議即使明年戶部撥補皆係有著短絀實款亦在四十萬兩以外况有著者目前未必據有實

銀斷非騰挪推緩所能支持且庫中各款俱竭卽騰挪亦無從措手近又屢奉諭旨練兵固圉籌辦江防尤應欽遵於武備實力經營以備不虞軍實所需亦必須酌增新餉是非實有開源之法不可惟今日物力困敝籌餉尤難體察鄂省情形諮訪眾論擬有籌辦之法三條一整頓田房契稅一抽收煙酒糖稅一加徵土藥稅釐三事並舉或可得有大宗的款以資補苴查湖北田房稅項每年所解正稅盈餘不足萬兩以通省六十八州縣計之何止此數而稅收如此之微者一由於民間多以白契成交不肯投稅一由於民間雖經投稅多乘地方官交卸之時減收契稅僅蓋縣印並未照例請粘司印契尾一由於書吏包繳乾沒亦多官吏相沿視爲陋規輒視此項印稅爲固有之利層層中飽以民間隱匿串減而稅去其一書吏攬契包繳而稅又去其一州縣不盡報解而稅又去其一致稅收甚屬寥寥三弊迭乘而契稅盡矣今欲一清積弊莫若由司頒發契紙查湖北各府縣向多由官刊發契紙者茲擬變通辦法毋庸再粘契尾改由藩司善後局刊刷三聯契紙蓋用藩司印信編立號數令善後局會同經理以杜司吏需索之弊先行發交各州縣若干張存儲備用將用盡時卽先

張文襄公全集

卷五十一 奏議五十一

三

赴省續領庶隨時皆有司契可便民用由各州縣選派公正紳士設局經理不假吏胥之手以免擾民局紳不督他項公事不責令攻訐舉發致飲眾怨祇專助官清理契據取其與民交接其情易通嗣後民間賣買田房一經成交業戶卽自行赴局投稅請領司印三聯契紙照式填寫於契內騎縫價值數目上加蓋縣印將中一聯截發業戶收執上一聯齊司稽核下一聯留縣存查各處皆可參觀覆對稅收視契價而定不致有報多報少之事如此則以後民間無不用司契之產州縣自無私稅匿報之弊而稅款可期核實矣惟是稅契一事有積習相沿須量爲從寬之處亦有鄉民不便須設法體恤之處總期於籌餉之中仍寓恤民之意茲定有簡明章程十條第一條遵旨酌定年限查辦契稅光緒元年以前白契未稅者令領新契免其照例罰半充公並免其補稅元年以後未稅者亦免其罰充但令照章補稅第二條舊契但有縣印而未粘司尾者令換新契並不

張文襄公全集

卷五十一 奏議五十一

三

令換司契法所當然契尾之費鄂省向係制錢一串內外新章極力減少此費係爲契紙工本及局用之需大約僅止數用如有盈餘解省充餉第三條舊契已粘司尾者免其換領新契以省煩擾第四條祖產相傳田地房屋管業已久或契據遺失或兄弟分產或山改爲田或屋拆爲地此類甚多但有糧串及他項簿據里鄰周知者並不追究其願補領新契與否聽其自便如願補領須有鄉鄰具保只繳契費不令納稅第五條自己之地造屋者無論城市鄉鎮其地如已有契房屋斷不另行查契第六條不派書差勒傳亦不派紳士挨戶清查

張文襄公全集

卷五十一 奏議五十一

三

但出示曉諭並令地保沿街鳴鑼傳知不准入業戶之門自無騷擾第七條舊契無司尾者但將新發司契粘貼舊契之前其舊契仍在將來業戶買賣自可查對不至有謄寫錯誤訛詐滋訟諸弊第八條凡舊日未粘司尾之契領換新契者限於六個月內一律領換以後田產詞訟如新契未用司契者或舊契未粘司尾者官司斷案不以爲據至六個月之限爲期甚寬或於完錢糧之便入城換契或自來城或託親友均聽其便或有貧富孤寡無人距縣過遠以致換契逾限者該處紳耆查明屬實稟縣從寬第九條四鄉向有徵糧分櫃者准其

託鄉櫃代換意在便民免其入城跋涉其向無鄉櫃者如鄉民嫌入城較遠紳耆公議願在四鄉設分局者州縣體察民情酌辦由鄉局將原契送城查驗印發新契自願入城領契者聽城局限次日發還鄉局限十日內發還第十條應完正稅應繳契費之外如有官紳吏胥藉端需索者告發嚴參罰辦以上十條皆係參酌民情事事從寬期於通行無礙者也至徵收稅契銀兩歷有舊章仍飭各州縣照章徵收不得因設局清查藉此加徵分釐查此項契稅久歸中飽現經設法整頓地方官已將從前所得陋規和盤託出惟各州縣公務繁重卽

張文襄公全集

卷五十一 奏議五十一

三

此項契稅查辦收解及設局一切之用在在需費必須酌予寬恤令其足敷辦公始足以養其廉不致別滋流弊且州縣向來所沾潤究係取之盈餘與侵蝕正賦者尙屬有間擬將所收稅銀除額徵正稅仍飭各州縣照案批解司庫外所徵盈餘銀兩准於三分之一中酌提一分留爲州縣辦公之需似此寬其既往嚴其將來並爲之留餘地使不致辦公竭蹶儻復敢隱匿侵蝕嚴加懲儆斷不寬貸庶幾往年積弊爲之一清歲收盈餘當可增多數倍此整頓契稅辦法也其酌抽煙酒糖稅及加徵土藥稅兩事章程各有不同所有詳細辦法於此次

另片奏陳以清眉目正據司道查詢各屬詳議章程會詳請奏間適准戶部咨以洋債軍餉兩項需款不敷甚鉅奏准籌款六條以資周轉其中卽有整頓田房契稅及加徵煙酒土藥釐稅三條臣等伏查湖北情形實與他省不同撥補無著已鉅加撥之款尤多要餉固難貽誤練兵亦不可緩不得已督同司道悉心籌維計惟有整頓契稅及酌抽煙酒糖稅加徵土藥稅三款或可爲鄂省外應洋款內顧軍餉各項之用現在甫籌開辦究竟各項收數能否集成鉅款尙難預必第既有此項來源要可藉資周轉惟念湖北半年以來苦思經營原爲

張文襄公全集

卷五十一 奏議五十一

三

湊補不敷之用隨准部咨籌款六條亦以此三項爲言湖北籌之於先部咨繼之於後如部臣以爲係由部飭籌之項飭仍提解部庫則鄂省撥補不敷各款又將束手無策勢不得不仍請由部改撥恐部臣仰屋爲難亦必無實款可撥往返推延徒致貽誤自惟有請將此三款俱留湖北本省湊供不敷各款且所供者最要之款卽係京餉荆州滿餉武衛中軍餉東北邊防餉甘餉及洋款各項實與提解部庫無異亦與部文籌備洋款軍餉之原意相符况部文加徵者乃煙酒釐金現已照新章加徵此次所抽者乃煙酒糖落地產地稅與部文所

加釐金不同至宜昌關稅止有土藥一項其百貨皆係轉口屢次部撥各餉皆係取給於藥稅一款自不在提解之列合併聲明合無仰懇天恩俯念湖北各款短絀過鉅地處長江上游江防重要練兵尤亟更當欽遵趕辦准將新籌契稅並另片所陳抽收煙酒糖稅及加徵土藥稅一併留供本省各項不敷及練兵新餉之用地方幸甚

硃批戶部覈議具奏片二件併發欽此

加徵煙酒糖稅片

光緒二十五年十二月二十九日

再湖北現因各款短絀整頓田房契稅及抽收煙酒糖

張文襄公全集

卷五十一 奏議五十一

三

稅以資補苴除籌辦契稅另摺奏陳外查煙酒糖三項湖北本省各屬多有出產製造之區其外省販運來鄂落地行銷者亦廣因思煙酒糖不過供人嗜好之物並非貧民日用所必需較之糧米百貨迥不相同自可酌量加抽稅項查光緒二十年曾准部咨行令煙酒加收三成茶糖加抽二成當經遵照加抽奏報在案惟前次及此次部章加抽係指各釐局所收過境之釐並未於出產之處就地徵稅亦未於行銷落地之處抽捐茲擬除過境釐金照章加抽現於販運過境者概不過問外飭令各州縣并委員於出產地方商販繁盛行銷市鎮

設立專局專就煙酒糖三項分別出產落地酌抽稅項此與部章加徵過境釐金辦法兩不相涉就市價之低昂定抽稅之多寡總以不及其價十分之一為度所有本省出產煙酒糖一經報完稅項粘貼印花准其運往各處行銷但於起坡處所赴局報驗不令重完其外省煙酒糖運來本省行銷應完落地稅者令其赴坡報由局中查驗照章完稅方准銷售此項抽收稅款雖取之於商販之人而仍係食戶之所攤派散之全省於民間本無大累况煙酒糖三項皆非日用所必需即使此次抽稅價值稍昂亦於窮民生計斷不至於有礙惟創辦

張文襄公全集

卷五十一 奏議五十一

三

伊始現在所定抽稅章程將來應否增減應俟試辦數月以後酌度情形再行妥定畫一章程奏咨定案至此項產地稅落地稅係在部章加抽釐金之外湖北撥款日增需餉尤急種種支絀情形業經臣於整頓契稅摺內詳細瀝陳相應仰懇天恩准將此項煙酒糖稅留供本省不敷各項要需以資接濟

加徵土藥稅片

光緒二十五年十二月二十九日

再查宜昌關稅專恃土藥一宗與他關以貨稅為主土藥只屬一端者迥然不同近年以來該關每歲僅收稅銀四十萬兩內外乃指撥之款屢次加增以入抵出不

敷甚鉅而鄂省本年撥補鹽釐無著之款甚多近又加派鎊價不敷銀二十四萬五千兩東北邊防五萬二千兩收少撥多更無挹注之方該關非加徵土稅斷斷無從湊解正在議詳具奏間准戶部咨奏准籌款六條內有加徵土藥稅釐三成一條復經轉飭核議詳辦查湖北土藥來自川滇其行銷有水陸兩路陸路土藥商販經行之處毗連湖南陝西各省山路紛歧如驟議有加徵必致多方繞越查不勝查稅收反更有減無增且各省情形不同亦恐不能畫一應俟詳加籌議另行酌辦至水路行銷土藥均由川省乘用長江輪船運銷經過

張文襄公全集

卷五十一 奏議五十一

三

宜昌洋關報完稅釐沿江直下若上下游一律照加自然無可繞避擬即遵照部章將土藥稅加徵三成查宜昌關上游有四川重慶關川省為產土之地土商定必續懇輕稅其如何辦法應聽川省自行斟酌如川省一時尙未議定宜昌關即先行遵章加徵尙可無礙未便停待惟下游上海天津寧波汕頭四關最關緊要必須同時舉辦如下游別省不加僅止鄂省宜昌關獨加稅銀土販繞道趨避必至全無收數相應請旨飭下總理衙門戶部催令下游各關照加並令總稅務司分飭滬津甯汕各稅司遵辦一律加徵以裨餉需至宜昌關稅

專指土藥一項與他關情形不同且指撥各款太多不敷撥解此項加徵稅銀自應仍留該關湊解部撥各項并撥補鹽釐不敷之用邀免另提解部俾免貽誤

張文襄公全集

卷五十一 奏議五十一

无

張文襄公全集卷五十一終

新城王樹樸校

張文襄公全集卷五十一

奏議五十一

拏獲悖逆惑眾匪犯審明懲辦摺

光緒二十六年三月二十八日

竊照上年十月據長江水師漢陽鎮總兵周芳明呈轉據田鎮營前哨守備王文明稟稱漳源口地方有土客船隻經過船上數人登岸游行至已經封禁之土娼家內有少年楊姓大言恫喝勒令揭封當經彈壓不服旋持楊國麟名片傳該守備上船謁見痛加呵詈自稱係江西按察司携有官銜燈籠忽又稱係宗人府官語言狂妄形跡可疑當將一行人等解交蕪州經該州凌兆熊提訊其楊姓一人情形狂傲言語支離先供稱名楊國麟即楊海樓係廣東大埔縣人郎中楊姓之子由四川遊峨眉山重慶涪州一帶回來將往江西龍虎山張天師處正擬將其遞解忽自稱係康有為之弟又稱係五王爺語言多無倫次臣等接據該州稟報後當即提省查訊該犯到讞局後供詞益復變幻初供係康有為之第三胞弟康有章年二十八歲訪之各處粵人僉云未聞康有為有此胞弟因詰以康有為之祖父子女住址及鄉試科分歷年蹤跡一概茫然不知則又供係康有為之族弟查訊同行土販等據稱該犯自四川重慶

涪州至湖北利川宜昌漢口其僕從及眾人皆呼爲楊少爺帶有楊國麟名片又聞人呼爲楊海樓所携摺扇上寫有海樓字樣一路忽稱甲午科翰林忽稱吏部尙書楊暉廷之子忽稱和碩親王忽稱五王爺忽稱宗人府查事人員並稱有九頭獅子印六花玉牌等物被竊失去其僕從皆係在川楚沿路雇覓該犯自涪州始搭坐該土販船隻嗣後該犯在讞局忽自稱宛平縣人又稱係宗人府正藍旗人真姓名斷斷不能說出等語父母名氏住居地方隨口改變每逢問供踞坐傲慢並據供帶有黃馬褂貂褂珍珠朝珠多件當在漢口漢陽

張文襄公全集

卷五十一 奏議五十一

二

當鋪查提均無其事其在江夏縣外監內向同押各犯言語狂悖益甚自稱爲天下一人又自稱爲寡人又自稱爲本朕並云此間督撫兩司皆所素識同時有在禁之犯張鴻澤朱華山等被其煽惑代爲書寫信件傳至外間借銀使用令人救伊出監語多荒誕悖謬當有漢口行醫之楊端臣潛至外監窺探信爲大貴人一見卽行跪拜楊國麟因口授言語令楊端臣書寫封固交管獄官署江夏縣典史趙慶頤交付臣等閱看函內大意自稱僞旨索取庫銀二百兩令送伊往江西龍虎山等語實爲狂悖可駭但詩意鄙俚有類戲劇因署江夏縣

知縣陳樹屏將該犯刑責故函內痛詆該縣當飭該典史將楊端臣拏獲發交讞局歸案嚴訊其時正值海外逆報紛騰之際武漢地方訛言繁興廣播匿名揭帖自稱兵馬大元帥糾眾爲亂語多影射此案以致眾情惶惑顯係會匪互相句串造謠生事臣等因案情重大督同藩臬兩司親提會鞠該犯楊國麟供詞一味狂誕閃爍訊其籍貫忽南忽北語音亦南北夾雜絕非京城口音詰以宗人府衙門在何處宗人府所修玉牒係何事以及清文清語一概不知大約係外省人曾到過京城而爲時不久者最後供係山西平遙縣人歷舉山西太

張文襄公全集

卷五十一 奏議五十一

三

原直隸獲鹿天津奉天一路城關鎮市甚爲熟悉據供眞名係李成能山西天津山海關奉天吉林鋪店甚多因游蕩破家出游各省該犯有在上海素識之廣東連州人洪春圃卽洪金能係髮逆洪秀全之後武漢揭帖內所稱兵馬大元帥卽是此人手下人馬甚多其人能觀星象占文王課上年八月間曾在漢口與洪春圃見面該犯一切舉動悖逆言詞皆洪春圃教唆等語臣等查該犯楊國麟卽李成能自稱僞旨種種狂悖句串會匪造言惑眾實屬罪不容誅且該犯自川至楚沿路所帶銀兩金葉甚多用度甚爲揮霍如此舉動其爲會匪

無疑因該犯行徑狂悖過甚以致傳播外間匪徒藉端造謠展轉附會鄂省人心浮動以該犯如此悖逆狡詐若不速為懲辦不足以安靖人心當經飭將該犯楊國麟卽李成能正法梟示以息訛言而靖地方其楊端臣一名訊據供稱係江南上元縣人曾在甘肅軍營充當書識現在漢口行醫與楊國麟素不相識因外間訛言赴監探視信爲貴人經楊國麟口授令伊代繕悖逆函件朱華山一名係潛江縣從前拏辦會匪案內留禁省監待質之犯又已革同知銜候選知縣張鴻澤係四川人向在沙市充當商董於前兩年沙市焚毀華洋房屋

張文襄公全集

卷五十一

奏議五十一

四

將楊端臣拏獲審辦究屬咎無可辭相應請旨將趙慶頤卽行革職驅逐回籍以示懲儆在逃會匪洪春圃卽洪金能各行廣東及沿江各省一體嚴緝懲辦殊批知道了趙慶頤者卽行革職餘依議該部知道欽此

辦結宜施教案摺

光緒二十六年五月二十八日

張文襄公全集

卷五十一

奏議五十一

五

案內奏明革職驅逐回籍因復潛回沙市生事經臣之洞訪拏發府審辦之犯乃竟不知畏罪守法甘受楊國麟之愚傳遞信件雖該三犯所寫各件俱係言詞鄙俚文義不通跡近瘋迷形同戲劇然當謠言紛騰之時附和生事均屬大干法紀若擬以軍流必致潛逃復行生事該三犯楊端臣朱華山張鴻澤應均予永遠監禁其餘同行人等皆係無知鄉愚小販尙未隨同生事分別責懲開釋至撤任前署江夏縣典史本任崇陽縣桂口巡檢趙慶頤以管獄之官於楊端臣赴外監窺探未加禁察並將其封固悖逆函件不行拆看輒爲代投雖據

減股匪拏獲匪首懲辦地方悉就平定業將各情形詳細奏明在案所有善後事宜迭飭地方文武妥爲辦理並據法領事德託美開列各條款要求甚多並索賠卹銀四十二萬五千兩之多萬難照准當派委候補道朱滋澤候選直隸州梁敦彥會同法領事德託美等迭次妥議各條擬給教士董若望家屬卹銀一萬兩其各縣地方天主堂育嬰堂學房教堂公產並失去什物等項共給銀四萬四千五百兩完結並議拏辦在逃各犯及嚴飭地方官保護以後百姓不得與教堂爲難教堂教士亦不收留匪類干預詞訟以期相安至被匪擾害之

教民由地方官酌量撫卹並於利川縣城內由官出款
建造天主堂一所交天主堂管業等情臣等查所議賠
卹二項共銀五萬四千五百兩較前索之數已屬大減
自可照准其餘各條亦屬可行當將議定條款照繕二
紙札發江漢關道與法領事簽押蓋印各執一紙當由
江漢關撥銀二萬兩宜昌關撥銀三萬四千五百兩共
五萬四千五百兩均交法領事轉給旋因教士以賠款
太少處處刁難欲藉酌量撫卹被害教民一語以各縣
家數太多添索數萬鉅款案懸不結復飭江漢關道暨
委員與法領事商議統給各處被害教民卹款共一萬

張文襄公全集

卷五十一

奏議五十一

六

兩交教士分散不得再生枝節經法領事稟明法公使
照允照會江漢關道在案此項續議卹款一萬兩仍由
江漢宜昌兩關支給法領事查收轉給完案伏查此次
滋事匪徒係屬會匪乘四川余蠻子滋事之時藉端倡
亂糾眾響應立有偽主帥軍師先鋒等名號蔓延數縣
勢甚猖獗重煩兵力始克勦平地方官猝不及防亦
有所不及與尋常鬧教毀堂者情形迥殊其賠卹之款
未便攤派且署長樂縣知縣劉綬青蘇貽英等業經奏
參革職更屬無從追繳合無仰懇天恩俯准查照光緒
十七年武穴宜昌十九年麻城各教案賠款卹款均由

江漢宜昌兩關支給成案准仍由江漢宜昌兩關動支
出自逾格鴻慈謹合詞恭摺具奏伏祈聖鑒
硃批著照所請該衙門知道欽此

派員代理湖北提督摺

光緒二十六年五月二十
八日

竊照現值北方有事近畿紛擾湖北人心浮動匪徒藉
端造謠襄陽以北與河南等省接壤伏莽素多尤慮蠢
動襄陽實為楚北邊要重鎮係提督所駐之地本任提
督臣張春發現統武衛先鋒左軍駐防江北臣奉旨兼
署提篆自應兼權統籌以副恩命惟是臣以總督駐紮
鄂省現當多事之秋籌兵籌餉事事不遑襄陽懸隔千

張文襄公全集

卷五十一

奏議五十一

七

里一旦有事所有臨機籌防一切殊難適度必須有提
督坐鎮其間督率提標各營將弁兵丁平日認真操練
防患未然遇有土匪竊發臨時應機勦捕庶可早遏亂
萌免致貽誤惟臣係奉命兼署惟有奏明派委大員代
理期於邊境有裨查有現署鄖陽鎮總兵之提督鄧正
峯老練深穩紀律嚴明久歷戎行嫻於兵事堪以代理
湖北提督篆務其鄖陽鎮總兵臣當另行委員署理如
鄧正峯訓練切實措置有方再行奏請署理再時艱事
亟可否仰懇天恩即令鄧正峯署理湖北提督之處伏
候聖裁

殊批著照所請該部知道欽此

會派藩司統軍北上摺

光緒二十六年六月二十五日

竊臣等承准軍機大臣字寄光緒二十六年五月二十一日奉上諭著各直省督撫迅速挑選馬步隊伍各就地方兵力酌力酌派得力將弁統帶數營星夜馳赴京師聽候調用等因欽此跪聆之下焦灼萬分亟欲立起全師星馳就道惟湖南地方伏莽素多鄰近黔粵各省亦有匪徒頻思蠢動湖北沿江一帶民氣浮囂目下江防倍形喫緊皆須兵威鎮攝保守疆土卽以護固餉源不得不加詳慎當經往復電商數少不能自成一軍多

張文襄全集

卷五十一 奏議五十一

八

則餉力不及查湖南新軍勁字五營步隊二千五百名訓練已嫻堪備戰守適原派統帶之永州鎮總兵熊鐵生自渝關撤防時卽患風疾近年調治漸痊而足疾仍未大愈行步維艱於臣等未議派兵北上之先卽以傷病舉發稟請開缺由臣之洞另摺具奏請准其開缺並將永州鎮缺請旨簡放經臣廉三改委藩司錫良統帶勁字五營該司前經奏明派辦營務處事宜隨時赴營課操將士均皆服習較之更易生手似覺穩妥添派湖南候補道張成基爲分統兼湘軍營務處仍以調署長沙協副將崧煜爲幫統湖北亦將武功武愷武防等營

湘省勇丁挑選添募共爲五營計步隊二千五百名委

前南韶連鎮總兵方友升爲統帶兩省合軍庶足獨當一面錫良於六月初八日交卸湖南藩司篆務旋配足軍械領軍啟程抵鄂後卽由臣之洞臣蔭霖將武功營弁勇均交錫良總統惟湖北境內止有小車軍火器械甚爲繁重轉運不易當經趕備車輛人夫已於本月二十一日各營陸續開拔前進取道河南信陽州等處北上以達直隸並電知河南撫臣裕長迅飭南汝光道設立轉運局以免阻滯所有湖北武功營湖南勁字營弁勇糧餉均照湘軍行營章程發給各歸各省開支錫良

張文襄全集

卷五十一 奏議五十一

九

本任半廉由湖南藩庫照例支給其行營半廉公費及隨營辦事文武員弁薪水並所帶親兵小隊一百名口糧均由湘鄂兩省各半分認摺節支發實用實銷至該藩司錫良統兵北上道遠事繁刊給木質關防文日總統湖北武功全軍湖南勁字全軍湖南布政使行營之關防領收開用合無仰懇天恩俯准專摺奏事俾免遲誤殊批知道了欽此

擒誅自立會匪頭目分別查拏解散摺

光緒二十六年八月

三十

竊查自北方開戰以來各省匪徒咸思蠢動臣等欽遵諭旨保守疆土欲防外侮必須先清內匪當即增募營勇分路籌防七月初間湖北巴東長樂等縣果有會匪糾眾豎旗起事正在派兵勦辦旋聞安徽大通已有大股會匪突起焚劫其勢甚熾湖北沔陽州之新隄蒲圻縣之羊樓峒湖南臨湘縣之灘頭均有會匪接踵而起民間大為驚擾荊州之沙市以及嘉魚麻城等縣均有會匪謀亂情事各匪聚眾點名打造刀械製造號衣儲備米糧一似錢財甚為充裕者並聞有私運外洋軍火之說當經遴派員弁營勇分路密查勦捕以武穴向為

張之洞全集

卷五十一

奏議五十一

十

下游門戶會匪之數并派營勇兵輪前赴該處查拏防遏同時各省拏獲各匪皆係領有富有票此票乃仿照哥老會散放票布之辦法其票係上海洋紙石印寫刻篆印皆極精工上橫書富有二字直書憑票發足典錢一串文前有編號後有年月背有暗口號圖章二顆用在湖北省又鈐楚字圖章其命名蓋暗寓富有四海之意實屬悖妄已極凡領票者均係句串一氣互為聲援據匪首散票者告人云持有此票即可向該匪首處領錢一千文以後乘坐怡和太古輪船不索船價并云中

若鶩旋經查出此乃大逆康有為一人主使調度其夥黨分布各省展轉煽惑其巢穴即在上海於租界內設有國會總會入會者亦不盡康黨沿江沿海各省皆有國會分會而分會中以漢口之分會為最大因武漢當南北適中之地居長江之上游而兩湖會匪又最多故先於武漢舉事其會名曰自立會其軍名曰自立軍句煽三江兩湖等處哥老會匪糾眾謀逆定期於七月二十九日武昌漢口漢陽三處同時起事約定新隄蒲圻之匪速起大股前來接應岳州沙市之匪遙為聲援先於二十七日訪有端倪密飭員弁在漢口地方李慎德

張之洞全集

卷五十一

奏議五十一

十一

堂及寶順里內拏獲兩湖分會總匪首唐才常匪首林圭李虎生等三十餘名唐才常係督辦南部各省總會又督辦南部各省軍務處林圭係統帶國會中軍李虎生係總衙戶當時在唐才常寓所起獲軍械火藥偽印偽札偽示及富有票多張又入會各匪姓名簿又購買洋槍刀械用款雇募奸細分往各城各營各局充當內應月支薪水用款招募會匪自稱發餉用款各項帳簿又各省匪黨往來逆信又洋文自立會辦事規條皆在唐才常屋內搜獲並同時在漢口漢陽拏獲同夥謀逆之哥老會匪首瞿河清向聯陞等發交營務處司道武

昌府江夏縣公同審訊該匪等供認開設自立會句結哥老會散放富有票同夥謀逆不諱當即將該匪首唐才常等二十名正法示儆旋在嘉魚縣拏獲匪黨蔣國才搜獲富有票黃旗及各匪口號名單及正副會長康梁偽諭暨供出各匪姓名續據湖南拏獲會匪頭目李英譚燾等供稱康有爲在上海開富有山正龍頭係康有爲唐才常梁啟超李金彪楊鴻鈞師馬炳等唐才常派爲上海總糧臺聽說康有爲諸黨派人會合大刀會該黨已到山東此事是康有爲爲總康有爲以唐才常爲總唐才常以辜仁傑卽辜洪恩師馬炳卽師襄爲總

張文襄公集 卷五十一 奏議五十一 三

湘省聞拏自盡之汪鎔派爲長沙總糧臺各糧臺之錢均是康有爲接濟等語查蔣國才匪單內係康有爲爲正龍頭梁啟超爲副龍頭並據唐才常供上海國會總會頭目係廣東人容閱此外各處所獲哥老會匪供詞供出康有爲唐才常爲首者不計其數查獲逆信偽札及各匪供尙有沈克誠陳謙林杰卽林邦威容闈李松芝蔡鍾浩汪楚珍張堯卿戴保廷均爲謀據兩湖之大頭目秦俊傑卽秦立三又名秦郵卽大通滋事首匪復經密札密咨鄂省各省查拏並照會各國領事在案並准大學士直隸總督臣李鴻章電咨湖南巡撫臣俞廉

三咨查出訊出康有爲唐才常容閱等句匪作亂私運外洋軍火情形大略相同暨准兩江總督臣劉坤一安徽巡撫臣王之春咨富有票匪擾亂長江派兵勦捕起獲匪票偽示私運軍火各情形與鄂省所查皆相符合查此項自立會匪唐才常等以康逆死黨窟穴上海設立總會自爲總糧臺往來沿江沿海各處廣散銀錢購誘會匪計謀凶狡黨夥紛繁其匪黨往來書信大指因北方有警乘此煽動沿江沿海各省各種會匪同時作亂其同謀句結之人各省皆有其購械募匪之款查簿內存款計洋銀一萬五千餘元用去已將及萬元聞康

張文襄公集 卷五十一 奏議五十一 三

有爲詐騙斂集之款共有銀六十萬元安排以二十萬元用之長江所散放之富有票就兩湖地方查出供出者已有兩萬餘張事發後兩三日尙有人向李慎德堂投遞匪黨逆信經稅務司郵政局拏獲數起其偽札有日指定東南各行省爲新造自立之國其華洋文規條內有日不認滿洲爲國家其偽印文曰中國國會分會駐漢之印又曰中國國會督辦南部各總會之關防又曰中國國會督辦南部各路軍務處之關防又曰統帶中國國會自立軍中左右前後等營各關防其逆信內有日以湖北爲中軍以安徽爲前軍以湖南爲後軍其

唐才常身邊小篋內搜出偽號令告示稿有曰焚燬各衙署佔奪槍礮廠劫掠局庫佔踞城池焚戮三日封刀安民派將固守再籌征進其逆信內有曰沿途亦可劫掠其開用偽關防札稿內有曰業經報明滬會篆刻關防一顆內刊中國國會督辦南部各省總會字樣於庚子年七月初八日開用等語唐才常等到案一一供認不諱至其平空造言捏誣狂吠詆毀 兩宮悖逆凶悍筆不忍書令人髮指該會匪等以自立為名號以焚戮劫掠為條規以富有票為引誘以哥老會紅教會及各省各種會匪為羽翼意欲使天下人心同時搖動天下

張文襄公全集

卷五十一

奏議五十一

五

民生同時糜爛實為凶毒已極又查偽札有云本國會深懷危亡等語實屬狡詐膽妄該匪首偽為國會造此詭辭冀以誑誘躁妄之文士鼓動無知之愚民尤為可惡竊惟目前時事雖棘上下同心力圖振作尚可勉籌補救之方若該會匪各省蠶起外人乘之則中國真將有危亡之勢矣今該會匪既已自稱為新造之國公然自立不認國家是明言不為我 皇上之臣子矣乃尚敢託保國之名以逞其亂國之謀不獨中國忠義臣民不受其欺凡各國明理曉事之人恐亦不受其欺也近日鄂湘江皖各省滋事之匪查其逆信票據供詞皆係

自立會匪之黨皆係領富有票之人其合夥約期濟械助費分據地方安排接應均經查有實據查李慎德堂前門在英租界之內當日查拏各匪之時係由英領事簽字派巡捕協同往拏當場眼同起獲各種謀逆作亂器械憑據華洋人等眾目共覩因此各國領事皆深知此輩實係與哥老會合夥必應查拏以免擾害地方除湖北湖南兩省隨時密查嚴拏外此外沿江沿海各省皆有分會其往來於上海者尤多應由各省自行查拏已將先後迭次查出供出緊要各匪首姓名籍貫陸續開單分咨各省一體嚴密懸賞查拏務獲懲辦以懲亂

張文襄公全集

卷五十一

奏議五十一

五

逆而安大局至唐才常供出同會同謀之人甚多凡係查無實據者概不株連其軍民人等誤領富有票者准其向官司營局團紳首士繳票銷毀即免追究予以自新若觀望藏匿不繳者查獲匪票定行重辦自漢口匪首伏誅後各路匪徒聞之震懾奪氣惟富有票放出太多其悍黨匪首尚多漏網現已訪知仍復潛踪往來上海長江一帶別設狡謀力圖糾眾報復沙市岳州常德澧州一帶匪徒尚在煽惑窺伺新隄之匪竄擾湖南之臨湘巴陵及監利之朱河等處其監利沙洋麻城嘉魚崇陽巴東長樂之匪仍飭各營分投搜勦解散其襄陽

棗陽隨州應山等處界連豫邊素多刀匪豫省年來旱荒飢民頗眾亦遂有會匪開堂放飄之事自七月以來藉鬧教為名嘯聚焚劫自立會匪滋事後查有匪目潛往孝感應山河南信陽州一帶謀劫北上諸軍軍火並煽誘河南饑民來漢滋事現又訊出有匪首潛往襄樊一帶煽動刀匪已添募馬步各營沿邊防遏入境即擊八月內四川巫山縣有匪千餘人滋事亦經派營會合川軍相機勦捕臣等伏查康逆近年遁逃海外散布邪說久思煽動奸人擾亂中國以逞其報復之志茲因各國構衅中國兵威不振以為有機可乘遂敢遣其黨羽張文襄公全集 卷五十一 奏議五十一 六

分布沿江沿海各省句匪作亂而湖北尤為該匪注意所在值此時局危急一經煽動立即四路響應兩月來武漢商民惶擾遷徙一夕數驚幸仰賴朝廷威福先期破獲擒誅渠魁巨黨多名各處聚集援應之匪先後擊散陸續擒斬匪目數十人目前人心粗定惟有仍一面督飭各軍各州縣嚴防密拏解散脅從一面照會各國領事布其逆亂罪狀囑其轉告外部勿為所惑目前據各領事言從前謂康梁為志士今已知康梁為匪徒各國斷不幫助庇護此實由該逆等稔惡窮凶天奪其魄為悖亂盜賊之事布悖亂盜賊之言奸謀逆跡盡行敗

露從此為各國所屏棄誅殛之期當不遠矣惟是湖北數月以來自北方有警長江人心惶惑各匪四起陸續增募勇營數十營上游則界川之宜昌下游則界江西之武穴南則界湘之荊州北則界豫之襄陽隨州棗陽應山麻城中路則沔陽新隄沙洋嘉魚蒲圻崇陽監利皆為會匪出沒之所皆須派營駐守隨時相機勦捕並派營前赴湖南之岳州河南之信陽州越境勦捕巡防以固藩籬各屬請兵請械應接不暇羅掘多方增兵既多增餉尤鉅種種艱難急迫晝夜不遑惟有竭力鎮撫相機籌辦隨事與湖南撫臣兩江江西安徽督撫臣互相知會合力辦理以維上游大局至此次查訪擒獲自立會匪渠魁暨分路防勦捕獲領放富有票逆匪首要各員弁發奸弭亂俾沿江沿海各省得以周知為備似尚有裨大局合無仰懇天恩俯准臣等查明奏請優獎以示鼓勵

硃批覽奏殊堪痛恨著即會商沿江沿海各督撫將此項會匪飭屬一體查拏盡法懲治務絕根株所有此次擒獲首要及發奸弭亂各項出力員弁准其從優請獎以示鼓勵欽此

參將查匪不力請旨革職摺 光緒二十六年八月三十日

竊臣訪聞湖南岳州文武衙署水陸兵勇各營多有富
有票匪混迹其間署岳州營參將秦三元營內即所不
免適准湖南撫臣俞廉三函述情節相符伏查長江一
帶會匪素多近自富有票匪散票句煽各種會匪往往
領票入會混入各營兵勇及長江水師者甚多疊經臣
嚴飭水陸各營將弁嚴查密拏在案岳州為南北兩省
咽喉票匪最注意於此訊出匪首多係籍隸岳州盤踞
煽誘蓄謀甚深目前匪勢仍復耽耽思逞現查知該參
將所請練兵百名其中即多係領有富有票者實堪駭
異似此昏謬粗率一旦有警必然貽誤事機當此防務

張文襄公全集 卷五十一 奏議五十一 六

喫緊之際未便稍事姑容聞巴陵縣知縣周至德所募
營勇票匪亦多除該縣已由湖南撫臣俞廉三撤任另
行奏參外相應請旨將署湖南岳州營參將本任湖北
撫標中軍參將秦三元即行革職以為營務含糊查匪
不力者戒

硃批著照所請兵部知道欽此

請調武功營赴行在片 光緒二十六年八月三十日

再前奉諭旨飭調武功兩營愷字四營北上當以此六
底營原止一千五百人兵力過單因專派前南韶連鎮
總兵方友升添募精銳足成五整營與湖南撫臣商酌

兩省各派五營共合成湘勇十營以期力厚心齊以湖
南藩司錫良忠勇直爽故奏派錫良總統率之過行又
因快礮為行軍利器加配快礮十二尊添募礮隊兩哨
二百五十人計鄂軍共二千七百五十名以致兵數益
增軍火益繁查近日兵事專恃槍礮藥彈臨戰則患其
缺乏軍行則苦其笨重故湘鄂兩軍每軍軍火輜重各
數十萬斤鄂軍尤多沿途車輛短少各軍只能分起開
行嗣聞北事日急疊奉諭旨嚴催臣等札飭電飭方友
升懸賞銀五千五百兩如各軍能早渡黃河者即行分
賞並飭該前鎮入豫境後可先挑精銳千餘人輕裝疾

張文襄公全集 卷五十一 奏議五十一 九

馳照前敵行軍辦法每人身帶槍彈一百二十顆先行
進發其餘大批軍火輜重隨後繼進該軍開行後臣等
疊經札催電催無如河南年歲荒旱車輛極艱入直境
後尤甚又以天氣酷熱各軍冒暑趨行病疫甚多接閱
稟報焦急萬狀嗣聞聖駕西巡尤為惶悚迫切該軍自
應馳赴行在稍盡拱衛之忱乃疊接錫良函電先經大
學士榮祿札飭駐防正定旋復飭駐固關又兩奉廷寄
飭赴行在旋又經山西撫臣奏准暫紮懷慶近又接錫
良電湘軍不日到晉鄂軍暫駐直境等語竊維直境固
亦需兵惟巡幸外省扈蹕之軍尤關緊要况方今時事

紛紜沿途潰勇游民恐必不少必須軍威較盛且以忠
純篤實之大員統之方能除道清塵彈壓一切相應請
旨敕令錫良將方友升武功營調赴行在他省不得扣
留仍與勁字五營合爲一軍歸錫良部下調度以資扈
衛而供驅策且可與宋慶馬玉崑岑春煊諸軍互相協
助似亦不無裨益

硃批錫良已授山西巡撫湘鄂兩軍仍歸統帶布置後
路防務欽此

派員齋摺恭請聖安並進方物摺

光緒二十六年
閏八月十九日

竊以此次衅端猝啓變出非常臣等才智庸駑兵力單

張文襄全集

卷五十一

奏議五十一

三

薄不能爲國家執戈禦侮自聞鑿與出狩艱險備嘗拱
衛未親奔問未及憂惶愧憤負咎若山循省愆尤百身
奚贖所有疚悚瞻系下忱業於八月十二日電由護陝
西撫臣端方代繕奏摺馳遞在案猶幸六飛所莅安甯
頻傳下忱稍爲定慰伏讀疊次行在詔書宏禹湯罪己
之思開漢唐直言之路遐邇傳宣愚頑感泣凡爲臣子
更屬無地自容惟冀天心悔禍眷佑彌隆我 皇太后
皇上至誠動物孚化遠邦早日開議上安宗社下慰兆
民臣等亟應馳詣行在稍伸瞻戀微忱祇以長江防務
加嚴會匪逆氛未靖遵旨保守疆土職任未敢暫離謹

率同提鎮藩臬諸臣具摺恭請聖安專派湖北督糧道
譚啟宇齋呈並呈進方物十三種仰懇俯鑒微悃准予
賞收臣等無任瞻仰屏營之至

借款充餉摺

光緒二十六年九月初六日

竊照湖北一省財力向非充裕近年經戶部指撥加撥
及攤還新舊洋款鎊價等項竭力勉籌久已入不敷出
會於上年十二月具奏撥補宜昌鹽釐案內詳陳艱窘
情形早在聖明垂鑒之中本年入夏以來中外構釁道
派援軍北上及籌備江防添購軍火用度浩繁加以富
有票逆黨潛入長江句結各路會匪乘機起事武漢宜

張文襄全集

卷五十一

奏議五十一

三

荆黃沿江各屬伏莽同時蠢動襄陽德安兩府毗連河
南之各州縣屢有豫匪闖入與教尋仇其宜昌之巴東
長樂等縣施南之建始利川等縣又有川匪頻思竄擾
節經添募重兵租雇輪船分投防勦於是各項餉需頓
增倍蓰而常年京協各餉暨遵旨購運米糧在在均關
緊要亟應統顧兼籌滿擬錢糧正賦關稅釐金逐加整
頓收數漸增稍資挹注無如交六月後天氣亢旱各屬
高田半遭枯損頓致轉豐爲歉逆料本屆漕糧徵收斷
難起色而寇氛疊警華洋商賈亦皆觀望不前以致關
稅釐金同形短絀臣等焦憂無術仰屋徒勞當此軍務

喫緊之秋萬一餉源不繼饋運有稽貽誤事機為患何堪設想不得已擬向殷實票號息借數十萬金暫資供億乃各票號咸以商情疲滯財源枯竭展轉詢商百無一應各國駐漢領事及洋行稔知鄂省需款甚急爭來探問願借巨貲臣等念此時戰釁方開各國尚肯以重金見貸略可覘其並無佔據中國之心而藉此以隱事羈縻亦未始不一舉兩得因英國領事法磊期申說最先議息亦最輕減當飭江漢關道岑春煇與之訂議由該領事電稟英國政府允為擔保向英商匯豐銀行籌借英金七萬五千鎊按照時價折合漢口洋例銀五十

張文襄公全集

卷五十一 奏議五十一

三

萬七千四十二兩二錢五分言明以鄂省川鹽江防加價錢文作抵常年四釐半起息分十年歸還由江漢關道繕給票據加蓋總督關防以昭憑信查鄂省所有鹽釐已於光緒二十四年分起儘數抵還部借洋款此項川鹽江防加價係奏明專供湖北槍礮廠經費本屬無可騰挪此次指項作抵不過聊資取信核計前項借款每年應還本銀五萬餘兩初年利銀一萬餘兩以後逐年遞減為數尚不甚多容臣等另行籌款設法彌補奏明辦理於各項常年解款不致有妨
硃批該衙門知道欽此

購米運陝摺

光緒二十六年九月初九日

竊前欽奉寄諭現在近畿軍糧孔急海道梗阻亟宜設法接濟飭令漢黃德道岑春煇速購米五十萬石趕緊分起北運聽候撥濟購價若干由該省籌墊隨後撥還等因欽此當即督同藩司糧道會同江漢關道籌辦即日墊款購買委員在於漢口及蕪湖鎮江並江北寶應縣之汜水鎮等處分投采買米十萬石運交清江轉運局道員惲祖祁接收轉解北上業經會同前湖北撫臣于蔭霖電奏聲明由鄂認購十萬石餘請各省合力采辦奉旨允准在案查前項采購軍米已陸續分儲鎮江

張文襄公全集

卷五十一 奏議五十一

三

等處始因傳聞鑿與西幸運道不定致有耽閣嗣正在兌交清江轉運間欽奉電旨現定閏八月初八日啟鑾西幸長安清江所設轉運總局著即移至漢口等因欽此所有此項米石自應運回漢口統由惲祖祁經理從襄河運赴陝西以歸一律惟是買米墊款為數甚鉅鄂省近年庫款奇絀歲入歲出之項皆可按籍而稽實無絲毫可以騰展欽奉諭旨隨後撥還茲臣督飭司道公同商酌擬在藩庫應解地丁京餉內劃撥銀十萬兩糧道庫應解光緒二十六年采買米石米價水脚運費項下劃撥銀七萬兩江漢關應解籌備餉需款內劃撥銀

十三萬兩俾還前墊之款其或盈或絀統俟事竣後核實造報

硃批戶部知道欽此

宣布康黨逆迹並查拏自立會匪首片光緒二十六年九月初九日

再康黨謀逆創設自立會句結兩湖三江會匪同時作亂當經拏獲匪首唐才常等多名正法派營四路勦捕飭令繳票解散其在逃各匪首各行各省嚴拏業經於八月內奏陳在案其時准大學士李鴻章電稱致駐英使臣羅豐祿電云康梁布散黨徒暗結廣東著匪區新

張文襄公全集 卷五十一 奏議五十一 五

三合會首潘新桂劉福等聯各省會匪約在兩湖三江兩廣起事名爲保國陰圖擾亂前月大通漢口唐才常等作亂事發經江鄂兩督嚴辦起獲軍械等據直認康黨不諱中外共知粵省亂黨尤多均在香港余育之花園澳門知新報館密謀拜會最著者有何連旺何林齡徐勤劉楨麟麥孟華陳宗儼容閔往來港澳句結盜匪訂期起事槍礮由南洋用棺裝運入粵若不查辦有礙東南商務大局屬羅豐祿迅速密商英政府電飭新嘉坡香港總督嚴密查拏拘禁旋據羅豐祿電復稱已達外部允轉藩部電飭新嘉坡香港總督查辦至康逆潛

往漢口等處亦經電飭各該領事勿得收留各等語臣查康梁逆黨奸謀逆蹟現已爲各國共見共聞惟查富有票係用千字文編號就查獲親見者最前有地字號最後者有職字號職字已有七百九十四號之票查職字係第三百一十字是每字一千張合計已有三十一萬張近據湖南拏獲唐才常之弟唐才中供稱上海刊印富有票三十多萬分散夥黨招匪起事等語正與湖北查獲逆票號數符合現在查獲呈繳者不及一萬張其自行銷燬及未經散出者或亦有數萬張要之散在民間者尙在二十萬張以外醜類實繁深爲可慮近由

張文襄公全集 卷五十一 奏議五十一 五

湖南省郵政局搜獲逆信多件該匪黨深恨湖北發其奸謀誅其渠魁志在報復現又另遣悍匪攜帶重賞前來兩湖煽再圖大舉又聞廣東惠州府會匪作亂亦供係康黨所爲是此項匪徒逆謀未息後患方滋不可不嚴爲防遏惟有整頓各路防營嚴爲戒備不敢稍涉鬆懈現經臣查開最要匪首名單並摘敘自立會匪緊要情節曉諭地方告示稿暨另撰勸戒國會文分咨各出使大臣照會各國外部請其查照英國政府辦法電飭其本國駐華各口領事於所在租界遇有此等謀亂匪類勿得容留一面將告示稿勸戒國會文就外洋各

阜旅寓華商及外國文士之能通漢文者廣為散布俾
曉然於該匪黨所為實係悖逆凶殘專欲擾亂中外大
局所言中國之事皆係捏造謠言所句結同夥作亂之
人皆係無賴會匪所有對各國人議論假託保國之詞
皆係狡詐欺人自不致為其所愚仍飭駐洋各埠領事
官傳諭各華商切勿誤聽康梁邪說枉助貲財用以伐
狡謀而杜亂源並飭江漢關道照會漢滬各領事查照
辦理務期多殲渠魁解散黨羽以安大局

張文襄公全集

卷五十一

奏議五十一

美

選撥槍礮解赴西安摺

光緒二十六年十月十八日

竊臣承准軍機大臣字寄奉上諭現在駐蹕西安護衛
分防各軍需械甚多江南湖北兩廠快槍子彈尚能合
用著劉坤一張之洞督飭局員加工趕造一面將現存
槍械酌提若干迅派委員解赴行在以應急需等因欽
此旋又奉寄諭岑春煊奏陝省募勇請飭撥槍械等語
現在陝省添募勇營需械甚急著劉坤一張之洞於上
海湖北各製造廠酌撥小口徑槍四千桿快礮十尊配
齊子彈解赴西安俾資應用等因欽此查岑春煊所部
舊有新招共二十餘營需械自必甚多此外在陝護衛

各軍亦必需械遵即在於湖北槍礮廠選撥小口徑毛
瑟快槍三千枝無煙藥槍彈五十萬顆洋製黑藥槍彈
五十萬顆皮彈盒皮掛帶皮腰帶各三千副槍上備用
撞鍼蟠簧退彈鉤各三百件三生七口徑快礮十六尊
礮架十六副三生七快礮有銅殼之礮彈礮火各一千
六百枚無銅殼之礮彈礮火各三千二百枚向係礮彈
三枚共配銅殼一枚礮彈小銅火三千四百顆無煙礮
藥三百二十五磅裝礮彈機器二副收口機器二副壓
入礮彈小銅火機器二副又鄂廠創造前膛西門鋼車
礮二十尊羣子彈二千枚獨子彈二千枚前膛槍銅帽

張文襄公全集

卷五十一

奏議五十一

毛

二百萬顆飭委分省補用道沈錫周湖北候補知縣楊
鼎福騎都尉盧雲湘解赴陝西並查照兩江督臣劉坤
一咨兩次奉旨遵解軍械統交陝西撫臣辦法令統交
陝西撫臣岑春煊衙門驗收應用如護衛各軍需械應
請旨飭下岑春煊酌撥應用

密陳槍礮廠情形片

光緒二十六年十月十八日

再查湖北槍礮廠常年經費不及滬局之半極形支絀
歷年添設罐鋼無煙藥等廠均係輾轉借墊積欠甚鉅
其製造快槍彈快礮彈各銅殼礮火機器裝藥機器均

以無款未能增添雖晝夜併工所出子彈不能敷所製
槍礮之用此項小口快槍及快礮本應用無煙藥因
經費久竭物料不能豫儲近日廠甫造成向外洋訂購
藥料尙難運到是以一時未能開造兩種無煙藥五月
後外洋禁售設法勉向滬局商購萬餘磅密運來鄂加
工趕造槍彈旋經滬局以留備自用不能再售入夏以
來撥解神機營虎神營武衛先鋒左軍提督張春發軍
及山西撫臣錫良軍鄂省所派北上方友升軍爲數已
及一百六十餘萬之多且卽製有彈殼而一一裝藥料
安底火機器既少徒恃人工亦苦趕辦不及以致湖北

張文襄公全集

卷五十一

奏議五十一

无

本省各防營所發快槍均乏藥彈萬一有事各營均同
徒手萬分焦急加以山西撫臣錫良電催續撥錫軍方
軍槍彈河南撫臣于蔭霖又撥解豫軍槍礮彈數均甚
鉅臣乃督飭員弁匠目多方思索考究將槍彈改裝洋
製黑藥而黑藥初試放時動輒挂腔阻塞兩月有餘乃
思得其法去其彈頭鋼皮於銅殼內加墊蠟餅並將鉛
箭改小一絲藥力加增放時始無滯塞屢經臣親加考
校其擊力遠近所差尙不甚遠故此次所解槍彈以無
煙藥及洋製黑藥分半搭配勉應目前之急此係外洋
購來黑藥及鄂省新仿西式精造黑藥方能合用若尋

常土造黑藥仍不能用惟長江時有外國兵船游弋屢
次聲言斷我接濟加以湘鄂兩省富有票匪蔓延甚廣
防不勝防所有各營槍礮必須趕緊配足藥彈方足以
資操練而備不虞近日情形日緊本月初七日上海領
事并禁各洋行將製造軍火之物料出售此後製槍礮
彈殼之上等洋銅製槍礮機簧零件之上等洋鋼槍彈
頭之洋鋼皮製槍彈夾之洋鋼片均屬無從購覓惟有
儘現有物料製造應用再解赴北路之軍械最爲洋人
所忌各國水師提督領事噴有煩言現係作爲解赴襄
陽防營軍火先行密運至襄存儲再委員由襄解陝所

張文襄公全集

卷五十一

奏議五十一

无

有彈藥艱難及物料缺乏並密儲轉運情形謹附片密

陳伏祈聖鑒

硃批知道了欽此

張文襄公全集卷五十一終

新城王樹樸校

張文襄公全集卷五十二

奏議五十二

請自開武昌口岸摺 光緒二十六年十月十八日

竊臣近見各國預議條款有內地任便通商一條勢在必行查武昌省城濱江距北門外六七里之江岸即與漢口鐵路馬頭相對前年美國人勘粵漢鐵路時即擬定此處為粵漢鐵路馬頭將來商務必然繁盛近年洋行託名華人私買地段甚多各國洋人垂涎已久此處必首先通商無疑此處若設租界距省太近營壘不能設法令不能行有礙防守查岳州係自開口岸名通商

張文襄公全集

卷五十二

奏議五十二

一

場不名租界自設巡捕地方歸我管轄租價甚優年年繳租各口所無一切章程甚好前三年奉旨令各省查明可開口岸地方奏辦竊擬趁此條款尚未宣布之時即請旨准將武昌城北十里外沿江地方作為自開口岸庶不失管理地方之權此時先定為十里外若臨時洋人嫌遠再酌改為七八里統俟體察情形辦理合併聲明奉旨在先彼自不能侵越事關地方權利省城防衛當因時勢急迫於光緒二十六年十月初一日先行電奏旋於十月初八日由西安電傳奉旨張之洞語電悉著即照議辦理欽此除遵轉飭酌量辦理外合繕摺

奏陳備案

硃批該衙門知道欽此

保薦人才摺

併清單五日

光緒二十七年三月二十

竊臣伏讀光緒二十六年閏八月十二日疊次欽奉諭旨飭令各督撫保薦人才仰見 聖主憂患焦勞求才圖治之至意竊惟方今時事日棘外患內憂交發並至和局未定兵弱財殫事變日多迥非前數年之時局需才甚多待用甚急然必須心術端正品行修飭而又識能知時才能幹事者方為切於世用臣謹就平日深知灼見辦事實有成效者薦舉九員以備朝廷甄擇海內

張文襄公全集

卷五十二

奏議五十二

二

賢才雖眾然如該員等之志節才器矯然拔俗確有實蹟人人共見者似亦不甚多觀伏望聖明破格擢用以裨時局而示觀感所有各員銜名開繕清單恭呈御覽謹將保薦人才各員開繕清單恭呈御覽

掌河南道監察御史陳璧

該員才品堅卓有膽有識講求經濟不躁不迂前督理京城街道潔已除弊頌聲翕然去年在京正當匪徒擾攘之時疏請禁止拉車騷擾尤徵識力該員係現任實缺京官其應如何優予錄用之處伏候聖裁記名副都統廕昌

該員前赴德國學習武備於練兵本原功用均能得其竅要目前時勢練兵尤爲急務近年將領仍是舊日習氣一味大言欺人講排場耽安逸務應酬於操練要義槍礮理法全不講求間有采用西法者亦但憑庸陋教習爲指揮統帶營哨官全不能自教操練如此練兵終無實效若使該員專練一軍以爲諸將法式必有實用且將來可隨時派赴各省查閱各軍指其利病核其勤惰則各省將弁兵勇必更鼓舞講求一掃從前驕惰空疎欺誑牟利之惡習該員係二品大員其應如何優加任用之處伏候聖裁

張文襄公全集

卷五十二

奏議五十二

三

翰林院編修銜梁鼎芬

該員品行方嚴才力強果心存忠愛出於至誠平日講求經濟之學尤能通達時勢不爲迂談在湖北主講書院有年崇尚品行力求實學造就人材不少眾論翕然該員前以言事降調本無大咎近經湖北學政王同愈奏薦蒙恩賞還原銜當此時局需才投閒實覺可惜擬懇恩送部引見優予錄用

翰林院編修徐世昌

該員志趣端正持躬謹飭明達時務辦事精細前在山東巡撫袁世凱軍營有年於兵事甚能考究實爲

今日有用之才擬懇恩交部帶領引見優予錄用
翰林院編修王同愈

該員學術賅通事理透澈才具優長辦事勤敏前在湖北學政任內臣深知其有幹事之才現請假回蘇州原籍擬懇恩送部引見優予錄用
吏部主事勞乃宣

該員守潔學優才力幹練前在直隸官州縣多年所至循聲卓著上年在吳橋縣任內時值拳匪初起卽通稟上官著爲論說歷引嘉慶年間諭旨成案指其邪教惑人之根據力禁拳匪糾眾傳習是以該縣境

張文襄公全集

卷五十二

奏議五十二

四

內未被匪徒之害亦免受洋兵之擾足徵卓識過人明燭先幾保全地方該員於推升主事後請假回浙江原籍擬懇恩送部引見優予錄用
奏留鐵路差委記名道鄭孝胥

該員學通守潔識定才長辦事核實能謀能斷於中外交涉機宜能見其大實爲間出之才該員現在漢口總辦鐵路局路工洋人多至百餘該員操縱得宜作事切實敏速洋工程司極爲信服擬懇恩送部引見優予錄用惟鄂省路工喫緊該員爲洋人信服一時斷難離開湖北合併聲明如蒙俞允擬俟鐵路接

替有人再令赴部

直隸候補知府吳承

該員年力精強才具開敏前在直隸懷來縣任內正值匪徒縱橫之際獨能彈壓維持上年來鄂催餉臣屢與晤談察其識解通達條理詳明念念不忘忠愛尤為難得擬懇恩交部帶領引見優予錄用

前安徽青陽縣知縣湯壽潛

該員品行敦篤學問淹通端謹而不迂腐前在青陽任內政績卓然平日講求經濟博考中外政術實屬才品兼優有守有為現以終養開缺在滬養親擬懇

張文襄公全集

卷五十一 奏議五十一

五

恩送部引見優予錄用

為徐建寅等請卹摺

光緒二十七年三月二十五日

竊照奏調湖北差委二品銜直隸候補道徐建寅於光緒二十六年五月經臣奏調來鄂派委湖北營務處暨教吏館武備總教習於營務利病悉心體察勇於任事不避嫌怨旋委辦省城保安所仿造黑色洋火藥事務該道自造機器精思仿製歷時三箇月造成洋黑藥試驗擊力幾與英德各國所造無異臣因漢陽煉鋼廠無煙火藥廠均經造成延訂洋匠久未來鄂焦急殊甚無煙藥較之黑藥需用尤切造法尤難特委該道總辦鋼

藥廠設法仿造該道以大局未定時事日緊軍火尤為要圖毅然以設法造成為己任極意研求化學將強水酒精棉花等物自行配製本年正月造成無煙藥數磅試驗藥力頗稱充足惟燒後稍有渣滓該道復殫精竭思窮加研鍊於二月初六日手自造成數磅試驗竟無渣滓即擬開機多造是月十二日該道在廠監工親至拌藥房督同委員工匠人等拌和藥料不意機器炸裂該道徐建寅及委員五品銜候選知縣戴振麟五品頂戴監生楊蔭桓藍翎把總儲仁發暨工匠等共十四人同時轟斃屍骸焦爛碎裂收檢不全慘不忍觀轟去西

張文襄公全集

卷五十一 奏議五十一

六

邊拌藥房一間緣製造無煙火藥所用強水酒精棉花等物料性極猛烈配合最為危險洋匠建造藥廠分東西南北四廠東西相距五十丈南北二十丈拌藥房三間在南廠每間中有隔巷以防不測故僅轟去西邊一間其中間及東邊藥房機器均未損動此外各廠一律完好如故詳查失事之由因機器開關樞紐均在牆外牆外司機人等未經聽明開機過快以致機器磨熱生火炸裂致在場員匠人等同遭轟斃查該道徐建寅幼承家學隨其故父二品封職徐壽在故大學士曾國藩安慶軍營管理軍械所研究格致化學製造等事均有

心得創造黃鵠輪船一艘爲中國自造輪船之始歷經
派委辦理金陵上海山東各製造局充福建船政局提
調奏派出洋充德國二等參贊遍歷英德俄各國考求
工藝閱歷既深所學益進與英國人傅蘭雅等繙譯西
學有用之書多種曾經進呈御覽夙爲故大學士曾國
藩故督臣丁寶楨等所識拔節次敘勞洊保今職此次
在鄂苦心孤詣製造無煙火藥事事躬親手自配合察
驗不避艱險乃成效甫著遽遭不測竟與委員工匠人
等同時殞命其死事情形極爲慘酷現值各國議禁軍
火進口之際全賴我自能擴充製造庶期克應要需該
張文襄公全集 卷五十一 奏議五十二 七

殊批徐建寅等均著照軍營陣亡例從優賜卹餘依議欽此
進呈一統志並天文輿地各球圖摺光緒二十七年五月十九日
竊惟周禮開卷大義曰辨方正位體國經野是知古聖
人經世大端必自觀天文察地理始臣前於光緒二十
七年二月十三日准前護陝西撫臣端方來電以內廷
需用大清一統志秦垣徧覓不得屬臣訪購呈進等因
仰見我 皇上眷懷寰宇孜孜求治之至意臣謹考是
書於乾隆八年輯成者計三百五十六卷乾隆二十九
年以後續行編輯者增爲五百卷本擬訪求殿本原書
因鄂省徧訪未得並向蘇杭湖南等省於書肆及藏書
張文襄公全集 卷五十一 奏議五十二 八

道夙具血誠精通化學綜其才藝實爲近今不可多得
之員儻能始終其事則鄂省鋼藥兩廠必能精求製煉
日起有功漸可不借外人之助何期有用之才頓罹慘
害旣痛微臣失此臂助更惜中國少此人材追念之餘
尤深憫惻伏念該道等以死勤事盡瘁捐糜較諸因公
事死於海洋江河者尤爲慘苦合無仰懇天恩俯准將
已故二品銜道員徐建寅並委員五品銜候選知縣戴
振麟五品頂戴監生楊蔭桓藍翎把總儲仁發等敕部
照軍營陣亡例從優議卹以勵忠勤其工匠人等已由
臣優給各該家屬卹賞銀兩

家廣爲搜求均無其書僅在揚州購到排印大字本三
百五十六卷者一部紙版尙屬完整其五百卷者各處
藏書家無論殿本重刻本皆無其書祇有上海石印縮
本字跡較小檢閱頗費目力未敢率行進呈茲特將三
百五十六卷之大字本一部裝潢成帙上呈御覽竊思
有書不可無圖而輿圖以後出者爲勝近年廣東鄒伯
奇所刊皇朝輿地全圖係按照西法測準經緯度以弧
綫分度其地面所當天度之部位較爲密合當飭鄂省
兩湖書院各學生敬謹摹繪兩分一成直幅八幀以便
懸挂一裝冊葉三本以便披尋因天文度數與地球內

外上下正相印合於考覽地圖甚有關涉並飭兩湖書院學生另繪赤道南北恆星圖直幅兩幀橫幅一幀藉可考見南北兩極赤黃兩道及躔次之所在又附進上海製造局所刊地球全圖兩幅足以規環球之疆域上海銅版刊印之亞西亞東部輿地圖一幅足以驗近州之形勢又因圖係半面欲測天地全形尙費體會推求因並附進製成天球地球各一具俾大圓運轉五州列國可以一覽而知謹一併裝潢派委員弁賫赴行在敬謹呈進僕蒙萬幾之餘時加垂覽則環球大勢中華全局均可歷歷在目以之上佐綏安撫馭之方略或亦可

張義公全集

卷五十一 奏議五十一

九

稍有裨益

旨所進畫圖等件均留覽欽此

變通政治人才為先遵旨籌議摺

光緒二十七年五月二十七日

竊臣等欽奉光緒二十六年十二月初十日上諭法令不更鋼習不破欲求振作當議更張著軍機大臣大學士六部九卿出使各國大臣各省督撫各就現在情形參酌中西政要舉凡朝章國故吏治民生學校科舉軍政財政當因當革當省當併或取諸人或求諸己如何而國勢始興如何而人才始出如何而度支始裕如何而武備始修各舉所知各抒所見通限兩箇月詳悉條

議以聞等因欽此仰見我 皇上懲愆多難必欲掃積習以濟時艱感涕之餘且愧且奮臣等嘗聞之周易乾道變化者行健自強之大用也又聞之孟子過然後改困然後作動心忍性增益所不能者生於憂患之樞機也上年京畿之變大局幾危其為我中國之憂患者可謂鉅矣其動忍我君臣士民之心性者可謂深矣窮而不變何以為國然則修中華之內政采列國之專長聖道執中洵為至當惟是中國貧弱廢弛之弊或相沿百餘年或相沿二千餘年一旦欲大加興革必須規畫周詳確有下手之處然後氣血生而宿疴自去疣癰決而元氣可支竊謂中國不貧於財而貧於人才不弱於兵而弱於志氣人才之貧由於見聞不廣學業不實志氣之弱由於苟安者無履危救亡之遠謀自足者無發憤好學之果力保邦致治非人無由謹先就育才興學之大端參考古今會通文武籌擬四條 一曰設文武學堂 二曰酌改文科三曰停罷武科四曰獎勵遊學敬為 聖主陳之一設文武學堂取士之法自漢至隋為一類 自唐至明為一類無論或用選舉或憑考試立法雖有短長而大意實不相遠漢魏至隋選舉為主而亦間用考試如董晁邴杜之對策是也唐宋至明考試為主而

張義公全集

卷五十一 奏議五十一

十

而參用選舉如溫造種放之徵召是也要之皆就已有
之人才而甄拔之未嘗就未成之人才而教成之故家
塾則有課程官學但憑考校此皆與三代學校之制不
合現行科舉章程本是沿襲前明舊制承平之世其人
才尙足以佐治安民今日國威患深才乏文傲若非改
絃易轍何以拯此艱危然而中國見聞素狹講求無素
卽有考求時務者不過粗知大略於西國政治未能詳
舉其章西國學術未能身習其事現雖舉行經濟特科
不過招賢自隗始之意祇可爲開闢風氣之資而未必
遽有因應不窮之具考周官司徒之職小戴禮學記之

張文襄公全集

卷五十一

奏議五十二

十一

文大率皆以德行道藝兼教并學學成而後用之此外
見於經傳者鄉國之學皆兼六藝大夫之職必備九能
書禮干戈司成並教寄象鞮譯王制分官海外圖經伯
益所傳潤色專對論語所重又按三代之制庠序之稱
曰士卒伍之稱亦曰士實爲文武合一文武並重之明
徵若孔子兼通文武學於四裔尤聖人躬行垂教之彰
彰者此後漢舉使才唐采回祿隋志經籍多收方言明
初文科亦兼騎射欽惟我朝康熙年間測天造礮皆用
西人內府地圖創用西法之經緯綫此圖所刻銅板卽
用東洋銅板之陰陽文尼布楚界碑兼用三體文字乾

隆年間西域同文志兼列清漢蒙古西番托忒回部之
書至於內廷功課八旗授官皆係文武兼習祖宗舊制
洵足爲萬代法程今泰西各國學校之法猶有三代遺
意禮失求野或尙非誣其立學教士之要義有三一曰
道藝兼通二曰文武兼通三曰內外兼通其教法之善
有四一曰求講解不責記誦一曰有定程亦有餘暇一
曰循序不躐等一曰教科之書官定頒發通國一律大
小各學功有淺深意無歧異其考校進退章程皆用北
宋國學積分升舍之法才能優絀切實有據既不虞試
官偏私亦不至摸索偶誤故其人才日多國勢日盛德

張文襄公全集

卷五十一

奏議五十二

十二

之勢最強而學校之制惟德最詳日本興最驟而學校
之數在東方之國爲最多興學之功此其明證其學校
教法大率少年者先入小學堂先教以淺近文理算法
史事格致之屬小學堂又分初等高等兩種小學成後
選入中學堂所學門類甚多名曰普通學如國教格致
算學地理史事繪圖體操兵隊操本國行文法外國言
語文字行文法等事皆須全習惟外國文字只兼習一
國無論大小學堂皆有講國教一門皆有學兵隊之操
場日本之教科名曰倫理科所講皆人倫道德之事其
大義皆本五經四書普通學畢業後發給憑照升入高

等學堂習專門之學自此以後然後文武分途或文或武聽其便惟文武皆必先習普通至專門之學習文事者名高等學校英分經教法醫化工六科又另設專門農商鑛學法與英略同德又另設專門工學日本高等學校亦分六門一法科二文科三工科四理科五農科六醫科每科所習學業各有子目其餘專門各有高等學校查日本門目與中國情形較近歐美無學不兼講西教日本無學不兼講倫理習武備者名士官學校略分地理戰史戰法軍械測繪工程經理軍醫八門兼習外國文字兵式體操兵隊操行軍操射的擊刺乘騎游

張文襄公全集

卷五十一

奏議五十一

三

水等事射的即槍礮打靶擊刺即短刀刺槍互擊習文事者高等學校畢業後發給憑照略如中國舉人分類量能而授以官其願再學者升入大學校大學校畢業領照者略如中國進士習武備者普通畢業後先入營練習半年方入士官學校士官學校畢業後仍須入營練習三年方為畢業第一年學為兵第二年學為弁第三年即在其營內充弁其弁亦名下士官其分際略如中國把總外委額外此堂畢業後發給憑照其國家即用為各軍少尉自少尉以上皆名士官大尉中尉少尉略如都司守備千總自官少尉以後可在本營敘勞升

轉若僅由充兵出身者官至特務曹長為止曹長略如把總僅由士官學校出身者官至大佐為止大佐略如副將中佐少佐如參遊若欲為大將中將少將者仍須升少佐中佐後再入陸軍大學校三年習水師者名海軍大學校其海陸大學校體制與文事大學校同大將如統兵大臣中將少將如提鎮以上所舉皆日本官名取其易曉各國學制教法節目雖有小異用意事事相同其大中小學之年限無論文武大率三四年不等等級漸深者子目亦漸加多其東西各國今昔章程微有不同者大約西繁而東簡西遲而東速昔專壹而今

張文襄公全集

卷五十一

奏議五十一

西

變通如西國馬上不放火槍日本近三年始於馬上操槍之類其學校監督皆用武官為之以武官於禮節規矩最為謹嚴詳密文職偶有脫略武官斷不通融此外國學校教士官人之大略也臣等謹參酌中外情形酌擬今日設學堂辦法擬令州縣設小學校及高等小學校童子八歲以上入蒙學習識字正語音讀蒙學歌訣諸書除四書必讀外五經可擇讀一二部家塾義塾悉聽其便由紳董自辦官勸導而稽其數每年報聞上司可也十二歲以上入小學校習普通學兼習五經先講解後記誦但解經書淺顯義理兼看中外簡略地圖學

粗淺算法至開立方止學粗淺繪圖法至畫出地面平形止習中國歷代史事大略本朝制度大略習柔輦體操三年而畢業紳董司之官考察之十五歲以上入高等小學校解經書較深之義理學行文法學爲策論詞章看中外詳細地圖學較深算法至代數幾何止學較深繪圖法至畫出地上平剖面立剖面水底平剖面止習中國歷史大事外國政治學術大略習器具體操兼習外國一國語言文字之較淺者此學必設兵隊操場三年而畢業官司之神董佐之畢業後本管府考之分數及格者給予憑照作爲附生送入府學校分數欠者

張文襄公全集

卷五十一

奏議五十二

五

設教習學生願習與否均聽其便弁兵入學者專學策論免習詞章此學亦必設兵隊操場三年而畢業學政考之給予憑照作爲廩生送入省城高等學校省城應設高等學校一區大省容二三百人中小省容百餘人屋舍不便者分設兩三處亦可但教法必須一律非由中學校普通學畢業者不能收入擬參酌東西學制分爲七專門一經學中國經學文學皆屬焉二史學中外史學中外地理學皆屬焉三格致學中外天文學外國物理學化學電學力學光學皆屬焉四政治學中外政治學外國律法學財政學交涉學皆屬焉五兵學外國

張文襄公全集

卷五十一

奏議五十二

六

學校擇普通畢業之廩生願習武者送入四書中國歷史策論人人兼習其餘悉依外國教課之法并專習一國語言文字或仿日本并設一礮工學校專學製造槍礮之法均三年而畢業文學生高等學校畢業後除農工商礦專門四學另爲章程外此七門學生學律法者派人交涉局學習實事名曰練習學生學兵法者派入各營學習實事亦名曰練習學生其餘五門學生均隨其所願派入農工商礦等局兼習實事名曰兼習學生均以實在局在營一年爲度農工商礦四專門學三年畢業後農學派赴本省外縣山鄉水鄉考驗農業工學

張文襄公全集

卷五十一

奏議五十二

七

派赴本省外省華洋工廠考驗製造商學派赴南北繁盛口岸考驗商務鑛學派赴本省外省開鑛之山煉鑛之廠考驗采煉均名曰練習學生亦均以實在出外遊歷練習一年爲度其武學生武備學校畢業後令人營學習操練一年半年充兵半年充弁以實在營一年爲度合計在學肄業及出外練習文武各門均四年學成先由督撫學政考之再由主考考之取中者除送入京師大學校外或即授以官職令其效用大學校學業又益加精門目與省城所設高等專門學校同三年學成會試總裁考之取中者授以官此大中小學教法門目

等級年限之大略也其考用之法高等小學學成者本管知府考之普通中學學成者學政考之均不彌封縣送府考府送學院考均須詳注分數知府學政考取榜示亦須注明分數不准渾淪取進高等專門學成者督撫學政分文武兩途考之應分幾場臨時酌定取者作爲優貢武者作爲武優貢其文事由他途徑入普通中學府送農工商礦四專門學非由生員者及由普通中學畢業徑入四門專學非由高等學業者其武事由弁兵徑送入普通學非由生員者一併准其與考其優貢所取人數視本省中額加倍欽派考官會同督撫學

張文襄公全集

卷五十一

奏議五十二

六

政亦分文武兩途考之應分幾場臨時酌定考其專門之學及各國語言文字非優貢不得與考大率督撫學政所取優貢即係錄送鄉試之意應試人少且諸學有須面試者勿庸糊名易書考中者作爲舉人其非由生員出身及非由高等出身者作爲副榜擇其中中式前半若干名分別送入京城文武大學校所以止送一半入大學校者一爲京師大學若欲全容天下舉人費用過多故減半送京以節經費一爲分半就職俾得及時效用以應目前急需其有未獲送入大學校者及已經送京而不願入大學校願就職者聽其未送大學校而不

願就職自願留學以待下科者亦聽就職者文授以七品小京官及六七品佐貳首領分部分省候補或充各局委員武授以守備千總等官發營差委考官照學政例准帶幕友二三人同考官由外省酌量訪求聘委不拘官階亦不必本省人員京城設文事大學校水軍陸軍大學校各一學業又益加精門目略與省城專門學校同學成者欽派總裁大臣考之作爲進士經廷試後文授以部屬知縣等官武授以都司守備等官均令分部分省分標候補優其序補班次勿庸歸選如朝廷需用編書修史應奉文字之詞臣宿衛禁廷之侍衛應隨時聽候諭旨考選不在科舉常例之內統計自八歲入小學起至大學校畢業止共十七年計十八歲爲附生二十一歲爲廩生二十五歲爲優貢舉人二十八歲爲進士除去出學入學程途考選日期外亦不過三十歲內外較之向來得科第者並不爲遲此大中小學層遞考取錄用之大略也其取中之額卽分舊日歲科考取進學額以爲學堂所取生員之額分鄉會試中額以爲學堂所中舉人進士之額優貢應請新定學堂之額大率比本省中額加倍而略多初開辦數年學堂未廣取中尙少前兩科每科分減舊日中額學額三成第三科

張文襄公全集

卷五十一

奏議五十二

九

每科分減舊額四成十年三科之後舊額減盡生員舉人進士皆出於學堂矣至日久才多以後應仿各國章程視其學業分數以爲中額之多少并不拘定額以昭核實而資策勵總須較舊額之數有增無減此學堂取中額數移撥舊額日後并不限以定額之大略也或謂廢八股則人不讀經書不尊聖賢不宗理學不知八股始自前明自漢至宋皆無八股何以傳經衛道代有名儒忠孝節義史不絕書卽如周程張朱乃理學之宗主其時未嘗有八股也或謂廢八股則人不能爲文不知文章之美者莫如春秋之左國戰國之諸子兩漢之馬班唐宋之八家其時未嘗有八股也或謂廢八股則舊日專攻帖括者無進身之路不知歷來擅長八股諸名家亦必係學贍才敏文筆優長之士其最著者前明如唐順之歸有光國朝如韓荻方苞輩卽不由場屋豈患無自見之學登進之階故能爲好時文者考試策論固屬優爲兼習諸學亦非難事無論少年易於改業卽二十五歲以上至五十歲者除外國語言精微算法外何事不能通曉若從此三科十年以後不能中式而又不能改習諸學則斷非有才有志之人國家取之何益於用然此輩仍可爲小學中學經書詞章之師其衰者

張文襄公全集

卷五十一

奏議五十二

十

不第而學行尙有可取者可由督撫學政訪察考選朝廷優予體恤六十歲以上者酌給職銜五十歲以下者廣設其途分別舉貢生員用爲知縣佐貳雜職詳見酌改文科專條似亦足以安宿儒而慰寒畯矣捐納旣停卽中等儒生豈患無出路哉此裁減舊日學額中額仍將從前舉貢生員分別錄用之大略也論外國設學之定法自宜先由小學校辦起層累而上以至中學高等學大學方爲切實有序惟經費太絀師範難求只可剴切勸諭竭力陸續籌辦若必待天下徧設數萬小學數百中學然後升之高等學大學而教之用之至速亦須

張文襄公全集

卷五十一 奏議五十一

三

十年時事日棘人不我待刻舟膠柱必致空言誤事今日爲救時計惟有權宜變通先自多設中學及高等學始選年力少壯通敏有志之生員迅速教之先學普通緩習專門應各就省城及大府酌量情形迅速籌辦以資目前之用取才由粗入精立法由疏入密凡事何莫不然將來小學林立中學亦多則循序漸進取材旣裕而教法亦不勞矣查三十歲而入官科名不得爲晚自初學以至學成十七年而成文武兼備之人才造就不得爲遲惟事急需才恐難久待查日本文武各種學校皆有速成教法於各項功課擇要加功於稍緩者量加

省減刻期畢業應請旨飭出使大臣李盛鐸切託日本文部參謀部陸軍省代我籌計酌擬大中小學各種速成教法以應急需此權宜救急先設普通中學暨采訪宋人始有書院之名宋大儒胡瑗在湖州設學分經義治事兩齋人稱爲湖學並未嘗名爲書院今日書院積習過深假借姓名希圖膏獎不守規矩動滋事端必須正其名曰學乃可鼓舞人心滌除習氣如謂學堂之名不古似可卽名曰各種學校旣合古制且亦名實相符總之中華所以立教我朝所以立國者不過二帝三王

張文襄公全集

卷五十一 奏議五十一

三

之心法周公孔子之學術今宗旨則不悖經書學業則兼通文武特以世變日多故多設門類以教士取其周知四國博學無方正與經傳所載三代教士取人之法相合看似無事非新實則無法非舊且經史詞章仍設專門學人文人皆有自見之路何得以唐人專考詞章之下策前明八股之俳體視爲儒者正宗哉臣等所擬以上辦法不過明宗旨標門類分等級計年限籌出路除妨礙舉其大略如此至於詳細章程究應如何斟酌損益之處應候敕議裁定此一事爲救時首務振作大端伏望我 皇上思危慮患飭取日本學校章程迅速

詳議乾斷施行收人心以固國基四海瞻仰首在此舉矣一酌改文科科舉一事爲自強求才之首務時局艱危至此斷不能不酌量變通半年來諮訪官紳人士眾論僉同兩廣督臣陶模山東撫臣袁世凱咨來奏稿言之甚爲懇切改章大指總以講求有用之學永遠不廢經書爲宗旨擬卽照光緒二十四年臣之洞所奏變通科舉奏旨允准之案酌辦原奏乃係參酌古今求實崇正力駁侈談新學者之謬論不過原本舊章力求核實而已大略係三場先後互易分場發榜各有去取以期場場核實頭場取博學二場取通才三場歸純正以期

張文襄公全集

卷五十一

奏議五十二

三

內各省學堂不能多設而人才不能一日不用卽使學堂大興而舊日生員年歲已長資性較鈍不能入學堂者亦必須爲之籌一出路是故漸改科舉之章程以待學堂之成就似此辦法策論乃諸生所能史學政治時務乃三場策題所有考生斷不致因改章而閣筆科場更可因改章而省費而去取漸精學業漸實所得人才固已較勝於前矣茲擬將科舉略改舊章令與學堂並行不悖以期兩無偏廢俟學堂人才漸多卽按科遞減科舉取士之額爲學堂取士之額其類敏有志者必已漸次改業歸入學堂其學優而年長者文平而品端者

張文襄公全集

卷五十一

奏議五十二

三

由粗入精頭場試中國政治史事二場試各國政治地理武備農工算法之類三場試四書五經經義經義卽論說考辨之類也頭場十倍中額二場三倍中額原奏經禮部通行陝西有案可查惟聲光化電等學場內不能試驗擬請刪去此係原本朱子救弊須兼他科目取人之意歐陽修隨場去留鄙惡乖誕以次先去之法而又略仿現行府縣覆試童生學政會考優貢之章且可免寒士之候榜艱難考官之疲勞草率似乎有益無弊簡要易行竊惟今日育才要指自宜多設學堂分門講求實學考取有據體用兼賅方爲有神世用惟數年之

使空疏無具者永占科目之名果使捐納一停則舉貢生員決不患其終無出路此則兼顧統籌潛移默化而不患其窒礙難行者也一停罷武科文武兩科並稱而兩科之輕重利弊迥然不同國家任官求才無論章程如何總之必用讀書明理之士因近年帖括之士有文無實故改章以求實學先略改科舉章程以取已有之人才次廣設學堂以教未成之人才他日專門學成體用兼備仍是此等讀書明理之人其法小變其意仍同若武科則不然硬弓刀石之拙固無益於戰征弧矢之利亦遠遜於火器至於默寫武經大率皆係代倩文字

張文襄公全集

卷五十一

奏議五十一

五

且不知何論韜略以故軍興以來以武科立功者概乎其未有聞凡武生武舉武進士之流不過恃符篆霸健訟佐鬪抗官擾民既於國家無益實於治理有害此海內人人能言之無待臣等之煩言者也或謂武生等可使改習槍礮不知利器散布民間流弊太大實無防察之法萬不可行或謂武生等可使入武備學堂肄業不知學堂定法無論水師陸師皆必須會讀書通文理若不識文字者雖有西師善教精者不能解粗者不能記斷無受教之地或謂武科所以收強梁不馴之人才不知凡應武試者大率小康之家子弟稚魯游蕩不肯讀

書乃使之習武以博科目之榮其弓馬衣裝之費較之文生爲多故世俗有窮文富武之諺夫取士求將本欲得良善守法之士教以禮義授以技能以備干城腹心之用豈有搜羅不逞加虎以冠且天下盜賊會匪亦多矣豈武科所能網羅者哉今日勇營甚多其材武有力之輩皆可容納何藉武科或謂古今名將未必盡能知書不知古之孫吳韓岳威繼光今之羅澤南王鑫彭玉麟等何一非學古能文之士間有不學問而爲名將者多由閱歷而來故兵勇起家爲良將者有之然在今日已不能與強敵角勝若應武科者平日所習皆與兵事

張文襄公全集

卷五十一

奏議五十一

五

無涉既不曉槍礮之精復不諳營陣之法及取中武科年齒已長習氣已深循資數年即可爲參遊都守何所謂閱歷哉查國家官制武職以行伍爲正途八旗世家無非兵籍此時講求兵事必須武學西操相資爲用其學堂畢業入營操練精熟者自必予以出身游擢官職將來內而禁衛外而將校皆可於此取之考拔擢用法另詳專條若仍以循舊之武科濫廁右職殊於講武勵才之出路有妨近年自故督臣沈葆楨以後中外大臣言武科改章者甚多蓋久已共知其弊臣等揆之今日時勢武科無益有損擬請宸斷奮然徑將武科小考

鄉會試等場一切停罷其舊日之武進士武舉兵部差
官一律發標學習考察人材酌量委用補署不必按資
挨次選補實缺武生年壯有志者令其講求武學以備
應募入伍之用疲老者聽其改業如此則學堂講武學
者營弁精操練者在標有戰功勞績者登進之途較寬
必皆鼓舞奮興而將校皆有實用此誠自強講武之一
大關鍵也一獎勸遊學學堂固宜速設矣然而非多設
不足以濟用欲多設則有二難經費鉅一也教習少二
也求師之難尤甚於籌費天下州縣皆立學堂數必逾
萬無論大學小學斷無許多之師是則惟有赴外國遊
學一法查外國學堂法整肅而不苦教知要而有序爲
教師者類皆實有專長其教人亦有專書定法凡立一
學必先限定教至何等地位算定幾年畢業總計此項
學業共須幾年若干時刻方能教畢按日排定每日必
作幾刻工夫定爲課程一刻不曠如期而畢故成效最
確學生亦願受教而教法尤以日本爲最善文字較近
課程較速其盼望學生成就之心至爲懇切傳習易經
費省回華速較之學於歐洲各國者其經費可省三分
之二其學成及往返日期可速一倍江鄂等省學生在
日本學堂者多故臣等知之甚確此時宜令各省分遣

張文襄公全集

卷五十二

奏議五十二

三

學生出洋遊學文武兩途及農工商等專門之學均須
分門認習但須擇其志定文通者乃可派往學成後得
有憑照回華加以覆試如學業與憑照相符即按其等
第作爲進士舉貢以輔各省學堂之不足最爲善策此
時日本人才已多然現在歐洲學堂附學者尙數百人
此舉之有益可知并宜專派若干人入其師範學堂專
學師範以備回華充各小學中學普通教習尤爲要著
再官籌學費究屬有限擬請明諭各省士人如有自備
資斧出洋遊學得有優等憑照者回華後覆試相符亦
按其等第作爲進士舉貢如此則遊學者眾而經費不
必盡出官籌蓋遊學外國者但籌給經費而可省無數
之心力得無數之人才已可謂善策矣若自備資斧遊
學者准按憑照優獎錄用則經費并不必多籌尤善之
善者矣此四條爲求才圖治之首務其間事理皆互相
貫通互相補益故先以此四事上陳蓋非育才不能圖
存非興學不能育才非變通文武兩科不能興學非遊
學不能助興學之所不足揆之今日時勢倖無可倖緩
無可緩仰懇宸衷獨斷決意施行其間條目章程自須
詳議而大綱要旨無可游移其有爲因循遷就之說者
惟賴朝廷堅持勿爲其所搖奪其餘各條另摺奏上臣

張文襄公全集

卷五十二

奏議五十二

天

等往復商酌意見一切相同未便各自具摺轉嫌雷同
重複謹合詞恭摺覆陳伏祈聖鑒

張文襄公全集

卷五十二

奏議五十二

三

張文襄公全集卷五十二終

新城王樹樸校

張文襄公全集卷五十三

奏議五十三

遵旨籌議變法謹擬整頓中法十二條摺

光緒二十七年六月初四日

竊臣等籌擬興學育才四條業經會同奏陳在案竊惟
治國如治疾然陰陽之能為患者內有所不足也七情
不節然後六氣感之此因內政不修而致外患之說也
療創傷者必先調其服食安其藏府行其氣血去其腐
敗然後施以藥物鍼石而有功此欲行新法必先除舊
弊之說也蓋立國之道大要有三一日治二日富三日

張文襄公全集

卷五十三

奏議五十三

一

強國既治則貧弱者可以力求富強國不治則富強者
亦必轉為貧弱整頓中法者所以為治之具也采用西
法者所以為富強之謀也謹將中法之必應整頓變通
者酌擬十二條一曰崇節儉二曰破常格三曰停捐納
四曰課官重祿五曰去書吏六曰去差役七曰恤刑獄
八曰改選法九曰籌八旗生計十曰裁屯衛十一曰裁
綠營十二曰簡文法敬備朝廷采擇臚陳於左

一崇節儉 昔春秋傳記衛文公之興國也農工商學
諸善政無一不舉而首先書之曰大布之衣大帛之冠
是知國家當多難之際創痛之餘欲求振興未有不以

節儉爲先務者後世若漢晉隋唐宋之令主皆以儉約著稱遂興其國伏讀我 聖祖仁皇帝庭訓格言服繭紬之衣無兼味之饌省宮女之數內殿一氈用至四十年宮闈一年之費只抵前明一月儉德昭垂遂以戡亂致治今京畿彫殘秦晉饑饉賠款浩大民生困窮以後更不知如何景象此時若欲挽回天意激勵人心非貶損寅畏力行節儉不可竊見自 兩宮西幸以來備嘗艱難力戒糜費今年又奉明旨裁省例貢並戒蹕路虛糜仰見聖心乾惕震恐此誠自強之基誠慮回京以後所司以相沿成例一切供奉仍照成規不能仰喻宸衷

張文襄公全集

卷五十三

奏議五十三

二

贊成盛德擬請明降諭旨力行節儉始自宮廷所有不急之務一切停罷無益之費一切裁減卽不能不興之工務從儉省核實內務府諸臣再有營私糜費者必重懲之並請諭飭內外大小臣工務從節儉力禁奢華所有宮室輿服力求樸素應酬讌會勿得浮糜上官歲時之供億一概禁絕督撫巡閱學政按試以及一切馳驛過境之費官要差所有舟車館舍廚傳供張嚴禁華侈不准需索騷擾寬於商民嚴於職官有違旨者上司立予糾參此不惟愛惜物力之心乃所以昭不忘憂患之意且不尙玩好則工無淫巧而併力於製造不崇侈靡

則商輕成本而增多其贏餘官以儉而廉民以儉而足農多本富則有用之貨物易銷工執正業則出口之利源日擴是不惟務本之常經抑亦馭外之要策也恭讀聖諭屢以卧薪嘗膽爲言夫欲使天下四海見朝廷實有卧薪嘗膽之志者必自三事始一曰儉二曰勤三曰破格三事之中惟儉最爲顯著而易行化臣民而阜財用其效亦最速必朝廷時時有不忘在莒之心則國勢有轉否爲泰之望矣

一破常格

從來國家開創之初疎節闊目上下情通

既能周悉民隱亦能鼓舞賢才故成功易中葉以後拘

張文襄公全集

卷五十三

奏議五十三

三

文牽義上下否隔民情多壅於上聞人才亦難於自見故邇治難今外患日迫政權漸侵迥非光緒初年之舊時局已非常局則政事豈可仍拘常格伏讀聖諭有云積習相仍因循粉飾以致成此大衅洵爲深中時弊之至論積習莫甚於驕惰惡勞因循莫甚於藉口舊章粉飾莫甚於實情不上聞若因仍舊習文貌相承則下欺而上不悟民怨而官不知敏捷者以粉飾爲能庸懦者以無事爲福以當羣強必不支矣昔漢高帝以褐衣挽輅拔婁敬光武以披襟岸幘見馬援唐太宗聞孔穎達上下情隔之諫賜物二百段又以尙書郎不解乘馬爲

戒金太祖開國之初地坐而謀上馬而戰以故其兵滿萬無敵遂成大業今日謀國之急交鄰之難不惟五十年前所無且亦非歷代所有嘗讀周易屯初九之象曰以貴下賤大得民也蓋國家當屯險多難之時帝王羣臣皆必力求得民之道乃能動乎險中而得亨貞之吉竊謂此時朝廷一切舉動宜視爲草昧締造之時視爲與民同患之時將一切承平安樂之繁文縟節量爲簡省變通中外大小臣工尤以除官氣達下情爲主應行破除常格之事甚多茲先約舉最要者三事一曰敷奏奏對之際天威咫尺往往戰栗矜持不能盡言至於上

張文襄公全集

卷五十三

奏議五十三

四

疏陳言每以不能稱旨爲慮導之使言猶多顧忌若以折檻批鱗爲戒則雖至於顛覆而無人爲朝廷言之矣擬請明諭中外凡臣工奏疏召對務以直言正諫指陳利害爲主不必稍存忌諱言事過於慙直者體式稍有未合者亦望朝廷曲予優容以收從善納規之益一曰儀文今日文武官員官氣最重實爲失人心害政事之根故大學士曾國藩故巡撫胡林翼常剴切言之文官賤視其民罕與民接炫之以儀從威之以鞭扑故罕通民隱武將賤視其兵罕與兵親驅爲賤役視爲利藪故罕識兵情夫不得民心而能治不得兵心而能勝未之

有也應請切戒文武各官務須屏除官氣不尙虛文必其誠意感孚然後兵民皆可用矣至於上天下澤堂高廉遠其分不可不肅而其情不可不通若尊崇嚴畏之意過多則誠懇忠愛之意漸少必朝廷有曲體羣臣之心有聖不自聖之意斯臣下得進忠言庶民皆同休戚矣至於諭旨中所舉朝章國故其間有無應行變通酌定之處非臣等所敢擅擬應請飭下廷臣詳議奏請聖裁一曰用人承平用人多計資格所以抑躁進時危用人必取英俊所以濟艱難今之仕途不必其皆下劣也同一才具而依流平進者多騎牆精力漸衰者憚改作

張文襄公全集

卷五十三

奏議五十三

五

資序已深者恥下問平日論吏才者患更事之不多今當變更政治之際則惟患更事之太多蓋其所謂更事者不過痼習空文於中外時局素未講求安有閱歷而迂談謬論成見塞胸不惟西法之長不能採取學步卽中法之弊亦必不肯銳意掃除古人有言老者謀之壯者行之施之今日似爲有當或謂進用太驟易開鑽營徼幸之風莫如略仿宋人外吏轉官須有十人薦舉之例如其人有四五人保薦者卽破格用之如此則徇私援引之弊除矣如止一人保薦則必試之以事果有實效然後破格用之如此則虛聲誤采之弊免矣若馭下

但責之以文貌用人仍困之以例章則所得者皆尋常之俗吏而已豈能濟非常之艱難乎

一停捐納 捐納有害吏治有妨正途人人能言之戶部徒以每年可收捐三百萬遂致不肯停罷查常捐若銜封翎枝貢監等項本可不停若將常捐量爲推廣但係虛與榮名無關實政者皆可擴充假如清班之銜章服之貴因公處分准其捐免遊幕省分捐准服官寄籍捐准應試生員捐免歲考節孝旌表捐准年限從寬以及賜匾建坊之類似皆可酌加推廣擬請勅下戶部博采眾議量爲推廣必可抵補捐數大半卽或不敷百餘

張文襄全集

卷五十二

奏議五十三

六

萬然今日須籌賠款數千萬斷不宜惜此區區以致牽絀有妨自強要政擬請宸衷獨斷明降諭旨俟此次秦晉賑捐完竣後卽行永遠停罷以作士氣而清治源

一課官重祿 方今事變日多京外各衙門斷非僅通時文緝查成例者所能勝任欲濟世用非學無由擬請京城設仕學院外省均設教吏館多儲中外各種政治之書凡中外輿圖公法條約學制武備天算地理農工商鑛各學之書咸萃其中選派端正博通之員爲教習令候補各員均入其中分門講習嚴定課程切實考核進功者給予憑照量材任用昏惰者懲儆留學不可教

者勒令回籍其實缺各官願入館討論求益者亦聽其便惟善教以培其材尤須重祿以養其廉查京職俸銀俸米爲數無多加以銀賤物貴實不足以自給而科道爲風憲之官翰詹爲儲才之地俸廉尤宜從優光緒八年戶部奏定令各省關籌解京官津貼銀二十六萬兩乃行之一年旋將此項撥充餉需且原定數目較少大小各官不能徧及其分給者爲數亦不敷用度今日亟宜另籌辦理至三品以上大員用度較繁關係甚重必應一併籌及其名目卽稱爲養廉勿庸再稱津貼方爲名正言順謹擬仰懇天恩卽以原議京官津貼銀二十

張文襄全集

卷五十二

奏議五十三

七

六萬兩仍行發給各官至此項餉需應令各省照數另籌奏明抵補此外擬請卽以此次奏陳裁汰屯衛各官所省之款并衛田新擬酌捐之款發給抑或另籌他款應請旨飭議施行大約必須籌款百萬乃足敷各衙門辦公之需杜乞貸苞苴之習至外省若府縣等官甘苦亦不一致州縣有民社之寄知府有表率之責斷不可令其苦累州縣瘠區則科派鬻獄而病民衝繁則虧挪庫款而病國不得已而爲調劑調署之策則傳舍無常而國與民交病其號稱優缺者不過隱匿契稅雜稅減削驛站經費甚至捏報例文蓋州縣官卑事繁科場考

棚之攤捐招解緝捕之繁費驛路大差之供億委員例差之應酬其養廉萬不足以給用不得不迫而出此故州縣多一分之繁費則國帑暗傷一分之進款知府公費無非取給州縣然公費多少不一往往藉端挑剔格外誅求故府州縣皆須令其辦公有資然後能盡心於國事民事應請敕下各省體察本省情形省州縣之繁費禁上司之需索其辦公不敷者擬為撥給職田一法考晉唐宋明以來郡縣等官皆有職田明又有邊臣養廉田此制似可仿行查各州縣大率皆有充公之田私墾官荒並未升科之地及原主久亡契據久失地棍冒張文襄公全集卷五十三 奏議五十三 八

認爭訟不休之業此類各項田地若認真清查一州縣至少亦有數十頃應即將此業撥充州縣職田之用收其租課以資辦公州縣既無累可言則可令其久任責以實政設遇地方有重要難辦之事只可因擇人而量移不准因恤累而更調一切公款責令切實報解不得藉口侵欺知府辦公竭蹶者亦為籌增公費至增加養廉公費以後京外各官如再有貪墨敗檢者除叅革外仍行追罰充公方今度支困絀之際豈願更增用款然果使賢才無北門貧窶之憂當官有公爾忘私之志則為國家所省者多矣

一去書吏 壹吏害政相沿已二千年今仰蒙乾斷一旦剷除天下臣民無不欽頌臣等歷年所見部文不過查敘舊案核算數目從未論及事理下等司官皆優為之其准者不過曰與某案尚屬相符尚屬實在情形其駁者不過曰與舊案不合窒礙難行間有援據古今發為議論指陳事理語有斷制者則必係司官秉筆或經堂官改定一望而知決非經承稿書所能為然則此輩一無所長但工作弊索賄至外省各衙門書吏弊竇亦多若督撫衙門之兵房藩司之吏房戶房州縣之戶糧房稅契房皆所不免而州縣為尤甚緣兵燹以後魚鱗張文襄公全集卷五十三 奏議五十三 九

冊多已無存催徵底冊皆在書吏之手緩欠飛灑弊混極多把持州縣盤剝鄉民稅契一項包攬隱匿官無如何其實無論大小衙門書吏技倆皆極庸劣凡緊要奏牘咨札詳稟或本官親自屬稿或委員幕友擬稿從無書吏能動筆者所能為者不過例行公事依樣畫葫而已若各局文件多非循例之事則皆係委員辦稿至清書則滿紙俗別謬誤脫落尤為惡劣實於公事有妨正擬推闡諭旨之意將外省書吏積弊大加整飭昨讀電傳邸鈔已奉明諭將各省書吏概行裁汰自應欽遵辦理茲擬將各省書吏一律汰除改用委員其額設辦稿

經承督撫司道知府直隸州衙門用本省候補佐貳雜職爲之稱爲稿委繕寫清書用本省生員爲之稱爲寫生惟各衙門清書人數甚多如生員可選充寫生者一時不能足數則於生員之外就該衙門清書中挑選謹慎守法者充作書手稱爲貼寫生同通州縣首領佐貳教職衙門則稿書用生員如生員不敷則監生童生亦可稱爲稿生清書另雇讀書安分之書手爲之亦稱爲寫生所以必改名爲生者以示改用士人之意緣書吏一項久已爲世詬病人既視爲不足重吏亦遂不自重而輕於犯法今一律改用士人優其名目則稿生寫生

張文襄公全集

卷五十三 奏議五十三

十一

津貼之數發給兩年令其自謀生理以示體恤州縣書吏令其自行酌賞如慮新換稿生寫生等一時未能熟習或由各省自行酌量情形分爲兩年裁汰惟各州縣戶房糧房藏匿收徵底冊以爲居奇最爲藐法可惡今聞將裁汰必多抗匿不交甚且別造偽冊州縣按照串票原不難於清查但恐繁細需時於催科稍有阻礙擬請將各省州縣戶房糧房應分爲數年裁汰由督撫體察情形一年先辦六七縣或十餘縣擇其易於清理者辦起如該吏有敢抗匿銷燬糧冊者即行奏請正法俟辦有規模即可一律推行永除要官賤民之弊矣至各部則例亦擬請敕各部臣刪繁就簡因時制宜以省虛文而收實效塵牘既省則以吏爲師者自無所藉口矣

張文襄公全集

卷五十三 奏議五十三

十二

皆有顧惜廉恥之心化去執法營私之習督撫司道知府衙門書吏向有飯食津貼各項銀兩即以撥充稿委寫生薪水之用州縣等衙門應就地籌款以臣等所到各省論之其候補佐雜文理通暢心地明白而無差困苦者甚多足敷稿委之用查委員辦稿乃古人州郡有六曹掾屬之意生員繕寫乃鄉會試謄錄用生員之意似此辦法中等省分可用佐雜百餘人生員千餘人大省加多既可令候補人員練習公事又可爲本省寒士開一生計實屬一舉數善惟此項裁除書吏皆係世業擬請按已滿吏加等給與官職並將其每年應得飯食

蓋官署事事需差州縣不皆久於其任勢不能鋤而去之別善良法今欽奉明諭令將差役白役分別裁汰此誠恤民圖治之要端也此事自當轉飭有司欽遵實辦惟州縣之聽訟理刑催科緝捕等事不能不需人以供驅使若繁劇州縣人少亦不敷用例定役食無多不足以資雇募擬令州縣自行募勇以供驅遣大縣百餘名小縣數十名以供上項各種驅使此勇既由官選募必自擇妥實可信之人去留在官自然不能把持習氣未深作弊不能甚巧但使本官約束嚴明即可不為民害用勇之與用差利害相去懸絕如慮人地生疎其查案

張文襄公全集

卷五十三 奏議五十三

三

傳人自有鄉保可以指引如慮緝捕不知賊蹤儘可臨時購覓眼線此項養勇之費應令各州縣體察情形就地籌辦如州縣以無款可籌藉口推諉亦尙有一辦法大率民間詞訟必有訟費少者錢四千多者數十百千不待審斷一經過堂即須先納此錢訟者久已視為成例各處相沿皆有陋規需索稍輕者即已欣幸應令州縣照其舊規量為裁減定一數目以示限制此外不准多索分文示民周知即以此錢為養勇之費民間樂於去差役之害未有不踴躍交納者大縣訟多簡縣訟少如不敷養勇之費再行就地勸籌民必樂從惟繁缺州

縣差役多至數百人驟行革除慮其流而為盜應請限以五年次第裁革並給以三年役食令其各謀生計去此巨害則民氣漸紓教養有所施矣再者各國清查保甲巡街查夜禁暴誥奸皆係巡捕兵之責其人並非下流猥賤之人其頭目即係武弁日本名為警察其頭目名為警察長而統之以警察部其章程用意大要以安民防患為主與保甲局及營兵堆卡略同然警察係出於學堂故章程甚嚴而用意甚厚凡一切查戶口清道路防火患別良莠詰盜賊皆此警察局為之聞京城現擬設立巡捕將來外省自可仿辦茲擬令州縣用勇即

張文襄公全集

卷五十三 奏議五十三

三

與用巡捕兵之意相近當於繁盛城鎮采取外國成法並參酌本地情形先行試辦以次推行警察若設則差役之害可以永遠革除此尤為吏治之根基除莠安良之長策矣

一恤刑獄 魯曹劄之論戰也謂小大之獄必以情為可戰之具遂一戰而勝強齊誠以獄為生民之大命結民心禦強敵其端皆基於此非迂談也我朝 列聖皆以哀矜庶獄為心大清律例較之漢隋唐明之律其仁恕寬平相去霄壤徒以州縣有司政事過繁文法過密經費過絀而實心愛民者不多於是濫刑株累之酷罔

圍凌虐之弊往往而有雖有良吏不過隨時消息終不能盡挽頽風外國人來華者往往親入州縣之監獄旁觀州縣之問案疾首蹙額譏為賤視人類驅民入教職此之由蓋外國百年以來其聽訟之詳慎刑罰之輕簡監獄之寬舒從無苛酷之事以故民氣發舒人知有恥國勢以強夫中外情形不同外國案以證定中國案以供定若照眾證確鑿即同獄成之例罕有不翻控者故外國聽訟從不用刑求重罪罕至大辟兩端中國遠難仿照然而明慎用刑不留獄大易之文園土教職事周禮之典疑獄與眾共王制之法此皆中國古典舊章與

張文襄公全集

卷五十二

奏議五十三

西

省從無一實報人數者命案罕報罕結則多私和人命及拖斃證人之事民冤所以不伸也盜案不早報不實報則萑苻已起而上官不知寇亂所以潛伏也二事關係甚大非寬減例處斷無禁絕拖延命案諱飾盜案之法至於上控之案其官吏偏私實有冤抑者自應澈究嚴懲乃近來上控者往往有訟棍主持意圖攀累訛索圖告而不圖審以致被告羈繫日久而原告總不到案雖有原告兩月不到將案注銷之例而兩月之久拖累已多即由省押發或已經逃匿或中途潛逃誣累害人情尤可惡應請明定例章如上控案已經批發而兩月後並不到案者除照例注銷外並將上控之人通緝治罪以後再將此案上控者亦即駁斥治罪究出架訟之人一律嚴辦並請將上控承審遲延之處分別情節辦理此亦省拖累之一端也三曰省刑責敲扑呼暑血肉橫飛最爲傷和害理有悖民牧之義地方官相沿已久漠不動心夫民雖犯法當存哀矜供情未定有罪與否尙不可知理宜詳慎况輕罪一嘗當時如法懲儆日後仍望其勉爲良民更宜存其廉恥擬請以後除盜案命案證據已確而不肯認供者准其刑嚇外凡初次訊供時及牽連人證斷不准輕加刑責其笞杖等罪應由地

張文襄公全集

卷五十二

奏議五十三

五

方官體察情形酌量改爲羈禁或數日或數旬不得凌虐入繫四日重眾證外國問案專憑證人眾證既確即無須本犯之供然外國問案有專官刑律少死罪時刻閒暇故可以從容研求監禁不苦故有確證者即不肯狡供且警察之法最密平日之良莠生業街巷蹤跡一周知故證據多問案皆係列坐證人從不管押故證人易中國州縣事繁素無警察而刑罰較嚴出入甚鉅旁人多不肯作證本犯自必圖倖免此刑求拖累之所由來也今惟有申明定例一法可以稍救此弊查例載眾證明白即同獄成不須對問然照此斷疑者往往翻

張文襄公全集

卷五十三

奏議五十三

六

控非誣問官受賄即証人得贓以故非有確供不敢詳辦於是反覆刑求則有拷掠之慘多人拖累則有瘐斃之冤擬請以後斷案除死罪必須有輪服供詞外其軍流以下罪名若本犯狡供拖延至半年以外者果係眾證確鑿其證人皆係公正可信上司層遞親提覆訊皆無疑義者即按律定擬奏咨立案如再京控上控均不准理夫既非死罪又有眾證兼有覆勘即使本犯不肯輪服不過意有不足斷不能全然顛倒據此定案則全案應訊人等可以省釋謀生夫爲一人之軍流而致妨廢多家之生業拖斃無數之人命孰得孰失仁人良

吏必有能辨之者矣此則省酷刑恤拖累之大端也五日修監羈州縣監獄之外又有羈所又有交差押帶等名目狹隘污穢凌虐多端暑疫傳染多致瘕斃仁人不忍觀聞等之於地獄外人尤爲痛詆比之以番蠻夫監獄不能無而酷虐不可有宜令各省設法籌款將臬司府廳州縣各衙門內監外監大加改修地面務須寬敞屋宇務須整潔優給口食及冬夏調理各費禁卒凌虐隨時嚴懲至羈所一項所以管押竊賊地痞及案情干涉甚重而供情未確罪名未定保人未到者定例雖無明文而各省州縣無處無之蓋此等案犯若取保則什

張文襄公全集

卷五十三

奏議五十三

七

九潛逃斷不能行若令遷住客店交差看守則勒索更甚無從稽考故羈所一項其勢不能不設查雍正三年刑部尚書勵廷儀奏監禁宜分內外內監以居重要人犯外監以居見羈輕犯並案內聽審人犯部議從之是今之羈所即本勵廷儀所奏外監之意擬請明定章程各處羈所務須寬整潔淨不准虐待亦不准多押至傳質者歸入候審所各省多已設立其餘差帶官店等事務須禁絕此事之實辦與否有房屋可驗不能掩飾六日教工藝近年各省多有設立遷善所改過所者亦間教以工藝等事然行之不廣且教之亦不認真應令天

下各州縣有獄地方均於內監外監中必留一寬大空院修工藝房一區令其學習將來釋放者可以謀生改行禁繫者亦可自給衣履七日恤相驗凡有命案應相驗者驗尸棚廠官吏夫馬之費甚多均取之被告家不足則派之族鄰小村單戶則派之一半里外之遠鄰間有恤民之吏自備夫馬帳棚嚴禁差役科派然亦不過百之一二終無禁絕之法查四川有三費局由紳民糧戶捐出一爲招解費一爲相驗費一爲夫馬費民甚便之行之已三十年此事似宜令各州縣就地籌款務以辦成爲度仍責令州縣輕騎簡從不准縱擾違者嚴參

張文襄公全集

卷五十二

奏議五十三

六

八曰改罰鍰贖罰之刑古經今律皆同有之惟其途尙隘查命盜案應按律治罪竊賊地痞惡棍傷人詐騙訟棍應量予扑責監禁藉以儆其悍暴昭示良民此數項應不准罰贖此外如戶婚田土家務錢債等類之案中多係紳衿且兩造必係親族鄉鄰不宜苦辱過甚致本人有礙上進并使兩造子孫永爲讐隙除按其曲直審斷外其曲者按其罪名輕重酌令罰繳贖罪銀若干以爲修理監獄經費舉貢生監職員封職犯事罪不至軍遣者除褫革外並罰繳修理監獄經費看管數月免其刑責似於化民善俗之義有合罰繳之數令其詳報

上司私罰及入已者罪之至近年流徒各犯率皆中途逃回否則在配不久卽逃由於沿途押解差役無多到配管束地保難信逃回以後肆惡更甚似此有名無實豈足以昭儆戒查近年盜匪各案外省多奏明改爲監禁數年擬請以後除軍罪皆係重情照舊發遣外其流徒兩項由地方官酌量情節詳報咨部令繳贖罪銀若干以爲監獄經費改爲羈禁幾年較本例所定年限少減則該犯有羈管之實沿途省解送之煩似亦兩有神益九曰派專官監羈一事固須屋宇廣潔尤須隨時體恤禁絕凌虐必有專官司之方有實濟吏目典史卑於

張文襄公全集

卷五十二

奏議五十三

九

州縣不能考察各府皆有同知通判所司清軍鹽捕水利等事久成具文一無事事按今之通判宋亦名通判或名簽判明名曰推官皆兼管獄囚訴訟故文人稱爲司李俗人稱爲刑廳擬請著爲定章每府卽派實缺同知專司稽察各屬監獄之事同知不同城者派同城通判每兩箇月內徧赴所屬外縣稽察一次同城兼有同通者兩員分往一月稽察一次同城縣監十日稽察一次監獄不善凌虐未禁者准其據實稟明督撫臬司比照濫刑例參處稽察府監責成本道司監由督撫隨時委員稽察要之去差役則訟累可除免寬文法則命

盜少諱延省刑責則廉恥可培養重竄證則無辜少拖斃修監羈則民命可多全教工藝則盜賊可稀少籌驗費則鄉民免科派改罰緩則民俗可漸敦設專官則獄囚受實惠以上各弊例禁無一不周備而州縣無一能奉行若不酌改例章量籌經費雖警以文檄繩以處分斷無實效必事事皆有確實辦法庶可以仰裨聖朝尙德緩刑之治而驅民入教之忠可漸除矣

一改選法 古來吏部用人名曰銓選銓者銓衡也選者選擇也自明季以來部選之官皆係按班依次選用查冊之外輔以掣籤並無考核賢否之法候選人員多

張文襄公全集

卷五十三

奏議五十三

三

係倩人投供必託部吏查探選期已近始行親自入都選缺到省必令赴任間有留省學習不過一年數月其中多有執袴子弟鄉僻寒儒罕能通曉吏事至本省情形則更茫然每出一缺或應外補或應內選或一咨一留或兩咨一留班次糾紛章程繁細各官但算計得缺之遲早班次之通塞心思識解日趨鄙俗竊擬略爲變通以後州縣同通統歸外補無論正途保舉捐納皆令分發到省補用試用令其學習政治上官亦得以考核其才識之短長遇有缺出按照部章應補何班卽於本班內統加酌量擬補不必拘定名次惟到省未滿一年

者除本班無人外不得請補查部定委署章程只分三班一正途一委用一試用委用卽勞績也就應用各班之中酌量遴委不必換次如有重要難辦之事並班次亦可不拘此章最爲簡易通達既有範圍可守亦可因地擇人今卽略仿其意或謂有外補無內選則吏部之權漸輕竊謂不然分發到省之初部臣查其合例核准者始行驗看奏請引見發往不核准者卽駁斥不行外省請補之時部臣視其合例者准不合例者駁其權仍在吏部夫使今日吏部選缺章程果能裁量羣倫分別進退因時求才因地擇人與銓選之義名實相符豈敢

張文襄公全集

卷五十三

奏議五十三

三

輕議更張無如選人雲集與部臣從未謀面月官之卷但寫履歷無事可試無才可見無文可考無勞可獎雖有山濤之明徐勉之正盧承慶之恕王朝之公無所用之則何如內外互相考核歷試然後授官之爲愈乎蓋同一按照部章外補則於遵章之外又多一考核酌量督撫藩司所擬酌補之人縱不能一一精當亦必可十得其五公論具在斷不能概係偏私况繁要之缺自道府以至州縣皆由督撫酌補酌調部選者皆係中簡之缺豈有酌補繁要缺則督撫皆秉公酌補中簡缺則督撫皆徇私乎必不然矣照此辦法則所用皆係熟習地

方情形之員又有鼓勵人才之具於吏治實有裨益至道府兩項應查照向章如有補選相間者其咨部歸選之缺應用候選人員者則改歸外補應選實缺人員者則改爲請旨簡放所有實缺京官向章應選道府者亦請改爲記名簡放如此則內外皆有擇人之實效矣抑臣等更有進者古人稱吏部之善曰簡要清通擬請敕下部臣將各項班次量加刪減歸併總以宏綱疎目爲主俾候缺各官但思濯磨自效而不以計缺趨避分其心思庶幾吏治或有起色乎

一籌八旗生計 京外八旗生齒日繁餉額有定且銀

張文襄公全集 卷五十三 奏議五十三 三

價漸低物價日貴國家雖歲費鉅款而旗兵旗丁等不免拮据之憂殊鮮飽騰之樂自咸豐軍興以來江甯杭州鎮江乍浦滄州等處駐防受禍甚鉅去年聯軍之變則京旗受害亦深此不可不急思變計者也伏思中國涵濡聖化二百餘年九州四海同爲食毛踐土之人滿蒙漢民久已互通婚媾情同一家考邊平髮捻以來南北各省文武軍民團練其竭忠戮力效命行間者旗民皆同並無區別况方今中外大通乃天子守在四裔之時無論旗民皆有同患難共安樂之誼然則兩京二十一省凡有血氣者皆是拱衛國家之人干城腹心原不

必專恃禁旅况八旗近來文才日盛而武勇漸遜於前迥非國初之舊若猶令豐鎬子弟沿襲舊制坐困都城外省駐防株守一隅局於兵額非所以昭同仁而規久遠也溯查乾隆以至光緒年間滿漢大臣言官屢有上疏籌及旗人生計者大率皆以出外屯墾爲言特是荒地惟關東口北爲多內地罕有且宦家兵籍亦未必皆習於農故屯墾一說迄未能大加推行竊謂朝廷養人不必指定何項生計但宜使之有自謀生計之才擬請將京外八旗餉項仍照舊額開支惟將舊法略爲變通寬其拘束凡京城及駐防旗人有願至各省隨宦遊幕

張文襄公全集 卷五十三 奏議五十三 三

投親訪友以及農工商賈各業悉聽其便僑寓地方願籍一律取中但注明寄居某旗人而巳有駐防省分或卽附入駐防之額其自願歸入民卷者必其自揣文藝可與眾人爭衡卽不必爲之區別寄籍者卽歸地方官與民人一體約束看待惟出京寄籍自謀生理之人其錢糧卽行開除不必另補但將馬步甲兵豫定一至少減至若干之額省出餉銀餉米卽以專充八旗廣設學堂之費士農工商兵五門隨所願習惟習武備須擇年在二十歲以下者如本係當兵者既入學堂則尋常舊

例操演勿庸再到以免分其學堂之日力其習武備者留以供禁旅之用習他項者令其爲謀生之資所學未成不能營生之時餉項照舊給發五年以後省餉日鉅學堂日增十年以後充兵者可以禦侮則不患弱改業者各有所長則亦不患貧矣

一裁屯衛 查全漕改折計省出耗折兌運局棧員紳修河開壩剝船倉車各費可歲贏二百餘萬數十年來言者多已議及戶部屢經咨詢查江浙漕糧皆係陸起運時購買海運則於上海購米交商輪河運則於汜水鎮購米交船戶在民久已折徵在官並不折解剝船有

張文襄全集

卷五十二

奏議五十三

五

攬水霉變之弊花戶有盜賣回漕之弊暗虧尤多旗兵得米盡以易錢京官食米皆買北稻然則漕運一事種種有名無實亟應設法變通查有漕各省屯田本爲贍運軍而設各衛所守備千總本爲徵屯餉押漕運而設今日無論折漕與否運漕皆係輪船民船運軍久無其人衛官一無所事而屯田屯餉弊竇尤多一衛所屬屯田有隔在別府者有跨在別省者衛官並不知其田在何處數有若干其冊皆在該衛數書吏之手至於荒熟豐歉更無影響可尋衛官但向書吏索取年例陋規而已此等積弊各省皆同臣等查之甚悉計十年之中江

南湖北各衛官以爭利謀缺許訟滋鬧之案甚多謬妄離奇直不知官常爲何事不文不武形同贅疣若屯田屯餉改歸所隸州縣徵收則每年豐歉完欠皆有可考查前明屯田立法之始本係官田發給運丁承種納租故定例准典而不准賣然相沿數百年來展轉典當久已屢易其主視同民業屯戶既係用價所置此時自不便繩以舊法但當令其報官稅契將屯餉改爲地丁將屯丁運軍之名編審之例永行刪除衛守備衛千總等官一概裁罷改爲營守備營千總分別補用漕督遇事可與各糧道州縣行文往來亦不必有此衛官民間買

張文襄全集

卷五十二

奏議五十三

五

屯田者既享世業之利又除運軍編審之累受益已多若令其於舊章屯餉之外每畝酌加報效銀二分總計各省屯田二十五萬餘頃可歲增銀五十萬兩卽有災緩所減無多再益以裁省衛官之費實爲鉅款此項係裁屯裁衛所得擬請卽以撥充加增大小京官俸廉之用若於清理衛田一事尙可多籌應請一併解充京官俸廉省枝官查贍實職名義尤屬相宜

一裁綠營 綠營之無用自嘉慶初年川楚教匪之亂而已著自髮捻之亂而大著故大學士曾國藩在直隸創爲練軍之議意在加餉併營以冀整隊勤操誠亦苦

心救弊之術各省仿而行之然而餉項雖加習氣未改親族相承視同世業每營人數較多更易挾制滋事身既懶弱多操數刻則有怨言性又不馴稍施鞭笞則必譁謀將弁不能約束遑論教練至於調派出征則聞風推諉其不能當大敵禦外侮固不待言即土匪鹽梟亦且不能勦捕惟直隸練軍皆係勇營規模其中多有外省勇丁故尙可用此外各省積弊大率相同至於原營零星之兵飢困無聊大率皆兼工藝小販以資餬口尤爲無用歲糜巨餉則可惜干城無具則可憂三十年來以裁汰綠營爲言者不止數十百人自光緒十一年奉

張文襄公全集

卷五十三

奏議五十三

三

諭旨令裁汰綠營光緒二十二年又奉上諭裁汰綠營各省雖已分別裁汰然現存者尙復不少合計各省原營額餉挑練加餉歲費餉銀餉米馬乾照光緒十一年八月二十二日諭旨綠營兵餉一千五百萬兩之數核算此時尙需銀一千萬兩以外物力艱難年年巨耗真不知何所底止也或謂兵勇同是一人何以綠營不能教練不知勇營統帶營哨各官可以隨時撤換量能委用不拘資格勇丁可以隨時革補重者施以軍法舊勇疲劣可全裁此營另募新營若綠營官由選補兵皆土著兵非弁之所自招弁非將之所親信既無恩義自難

鈴束以傳舍之官馭世業之兵亦如州縣之於吏役欲其整飭變化服教從風此必無之事也況綠營將弁皆染官場習氣官弁且不易教況於兵乎或謂綠營雖無用而難遽裁可改爲巡捕兵以資彈壓防緝不知綠營官弁兵丁層層積弊已入膏肓既甚驕頑又極疲弱欲望其練成可戰之兵固斷無其術即改爲警察不惰廢曠誤則索擾生事亦如差役地保而已然則既不能整頓變化而用之自非裁汰不可特是裁汰之要義有二一則宜籌從容消散之方一則宜籌抵補彈壓地方之具夫裁兵之議已經多年然至今未能多裁者則以欲

張文襄公全集

卷五十三

奏議五十三

三

求近效而多裁遂致牽制而不能裁竊思惟有多分年限漸次裁汰一策則無弊而必有成擬請將各省綠營不論挑練之兵原營之兵不分馬步戰守限定每年裁二十分之一計百人裁五統限二十年裁竣應裁者每名發給恩餉一年責成各省督撫藩司每年餉銀餉米就現在應發之數於二十成中扣發一成其何營應開除幾名令各該營自行按數開除蓋無論綠營勇營每百人中一年之內斷無不出缺數名之理或病故或革退只有多於五名者斷無更少於五名者或謂即明定一章以後缺額不補自然日久減盡不知若聽各營自

行報出空額則永遠推延捏名接充永無開革病故者
惟有計成扣餉不發最爲簡易而分爲二十年之限尤
屬從寬銷除有漸改業有資斷不至更有他虞惟各省
間有不便裁汰者如湖南鎮寧鎮乃改土歸流之地並
無土著農民其地除苗產外土地皆係屯田民人皆係
兵籍以入伍食糧爲業其兵亦健樸可用從前屢立戰
功綏靖鎮亦然是以光緒二十三年裁兵案內聲明鎮
寧鎮毋庸議減綏靖鎮只裁一成擬請將此兩鎮兵額
不再裁汰但將綠營改爲勇營一切營制汛地名目章
程統飭辰永沅靖道會同該兩鎮酌定將綠營舊日故

張文襄公全集

卷五十二

奏議五十三

天

套空文攤扣積弊永遠革除統照勇營辦理此外他省
如實有與該兩鎮相似者應由該省督撫臣酌辦直隸
練軍應由直隸督臣酌辦或謂爲期過緩所省無多不
知綠營規制始於前明以五百餘年養成之痼疾若能
以二十年掃除之卽已非易假如自光緒十一年卽定
爲二十年裁汰之議今已歷十七年行將告竣矣計十
一年以後卽可歲省五百萬二十一年以後卽可歲省
一千萬矣惟是此項省出之餉只能改爲養緝勇設警
察之費不能指爲充裕庫儲之計蓋精練備戰之營只
可屯劄省城及要隘重鎮兩三處斷不宜各處分割又

蹈營汛之失省外府縣亦未便聽其空虛可卽以此項
省出之餉酌設緝捕勇營派赴外府擇要分防并設警
察之勇歸州縣調度不過改募勇丁則整飭去留其權
在地方官勇可隨時裁募并可隨時更換於弭亂安民
既有實際而經費可免另籌此卽與新增巨款無異矣
至於武職大小各員缺則擬請概勿裁汰蓋以後無論
勇營如何整飭操法如何改練要必有管帶之統領營
哨各官又武備學堂教練已成之學生必有獎拔官階
以爲出路而資效用又營弁勦匪捕盜著有勞績者及
操防出力者亦必有武職升階以爲獎勵然則綠營可

張文襄公全集

卷五十二

奏議五十三

天

裁而武職之缺不能裁若至二十年以後則從前各路
軍營立功者無論大小將弁久已凋謝無存其實缺提
鎮大員旣蒙特簡且品秩已崇資序已深除才能統軍
帶勇者自宜任用外其餘卽不能帶勇者但開其缺擬
懇賞加榮銜優其體貌照舊支領俸廉如日本元老院
之例至該員身故而止至實缺副將參遊都守等官才
能帶勇者改隸勇營不能帶勇者卽開其缺如識字曉
事者准其呈請降等改就文職用以知府同通佐貳等
官如副將改用知府以下遞推千把改用雜職臣等深
知外省情形綠營將弁若得改爲知府同通佐貳無不

欣幸樂爲其開缺而不能改文者如係穩練勤奮之員可令供他項差委如緝捕轉運隄防等事其平庸無能者亦可加以升銜量給薪水蓋爲舊日營弁別開自效之仕途即可騰出武缺以授有用之將士其候補武職能改文者或與實缺武職同或再降實缺武職一等不能改文而才具又無足差委者從優資遣回籍若照此次所奏設文武學堂罷武科兩條辦理二十年以後凡爲武職者斷無不讀書識字之人亦無不曉兵事不能帶勇之人其僅存舊日綠營候補之將弁蓋亦寥寥每歲需費無多不過十年卽已漸次減盡矣似此分別位

張文襄公全集

卷五十二

奏議五十三

三

置變通有體恤綠營將弁之方卽可無礙整軍經武之政蓋綠營兵之不能裁皆由於武官之把持鼓動必將武職官弁設法體恤使其得所自無窒礙矣總之一省必有實缺武職若干員俟綠營兵漸少以後則通省爲兵者止有勇營之一途其駐紮地方責成所在皆非綠營營汛之舊應如何更定營名以符名實卽以現帶勇營之員充補抑或酌留數缺以位置他項武職之處統俟隨後從容籌議

一簡文法 恭讀此次諭旨其要義有二一曰簡二曰寬實與聖經居敬行簡寬則得眾之旨相合欽服莫名

竊惟立法所以防弊而任法適以生弊誠以文法過繁則日力精力皆有不給必致疲勞於虛文而疎略於實事吏議過密則賢者苦於束縛不能設施不肖者工爲趨避仍難指摘以致居官者但有奉法救過之心思並無憂國愛民之誠意況方今事變離奇動關大局卽晝夜精思破格振作猶恐無濟若再困之於簿書期會之間則國家利害安危無暇籌及矣夫衡石程書專用督責秦之所以亡也斷難爲朴吏治蒸蒸漢之所以興也隋以察而亂唐以寬而治宋以繁而敗金以簡而勝此治國治軍得失之定論也簡文法約有三端一曰省虛

張文襄公全集

卷五十二

奏議五十三

三

文凡部院文移外省公牘多有陳陳相因無益實政者有冊籍浩繁無關利弊者有末節細故往返駁查稽延時日者有循舊具報出結並無實事者此類不可殫述擬請敕下京外各衙門通行澈查酌量省罷至於無謂儀節徒致廢務妨要者亦請查核酌改從簡一曰省題本查題本乃前明舊制既有副本又有貼黃兼須繕寫宋字繁複遲緩我朝雍正年間諭令臣工將要事改爲摺奏簡速易覽遠勝題本五十年來各省已多改題爲奏之案上年冬間曾經行在部臣奏請將題本暫緩辦理此後擬請查核詳議永遠省除分別改爲奏咨一曰

寬例處范仲淹之言曰士大夫公罪不能無私罪不可有洵爲名論方今吏議繁密京外各官殆無一人無一日不干吏議者而州縣爲尤甚治民之本全在州縣救過不暇何暇論及教養乎牽絀旣多於是遇事諉卸多方彌縫上官亦知其情多爲難不肯苛求姑從掩覆旣明知爲無益勸懲之事何必存此虛文應請敕下吏兵兩部都察院查核處分舊例分別公私輕重量加寬減刪除如此則臣下之於朝廷僚屬之於上官可以進實言辦實事矣

以上十二條皆中國積弱不振之故而尤爲外國指摘張文襄公全集卷五十三 奏議五十三 三 詔病之端臣等所擬辦法或養民力或澄官方或作士氣前人論及此者多矣特以誤於弊去太甚之言忱於諸事更張之謗律令文告都成具文小有設施不規久遠今日外患日深其樂因循務欺飾者動以民心固結爲言不知近日民情已非三十年前之舊羨外國之富而鄙中土之貧見外兵之強而疾官軍之懦樂海關之平允而怨釐局之刁難誇租界之整肅而苦吏胥之騷擾於是民從洋教商挂洋旗士入洋籍始由否隔渡成渙散亂民漸起邪說乘之邦基所關不勝憂懼必先將以上諸弊一律剷除方可冀民心永遠固結然後親上

死長禦侮捍患可得而言矣仰懇聖明裁察施行以爲自強之根本其采用西法各條另摺奏陳所有第二次籌議各條臣等謹合詞具奏伏祈聖鑒

張文襄公全集卷五十三 奏議五十三

三

張文襄公全集卷五十三終

新城王樹森校

張文襄公全集卷五十四

奏議五十四

遵旨籌議變法謹擬採用西法十一條摺

光緒二十七年六月初五日

竊臣等籌擬興學育才四條及整頓中法十二條業經兩次會同奏陳在案竊惟取諸人以爲善舜之聖也多聞擇其善者而從之多見而識之孔子之聖也是故舜稱大知孔集大成方今環球各國日新月盛大者兼擅富強次者亦不至貧弱究其政體學術大率皆累數百年之研究經數千百人之修改成效既彰轉相仿倣美

張文襄公全集

卷五十四

奏議五十四

一

洲則采之歐洲東洋復采之西洋此如藥有經驗之方劑路有熟遊之圖經正可相我病證以爲服藥之重輕度我筋力以爲行程之遲速蓋無有便於此者今蒙特頒明詔鑒前事之失破迂謬之談將采西法以補中法之不足虛己之衷恢宏之度薄海內外無不欽仰翹首拭目以觀自強之政顧西法綱要更僕難終情形固自有異同行之亦必有次第臣等謹就切要易行者臚舉十一條一曰廣派遊歷二曰練外國操三曰廣軍實四曰修農政五曰勸工藝六曰定鑛律路律商律交涉刑律七曰用銀元八曰行印花稅九曰推行郵政十曰官

收洋藥十一曰多譯東西各國書大要皆以變而不失其正爲主謹爲我 皇上臚陳之

一廣派遊歷 歐美強盛窺伺中國已百年矣中外通

商交涉日繁已五十年矣然而自強無具因應無方馴致妄開巨衅幾危大局者則皆坐見聞不廣之一病於各國疆域政治文學武備茫然不知同治季年雖已派遊歷設駐使遣學生而愚陋謬妄之人聞出洋者之言則詆其妄見總署之官屬則惡其污於是相戒以講洋務爲諱甚至上年夏間京外大僚猶有謂洋人不能陸行者有謂使館教堂既燬洋人即從此絕跡者銅蔽至

張文襄公全集

卷五十四

奏議五十四

二

此致召咎危誠可痛矣論今日育才強國之道自以多派士人出洋遊學爲第一義惟遊學費繁年久其數不能過多且有年齒較長不能入學堂者有已經出仕不願入學堂者欲求急救之方惟有廣派遊歷之一法觀其國勢考其政事學術察其與我國關涉之大端與各國離合之情事回華後將其身經目覩者告語親知展轉傳說自然羣迷頓覺急思變計惟遊歷之員淺學不如通才之有益庶僚又不如親貴之更有益蓋淺學徒眩其新奇通才乃得其深意親貴歸國所任皆重要之職事所識皆在朝之達官故其傳述啟發尤爲得力考

之經傳則公族世卿時通盟聘徵之近事則俄儲德藩接踵東來可見此舉爲覘國問政之要務擬請敕派王公大臣以及宗室後進大員子弟翰詹科道部屬各項京官分赴各國遊歷詢其願往者請旨遴選酌派不願者聽歸國時察其實有進益之員遊歷一年者酌獎遊歷三年者優獎惟西洋路遠費多東洋路近費省遊歷西洋者其獎擢名次在遊歷東洋之先其未經選派自備資斧遊歷者聽歸國時一體考察給獎蒙獎者量材任用以後新派總署堂官章京海關道員出使大臣及隨員必選諸曾經出洋之員惟遊歷人員才識高下不

張文襄公全集

卷五十四 奏議五十四

三

同未必人人皆有實濟故必須多選數十員或百員陸續派往以備將來選擇拔擢經費雖多萬不可省至此後各省督撫司道府殆無一衙門無交涉事件者若仍前拘墟固執全無考究必致因應失宜卽京城各部院雖各有職司然不通外情則處事建言動多隔膜此非多儲通才無從供用並擬請明定章程自今日起三年以後凡官階資序才品可以開坊缺送御史升京卿放道員者必須曾經出洋遊歷一次或二年或一年均可若未經出洋者不得開坊缺送御史升京卿放道員如此自備資斧遊歷者必多通才日衆而經費不勞官籌

矣至外省府廳州縣諸悉交涉者尤罕以後內河行輪聯單辦貨入山開鑛傳教遊歷勢將各縣皆有尤恐動滋事端并請敕下各省督撫選派官員出洋遊歷實缺官願往者免開其缺遊歷一年者外獎三年者奏請內獎經費准其開支自備資斧者從優請獎其獎擢名次亦以西洋東洋爲先後惟遊歷實效以徧遊歐美日本爲全功而以先遊日本爲急務蓋游歷者若無繙譯相隨瞠目汎覽仍無所得東瀛風土文字皆與中國相近華人僑寓者亦多繙譯易得便於游覽詢問受益較速回華較早且日本諸事雖仿西法然多有參酌本國情

張文襄公全集

卷五十四 奏議五十四

四

形斟酌改易者亦有熟察近日利病刪減變通者與中國采用尤爲相宜嘗考西國興盛之初皆由游歷而起求新地涉冰洋探南極窮幽極遠備歷艱辛於是見聞日廣智慧日開遂成富強之業今日歐美各洲無一水不通輪船無一國不通鐵路商旅如織學校如林有繙譯爲之傳達有駐使爲之照料較之西人之游歷甘苦迥殊取益尤易觀其實政覩其實效見其新器求其新書凡吏治財政學制兵備一一考詢記錄携之回華以供我之采擇而仿行焉開聰明而長志氣無實於此無速於此今朝廷銳意求治采取西法夫西法非數言所

能盡其要領亦非耳食所能究其異同出洋之員既多則互相發明利弊自見故今日欲起積弱而抗羣強其開此第一局鑰必自游歷始

一練外國操 伏讀諭旨有云懿訓以爲取外國之長乃可補中國之短夫外國之所最長者蓋莫過於兵矣古聖人師蟻爲陣師蠡爲舟取益無方正見宏大兵事一端尤須知己知彼相機因應故吳欲伐楚則學車戰晉欲敗狄則改步卒漢伐匈奴則用越騎晉平孫吳則造樓船皆係仿彼之長補我之短 聖祖仁皇帝征三藩則用西洋人南懷仁鑄紅夷大礮至今礮上尙鑄有

張文襄公全集

卷五十四

奏議五十四

五

南懷仁之名 高宗純皇帝征金川則於香山仿造石礮令禁軍習攻礮之技要皆用外國之利器效敵人之專長此則神謨武烈兼采衆長不囿成見之明效也今日最重善鄰尤須固圉若我兵力不振則友邦亦無從扶持西國自百年以來日與羣強相角故兵事講求最精一一著有成書迥非前代外國之比紀律既肅火器尤精至於測量繪圖人人通曉工輜醫藥事事周詳查二十年來各省練習洋操屢奉俞旨乃近年忽有人創爲西操不如中操之空言槍礮不如刀矛之謬論不知中國向無快槍快礮地雷電綫行軍鐵路等事若只用

綠營勇營老陣並不知此各項器具名目形式用法平

日何從操練臨戰之時敵槍敵礮發於二三里六七里之外刀矛只及五步之內不待敵軍迫近而已全軍盡沒矣與之交戰且不能而況於取勝乎查營制操法歐美各洲各國大率相同其略有參差者不過微末小節良由各國相尙以兵故推求極精不能改易試思環球各強國其練兵皆同此一法而謂中華兵力最弱之國反能別創一器一法以取勝此事理之所必無者也此皆由舊日將領於新式快槍快礮既未深諳於西法營陣濠壘測繪諸事尤未講習且年力已衰習氣已深養

張文襄公全集

卷五十四

奏議五十四

六

驕異難不願降心考究其甚不肖者更以西法營制嚴明不能作弊故平日則以空言欺人臨陣則倉卒奔潰前鑒俱在可謂創鉅痛深相應請旨通諭中外統兵大臣督撫提鎮嚴飭各營將士必宜洗心滌慮趕緊講求練習外國操之法斷不可故見自封再誤國事滑惰墮塞者黜之但學皮毛不解實用者撤之惟是欲求實用必須將東西洋武備諸書詳切講明一一照辦斷無鹵莽捷獲之方查各國武備學堂其教將練兵要指約有十二一曰教士以禮使知有恥自重之法一曰調護士卒居處飲食之法一曰講明槍礮彈藥質性源流之法

一曰槍礮綫路取準之法一曰掘濠築壘避槍礮之法
一曰馬步礮各隊擇地借勢之法一曰測量繪圖之法
一曰隊伍分合轉變之法一曰守衛偵探之法一曰行
軍工程製造之法一曰籌備行軍衣糧輜重之法一曰
行軍醫藥之法上自統領下至哨弁人人皆須通曉惟
西人兵制營中從無用教習之說營哨官皆係讀書通
文理之人既由學堂教成而又入營練習一兩年者始
能派充若統領則必須由營官又入大學校學習數年
始能擢任故學堂有教習而營中無教習其臨敵調隊
擇地進退皆聽命於營官施放槍礮之遲速指示表尺

張文襄公全集

卷五十四 奏議五十四

七

之遠近皆聽命於哨官而營哨官又豫先稟承大略於
統領其平日操場之演習講堂之教授皆係統領營官
哨官兵勇節節指授親口自傳口令故統領所知所能
必勝於營官營官必勝於哨官哨官必勝於兵勇方能
勝任若統領營哨憤然不解專恃教習教操則雖有教
法而無權力平日操練斷無進益臨敵仍是營哨妄行
調度所學全歸無用查日本設有戶山學校因日本早
年將士素以長刀擊刺爲長不以火器西操爲善故特
設此學使舊日將領常至其中看新法將兵之操練討
論如何變通改練之法討論既久遂漸知損棄故技中

國欲開啟宿將偏執空談之弊此舉亦可仿行能領悟
講求者用之不能改悟者只可在以緣營緝捕彈壓之
事不宜使帶精練備戰之軍此時改章之初統領營官
但須粗通文義哨官但須略能識字數年後武備學堂
人才漸多則非學堂出身者不得派充統領營哨各官
方能一氣貫注至西人平日操練時體恤指授之實功
臨戰應敵時鼓勇決勝之關鍵注重全在哨官此項人
才尤宜精選總之今日練兵最急練將尤急欲得精兵
必取年在二十歲以下者教之欲求良將大率必取年
在三十歲以下者教之取年在四十歲以下者選擇而

張文襄公全集

卷五十四 奏議五十四

八

酌用之若震於宿將之虛名則武備永無起色臣等渥
荷厚恩當此創鉅痛深之日灼見練兵一端必須改絃
易轍乃可圖存不敢不力破迂妄之說免其欺誑朝廷
而終誤國家也抑練兵尤有要者外國於其都城皆設
有專管籌畫兵事之大臣英法德等國名曰總營務處
日本名曰參謀本部略如宋人樞密院之意專掌全國
水陸兵制餉章地理圖籍操練法式儲備糧餉轉運車
船外交偵探等事平日之豫籌臨時之調度皆以此官
掌之與今日之兵部但司冊籍者不同與軍機處之內
外文武大政無不統管者亦不同蓋諸事豫籌則軍儲

備專官經理則考核精全國之軍歸一衙門綜理則餉械操法事事畫一大臣督察則外省廢弛不辦者不能隱飾中國欲練精兵非設此衙門不可其章程請敕出使大臣李盛鐸向日本索取譯寄采擇用之惟其參謀部總長須深於兵事起自行間者方使任之並非僅用親貴資格中國欲設此官自宜先擇深於外國兵制操法者方為有益若仍以舊日軍營諸將之議論為衡恐反多掣肘而害事矣中外文武大員能語此者恐不易得擬請在京先設一參謀館訪求各國兵書選四五品以下各官令其考訂采擇隨時函詢日本參謀部務須

張文襄公全集

卷五十四

奏議五十四

九

一廣軍實 和約雖定戰備不可不修我無戰具則和局不能保矣經費雖艱軍械不可不製不製軍械則將上永不知今日戰陣為何事矣大廠自難多開小辦必須努力現在外洋軍火既禁兩年無從購辦江鄂兩局豈能供海內之取求此後江鄂兩局除加功精究籌款擴充並於廠內設立學堂以教員弁外並擬設法籌款自造槍機礮機彈機以待各省購用學製庶免專恃外

購仰他人之鼻息增中土之漏卮至直隸各局自必設法修復擬請將廣東山東四川三省製造局極力擴充其餘南北各省皆令設法籌款量力各設一製造局款多則兼煉鋼造槍造彈三事款少則兼造兩種再少則只造彈一種若慮機爐大工費鉅則煉鋼爐每日出鋼一噸半噸者亦可槍機每年出數百枝者亦可槍彈機則每年出一二十萬者亦可蓋槍礮一事其用甚急其理甚精深通甚難近年各將領諳曉新式槍礮者實不甚多百人中不能一二文員則千人中不能一二此臣等所考校而深知者若不令切實講求則械彈潮鏽零

張文襄公全集

卷五十四

奏議五十四

十

件損失全然不覺藥力彈路相時取準全然不知至於修理機簧開花引信更所不解平日不能操臨戰不能用故沿邊省分必須每省量力各設一局瘠遠省分或兩省共設一局但令小具規模即可並由各省派遣武員來江鄂兩省製造局學習如能派人赴日本各國學習尤善庶幾督撫及將領文員皆可切實考究俾知新械之精價值之貴製造之難練習之不易平日則不致損傷有事則熟諳施放將弁之明昧可以考核戰事之難易可以曉悟且一年數百枝十年則數千枝求艾雖遲終勝不蓄至於自造製械之機尤為防患塞漏之要

著臣等當設法籌款奏明辦理此不特儲械之具策兼亦練兵之實際也

一修農政 中國以農立國蓋以中國土地廣大氣候溫和遠勝歐洲於農最宜故漢人有天下大利必歸農之說夫富民足國之道以多出土貨爲要義無農以爲之本則工無所施商無可運近年工商皆間有進益惟農事最疲有退無進大凡農家率皆謹愿愚拙不讀書識字之人其所種之物種植之法止係本鄉所見故老所傳斷不能考究物產別悟新理新法惰陋自甘積成貧困今日欲圖本富首在修農政欲修農政必先興農

張文襄公全集

卷五十四

奏議五十四

十一

學查外國講求農學者以法美爲優然譯本尙少近年譯出日本農務諸書數十種明白易曉且其土宜風俗與中國相近可仿行者最多其間卽有轉譯西國農書一切物性土宜之利弊推廣肥料之新法勸導獎勵之功效皆備其中查光緒二十四年九月曾奉旨令各省設農務局擬請再降明諭切飭各省認真舉辦查漢唐以來皆有司農專官並請在京專設一農政大臣掌考求督課農務之事宜立衙門頒印信作額缺不宜令他官兼之以昭示國家敦本重農之意責成既專方有成效卽如我朝官制於禮部外另設樂部其意可師京師

農務大學校卽附設農政衙門之內其衙門宜建於空曠處所令其旁有隙地以資考驗農務實事之用勸導之法有四一曰勸農學學生有願赴日本農務學堂學習學成領有憑照者視其學業等差分別獎給官職赴歐洲美洲農務學堂者路遠日久給獎較優自備資斧者又加優焉令其充各省農務局辦事人員一曰勸官紳各省先將農學諸書廣爲譯刻分發通省州縣由省城農務總局將農務書所載各法本省所宜何物擇要指出令州縣體察本地情形勸諭紳董依法試種年終按照勸辦門目填注一冊土俗何種相宜何法已能仿

張文襄公全集

卷五十四

奏議五十四

十二

行何項收成最旺通稟上司刊布周知有效者獎捏報者黜每縣設一勸農局邀集各鄉紳董來局講求凡穀果桑棉林木畜牧等事擇其與本地相宜者種之養之向來不得法者改易之貧民無力者助之資本種養得法者官賞以酒肉花紅數年之後行之有效紳董給獎中者獎以督撫匾額上者獎以銜封出力兼捐資者獎以御書匾額地方官有效得獎者加級准其隨帶公罪可從寬免最優者獎實在升階地方官不舉辦農政者照溺職例參革一曰導鄉愚各項嘉種新器鄉民固無從聞知僻縣亦難於購致宜由各省總局多方訪求籌

款購辦仿製昔齊桓公獻戎菽宋仁宗求古城早稻漢武帝令大司農從趙過造便巧田器皆農務宜求嘉種新器之明證應先於省城設農務學校選中學校普通學畢業者肄業其中並擇地爲試驗場先行考驗實事以備分發各縣爲教習並將各種各器發給通省令民間試辦先則概不取價有效則略取價值務令極廉其試辦之法先其通用者後其專門者如講求各種肥料仿造各種風車水車去害稼各蟲每年換種各物以助地力之類先其易者後其難者如山鄉勸種番薯芋芋水澤種葦斥鹵種稗之類先其本輕者後其費鉅者如

張文襄公全集

卷五十四

奏議五十四

三

沿海之斥鹵而已墾山地者人勞利薄又以村孤人少時有不虞故開闢有限墾海灘者捍潮變鹵費多效遲人煙稀少守望不易故聽其荒廢然而材木之利必資於山統計中國全局仍是山嶺多於平地至沿海北起榆關南迄通海延袤二千餘里若山嶺聽其爲榛莽海濱聽其爲斥鹵實爲可惜今日欲興農務惟有將墾荒升科之期格外從緩而又設法以鼓舞之能開山地者報官給照寬期升科多開者種雜糧至十石種以上種樹至一千株以上酌予獎賞查各省高山無論多土多石皆能種樹眞係不毛者甚少故歐美各國從無無樹之童山而考課林木之實在有效與否尤爲顯易此事宜責成州縣由總局委員依限往查其山上有無樹木一覽而知不能掩飾如此則山地之利開矣墾海灘者亦報官給照資本較鉅升科之期尤須從寬種雜糧種草木俱聽其便斷不必強令開作稻田並擬采用徐貞明之說一人能開若干頃者獎以職銜封典如此則海灘地之利開矣至於沿江沿河沙洲皆係沃壤私墾者尺寸無遺隨年增長貧民畏坍漲之無常而不敢報勢豪貪無糧之腴壤而不盡報往往爭訟膠葛械鬪繁滋今宜查明實數除已報墾納糧者不計外亦造冊給照

張文襄公全集

卷五十四

奏議五十四

四

寬期升科卽以此田作爲試驗農學新法之地卽責成原墾之人自願照新法試行者呈明願種何物或種美國肥大之棉或種代蔗造糖之西國蘿蔔美國蘆粟等類或仿照美洲牧牛牧豕機器耕田之法以及各種相宜之種植畜牧因洲田皆係水濱大地故於西法農務相宜數年以後官督紳董查明有成效者卽給予管業且予獎賞苟且欺飾並不遵行者其地本係官地罰令入官如此則洲地之利開矣所有種植畜牧各物無論山地海灘地洲地凡係新增名目運往各處十年之內概免釐稅地利旣闢農學之效卽見風氣一開仿行必

張文襄公全集

卷五十四 奏議五十四

五

衆其爲益於國家者宏且遠矣豈在目前微糧納稅之微末乎此外則沿海有種蠔種蜆之法內海有捕海魚采海味之利本多而利厚外國最爲講求注意近年反仰給東洋坐失己利應責成該處州縣勸集公司舉辦紳富助資借本與該公司者分別旌獎至東三省地方廣闢土脈最厚荒地尤多然必須力強資饒才能率衆者方能前往開墾非零星農民所能濟事擬請特定章程一人能開田若干頃者從優獎以實官紳富助資借本者分別旌獎以期鼓舞此亦實根本息盜賊之計也再蒙古生計以遊牧爲主近數十年來蒙部日貧藩籬

疎薄亦請敕下蒙古各部落王公暨該處將軍大臣酌擬有益牧政事宜奏明辦理至向章每年內地各省出口買馬者須在兵部請領馬票進口後仍須赴部烙驗章程甚密道途亦多周折購馬之費旣多則馬價必求減省故口馬之銷路不旺查北省耕地兼用馬運載多用驟若內地馬多於農事亦有裨益方今蒙古之與腹省情同一家似不必多設限制擬請敕部酌議將請領馬票之例量加改定販馬入口貿易商民出口購買者均聽其便但令販馬商民於本省報明咨部並由各口具報一數以備稽核則口馬之銷路旣旺而蒙古生計

張文襄公全集

卷五十四 奏議五十四

六

亦可稍紓矣
一勸工藝 世人多謂西國之富以商而不知西國之富實以工蓋商者運已成之貨工者造未成之貨粗者使精賤者使貴朽廢者使有用有工藝然後有貨物有貨物然後商賈有販運考工記曰百工之事皆聖人之所作中庸曰來百工則財用足夫以足財歸之於工此古聖人富國之要策重工之微旨也不惟此也商之盛由於財力必資本充而後盈餘厚故計銀錢以爲本息工之盛由於人力有一人之技藝則有一人之成器故計人以爲本息外國財多中國人多今日中國講富國

之術若欲以商務敵歐美各國此我所不能者也若欲以工藝敵各國此我所必能者也勸工之道有三一曰設工藝學堂堂中設機器廠擇讀書通文理之文士教以物理學化學算學機器學繪圖學學成使爲工師擇聰敏少年之藝徒教以運用機器之方辨別物料之法各種緊要製造之程式鎔銅打鐵煉鋼解木柔革燒火甄造水泥煉焦炭各門之實事學成使之爲匠目蓋外國工師皆是學人與匠目不同一深通其理而亦目驗其事一身習其事而亦漸悟其理學問實者工師亦可動手作工閱歷深者匠目亦能自出新意至學堂大小

張文襄公全集

卷五十四

奏議五十四

七

工藝門類多少則視其經費酌辦漸次擴充萬不可緩一日設勸工場西國常有賽會之舉聚本國他國之貨物萃於其中人見己國貨精工巧則來購者多我見他國貨精工巧價貴銷多則力求進步此歐洲賽會之本意也日本效之故設勸工場亦名貨物陳列所今宜於沿江沿海及內地各省大城巨鎮各設勸工場一區備列本省出產貨物工作器具縱人入觀外國人尤要一以察各國之好惡一以考工藝之優絀使工人自相勉勵此事並不甚難惟在朝廷嚴飭各省切實舉行並將出產若干種人工製造若干種每年奏報若經過海關

出口之土產名目增多工匠製造新器增多工廠增多者藩司關道有獎不辦者予以處分則無形之中收效多矣一曰良工獎以官職按考工記曰國有六職百工與居一焉故考工記之官皆專門工匠也擬懇朝廷明定章程各學堂學成之工師及各局製造有效之匠目准由各省考驗確實分別保獎工師授以文職匠目授以武弁如有文士藝徒自備資斧至外國學堂工廠學習有成者驗其憑照按其等差分別保獎官職尤較在中國學習者更予從優三事並行中國工藝自然日進假如愚民小工一月得工錢三四千者學成後一月可得工費銀數十元土貨一年出口值二百兆者以後若能每年加增十分之一十年以後出口之貨即可加倍關稅之多自不待言至於自創新法造成各種貨物者給予牌照准其專利若干年凡人工所成之貨釐稅尤須從輕新出式樣並免釐稅三年亦爲鼓舞工藝之要務總之欲養窮民查荒地不如勸百工欲塞漏卮拒外人不如造土貨富民富國確實可憑如此則但患生齒之不繁耳豈患生齒之日繁乎

張文襄公全集

卷五十四

奏議五十四

六

一定鑛律路律商律交涉刑律 中國鑛產富饒蘊蓄而未開鐵路權利兼擅遲疑而未辦二事久爲外人垂

涎近數年來各國紛紛集股來華知我於此等事務尙無定章外國情形未能盡悉乘機愚我攘利侵權或藉開鑛而攬及鐵路或因鐵路而涉及開鑛此國於此省俾得利益彼國卽於他省援照均霑動輒號稱某國公司漫指數省地方爲其界限祇知豫先寬指地段不知何年方能興辦近年法於雲貴德於山東英意於晉豫早有合同章程紛歧恐未必盡能妥善此次和議成後各國公司更必接踵而來各省利權將爲盡奪中國無從自振矣且此後內地各處鑛務鐵路洋人無處不有不受地方官約束任意欺壓平民地方官只有保護彈

張文襄公全集

卷五十四 奏議五十四

九

壓之勞養兵緝捕之費無利益可霑無抵制之術一旦百姓不堪欺凌或滋事端又將株連多人賠償巨款爲害何可勝言此必須訪聘著名律師採取各國辦法秉公妥訂鑛路畫一章程無論已經允開允修之鑛路未經議開議修之鑛路統行核定務使界址有限資本有據興辦有期國家應享權利有著地方彈壓保護有資華洋商人一律均霑洋人有範圍則稍知斂戢平民免欺侮則漸泯猜嫌至滋生事端公司受累亦須分別有因無因辦犯賠償亦須預定限制庶中國自然之大利不至爲中國無窮之大害尤今日之急務也再互市以

來大宗生意全係洋商華商不過坐賈零販推原其故蓋由中外貿遷機器製造均非一二人之財力所能所有洋行皆勢力雄厚集千百家而爲公司者歐美商律最爲詳明其國家又多方護持是以商務日興中國素輕商賈不講商律於是市井之徒苟圖私利彼此相欺巧者虧逃拙者受累以故視集股爲畏途遂不能與洋商爭衡況凡遇商務訟案華欠洋商則領事任意要索洋欠華商則領事每多偏袒於是華商或附洋行股分略分餘利或雇無賴流氓爲護符假冒洋行若再不急加維持勢必至華商盡爲洋商之役而後已必中國定

張文襄公全集

卷五十四 奏議五十四

三

有商律則華商有恃無恐販運之大公司可成製造之大工廠可設假冒之洋行可杜華商情形較熟工價較輕費用較省十年以後華商卽可自立駸駸乎並可與洋商相角矣且徵收印花稅其公司工廠行棧掛號等費皆係與商律相輔而行之事必有商律方能興辦故又不可不急行編定也至刑律中外迥異猝難改定然交涉之案華民西人所辦之罪輕重不同審訊之法亦多偏重除重大教案新約已有專條無從更定此外尙有交涉雜案及教案尙未釀大事者亦宜酌定一交涉刑律令民心稍平後患稍減則亦不無小補擬請由

總署電致各國駐使訪求各國著名律師每大國一名來華充當該衙門編纂律法教習博采各國鑛務律鐵路律商務律刑律諸書爲中國編纂簡明鑛律路律商律交涉刑律若干條分列綱目限一年內纂成由該衙門大臣斟酌妥善請旨核定照會各國頒行天下一體遵守惟所有各國律師必須確係律學著名曾辦大事之人不妨優給薪水庶各國聞名敬服知中國鑛路商各律及交涉刑律係其訂定不致爭執妄駁方爲有益此項教習其合同內須議定歸鑛路商務大臣節制並隨事與該衙門提調商辦一面於該衙門內設立鑛律

張文襄公全集

卷五十四

奏議五十四

三

路律商律交涉刑律等學堂選職官及進士舉貢充當學生纂律時幫同繙譯繕寫纂成後隨同各該教習再行講習律法學習審判一兩年四律既定各省凡有關涉開鑛山修鐵路以及公司工廠華洋錢債之事及其他交涉雜案悉按所定新律審斷兩造如有不服止可上控京城鑛路商務衙門或在京審斷或即派編纂律法教習前往該省會同關道審斷一經京署及律法教習覆審卽爲定讞再無翻異京城學生畢業并須隨同洋員學習審判此等案件學成後卽派往各口充審判官隨時添選學生接續學習以期多儲人才取用不竭

各洋教習既爲我編纂四項新律兼能教授學生卽可長留在京以備諮訪而資教授果能及早定此四律非特與利之先資實爲防害之要著矣

一用銀元 銀元之利有三平色畫一出納分明吏胥不能舞弊勒索官民不致貼補受累一也商賈交易簡捷無欺駟僮無權既益於行旅亦便於匯兌二也官款收發全用銀元以大元爲母小元爲子相輔而行工火局用外尙有盈餘三也惟官發之款若係采辦官物製造工料等事商民物價工價必然暗加其中且出納皆以大元爲主小元不能過多然鑄數發數既多盈餘亦

張文襄公全集

卷五十四

奏議五十四

三

尙不少此爲整齊銀幣之善政尙不在有無盈餘也惟有最要兩義或謂中國用銀以兩計各國洋銀皆係七錢二分宜每元改爲一兩方爲整齊適用此論未嘗無見特是錢幣之制權量之法必先有雄厚之力乃能操轉移之權中國財窘商弱不能自爲風氣以後尤甚若銀元輕重恰與洋銀相同尙可依傍洋銀而行設改爲一兩與洋銀數目參差恐沿江沿海洋行不肯行用商埠不行內地必阻故仍須鑄七錢二分者方有暢行之益或又謂官收則按庫平庫色補足官發則以銀元當紋銀計算不必補水部庫可歲得鉅款此則萬萬不可

出納必須一律商民方能流通蓋交官之款自必指定專收中國龍紋銀元然則收款所進之龍元仍是官局發出之原物必官先發一萬然後民間有交官之一萬是官款發出時已先將此一萬之盈餘扣收在庫矣果能收發一律則商民信用不疑散布天下或辦貨或積存周轉不已大率皆在民間豈能將每年發出之數全以繳納官款還之於庫乎若出納不一則民間亦以九成視之其勢斷斷不能通行且為英國墨西哥日本諸國銀元所軋必致從而壓價每元尙不及九成之實數華商自行壓價何論洋商商埠既須折算民間安肯收

張文襄公全集

卷五十四

奏議五十四

三

用壅滯虧折其損多矣尙何盈餘之有乎昔咸豐年間嘗行鈔票矣徒以計臣不知理財之大道不考宋人交子會子之用法不籌票本其意但欲出空紙以換實銀於是出納兩歧發款搭成多收款搭成少或收款全不准搭或發款全用鈔票戶部既不視為實銀民間亦遂視為虛器數年之後壅廢不行鈔票一百值銀二兩此乃前車之鑒萬不宜以此自阻銀元之銷路也

一行印花稅 查外國征商之政除煙酒洋藥外大率皆無關稅其巨款全在印花稅凡有關銀錢物業之契約單據領用官局印花黏貼其上其大意在抽銀不抽

貨抽已賣之貨不抽未賣之貨抽四民百業凡有進項之人不僅抽商賈貿易之人故西人解印花稅之義曰此乃銀錢稅也今日籌款此事似可仿行且洋關現議加稅外人必欲免內地釐金若行印花稅尙可藉資抵補查各國印花稅章程光緒二十二年曾經總署飭各駐使向各國查取譯送惟英國印稅章程最為詳密且係參贊馬格里所譯解說亦較明晰日本於前三年新經改定於東方情形為較近但中外情形略有不同外國商富民饒產業價值貴銀錢往來多故所抽鉅中國商貧民苦本業既微轉移亦少如契約合同股票匯票

張文襄公全集

卷五十四

奏議五十四

三

期票提單之類皆屬有限其遺產一項英國最為鉅款其重稅全在旁支承受親友分得每年總數收十四兆餘鎊而遺產一項多至八兆餘鎊中國產業本廉又係子孫相繼故此稅勢不能多然中國若能辦成即較英國得二十分之一亦可徵銀五六百萬但其查考領用之法分別差等之數甚為繁細查英法徵收印花稅初辦時亦多梗阻皆係第二次改章始克暢行中國初辦之時隱匿必多推敲過細不免紛擾只可稍為從寬不求算無遺策必須十年八年以後稽核之法漸周自然日臻暢旺矣應請敕查各國章程斟酌妥議舉辦

一推行郵政 查外洋各國郵政爲籌款一大端大率歲入皆銀數千萬兩而遞信最速中國驛站爲耗財一大端歲費約三百萬兩而文報最遲盈虧相反遲速亦相反然則此事必宜變通可知其故由於有驛州縣馬必缺額又復疲瘦州縣以此爲津貼管驛家丁以此爲利藪故文報必致遲延官紳書信間有外加馬封附文遞送者有驛官以其非例准之條又係不費之惠故既不駁回亦不收費浮沈聽之州縣不當驛路者設鋪司武官文報交塘汛其延閣更甚於驛站中國既無郵局於是英德美日本諸國在中國自設信局侵我利權實

張文襄公全集

卷五十四

奏議五十四

三

非萬國通例自光緒二十一年奉旨飭催總稅務司赫德辦理光緒二十二年沿海沿江漸設郵局附於海關稅務司兼辦於是沿江沿海公文私信迅速勝前而信資極省因稅務司禁信局由輪船寄信而又慮信局滋鬧故內地信函仍由信局轉遞轉交其章程每代信局寄信一包重一磅者收費一角而信局一磅重之包封其包內之信少者二三十封多者五六十封其收民間之費每信一封至少須制錢一百故稅司所設之郵局用費不敷尚多此蓋因壟斷而生調停因調停而致賠累今擬於各省州縣備設郵政局卽令州縣管理由省

城總局安定章程刊發印花領用黏貼用過照數報銷卽以原有驛站鋪司各經費撥充局用內河內地分別設立快划快馬健夫馳遞明定章程准帶官民私信所有京外文武衙門文報書信統歸此局遞送其文報責成仍照驛站向章其信資務宜從省以廣招徠如有欲匯寄銀錢及匯票者亦准附帶但須照海關郵局章程每信一封至多准寄或洋銀十元或銀七兩其原有信局聽其自然民間帶信或託官局或託商局均聽其便官局若費省而迅速自然來者日多查核該縣官局每年用去印花之數卽知所收信資之數計該縣一年收

張文襄公全集

卷五十四

奏議五十四

三

費若干卽於次年發驛鋪經費時扣除若干行之既久信資日增驛費日減十年之後專取信資卽敷局費驛鋪各費可以全行省出惟外國識字人多故書信多中國識字人少故書信少此等創辦之事不能遽計贏餘但使驛鋪經費專取之於信資則每年可省用款三百萬矣至該縣地勢不同或馬或船或夫或水陸互用統由該縣酌量不爲濫制但以妥速爲主其局費統於驛鋪經費內自行酌劑支用其局卽設衙署內並無另需費用並須於境內大鎮酌設分局此局不須多人亦無多事但派一人駐於客棧卽可或附於店鋪代辦亦可

但經管發印花收信函收信資而已並無多費未收信資之先絕不裁減驛費亦不再發一錢此事於國有益於民亦便於商局無傷於州縣亦毫無所損以後該州縣所收信資如已敷向來請領驛鋪經費之數其贏餘者解歸省局充公仍提三成作為該州縣獎勵以為創辦奮勉者勸統計各省繁盛城鎮約有二百餘處驛費既敷以後每年亦可得進款二三十萬此時沿江沿海地方其由輪船者暫歸稅司內河無論輪船民船及岸上陸行者統歸州縣暢行以後再行體察情形如能並江海輪船郵局亦歸之州縣勿庸稅務司兼管尤為善

張文襄公全集

卷五十四

奏議五十四

三

策至與各國商明中國亦入郵政公會一節此時華洋人寄信不多尙可從緩惟各省郵局應名曰驛政局以免與稅司之郵政局相混應由各省督撫督飭臬司責成州縣設局辦理省出之費彙解藩司並不需用洋員以杜干預內政之漸且免與有驛州縣遞送文報膠葛窒礙海關郵局未歸州縣之先郵政局與驛政局彼此互相代寄信件內地寄內地者祇貼驛局印花內地寄通商各口者加貼郵局印花一分通商各口寄內地者加貼驛局印花一分其驛局與驛局彼此往來交易一切細章隨後詳酌至鐵路通行之處所有鐵路常年受

國家保護維持應為國家遞送書信徵伸報效之忱沿路各州縣應得專差附搭火車往來經管信件不取車費惟萬不可將公文信件交與鐵路公司經管致啟授權外國之弊總之此事若歸州縣兼辦則費不另籌局由州縣酌設進退裕如即無大益亦無所損即或無贏亦必無細若另行委員設局則廷寄奏報要件設有遲誤必多推諉故惟有責成州縣之無弊也

一官收洋藥 方今籌餉最急然而零星羅掘難得鉅款釐金將撤礙難再加鹽價屢加亦難過重惟有加價於洋藥則不病民而增鉅餉查法國及西班牙運售火

張文襄公全集

卷五十四

奏議五十四

天

柴呂宋煙日本在臺灣收售洋藥土藥皆由公家收買分銷今擬仿照其法檢海關貿易冊光緒二十五年洋藥進口銷售者五萬九千一百六十一擔溯查以前五年大率五萬擔上下最多者六萬三千一百餘擔最少者四萬八千九百餘擔每擔一百斤以六萬餘擔計合九千六百萬兩現在時價每兩價銀五錢姑以大率作一萬萬兩計算共計價銀五千萬兩稅釐在內擬以後由官設局在各關進口時全行收買然後轉發散商分銷各省照時價加二成發商轉運轉售除稅釐照數撥還海關外計每年可得盈餘一千萬兩官局先向洋商

總收繼聽華商領運發商以後運赴何路價值低昂銷數盈絀全不過問尤爲簡易但每兩五錢係華商轉售之價其中必有餘利然則買價尙可在五千萬兩之內惟香港及沿海一帶須設巡緝小兵輪數艘光緒十三年赫德開辦洋藥稅釐併徵時創設巡輪其船式船數地段經費及巡緝之法總署均有奏案可考上海宜設總局各海關進口處所宜設分局計巡船及總分局委員司事人役經費約計需銀二百萬兩以內開辦之初須籌銀一千萬兩以爲資本卽向外國銀行息借應用分爲十年歸還此乃有著之還款利息必輕先與議定

張文襄公全集

卷五十四

奏議五十四

无

總數隨時陸續提用起息除去巡船局費歲還借款本息實可得銀七百萬十年後借款還清卽可歲贏八百萬洵爲鉅款先行試辦一年辦有成效一年後再加價一成則盈餘更鉅若華商運銷暢順以後售價仍可相時的加卽加價五六成以至加倍亦於良民無損設或因加價滯銷候至半年尙無起色則酌量減價極之仍照向來售價自可銷出亦必無賠折之理向來洋藥到口未必立時全行銷去今由官全數收買亦於洋商有益可與該洋商議明每年共分幾批每批貨到立時付定銀二三成其餘付給三箇月期票三月以後自餘華

商分來領運卽以商資轉付洋商惟初行加價轉售之章華商必然觀望希圖減價不及半年存貨已盡斷不能始終把持故必須寬籌半年資本方能堅持定價然洋商既可收期票故只須籌三箇月之費卽已足敷周轉自去年土藥加稅三成以後土藥運銷之數並未減少然則洋藥加價二三成亦必無礙藥商未必始終抗拒至內地土藥業經加收稅釐三成則英商當亦無所藉口若各官局有未經照加者應查明切飭一律實加三成其巡船未造成之先可暫以南北洋兵輪充用經費亦可稍省此舉應先與英國商明訂立專約每年包

張文襄公全集

卷五十四

奏議五十四

三

銷六萬擔不准多運來華包收二年二年後體察情形再訂續約近十年銷數不旺至光緒二十五年而始多今每年有切實銷數英人當亦樂從惟華商出洋私運進口不可不防若非英國實力助我防察斷難盡行杜絕除巡船稽察外應與英國切實議定只有各口官收英商不准絲毫私售華商以杜影射如查出有華商私買私運重立罰約印度若不濫售則偷運之弊立窮在我防之則甚難在英人禁之則甚易此爲第一關鍵若英肯訂約實辦則此舉之有益巨餉確有把握矣擬請欽派大臣一員駐滬辦理此事名爲總理藥務大臣此

事任重款鉅而其事甚簡只須操守廉正確實可信於外國情形不隔閼者即可勝任其各口分局委員統聽該大臣選派考核隨時偶一分往巡察此舉在中法則無害於民生在西法則無礙於商務應請朝廷飭議迅速施行

一多譯東西各國書 今日欲採取各國之法自宜多譯外國政術學術之書譯書約有三法一令各省訪求譯刻譯多者准請獎然經費有限書不能多也一請明諭各省舉貢生員如有能譯出外國有用之書者呈由京外大臣奏聞從優獎以實官或獎以從優虛銜發交

張文襄公全集

卷五十四 奏議五十四

三

各省刊行如此則費省矣然外國要書流播入中國者無幾不能精也一請敕令出使大臣訪求該國新出最精最要之書聘募該國通人爲正繙譯官即責令所帶隨員學生助之通洋文而文理深者充副繙譯官文理優而洋文淺者充幫辦繙譯官其全不通洋文而文理平常者不准充出洋隨員學生以杜濫竽糜費之弊限三年之內每人譯書若干種每種若干字回華繳呈不得短缺短缺及過少者不准保舉如此則去時洋文雖淺歸時洋文必深於隨員學生之學業暗中多所成就而所譯皆切用之書矣然猶不能速也并擬請敕令出

使日本大臣多帶隨員學生准增其經費倍其員額廣蒐要籍分門繙譯成隨時寄回刊布緣日本言政言學各書有自創自纂者有轉譯西國書者有就西國書重加刪訂酌改者與中國時令土宜國勢民風大率相近且東文東語通曉較易文理優長者欲學繙譯東書半年即成鑿鑿有據如此則既精而且速矣

以上各條皆舉其切要而又不可不急行者布告天下則不至於駭俗施之實政則不至於病民至若康有爲之邪說謬論但以傳康教爲宗旨亂紀綱爲詭謀其實於西政西學之精要全未通曉茲所擬各條皆與之判

張文襄公全集

卷五十四 奏議五十四

三

然不同且大率皆三十年來已經奉旨陸續舉辦者此不過推廣力行冀紓急難而大指尤在考西人富強之本源繙西人立法之深意伏望聖明深察遠覽早賜施行使各國見中華有奮發爲雄之志則鄙我侮我之念漸消使天下士民知朝廷有改絃更張之心則頑固者化其謬望治者效其忠而犯上作亂之邪說可以不作天下幸甚所有第三次籌議各條臣等謹合詞恭摺具奏伏祈聖鑒

請專籌巨款舉行要政片

光緒二十七年六月初五日

再臣等此次所奏變通政治諸條或養人才或厚民生

或整軍實或肅官方所需經費必皆不少此次賠款極鉅籌措艱難論者必以度支困絀爲詞謂諸事方求節省豈宜更增用費遂不免顧惜遲疑臣等之愚竊以爲不可今若竭海內之力百計搜括但供每年賠款以冀無事則外國必將視我中國皆苟安無志之人士無奮心民無固志各國之輕我侮我更將得步進步不待賠款還清而中國已不能立國矣竊謂節用之與自強兩義自當並行不宜偏廢此時應省之事必須省應辦之事必須辦應用之財必須用嘗聞數十年來論理財者大率皆以省嗇爲先謂以備有事時之用此省事息民

張文襄公全集

卷五十四

奏議五十四

三

之常經閉關自守之善策而非所論於強鄰環伺之時勢也大率富強之道無論民事兵事皆須平日未雨綢繆多年積累近者四五年遠者一二十年卽如講求農工商本爲富國起見然當其創新法開新埠之初必先官設學堂以爲教官創機廠以爲式官助資本以爲扶持然後農工商之利可開本欲阜財先必費財西洋各國皆然而日本爲尤著若立學教士練兵製械訓農勸工等事皆以款絀不辦一旦有急安得人才兵械而用之縱使存款饒多取辦倉卒止能募烏合之勇購廢雜之槍虛糜而兼誤事卽爲度支計亦甚可惜矣譬如備

荒必須積穀於累年防水必須築隄於平日如待災成而後買穀則飢民已轉於溝壑待水至而後修隄則田廬已淪於巨浸雖有多金重賞亦無所施至於軍國大計尤貴遠謀難規近利豫籌於平日則一錢得萬錢之益趕辦於臨時則萬金無一金之效試以遼事證之道光辛丑廣東議和藩運兩庫現銀六百萬搬運塞途盡付賠款以近事證之上年天津不守司道局各庫存銀六百餘萬招商局存米四十萬石盡資外人然則務省嗇而不務修備前車具在可爲寒心或又謂此時民力已困欲籌辦事之款豈不重爲民累此又不然譬如備

張文襄公全集

卷五十四

奏議五十四

四

荒必於本鄉捐社穀防水必於近村捐隄費社倉多一石則全活不止一命隄土高一尺則護田不止一頃雖甚竭蹶猶必爲之其初雖難其後必成推類言之寒士力學不可惜膏火中人之產不可無牆垣行江海者不可乘做舟負債多者不可廢酬酢夫豈不知籌措之艱難哉誠有所不得已也竊謂既須籌賠償之款尤宜籌辦事自強之款賠償之款所以紓目前之禍難自強之款所以救他日之淪胥應請敕下政務處大臣戶部及各省督撫於賠款外務必專籌巨款以備舉行諸要政庶幾各國刮目相待而中國之生機不至於遽絕矣

上諭朕欽奉 慈禧端佑康頤昭豫莊誠壽恭欽獻崇
熙皇太后懿旨自經播越一載於茲幸賴社稷之靈還
京有日卧薪嘗膽無時可忘推積弱所由來恨振興之
不早近者特設政務處集思廣益博采羣言逐漸施行
擇西法之善者不難舍已從人除中法之弊者統歸實
事求是數月以來興革各事業已降旨飭行惟其中或
條目繁重須待考求或事屬創舉須再參酌回鑿以後
尤宜分別緩急銳意圖成茲據政務處大臣榮祿等面
奏變法一事關係甚重請重申誥諭示天下以朝廷立
意堅定志在必行並飭政務處以時督催務使中外同

張文襄公全集

卷五十四

奏議五十四

三

心合力期於必成用是特頒懿旨嚴加責成爾中外臣
工須知國勢至此斷非苟且補苴所能挽回厄運惟有
變法自強為國家安危之命脈即中國民生之轉機予
與皇帝為宗廟計為臣民計舍此更無他策爾諸臣受
恩深重務當將應行變通興革諸事力任其難破除積
習以期補救時難昨據劉坤一張之洞會奏整頓中法
以行西法各條其中可行者即著按照所陳隨時設法
擇要舉辦各省疆吏亦應一律通籌切實舉行大要不
外言歸於實用得其人予與皇帝宵旰焦勞母子一心
力圖興復大小臣工其各實力奉行以稱予意將此通

諭知之欽此

張文襄公全集

卷五十四

奏議五十四

三

張文襄公全集卷五十四終

新城王樹樸校

張文襄公全集卷五十五

奏議五十五

籲請赴汴迎駕摺 光緒二十七年八月初一日

竊臣草茅侍從洊歷封圻計自光緒十年由山西巡撫任內奉旨陞見幸獲展覲天顏旋蒙恩簡任兩廣總督嗣後量移三楚調署兩江俱奉旨勿庸來京請訓中間於光緒二十年九月光緒二十四年閏三月兩次奉旨陞見或以改署兩江中止或行至上海奉旨折回計餘年來徒深依斗之誠未遂瞻雲之願下懷依戀積日俱深上年變輿西幸時值江防戒嚴遵旨保守疆土又

張文襄公全集卷五十五 奏議五十五

未能躬捍牧圉親効前驅疚歉悚惶無時或釋恭讀七月初一日上諭准改於八月二十四日恭奉慈輿啟蹕回京等因欽此茲幸款局大定防務稍鬆湖北地方布置尙屬粗完暫離兩月亦尙無妨恭值六飛迴馭臨幸中州蹕路所經鄂省近與接壤臣擬於八月下旬先期馳赴河南開封省城祇候跪迎聖駕俾廁一日屬車之列稍紓頻年戀闕之忱且兩湖一切要政得以恭聆聖訓俾有遵循合無仰懇天恩准臣前往不勝瞻戀屏營之至如蒙俞允擬將湖廣總督篆務移交湖北撫臣端方暫行兼署以便屆時束裝就道鄂省如有交涉要件

尙可隨時電商辦理

硃批毋庸前來欽此

俄約要盟貽害請將東三省開門通商摺 并鈔件 光緒二十七年八月二十四日

竊照俄人自行訂立交還東省專約一案將所有政權兵權利權路權盡收掌握陽爲歸地之名陰行據地之實且獨造鐵路直達京師其利害得失早在聖明昭鑒之中當其危詞迫脅幾若絲毫無可挽回幸賴朝廷堅持定見不允畫押俄人亦終無可如何乃近聞又有先立三條密約之舉一認李鴻章獨有議約之權一令中國聲明此約出於甘心自願一此約不可洩漏使各國聞知干預其愚我欺我直視中華全國無一人凡有血氣孰不痛心蓋其狡謀明知此約十三條餘地不留必干眾怒故必勒我承認爲中國甘心自願而後有詞以謝各國若無約強佔究畏各國之議其後也是以臣等屢陳管見此約非付各國據理公斷不能折其橫恣之謀非許各國開門通商無以制其侵陵之勢設或稍有遷就各國勢必羣起效尤則瓜分之禍立見查開門通商者謂許各國皆可在東三省均霑內地雜居及開鑿修路工作製造商務一切利益與尋常僅在口岸劃給

張文襄公全集卷五十五 奏議五十五

租界准辦商務者不同均經迭次電奏陳明在案此等辦法外國名爲開門通商亦名徧地開放蓋該處內地皆准各國人徧到任便居住不設租界不分華洋工商鑛路各利益皆准各國興辦其利與各國共之而管轄之權仍自我操之一切利益我收其稅訟獄巡捕我司其權官由我設兵由我駐地主之權絲毫不失是以屢次瀝陳請旨令我各國駐使及全權大臣布告各國乃大學士李鴻章堅執不肯宣布誠不可解聞近日草約畫押後京保聯軍雖允定期撤退而天津並不交還查本年七月間臣之洞曾遣人向漢口英總領事霍必瀾

張文襄公全集

卷五十五 奏議五十五

三

婉商言俄兵未撤俄約未廢可否由該總領事轉電薩使照會俄人詰問霍必瀾云英使必不肯發照會詰問俄國但恐將照會詰問中國耳此語大有可疑又七月及本月漢口英領事屢來照會言英於宜昌歸州巴東兩處購地固煤囑爲稅契雖未允許然尙糾纏不休又日本近日遣其著名武將來長江及浙閩廣東游歷疊接日本委員及游學生來電來函均謂該日將此次來華極爲鄭重具有深意至上海現駐英德法日等陸兵至今未撤種種情節俱屬可慮可見各國均將視俄約之利害以爲進退效尤之舉已有端倪各國援例於各

省各求所欲卽是瓜分因循不斷禍至無日矣日前臣等同時接到日本國貴族院議長公爵近衛篤磨書函並附陳措置東三省條議一冊詳加察覽其言深切懇至規畫宏遠於吏治兵備警察與利徵稅聽訟各事一一籌有辦法條理詳明查此事照俄約則我於東三省事事無自主之權與俄國屬地無異利則歸彼獨享害則責我獨承較明據吾地計尤很毒照東人所擬辦法則東三省雖許外人雜居而主權猶操之在我營口卽不收稅而內地收項至三千餘萬之多觀其章程於財政各項一一指實必其平日考察甚詳目前縱未能遽

張文襄公全集

卷五十五 奏議五十五

四

臻此數照彼辦法日後必不相懸如英國倫敦進口貨全不收稅名爲無稅口岸其地工商之業更旺富甲全球至各國均需互相牽制勢不得不安於無事橋陵永無樵采之驚豐鎬長有磐石之固較之委地俄人掌握之中利害奚啻霄壤其所擬辦法雖於中國舊章名目略有變更而按之實政皆於地方有益卽皆於國家有益我若采用儘可節取其意而不必盡襲其名其間若參用各國人爲顧問官法律官雖非舊章所有然其地遠於京師而近於俄境既許各國人雜居興利若非大改法制參用客卿其治理章程斷不能折服各國商民

一概令其歸我統馭故該公爵條議中以立法爲第一要義而改定法制非用各國人爲顧問官不可卽如各海關非用洋人爲稅務司扞子手悉照外國稽察章程豈能令各國洋輪帖服受驗納稅事理甚明今使各國公同霑此利益使各國公同爲我定此章程實使各國公同爲我守此根本開此上腴從此遼東三省億萬年永爲我大清國所有更無侵削之虞杜大患而興大利計無有便於此者矣茲謹將其書函條議另繕清單恭呈御覽以備采擇臣等晝夜焦思往復電商舍此別無辦法誠能照此施行其形迹雖似稍予通融而所得之

張文襄公全集

卷五十五

奏議五十五

五

實有轉非從前中國自守之時所能冀望者抑臣等之愚更有請者方今屢奉明旨講求變法特是不變不能圖存驟變又恐駭俗莫若於東三省采用該公爵條議先行酌量試辦如顧問法律警察三條果其有利無弊內地再爲仿行總之關東已爲他人所踞今若僅口舌商辦斷無完璧歸趙之期似無妨權出奇策以保舊京並可察驗成效而資節取惟必須敕令外務部趁早先向各國聲明俄人何日交還東三省我卽日開門通商與眾共利最爲急著一面請旨敕下外務部及全權大臣將俄約照會各國請其公斷或可望英日美諸國合

力相助還我舊疆庶免占踞日久別生狡計臣等憂憤迫切但有一策可采不敢不以上聞不勝惶迫待命之至

謹將日本貴族院議長公爵近衛篤磨原寄江鄂書函照錄恭呈御覽

敬啟者自往年游歷貴國幸拜台顏僅不出二年天下之變洵有足驚魂動魄者焉顧列國東侵之勢日進月迫實爲古今之奇局而東亞之厄運未有甚於今日者也近數年來天禍貴國災患薦臻去年拳匪之亂禍機猝發不及救濟遂至有列國兵入京聖駕西巡之難此

張文襄公全集

卷五十五

奏議五十五

六

事也鄰人旁觀尙不能無慷慨況在貴國臣民其爲情何如哉顧列國人京非必有瓜分之意特以使館見圍之故勢出於不得已是以其圍一解講和案件務持和平撤兵之議亦將見其漸行是貴國之幸亦東亞之幸也惟夫列國之東侵俄國爲之唱首其包藏異圖實不可測而其於滿洲乘拳匪之亂窺貴國之無備長驅深入曾無忌憚占有其山河頃使其官吏虐殘其民人肆然逞其所欲爲而不知厭竊惟滿洲東三省者係貴國皇室發祥之地位東亞之上游此地一爲俄國所有則建瓴之形席卷之勢不可復遏而貴國瓜分之端乃自

此始燎若觀火矣願是皆閣下之夙所深憂遠慮固不
 俟篤磨之嗷嗷也篤磨嘗聞抱甕而知甕之輕重者必
 在甕之外篤磨在局外是以曩不省迂愚呈一書左右
 竊布腹心幸閣下不捐鄙陋見賜覆書詞意惻惻使人
 感激竊謂戒災移薪鄰人之誼警盜壞牆朋友之道豈
 敢不盡其所見乎抑今日俄國之藉口侵略在於滿洲
 紀綱紊亂治安不保竊察貴國今日之情勢尾大不掉
 鞭長莫及當是時欲獨力回復滿洲蓋亦難矣而滿洲
 之不可棄既如前言則將何策以處之乎篤磨反復商
 量竊以為今日之事惟有開放門戶以保領土耳其開放

張文襄公全集

卷五十五 奏議五十五

七

門戶則列國不違保全領土則金甌不缺而俄國南下
 之患亦自長阻矣變禍為福轉危為安天下之長計無
 善於是如其綱目固非一言可盡乃其所嘗與同志講
 究者別為一篇併呈之左右願閣下洞察邇言取捨折
 衷以為成案奏之西安請朝廷付之於列國會議夫開
 放門戶保全領土二大義者既列國之所聲明則此案
 之歸列國公議蓋不容疑篤磨亦當說做國當路者以
 致微力也抑其中細目如廢關稅區劃地方從其情實
 而改正之潤色之亦自有其人篤磨之所論惟其要領
 耳篤磨素非不思所以使做國政府提唱列國會議之

道退而慮之無奈列國之間猜疑百端妒忌交滋故今
 日之事莫妙於貴國朝廷將東三省俄約自付之於列
 國會議也若果得然則做國當局亦與英美諸國協力
 贊同也必矣是篤磨之所以敢披瀝肺肝於左右也區
 區微衷閣下幸裁之不宣公爵近衛篤磨頓首
 謹將日本貴族院議長公爵近衛篤磨籌辦東三省開
 門通商條議照錄恭呈御覽

中國時局孔亟朝不測夕可慮且虞者不一而足而其
 最可慮可虞者莫俄佔有滿洲為甚不欲保全中國則
 已苟願保全首不可不使俄人撤退滿洲也然欲使俄
 人撤退滿洲在今日屬萬分難行惟有一法即將該地
 方洞開俾列國商賈自由貿遷不設制限凡鐵路鑛山
 漁業等所有利權一體均霑不得厚於甲而薄於乙始
 為彼此迭相牽制一國不能獨逞其慾壑所謂做門通
 商宗旨是也施設做門通商宗旨不可由常經須擺脫
 從來拘迂之見創建一種新法其節略開列於左

張文襄公全集

卷五十五 奏議五十五

八

宗旨

- 一廢撤從來三將軍併合三省為一省置總管府以治之
- 一府中軍政行政司法

議

三權須分立以昭權限

一總管府設顧問或作參政院大理二院任立法訟獄

一總管府立民兵財三部分掌民政軍防度支事宜

一總管由宗室親王中簡放凡各部官吏掄選國中俊才以充之無問滿漢之別

一各部聘用外國人之俊異優秀者為顧問官教師以備諮訪

一上開變法各項稍就頭緒將牛莊以下各口岸海關撤去以便各國人自由來往貿易

一既准各國人於牛莊以下各口岸自由來往貿易須一面於山海關及蒙古地方設立稅關以為議征之地

張文襄公全集 卷五十五 奏議五十五 九

一無論鐵路鑛山等利權准外國人一體均霑其購有田產及自由居住均在不妨

新法梗概

總管府二院及各部職制開列於左

一總管府為統治滿洲之處故一切全權攬於該府

一顧問院專任立法為參與總管一切機務之處

一大理院為獄訟總匯之處且兼辦司法警察之事警有二日行政警察保護閭閻防害杜弊於未然日司法警察摘發鈎距廉查罪狀於事後之謂

一民部為地方行政之總匯辦理河湖道路戶口各事宜外兼辦保護農工商之事

一兵部為兵權樞紐專辦邊防彈壓土匪

一財部專辦租稅事宜外兼監鑛山森林原野以保護其利源之地

一總管府各衙門定員如左

總管一人 協辦二人 辦事官如千人 顧問院顧問官十人 辦事官如千人

一大理院

審官十人 以中國人三人外國人七人為額其一人為院長 辦事官如千人

一民部

大臣一人 參贊官二人 辦事官如千人

一軍部

大臣一人 參贊官二人 辦事官如千人

一財部

大臣一人 參贊官二人 辦事官如千人

立法

國家既將滿洲門戶洞開關市譏而不征五方之民必

空然沓至受一塵於此者必多矣治若輩不可用中國

舊來之法宜變通成法參以西律制定新法由顧問院

擬案付各部大臣各部大臣顧問官酌議從多數而決

張文襄公全集 卷五十五 奏議五十五 十

更由總管公布中外以昭公平

司法 即獄訟

新法既設一切獄訟須從其處斷庶幾得公允但有治法而無治人未謂盡善盡美毫髮無憾也聽訟之官須精通律學兼曉外國語言事情始使兩造心服所以大理院官吏須將中外異等材任用不專任華人

一大理院為至高聽訟之處該院所讞斷為定案不得控訴

一大理院設於奉天府各地方設按察使衙門以隸於該院按察使每衙門以三人為額不妨用外國人充其

張文襄公全集

卷五十五

奏議五十五

十一

選

一兩造並為外國人或其一為外國人者由按察使衙門審理其係初審且兩造均為華人者姑由地方官處斷但兩造之一人不願地方官審理者由按察使衙門處斷

一不服按察使處斷者及被地方官吏枉屈者許其控訴大理院以昭雪冤枉

行政

民部

一將全滿洲區分盛京吉林黑龍江三部每部置布政

使一員統督管內民政

一地方行政區畫率由舊章毋庸變更各府州縣廳置知事官一人

一廳以下鎮堡村邑須仍舊貫毋庸紛更即如保甲制度法良意美宜存此以維持民心也

一行政警察 前項註 由鎮堡村邑辦理州縣責其成可也

一各省以下除訟獄軍務外不別設專任之官由地方官一體辦理

兵部

張文襄公全集

卷五十五

奏議五十五

十二

一軍隊用募兵之制如舊但其式參酌文明國兵法折中其宜別為一式從其訓練

一全洲兵額以六十營為限分駐防區域為盛京吉林黑龍江三大區每區置都統一人統之

財部

據光緒十六年報冊營口一口貿易額不過九百六十萬兩至二十五年則有三千二百二十三萬八千兩之譜該口所入之國稅每歲約有五十萬兩為政府進項一大宗論者云將營口為自由口岸不征國稅於政府有損是未通大局者之言而不知列國商民來往此

地所入內地租稅償關稅而有餘也今將將來進項大略開列於左

一木材興安嶺伊勒呼里山長白山完達山長嶺子松嶺子諸山皆富於良材巨木參天開闢以來斧斤不入絕長補短其面積可以上二萬三千三百方里如按年輪伐出售可獲二百萬兩其利益無窮矣

二拍賣未開墾之地東三省土地膏腴彌望無際爲世界最沃之區而其既經開墾者僅不過四萬六千三百方里卽爲全面積二十二分之一今將河川山邱森林等置之不算其可開墾之地猶有十四萬方里將此測

張文襄公全集

卷五十五

奏議五十五

三

量區劃拍賣內外人民將十六年爲功程每歲約可五百萬兩既經開墾則從而征地租其所入尙不止此也三礦稅盛京富於煤利既係世人所稔聞吉林黑龍二省砂金大豐其他五金之藏於地中者不可勝數政府定鑛律准內外人遵其開采從征其稅約可歲獲五十萬兩

四人頭稅東三省現在人口計有千二百萬如能洞開口岸招徠遠人不十年而至三千六百萬今將其半算爲老幼廢疾者不能自立其半猶克自立每人年徵一兩每歲可得千八百萬兩也但人頭稅者從人口而乘

除不可望驟多與拍賣地段三項相表裏不可不知也

五地稅滿洲土宜以農產爲大宗卽如黃豆餅豆油藍靛菸草土藥高粱其尤著者也政府從來宗旨在抑壓一切土產皆於內地釐卡重稅以爲敲剝之謀而不知苦民兼損於政府也故自今而後內地一切通過稅宜廢撤代以地租也從來政府所入地租惟有五十六萬兩如加以以將來開墾之地段可增至二百萬兩也六鹽稅渤海產鹽之地甚多現在所徵稅項僅有三十萬五千兩如至戶口蕃殖必增至七十五萬兩矣七火酒稅北方各地釀火酒尤夥其值每歲上一千萬

張文襄公全集

卷五十五

奏議五十五

四

兩如徵其十分之二猶可得二百萬兩也八土藥稅阿芙蓉害於人體而損於國家元氣毋庸贅述如撤關不徵洋藥之入於內地者百倍於今日矣況於盛京所產土藥不少乎宜防微杜漸以保衛民生但禁煙一事宜緩不宜急其法在使捕房就各戶一一查核是否食煙食煙者每人從重課捐以俾各人稍自節欲兼有大益於國家進項今假算全洲癮者必有二十萬人每人年捐五兩總額有百萬兩之額

以上八項進款總而計之共有三千二百二十五萬兩用此首繪測全洲開鑿道路浚濬口岸併及軍防行政各

項認真辦理而後國家不富強者未之有也

上諭據劉坤一張之洞會奏東三省俄約要盟貽害惟
開門通商可以轉危為安一摺所陳辦法具見苦心朝
廷於此事昕夕焦思熟籌利害迄無良策俄之要盟巨
測誠如該督等所慮但東省俄人尙未交還今遠將俄
約宣請各國公議必致激怒於俄勢成決裂東三省又
大遭蹂躪更恐震驚陵寢是通商未成而巨禍立至事
將不可收拾彼時各國即能為我發抒公論必不肯為
我以兵力向阻又將何以為計且該督等原奏亦稱聲
明俄人何日交還我即開門通商今並未交還而遽宣

張文襄全集

卷五十五

奏議五十五

五

此說豈非徒以空言先受實禍此事關係甚重該督等
當再按照所論各節詳細妥籌善策迅速密奏總期不
至使俄怒而決裂利未形而害先至是為至要將此密
諭知之欽此

預防各國派兵入境片

光緒二十七年九月十六日

再據英國駐劄漢口總領事霍必瀾面稱本國國家風
聞中國已准法國自越南邊界造路至雲南省城並准
其派兵入境護路未知確否請速查明如果真有准法
兵入境之事關係甚大須電知本國設法阻止等語當
經臣電詢雲南確查旋准署雲貴督臣丁振鐸諫電開

滇越議修鐵路一案係戊戌三月二十日法呂使照會
三端內有准法公司自越邊造路至滇省城一款原議
中國之應備者惟該路所經之地與路旁地段經總署
覆允照辦前年法領方蘇雅率路員來當委員分段會
勘嗣值北變法員暫回詳細章程致未定議昨方蘇雅
復來尙未議及此事此滇越造路始末事至派兵入境
護路不但無是事亦無是議請詳告英領勿聽訛傳等
因查派兵入境大礙中國自主之權此端萬不可開現
既查明並無其事亦無是議固屬萬幸但仍恐此後或
有他國藉端要請者不可不防除密咨行在外務部此

張文襄全集

卷五十五

奏議五十五

六

後遇有藉端要請派兵入境以及有礙中國自主之權
之事務請隨時駁斥以杜狡謀並飭江漢關道照會英
領事轉達英廷請其遇有要請派兵入境及有礙中國
自主之權之事隨時協助設法勸阻外謹附片具陳
硃批外務部知道欽此

派員迎鑾摺

光緒二十七年十一月二十八日

竊臣等近接開封來電欣聞我 皇上恭奉慈輿啟蹕
回京上安九廟之神靈下慰萬方之仰望普天同慶率
土臚歡臣等疆寄攸司未克躬詣闕廷稍伸瞻就望六
飛之萃止近萬福以來同謹率同提鎮藩臬諸臣具摺

恭請 兩宮聖安專派湖北試用道王萬震馳赴京師
跪迎 兩宮聖駕從此振行健自強之大業咸與維新
定久安長治之隆規昭垂無斁臣等無任踴躍歡忭之
至

硃批知道了欽此

臚舉人才摺

并清單 光緒二十七年十二月初一日

竊惟方今和局略定變輿還京屢奉諭旨於自強諸要
政汲汲推行海內喁喁翹跂瞻仰特是新政之要待人
而行謹就臣所知者臚舉十二員將其銜名才具另繕
清單恭呈御覽所舉各員或才識宏達足以收變通越

張文襄公全集

卷五十五

奏議五十五

七

時之功而一本於忠愛或持守堅定足以救從流忘返
之弊而不病於拘牽嘗聞趙充國之言曰百聞不如一
見夫欲采西法之長而不資諸曾遊海外親見西政之
人與夫平日博覽羣書考求西法之人是冥行者必迷
其方也董仲舒之言曰更化乃可善治夫更化而不歸
諸善治是築壩者不固其址也故今日時勢必宜標本
兼治今日用人必取才品俱優所舉各員使得各盡其
長必能有裨時局伏望聖明裁察量加任用臣不勝惶
悚屏營之至
謹將薦舉人才繕具清單恭呈御覽

順天府府丞李盛鐸

該員學問淹雅才局宏通出使日本數年尤能講求
歐美亞東各洲政治之學深通其意方今朝廷變法
自強必須有親到外國能知西法精意者贊助其間
隨時參考謀議變法方有實濟

出使美國大臣四品卿銜伍廷芳

該員久在海外律學專門上年北方變亂該員力向
外國人爲中國解說頗能動聽故美國多持公論今
日交涉事體日形棘手現英國議約專使已指明有
定海上律例設商律衙門一條又有洋商入內地居

張文襄公全集

卷五十五

奏議五十五

六

住貿易一條以後若不將律法酌量改定交涉無從
措手中國處處受虧似宜調該員回國籌辦此事關
繫裨益極爲重大

翰林院編修汪鳳藻

該員行檢謹飭精細和平於英文法文算學藝學均
能博通曾充出使德國參贊奉使日本究心外國政
治公法

出使俄國參贊分省補用道胡惟德

該員久在外洋充使臣參隨之職歐美各洲皆所親
到各國語言文字多能諳習各國政治精心考究本

年二月間俄約緊急時出使大臣楊儒患病該參贊堅持定見不肯率行代使臣畫押足徵定識定力為功不細

翰林院侍讀學士黃紹箕

該員品端學博沈細不浮於中西政治綱領學校規制實能精思博考而趣向純正力闢邪說之說洵為今日切於世用之才

前國子監祭酒王先謙

該員才識明練學問淹通居鄉專意著書能持正論力杜後進浮囂邪僻之習

張文襄公全集

卷五十五

奏議五十五

九

前翰林院侍講樊恭煦

該員操守廉潔才力勤能而精敏耐勞事事迅速實為幹事長才臣前督兩廣時該員官廣東學政深知其長

翰林院編修繆荃孫

該員學問優長才具深穩久官翰苑資格甚深而安雅寡營不事躁競其堅定有識已可概見

刑部郎中沈曾植

該員思力深沈學問淹雅向充總署章京究心交涉事務現管南洋公學上海議論過雜該員教士於變

通廣博之中獨能力宗聖教訓戒諸生禁其沾染惡習可謂中流砥柱矣

刑部主事喬樹枏

該員志趣端正性情篤厚處事精詳語必著實既不為迂謬之談又能杜後生狂躁之弊蓋才能辦事而又極穩實者今日若用此等人才既有實效而決無流弊

降調內閣學士陳寶琛

該員才長志壯素有時名自降調回籍後已歷十七年潛心讀書考求中西政治學養既深益臻切實平

張文襄公全集

卷五十五

奏議五十五

十

靜邇來新進人才勝過該員者實不多觀近年獲譴降革諸員蒙恩錄用者甚多仰見聖度淵涵惜才宥過當此時局需才如該員者似不宜令其終身廢棄若加以錄用必能感激圖報確有樹立

已革湖北巡撫曾鈺

該員操守清廉吏事精核服官外省有年所到官聲甚好該員前因言事獲咎不過字句有欠妥之處心本無他廢棄實為可惜今日吏雜民窮若加以錄用使之整飭吏治培養民生必於時局有益以上十二員應如何簡拔錄用之處伏候聖裁

試辦籤捐票片 光緒二十七年十二月初二日

再湖北武漢等處地方近年盛行各種彩票有江南順直等省奏准籌賑之彩票有廣東奏准各種之彩票又有膠州外國人新開彩票按期開彩集款不貲現在浙江省亦議行善後彩票勢必推行至鄂鄂省前因各項彩票銷場廣屢飭禁止而民間以有重彩可冀出資少而獲利豐無不爭先購置私售寄賣防不勝防查不勝查計每年輸出之貲為數甚鉅實為鄂省一大漏卮查此時籌集賠款萬分為難籌議數月尚無端緒值此民生困窮之際雖百計蒐羅終無大宗巨款而限期急迫諭旨森嚴臣等與司道各官焦灼萬分因思各種彩票林立既已禁阻無從則與其坐聽銷流徒滋外耗不若因勢利導自保利源查外國急需籌款之法原有富籤票名目藉彩招徠酌提報效各省彩票大意亦與富籤票略同茲擬仿照各省成案由鄂省自設籤捐票在漢口地方招選安實商人試辦並於繁盛通達各州縣體察民情酌量試辦其所收之款即以湊補此次賠款之用及奉旨急須舉辦之自強諸要政能否籌集鉅款目前尚無把握要之此舉取諸有力出於自然於國有益於民無擾果能集少成鉅固可以裨補要需即使所

張文襄公全集

卷五十五

奏議五十五

三

收無多亦可以抵塞外漏雖出權宜之策實存固本之義除札委江漢關道岑春煇奏調差委廣東候補道王秉恩會同江漢關稅務司參酌各省章程將籤捐票安籌舉辦並於相宜州縣酌量試辦外謹合詞附片具陳伏祈聖鑒

硃批著先行試辦欽此

規復丁漕減徵並加提平餘酌抽契稅湊解賠款

摺 光緒二十八年正月初九日

竊前准戶部咨開新定賠款數鉅期迫亟宜分派攤還湖北每年派銀一百二十萬兩等因當經督同司道籌商數月祇因鄂省地方疲敝餉項日增頻年羅掘已窮臣等為體恤貧民生計不敢稍事操切苛派故籌款尤為慎重尤為艱難百計思維實無一策可以立得鉅款不得不多方湊集以期無誤要需查光緒二十三年部議地丁完錢者每兩減徵錢一百文漕糧每石減徵錢一百四十文數屬畸零糧戶分攤無幾里書糧差間或依舊徵收民間亦不甚計較茲擬從光緒二十八年將此項減徵之數仍照舊案徵收其向係完銀者悉照舊章並無增加查湖北各州縣地丁完銀完錢向例聽民自便其中完銀者亦復不少漕糧則係奏定一律改

張文襄公全集

卷五十五

奏議五十五

三

折此項丁漕錢文減徵復舊合計可得銀數萬兩俟賠款完畢即行停止又查光緒二十三年部議酌提州縣錢價盈餘令每地丁銀一兩其完錢者加解錢價平餘銀七分每漕糧一石加解錢價平餘銀一錢各州縣向來以銀完納者不提鄖陽施南宜昌三府素稱瘠苦又經奏明免提此項丁漕錢價盈餘每年解到者甚屬有限茲體察各州縣情形於原議加解錢價盈餘外再行分別等次酌量加提以為民間倡率約計可得銀十餘萬兩至稅契一項本取諸殷實置產之家與貧民無涉天下斷無貧困債累而尚能置買田房產業者定例每

張文襄公全集

卷五十五

奏議五十五

五

銀一兩徵稅三分然向來州縣吏胥包攬契稅往往收至五六分七八分不等茲擬於定章三分之外另抽稅契捐三分嚴定章程嗣後不准官吏多取分文名雖加捐實則提取中飽尤為無傷於民此項收數雖無從預計第集少成多於籌款不無裨補仍照從前奏案以一分留作州縣辦公經費其餘五分將一半查照光緒二十六年部文指明抵湊撥補鹽釐不敷之款一半專供新案賠款各收各支以清款目仍俟賠款完畢即行停止近閱邸鈔江西現籌丁漕辦法係地丁每兩於減徵復同一百文之外再捐一百文共二百文漕糧每石於

減徵復同一百四十文之外再捐一百六十文共三百文江蘇係將每兩前減之二百文仍復徵收均經奉旨允准今湖北僅將地丁每兩所減之一百文漕糧每石所減之一百四十文仍復舊章徵收並未加捐分毫較之江西江蘇尚為輕減至如與湖北鄰境之四川河南江西等省稅契大率每價錢一千收錢一百文上下是三分之稅幾至十分民間亦相安無異今湖北僅加捐三分每價錢一千連正稅共止收錢六十文實不為重近日河南亦奏加稅契三分鄂省事同一律據湖北布政使瞿廷韶督糧道譚啟宇會詳請奏前來臣等覆加

張文襄公全集

卷五十五

奏議五十五

五

考核所籌辦法復減徵則仍係舊章稅契捐則取諸中飽尚不至於病民且先提官餘以為民倡情理尤為安順以之湊解賠款亦集腋成裘之一端

開辦房捐鋪捐膏捐片

光緒二十八年正月初九日

再賠款所短尚鉅飭據司道公同酌議擬再查照部文於通省繁盛城鎮勸辦房捐鋪捐凡有房產出租與人居住者無論官商每年抽一箇月房租由房主認繳月租在銀二兩錢三千文以下及房係自住無租錢者概行免捐查同治二年光緒二十年湖北房捐成案俱係

每年捐房租四箇月主客各半此次房捐辦法每年止捐一月且專取之房主實較從前爲輕其繁盛城鎮鋪戶並擬分別等差酌抽鋪捐上則月抽錢四千文以次遞減至下則月抽錢二百文狹鄉小買概行免捐核訂章程均較他省輕減所有房捐鋪捐兩項專供湊補賠款之用又查土藥一項本爲嗜好有害之物並非民生日用所必需聞英人於香港法人於西貢均設立熬膏官廠概不准民間買土私熬今擬略仿其意於省城設立膏捐總局在各繁要市鎮選擇殷戶發給牌照令其承充藥膏官商凡湖北境內行銷土藥洋藥概歸膏商歸總收買熬膏發售其附近城鄉店鋪均向膏商轉買零售分設緝私局卡禁止境內售賣生土私膏每膏一兩捐抽牌照稅錢一百文由膏商承繳此項膏捐之款以資添湊賠款及自強要政之需

張文襄公全集

卷五十五

奏議五十五

五

硃批妥爲辦理毋稍擾累欽此

張文襄公全集卷五十五終

新城王樹樸校

張文襄公全集卷五十六

奏議五十六

轉運事竣請獎出力各員摺

光緒二十八年正月初九日

竊照光緒二十六年六月間欽奉諭旨任清江設立轉運總局派委前福建興泉永道惲祖祁辦理當由該道設局將各省籌撥銀兩采買米十萬四千九百五十餘石以備起運一面將各省先後解到京餉銀一百二十四萬二千餘兩加派委員勇丁分批護運解赴行在戶部暨各衙門交納惟時湖北漢黃德道岑春煇亦奉命飭購米石分起北運當即籌款委員在漢口并赴蕪湖

張文襄公全集

卷五十六

奏議五十六

一

鎮江汜水等處分途采買米十萬石正交惲祖祁兌收接運間適值鑾輿西幸長安並因陝西旱災需糧甚多奉旨將清江轉運總局移設漢口所有已經購運清江之米均由輪船裝回漢口取道襄河溯流西運統計起運十七批每批一萬石先經惲祖祁在樊城老河口荆紫關龍駒寨節節轉盤前進并在西安設局交兌乃老河口以上河淺船少輪輓維艱因於河之上下各段設法疏濬而河流挾沙旋疏旋淤舟行遲滯又值蘇浙漕糧亦同途並赴船隻愈缺驟駛亦稀其時陝賑需米日急惲祖祁正在籌款擬於樊潼等處開辦陸運適母病

請假省親旋即丁憂經臣等派委漢黃德道岑春煇接辦體察情形於浙川廳添設一局令荆紫關分局兼辦夫運並電商駐龍駒寨轉運之陝西道員吳樹棻雇夫接運以期迅利惟米數較多水涸灘險節節梗阻萬分艱難專恃一路仍屬緩不濟急於十二月間經臣等會同電奏准截留京餉飭令開辦樊潼陸運並遴派委員馳往賒旗鎮南陽府汝州陝州潼關等處設局尅期分籌速運並委河南記名道易順鼎駐陝督辦催運交兌事宜計自樊城以達潼關道路紆遠節節轉運甚為不易又值各路雜糧並皖商承運米糧同時攢運異常擁

張文襄公全集

卷五十六

奏議五十六

二

擠竭力設法於各局招雇橐駝及騾馬大車以供長運牛車小車以供短運備極艱難前年入夏後時值農忙車輛牛馬俱少且憚遠行因於賒汝間之襄城縣汝陝間之韓城鎮添設兩局逐程轉輸以免停頓陝州又兼用船載凡有可以濟運之法靡不苦思力索殫竭經營溯自開辦轉運以來如各局提調文案收支以及收發米石改包風颺運解交兌催趲彈壓各事宜頭緒紛繁水陸兩路水路計一千八百餘里陸路計一千四百餘里兩路並運在在需員經理前值陝賑孔亟奉旨催運經岑春煇通飭各局員安速籌運函電文書絡繹不絕

故雖運道艱阻十分壅滯卒能令龍駒寨一路運米五萬餘石潼關一路運米八萬餘石赴陝藉濟災區實由各委員羣策羣力艱苦不辭始克臻此自未能沒其勞勩其餘運存之米除沿途搭發夫價及漂失折耗外因日久儲倉恐致霉變經岑春煇稟經商准行在戶部變價濟運幸無貽誤伏讀前年十一月二十五日欽奉上諭此次辦理賑務非尋常偏災可比委辦員紳果能實心實力勤勞罔懈即照軍營勞績保獎等因欽此仰見朝廷鼓勵人材有勞必錄之意查西安轉運交兌局委員萬立銳岳道坦王觀元三員業經行在戶部照異常

張文襄公全集

卷五十六

奏議五十六

三

勞績奏保並聲明其餘辦運接運出力各員應由各省自行查明擇尤保獎等因自應遵照辦理茲據督辦轉運總局湖北漢黃德道監督江漢關稅務岑春煇查明在事出力文武各員擇尤開單詳請奏獎前來臣等覆核無異合無仰懇天恩俯准照擬給獎以示鼓勵殊批該部議奏欽此

請開復袁世敦蔣楷原官摺

光緒二十八年五月二十四日

竊照前年拳匪之禍起自山東蔓延畿輔擾及晉豫釀成巨變其始由毓賢一人縱匪獎亂所致當光緒二十五年四五月間匪首朱紅燈在山東恩縣平原界上散

布妖言招少年不逞之徒開設拳廠因民教積不相能緣以爲亂已革署平原縣知縣莒州知州蔣楷恐貽外人口實稟請示禁經革撫毓賢批示不准嗣後轉相煽誘到處蔓延九月間朱紅燈嘯聚恩縣高唐茌平長清諸匪徒據平原之岡子李莊晝夜弄兵以劫殺教民爲事該署平原令蔣楷請兵彈壓毓賢深怒其違背意指大不謂然迫於司道公議始派候選知府袁世敦統親兵一營馬隊兩哨前往安撫而恐其臨時改計特以濟南府知府盧昌詒節制其軍比至該匪移據森羅殿背馬頰河爲負隅計距恩縣平原縣兩城各祇十餘里恩縣飛稟告急袁世敦遣馬隊赴之盧昌詒意在解散令步隊相去二三里遙作聲援乃該匪乘屯紮未定來犯我軍不備陣亡三人袁世敦痛部下之鱗傷且恐一經挫退大局將不可問與盧昌詒議定親臨搏戰會派援恩縣之馬隊聞警馳回兩面夾攻陣斃悍匪二十餘人餘眾四散是時但大張示諭嚴緝朱紅燈寬其脅從星星之火猶可不致燎原乃毓賢以邪術爲神以亂民爲義以蔣楷力顧大局思患預防爲多事以袁世敦奮不顧身擊賊初起爲邀功奏稱蔣楷辦事謬妄幾釀巨禍請革職永不敘用袁世敦妄殺無辜請交袁世凱軍營

張文襄公全集

卷五十六

奏議五十六

四

以資歷練奉旨一併革職毓賢亦以支離掩飾傳旨申斥是此案不實不盡早在聖明昭鑒之中查毓賢在東撫任內所劾如蘭山縣知縣陳公亮署郟城縣知縣俞則達均經升任山東撫臣袁世凱以原參錯誤奏請開復奉旨俞允而蔣楷一案因牽涉袁世敦係其胞兄又曾奉驅逐回籍之諭未敢爲之剖陳今毓賢既伏國法是拳匪之應勦與否不辨自明蔣楷係湖北荊門州人服官東省頗著循聲當拳匪初起之時獨能慮遠防微首先稟請禁止懲創其識見實高人一籌乃橫遭誣劾被革歸鄉楚中紳士無不爲之稱冤臣等訪知該革員才具優長廢棄實爲可惜其袁世敦一員本因蔣楷請兵彈壓始經派往迨匪眾來犯不得已改撫爲勦致失毓賢之意同被株連自應一體爲之昭雪合無仰懇天恩俯准將候選知府袁世敦知府用在任候補直隸州知州山東莒州知州蔣楷銷去驅逐回籍永不敘用各字樣一併開復原官升階並免繳捐復銀兩以彰公道而勵賢能出自逾格鴻慈抑或發交山東撫臣查明復奏飭令送部引見之處伏候聖裁再蔣楷於光緒二十六年六月祝嘏案內奉旨賞還原銜合併聲明

省城創辦警察摺

光緒二十八年六月初二日

張文襄公全集

卷五十六

奏議五十六

五

竊查警察一事實爲吏治之實際教養之初基立法甚嚴而用意甚厚東西洋各國視爲內政之第一大端凡稽察戶口保衛生民清理街道開通溝渠消除疫癘防救火災查緝奸宄通達民隱整齊人心諸善政無不惟警察是賴姑就最近處徵之日本全國上海租界潔清整肅條理分明民樂其生匪匿其跡幾於野無輿草路不拾遺明效昭彰萬目共覩今日講求新政採用西法此舉洵爲先務考東西洋各國警察所需經費皆係出之本處民戶無論商民一律抽捐蓋以本地居民生命產業既受保衛之益自應輸保衛之資卽如上海租界

張文襄公全集

卷五十六

奏議五十六

六

甲經費充用外不敷尙鉅其經費自應出之民間擬卽將省城房捐一項作爲警察經費以免重累商民其收捐之法無論官員公館紳商士庶凡賃屋而居並開設店鋪者均按房租抽十分之一如每月租金二十元卽捐銀元二元餘悉準此類推業主租客各任其半若係己屋自住仍估計所值之多寡以定抽捐之等差至於住屋不及三間及草房棚戶暨空閒暫無人賃者免捐查外國警察捐專取於民凡衙署局所一切辦公之地皆不出費茲因此事乃中國創舉特以官捐首爲提倡所有省城文武衙署以及書院學堂局所祠廟會館均

張文襄公全集

卷五十六

奏議五十六

七

收巡捕經費以養巡捕弁兵又收工部局經費以修治橋道上海中國界內設立巡捕處所亦抽巡防經費皆係專取之房鋪各捐凡月租銀元十元者捐一元五角下及茶坊酒肆亦各有捐統計所收約十分中之一五而居民從無怨其苛者其受益樂輸亦可概見查前准部議籌措賠款案內原有房捐一條江蘇安徽浙江廣東各省多已先後舉行鄂省現在籌湊賠款並不取之於房捐惟省城現正創辦警察所有巡勇餉項修理街道開通溝渠建造市亭掃除蕪穢安設路燈以及華洋員弁夫役薪糧器具局費等項需費甚多除以原有保

照民間一律輸捐其捐數約分十三等頭等月捐銀元二十元末等月捐銀元二角如有不敷統由本地商民勸諭籌足以上各捐款卽名曰警察經費專作保衛地方之需不令移作別用一切收支數目每月除榜示局門及通衢外并刊本布散俾眾周知並將從前汛兵差役地保需索擾民之事盡行禁革現已於省城內分中東西南北五局城外分設東西水陸四局酌采外國章程於五月初一日開辦先募練警察步軍五百五十名警察馬軍三十名清道夫二百零二名以後體察情形應否增加隨時酌辦卽委署武昌府知府梁鼎芬試用

知府金鼎總辦警察局務委臬司督理局務並由上海
雇募會充捕頭之英國人珀藍斯來省充當警察總目
以資熟手俟省城辦有成效即以次推行漢口沙市宜
昌等處口岸繁盛之區再次及各府州縣既可以養民
善俗尤可為將來廣學堂定兵制息教案行印花稅諸
事之根

酌改州縣籤捐為賠款捐摺光緒二十八年九月二十四日

竊查新案賠款鄂省攤派奇鉅前因籌措艱迫曾請於
繁盛通達各州縣酌量試辦籤捐以資湊補附片具陳
奉硃批著先行試辦欽此欽遵在案當經臣等督飭司

張文襄公全集 卷五十六 奏議五十六 八

道於善後局設立籤捐所將通省州縣分別大中小三
等發給籤捐彩票酌定票價次第開行本期酌取有餘
以相挹注既可有益於國兼可無損於民乃自開辦以
來疊據各該州縣稟稱地方紳民僉以此舉雖係恤民
之政而鄉僻難以徧喻不免意存觀望致形滯銷行之
既久更恐相率裹足必致有誤要需不若各就地方情
形量力籌捐按年攤解以濟公家之急等情前來臣等
伏查湖北地方瘠苦民力困窮羅掘之艱已非一日此
次奉派之款為數甚鉅不得不取之於民經與司局再
四籌商原擬試辦籤捐藉以稍紓民困今辦理既多棘

手自不能不略事變通又經督飭司道即將籤捐停辦

另飭州縣就地抽捐以為抵補並將原定籤捐之數大
加裁減各就地方情形與紳民妥籌不為抑勒大抵抽
捐之法以串票為大宗而鋪戶亦居其三四務使款皆
有著不累窮檐並不欲專責農民轉遺商富此項捐輸
即改名為賠款捐以昭核實使小民知官府之籌畫實
出於萬不得已而取之民者亦得以顧名警省為振作
自新之計經臣等疊次籌議督催近始據各屬稟復到
齊約計通省所籌計數似不為少究竟實能收到若干
此時尚難豫料而此次所捐之款要皆與紳民籌商出

張文襄公全集 卷五十六 奏議五十六 九

自樂輸或不致漫無把握現在惟有先就已籌之數實
力稽徵並嚴定各該州縣逐月勻攤批解及解款遲速
功過章程通行試辦期免貽誤

硃批著妥為籌辦毋稍擾累欽此

修築省城隄岸摺光緒二十八年九月二十五日

竊照湖北省城之南保安門外白沙洲至金口五十里
省城之北武勝門外新河起經紅關至青山三十里省
城外江岸南起鮎魚套內之熊家渡北抵塘角十二里
餘沿江一帶南路舊隄年久殘廢僅有隄形可按北路
間有小埂每年夏間必為江水灌入隄內之田數十萬

畝悉成湖蕩坐棄膏腴居民耕種失業極形困苦且其中
有撫標江夏縣馬廠各數十里亦被淹沒畜牧無從
實於民田官地關係甚大查南隄爲前督臣周天爵所
築現竟日就坍塌前人苦心經營澤民惠政何容聽其
湮沒且鄂省前數年疊被水災各屬貧民流離失所廩
聚武漢間深虞滋生事端因思如將此隄修復既可以
工代賑養無數之窮黎又可永安耕鑿得無數之良田
維時湖北賑捐尙有存款是以力籌大修之舉爲一勞
永逸之計經臣之洞於光緒二十五年春間先將紅關
至青山之隄分作八段派委各員興修是爲北路之隄

張文襄公全集 卷五十六 奏議五十六 十

民間舊日於沿江偶因春漲築作土埂全不足恃一經
夏漲或春水稍大便至漫淹將沙湖大小郭鄭湖連成
一片自江岸直抵磨盤諸山一帶一片汪洋現於北路
三十里築爲長隄皆係以平地爲基因地勢之低昂定
隄身之高卑高一丈至丈七尺隄面一律寬二丈旋復
於秋冬水涸將白沙洲至金口之隄分作十段分別委
員興修是爲南路之隄南隄較北隄地段尤爲廣遠隄
內地段東過東湖門南抵八風山督標馬廠卽在其內
有南湖湯孫湖黃家湖青林湖巡司河夏間江水內灌
則諸湖及河道連成一片其舊存隄址大半距江岸甚

遙今則於沿江附近改作新隄使舊口濱江被淹之地
併包於新隄之內涸出田畝不可勝數計南隄綿亘五
十里增築一丈餘不等隄面一律寬二丈工程尤爲浩
大諳飭在事文武員弁督率民夫日夜趕築晴雨無閒
倍極辛勤得以成事數年以來南北兩隄新隄之未穩
者則復令翻築隄身之衝刷者則復令培厚隄身之較
低者則復令加高南北兩隄之隄面皆經屢加測量務
令一律砥平現已一律工竣隄外令其種植柳樹柳樹
之外栽種蘆葦以禦風浪而護隄根惟外江之水既有
隄以禦汎漲內湖之水須有閘以資宣洩因於南北兩

張文襄公全集 卷五十六 奏議五十六 十一

隄擇地建閘數座因時啟閉蓄洩有資而石閘工費尤
爲艱鉅臣端方抵任後察看情形與臣之洞同商酌
以爲興大利不當惜重費固始基乃克垂久長因復委
員詳加勘查按段培修長隄悉臻穩固臣等每於隄閘
出有險工親往查勘督飭各員極力搶險幸保無虞此
先後修築南北長隄及石閘各工之情形也至省城附
郭一帶江岸十餘里向來舊有石礮岸之處尺寸較低
且不盡有礮岸當江水盛漲雨潦日久之際城內之湖
塘溝渠城外之濠梁港汊積水漫溢淹沒路衢不能啟
閘以洩之入江而外江之水繼長增高乃至泛及岸路

寢入城闈不可不籌抵禦之方因將沿江舊有石礮岸之處增修加高使內水可洩外水不入并於武勝門外未有石礮岸之處一律加修石礮俾資捍衛其南北兩端與新築南北兩長隄相接之處則加築高厚土隄俾與長隄相等至石岸雖屬堅定惟以江水之激盪石岸內之沙土椿木不免有年久坐卸之虞仍須歲時撥款量加修補以期永久鞏固此又增修中段城外附郭沿江石礮岸之情形也南北兩隄既成之後涸復田土甚多有官地有民地有無主之地從前湮沒既久一時驟難分晰若不詳細清查實啟民間紛爭之端復經臣等

張文襄公全集

卷五十六

奏議五十六

三

派員設立清丈局按地勘丈詳加考察清出官地或仍舊爲畜牧之廠或撥作通商場界址之用或撥作農務局耕牧之需其民地驗有契據糧券者照契管業無主無契者分別發給執照令其繳租墾種現計南北兩路共清丈有官民田地近二十萬畝之譜俟今冬暢放湖水後南北兩隄沿湖之地涸出者尙多其未及清丈及民間舊業無待清丈從前被淹現可免淹者殆不可以數計以後永澹沈災長安田宅工程雖艱受益甚鉅此又清查田畝之情形也其最有益者則北路紅關至青山一帶爲粵漢鐵路發軔之地此隄不築將來修造鐵

路塞水填土工程甚鉅所費殆將以數十百萬計今築

成此隄於鐵路經費所省極多裨益至非淺鮮尤有益

者省城迤南之金口爲上游自湘岳入鄂省之門戶省

城迤北之青山爲下游自黃州到武漢之要隘金口之

山名大軍山江狹嶺峻青山地方岡阜重疊此兩處皆

可以置礮屯兵他日若武漢江防有事則由省城南至

金口北至青山此九十里中皆有高岸平隄兵隊及馬

車礮車可以晝夜通行往來援應調度捷速尤爲省防

勝算至此項南北中三段隄岸工程長逾九十里修至

二三次加以建造石閘增修石礮經費實爲不貲幸賴

張文襄公全集

卷五十六

奏議五十六

三

有以工代賑之款動用賑捐銀兩藉資挹注得以竟此全功應由藩司籌賑局核明確數彙同工賑案內詳請開單奏銷

硃批該部知道欽此

收買通商場地畝摺

光緒二十八年九月二十五日

竊查湖北省城北武勝門外直抵青山濱一帶地方與

漢口鐵路馬頭相對從前美國人勘粵漢鐵路時即擬

定紅關一帶爲粵漢鐵路馬頭是武昌爲南北幹路之

中樞將來商務必臻繁盛等於上海近年洋行買辦託

名華人私買地段甚多此處若由外人請開口岸設租

界距省太近營壘不能設法令不能行有礙防守查岳州係自開口岸名通商場不名租界自設巡捕地方歸我管轄租價甚優年年繳租各口所無一切章程尙屬妥善曾經臣前於光緒二十六年十月間援案奏請准將湖北省城北十里外沿江地方作爲自開口岸庶不失管理地方之權奉旨照議辦理等因欽此欽遵在案當經籌議開辦大致章程專設商場局派委湖北藩司瞿廷韶總辦局務洋務委員候選道梁敦彥署武昌府知府梁鼎芬充當提調督飭江夏縣安爲經理首先嚴禁奸商莠民不准冒名私買嚴飭地方官不准印契其

張文襄公全集

卷五十六 奏議五十六

四

時武勝門外一帶江隄築成涸出官民各地先已設有江岸局清查官荒收買民地迨江岸局將清丈收地給價立界事竣卽行撤局將契據文卷移交商場局管理並經雇募英國工程師斯美利來鄂飭令丈量地段將建築馬頭填築礮岸興修馬路一應工程詳細勘估測繪細圖核辦茲查通商場共計查出收買官民各地三萬餘畝共計用過地價局費銀二十三萬餘兩因籌款無出借撥漢口米商平糶捐銀七萬餘兩其不敷之數俱係息借華洋各商之款應付俟將來售出地價歸還目前之費雖鉅而將來之利無窮查沿江沿海各租界

當外人開辦之始經營草創費亦不貲其後商務一興地價驟漲上海一畝之地且有值至萬金者武昌東西扼長江上下之衝南北爲鐵路交會之所商場既闢商務日繁地價之昂可坐而待已嚴札飭行司局府縣立案目前無論華洋商人以及何項官局紳商意欲承領決不准輕給賤售總宜堅持數年待至五年之後鐵路大通北達歐洲南窮香港羣商趨之若鶩自然爭先訂租今日一畝之價異時百倍其值統計此地三萬餘畝合二百餘萬方此外如有可推廣收買者仍當體察情形相機擴充收買將來或租或售應視其遠近高下臨

張文襄公全集

卷五十六 奏議五十六

五

時酌定價值貴賤之等差若鐵路公司需用者亦須照議定通行之價承買卽官設之馬頭局所行棧亦一律付價其餘之地由各洋商領租各華商領買約估所得地價多少牽算以最廉之價每地一方值銀十兩計之計所繳租價買價亦值銀二千餘萬兩除撥還借款之外贏餘甚鉅可供開辦此項通商場修礮岸造馬頭設巡捕房設工部局設渡江大輪之用及本省興學練兵暨興辦農工商務等事經費此臣等所以亟圖經營不敢惜目前之費而忘久遠之謀者也尤可慮者此時如不預爲布置匪特失大宗之財用抑且損自主之治權

寢假各地悉爲外人冒購勢必又蹈租界故轍侵我統轄地方之權其流弊後患殆不可問今既由官收買斟酌出租既有開辦商場之資且免治權旁落之患實於大局有裨

硃批外務部戶部知道欽此

查勘盧漢鐵路片

光緒二十八年九月二十五日

再盧漢鐵路現已由漢口造至河南信陽州地方於本年夏間開車近日行旅商貨往來絡繹該鐵路公司洋總管屢請臣前往查閱查此項鐵路係臣創議興辦之事現將離鄂赴江自應親往一閱以究利弊茲於九月

張文襄公全集

卷五十六

奏議五十六

六

十七日辰刻自漢口乘坐火車啟行於申刻馳抵信陽十八日由信陽乘原車駛回計自漢口至信陽州共四百三十餘里中間所有道路橋梁工程俱極堅實宏壯車站水倉一律完整沿途商民欣悅爭謀造房屋開店鋪設行棧山鄉瘠壤頓有興旺氣象於民間生計裨益甚多地方農民工人亦均安謐湖北所派鐵路兩營沿途按段分紮恪遵規矩彈壓認真照常操練洋工司甚爲許可臣回至漢口後順道查勘法國新拓租界界址德國近年新開之租界及通火車車站之枝路並查勘比利時日本兩國現議未定之租界並會晤各國領事

商酌一切是晚即渡江返省

請獎萬斛泉等摺

光緒二十八年九月二十五日

竊惟朝廷設立學校慎選師儒所以培養士風修明學術湖北地方居長江之上游天下之中樞形勢雄偉人文秀蔚其間圭璧之彥舟楫之才必有達德爲之津梁名師示之模楷故能養成楨幹炳耀膠庠臣等先後來治此邦問俗思賢時加采訪亟欲表章師範垂示方來茲查有興國州處士疊山書院院長萬斛泉曾於咸豐九年經前撫臣胡林翼專疏奏稱萬斛泉結茅山中讀書講道賊至時正襟端坐賊不敢近自相引去仰蒙

張文襄公全集

卷五十六

奏議五十六

七

文宗顯皇帝賞給頂戴光緒九年前督臣涂宗瀛又專疏保奏仰蒙 皇上賞給國子監博士銜是其學行端純一鄉感化曾荷先朝之寵賚復承 聖主之恩言公論久昭士林翕服臣等聞萬斛泉今年已九十有三精神強健尙能日課諸生議論則正而不偏教思則老而彌篤及其門者類皆廉隅自勵不入公門以胡林翼所舉之耆儒至今猶在可謂楚國之蘭荃人間之星鳳矣又查御史銜蒙泉書院院長吳兆泰居心溫厚持論正直主講省城經心書院有年每論國事寤寐不忘江湖有魏闕之思松柏存歲寒之節前學臣王同愈重其爲

人疏稱其課士盡心成效卓著仰蒙賞還原銜吳兆泰
感激涕零益自淬厲今年甫五十若聽其優游講舍不
能效力國家實為可惜儻荷起用必不孤恩以吳兆泰
立朝有節居鄉有教求之今日蓋不甚多邇來風氣大
開學堂廣設通知時務之士講求變法之時果能有辨
邪正明義利者維繫其間收益更為闕遠臣等區區之
愚實在於此合無仰懇天恩將國子監學正學錄銜萬
斛泉一員賞給五品卿銜或國子監司業銜至御史吳
兆泰一員可否飭令送部引見優加錄用出自逾格鴻
施臣等為表章師儒整頓士習起見謹合詞奏請伏祈

張文襄公全集

卷五十六 奏議五十六

六

聖鑒

硃批萬斛泉著賞給五品銜吳兆泰著毋庸議欽此

保薦經濟特科人才摺

并清單 光緒二十八年九月二十六日

竊照光緒二十七年四月十七日欽奉 慈禧端佑康
頤昭豫莊誠壽恭欽獻崇熙皇太后懿旨為政之道首
在得人況值時局阡危尤應破格求才以資治理允宜
敬遵成憲照博學鴻詞科例開經濟特科於本屆會試
前舉行天下之廣何患無才其有志慮忠純規模闊遠
學問深通洞達中外時務者著各部院堂官及各省督
撫學政出具考語即行保薦並著政務處大臣擬定考

試章程請旨辦理等因欽此又六月初四日御史陳秉
崧奏保薦經濟特科請飭破除夤緣積習一摺復奉上
諭著各督撫學政於保送時虛心採訪果係物望素孚
確有實學者方准保奏等因欽此仰見聖朝宏獎人倫
綜覈名實之至意臣等伏念鄂省居天下之中江漢會
歸人才最盛近年自辦辦學堂以後士知向學材智輩
興其中根柢深研求有得者固自不乏而平日講學
宗旨尤以克端趨向力屏浮華為急務是以學堂卒業
各生成材更夥茲值特開曠典爰於鄂中人士就臣等
平素諮訪所深知者保薦六人得候選知縣前黃岡縣

張文襄公全集

卷五十六 奏議五十六

九

訓導楊守敬刑部候補主事姚晉圻國子監監丞前歸
州學正推升知縣劉德馨翰林院庶吉士饒叔光陝西
補用知縣丁禧瀚兵部郎中劉國柱等又於學堂肄業
各生中悉心甄錄保薦十人得舉人劉邦驥舉人胡鈞
附生陳毅舉人陳問咸舉人田吳焯舉人盧靜遠附生
吳元澤舉人陳會壽分省試用同知宋康復舉人萬廷
獻等皆就其學問品詣出具切實考語分別敬繕清單
恭呈御覽儻蒙俯允召試必能罄其所長臣等忝竊疆
符考覈詳確與有以人事君之義力存循名責實之心
用特縷晰詳陳伏候聖明采錄

謹將鄂省保薦經濟特科人才各生員出具切實考語
敬繕清單恭呈御覽

四品頂戴候選知縣前黃岡縣訓導楊守敬湖北宜都縣人壬戌

人舉

老成夙望博覽羣書致力輿地學數十年於列朝沿革險要洽熟精詳著書滿家卓然可傳於世

刑部候補主事姚晉圻湖北羅田縣人壬辰進士翰林院庶吉士

品行端謹不入公門奉母居鄉日以讀書為樂研精

史部識解甚高洽亂興衰能知其故可謂閎達雅才

國子監監丞前歸州學正推升知縣劉德馨湖北漢川縣人庚午

張文襄公全集卷五十六 奏議五十六 三

人舉

治家嚴整鄉望咸孚平日讀書教人以忠君孝親勤

儉耐苦為本故一家兄弟子姪皆能好學勵行為湖

北名門經史之學皆所殫心得其要領又能留心時

事才識不凡

翰林院庶吉士饒叔光湖北武昌縣人戊戌進士翰林院庶吉士

心地慈良品詣端潔熟精歷史於歷朝國朝名臣奏

議尤所究心志在用世洵為品學交修之士

陝西補用知縣丁禧瀚湖北江夏縣人癸巳舉人

文章爾雅內行修明素性耽書於算學一門采貫中

西精思獨運又嫻習吏事志識卓越用世之才

兵部郎中劉國柱湖北黃岡縣人

肆力古書留心時事志氣開廣文字清華少年遠到

之器

舉人劉邦驥湖北漢川縣人

天性至孝母喪三年不茹葷係兩湖書院優等學生

院章十日放假一日劉邦驥每遇書院放假日必上

母墳祭掃鄉人咸嗟敬之平日考求經史及用世之

書嗣派往日本遊學四年在成城學校畢業復在礮

兵聯隊畢業於礮學兵學測繪學算學化學醫學譯

張文襄公全集卷五十六 奏議五十六 三

書學皆能深究其理確可見諸實用又能主持正論

以忠君大義勸勉同輩雖邪說紛起恐嚇百端不為

少動忠肝義膽無媿古人現派湖北大學堂教習

舉人胡鈞湖北沔陽州人

志趣高遠才品俊拔係兩湖書院算學領班學生經

史文章皆有功力派往日本遊歷二次考求學堂教

育各要政精思卓識所得良多於測繪學算學譯東

書學最長治事之才尤為精敏現派湖北師範學堂

堂長

附生陳毅湖北黃陂縣人

學博思沈志氣高邁西北輿地最為精熟係兩湖書院優等學生曾派往日本遊歷兩次於教育一門盡心講求細密詳實所有辦理大中小學堂之法心中皆有規則不為空談一時才雋罕能幾及現派充湖北師範學堂堂長

北師範學堂堂長

舉人陳問咸 湖北安陸縣人

學問雅整氣質溫純係兩湖書院測繪學領班學生在兩湖書院數年安謹循禮從不犯規無近日學生尊陵習氣人品可貴曾派往日本遊歷兩次能譯教育書兼知其理所繪各圖工細準切經史俱有根柢

張文襄公全集 卷五十六 奏議五十六

三

文章亦斐然可觀現派充湖北自強學堂中學教習

舉人田吳炤 湖北江陵縣人

才志沈毅守道不移係兩湖書院優等學生經學文學皆能講求有得曾派往日本成城學校遊學二年又派遊歷一次學堂辦法及一切教育書能譯能讀才又足以副之尤精算學理法通明可以致用現派充湖北自強學堂中學教習

舉人盧靜遠 湖北竹谿縣人

質性聰穎心思精銳係兩湖書院優等學生算學本有根柢嗣派往日本遊學四年畢業復在步兵聯隊

畢業武事精能不避勞苦心術正大不附詖邪學成返鄂無矜誇之容偏謬之見論事辦事皆有條理實屬緩急可倚之才現派充湖北將弁學堂教習

舉人陳曾壽 湖北蘄水縣人

性行孝謹志趣光明係經心書院優等學生經史理學皆有工夫文筆亦復茂美近更博考西國諸政觀書有識宅心無邪尤於兵事勤求不懈所著有歷代兵事圖表指陳得失利害具見懷抱英特慨然負經世之才

分省試用同知宋康復 湖北漢陽縣人

張文襄公全集 卷五十六 奏議五十六

三

品行修謹志趣清超係經心書院優等學生研求經史饒有心得所為文字天骨開張才氣英偉大有宋陳亮薛季宣一流人氣概

附生吳元澤

原稿事略闕佚

舉人萬廷獻 湖北武昌縣人

志氣不俗品行謹飭係湖北武備學堂優等學生兵法已知梗概嗣派往日本遊學四年在成城學校畢業又在礮兵聯隊畢業於礮法戰法用心學習親身試演實得要領可以辦事現派充湖北普通中學堂

教習

張文襄公全集卷五十六終

張文襄公全集卷五十六 奏議五十六

函

新城王樹樸校

張文襄公奏議 卷五七

張文襄公全集卷五十七

奏議五十七

籌定學堂規模次第興辦摺

光緒二十八年十月初一日

竊臣等欽奉光緒二十七年八月初二日上諭作育人材端在修明學術著各省所有書院於省城均改設大學堂各府廳直隸州均設中學堂各州縣均設小學堂並多設蒙養學堂務使文行交修講求實用著切實通籌舉辦等因欽此仰見朝廷維持世運作育羣材諭旨中尤以修行為基以求實為主 聖主作君作師示之正軌曷勝欽服臣等伏念國勢之強弱在人才人才之消長在學校環球各國競長爭雄莫不以教育為興邦之急務其制以大學造就文武之通材以小學蒙學啟發國民之忠義化成國民之善良全國學堂多至十數萬區有普通之學以資人之博識有專門之學以待人之深造有實業之學以裕資生有美術之學以窮巧藝而蒙養之初又有所謂幼稚園者以撫育孩提而馴之於姆教揆其立法用意之精深合乎中國古先之制考日本教育總義以德育智育體育為三大端洵可謂體用兼賅先後有序禮失求野誠足為我前事之師雖中國地廣人多時艱帑絀改絃更張之始凡諸學制固不

張文襄公全集

卷五十七

奏議五十七

一

能遽求美備而宗旨不可稍涉摸稜規模不可過從簡略臣之洞於到湖北時創建兩湖書院經史之外兼課輿地算學圖繪等門旋復陸續添設自強武備將弁農務工藝各學堂延聘東西洋教習分課文武實業各種有用之學各書院學堂一律兼習體操兵操旋於光緒二十四年九月欽遵懿旨將兩湖經心江漢三書院於經史外均分課天文輿地算學兵法四綱門目遞增規模略具臣端方蒞任後與臣之洞時復親臨校課多方獎掖各門學術業已粗有基址茲奉明詔將各書院一律改設學堂遵經督飭司道武昌府詳籌速辦一面通

張文襄公全集

卷五十七

奏議五十七

二

飭各府廳州縣一體欽遵改設中小學堂一面委派員生分次前往日本考察各學校章程規制一切教育經理事宜以資參酌現辦各學堂大率皆仿照東西各國學校教育成法而其間亦間有增減酌改之處乃係就中國土風鄂省物力審度緩急不能不量為變通總以得西法之意適中國之用為主謹將鄂省現在各學堂辦法及鄂省籌辦各學堂要指列為兩類分條臚陳於左

計各學堂辦法十五條

師範學第一 查各國中小學教員咸取材於師範學

堂故師範學堂為教育造端之地關係至重除已選派優等學生三十一人前赴日本專學師範外湖北現在省城設師範學堂一所擇地城東賓陽門以南老官廟以東青草坡地方創建屋宇以東路小學堂附屬其旁歸師範學生教課以資實驗師範課程於普通學外另加教育學衛生學教授法學校管理法等科日課以八點鐘為率專為養成中小學堂教習之選定學額一百二十名目前暫行考取品學兼優之文生入學將來以中學堂畢業學生升入速成者一年畢業第二班兩年畢業第三班三年畢業速成科學生限二十五歲以上

張文襄公全集

卷五十七

奏議五十七

三

至三十五歲止正科學生限二十歲以上至三十歲止委署武昌府知府梁鼎芬充監督兩湖書院優等畢業生曾派赴日本考察教育之廩生陳毅舉人胡鈞充堂長並延日本師範教員一人充總教習現在急需教員故先辦速成師範嗣後擬遞進為高等師範所云每日課幾點鐘係連自修所功課併計各學均同其放假之期每逢 皇太后 皇上萬壽聖節 至聖先師孔子誕日除在學各教員率同諸生敬謹慶賀外並放假一日清明中元各放假一日端午中秋各放假三日暑假一箇月年假一箇月尋常每十日放旬假一日以資休

息大小學堂一律均同

小學第二 小學爲培養人才之源外國分尋常小學
高等小學爲二級年至七歲皆令入尋常小學卽初等
小學也四年畢業然後入高等小學其初等小學堂教
習多以習師範明教育之女師充選取其心氣和平教
而兼養中國師範初興士人之明教育學者尙難多得
何況女師十歲以下幼童舉動需人保持斷非學堂所
能管理祇可聽民間自設家塾及義塾教之外國所謂
家庭教育是也至官辦學堂自當從高等小學始湖北
現就省城內先設高等小學堂五所分東西南北中五

張文襄公全集

卷五十七

奏議五十七

四

路每路各設一所以便就學子弟中路以舊日保甲總
局改造充用南路以舊日工藝學堂充用北路以新裁
武昌左衛衙門修改充用西路以舊日武昌通判衙門
修改充用通判移駐新裁武昌正衛署東路附屬於師
範學堂此五學堂各定學額一百名招民間秀良子弟
能背誦經書一兩部文理粗通者入學四書未讀畢者
不收不能寫字者不收學年限十一歲以上至十四歲
止課目凡九曰修身曰讀經曰中文曰算術曰歷史曰
地理曰理科曰圖畫曰體操日課以六點鐘爲率四年
畢業委內閣中書銜訓導劉洪烈充提調

文普通中學第三 小學之上普通學爲最要小學所

以教爲民之道普通學所以教學爲士學爲兵者之道
故日本教育家苦口詳言皆以普通學爲文武百事之
基普通學若稍有闕略含糊則以後各種學術皆事倍
而功半湖北現於省城設文普通中學堂一所以原有
自強學堂添改充用定學額爲二百四十名目前以兩
湖經心江漢三書院舊班學生通行合校等差或歸入
高等或歸入普通分別辦理將來以高等小學堂畢業
學生升入學年限十五歲以上至二十四歲止課目凡
十二曰倫理曰溫經曰中文曰外國語文曰歷史曰地
理曰數學曰博物曰理化曰法制曰圖畫曰體操日課
以八點鐘爲率四年畢業委湖北試用道黃紹第充監
督湖北試用同知高凌霨充提調

張文襄公全集

卷五十七

奏議五十七

五

武普通中學第四 又設武普通中學堂一所擇地於
墻子山迤南創建此項學堂日本名爲中央幼年學校
非由此學出者不得入士官學校茲定學額爲二百四
十名目前考選文理通順體幹壯實之生童入學將來
亦以高等小學堂畢業學生升入學年限十五歲以上
至二十四歲止武普通學科與文普通同惟操場功課
加密并加入步兵操典野外要務令工作教範技擊泗

水馬術野外工作打靶等科日課以八點鐘為率在堂四年即入營學習當兵充三等兵兩箇月充二等兵兩箇月充頭等兵兩箇月計在營當兵半年共四年半畢業委湖北候補知府黃以霖充監督餘以遊學日本士官學校畢業學生分辦堂事入文普通學者其外國語文分習英日兩國語文入武普通學者其外國語文分習德日兩國語文

文高等學第五 普通中學既成應升入高等專門學湖北現於省城設兩湖高等學堂一所即就原有兩湖書院酌量修改充用以課高等專門之學其科目酌分

張文襄公全集 卷五十七 奏議五十七 六

八門經學第一中外史學第二中外地理學第三算學第四道德學文學均附於經學之內國朝掌故學附於史學之內測繪學附於地理學之內天文學附於算學之內此四門為中西公共之學延聘中國專門教習教之理化學第五法律學第六財政學第七兵事學第八此四門為西學延聘東西各國專門教習教之查外國大學分法文理醫農工六科兩湖高等學科八門已兼括文法理三科其農工兩科亦經專立實業學堂至醫學則於將弁學堂內列軍醫一門此學堂各門程度皆與外國之高等同然即是大學堂之豫備科故亦可稱

為兩湖大學堂定學額一百二十名目前以兩湖經心江漢三書院優等學生入學先補習普通一年再習專門三年日課以八點鐘為率計四年堂課畢業即派往東西洋遊歷總計在堂四年出洋遊歷一年共五年畢業將來以文普通中學堂畢業學生升入分習專門三年堂課即可畢業即派往東西洋遊歷在堂三年出洋遊歷一年共四年畢業委翰林院編修王同愈為監督內閣中書銜前直隸霸州學訓導紀鉅維充副監督奏調湖北差委廣東候補道王秉恩充提調

武高等學第六 於省城設武高等學堂二所此項學

張文襄公全集 卷五十七 奏議五十七 七

堂日本名為士官學校在此學畢業者乃得為武官茲湖北所設其武高等學一所名武備學堂以教本省舉貢生監募德國教習三員教之定學額為六十名略比日本士官學校課目凡十曰戰法曰輿地曰測繪曰算學曰體操曰軍械曰臺壘曰步隊學曰馬操曰礮隊學日課凡八點鐘目前以舊班學生分習馬礮工三科專門高等學在堂一年入營一年半年補習當兵半年作為學習武員共二年畢業新班學生補習普通及以上各科專門學在堂三年入營一年半年補習當兵半年作為學習武員共四年畢業數年後以武普通中

學堂畢業學生升入在堂二年入營充學習武員半年共二年半畢業委前廣東知縣李鍾珏充提調開復山東莒州知州蔣楷充總稽察又武高等學一所名將弁學堂定學額一百名略仿日本戶山學校專取在營已有閱歷之武職官弁隊目而又文理明順者充選使之研求學術增進智略募日本教習五員教之課目凡十三曰軍制曰戰術曰兵器曰數學曰衛生曰操法曰築城曰野操曰兵棋曰測圖曰戰術實施曰技擊曰軍醫曰課凡八點鐘三年畢業現先教速成科一年半畢業查將弁學堂科目較武備學堂多數門因入學之人皆

張文襄公全集

卷五十七

奏議五十七

八

已在營之人重在管理運用故加入軍制衛生兵棋技擊軍醫等門委統帶湖北護軍等營副將張彪湖北候補知府黃邦俊充管理

方言學第七 理解既明性情既定自應兼習各國語言文字以資應變致遠茲設方言學堂一所以原有農務學堂充用教以英法德俄日本五國方言及地理歷史算術公法交涉等學科此堂學業注重在於外交日課凡八點鐘定學額一百五十名每國文字三十名學年限十五歲以上至二十歲止目前以自強學堂舊班學生擇其品端文優者留學將來亦以普通中學堂

畢業學生升入前兩年以華人爲教習兩年以後所造漸深再聘西人爲教習共五年畢業委湖北試用知府程頌萬充提調

農學第八 利民之事以農爲本以工爲用中國養民急務無過於此外國名此等學術爲實業學堂湖北現將原有之農務學堂移建城北武勝門外多寶庵地方令與試驗場相近其試驗場係修堤後涸出官地圈出二千畝充用分課農桑畜牧森林各門之學定學額一百二十名目前舊班學生尙未畢業將來亦以普通中學堂及高等小學堂畢業學生升入前二年補習豫科

張文襄公全集

卷五十七

奏議五十七

九

後二年習正科日課凡八點鐘四年畢業委咨調河南特用道桑寶充總辦湖北候補知府汪鳳瀛充提調候選光祿寺署正羅振玉充總經理

工學第九 其原有之工藝學堂改設於舊日之江漢書院分課理化機器製造織染建築各門之學其學工師之學生定學額六十名附設藝徒額三十名目前舊班學生尙未畢業將來亦以普通中學堂及高等小學堂畢業學生升入亦前二年補習豫科後二年習正科日課凡八點鐘四年畢業委候選道梁敦彥充提調請補鶴峰州知州查雙綏充副提調

勤成學堂第十 凡各學堂皆有一定次序學額年限此外尚有文優年長諸生格於年齒精力不能按課中程及演習體操以致無從求益未免向隅茲專設勤成學堂一所卽以原有經心書院改充以教年長嚮學而不能收入學堂之生員凡羣經諸史及中西政藝之書有神實用者擇要購藏以供講習討論不分科目不立年限不限額數由官分期考課試以策論圖考等事量給獎賞以內閣中書銜楊守敬充總教長在籍戶部主事姚晉圻翰林院庶吉士饒叔光充副教長

仕學院第十一 湖北省城本設有教吏館茲於教吏

張文襄公全集

卷五十七

奏議五十七

十

館內添設仕學院一所令本省各官講求中西各門政治之學不限額數中學講國朝掌故湖北地理水利算學條約四門分延中國通儒爲講友西學講理化法律財政兵事四門已延聘東西各國專門通儒爲講友並延聘在籍工部郎中程志和爲監督

學堂經費第十二 所需經費除原籌常年的款暨在籍提督劉維楨報效興建學堂經費十萬兩分五年呈繳先行息借抵用外其餘以漢口籤捐彩票盈餘之項隨時提用如有不敷再行另籌湊補查外國學堂惟師範學生不收學費學成後限令充當中小學教員若干

年不得遽圖仕進及別營事業謂之義務責任初等小學堂亦由國家發款不繳學費謂之國民教育此外各學堂學生每年均須酌繳學費中國創辦之初未能遽議及此湖北各學堂凡本省學生除小學堂永不收費外其餘兩年之內均擬暫不收費湖南爲督臣兼轄省分議定高等學堂文武普通中學堂方言學堂湖南各占額三十名師範學堂占額四十名每名每年酌收學費銀一百元聊資貼補由湖南商業籌捐代繳他省有送學生來鄂附學者每名每歲酌收學費一百六十元查外國惟武學堂學生必須寄宿學舍以便約束小學

張文襄公全集

卷五十七

奏議五十七

十一

堂學生概不留宿學舍以取簡便茲湖北凡中學堂以上學生不論文武實業皆住學堂意在便於考察行檢高等小學堂學生年歲尙幼寒暖起居必須家庭照料故不合住宿舍內

省外中小學第十三 省外應設中小學堂係令各道府直隸州治所各設模範中學堂一所各州縣治所各設模範小學堂一所以示程式而資倡率官籌經費其餘聽紳民自行勸捐舉辦現已據稟就原有書院添籌常款舉辦者十餘處其餘因籌款未定尙未稟報

蒙學第十四 至蒙養學堂日本謂之初級學堂其法

每一村鎮有戶口五六百人者即須設一所爲數甚繁需費不貲公家斷難籌此鉅款惟有由官編訂教科書酌定簡明規則頒發各屬勸諭紳富就地集捐分區設立略如義塾之例以多爲貴其教員仍由官爲考核稽查視其勤惰量予懲勸

學務處第十五 學堂林立學務殷繁必須設一總匯之所以資理董現設湖北全省學務處一所派委總辦參議等員常川到處專辦此事所有省城及各府州縣大中小學堂暨民間私設各學堂以及出洋游學各生統歸學務處隨時稽察考核各學堂課程門目畢業年

張文襄公全集

卷五十七

奏議五十七

三

限管理人員職守凡異等者應分立章程同等者應會通畫一均責成學務處籌辦查署武昌府知府梁鼎芬在鄂主講多年各書院學堂大半皆出其門下該府學術純正誠懇精勤士林素深悅服候補知府黃以霖久在日本專考究武學堂及營制事宜最爲精審茲特委梁鼎芬爲文學堂總提調委黃以霖爲武學堂總提調以資統核貫通並於學務處附設編譯局令該府等管理

以上十五條係現在學堂辦法

計籌辦學堂要指八條

小學爲急第一 各國教育家之言謂造就人材備國家任使爲第二義其第一義則謂知學爲人民當盡之職分使人民入學爲國家當盡之職分故全國初等小學經費皆官任之其教法大指一在修身使人人知義理一在愛國使人人知保護國家一在資生使人人謀生有具故謂之義務教育又曰國民教育言必入學知大義而後爲我國之民不入學則不知民與國一體之義不得爲我國之民且君上不使斯民開其知覺是視同膜外不以爲本國之民也蓋小學教其爲良善之人中學大學則教其爲有用之人西人視國者每視小學

張文襄公全集

卷五十七

奏議五十七

三

官費年限之久暫與全國入學分數之多少以爲文明程途之比較不汲汲問大學堂之成才若干也然入學分數多者其中學大學之制度自必詳備而人才亦自然蔚起於其中日本入學分數約十之八猶以爲憾日圖擴充中國生齒最繁經費奇絀學堂初開其得入學者不過百中之一二然所謂國民義務之宗旨凡任學務者斷斷不可迷昧故此時各處興學首以小學爲急夫有師範然後有小學師範固難必得無數之師範可以供全省之小學則尤難故今日首以造就師範生爲急易曰蒙以養正周子曰師道立則善人多此之謂也

日課專加讀經溫經時刻第二 小學堂添設讀經書一科每日計功八刻普通中學添溫經一科每日計功八刻此時刻係加出於西法學堂時刻之外於他項學業並無所妨查外國學堂小學時刻不得過四點鐘至五點鐘中學不得過六點鐘中國學堂向來平旦入塾其勤苦者焚膏繼晷今擬小學加為六點鐘中學加為八點鐘中小學僅每日各加兩點鐘為溫習經書之時刻在學生仍覺寬舒既存根本亦不勞苦

教科書宜慎第三 此為學務中最重要之事學出於道道與時為變通則學與時為輕重中國舊籍繁富為

張文襄公全集 卷五十七 奏議五十七 西

專門博考精研之書則甚多施於教科可以刻期畢業而又按切今日時勢堪應世變者則甚少有必須另行編纂者有不得不譯用外國書者日本教學全做西法惟宗教科則改為修身論理自編課書其餘如輿地圖算理化各科多本西籍近猶時時採取參用之而人才日出不窮此用他國書而得大利者也俄羅斯學堂用法蘭西民主國之教科書而學生屢次滋事此用他國書而得大害者也關係至鉅烏可不慎即如輿地動植理化各科雖譯用外國書亦須詳加酌改一曰義類如輿地學當詳內而略外動植學當先所習見而後所希

聞是也二曰名詞如動植學當用本名不當用譯語理化學當參用舊譯不當盡用新名是也三曰文法當潤色之使明白條暢合於中國古今文法語氣不當用直譯之本多詰曲支冗之詞是也兩湖書院課書向係專門教習以己學講授就其所講排日編譯即為課本雖淺深繁簡或未能如外國課書之精到合宜而大旨必不詭於正講授亦有次第學生領解甚易受益甚速查日本設學之初官編課書未能盡善後聽民間有學之士編纂呈文部省檢定善本漸多現在京城大學堂所編課書尚未頒行江楚編譯局雖成有數種然閱其稿

張文襄公全集 卷五十七 奏議五十七 五

本尚須詳加改定民間間有纂譯純善實難鄂省學堂擬仍暫取舊時課本斟酌修補用之並取舊有之書如朱子小學陳宏謀養正遺規教女遺規訓俗遺規司馬光通鑑目錄稽古錄齊召南歷代帝王年表鮑東里史鑑節要便讀潘世恩讀史鏡古編時人編譯現有印本之桑原隲藏東洋史要西洋史要歐洲史略列國變通興盛記地理問答略說普通學初階普通學前編心算啟蒙算學啟蒙筆算數學物算教科書筆算教科書代數備旨形學備旨化學初階化學新編格物入門格致舉隅格致啟蒙西學啟蒙十六種西學須知二十七種

教授學學校管理法學校衛生學德國武備體操學日本普通體操學上海銅版地球全圖東半球圖中國全圖鄂省新刊湖北全省輿圖長江圖等圖書開單發交省內外中小學堂以此暫為講授并備教員參考已不至誤入歧途俟新課書編成再為頒發至外國教習所講法律財政兵學各書由臣等核定再令講授再另有小川所著東洋史要與上項所言桑原著者不同於學堂不宜合併聲明

學堂規制必宜合法第四 學堂建造之要有三二在便於衛生水土之污潔空氣之通塞光綫之斜正一有

張文襄公全集

卷五十七

奏議五十七

六

不慎則貽害甚多二在便於教授講堂寬廣合度則耳目不勞旁無人聲則心思始一至於試驗理化之房室繪畫地圖之几案皆與尋常不同必當妥為布置三在便於管理退習食宿不在一處則稽查難課餘游息別無餘地則約束難鄂省文武大中小各學堂處處皆求完備合法不敢稍存苟簡遷就之念新建者布置固須盡善已成者稍有不合必加修改計以上各學堂有禮堂有講堂每處講堂少者四座多至八座理化講堂附所有器具藥品試驗室此外有自習所有寢息所有會食所有盥浴所有課餘息游所有養病所有應客所有圖

書器具所有操場而武學堂之操場設置尤備其間各學堂間有數事不能完全亦有暫時借地開辦尙待遷移者以後仍擬一律照辦至各堂學生按照西法會食有定地卧起有定時衣冠有定式不得參差故各學生火食及講堂之冬夏衣冠鞋帶操場之冬夏衣冠鞋帶寢室之卧具修業之圖書紙筆測繪器具診病之官醫藥物皆係官為置備以期範於定法之中得以專心修學

文武相資第五 外國蒙學堂幼童每出門行走皆用行軍步法其長執小紙旗率之至文學堂則有體操無

張文襄公全集

卷五十七

奏議五十七

七

兵操日本貴族學習院則有兵操湖北文武大中小各學堂及方言農工等學堂皆有體操兵操文普通高等皆兼學乘騎遇有典禮各書院學堂文學優等諸生皆一體服用兵衣列隊持槍行步皆以兵法部勒隨同閱操亦然住則支帳監學文員即為隊長此為中國士氣過弱因時制宜與西法貌似不盡合而意實密合
教員不遷就第六 所有學務處及各學堂教員除實缺司道大員論官委任但取其總司考核外其餘自總提調起以至監督各堂提調管理教習監學領班皆擇究心學務之員或會到外國考察學制或向來講求東

西各國教法或曾經自行創設學堂或曾遊歷東西洋者務令各舉其職

求實效第七 其要義有三一曰不惜費若堂齋書器不求完美衣冠食宿不為籌備惟以節省為主則苟且散亂約束無方講習無效所用盡屬虛糜論語所云見小利則大事不成管子所云嗇則費此之謂也二曰不嫌緩功課不宜太多畢業不宜太速若急於見功不先多開小學而驟入中學徒務虛名不通中學而強入大學則根柢不清講授無序師勞徒昧苦而無得欲速反遲不惟此也儻未經小學累年之訓迪講明尊親之大

張文襄公全集

卷五十七

奏議五十七

六

義服習規矩之實功中學堂高等學堂內不酌分時刻講習經書而徒教以各種藝術中外治理洋文兵事是猶無址而培其壟其壟必仆內有邪熱而投以補劑其病必狂將來徒為亂民有害無利論語所云速成非求益孟子所云揠苗助長學記所云雜施而不孫此之謂也三曰不靳賞學成而予以名試以事則人才日奮而人心亦日固矣學成而不用或用而非所學則人才日沮而人心亦日渙矣故普通學實業學高等學畢業之學生以及出洋游學畢業之學生切望朝廷優加鼓舞量材任用明定出身之階則天下數十萬區之學堂不

煩庫款可以五年而起昔漢設利祿之途以待儒林而經學十四博士遂興唐太宗見新進士綴行出殿門謂天下英雄入吾彀中足見帝王網羅羣才惟以科名爵祿為激揚之具士心既然鼓舞民心自無他歧禮記所云不從其所令從其所行上好是物下必甚焉此之謂也又嘗考日本教育家之言曰人才之能成就與否全視國家之任用與否又曰學堂每年成材若干人必須適符國家錄用若干人方為無弊此言尤為深切著明者矣

防流弊第八

其要義亦有二一曰幼學不可廢經書

張文襄公全集

卷五十七

奏議五十七

九

中國雖貧弱而人心尙不至離散以人誦經書綱常名教禮義廉恥之重浸灌人心深固而不可搖動故也西國學堂皆有宗教一門經書即中國之宗教也今日略知西法辦學堂者動謂讀經書為無益廢時必欲去之百喙一談牢不可破此大謬也嘗考古人為學原有誦誦一門見於周禮戴記其時經籍簡少並不為害故漢之名士有讀書精熟之稱魏之經生有讀書百遍之法其弊始自六朝尙對策唐取帖經兩宋重詞科並記註疏子史北宋又設神童科幼稚即記多經於是學童讀書務為苦讀強記以致耗精多而實用少今欲救之但

令仿古人專經之法少讀數部可也或明其大義不背全文亦可也若小學不讀經中學不溫經則萬萬不可核計諸經字數自十歲起至十八歲止即日讀一百字可讀畢四書一部大經一部中小經一部可期記誦純熟其願讀何經聽父兄及本人自擇查小學日課西法每日十六刻中學日課每日二十四刻今湖北章程擬小學加八刻爲每日二十四刻中學加八刻爲每日三十二刻較之中國書塾舊法尙覺寬舒若謂十一歲以上之學生每日小學堂入學三箇時辰中學堂入學四箇時辰日讀一百字卽致傷損腦筋促人年壽恐必無

張文襄公全集

卷五十七

奏議五十七

三

此理也蓋經文古奧幼年讀之明其義理之淺者長大以後漸解其義理之深者若幼學未經上口且並未寓目中年以往必更苦其奧澁厭其迂遠豈耐研尋不惟經典卽隋唐以前之子史文義亦皆深雅若少年不讀古書者長大必不能解或謂可俟中學普通既成再令讀經講經此必無之事也普通學成中人之資大率總在二十五歲上下既自命爲畢業通才豈肯伏案誦讀經傳始則無人肯讀三十年以後則宿儒已盡後學茫然必致無人能解從此經書廢絕古史亦隨之中國之理既亡中國豈能自存乎二曰不必早習洋文先入爲

主萬事萬理皆然地球萬國未有自忘其語言文字而能自立自強者中文未通專習洋文則不能讀中國之書明堯舜周孔聖教之理不能知中國古今事不能辦公牘不能與平人通書札卽使謹厚無他亦終不堪大用況浮薄忘本勢所必至乎故必待至高等小學畢業後始令兼習外國語言文字其時年僅十五六歲口舌仍屬靈便並不爲遲三曰不可講泰西哲學中國之衰正由儒者多空言而不究實用西國哲學流派頗多大略與戰國之名家相近而又出入於佛家經論之間大率皆推論天人消息之原人情物理愛惡攻取之故蓋

張文襄公全集

卷五十七

奏議五十七

三

西學密實已甚故其聰明好勝之士別出一途探賸鉤深課虛鶩遠究其實世俗所推爲精闢之理中國經傳已多有之近來士氣浮囂於其精意不加研求專取其便於己私者昌言無忌以爲煽惑人心之助詞鋒所及倫理國政任意抨彈假使僅尙空談不過無用若偏宕不返則大患不可勝言矣中國聖經賢傳無理不包學堂之中豈可舍四千年之實理而鶩數萬里外之空談哉

以上八條係籌辦學堂要指

所有湖北文武大中小學各事宜自去冬今春以來汲

汲經營茲已將學等學門學規學期學額學師學地學費等事籌定規模具有綱領等差分投興辦按期講授其各學堂課程表當另咨政務處及大學堂備考惟各項章程條理甚繁未敢謂遽臻詳備統俟隨時體察如有必應修改之處屆時酌辦至各府州縣中學小學當隨時飭催興辦竊惟湖北為中國南北樞紐尤為華洋人物輻輳之區近年東西各國文武官員及游歷文士來觀鄂省書院學堂者不可勝數往往徧覽詳詢視為至大至要之事臣等明知鄂省財政艱難惟念今日中國欲轉貧弱為富強舍學校更無下手之處即目前開

張文襄公全集

卷五十七

奏議五十七

三

辦規模亦為外人觀聽所繫故竭蹶圖成不遺餘力以後惟有獎率師生按照定章認真勸學計日程功庶幾賢才眾多蔚為楨幹以仰副朝廷樹人化民之至意

硃批管學大臣議奏欽此

籌辦練兵事宜酌議營制餉章摺

光緒二十八年十月初一日

竊臣等恭讀光緒二十七年七月三十日上諭前因各省制兵防勇積弊甚深業經通諭各督撫認真裁節另練有用之兵因念練兵必先選將而將才端由教育而成自非廣建武備學堂挑選練習不足儲腹心干城之選但學堂成效既非旦夕可期其各省之設有學堂者

學成之員現尚不敷分調惟有先就原有將弁擇其樸實勤奮者遴選擢用著各省將軍督撫將原有各營嚴行裁汰精選若干營分為常備續備巡警等軍一律操習新式槍礮認真訓練以成勁旅仍隨時嚴切考校如再沾染積習窳惰廢弛即行嚴參懲辦朝廷振興戎政在此一舉各該將軍督撫務當實力整頓加意修明期於日有起色無負諄諄申做之至意所有改練章程應如何更定餉章著政務處咨行各省悉心核議奏明辦理將此通諭知之欽此旋承准政務處將酌擬變通辦法咨行到鄂仰見朝廷振興戎政亟圖自強之至意臣

張文襄公全集

卷五十七

奏議五十七

三

等竊惟國必有兵而後能存兵必有學而後能精若不洗舊習一掃舊弊武備斷無起色臣之洞白到湖廣任後即汲汲於此誠見綠營制兵疲惰頑固萬難改練即舊日勇營錮習亦深僅足為彈壓地方之用緩急仍不足恃於是慎選將領另募精壯聘募洋員分司訓練一切分伍編隊操法營規均參仿德日兩國最新軍制一面創設武備學堂考選體壯文優之舉貢生監入堂肄業講求馬步礮工戰守方略以儲將校之材一面遴派將弁分番前往日本考察陸軍編制情形閱視野外大操運用以資仿效頻年竭力經營不敢以籌餉艱難

稍存畏縮自庚子擾亂以後大局岌岌尤爲殫心於此洋操營勇之數日漸增多營制操法日益研究現計有洋操護軍左右兩旗步隊八營馬隊一營礮隊一營工程隊一營武建軍左右兩旗步隊八營武愷軍步隊四營武防軍步隊四營又護軍鐵路營步隊四營臣端方抵任後疊次會同臣之洞親臨校閱營操野操等事均屬一律優嫺整肅動合法度雖不敢謂訓練已臻精善似已有五六分功夫查湖北洋操各營專爲征戰之用每正勇一名月支銀四兩二錢正棚頭月支銀四兩八錢副棚頭月支銀四兩五錢護勇月支銀四兩五錢火

張文襄公全集

卷五十七

奏議五十七

三

銀五萬七千二百五十餘兩除護軍左旗步隊四營現擬調赴江南外又有護軍鐵路營四營防護楚豫境內路工關繫甚鉅應仍擇要分紮專門換防將來應另籌專餉不入此數內計算計武昌省城實存步隊二十營馬隊礮隊工程隊各一營共員弁兵夫七千六十餘員名茲擬酌照日本陸軍師團兵制編作常備軍左右兩翼每翼步隊兩旗每旗各分四營每一營員弁兵夫共二百九十八員名每一旗員弁兵夫共一千一百九十二員名加督帶並所置文案委員軍醫號護二十四員名共一千二百一十六員名一翼兩旗員弁兵夫共二千四百三十二員名礮隊一旗分三營每營過山快礮八尊共計快礮二十四尊三營共員弁兵夫四百二十六員名係照新建軍酌減得其三分之一馬隊一營員弁兵夫一百四十九員名馬一百三十六匹照新建軍酌減得其四分之一工程隊一營共員弁兵夫四百零七員名輜重隊一營共員弁兵夫一百二員名左翼統共三千五百一十六員名右翼一切與左翼同左右兩翼統共員弁兵夫七千三十二員名共月需餉銀三萬六千二百一十一兩六錢左翼步隊二旗共八旗以護軍右旗四營武建左旗四營充用礮隊一旗共二營馬隊一

張文襄公全集

卷五十七

奏議五十七

三

營工程隊一營均用護軍原營原額祇須添練輜重隊一營右翼步隊二旗共八營以武愷軍四營武防軍四營充用其礮隊一旗共三營馬隊工程隊輜重隊各一營及左翼輜重隊一營均即以武建軍右旗步隊四營分撥改練兩翼共員弁兵夫七千三十二員名視原存各營人數大略適足敷用惟以步隊改練馬礮工輜各營須添配馬匹及加增勇糧馬乾每月須增一千餘兩以調赴江南護軍步隊一旗教練隊一營騰出餉項七千九百五十餘兩計之則所省甚鉅論武漢形勢重要華洋具瞻實為天下重鎮必宜有精兵一兩萬人始足

張文襄公全集

卷五十七

奏議五十七

三

鎮懾濟用照此所擬步隊兩翼尚不足日本一師團兵額實出於勉強節縮已係萬不可少之數若湖北省以後餉力但能勉強支持即照此營制亦成一中小規模設或以後餉源太絀力實不支則此四旗步隊之正兵不妨再行酌減十成之三或尙可勉敷操法而兩翼編配營制則萬不可更哨弁以上各員亦萬不可減最為緊要關鍵俟餉項有餘兵數仍可補招足額若財力大裕則每翼步隊應再添設一旗以厚兵力更合日本三大隊合為一聯隊之法或再須擴充則照此一翼酌合之制儘可量力添練增設常備中軍再增設常備前鋒

軍再增設常備策應軍均可隨宜酌辦此湖北改設常備軍左右兩翼既定目前規模兼為將來籌計者也此外各防營皆分駐各屬要地漢防營駐夏口廳漢靖營駐新隄工防營駐槍礮廠沙防營駐沙市宜防兩營駐宜昌府襄防馬步三營分駐襄陽府轄境岳防兩營駐岳州防湘鄂交界門戶緝私兩營駐麻城一帶以上各營專為巡緝盜匪彈壓地方保護教堂查緝私鹽等用因一時實無許多學堂出身之營哨官惟有擇其勤樸曉事明習緝捕不肯擾民者充當管帶照舊屯紮訓練即作為湖北續備兵俟常備洋操各軍有年滿退伍者

張文襄公全集

卷五十七

奏議五十七

三

即發至以上各營充補此項續備兵至巡警軍一項目前似可姑以省內省外各標綠營挑出之練軍充數然習氣已深斷難得力不惟無益而且擾民且警察乃專門學問與營伍不同尋常兵勇斷不能充此選即精兵亦不相宜此項練軍只可酌量派以彈壓緝捕看守局庫等事不宜令員巡警軍之名以致名實相戾致礙將來通省認真開辦警察之局必須另籌辦法另摺奏陳至湖北原設營務處章程尙略現當整頓新軍之際自應查照北洋常備軍制分設參謀營務處督操營務處執法營務處各分責任若糧餉軍械軍醫等局因鄂省

財力甚艱總辦以下各員或量才兼攝或酌省歸併稍事變通至湖北練兵要義約有數條臚列於左

一入營之兵必須有一半識字 外國無不深通學問之將無不通文理不能明算不能畫行軍草圖之弁無不識字之兵蓋兵不識字遇有傳達命令探報敵情及一切行軍規模符號營官所發地圖皆不免有茫昧扞格之虞鄂省洋操各營多少牽算識字者約可得半至營官哨官哨長絕無不識字者

一人人皆習體操 先習柔軟體操器具體操再習兵式體操凡雙杠單杠木城跳臺天橋木馬游木暈浪架之屬以及跳濠越險諸技人人皆習既以練其筋骨亦以助其興會

一各營人人操礮 礮法精密較槍隊爲難練鄂省凡洋操各營雖有馬步礮工之別無論何營皆發有礮十餘尊勇丁人人皆令演習遇有增添礮隊時易於補足

一馬隊不設馬夫 各國軍營學堂最重乘騎學馬隊從無另設馬夫之說蓋騎兵以善養馬爲先故湖北洋操馬隊皆令馬隊自養俾得防其疾病調其性情

一營房力求整潔合法宜於衛生 舊日營壘多係卑濕黑闇擁擠蒸熱士卒易致疾病軟弱而且志氣狹促

張文襄公全集

卷五十七

奏議五十七

三

毫無奮揚之氣湖北洋操各軍營房皆擇高明爽塏之地特加創造操場廣平房屋整潔見日通風多受空氣

營哨官之屋與兵丁同不准別加高大精緻惟全營將弁會集所則有寬大廳堂每一旗全營有大講堂每一營皆設有小講堂看槍礮臺壘工程式樣有屋閱報有屋沐浴有屋養病有屋各兵器械有定所衣被有定數眠食有定時千人一律故今年疾疫盛行士卒罕有因疫致斃者

一器械資裝隨身具備 湖北洋操各軍軍裝衣袴鞋帶及雨衣背囊水瓶糧袋等件均官爲置備一一齊全

張文襄公全集 卷五十七 奏議五十七 三

兵丁每有行動無論遠近各件皆須背帶其所需乾糧藥彈日日隨身帶足該管營哨驗明缺者有罰

一待兵以禮 湖北洋操兵丁非違軍令犯重案革伍該營本管官不許輕行責打不許作賤役遇有迎送上官等禮節不許全營遠出站隊免致作無益而誤操功

尤不准聲放排槍以亂軍律

一統帶營哨官皆親身教操不准用教習 舊日洋操兵之所以練不能精者以用教習之弊爲最大設有教習則營官哨官皆可以貪庸無能之人濫竿充數營壘法式槍礮理法隊伍分合一切教練事宜懵然不知一

切教法付之教習權力不專臨操已不甚聽從操場一散卽仍聽營哨官之指使謬令雜役紛紜百出全與操法軍制違戾臨操之時統帶官熟視其旁一若已不與其事者最爲可怪一旦出防遠征則仍聽統帶營官之妄加調派如此則永遠練習不成何論戰勝外國學堂有教習營中無教習如統帶不能教營哨官營哨官不能教兵勇卽是不稱統帶營哨管兵之職湖北洋操各軍並無教習營官現在大半皆係學堂出身卽非學生亦係常在操場講堂會聽洋教習講授者臨操之時目統領起皆係長官自行傳呼口令此事經營六七年陸續選儲更換近始辦到

張文襄公全集

卷五十七

奏議五十七

三

一將領營官哨官不許穿長衣 從前大學士曾國藩尙書彭玉麟水師定制船上官弁皆不許長衣所以習勞示武用意甚精近年武員冠服華美雍容寬緩圓熟趨鏘實爲全球萬國之所無夫將無壯氣安望士有戰心鄂省定章各勇營之統帶以下以至哨官等皆只許服用軍裝貂尾頂帽長袖馬褂戰裙之類至下操人隊時並戰裙亦去之除將領兼有實缺者遇有典禮時准穿外褂長袍餘時不准勇丁更不待言自實缺總兵起武職概不許乘轎

一閱操之時各官皆不許坐看 外國看操時無論何等貴官高爵皆係立觀從無升廳列坐之事數年以來德國親王亨利及各國提督兵官等來鄂看操者極多皆係終日植立且見我兵隊致敬皆舉手還禮無一國一人不然中國舊習重文輕武最爲惡習鄂省定章車轎不准入營門凡閱操時卽臣等亦係在旁植立巡行司道以下皆同若爲時過久則在操場外旁設一帳略憩片刻若閱野外行軍操則或行或立或地坐不准設椅凳交牀之屬若各官精力疲弱不能耐此勞苦者准其不到操場其到武備等學堂看操亦同此條現已通飭立案著爲定章

張文襄公全集

卷五十七

奏議五十七

三

以上十條皆係現辦者

一以後新募兵暗寓試行徵兵之法 募勇之弊一在來歷良莠無從考察一在藝成後卽潛往他軍一在征戰潰逃無從查拏一在年齒已長不能遣散更換遣散卽無以爲生凍餒則可閱爲匪則可慮查兵氣非新不可募兵非有來路不可換兵非有去路不可外國徵兵之法全國皆入兵籍視爲應當之差應盡之職凡係國民必有數年當兵之年限雖王侯貴家子弟亦然非殘廢患病不免其善有四一本非下等游民自愛自重人

亦愛之重之二籍貫身家清楚三一軍皆同鄉里可以相識相救四潰逃不法者有鄉里戶族可以查拏最有三代漢唐古意但今日中國驟難仿行籌思累年復訪詢外國武員擬爲一法以後如常備兵退伍更換者卽專募本省人補之湖北民風以江北之德安安陸荊門襄陽鄖陽數府州較爲魁梧強勁宜於爲兵漢陽府屬之近河南境者亦尙可用假如每一次更換一千人卽就此數府中專擇一兩府選募之中國募兵之害由於應募者皆貧困無業之人藉從軍以餬口所以難於裁遣查日本徵兵之制其入選者皆係有身家之人不收

張文襄公全集

卷五十七

奏議五十七

三

參用客兵抑或全行漸改土兵應俟數年後各省臨時體察情形有無流弊再行酌辦
一鼓勵更番退伍之兵 當兵三年期滿除有過犯者及操練不進功者已經隨時革退外其練成退伍之時應令督操營務處會同本營統領親加考校酌分爲頭二三等分別給予憑照練習不熟者不列等不給照其憑照內並將其人之品行技能一一載入列入頭等者遇有哨官哨長弁缺儘先酌量拔補或派別項差委列入二等者咨明各省調充弁目備教兵之用調用不盡者退爲本省續備兵列入三等者退爲續備兵不願當

張文襄公全集

卷五十七

奏議五十七

三

紅羊酒凡領有憑照之兵概免雜項差徭非犯實在案情地方官不得無故差拘折辱遇有切已訟事准其遺抱犯事非先詳革頂戴不得刑訊領有憑照者工商各業自然爭相延請謀生之路甚多以上大略皆係仿照日本辦法如此則人以當兵為榮自然士族世家殷實民戶願來充伍既不收窮餓無籍之人自不慮裁遣失業窮困生事矣即如湖北護軍各營因待兵甚優多有讀書士人前來當兵者眾情可見此可為徵募專取有業良民確實可行之證

以上兩條皆係將來擬辦者

張文襄公全集 卷五十七 奏議五十七

三

上項各條大要略備其餘未盡事宜容以後隨時體察修改再查東西各國軍隊編制之法數各不同平時大率一軍以萬二千餘人為最多數以六千餘人為中數多數編制軍統兩鎮鎮統兩協協統兩標標統三營營統四隊隊統三排每排以四十二人起算積至一軍當得步兵一萬二千九十六人此德國軍制北洋常備軍所仿辦者也若中數編制即日本一師團統兩旅團一旅團統兩聯隊一聯隊統三大隊一大隊統四中隊一中隊統三小隊每一小隊亦四十餘人起算積至一師團約得六千餘人蓋日之一聯隊即德之一協日之一

大隊即德之一營以三大隊隸一聯隊是較德制省去標之一層而以營徑隸於協故一軍之數適得其半茲湖北以一軍統兩翼一翼統兩旗一旗統四營一營統三哨每哨以八十四人起算其數倍於德之一排日之一小隊係照湖北洋操營原額即德制一排日制一小隊戰時足額之數如必照平時半數編制現在兩軍步隊一十六營須分作三十二營哨長哨官營官以上員弁須增一倍不獨員弁薪費所增甚鉅而學堂出身之將校目前更難得此多人惟仍照原額八十四人為一哨故雖中間層折減省而全軍除員弁護號火夫外步

張文襄公全集 卷五十七 奏議五十七

三

隊亦尚有正兵四千三十二人此蓋參德日兩國之制暫為變通以待將來增改者也嗣後餉項但能稍為添籌則即此常備軍左翼右翼兩枝亦應將軍醫軍樂兩隊照章添設以昭完備除統籌全局營制餉章應如何貫通畫一容臣之洞到江南後會商直隸督臣袁世凱再行妥籌具奏外所有遵議湖北練兵事宜分設常備續備等軍營制餉章並豫籌將來量力增減辦法臣等謹合詞恭摺會陳伏祈聖鑒訓示

硃批政務處議奏欽此

酌擬裁汰綠營辦法摺

光緒二十八年十月初一日

竊照光緒二十七年七月十三日奉上諭各省制兵防勇積弊甚深耗餉頗鉅所有各綠營防勇限於本年內裁去十之二三等因欽此又於是年七月三十日奉上諭前因各省制兵防勇積弊甚深業經通諭各督撫認真裁節另練有用之兵著各省將軍督撫將原有各營嚴行裁汰精選若干營分爲常備續備巡警等軍認真訓練等因欽此旋准政務處咨開綠營防勇統計各行省兵數不爲不多每年動支餉項爲數亦復甚鉅而遇有戰事兵勇多不得力者實以營制餉章不合時用將愚兵惰器鈍謀疏種種積弊不可殫述若非大加釐訂既不能使將士皆歸實用尤不能使餉項盡祛虛糜應將舊有各營逐漸裁汰各省營汛武員如何選用敘補升擢應就各省情形詳訂章程另行覈定其中如有立功夙將准以原官回籍酌予恩餉應一併詳細分別聲明請旨辦理等因咨行到臣查綠營之設乃沿襲前明之舊五百年來積習積弊已入膏肓無論原營未練之兵窮苦羸弱久已自謀生理無可整頓卽挑練之兵亦仍狃於積習以緝捕爲例差視操演爲苦境一切窳惰情形早在聖明昭鑒之中十數年來疊奉諭旨裁汰綠營各省雖已遵辦祇以習重人多消散不易除湖北山

張文襄公全集

卷五十七

奏議五十七

奏

東外他省皆裁未及半臣愚以爲此項制兵非但戰守斷不足恃卽巡警亦萬不可用祇有分年盡數裁撤之一法上年曾經會同兩江督臣劉坤一奏明在案此項裁節之餉應卽留於本省專供募練警察軍之餉蓋警察一事乃專門學問用意極爲深厚理法極爲精密外國講政治之學者以此事爲治國養民行教化理財用之根柢與中國之保甲局卡兵及捕役迥然不同上海相沿譯爲巡捕房已失其義故警察弁勇必須識字較多文理明白而又性情和平細密耐煩者乃能曉警察之立法用意不獨非素有習氣之練兵所能爲亦非強直壯往之營勇所能爲自當擇明習警察學之員按照西法選募教練布置庶幾可收實用查兩湖綠營之中若湖南鎮筵綏靖兩鎮乃改土歸流之地其居民大半皆係兵籍專仰錢糧爲生其標兵亦皆健樸可用從前曾立戰功與他處綠營較異應請毋庸裁汰但將綠營改爲勇營一切規制章程統照勇營辦理作爲續備軍其鎮將及各弁擇其能帶勇營者爲之其餘湖南湖北兩省額兵除節年裁汰外現存原營未練之馬戰守各兵擬請自光緒二十九年每年裁一成馬戰守勻攤分十年裁盡其中經挑練之練軍年力較爲壯健擬仍

張文襄公全集

卷五十七

奏議五十七

奏

照上年臣與劉坤一會奏辦法每年裁汰半成亦馬戰守勻攤分爲二十年裁盡應裁之餉銀餉米及練軍所加餉錢每年卽由藩司糧道善後局或按十成之一或按二十成之一照數扣出不發按年奏報被裁之兵均每名酌給恩餉一年俾改業有資不致流落爲非其各標營實缺將弁則視每年所裁兵數層遞裁缺除已撥入練軍營者不歸本營計算外應由各標協營查明每一把總所管不足三十人者卽裁把總每一千總所管不足五十人者卽裁千總每一守備都司所管不足一百人者卽裁守備都司每一遊擊參將所管不足二百

張文襄公全集 卷五十七 奏議五十七 奏

人者卽裁遊擊參將每一副將所管不足五百人者卽裁副將每一總兵所管不足一千人者卽裁總兵至全省兵額若裁至三千人以内者卽裁提督所裁之將弁各缺敕部積存不選不補留爲本省常備軍統帶營官哨官等補授之缺但須酌改營名提鎮裁缺之時似宜於本省常備軍各統將中擇其訓練有效調度有方者由該省預保堪勝提鎮數員請旨存記以備臨時簡放被裁將弁應得俸廉公費仍准照支一年俾資養贍都守以上各員曾經出征著有實在戰功者年在六十以上擬請優予升銜量給恩俸以終其身凡被裁者無論

大小員弁察其年力尙強才具可造勤樸耐勞者留省與候補文職一律委派他項差使文理通順心地明晰者奏請降等改補文職庸無用者量予資遣均隨時察酌辦理提鎮大員裁缺者如係才具過人勞績卓著者奏明請旨別加任用其平常不出色及衰老者均奏明請旨優賞升銜給予恩俸終身如各員弁有阻撓把持煽惑生事者從嚴參辦如此則被裁人員有位置之方多年積弊亦有廓清之日至十年二十年爲期似緩然從此掃除五百年之積弊國家千餘萬金之鉅累果能行之以斷並不爲遲

張文襄公全集 卷五十七 奏議五十七 奏

硃批政務處議奏欽此

酌調湖北護軍一旗並教練隊隨赴江甯片

光緒八年十月初一日

再湖北護軍各營係副將張彪統帶該副將兩赴日本考校兵事該軍營規操法極爲東西洋游歷武員所稱許查江南各防營雖亦漸改洋操但一切仍係老法教練尙形簡略且各省勇營規制操法參差百出實爲今日各營大弊江南爲江海首衝臣奉命調署兩江總督自以整飭戎行爲先務當經商諸撫臣端方擬酌調湖北軍營勇一旗并將弁學堂教練隊前赴江南精加

訓練作為標準俾各營有所觀感操法亦歸畫一撫臣
端方謂此舉能使江楚防軍聯絡一氣實為整頓沿江
軍備要義且江南可增得力之兵湖北可節數營之餉
於兩省均有裨益大加欣贊因將該軍左旗四營並將
弁學堂教練隊一百餘人調赴江甯省城容臣蒞任後
籌定餉項統歸江南給餉以清界限
硃批知道了欽此

恭報交卸湖廣督篆起程日期摺光緒二十八年十月初一日

竊臣奉命署理兩江總督飭令迅速赴任當以鄂省經
手事件太多必須略為清理並適有德總領事克納貝

張文襄公全集 卷五十七 奏議五十七 罕

來鄂商辦撤兵照會之事德水師提督來鄂商設躉船
之事德提督行後德總領事尚在漢口旬留連日磋磨
迨二十八日照復去後二十九日接其復函德總領事
尚無異詞日本租界亦於日內始行商妥始得定日交
卸均經分別電奏暨電軍機處在案茲於十月初一日
將湖廣總督關防並王命旗牌暨文卷等項派員賁送
兼署督臣端方接收任事臣即於初二日由湖北省乘
輪啟行赴江至商務大臣關防臣係奉旨特派應即將
關防帶赴江南遇有應辦事宜隨時鈐用
硃批知道了欽此

張文襄公全集 卷五十七 奏議五十七 罕

張文襄公全集卷五十七終 衡陽江 楫校

張文襄公全集卷五十八

奏議五十八

到兩江署任謝恩摺

光緒二十八年十月十一日

竊臣奉旨署理兩江總督當經具摺謝恩並奏報自鄂起程日期各在案嗣於十月初六日馳抵江甯初九日准護理兩江總督江甯布政使臣李有棻派委署江甯府知府朱其昌署中軍副將丁華容將兩江總督關防兩淮鹽政印信欽差通商大臣關防並王命旗牌暨文卷等件齊送前來臣當即恭設香案望闕叩頭謝恩祇領任事伏念臣篤駘下乘蒲柳衰姿權篆甫閱七年時

張文襄公全集

卷五十八

奏議五十八

一

艱更加十倍臣惟有修明內治慎重外交博訪賢才務其遠大江南繁劇以獎拔廉儉之吏為先新政多端以造就文武人材為急霜筠雪竹愧鍾山投老之無能青瑣滄江增京國朝班之依戀謹當隨時與北洋大臣江蘇江西安徽各撫臣暨漕臣和衷商辦認真整頓以仰答高厚鴻慈於萬一

硃批知道了欽此

裁停舊式兵船積存薪餉另造快船摺

光緒二十八年十二月

月十日

竊照兵艦為江防大政擴充整頓尤為今日要圖然無

用之船雖有若無若欲訂造新式兵船籌款又甚不易必應急籌良法以顧江防查南洋現有兵輪五號曰寶泰曰鏡清曰南琛曰保民運船三號曰威靖曰登瀛洲曰鈞和蚊船四號曰龍驤曰虎威曰飛霆曰策電皆係購造多年機老鋼薄式舊行遲蚊船一項短笨濡滯尤不適用此等師船既不足為外海制勝之資并不足為長江守險之用外國兵輪往來長江者甚多見之徒為竊笑而薪餉煤油及修理各費歲糜巨款實為可惜若不及早改絃更張以後永無振興之望經臣督同籌防局司道詳加商酌除寶泰鏡清兩兵輪威靖登瀛洲兩運船機輪較勝應仍留用以備巡緝外其南琛南琛保民三兵輪龍驤虎威飛霆策電四蚊船擬即一律裁停鈞和一輪本係上海商捐作護商之用仍發還令商人自養此外備差小輪察其無用者亦酌量裁撤約計所停各船合薪糧煤油修理雜費歲可節省銀二十萬兩由籌防局專款存儲無論何事不得擅動以十年計之可得銀二百萬兩即此款另向外洋有名船廠定造長江淺水新式快船數艘大約裁停廢船七艘可購合用新船六七艘限於三年內造齊並訂明分年付價以免另籌鉅款兩年半之後即有新式兵船可資

張文襄公全集

卷五十八

奏議五十八

二

長江巡防之用至裁停舊船令其酌量變價湊備新船經費以免看守虛糜似此化無用爲有用於籌防之道較有實際

硃批著照所請該部知道欽此

保薦經濟特科人才摺并清單 光緒二十八年十二月十五日

竊照光緒二十七年四月十七日欽奉 慈禧端佑康

頤昭豫莊誠壽恭欽獻崇熙皇太后懿旨爲政之道首在得人况值時局阡危尤應破格求才以資治理允宜敬遵成憲照博學鴻詞科例開經濟特科於本屆會試前舉行天下之廣何患無才其有志慮忠純規模闊遠

張文襄公全集

卷五十八

奏議五十八

三

學問深通洞達中外時務者著各部院堂官及各省督撫學政出具考語卽行保薦並著政務處大臣擬定考試章程請旨辦理等因欽此又於六月初四日奉上諭著各督撫學政於保送時虛心采訪果係物望素孚確有實學者方准保奏等因欽此仰見朝廷破格掄才務求實用之至意莫名欽感臣惟特科之設其典至隆經濟之名其選尤重必其人品行修飭學有專長方足以副旁求之盛典臣前於湖廣總督本任內業經會同湖北撫臣端方就鄂中人才慎選品學兼優之士十六人具摺保奏在案茲臣調署兩江復就大江南北博訪

周諮詳加甄采並就平日真知灼見者共選得三十人皆屬品端志遠學有專長深明時局才堪致用謹就其生平學行出具切實考語另繕清單恭呈御覽敬備聖明采錄

謹將保送經濟特科各員出具切實考語敬繕清單恭

呈御覽

翰林院編修繆荃孫江蘇江陰縣人

學問博雅識趣端凝講求時務不涉輕浮其人品堅定不染時俗躁競之習尤爲可貴

翰林院修撰張謇江蘇通州人

張文襄公全集

卷五十八

奏議五十八

四

學問富贍才力開張講求東西各國政治教育各門學術均能心知其意辦事切實精密洵爲致用之才記名御史戶部郎中劉奉璋江蘇寶應縣人

夙承家學經術深通於時務亦極留心識議平正考求外國學校情形得其要領

候選郎中李維格江蘇吳縣人

品格安詳立志篤學前曾遊學英國兼通英法兩國語言文字隨使美國日本熟諳交涉近年考求冶鍊製造之學成效卓然

候選內閣中書曹元忠江蘇吳縣人

經學詞章兼長並擅考求時務通達和平

候選內閣中書徐振清江蘇無錫縣人

講求格致製造之學出自家傳具有心得

山西甯遠府通判現署太原府知府吳廷燮江蘇江甯縣人

才具開展學識優長羣經諸史博涉多通於古今政

治輿地諸學能得會通國朝掌故律令及近時交涉

約章均所諳習

候選同知張煥綸江蘇上海縣人

覃研經史識達品端購求經世之學志切有為

張文襄公全集

卷五十八 奏議五十八

五

候選通判舉人王季烈江蘇長洲縣人

好學深思博聞強識於中西算學物理化學研習精

勤具有心得

江浦縣訓導優貢陳慶年江蘇丹徒縣人

才識開通學問淹博於古今中西戰事兵略研求探

討貫串無遺洵為傑出之才

拔貢華世芳江蘇無錫縣人

文行兼修精於算學

布政使司理問職銜賈文浩江蘇南匯縣人

熟於中外天文之學殫心測驗雅擅專長

江蘇候補道蒯光典安徽合肥縣人

中學素稱博雅西學亦甚賅通兼以才氣俊爽治事

精能果能盡其所長必能有裨時局

翰林院編修劉廷琛江西德化縣人

文學優長識力堅定深明時務獨見先機此才實不

多觀

翰林院編修沈曾桐浙江嘉興縣人

中學素優兼通西學器局恢闔思精識敏幹濟之才

翰林院庶吉士陳驥直隸天津縣人

品謹學優深通化學確能徵諸實驗尤為中國儒者

張文襄公全集

卷五十八 奏議五十八

六

所難能

刑部主事孫詒讓浙江瑞安縣人

羣經諸子靡不研精淹雅閱深著書甚富久負士林

宿望近年講求時務實能會通中西古今學術治術

刑部主事李希聖湖南湘鄉縣人

熟於古今史學講求時務經濟持論明通才力強毅

刑部主事華學洩直隸天津縣人

才長思敏銳意研精深通理化之學

候選光祿寺署正羅振玉浙江上虞縣人

學問優長近年究心中外農學及教育學廣為蒐采

選輯流傳深裨世用確係有用之才

三品銜候選道魏瀚福建侯官縣人

品端識正學有專長前由福建船政學生出身遊學

英法德三國諳習英法兩國語言文字精於海軍製

造之學中國罕觀之才

安徽候補知府王詠霓浙江黃巖縣人

學博文優究心時務前曾充出使大臣隨員遊歷歐

洲殫心考究

同知銜候選知縣鄒代鈞湖南新化縣人

敦品力學才具優長前曾遊歷歐洲於中外輿地之

張文襄公全集

卷五十八 奏議五十八

七

學考求精熟繪有全圖當世實罕其匹

舉人汪鸞翔廣西桂林縣人

和平慎默志節清廉於格致理化之學覃精研思多

有冥悟

舉人陳衍福建閩縣人

學富才長議論通達究心時務於古今中外政治之

學持之有故言之成理

拔貢姚炳奎湖南邵陽縣人

學術純正博通地理之學辦事切實可信

廩貢生馬貞榆廣東順德縣人

人品端方學術純正研精春秋左氏之學足以鉞砭
近世文人依託公羊發為謬說之病既有功於經學
尤有功於世道人心

廩生左全孝湖南清泉縣人

人品方正志慮忠純經史博通才長經濟於古今史

事中外輿地算學均所研習前曾遊歷日本考求教

育理法具能觀其會通洵為體用兼備之才可任大

事

羅照滄廣東南海縣人

行端志正思密學精於測算繪圖之學辦晰微芒絲

張文襄公全集

卷五十八 奏議五十八

八

絲入寇洵屬詣力過人成就人才甚眾

湯金鑄廣東花縣人

才力精強性情勤篤古今中外疇人之學爛熟於胸

善於教人後進經其指授者開通最易成材極多

整頓淮鹽積弊摺

光緒二十八年十二月十六日

竊維淮鹽規制前督臣曾國藩釐訂於前沈葆楨補苴

於後一時頗有成效可紀奉行日久精義漸漓至今日

而岌岌不可終日矣北鹽引地無多故祇設正陽關一

督銷南鹽引地較廣故設湘鄂西皖四岸督銷而以儀

棧為總匯但觀正陽銷鹽之數儀棧出鹽之數即可得

鹽務衰旺之大凡正陽自光緒二十七年六月起至本年五月底止頗爲振作約符光緒初年全盛之數六月以後又日漸滯銷儀棧今年出鹽之數不足四十萬引若不及時整頓一二年內鹽務卽不堪設想課餉六百數十萬於何取之時人論鹽務者或倡爲就場徵稅及化場運爲公司諸法雖費盡籌維然皆非倉猝所能辦且非銷數稍暢商困稍蘇亦無以取信於人目前整頓之策無他惟在緝私剔弊兩大端而已長江上下游之私分長水短水兩種而以所謂長水爲最甚短水由場偷運至江口分售前經該運司另募勇丁兩營分駐各

張文襄公全集

卷五十八

奏議五十八

九

場巡緝長水則尤爲橫悍卽將自場偷運之鹽逸出鎮江北岸上下游各口至大通一帶侵佔官銷約計江程五六百里聯船十百備購槍械與匪無異沿途關卡或莫敢誰何或得規包庇以致滋蔓難圖此項梟船堅固便利行駛每乘黑夜風大之時舊有緝私舢板不能得力不能江心寄碇必須收港一也艙面太窄雖配新式礮位不能旋轉二也風帆較小行駛不如梟船之速三也船身太輕風浪大作不能行駛四也且此項梟匪充塞長江爲數何止數萬近年黨羽愈多猛悍愈甚若不早爲之計設法捕擊解散假與紅青二幫會票各匪

連成一氣將爲江南大患不止有害鹽務已也臣與運司程儀洛熟加籌計欲戢梟風非添用輪船不可查金焦爲第一重門戶茲專派運船登瀛洲一艘扼駐焦山以下該輪礮力較大可以震懾大幫梟船又於所裁小輪以三號發交運司以一號駐瓜洲口緝私以一號駐沙漫洲緝私均歸儀棧道員節制調遣責令管帶之員住船梭巡以一號駐大通緝私歸大通督銷局節制調遣此三小輪統歸運司統轄考核其養船經費卽由各該局鹽務自籌惟此項緝私輪船無異行軍不能斷火需費頗鉅難以多用應另造帆船二十號略仿海關巡

張文襄公全集

卷五十八

奏議五十八

十

船之式配齊新式精槍利礮統歸運司儀棧節制將沙漫洲緝私道員裁去另飭總辦儀棧之道員遴選員弁自行委用以收實效而免掣肘另由運司自備小輪兩隻專司稽察各私梟船來往蹤跡及商船船戶有無夾私自瓜洲口一帶起至蕪湖止常川梭巡其大通督銷局之小輪與沙漫洲儀棧所轄之小輪亦責令時時會哨庶蕪湖以下焦山以上鹽價較賤之地可望漸次肅清運鹽船戶亦不敢沿途買私夾帶取巧蓋緝私以長江爲腹心內地小河陸路爲枝葉故先杜長江大幫之私再清內地水陸偷越之私腹心保全則雖枝葉未淨

尙無大礙其帆船開辦經費由儀棧向解支應局雜款
籌撥其帆船常年經費現擬裁去沙漫洲緝私舢板十
隻再酌裁督標水師左營舢板十隻督標水師前營舢
板十隻約略可以相抵所用兵輪小輪常年經費除運
船登瀛洲本由籌防局開支外其餘概由鹽務自行籌
措所謂增兵船以制梟者此也鹽務積弊叢生亦非一
端而以近年各掣驗卡爲最駭人聞聽之事並不掣驗
勒索規費每票或多至提鹽數十包索洋銀數十元疊
據商控司詳在案其中苦累情形各商言之痛心疾首
深爲可閔索費納規既多於是船戶不能不夾私充斥
張文襄公全集卷五十八 奏議五十八 十二

因爲岸銷致滯之一大端誤國病民莫此爲甚前督臣
劉坤一議裁未果現又據運司詳請裁撤前來查下關
掣驗爲四岸總掣驗卡積弊素深從前會充該卡委員
者每年盈餘或二三萬金或五六萬金最駭物聽掣驗
卡既專以索規爲事而置掣驗於不問商人於是專以
夾私爲事陋規年增一年則船私日多一日事無足怪
但此卡不能裁撤現辦該卡之道員趙有倫潔己自愛
商民悅服遠近交稱自可毋庸裁撤其大通武穴湖口
三掣驗卡有弊無利應即查照運司所議悉行裁撤以
後各岸嚴加比較各專責成只可令各督銷局自行派
員掣驗斷不可再派大員不相節制致滋流弊至下關
掣驗光緒二十四年江蘇節省盈餘案內下關卡歲提
銀五千兩今既責該卡以除弊恤商不索商規該卡員
趙有倫實能潔己奉公此項應提盈餘銀五千兩應予
豁免又大通掣驗卡歲提盈餘銀三千兩武穴掣驗卡
歲提盈餘銀二千兩三卡共應提銀一萬兩各卡既裁
則盈餘無著已由臣飭運司另行籌款撥補札飭藩司
立案所謂別卡弊以恤商者此也其餘如各岸鄰私應
由各岸各專責成而下河運河橫溢之私泰壩蔣壩等
處盤越之私爲數不少防不勝防緝不勝緝然必須漸
張文襄公全集卷五十八 奏議五十八 十三

一經貽誤補救為難從前鹽務差使並無年限近年來改為兩年期滿又改為一年期滿不以為籌餉要政而以為調劑優差有功者不必賞有過者不必罰潔己者循例報滿作弊者安然無恙以致人懷苟且鹺綱大局日見頹敝試思鹽為日用必需之物孳生愈多銷數自應愈暢何以十年之內反不如前其故不問可知故整頓南鹽四岸督銷局及北鹽正陽督銷局五河鹽釐局尤為剔積弊之大宗杜賣私之原本此六局均號為膏腴若不為事擇人而但為人擇差則鹽務永無振起之日現飭司詳議章程嚴加比較勒限責效有效者不但

張文襄全集

卷五十八

奏議五十八

十三

留差且奏請優獎無效者輕則停委記過重則奏參庶人人知所勸勉各顧考成而鹽務不致敗壞矣

硃批著照所請督飭運司認真整頓以除積弊而裕餉源欽此

派蒯光典管理儀棧片

光緒二十八年十一月十六日

再整頓淮鹺認真緝私掃除數十年之錮弊非得廉明幹練之員畀以事權寬其歲月不足以收實效查有二品頂戴江蘇補用道蒯光典力果心精兼任勞怨整躬率物眾望交孚上年夏間前督臣劉坤一札委該道辦理淮北督銷局實心整頓將正陽關從前一切偷惰貪

婪之蠱毒一掃而空別弊疏銷卓有成效甫及一年售銷北鹽至一百數十萬包之多為二十年來所僅見現經臣檄委該道管理儀徵淮鹽總棧責以釐定新章剗除宿弊該道念兩淮鹽務歲收釐課及新舊加價各案多至六百數十萬兩為國家餉源大宗身任鉅艱絕無推諉實為江南辦理鹽務第一出色之員惟既畀以事權尤必寬其歲月儀徵淮鹽總棧關繫湘西皖鄂南甯全局現在新案債款歲派兩淮鹽務一百二十萬兩數鉅期迫必於儀徵棧南鹽總匯之區扼要廓清江面各路梟私岸銷始有起色必須久於其事方能從容展布

張文襄全集

卷五十八

奏議五十八

十四

茲擬明定章程儀棧一差如淮銷短絀自應隨時撤換如辦理有效應令久任此差以資熟手至少以三年為期不得隨時更易如三年以內淮銷大暢成效昭彰有裨江省理財大局應准奏懇天恩破格甄敘以資鼓勵

硃批著照所請戶部知道欽此

額請陸見摺 光緒二十九年正月初八日

竊臣曩官侍從游歷封圻僅於光緒十年在山西巡撫任內奉旨陸見獲觀天顏旋蒙恩簡任兩廣總督及量移湖廣總督奉旨勿庸來京請訓光緒二十年九月二十四年閏二月兩次奉旨陸見始以改署兩江中止續

以行至上海奉旨折回二十七年八月恭值六飛廻馭
籲懇赴汴迎駕又未仰邀俞允是年十二月十一日奉
到電旨欽奉懿旨劉坤一著於明年開河時即行來京
陛見張之洞著俟劉坤一回任後來京陛見等因欽此
嗣又奉十五日電旨欽奉懿旨著俟商約定議後再行
來京陛見欽此翹望京華又更歲籥葵藿積悃彌切依
馳茲查兩江督臣魏光燾正二月之交定可履任臣擬
交卸署篆後及茲暇日束裝北上展覲天顏稍紓廿年
戀闕之忱而近來議訂商約情形及奉旨籌辦興學練
兵諸要政亦得以詳晰面陳恭聆聖訓俾有遵循合無
張文襄公全集 卷五十八 奏議五十八 五
仰懇天恩允准不勝瞻戀屏營之至
硃批著來見欽此

創建三江師範學堂摺

光緒二十九年正月初八日

竊照江甯省城遵旨改設高等學堂及府縣中小學堂
各一所業經前督臣劉坤一護督臣李有棻將籌辦情
形先後奏陳在案惟學堂一事體大思精其中等級繁
多而次第秩然不可紊越必須扼要探源方有下手之
處查各國中小學堂教員咸取材於師範學堂是師範
學堂為教育造端之地關繫尤為重要兩江總督兼轄
江蘇安徽江西三省此三省各府州縣應設中小學堂

為數浩繁需用教員何可勝計若未經肄業師範學堂
延訪外國良師研究教育之理講求教授之法及管理
之法遽任以中小學堂教員必致疎漏凌躐枝節補救
徒勞鮮功且詳略參差各學堂學派學程終難畫一經
臣督同司道詳加籌度惟有專力大舉先辦一大師範
學堂以為學務全局之綱領則目前之致力甚約而日
後之發生甚廣茲於江甯省城北極閣前勘定地址創
建三江師範學堂一所凡江蘇安徽江西三省士人皆
得入堂受學查直隸督臣袁世凱奏建師範學堂定全
省學額為八百名延聘日本師範教習十二人茲為二
張文襄公全集 卷五十八 奏議五十八 六

省豫儲師範學額自宜酌量從寬現擬江蘇省甯屬定
額二百五十名蘇屬定額二百五十名安徽省定額二
百名江西省定額二百名共定額為九百名其附屬小
學堂一所定學額為二百名所有師範生及附屬小學
生均由地方官出具印結取具本生族鄰甘結保送考
選入學開學第一年先招師範生六百名三年後再行
續招足額前二年教小學堂之師範生約分三級為一
年速成科二年速成科三年本科以便陸續派赴各州
縣充小學堂教員第四年即派置高等師範本科精研
教育學理以教中學之師範生備各屬中學堂教員之

選現已延聘日本高等師範教習十二人專司講授教
育學及理化學圖畫學各科並選派舉貢廩增出身之
中學教習五十人分授修身歷史地理文學算學體操
各科學堂未造成以前暫借公所地方於本年先行開
辦練習教員之法令東教習就華教習學中國語文及
中國經學華教習就東教習學日本語文及理化學圖
畫學彼此名為學友東教習不得視華教習為弟子在
日本語此法名為互換知識俟一年後學堂造成中國
教習於東文東語理化圖畫等學通知大略東教習亦
能參用華語以教授諸生於問答無虞扞格再行考選

張文襄公全集

卷五十八

奏議五十八

七

師範生入堂開學則不必盡借繙譯傳達可免虛費時
刻誤會語氣諸弊收效尤速其購地建堂經費已據江
甯藩司籌撥應用其常年學堂經費如華洋教習各學
生飯食冬夏講堂及操場衣冠鞋帶卧具紙筆燈火獎
賞監督提調監學庶務各委員司事人役薪工及一切
雜用之屬每年需款甚鉅已議定由江蘇藩司於本年
先協撥銀一萬兩以後每年協籌銀四萬餘兩擬令安
徽江西兩省各按學生額數每名年協助龍銀一百元
不過稍資津貼不敷尚多所有全堂三省學生學費自
應專籌的款濟用查江甯銀元局鑄造銅元最為便民

要政行銷頗暢甚有盈餘現已由該司詳請添購機器
增建廠屋大加擴充即以歲獲盈餘專供該學堂經費
之用此舉為三省學堂根本教員得人起見雖江南財
力支絀不敢不設法籌措勉為其難至學堂建造規模
及一切課程辦法經臣專調會赴日本考察學校熟悉
教育情形之湖北師範學堂長來甯精繪圖式詳定章
程總期學制悉臻完備合法並於省城設立兩江學務
處所派委司道等員會同綜理加意講求督催興辦以
仰副聖朝興教勸學造就人材之至意

張文襄公全集

卷五十八

奏議五十八

六

責成運司稽察各督銷道員片光緒二十九年正月二十七日
再臣上年十二月間以淮鹽疲弊關係餉款大宗必宜
急籌整頓擬增設緝私輪帆各船裁撤大通武穴湖口
掣驗三卡暨沙漫洲緝私道員久任總辦儀棧之員以
期恤商除弊扼要緝私業經分籌辦法具奏奉硃批著
照所請督飭運司認真整頓以除積弊而裕餉源欽此
當經恭錄分行欽遵在案查淮鹽釐課每年六百數十
萬新案賠款及舊案洋債京甘各要餉皆取給於此近
來鹽務各員大率皆營私害公賢者十不獲一貪風日
著銷數日虧私梟日熾商人日困淮網大局殆將不支

自運司程儀洛到任後廉介率屬竭力整頓不避嫌怨各員稍有忌憚現正籌辦大舉緝私除弊恤商諸事該運司事事專顧公家破除情面實爲冠絕一時該運司現升授廣東臬司於淮綱盈絀關係極鉅幸蒙天恩將程儀洛暫行留署運司一年仰見聖明鑒照整頓淮綱此後自當益責成該運司認真整理以期宿弊一空維持餉款惟查運司爲權鹽之總匯實爲各員之綱領必須凡辦鹽務者之賢否皆歸其稽察考核認真舉劾庶各員知有畏憚其賢者得益勉爲其難中材以下亦不敢公然作弊鹽務方能振興查向來各岸督銷鹽釐掣

張文襄公全集

卷五十八

奏議五十八

九

驗各局卡從前督臣曾國藩沈葆楨在任時所委不拘官階道府同通州縣皆有近數十年來專委道員其官階與運司相等不相統攝委辦各員既以得鹽務差使爲調劑更視一年期滿如傳舍任意舞弊私以去其中飽私囊之鉅實屬駭人聽聞歷來運司因無糾察之責誰復肯爲開罪同僚之舉離綱之壞實由於此今幸運司程儀洛廉潔有爲持正不阿不肯徇情見好然使事權不專爲人牽制則鹽務仍日就墮壞而不可救現在力籌整頓之際似宜重運司以考察之權查候補道員到省年滿甄別向由藩臬兩司出具考語至三年大

計實任道員藩臬兩司亦均加考是實缺道員既可由兩司考核則候補道員亦即可由運司考核情事正同矧各道係協助運司辦理鹽務其事仍爲運司之事其爲人之優劣公事之功過斷無使運司不得預聞之理擬請嗣後委辦鄂湘西皖四岸督銷局正陽督銷局淮北四食岸督銷局五河鹽釐局儀徵淮鹽總棧下關掣驗卡以上十差各道員均由運司隨時認真稽察每年出具切實考語分別優劣據實詳報由督臣覆加查考其賢而有效者或予留差或奏請優獎無效者輕則停委記過重則奏參如運司舉劾不實並將運司參處如

張文襄公全集

卷五十八

奏議五十八

十

此辦理雖畀運司以事權實更重其考成以後各局道員有不發覺之弊端運司不得辭徇庇之咎庶在事各員悚然知勉鹽務得有起色

硃批著照所請該部知道欽此

光緒二十九年正月二十七日

請開復顧家相原官摺
竊臣等准督辦鐵路總公司大臣盛宣懷咨稱三品銜指分河南試用知府前代理江西萍鄉縣事調補清江縣知縣顧家相以境內出有採生折割之案經前江西巡撫李興銳奏參革職勒緝該員顧家相上年暫行代理萍鄉縣事到任未久適有匪徒採生折割之案旋經

擊獲正法民間疑爲鑛局指使牽涉洋人勢甚可危時顧家相已將交卸鑛局委員電請轉電江西巡撫仍留該員一手辦結該員防護彈壓得保無事而李興銳以電報中有新舊交替五日京兆事更棘手之語疑爲顧家相緝捕不力附片奏參革職查前次勘辦萍鄉煤鑛及建造鑛路鐵軌輿情疑懼梗阻賴顧家相在萍鄉本任開導鄉民多方調護始獲就緒成效昭然今反因此獲咎殊堪憫惜可否奏請開復原參處分等情咨商前來當查接管卷內前江西撫臣李興銳以萍鄉縣境有何鄧二姓童子被匪採生折割旋擊獲匪犯洪信誠訊張文襄公全集卷五十八 奏議五十八 三

明正法境內謠傳指爲鑛局官錢號所爲并疑及洋人事機萬分危急該縣顧家相疎於防範辦理又多未善現已委員接署應請將顧家相革職仍勒令留縣協緝等情會同前督臣劉坤一奏參在案臣等密加查訪緣江西萍鄉僻處腹地接壤湖南風氣未開臣之洞前在湖廣總督任內迭次委員協同洋鑛師往勘該縣鑛務民間初甚驚疑無從著手經該縣顧家相設法勸諭彈壓始得勘辦開廠及盛宣懷接辦以後派洋鑛師常川駐縣由鑛所興造水口鐵路又由萍鄉接修至醴陵縣該處紳民託爲創見迭起阻撓均經顧家相會同委員

委曲調護剛柔并用始將設局購地造路等事次第告成輿論亦皆翕服是以前撫臣松壽特以該員才堪治劇調補清江縣要缺并經鄰境之湖南撫臣俞廉三保薦人才奉旨交吏部帶領引見則其平日之才具可以概見此次該員業已交卸萍鄉縣事請咨赴部因本任知縣出缺後任未到復令前任暫行代理到任未久適遇採生折割之案旋將匪犯洪信誠擊獲正法當時謠言遽起人心浮動該令交卸在卽猶能極力鎮懾消弭無事祇以盛宣懷電咨江西撫臣有五日京兆事更棘手之語詞意未能明晰致李興銳疑其不能得力又以張文襄公全集卷五十八 奏議五十八 三

事關鑛務語涉洋人當外患內訌之時恐致別生枝節思有以鎮定人心遂將該員參劾亦出於一時權宜之計此該員顧家相前辦鑛路確著成效及因案誤會被劾之實在情形也伏查近年因案參劾州縣續經查明被參冤抑才有可用均卽立予開復如山西知縣恩順孔繁潔江西知縣應衷等有案可稽仰見朝廷愛惜人才不存成見今該員顧家相官聲政績屢邀保薦辦理鑛路尤資得力乃反以影響之訛言牽涉鑛局被劾其才實屬可惜此次暫往代理甫經到任未屆初參之限處分本應從輕且匪犯業已擊辦事後維持並無貽誤

卽有潛逃餘犯例歸後任接緝其情尤屬可原既准盛
宣懷咨商奏請開復自係深悔當日致函急率措詞未
酌之誤自應爲之申雪以昭公允臣等往返電商意見
相同合無仰懇天恩准將三品銜指分河南試用知府
前代理江西萍鄉縣事調補清江縣知縣顧家相開復
原官升階原銜免其留緝仍遵旨送部引見出自逾格
鴻慈臣等謹合詞恭摺具奏伏祈聖鑒
硃批著照所請該部知道欽此

張文襄公全集卷五十八終

新城王樹樸校

張文襄公全集

卷五十八

奏議五十八

三

張文襄公全集卷五十九

奏議五十九

查明劉坤一戰功政蹟摺

光緒二十九年二月初二日

竊照前督臣劉坤一因病出缺欽奉懿旨賜卹并將生平事蹟宣付史館等因欽此仰見朝廷表彰忠蓋恩禮有加莫名欽感遵查該故督臣劉坤一以諸生起家軍旅當道光咸豐之間湘粵之交羣盜如毛新甯土匪李沅發糾黨陷城戕官該故督臣與前雲貴督臣劉長佑赴寶慶府請兵收復縣城前安徽撫臣江忠源深奇其才嘗欲招致軍中以該故督臣事父至孝親老不忍遠離而止咸豐五年丁父憂聞粵逆逼近縣治攜家遠避適劉長佑率勇由東安縣回援新甯函招人營馳約各團刻期同進敗賊於楊溪村是爲該故督臣立功之始六年經前湖南撫臣駱秉章檄飭回籍募勇五百人隨同劉長佑馳援江西甯都縣即以生力軍攻克蘆溪司要隘進規袁州府探知僞侍衛李能通在賊中最大人能得眾心該故督臣募購內綫招令出降推誠待之與李能通盛服並騎繞城大呼其黨降者晝夜不絕僞檢點張逆等宵遁官軍馳入據之論者謂援江之役以袁州爲最要門戶袁州旣下則毗連之臨江吉安瑞州

各郡皆震該故督臣出奇制敵迅復堅城厥功甚偉七年率楚軍前鋒由分宜新喻直趨臨江抵太平墟賊勢方熾遂至羅枋與湘軍及江西水師合圍臨江府城偽翼王石達開率悍黨數十萬來援該故督臣與劉長佑定計趁賊未集三路進擊賊眾驚潰渡河溺死者無算城中之賊大亂潰圍遠遁遂克府城八年前湖南撫臣駱秉章以劉長佑請假回湘檄令該故督臣代統各軍進攻撫州軍次秋溪賊於上游龍古渡夾河爲營該故督臣慮賊堅守撫州之賊出而夾擊我軍腹背受敵遂簡銳卒三千乘夜疾進出賊不意大獲勝仗踏平各壘

張文襄公全集

卷五十九

奏議五十九

二

又以湘營被圍於上頓復調二千人往援與湘營合力奮擊賊勢不支遁往福建收復撫州乘勝攻克建昌江西全境肅清九年偽翼王石達開率大股號百萬出江粵之間犯湖南該故督臣在籍招募新楚義安勇二千屯衡州之龍海塘遏賊來路至永州遇賊前隊擊之大捷移駐祁陽赴援寶慶力解城圍隨同劉長佑追賊至廣西桂林克復柳州府城十年經劉長佑奏調至粵委赴東泉接統各軍維時東南各省軍事方亟粵西僻處邊隅餉項異常支絀該故督臣威惠兼施軍容頓壯各路賊匪相繼乞撫並收斬屢降屢叛者數人上海一

帶次第平定十一年進攻潯州艇匪冒死上竄並以陸匪數千輔之勢極猖獗我軍船礮皆小該故督臣親赴江干督戰奮勇直前羣賊奪氣斃匪甚多首逆就獲泝流而上克復潯州府城布置略定遽聞石達開將由粵黔交界以竄川楚急率所部馳回柳州扼要邀截行近融縣賊隊已至石逆以我軍守險併命來爭該故督臣親率勁騎橫擊之血戰竟日賊乃潰退斬偽官十餘人搜出偽印甚多積功以按察使記名並蒙恩賞給碩勇巴圖魯名號旋授廣東按察使同治元年升廣西布政使奉旨飭令迅赴潯州辦理軍務與偽平潯王黃鼎鳳

張文襄公全集

卷五十九

奏議五十九

三

迭次鏖戰獲勝黃逆退歸天平寨該故督臣分兵收復橫州諸境悉平復用奇計攻取覃塘堅壘黃逆窮蹙出降磔之賊黨一併伏誅廣西藏垢匿瑕之地窮凶極惡之徒至此蕩滌殆盡黃鼎鳳憑險負固二十餘年前兩廣督臣勞崇光在粵最久深以爲憂該故督臣竭兩年之力穩紮穩進攻克堅巢巨勳授首廣西士民至今感頌此該故督臣歷著之戰功也該故督臣起自寒儒於地方利弊夙所究心初爲廣東臬司到任未久卽赴廣西接辦軍務迨同治四年補授江西巡撫乃得專心吏治首劾貪劣守令十餘員每接見僚屬必舉作秀才時

所見州縣衙門積弊懇切告誡刊發佐治各書令其置諸座右朝夕省覽裁汰各項陋規籌給瘠缺津貼以養其廉吏事蒸蒸日上前大學士臣曾國藩稱其居心公正辦事精明見之奏牘又江西軍興後餉項報銷四千餘萬各州縣交代積壓九百餘起輾轉轉流弊滋多該故督臣設局澈底清查嚴劾虧空之員並議裁各處門釐酌減坐賈釐金民困以蘇餘如修圩隄興水利辦積穀設粥廠添築貢院號舍百廢俱舉復以江省徵收丁漕向有畫一章程言者欲改定銀數如有不敷另准加收該故督臣慮有包庇侵漁之弊詳切陳奏力持前

張文襄公全集

卷五十九

奏議五十九

四

議得旨允行該省至今循守江西本該故督臣立功之地在任十年休養生澄清吏道一時翕然稱頌迨同治十三年調署兩江士民不忍其去多有依戀感泣者光緒元年補授兩廣總督粵省官場積習過深營務亦多廢弛該故督臣到任後嚴加甄別參劾文武七十餘員並以釐務爲叢弊之藪該故督臣嚴參數員官方肅然嗣兼署粵海關監督卸篆後餘銀二十餘萬兩奏明以十五萬兩解交藩庫優詔嘉獎准其議敘復兩次奏請飭部註銷議敘之案餘款悉以助賑修隄及各項善舉之用未嘗一錢入己五年調任兩江是年秋間琉球

因日本侵併遣使求救議者請三面出舟師東征該故督臣以爲未可輕舉疏陳利害援據古今其議遂止七年開缺回籍十六年復起爲兩江總督十七年春間到任蕪湖等處匪眾焚燒教堂沿江騷動一夕數驚各國議調兵艦入江勢甚岌岌該故督臣相機因應調撥兵隊分往保護緝獲首要各犯立置重典旬日之間民情大定教案亦得從容議結復以各處伏莽未靖會匪甚多必須捕治黨魁方能設法解散適鎮江查獲美生私運軍火並在安慶擊獲匪首李顯謀審明懲辦匪謀始戢十數年來籌辦江防沿江礮臺後膛者多係雜式舊

張文襄公全集

卷五十九

奏議五十九

五

礮間有較新大礮則仍係前膛不能適用該故督臣飭上海製造局仿造英國大鋼礮及快礮多尊創造吳淞口附近獅子林礮臺一處皆設新造大礮其餘江陰等處各臺亦量爲添設沿江礮臺有新造後膛大礮自該故督臣任內始二十年中東事起奉命赴山海關督師款議定後仍回兩江本任二十四年冬渦陽土匪滋事聚集二萬餘人縣城被圍該處爲捻匪老巢一經分竄將有燎原之禍該故督臣電商安徽河南撫臣三路進兵協力兜勦一鼓盪平奉旨優敘二十六年近畿拳匪之變該故督臣維持東南大局苦心孤詣堅定不搖業

蒙天語褒美無俟臣之贅陳是年七月富有票匪在長江裕溪口張貼逆首康有為偽示煽惑愚民句結會匪搶去礮船軍裝藥彈竄擾大通毀劫鹽局釐局遠近震動該故督臣迅派開濟兵輪載衛字營勇駛往會合安徽防營勦辦彈壓該匪逆謀因之不得遽逞人心大安厥後力爭東三省條約會商各國商約皆能統籌國家利害極力堅持有裨大局此該故督臣之政蹟也臣查該故督臣劉坤一天性忠摯器量寬宏歷官封圻幾四十年吏事最為老練見事最為敏速平日接下以和撫民以惠不為稜角峭厲之行而每遇有危疑明決應機

張文襄公全集

卷五十九

奏議五十九

六

不為眾論所淆惑古人所稱能斷大事洵無愧色其辦理外交開誠布公和平而又堅定十年以來上海地方屢有橫生枝節皆以鎮靜堅持處之絕不為所搖動久之卒就帖服近年力保長江之約各國尤所稱佩身歿之日各國領事兵官先後來甯弔奠送殯並下旗誌悼江南士民於此舉尤為感頌不忘誠如聖諭可謂國家柱石之臣矣該故督臣歷任兩江最久近年疆事日棘臣在湖廣總督本任內江楚接境聯屬合辦之事甚多故於其經畫大端知之尤詳該故督臣處事既有定見聽言又能虛心臣每遇有要事與之商推從善如流不

存成見尤為人所難及謹將其生平居官事蹟遵旨臚陳仰請宣付史館立傳以彰盡績

硃批著照所請該衙門知道欽此

特參管帶練船參將摺

光緒二十九年二月初二日

竊照寰泰兵輪前經改為練船專為教練水師學堂學生而設查刊本南洋水師練船章程內開該船共設教習四員練船正教習即以管駕官兼充一切應知應能之事號召部署攻戰守禦之法駕駛積算御風應變之術皆歸課習其槍礮帆纜測量三教習所授各項功課仍統歸管駕官督同酌定隨時稽查具報水師學堂查

張文襄公全集

卷五十九

奏議五十九

七

考其學生上練船之後應令先習帆纜兩三月俟其漸熟再行駛出洋面練習風濤定限三年周歷各海洋各口岸各將經緯度數沙綫礁淺山海形勢各國礮臺兵輪操法詳登日記並分晰繪圖每七日送管駕官校勘一次俟畢業回甯大考時彙送查核又載學生上船後由管帶官認真管束督率課練如無實效即將管帶官議處各等語是管帶官責任綦重應如何認真辦理乃此次練船學生畢業經臣親往校閱令其演放大礮手法生疎草率拉火不響遂不再安拉火空手作一拉之勢而已令其裝配藥彈演試礮準則管帶甚有難色據

云數年來罕有裝藥實放十分可駭令其演行船撞船諸事則只空比手法船身並不運動種種直同兒戲令演帆纜功課則云舊日帆纜壞爛稟請添製未准遂未演習索閱其出洋海圖則三年內僅寥寥數紙至於體操則甚屬草率軍裝則不遵帶號帽司道將領隨同在船觀看者無不譁笑而管帶教習亦靦然不以爲怪詢問所歷海洋則僅到過朝鮮一次三年之中並中國所轄海面之瓊州欽州及日本西貢最近之海洋亦不能到似此各項功課實際毫無不知該學生等所練何事所畢何業管帶實泰練船福建補用參將何心川平日

張文襄公全集

卷五十九

奏議五十九

八

並不遵章教督課練虛糜經費曠廢歲月貽誤水師人才實堪痛恨除此次學生不准作爲畢業及另派管帶實泰練船并將練船教習撤差示儆外相應請旨將福建補用參將何心川卽行革職以爲將來管帶兵船練船各官及堂內學生不講求操練者戒

硃批另有旨欽此

查明許應騭參款摺

光緒二十九年二月十三日

竊臣承准軍機大臣字寄光緒二十八年十二月初六日奉上諭有人奏參閩浙總督許應騭貪污卑鄙各款請旨飭查一摺著張之洞按照所參各節確切查明據

實具奏毋稍徇隱原摺著鈔給閱看將此諭令知之欽

此查原奏情節重大當卽欽遵遴委江安督糧道胡延

江蘇候補道郭道直馳往福建省城按照原參各款密

切訪查詳慎考證據實稟覆核辦茲據該道等會同調

查案據兼以采訪輿論互相參考查明稟覆前來復經

臣飭傳該道等詳切面詢覆加考察按照原參各款確

查實在情形敬爲 皇太后 皇上分晰陳之一原奏

所稱光緒二十七年六月萬壽聖節該督已正始謁萬

壽宮行禮爲前福州將軍景星所譏該督拍案詬詈幾

至鬪毆一節查是年六月萬壽聖節慶賀該督臣許應

張文襄公全集

卷五十九

奏議五十九

九

騭到班尙早並未遲至已正其與景星爭辯係在朝房

更衣之後因船政應撥海關款項該督臣在兼署將軍

任內久未撥解景星到任該督臣移請撥解彼此爭論

互相譁訶至於拍案尙無詬詈幾至鬪毆之事一原奏

所稱庚子福州大水該督深居不出反召優伶連日劇

飲紳士稟請給照買米又靳弗與專給其同鄉義和行

買辦吳鑄亭采買該督之弟許應璜與吳鑄亭合夥營

商日在南臺招權納賄本年十月倒欠二十餘萬被其

弟先期私運回里一節查庚子年福州水災經司局詳

請奏開賑捐辦理賑撫一年之久尙非玩視民瘼訪聞

該督臣是時亦未召優劇飲領照買米不止一人吳鑄亭亦僅承辦一次查許應璜係許應騏族弟該督臣到任時自粵來閩省視因吳鑄亭係屬同鄉向有來往尙無合夥營商招權納賄之事現在許應璜業已回粵吳鑄亭經手義和行事倒欠商款實祇二萬餘兩並無二十萬之多事與許應璜無涉並無先期私運回里情事一原奏所稱該督於文職信用臬司楊文鼎道員孫道仁武職信用總兵鍾紫雲三人狼狽爲奸文武多出其門屬員習爲奔競政以賄成一節查臬司楊文鼎在鹽道任內卽總理捐局現又總辦武備學堂該督臣因其

張文襄公全集

卷五十九

奏議五十九

十

才堪任事一切要政多與商推道員孫道仁統帶福勝軍又會辦武備學堂總兵鍾紫雲統帶福強軍皆爲該督臣所信任至以巨金結納及具贄拜門等事查無確據一原奏所稱文職買差買缺多由楊文鼎孫道仁經手武職多由鍾紫雲經手最著者如知縣吳兆璜買署詔安王國瑞買署建甯仙遊崇安捐升知府蔣唐祐在晉和被控買署莆田知縣朱開泰買署連江章景楓買署晉江楊文鼎復假手於官運課釐局提調鹽大使宋尊望爲之居間說項得贓分肥宋尊望將局中閒款搜括與楊文鼎均分創設銅元局公款半歸私飽各節查

前署詔安縣知縣呂兆璜並非吳兆璜其在莆田縣署任內被控納本縣舉人楊中楷婢女爲妾飭據呂兆璜供稱納妾屬實但在交卸莆田之後現在呂兆璜楊中楷均已病故王國瑞卸署仙遊後酌委崇安並未委署建甯各任內均無被控之事蔣唐祐前署政和縣並非晉和在任被廩生宋士英上控侵吞膏火浮收寺捐據建甯府委員查明尙無其事宋士英等捏詞越控由府詳革又在莆田署任被附生劉玉麟臚列八款上控臬司楊文鼎以事不干己立案不行嗣據興化府知府玉貴詳請將劉玉麟等五名斥革經該督臣批准復行府

張文襄公全集

卷五十九

奏議五十九

十一

提案根究主唆之人蔣唐祐被控各款令其自行稟復嗣有縣民與蔣唐祐爲難糾眾赴署滋鬧并將其勇丁轎夫毆傷蔣唐祐因公晉省藩司周蓮因其人地不宜檄飭留省當差至知縣朱開泰委署連江章景楓委署晉江均係酌委雖謠詠紛騰尙無賄賂營謀確據惟調閱各縣控案凡地方生員一經上省控官卽褫衣頂無一免者最甚者莫如蔣唐祐莆田一案臚列劣迹八款之多自應飭本管道府查復乃不問虛實遽將原控五生斥革又復批府提案嚴究以致纍纍青衿株連羈押而蔣唐祐被控八款僅令自行稟覆查閱蔣唐祐覆稟

滿紙矜夸負氣之言恃寵而驕聲情如繪不知此等劣員何以深信不疑始終信任查此案初控省之時藩司周蓮係批府確查而臬司楊文鼎逕行批革嗣後蔣唐祐署事期滿本管知府玉貴稟請留署周蓮深知其人地不宜委員接署其眷屬回省復經該府會營派兵護送袒庇若此查蔣唐祐得罪縣民至辱其輿從眷口回省又慮及百姓阻鬧其爲眾惡所歸不獨四五紳士與之爲難亦可想見至鹽大使宋尊望向在官運局課釐局當差爲楊文鼎所信任承辦各捐假公營私專好結納惟謂其居間得贓分肥則查無實據官運課釐兩局

張文襄公全集

卷五十九

奏議五十九

十一

諂媚得各優差於所統福勝軍及衛隊親軍一切委之教習崔祥奎紊亂營規剋扣軍餉孫道仁受其挾制且爲掄揚其鍾紫雲復與督中協副將賴文華結拜兄弟每遇提標將備各缺無不廣收賄賂各節查孫道仁係前提督孫開華之子亦通文理尙不至目不識丁且小有肆應之才惟該員年輕資淺既無學問又無閱歷省城福勝軍勇丁十旗及衛隊親軍一營全歸該道一人統領此外兼差尙多聲勢烜赫其逢迎結納朋比營求頗不理於眾口至謂一切軍政委之教習崔祥奎查崔祥奎現係試用知府從前係北洋武備學堂學生出身

張文襄公全集

卷五十九

奏議五十九

十二

不合至與賴文華互相推挽掄揚則實有其事一原奏所稱二十六年七八月間聖駕西巡萬眾感憤該督晝夜酣嬉當憂而樂鍾紫雲孫道仁所統各軍攤派餉銀競紮龍燈向督署戲耍該督日吸洋煙一百二十口優人名紫雲者鍾紫雲進之該督該伶終日女妝出入督署各節查庚子年七八月間福州方有水災官紳籌辦賑撫均無暇逸樂亦無東洋影戲次年正月各營兵自紮龍燈但未攤派餉銀該督臣從不吸食洋煙人所共知省城優伶有名紫紅者年齒已衰查無出入督署之事一原奏所稱該督七十壽辰黃白雜進私橐已盈二

張文襄全集

卷五十九 奏議五十九

古

十五年二月該督爲其先人作百年冥壽候補道何成浩進珠如意兩柄鍾紫雲獻八千金爲燒箔之用前藩司李興銳僅送呢幃至爲門丁所擲嗣是遇散壽屬員爭餽厚禮三百里内外文武躬詣稱祝無敢後者各節查光緒二十五年該督臣七十賜壽張筵款客祝者較多不免收受禮物候補道何成浩並無進珠如意兩柄之事惟聞有人送玉如意者其價甚昂致與售主議價爭鬧但不能得其主名至冥壽資福是其鄉風所送禮物多紙紮聯幃之類藩司李興銳於該督臣生日送呢幃一懸門丁索門包二十四元李興銳不與將呢幃收

回該督臣聞之切責門丁李興銳仍以幃進至鍾紫雲獻八千金則查無確據一原奏所稱閩省捐局向綜於藩司該督憚前藩司張曾敷之守正改派鹽道楊文鼎爲總辦後署臬司局務隨之現任藩司周蓮拱手受成一節查閩省捐局楊文鼎前委總辦捐局前任藩司張曾敷現任藩司周蓮雖先後充該局督辦其事實歸楊文鼎一人主持查藩司政務殷繁日不暇給即使藩司爲守兼優亦未必無所不知無所不能各省局務司道雖一同列銜往往專派司道一員或候補道一員主稿量能分任以爲藩司之協助至籌捐等事自有專長除

張文襄全集

卷五十九 奏議五十九

五

官缺田賦軍餉三大端外原不必事事皆責之藩司一人只論其有無弊端不在以何員爲總辦藩司如查出弊端儘可據實稟揭楊文鼎於捐事最爲精明熟悉且係實缺臬司鹽道總辦捐局並無不合一原奏所稱庚子水災紳士陳寶琛曾宗彥等在省城東街平糶止用銀四萬餘元而常平報銷至八十四萬有奇外省外埠捐銀尙不在內一節查閩省向無賑捐局光緒二十六年六月水災係由善後局辦理急賑歸前藩司張曾敷主政八月奏准開捐始設賑捐專局善後局辦賑墊款均移歸賑捐策銷紳士陳寶琛等在東街平糶並未報

明賑局究竟買米及用款若干局中無案可稽庚子水災並未動放倉穀賑局官辦平糶係常川開設共有五廠照原購之值減價出售截至次年七月止設廠既多歷時又久用款自較紳辦爲巨計水災案內共用銀六十四萬九千三百餘兩詳經奏報係連平放賑辦工開河等項一并在內其平糶一項亦祇報銷銀十六萬一千五百餘兩實無八十四萬之多賑局所收外省外埠捐款銀四十四萬二千餘兩亦經奏明有案原參所指各款係將工賑各項併爲平糶之用故覺其多現經逐款查明尚無別項情弊一原奏所稱防捐派全省八十

張文襄公全集

卷五十九

奏議五十九

六

依期造送所收捐款斷不能同時解齊即本省汀邵等府多有遲至隔年始行解到外省外洋報解更難迅速原參九月仍有收捐之事或係因此誤會此項捐款奏明專辦海防之用先後撥充勇餉及修造礮臺廠屋訂購機器軍械等項銀共銀一百四萬六千餘兩現實存銀十四萬八百八十餘兩並未提充別項公用至源豐潤兌局本省將軍司道各庫及善後局凡有零星收款向存該號撥兌不自楊文鼎始調查該號帳簿均係時存時放尚無生息之事至賑捐鉅款及各署正款均未存放商號遍訪均無異詞一原奏所稱武備學堂關繫

張文襄公全集

卷五十九

奏議五十九

七

萬八月截止已多贏餘而九月仍有收捐之事款目至一百二十餘萬奏請截留實則肥已大半在楊文鼎之手寄放源豐潤兌局生息其所開銷多係浮報一節查閩省前因籌辦海防奏准截留海防捐款備用光緒二十七年正月設局開辦飭委周蓮督辦楊文鼎總辦派員分赴各省及南洋各埠勸辦本省責成府縣收辦本未限定收數七月二十九日奉旨停捐即經電咨行在戶部將遵旨截止日期報明八月二十九日捐冊依限一律造齊先後七批共收正項及部飯照費共銀一百十九萬五千兩有奇有案可查至停捐時各處捐冊雖

綦重臬司楊文鼎因其妾不容於嫡鎖禁空園求計孫道仁令通判閔毓靖與鹽大使宋尊望乘夜挖開鹽道署後牆將所禁之妾移居於武備學堂孫道仁亦將其妾遷入學堂且乘大閱之時輜後隨帶女眷十餘口至營看操玩視戎行而楊文鼎更不時於署中聚賭集孫道仁何成浩鍾紫雲等互相角勝臬司公事一任刑幕陳濟洵舞弊本年楊文鼎五十五生日大收禮物各節查閩省武備學堂規模宏敞係就裁缺巡撫衙門改建楊文鼎孫道仁實總其事學堂房舍甚多孫道仁及提調各員均攜眷住堂但分門別戶不與學生教習相混楊

文鼎在鹽道任內有妾生子其妻非理禁錮楊文鼎乘夜將妾移出寄居孫道仁寓所訪查官民並無求計挖牆等事通判閔毓靖鹽大使宋尊望曾否與聞其事無從查悉惟閔毓靖乖張卑鄙遇事生風宋尊望劣蹟多端均爲楊文鼎孫道仁所信任工於趨奉大閱之日楊文鼎孫道仁女眷俱乘輿往觀其時傾城士女皆往看操不獨此兩家眷屬此事無關吏議至楊文鼎辦事敏捷每日午前即將公事了清案無留牘往往招集鍾紫雲孫道仁等及富商數人聚談留飯賓客過雜事誠有之雖傳聞有偶爾鬪牌之時實無憑據更無公然開賭

張文襄公全集

卷五十九

奏議五十九

六

之事臬幕陳濟洵人尙謹飭並無舞弊情事本年楊文鼎五十生日張筵演戲數日間間有收受禮物之事查楊文鼎辦事有才該督臣任之太專通省要政多責之該臬司一人權勢既重因而恃才驕蹇任意指揮以致同官側目一原奏所稱閩中小銀元舊係孫姓承辦因銀色止有七成市間不能通行後改歸官辦其不通行與孫姓相等該督乃用楊文鼎之策勒令各府州縣典鋪錢莊以大易小移害於人至錢法則銅三鉛七名爲烏鉛錢民不肯用亦以官示勒之至納稅完糧均不得用一節查閩省小銀元前由紳士孫葆璋承辦銀色在

七成左右不能通行嗣因孫葆璋虧累改歸官鑄銀色相等省城發給軍餉薪糧每銀百兩折發大銀元七成小銀元三成民間繳解錢糧每百兩繳紋銀五十兩大銀元四十小銀元一十原參以大易小蓋卽指此省城內外現行烏鉛錢質地薄劣民不肯用此錢並非官鑄亦未以官示勒之現在銀元局已停鑄銀元專鑄銅元行銷甚暢於官民皆有裨益一原奏所稱坐買抽捐事非得已本年四月仙遊滋事該邑地方本小署任王士駿句結紳士設局勒派民不堪命致將經手辦捐之紳董書差房屋拆毀王士駿以民變通稟該督不問原由

張文襄公全集

卷五十九

奏議五十九

九

輒派候補道柯欣榮會同興化府玉貴帶開花駁馳往勦滅無數鄉村戮及無辜婦孺乃捏報拒捕格殺二十餘名完案尤可怪者責令鄉民攤賠兵費一萬八千餘元一節查此案情節重大派員密訪查得閩省派償洋款經司局議辦隨糧捐房捐鋪戶捐三項內鋪捐仿照坐買辦理又謂之坐買捐按照貨物價值每銀一兩抽銀三分每錢一千抽捐三十署仙遊縣知縣王士駿慮及捐數不足商之紳董鄭元凱黃紀通紀有堂吳仁英等該紳董迎合縣意設法蒐羅凡土產之貨不由鋪戶買賣者亦一律起捐甚至加倍在縣城郭家祠開局抽

收民間噴有煩言縣南傅圍鄉民情素悍糾集隣鄉二
三千人於五月初六日進城向縣署喧鬧王士駿諭禁
不止因言加捐乃紳董所爲并開姓名單付之鄉民一
擁出署奔至紳董鄭黃紀吳四家及庫書林允升房屋
并捐局全行拆毀初七日又復進城滋鬧適莆田聞警
派勇踵至鄉民畏懼逃出門拆毀糧書劉保房屋而
散王士駿通稟請兵該督臣飭派候補道柯欣榮參將
江孝全帶兵數百名馳抵仙遊時興化府知府玉貴未
到王士駿與柯欣榮等連日遣人往鄉探路實欲各鄉
轉圍不意其人均被窘辱而回二十九日柯欣榮在城
張文襄公全集 卷五十九 奏議五十九 三

間半山村出洋六千元青山村出洋四千元白塔霞苑
等村出洋多少不一皆散給被拆房屋各紳吏之家調
查案據該督臣原奏與所訪情形不盡相同如滋事實
由派捐而原奏謂匪徒以祈雨爲名無故焚毀釐卡鹽
館至擊斃人數亦不相符其縣城斬決四名係王士駿
審係滋事抗捐之犯由該督臣批令就地正法又該督
臣原奏稱王士駿本係閩省老吏夙著賢能此次變起
倉猝竭力防禦捐輸亦係照章並無不合等語查王士
駿素負能名辦事操切上年賠款派捐各省同時舉辦
卽謂閩省民風強悍何以滋事止有仙遊一縣且該縣
張文襄公全集 卷五十九 奏議五十九 三

未出營縣分帶兵役突至白塔霞苑兩村拏獲數十人
折至傅圍村鄉民鳴槍持械扼要拒守乃開礮轟擊至
斃鄉民十餘名殺死四名震死女孩四名眾民紛紛逃
匿兵隊乘勢搜捕焚燒民房九十餘家傅如璋所開聚
成典鋪及油坊住屋悉歸一炬鄉民傅棕轟斃倒地認
係爲首之人將其頭割下帶城示眾又有鄰鄉愚民陳
玉鄭泳陳起春張堂四名跟定王士駿之轎喧鬧狀類
風狂帶回縣署處以斬決知府玉貴事後始到誤傳鄉
民將圖報復城廂畏累罷市玉貴躬自勸導始貿易如
常至攤賠各費皆出自會隨傅圍鄉進城鬧事之鄉村

顧該督以鍾紫雲兼之汀漳龍道缺出何成浩回籍未返該督懸缺以待急電促之各節查鍾紫雲係實缺福甯鎮總兵派統福強各軍駐守長門素為該督臣所信任委署提督長門距泉州過遠誠有不宜惟現在早已交卸署篆候補道何成浩前派赴廣東各埠勸捐甚為出力回省之日委署汀漳龍道並非補授惟查何成浩人尚謹慎署理汀漳龍道為日甚暫任內亦無劣蹟可指一原奏所稱該督之子江蘇候補道許秉璋及其婿委充洋務局銀元局提調補用知府彭思桂皆倚勢招搖聲名甚劣一節查許秉璋以道員指分江蘇尚未到

張文襄公全集

卷五十九

奏議五十九

三

省隨任閩省並不出外應酬分省補用知府彭思桂查係該督臣姪婿例不迴避該員諳習洋語是以派充洋務局提調兼銀元局差使與許秉璋均無倚勢招搖情事一原奏所稱家丁楊升尤為該督所昵龍溪鹽商林姓一案索賄二萬餘金贓已入手嗣因幕賓批駁之處改為批准事經告發該督不得已將楊升交縣詞連署內子弟委員不敢窮詰案懸至今論者謂該督實受贓款誘諸楊升一節查楊升為督署家丁派管外書房文件光緒二十六年十月楊升與在逃素識之徐景雲開談稱有龍溪鹽商林泰稟請接辦鹽務託楊升設法批

准楊升貪利允從將未准批語改為應准接辦並描摹該督臣及幕友圖章雕刻蓋用朦混鈐印發行當由徐景雲交給楊升票錢三千三百串旋經該督臣覺察將楊升及承稿經書林振綱等發府訊辦奏明檢舉在案現在楊升已經福州府訊取確供按律擬定絞監候罪名詳辦該犯前後供詞並未牽連署中子弟官眷此案該督臣並未稍事迴護原參所云自係傳聞之誤以上各節據委查道員胡延郭道直分條查訪尚屬詳悉臣覆加查核此案原參閩浙督臣許應駁貪污卑鄙受賄營私各款均無實據惟身任封圻受恩深重當此時事

張文襄公全集

卷五十九

奏議五十九

三

艱難宵旰憂勞之日不能憂勤儉約正已率下虛心求治固結民心生日多收禮物家丁勒索門包人言嘖嘖不為無因其於蔣唐祐莆田一案原控臚列劣蹟至八款之多並不飭查輒將原告五生盡行褫革批府嚴究於王士駿仙遊一案信其朦稟不責其派捐生事遽准發兵致令激成巨衅慘斃多命礮斃震斃之外又復將隨轎喧鬧者帶回城內正法四人此等殘暴之員不加譴責復為奏請免議民心尤多不服據該道等訪諸輿論皆謂該督臣資老年高不免自負大率好諂而惡直是官而非民此其用人行政不能允協之病根至於通

省政事行止人才進退從無周諮博訪之時文事文職惟專聽楊文鼎孫道仁兩員之言武事武職惟專聽鍾紫雲賴文華兩員之言而此數人又爲通省官民之所詬病然則無論有無他項私弊其爲用人太偏下情壅蔽以致輿論不孚臣實不能曲爲該督臣諱臣欽遵諭旨不敢稍存徇隱案關封疆大吏謹據實奏聞伏候聖裁福建按察使楊文鼎恃才傲物多攬權利豪縱娛樂喜人應酬徇屬員輕革諸生於上控各案動輒批駁不恤民隱實非掌刑獄司風憲之官所宜至於親狎雜賓爲人所輕治家無法貽人訕笑尙屬小節惟查該員

張文襄公全集

卷五十九

奏議五十九

五

才具素長吏事幹練治事精敏案無留牘尤長於辦捐籌餉確係辦事能員此時若蒙聖恩量加儆戒示以裁抑令其恪就準繩他日尙係有用之才正朝廷成就該員之德意惟臬司實未能勝任相應請旨將楊文鼎以道員降補以觀後效福甯鎮總兵鍾紫雲早年統兵尙好此時物議滋多但查無賣差賣缺吞餉受賄實據惟以提鎮大員專以逢迎奔競朋比交結爲事其營伍自不能核實整頓勢所必然實屬有忝專閩之職應請旨將鍾紫雲開去福甯鎮總兵之缺留於閩省差委以策將來福建督標中軍副將賴文華外樸內狡工於趨附

且多汲引私人應請旨將賴文華以守備降補福建補用道孫道仁年少熱中營求好利爲通省各官之倡敗壞風氣有忝家聲所統各營於本地勇丁缺額扣餉亦難保其必無論其品行事蹟本應褫革惟該員平日尙知練兵爲今日急務其資性聰穎承辦武備學堂頗肯講求所統各營雖不能精通西操事事合法然該員肯親身帶隊操練尙有皮毛較之各省統領文武大員一味頑固驕惰全不肯仿照西式操練者實已加人一等臣數年來於練兵一事稍知甘苦似此有志講求新法操練之員閩省恐不易覓似不能不加以節取且該員

張文襄公全集

卷五十九

奏議五十九

五

係立功宿將孫開華之子可否仰懇格外天恩將孫道仁以通判降補仍留福建撤去善後局及福勝軍衛隊親軍統領暨他項差事令其專充武備學堂總辦并充督操營務處責令戴罪圖功務令將閩省勇營訓練實有成效以贖前愆俟三年後朝廷派員赴閩閱看如閩省各軍操練不精弊端未去卽由閩浙督臣從嚴參辦永不敘用福建試用通判閩毓靖鑽營生事候補鹽大使宋尊望貪鄙嗜利應請旨均卽行革職捐升知府前署莆田縣知縣蔣唐祐卑鄙妄爲劣跡多端輿情怨憤應請旨革職永不敘用署仙遊縣知縣王士駿派捐苛

刻激成事變率行請兵下鄉先後擊斃斬殺鄉民二十餘命并毀鄉村鋪戶實屬苛暴殘忍統帶祥勝營參將江孝全督兵彈壓不能相機開導威惠兼施勒繳首犯遽行開礮轟斃多命候補道柯欣榮雖未下鄉惟不能籌商妥辦亦有不合相應請旨將王士駿革職永不敘用並發往軍臺效力贖罪江孝全即行革職柯欣榮交部議處以為草菅民命者戒至江蘇候補道許秉璋福建候補道何成浩分省補用知府彭思桂知縣王國瑞朱開泰章景楓臬幕陳濟洧等均查無劣蹟知縣呂兆璜業已病故許應璜早經離閩應均請免其置議再學

張文襄全集 卷五十九 奏議五十九

三

堂為教育人才之地學生眾多理宜清肅豈容總辦提調等員寄頓眷屬况在武備尤不相宜應請旨敕下閩浙總督嚴飭楊文鼎孫道仁等速將眷口遷出學堂嗣後無論何官均不准攜眷住堂以肅學規而重武備殊批另有旨欽此

創設官錢局摺 光緒二十九年二月十三日

竊照江蘇地方近年制錢異常短絀錢價日昂商民交困大江南北情形皆同雖經前督臣劉坤一於上年六月間奏准在金陵銀元局增鑄銅元而民庶用繁銅元一端仍未足供全省之用體察情形惟有行用官錢票

以濟現錢之窮且必須廣鑄銅元以應官錢票之取庶可互相維持臣等往復電商辦法應於江甯蘇州兩省均設立官銀錢局同時并舉力量較厚補益較多以常理論之甯屬蘇屬本為一省既行官錢票自宜彼此交兌互收一氣貫通不分界限庶足便商旅而廣流通即如民間銀號錢莊亦必各處多設分行共一總號隨處可以取錢可以匯兌氣勢方寬惟創辦之初或須有因地制宜之處祇可暫為各用各票俾端緒較清稽核較易當飭甯蘇兩藩司將應行籌畫事宜會商詳辦茲據江甯布政使李有棻蘇州布政使陸元鼎會詳稱擬各

張文襄全集 卷五十九 奏議五十九

三

就省城創設官銀錢局一所在甯曰裕甯官銀錢局在蘇曰裕蘇官銀錢局繕繪官錢票樣分註局名擬請咨由出使日本大臣轉託日本大藏省印刷局精製票板刷印票紙每票一張作制錢一千文准其完納本省關稅鹽課釐金及一切公款與現錢無異江甯省城已由江甯藩司籌款添購銅元機器擴充廠屋廣為鑄造前於正月內奏明在案蘇州省城現已由蘇州藩司籌款創設銅元局購機趕辦另摺奏明除儲備制錢待用外尤須多存官鑄銅元作為票本凡持票赴局兌取現錢者每票或取制錢一千文或取銅元一百元悉聽民便

甯蘇兩局之票板式樣一律相同惟局名及蓋用兩藩司印信各別暫時各用各票俟甯蘇本屬流通大信昭著再行互相兌用以期脈絡貫通合而為一等情具詳請奏前來臣等查中國民間日用向以錢為大宗錢缺價昂商民皆病其最苦累者以三項為尤甚兵勇之領餉以銀數計錢過貴則餉項明不減而暗減商賈之完釐捐以錢數計錢過貴則釐捐名不加而實加至於鹽務為尤甚運商行銷外省以銀數計運商訂場商之鹽場商收竈戶之鹽皆以錢數計錢價過貴則運商贏不補虧勢將停運尤於大局有關至於銀價日低則定貨疑

張文襄全集

卷五十九

奏議五十九

天

辦並通飭全省州縣關局凡遇商民持票呈繳官項者與現錢一體兌收不准稍有留難需索及補色補串等弊違者嚴行參處

硃批著照所請戶部知道欽此

選派水陸師學堂學生出洋肄業片光緒二十九年二月十三日

再光緒二十八年九月初四日欽奉上諭朕欽奉慈禧端佑康頤昭豫莊誠壽恭欽獻崇熙皇太后懿旨前經降旨飭令各省調派學生出洋遊學以資造就聞近來遊學日本者尙不乏人泰西各國或以道遠費多資送甚少亟應廣開風氣著各省督撫選擇明通端正之

張文襄全集

卷五十九

奏議五十九

天

沮百貨壅滯行旅苦累一切商務民生均多窒礙惟行用官錢票以代現錢又多鑄銅元以輔錢票官票銅元兩皆充裕由官酌盈劑虛權其收放則可以損其過而常持其平惟官票必須官收示民以信斯為行票之根本官票既暢錢價自平民困自紓實為今日利國便民之急務現已咨會出使日本國大臣蔡鈞轉託日本印刷局按照所寄票式代為製印約計七八箇月可以造成寄回應用現飭甯蘇兩藩司兩局此時各用各票以後體察情形如可以交兌互收再行定數立限制付結算設法防弊以廣流通其一切未盡事宜迅即妥籌舉

取畢業學生曾習德文者八人派往德國陸師學堂分習步騎礮工各門學問每年約需經費銀二萬兩在於司庫籌備要政經費各款項下如數動撥其往返川資治裝各項統由司於要政經費項下湊足各學生均屬青年有志資性可造之才經臣諄切訓勉到外國後務須立品端重不忘君國勤求實學交結正人期於學成回國各有專長以備任使此次派往暫以三年為限至三年滿後應否即令回華抑或再令留學以期大成之處應俟屆時體察中國需用緩急情形學生志業再行斟酌辦理

張文襄公全集

卷五十九

奏議五十九

三

硃批外務部知道欽此

張文襄公全集卷五十九終

新城王樹森校

張文襄公全集卷六十

奏議六十

敬舉廉能摺

光緒二十九年二月十九日

竊臣自抵兩江署任已四閱月時時以考覈人才為急凡文武各員之貪劣著聞者已擇尤參處其廉能任事確有政績可憑者自不可不加以獎勸茲將各該員品誼才具臚陳如左

江蘇試用道蒯光典由翰林改官道員學識優長體用賅備於光緒二十六年經前督臣劉坤一委辦正陽關督銷鹽局該道力求整頓嚴緝私梟一年中增銷官引

張文襄公全集

卷六十

奏議六十

一

至二十餘萬包增收課釐至四十餘萬兩為從來所未有良由該道廉正自持絲毫不苟故員司知所嚴憚弊絕風清至其果敢有才勇於任事實足獨當一面勞怨不辭

江蘇候補道沈邦憲通達時務練覈事情歷辦甯省洋務善後籌防等局要差條理精密規畫周詳光緒二十五年前督臣劉坤一以該道才堪任使專摺奏保奉旨交軍機處存記欽此旋委辦湖北督銷鹽局疏銷官引釐別弊端稟裁浮費濫支歲省公款甚鉅該道從未一言自為表暴尤見局量過人

江蘇試用道方碩輔操履篤實識慮端純前委令創辦江南駐蕪湖米釐局推誠執約開導外人咸皆就範循辦至今裨益餉需甚鉅委辦省城水師學堂事事講求於各學生品行學業考核精詳允當力杜澆風立身行己儉約勤能無一毫華囂習氣洵能砥礪廉隅可以力矯官場惡習

江蘇候補道郭道直於同治初年投效淮軍辦理糧臺營務處等差積功存保道員到省三十餘年資望之深無出其右歷委省局要差均能持廉核實事事認真經前署督臣沈秉成前督臣劉坤一先後奏保均奉旨交張文襄公全集卷六十 奏議六十 二

軍機處存記欽此該道器識端凝綜核精密居官以廉讓爲先從未營求干進在江南候補道中尤爲難得洵足以風厲末俗

江蘇候補道趙有倫實心任事樸質清廉上年三月經前督臣委辦金陵下關掣驗鹽卡該卡向爲叢弊之藪自該道蒞差認真整頓積弊爲之一空私鹽無從夾帶官引日見暢銷商情悅服遠近同聲釐課增收確有成效實爲數十年下關委員之所無經安徽撫臣聶緝槩奏明有案洵屬不染習俗才守兼優

候選道梁敦彥宅心正大慮事精詳前以出洋學生在

美國留學十年得有大學堂優等文憑熟於公法交涉之學經臣委辦洋務兼充議約隨員上年商訂英約及此次酌定甯滬鐵路合同爭回中國權利不少實於大局有裨其品學爲各國洋員所推重通方守正洵洋務中罕覯之才

江蘇試用道朱潛前官順天府通判於光緒十六年在治中署任內辦理賑撫局款項涓滴歸公最稱核實經前兼尹臣潘祖蔭等保獎有案嗣以道員改官江蘇委辦金陵下關掣驗卡務提解功鹽變價一年至九萬餘兩二十五年委辦皖岸鹽局裁節浮費至二萬餘兩之張文襄公全集卷六十 奏議六十 三

多洵能潔己奉公廉隅自飭前督臣劉坤一遇有大事輒加諮詢頗資贊畫該道性情爽直才識優長堪備任使

統領南洋續備軍等營狼山鎮總兵楊金龍性情樸勇治軍整肅遇事勇爲不耽安逸所統各營勇丁一律精壯毫無缺額扣餉之弊前曾派赴日本觀操回國後深以武備不修爲恥於訓練洋操新法近頗有志講求不以舊聞自囿在江南將領中實爲傑出之才

以上文武各員均經臣再三察試確知其爲守兼優皆足備聖明甄敘惟查沈邦憲郭道直二員前均已蒙恩

存記蒯光典方碩輔趙有倫三員現俱委辦鹽務最要之差協力同心相資爲用使各久於其事則淮南北鹽綱可期大振楊金龍一員係實缺總兵現統南洋續備各營正資訓練均未便暫離差次合無仰懇天恩俯准將道員蒯光典沈邦憲方碩輔趙有倫郭道直總兵楊金龍六員均傳旨嘉獎道員朱潛梁敦彥兩員均給咨送部引見以勵廉能而昭激勸

籌辦移設製造局添建槍礮新廠摺

光緒廿九年二月十九日

張文襄公全集

卷六十

奏議六十

四

竊照上海高昌廟地方新設江南製造局創自同治初年經前督臣曾國藩前署督臣李鴻章艱難草創基構方成歷任督臣漸次擴充規模始備然在創造之初李鴻章原奏即有上海地方設局於久遠之計殊不相宜稍緩當移至金陵沿江偏僻處所之議具見老成謀國慮遠思深迨今三十餘年中外臣工鑒於福州旅順之事屢經論列謂宜將滬廠遷移內地光緒二十三年十二月今大學士臣榮祿復奏請將上海製造局設法移赴湖南近鑛之區欽奉上諭近來中國戰艦未備沿海各地易啟他族覬覦從前製造局廠多在江海要衝亟

應未雨綢繆移設堂與之區庶幾緩急可恃著各就地情形認真籌辦總期有備無患倉卒足以應變等因欽此仰見聖慮淵深至周至密欽仰莫名上年冬臣甫到金陵製造局總辦道員毛慶蕃即首申此議臣伏查上海地方今昔情形迥不相同近年黃浦江中吳淞口外爲各國兵輪所萃遇有中外戰事輒阻我軍火裝運出口致不能接濟他處甚或以兵艦駐泊近廠江面以相伺察慢藏之害岌岌可虞至該局所有機器七年以前所造係快利槍乃滬局臆造之式亦不適用故槍機新

張文襄公全集

卷六十

奏議六十

五

舊湊配出數無多礮機亦未完備歲糜巨款實爲可惜本應另籌良法俾各械日精日多得收實效近數年疊奉諭旨飭令各省軍營所用槍械宜歸一律洵爲軍實最要之義曷勝欽服遵經屢次互較直至上年始經該局定議滬廠仿照鄂廠一律改造小口徑新毛瑟快槍惟滬廠槍機不能全備必須兼以人工剉磨並非全係機器所成故費工多而出槍少近年陸續添機漸次整頓每日仍祇能出槍七枝一年祇能出槍二千餘枝既不合算且於武備大局無裨其礮廠所造車礮亦不盡適用必須另購新式造槍機器須每年能造五萬枝快

槍者添配新式造礮機器須每年能造大臺礮十尊七
生半口徑快礮二百尊者庶數年之後足以應各省之
取求而歸於畫一卽各國軍火不來亦可無慮嘗聞外
洋覘國者之言謂若一國中一年能造槍十萬枝者其
國卽未可輕侮今得此大宗新機川流鑄造聲威遠布
亦足以壯士氣而定民心臣自抵兩江署任卽注意此
事疊與該局總辦道員毛慶蕃鄭孝胥再四籌議僉稱
該局自應遵旨移設堂奧之區方爲正辦惟是滬廠地
段甚廣工程甚大一經遷移機墩煙囪地基石工全歸
無用若存此舊廠用處甚多故籌移廠不如設分廠此

張文襄公全集

卷六十

奏議六十

六

拆彼安遠道搬運機器易損糜費亦多較之購機新建
所省不過一半故移舊機不如購新機而添機添廠需
款極鉅萬難猝集故待另籌新款不如節舊械無益之
費爲新廠新機之費臣通盤籌畫業已粗有端倪謹將
籌辦大概情形分條縷陳如左

一新廠移設內地已擇定基址也臣三次派委道員劉
錫庚鄭孝胥潘學祖等先後馳往金陵上游沿江偏僻
處所分投履勘茲選得皖省宣城縣屬灣沚鎮迤東之
啟發山陸路距江甯省城二百二十餘里道路平坦並
無山嶺祇有小河一道水路距蕪湖江邊七十餘里由

蕪湖之中江可通至灣沚此河春夏秋水頗深廣可行
小輪冬間亦可行百餘石之民船由灣沚有小河通至
胡家橋此山距胡家橋約三里許山面寬廣平坦約有
地千餘畝並無墳墓全山有土無石山麓係坦坡迤邐
而上斜度僅止數丈地勢高燥土性堅實南面秦龍山
遠峯聳峙秀氣蔥蘢東西兩面重山環抱遠在數十里
外形勢極佳以此地移建新廠最爲合用

一新廠工程新機價值約可預計也查近年鎊價日昂
購買外洋物料以銀折算貴至倍蓰近經采訪約略核
估槍廠新式全副機器槍機須每日能造一百七十枝

張文襄公全集

卷六十

奏議六十

七

歲出槍五萬枝者彈機須每日能造十萬顆歲出彈三
千萬顆者約需銀二百四十五萬兩舊廠造礮機造藥
機尙多可用祇須酌量添配以備移設以每歲能造陸
路七生半快礮二百尊十五生十二生臺礮共十尊彈
藥足用爲度計添配之機約需銀五六十萬兩此外修
理機器廠翻沙廠等各項應用機器約需銀二三十萬
兩各所工廠地基鑪座煙囪磚石鐵木各項工料填地
築路開溝圍牆馬頭礮岸起重架住房雜屋堆棧庫房
一應工程地價及搬移舊廠礮機藥機拆起運卸之費
約需銀一百五十萬兩綜計約五百萬兩以歲提銀一

百萬兩積算五年可以完備此外按年添補擴充不在此限

一經費不必另籌也查近年滬關稅收較旺應撥該廠二成洋稅歲得銀一百二十餘萬兩又奏定各關局另撥滬廠常年專款二十萬兩統計每年可得銀一百四十萬兩擬提出一百萬兩專作新設分廠經費飭該局將各項械彈分別有用無用酌量停造減造並裁汰冗員雜費歲可節省用款銀十餘萬兩銷售鋼鐵修理輪船及各省購用槍礮價值歲可收回工本銀十餘萬兩每年仍劃留二成洋稅銀二十萬兩及滬局常年經費

張文襄公全集

卷六十 奏議六十

八

二十萬兩作為滬上舊局經費足敷支應其餘一百萬兩陸續提出存放上海匯豐銀行買鎊生息以備修建新廠購辦新機之用無論何項要需不准動支此款一分建新廠宜先所急也查滬局槍廠機器最不合用而行軍利器用槍最繁現新局宜先從造槍各廠起手俟槍廠既成再造礮廠礮廠既成再造藥廠似此專力經營則造成一廠便得一廠之用而遞年構造經營亦易於接濟

一新機雖大常年止須製造一半也或慮每年如造快槍五萬枝快礮二百尊每槍每礮各配造子彈五百顆

臺礮十尊則常年經費浩繁原有之款恐不敷用不知置購新機須備急用時可加工趕造其數目多多益善平日儘可視所有經費酌量減造假如能造五萬枝之槍機常日止造二萬五千枝經費即可省一半甚至歲造二萬枝亦可礮機亦然況中國工匠斷不能如外洋工匠手藝之純熟約計初造時出數亦止能及半故購辦新機斷不可僅顧目前致有事時仍貽措手不及之悔

一舊廠宜大減製造以節糜費也此五年內本省外省撥用械彈者滬局祇可酌量應付此後凡不急之物可

張文襄公全集

卷六十 奏議六十

九

緩之需及式舊數少之槍彈大小礮之實心彈等類皆行停造槍枝除小口毛瑟外亦皆停造其雜項槍礮藥彈較為有用者酌量減少各項機器祇開一半每屆半年更番開用此開彼歇工匠亦祇用一半如此則機器不致鏽蝕良工不致走散而工料可省一半本省外省撥用者亦減半應付撥用槍彈者可酌量分歸金陵機器局認造但儘存留之四十萬兩樽節支持免礙提存巨款

一各省繳付購械價銀宜收作正款也查槍局向來風氣凡外省訂購槍礮修理輪船繳到之款往往收支合

糊諸多率混查湖北槍礮廠所收各省付價之銀皆收作正款濟用今江南新廠廣增機器出械日富則購械亦多此項收回之價應作正款列收其代外省修理輪船繳價之款亦照此辦理此項合計甚鉅可充添補新廠經費之用

一新廠既成舊廠可改作商廠也查滬局煉鋼廠所出鋼料除供本局之用外兼可銷售洋行爲製造器物船料之用原有船塢亦可代修華洋官商各輪其槍礮機器酌量改配可以製造各項機器以供銷售此外遷空之廠屋兼可賃與華商另作生理量取租資上海局廠

張文襄公全集

卷六十

奏議六十

十

如林舊廠用處甚廣生發無窮斷不可使一機一屋聽其閒廢實可籌巨款以添補廠用

一灣止新廠製械之鋼可暫用鄂廠新煉罐鋼以節經費也查滬局歷年所造大礮其礮管皆自外洋購來並非自煉滬局煉鋼廠止能煉西門馬丁鋼尙非極精之品若再添設煉罐鋼廠則所費過鉅勢難猝辦擬令新廠製造槍礮則用湖北罐鋼廠之鋼鋼料來自上游不虞梗阻其製造次等鋼料之件則用滬局自煉之西門馬丁鋼俟將來經費充裕自應於新廠自設罐鋼以臻完備

一新廠距煤礦甚近可資取用也宣城屬境距灣止百里內外煤礦甚多質係煙煤土人現用土法開采上年曾經試驗甚合機礪之用現有日本國人在此租定一山用機器試開一兩年內當可見效該山運煤卽由灣止鎮前之河經過新廠購用甚便常年所省經費不少

一滬廠所造無煙藥宜暫行停止以節糜費也查上海藥廠原造黑色藥栗色藥無煙藥三種黑藥栗藥現已停造而無煙藥尙照常製造聞歲需費三十餘萬兩之多其實松江藥庫各種火藥堆積如山該郡紳民方惴惴以藥多爲危險屢次稟求遷徙且藥性受燥固甚可

張文襄公全集

卷六十

奏議六十

十一

危藥性受潮卽又失用久儲殊多不便近數年來杭州金陵藥庫相繼失慎可爲鑒戒茲擬飭該局將無煙藥一併暫行停造各處軍營請領火藥均就庫存之藥照章應付至無煙藥彈原以備臨敵制勝之需平日操練重在置槍於架演習瞄準惟打靶始用真彈不能甚多至操演手法及行軍隊必須放響皆係用空銅殼裝黑藥木子並不用無煙藥及鋼彈頭是暫停製造但以存儲之藥供用並無不給之虞俟松江藥庫存藥將罄再造不遲

一工匠宜趁此五年之內派赴外洋練習也此等大局

新機僅用華匠則藝不足參用洋匠則費過鉅滬上雖亦有良匠但不甚多且僅憑閱歷並無學問應由該局選派聰穎巧捷之匠目藝徒分赴德國及日本學習一半用文理略通者以為將來監工委員一半用自能動手技藝已嫻者以為將來匠目能擇略通德語日語者尤善

一新製快槍口徑宜再收小也查鄂廠現造快槍口徑係七密里九近來各國講求槍學口徑愈小則子彈激射愈遠擊力愈猛且口徑小則子彈亦小分量自然減輕隨身可以多帶至一百五十顆故英國最新快槍口

張文襄公全集

卷六十 奏議六十

三

徑止七密里日本最新快槍口徑止六密里五德國最新快槍口徑止六密里其口徑各不相同者係防槍為敵軍所奪使子彈不能合膛得之亦無所用惟口徑大小等差其或七密里幾絲或六密里幾絲或六密里皆有精密算法配合槍身藥力不能隨便臆定然槍彈銅殼分為兩節前少半段細處為彈膛自肩以下後多半段粗處為藥膛彈膛須按槍之口徑及鋼彈頭之肥瘦不能稍差藥膛則肥瘦長短可略為增減以便別於他國茲購造槍新機擬酌中定口徑為六密里五並將彈之藥膛酌量加肥而微短槍上之彈子庫照彈殼之藥

膛肥瘦長短為之令與日本槍有異自不能彼此通用並商令鄂廠此後製槍口徑亦改歸一律

一此後各省新練之兵火器宜改用一式也查中國從前軍營所用火槍種類紛雜最為大病不獨一省之中此軍與彼軍異器甚至一軍之中此營與彼營亦復異器以致藥彈不能通用一種彈缺即一種槍廢且行軍匆遽之時配發子藥偶有歧誤雖有利器儼同徒手失其所資臨敵安有不潰現江鄂之製新槍既有成式應請旨敕下各直省督撫及統兵大員以後需用快槍均向江鄂兩廠備價購取不得再向外洋采辦雜槍用昭

張文襄公全集

卷六十 奏議六十

三

畫一
一新廠及滬局至第四年應即合併製造即以舊廠經費併歸充用也查第六年起機價已清提款已完自有原撥全廠經費惟第四第五兩年二成洋稅已備抵機價及造廠工費此兩年中槍機已全到安設應即將滬局礮機藥機酌量次第移設新廠所有製造之事應併歸滬止新廠辦理其關稅餘款二十萬另撥常年經費二十萬即併作為新廠此兩年經費暫行儘款製造俟第六年後款項加增再行多造其滬局應即改為商廠以售鋼修船所收回之款充作該局經費勿庸另籌

一購機宜委妥員以省糜費也外國軍火利息最重故購機之弊亦最多若僅憑洋行代訂價必不廉亦恐不全不備若託出使大臣代購則使臣不過派一委員經理亦未必實能深諳應令該局選擇操守可信明曉機器者親赴外國考核議訂革除九五扣陋弊並由出使大臣考核庶幾機器完美不致有短缺雜湊陳舊改造之弊亦可免買辦浮開中飽浮糜

一造械既定新式各省用械宜限一定期以歸畫一也江南製造新廠以後快槍專造六密里五口徑一種快礮專造七生五口徑一種此外雜槍小礮及各色藥彈

張文襄公全集

卷六十

奏議六十

古

永遠停造並請飭下各路督撫統兵大臣明定章程以後本省外省指撥雜項槍礮及雜項子彈者五年之內務須減少五年以後概不應付只能撥給新械新彈必須如此則天下各軍器械方能畫一

以上辦法不過臚陳大要其詳細情形及建廠購機工程價目應俟奏奉俞允後再飭局員切實核估隨時稟由新任督臣魏光燾督察辦理臣惟上海製造局廠從前屢議遷移而皆憚於改作者以爲另建新廠必須另籌鉅款值此用繁帑絀遂致觀望躊躇其實滬局歲購不急之需日造已陳之械從前每日祇能實造槍三枝

近日亦祇能每日實造槍七枝本應變通整頓樽節浮糜此次該局總辦道員毛慶蕃首倡斯議接辦道員鄭孝胥力贊其成經臣反覆推求但就常年本有之款分別裁提可將軍儲固本之圖刻期興辦款既確有著落勢更無可因循惟在責成承辦之員精心規畫殫力經營不辭勞不避怨不貪利不畏難並無庸另籌分文經費而五年之後全廠完功新機廣置精械利器日出窮廠地阻江瀕河依山遠市上運鄂廠之鐵近取宣城之煤既便轉輸永無驚擾尤爲得地至在事各員果能潔己自愛奮勉圖功應俟五年內購機設廠一律告成

張文襄公全集

卷六十

奏議六十

五

工固器精毫無浮冒擬懇天恩准予從優奏獎如查有絲毫情弊或遷延怠緩貽誤要工立即從嚴參辦庶勸懲兼盡可期及早觀成合無仰懇宸斷俯准照議施行大局幸甚

硃批政務處議奏欽此

查明盛宣懷等參款摺

光緒二十九年二月十九日

竊臣於光緒二十八年十一月二十九日承准軍機大臣字寄十一月二十一日奉上諭有人奏整理租界嚴除奸蠹一摺著張之洞按照所參各款確切查明據實具奏毋稍迴護原摺單著鈔給閱看將此諭令知之欽

此遵旨寄信前來臣當即遴委江蘇補用道徐廣陞馳赴上海租界一帶飭令按照原參摺單所列各款澈底清查務得確實證據詳細稟覆去後復以原奏情節紛繁恐一人耳目察訪或有未周續經密派江蘇補用道方碩輔馳往分別確查茲據該道等先後查明稟覆前來臣覆加考察所查情節各有詳略而大致均屬相符查原參各款頭緒甚多當以夥通運米出洋為關繫重大之事原參正摺內所稱前任蘇松太道蔡鈞昔年曾與盛宣懷攬載商米二百萬石接濟東洋一事案經前督臣劉坤一查無確據奏覆在案至原參現任蘇松太

張文襄公全集

卷六十 奏議六十

六

道袁樹勛令內眷夥通盛宣懷之妾運米出口四十萬石所侵亦數十萬一節查上海華洋雜處丁口至一百餘萬人日食米至五六千石偶匱乏則萬口嗷嗷頓生怨謗咸歸咎於運米出洋惟運米舊約出口後須半年方將原照繳銷期限太寬而近三年來交涉事體更為棘手往往華商託名洋商代為請出口執照為數甚多上海道礙難概拒及上海道作函與稅務司寫明某洋商運米若干萬石出口滬上名曰紅函稅司即據此函另給洋字關單放行商人領此紅函後並不即時買米外運必俟探聽外省米價大貴始行報運出口其時無

論本地米價貴賤稅司因已有關道紅函允諾不能不予放行外省如粵閩浙江奉直米價既騰上海聞風亦必長價故上海洋關運米出口極多之時必適在上海本地米價極貴之時此為最大病根至海外近年米價常貴則其中藉運濟南北各省為名及轉口後私運外洋之事亦必有之實則出口與出洋事理判然不同出口米糧本以接濟鄰省北則天津奉天南則浙閩廣東豐稔之年例所不禁惟漏米出洋則無論歲收豐歉均應嚴禁載在約章例禁森嚴訪問漏洋之由僉謂商人於運至他口後藉口市價不合或云全數未銷或云僅

張文襄公全集

卷六十 奏議六十

七

銷若干以原貨轉口另售此後展轉運至何處則不可究詰其中影射出洋實所不免所以眾謗叢集於盛宣懷袁樹勛者因盛宣懷素來所筭多係理財之事所用招商局委員司事大半皆係商賈之人上海道職司關樞無術以禁制洋商之多運又無力以考察外省之轉口出洋故人皆歸咎於此兩人實則運米出洋之事實非該兩員所為而盛宣懷致謗之由實緣華大公司攬辦江浙各州縣漕米一事經徐廣陞查據盛宣懷覆稱光緒二十七年八月間因上海華盛紡紗公司歷年虧累過重另招新商頂替尙虧銀十六萬餘兩經該商等

稟由盛宣懷批准開設華大公司代辦江浙各州縣光緒二十八年漕糧並作米麥生意以期彌補前虧是年冬間有浙省嘉興屬七縣定購白糧一萬八千四百餘石蘇省蘇州常州太倉等屬縣定購糙糧三萬三千一百餘石共米五萬一千餘石限價六元經盛宣懷批准飭行分寄招商局金利源楊家渡兩棧有案可查惟爲數無四十萬石之多取利僅一萬二千餘兩彌補華盛公司前虧並非盛宣懷入己其米先後兌漕亦無請照漏洋之事至究竟屯米多少此時上年漕糧均已交兌堆棧已空無從查悉此事與袁樹勛更不相涉惟該公

張文襄公全集

卷六十

奏議六十

六

司商人暨委員等代辦各州縣漕糧往來上海無錫一帶購米堆積以致米價飛漲州縣苦累民情怨嗟素知奸商有轉口出洋之弊遂滋疑議此查明盛宣懷運米出洋並無實據及被參之所由來也至上海道袁樹勛素與盛宣懷意見不合其內眷平日並無與盛宣懷內眷往還之事該道係由湘潭文童投效淮軍及甘肅老湘營歷保知縣直隸州游升今職現止一妾龔氏出自湖南良家年已四旬有餘實非妓女其報捐知府係在光緒二十三年已在該道服官二十餘年歷任州縣之後其非訛騙得財始行入仕可知至去年米貴該道自

四月以至九月均經出示嚴禁出口與囤積居奇等弊其告示內特揭囤積之罪而痛詆之至云王法或有倖逃鬼神必予冥戮殃不及身亦及後人等語使其與人夥通販米豈能恨之若此又原參賠款滙寄上海袁樹勛必有早兌扣息情節一節查該道辦理外交力爭賠款不用金鎊及預付銀行之銀按月索回四釐息銀備抵息上加息雖未經辦到而其慎重國計無罔利營私之事亦可概見又清單所參各節一稱袁樹勛文理不通專工牟利在湖南開設通濟典鋪資本數十萬兩經手人係江南劣生華姓一節查該道起家雖不由科目

張文襄公全集

卷六十

奏議六十

五

然曾任州縣多年臣與接見談論多次且見其親筆函件行書蒼老文理清順實非不通其通濟典在湖南開設已數十年核其開張時日應在該道未仕之先雖該道有無續入股分及管事是否華姓無從確查但職官在本籍開典例所不禁至該道署中並無華姓其人又稱繙譯辜鴻明來滬該道款以上賓留連花酒四十餘日情願每年餽送六千金一節查辜鴻明即辜湯生係臣處洋務委員經前山東撫臣張人駿商借調赴山東嗣因該撫臣調任河南辜湯生銷差過滬時值庚子議約有黃浦開河一條該道因辜湯生熟悉西例擬舉爲

開河之員於是在洋務局筵請一次並言擬月送公費三百金辜湯生辭不就聘查辜湯生繙譯素精人品端正存心忠直不染習氣中外推許該道袁樹勛為交涉需員特加敬禮極力延攬辜湯生辭而未就在該道此舉實為慎重交涉求才好士乃其可稱之處何以反招訾議且該道身任地方亦斷無狎妓款客之理又稱洋關各卡概用私人抽提餘利一節查洋關及大關吳淞關等卡上年已歸併稅務司兼管非該道所能主持其未交各口向來用人皆須報部不能任意委用自不能抽提餘利又稱該道上控案件置諸高閣一節查該道

張文襄公全集

卷六十 奏議六十

三

任內各屬上控十八起詳銷詳覆九起上海縣及租界控案四十五起銷結者十二起未據稟覆銷結者三十三起該道仍隨時查催尙非置諸高閣又稱租界公廨無名罰款繳納署中一節查租界公廨定章與領事副領事會審其罰款十元以下發為捕房經費十元以上皆由領事分撥善堂充公並無繳納道署之事此又查明袁樹勛被參各款均屬訛傳無據之實在情形也伏查此案滬關報運出口米糧大致其名目皆云接濟鄰省其中商人有藉此口運彼口之照影射出洋雖未能查出確據惟條約載明請領米照限六箇月繳銷為期

本寬自關道發給紅函以至報運出口又漫無期限徒使空頭米照流布市廛奸商藉以居奇米價不能平減又出口照多有漏未繳回者奸商弊混實難保其必無自去臘以來經臣查知滬關給發米照太多已飭上海道將紅函改為關道印照編立號數加用督撫關防限期出口逾限作廢其繳回之照按月申送督撫衙門查考以後當不致漫無限制並一面與撫臣會商分別籌定確查出口嚴禁出洋辦法俟議定另行具摺陳奏至原參請裁抑盛宣懷權利一節查盛宣懷現在丁憂所有辦理商約大臣會辦商務大臣事宜已奉旨另簡大

張文襄公全集

卷六十 奏議六十

三

臣接辦其所管之招商局電報局亦均已由北洋大臣奏明派員接管至所辦鐵路總公司多由各國洋員公同經理近復奉旨飭令盛宣懷將鐵路用款及勘用軌道訂立合同等事先行咨由鐵路經過省分各督撫核明再行會奏是盛宣懷所有權利早荷聖明裁抑現在專辦者惟湖北漢陽鐵廠大冶鐵礦萍鄉煤礦此皆與鐵路聯為一氣並非兩事關繫中國自強大局將來固必有利益此時墊款欠債甚多數至二百餘萬並未獲利原參借公肥私專制坐豪等情在盛宣懷固斷不敢出此且現在情形似亦可無庸過慮惟查華大公司代

辦各州縣漕米一事值米價翔貴之時購米堆積眾怨沸騰自係該公司及招商局委員司事人等辦理不善所致惟以各州縣漕米輒由商人稟請代辦盛宣懷未經會商本省督撫遽行批准致滋物議雖為彌補公虧起見似亦不免稍欠斟酌相應請旨將盛宣懷交部察議現經臣咨照盛宣懷令查明創議包辦漕米之公司董事司事革除並札江蘇糧道及招商局以後收漕驗米等事責成糧道不准商局干預並將歷年勾串商局從中罔利之奸商王子才吳子和兩名飭上海道嚴拏懲辦至蘇松太道袁樹勛在任辦理交涉事件尙能盡心原參各節既經查明並無其事應請免其置議除清單所參縣委地痞各條均經該道等查明事涉繁瑣另片具奏外所有查明大員被參各款緣由理合恭摺據實覆陳伏祈聖鑒訓示

硃批著照所請該部知道片併發欽此

禁止招商局把持漕米並拏辦奸商片

十九日

再臣訪聞上海奸商王子才吳子和代蘇松等屬州縣包辦漕米囤積居奇歷有年所招商局采辦漕米多資王子才吳子和兩人為熟手或與夥同購運百弊叢生

張文襄公全集

卷六十

奏議六十

三

甚至每屆采辦漕米之時非王子才等定價米市不敢開盤壟斷把持目無法紀近年州縣之困多由於此該奸商等與招商局委員司事勾結舞弊以致米價騰踊人情驚惶若漕價所收太低則州縣憑何賠累必致州縣人人破產而漕米仍不能交若徵收之漕價日增則農民受累何所底止此事害及蘇屬全省州縣苦累小民生計實為漕務中積年巨害查招商局承運漕米但應專司裝運不應干預采辦自有該奸商等從中勾串不肖員司受其蠱惑每屆商局收兌漕米於州縣自辦之米多方挑別務使盡為其包攬以遂其牟利營私之計尙復成何事體嗣後各州縣采辦漕米應令各州縣自行採購不准招商局及奸商包攬代辦其驗收漕米係糧道專責以後每屆開兌漕米應責成蘇州糧道遴委廉幹之員與招商局兌收委員眼同驗收此外商局員司概不准攬越干預除檄飭上海道嚴拏奸商王子才吳子和務獲嚴行懲辦及飭江蘇糧道上海招商局遵辦並咨明北洋大臣外所有禁止招商局干預把持漕米拏辦害漕奸商各緣由相應奏明立案以期永除漕蠹弊端

張文襄公全集

卷六十

奏議六十

三

查明江海各口運米情形議定封禁開禁辦法摺

光緒二十九年
二月二十一日

竊臣等於上年九月承准軍機大臣字寄光緒二十八年九月初八日欽奉上諭有人奏申禁運米出洋等因前因南省災歉疊經諭令該省督撫嚴申米禁現聞奸商仍復運米出江即影射出海著張之洞陳夔龍恩壽再行申禁如有奸商偷運出洋情事即行從嚴懲辦以杜漏卮原片均著鈔給閱看將此各諭令知之欽此遵旨寄信前來臣等竊惟江省兩年以來米價騰漲久未平減閭閻日食既有糴貴之虞州縣漕糧復多虧賠之累民情拮据物議滋多以致上厯宸衷屢頒明詔飭嚴

張文襄公全集

卷六十

奏議六十

五

米禁仰見朝廷惓懷民食軫恤民艱之至意凡屬臣民同深欽感臣等查運米出口與出洋不同出洋之米非接濟匪糧即轉輸外國此無論年歲豐歉所當永遠嚴禁者也出口之米由此口轉運彼口仍在中國境內互通有無條約載明華洋商人均准販運此宜酌量地方米價貴賤以定禁否者也江蘇一省濱海沿江大率江南之米聚於無錫輪於上海而以吳淞為出口總匯其米由輪船裝載者居多江北之米聚於仙女鎮輪於瓜洲七濠口而以鎮江為出口大宗其米由釣船載運者居多此兩口出運之米輪船由洋關民船由常關分別

查明米數運岸取保給照持赴進口關卡驗明加蓋印記限期繳回本無從影射出洋惟聞奸商運至鄰省進口後間有復報轉口者展轉騰挪難保無影射出洋之事然在出口之關委屬無從考核惟瓜濠在鎮江北岸境屬內地故禁令易行一遇年荒米貴立時可以封禁出口而上海米市多在租界動輒由洋商包攬領事護持預領空函相時販運遇當封禁必與各國領事商允乃可施行故辦理較為周折然吳淞一口自上年二月以至八月皆禁米出運鎮江一口自上年四月至今並未開禁以去年秋成兩江境內尚稱中稔而米價迄未

張文襄公全集

卷六十

奏議六十

五

能平減如常者固由蕪湖之米為閩粵官商川流采辦為數過多無復餘米下輸江境而其實病根尚別有所在江南則係上海奸商囤積居奇把持抬價在江北則由鹽城阜甯海州贛榆沿海各屬私運出口漫無稽查臣等數月以來遴派委員分赴各口詳加察訪現已得其端倪督飭甯蘇兩藩司上海鎮江兩關道將查禁私運出洋及酌定出口米禁一切詳細章程悉心籌議茲據先後詳復稟復前來臣等往返電商再三審度謹將現籌辦法分條臚陳如左
一 出口米照限期繳回宜認真考核也查米穀一項與

百貨不同百貨出口完稅即可放行惟運米出口須將購運米數指運地方措備保銀呈明關道衙門取具殷實鋪戶的保方准填給三聯印照持赴稅關報稅驗放出口後洋關限六箇月繳照常關視報運地方遠近酌定限期繳照逾限照不繳回即將保銀罰繳充公定例本極森嚴惟近聞關照多有逾期不繳者應請旨敕下沿江沿海各省督撫嚴飭各關道將給過出口米照數目及繳回米照按月呈報督撫衙門查考如有逾限未繳之照照章罰辦不稍寬假則偷漏之弊不杜自絕一報運轉口之米宜照出口定章辦理也查米糧進口

張文襄公全集

卷六十

奏議六十

三

既已起剝入棧得價自必出售其藉稱市價不合續報轉口即與出口無異自應按照運米出口章程畫一辦理現聞各關於進口米糧報運轉口者因其本係外來之米並不究其所往雖在封禁期內凡轉口之米仍聽出口殊易啟漏洋之弊擬請旨敕下沿江沿海各省督撫轉飭各關道嗣後凡遇報運轉口之米均查照出口章程令報明指運地方取具的保填給關單持赴進口之關驗數相符加印繳回以憑查考如在禁運期內凡轉口之米亦一概不准出口

一上海道所給運米紅函應改用三聯印照也查各關

報運出口之米均由關道給照獨江海關出口之米由稅務司給發關單而先由上海道據商人報運米數函致稅司謂之紅函此乃近兩年章程商人得紅函後並不即時運米出口必探聽外省何處米貴然後辦米運往此項紅函即作為准運出口之據大半由各國領事代洋商請領漫無限制查上年除各省督撫藩司發照請運米三十三萬二千餘石麥六十二萬五千六百餘石不計外其自九月開禁起截至十二月初止由華商請照者僅十萬石由領事請照者多至一百九十餘萬石而據報出口者截至本年正月止僅一百餘萬石徒

張文襄公全集

卷六十

奏議六十

三

使洋商持取空函轉相售賣流布市廛居奇包攬每遇禁運動出阻撓殊多窒礙現飭該關道改用三聯印照編立號數輪船所運除上海道蓋印外加蓋南洋大臣關防每照運米不得過一千石領照後限二十一日報運出口逾限作廢其正照送稅關報驗完稅其副照送查禁私運局備查其鈞船所運三聯印照除上海道蓋印外加蓋江蘇巡撫關防按月申繳督撫衙門驗銷其鎮江道所給三聯米照亦編明號數輪船所運除鎮江道蓋印外加蓋南洋大臣關防鈞船所運除鎮江道蓋印外加蓋江蘇巡撫關防按月將繳回之照一體申送

驗銷以憑察核

一酌量米價貴賤以定封禁開禁之準也查各口斗斛不同米價不同近三年來每年率加貴一元一漲卽不復更落上海之斗名曰海斛每石較蘇屬內地大一斗就光緒二十八年論大率上海高米以每石五元至六元爲平價七元以上爲貴價本月中旬滬米價至七元業經臣等電飭上海道禁米出口鎮江之斗每石重一百七十斤仙女廟亦同較甯屬內地大二斗就光緒二十八年論鎮江高米以每石四元半至五元爲平價六元以上爲貴價該口本未開禁據報近日米價在六元

張文襄公全集

卷六十 奏議六十

三

以上故仍禁米出口俟上海米價減至五元上下鎮江米價減至四元半上下卽行弛禁仍隨時體察內地民情存米多寡以權衡禁期之久暫

一每年各口出運米數宜酌定限制也查蘇屬各州縣產米雖不爲少然歲運江浙漕糧不下百餘萬石皆取給於此兼以地密人稠需用食米尤爲繁鉅較江北情形不同江北裏下河產米最多別無出產土貨農民多自食雜糧而以米出售爲日用資生之計體察情形不能不分別予以限制茲擬上海每年出米不得過一百萬石鎮江每年出米不得過二百萬石鹽阜每年出米

不得過一百萬石仍隨時酌量地方豐歉以劑盈虛

一開禁之後運米出口擬就米行酌收義捐以充備荒經費也查蕪湖運米出口於應完關稅外江皖兩省每石各另抽米釐銀一錢四分四釐米商遵繳無異行之已經七年江蘇省號稱產米之區而近年米價日昂實緣出口米石過多之弊奸商販運出洋固當嚴禁然閩浙粵東等省歲歉告糴揆以救災恤鄰之義亦不應概行拒絕茲擬於米價平減之時凡接濟鄰省之米准其出口惟於米行賣與販商之前酌抽備荒經費以備本省積穀平糶之用是則准外運以拯鄰省之民籌糶款

張文襄公全集

卷六十 奏議六十

三

以慰本省之民內外兼顧較爲平允查上海地方洋商向關道請領運米紅函轉賣與華商每石率取運照費二三錢不等現改用三聯印照准華商自向道署請領每石酌收備荒經費一錢由米行認繳歸商業公所代收按月提存銀行生息以備荒年平糶之需並不經官吏之手此項經費出自華商樂輸與洋商無涉與關稅亦絲毫無涉至江北之瓜濠仙女鎮鹽阜海贛等處係屬內地情形與上海不同所收義捐應均照蕪湖章程分別辦理查江南之米以上海爲出口大宗江北之米以鎮江爲出口大宗南北兩路均以吳淞口內口外爲

總匯茲派委大員於吳淞口設局稽查私運除輪船責成稅務司認真查驗並令取具殷實鋪戶保結外其餘民船概歸該局稽查如有漏未請照及以多報少與照填米數不符之弊從嚴罰辦鎮江北岸之瓜洲七濠口揚州之仙女廟均各設分局遴委妥員按照新章一體查驗

一鹽阜海贛一帶另派大員設局稽查也查鹽城阜甯等屬地處海濱距省較遠為督撫耳目之所不及向聞有奸商私販米糧載至煙臺口外裝上輪船運赴朝鮮之仁川口換船轉運外洋為數不下百餘萬石現經臣

張文襄公全集

卷六十

奏議六十

三

之洞遴委道員前往該處設局督飭查禁出洋如確係運往鄰省者查照鎮江蕪湖章程酌收義捐飭令商人報明販運米數指運地方取具的保填給三聯單持赴進口地方關卡報驗於單內注明進口月日鈐用印記分別遠近限期繳回本口驗訖違則責成保戶將所保米價追繳入官以杜弊混又海州及贛榆縣屬之青口亦為出海通道該處產米不多並無米穀出口惟販運雜糧至近省貿易尚無私運出洋之事茲一併派員前往設局稽查其出口雜糧亦酌收義捐但較之運米者量予輕減其江北向有漕捐處所悉照舊章辦理

一商局攬辦漕米及土豪囤積居奇宜嚴行禁絕也查上海米價之貴半由奸商勾串招商局漕務處委員司事包攬漕糧抬價半由貪利之徒廣收米穀囤積居奇業經臣之洞札飭上海道將著名攬漕之奸商王子才吳子和二名提案懲辦並飭蘇糧道招商局以後收兌漕米由糧道派員經理不准商局員司攬越干預另片附陳在案

以上辦法於整頓影射出洋之弊必須各省關通力合作互相稽查防範乃可永杜漏卮至食為民天固不宜多放出口自罄蓋藏而有無相通在鄰省缺米之鄉亦

張文襄公全集

卷六十

奏議六十

三

未便斷其接濟惟奸商囤積把持種種弊端斷不容稍有假借茲經臣等往返籌商詳加酌度或應變通舊章以臻嚴密或應掃除積弊以廣流通總期多留民食兼顧商情以仰副 聖主慎重積儲圖匱於豐之至意 硃批外務部戶部議奏欽此

恭報卸署兩江督篆日期摺

光緒二十九年二月二十二日

竊臣奉命署理兩江總督去年十月接受署篆本年正月曾經奏明新任兩江督臣魏光燾正二月之交定可履任臣擬交卸署篆後籲懇恩准陸見於二月十八日奉到硃批著來見欽此茲新任兩江督臣魏光燾行抵

江甯臣於二月二十二日派委江甯府知府羅章署督標中軍副將丁華容將兩江總督關防兩淮鹽政印信南洋通商欽差大臣關防暨王命旗牌文卷等件齎送督臣魏光燾接收臣卽於是日交卸卽日起程赴鄂由漢口取道北上
硃批知道了欽此

張文襄公全集

卷六十

奏議六十

三

張文襄公全集卷六十終

新城王樹森校

張文襄公全集卷六十一

奏議六十一

籌議約束鼓勵遊學生章程摺

並清單 光緒二十九年八月十六日

竊臣前於四月間面奉 皇太后懿旨以出洋學生流弊甚多飭籌防範之法當經面奏學生在外國境內中國法令難行必須先商彼國政府允爲協助事始有濟仰蒙慈允遵卽晤商駐京日本使臣內田康哉與籌辦法該使臣以兩國法律不同辦理動多窒礙談次頗有難色繼經剴切開譬告以出洋學生如不安籌約束聽其浮游廢學任性妄爲犯義干名陷於罪戾則此後有志之士不復敢遠遊就學往取師資其先已在洋篤志力學者亦且懼爲牽累廢然思返永無成就通才之日爲害不可勝言該使臣審思至再始謂如有妥善辦法亦願電彼政府贊成此舉惟必須中國於安分用功學成回國之學生予以確實獎勵使各學生有歆羨之心併使彼國學堂確見中國有勸學求才之實意始於不安分學生有助我約束之法屬先酌議章程再爲商辦臣業於閏五月二十九日召對時面奏大略在案伏查遊學日本學生年少無識惑於邪說言動囂張者固屬不少其循理守法潛心向學者亦頗不乏人自應明定

張文襄公全集

卷六十一

奏議六十一

一

章程分別懲勸庶足以杜流弊而勵眞才當卽酌擬約東遊學生鼓勵畢業學生章程各一通迭次與日本使臣往返商推復由該使臣轉達其政府與各校校長公同會議期於中國學生有裨而於彼國法權無礙斟酌至於再四日來始克議成計擬定約束章程十款鼓勵章程十款又另擬自行酌辦立案章程七款凡所以嚴防範考察之方廣鼓舞裁成之道綱領粗具於是從此切實施行則以後遊學生護符逃藪失所憑依已往者當知斂戢續往者亦有範圍上以示朝廷彰輝之公下以昭學術邪正之辨庶足挽橫流而宏造就至鼓勵章

張文襄公全集 卷六十一 奏議六十一 二

程中擬給學生舉人進士出身係道光緒二十七年八月初四日上諭辦理其擬獎翰林出身並翰林升階者係於大學堂專科及大學院研究科畢業之生學業精深在彼國亦視爲上選計其續學年分已逾十五六年較之新進士館選其難已加數倍且須俟回國後由欽派大臣詳加察覈果係品行端謹毫無過犯並按照所學科目切實考驗確與所得學堂文憑相符始行奏請給獎似尙不致冒濫以上各節均經隨時與外務部王大臣詳加商酌覈定始與日使定議謹分繕清單恭呈御覽如蒙俞允擬請旨敕下外務部將前項約束鼓勵

章程照送日本使臣內田康哉轉達彼國政府分飭各學堂一律照辦一面由外務部連同自行酌辦立案章程刊印成冊飛咨出使日本大臣出洋學生總監督照章認真舉辦並通咨各直省暨京師管學大臣一體遵照辦理

旨著照所請外務部管學大臣知道欽此

謹將擬議約束遊學生章程繕具清單恭呈御覽

一此次章程奏定後以後續往日本遊學學生無論官費生私費生並無論日本官設學堂私設學堂均非出使大臣總監督公文保送不准收學

張文襄公全集 卷六十一 奏議六十一 三

一總監督保送學生入私設學堂須經文部省認可其教育程度與官學堂相等者方爲合格惟經文部省認可之專爲中國學生設立之豫備學堂如宏文書院等其章程雖多變通亦可保送其獎勵年限應歸普通高等各學堂核計

一遊學生在學堂中品行應歸學校考察其在外言動舉止如有不軌於正之據經中國出使大臣總監督察訪得實隨時知會該學堂商酌務必減其品行分數

一遊學生在各學堂非實有病證概不准其輕易請假

出外及雖在學堂而託故不上講堂應請與日本學生一律督責勿稍寬假

一學生在學堂時應以所修學業爲本分當爲之事如妄發議論刊布干預政治之報章無論所言是否均屬背其本分應由學堂隨時考察防範不准犯此禁令如經中國出使大臣總監督察訪留學生中有犯此禁之人隨時知會該學堂應即剴切誡諭學生立即停輟如有不遵即行退學

一凡現在已留學堂學生無論官費生私費生查有過犯及品行不端者經中國出使大臣總監督知會該

張文襄公全集

卷六十一 奏議六十一

四

學堂請爲斥退者日本學堂應即照辦

一各省所派官費生及私費生往日本遊學者經本省督撫查有不安本分品行不端之人隨時咨明中國出使大臣總監督轉達日本各學堂請爲斥退者日本各學堂亦應照辦

一學生於功課之暇如有編輯教科書及譯錄所習科學之講義及繙譯有裨實用之書自不在禁例此外無論何等著作但有妄爲矯激之說紊綱紀害治安之字句者請各學堂從嚴禁阻或經中國出使大臣總監督查有憑據確係在日本國境內刊刷翻印者

隨時知會日本應管官署商酌辦法實力查禁其污蔑人名節者經本人或本人委託之人按律在日本應管官署指控查實後仍行懲辦

一中國遊學生會館辦事有紊綱紀害治安若不安分之事者應由出使大臣總監督咨會日本應管官署隨時查禁嚴加裁制務期杜絕流弊

一凡現在日本各學校及已經退校之中國留學生如確有紊綱紀害治安若不安分之事者應由當該官員嚴加約束如察其無悔改之望者即行飭令回國不准稍有逗遛

張文襄公全集

卷六十一 奏議六十一

五

謹將擬議獎勵遊學畢業生章程繕具清單恭呈御覽
一中國遊學生在日本各學堂畢業者視所學等差給以獎勵但須由中國出使大臣總監督查明該學生品行端謹並無過犯出具切實考語咨送歸國由欽派大臣詳加察核果係品行端謹毫無過犯並按照所學科目切實詳細考驗果係所學等差確與所得學堂文憑相符者再行奏請獎勵

一在普通中學堂五年畢業得有優等文憑者給以拔貢出身分別錄用

一在文部省直轄高等各學堂暨程度相等之各項實

業學堂三年畢業得有優等文憑者在學前後給以通計八年給以舉人出身分別錄用

一在大學堂專學某一科或數科畢業後得有選科及變通選科畢業文憑者在學前後通計或十一年或十年給以進士出身分別錄用其由中學堂畢業徑入大學堂學習

選科未經高等學堂畢業者在學前後通計或七年或八年其獎勵應比照高等學堂畢業生辦理

一在日本國家大學堂暨程度相當之官設學堂三年畢業得有學士文憑者在學前後通計十年較選科學問尤為全備給以翰林出身

翰林出身

張文襄公全集

卷六十一

奏議六十一

六

一在日本國家大學院五年畢業得有博士文憑者在學前後通計十六年除給以翰林出身外並予以翰林升階以上所列之外在文部大臣所批准之私立學堂畢業者視其所學程度一體酌給舉人出身或拔貢出身

一遊學生原有翰林進士舉人拔貢出身者各視所學程度給以相當官職

一凡畢業學生首以品行爲貴應請各學堂注重學生品行與各科學一律比較分數必所定品行分數滿足乃爲及格

一遊學生於各學堂畢業年限須與日本學堂原定本

遊學生於各學堂畢業年限須與日本學堂原定本

科畢業年限毫無短減不得別自爲班希冀速成

一此次定章以前已經畢業回國之各省官派學生均照此次章程由各省督撫考察其品行心術如實係端謹無過者考驗其所學程度查驗文憑實係相符者即照新章給以出身已有出身者給以相當官職

其學速成科畢業減短學科年限者應查明所短年限令以回國後當差勞績之年資補之扣足年限亦一體給以出身或相當官職凡定章以前之畢業回國學生其中如有請賞舉人者俟奏准後應咨送京城由管學大臣覆試惟中國留學生非在照辦約束

留學生章程之日本學堂畢業者概不給本章程所定獎勵

謹將另擬自行酌辦立案章程繕具清單恭呈御覽

一現在已入日本官私學堂之中國遊學生章程內已訂明無論官費生私費生均由出使大臣總監督查有過犯及品行不端者知會該學堂請爲斥退應即責成出使大臣總監督將現在日本之各省遊學生確加考核擇其言行端謹安分用功之學生從前未有公文保送者飭傳各該學生報明三代籍貫年歲出身取具遵守約束甘結彙列各該生姓名籍貫補

張文襄公全集

卷六十一

奏議六十一

七

定獎勵

謹將另擬自行酌辦立案章程繕具清單恭呈御覽

一現在已入日本官私學堂之中國遊學生章程內已訂明無論官費生私費生均由出使大臣總監督查有過犯及品行不端者知會該學堂請爲斥退應即責成出使大臣總監督將現在日本之各省遊學生確加考核擇其言行端謹安分用功之學生從前未有公文保送者飭傳各該學生報明三代籍貫年歲出身取具遵守約束甘結彙列各該生姓名籍貫補

出身取具遵守約束甘結彙列各該生姓名籍貫補

出身取具遵守約束甘結彙列各該生姓名籍貫補

具公文分別保送各該學堂准其留學其素不安分有據可憑之各學生亦即開列姓名備文知會各該學堂請其即行斥退仍將留學退學各該學生姓名籍貫咨明外務部並管學大臣暨該學生原籍省分督撫查考

一將來遊學日本之各省學生章程內已訂明非出使大臣總監督公文保送不准收學並訂明私設學堂須經文部省認可其教育程度與官學堂相等者方為合格應即責成出使大臣總監督嗣後遊學生入學須先儘官學堂保送一面確切訪查文部省認可

張文襄公全集

卷六十一

奏議六十一

八

之各私設學堂其一切教育管理之法是否認真其程度是否果與官學堂無異細為比較擇其名譽最優確實可信之私學堂始准保送學生入學仍酌定限制每年保送留學生入日本私設學堂者其人數至多不得過官學堂之半以昭慎重

一此次定章以後各省自備資斧出洋之遊學生應先由其父兄或親族呈報本籍或流寓所在地方官查明本生實係性質馴良文理明順者准其申送該省學務處詳加考驗稟請督撫覆核給發咨文轉給該學生領齋出洋各衙門辦理出洋學生文件不准書

吏需索分文

一凡不遵約束不安本分之學生商明日本各學堂斥退後應由出使大臣總監督隨時嚴密稽察其無悛改之望者務須查照規定章程商請日本該管官署勒令該學生附船回國一面分別所犯輕重詳細事由咨明該學生原籍督撫酌量辦理並咨明外務部管學大臣查考

一保送學生入日本各學堂除農工商各項實業學堂及文科理科醫科各專門不限人數外其政治法律武備三門宜分別限定名數每年祇准保送若干名

張文襄公全集

卷六十一

奏議六十一

九

武備一門非官派學生不准保送政治法律兩門亦先儘官派學生保送如自費學生本係職官請咨前往者不在限數之列

一在日本私設學堂畢業回國之學生除由出使大臣總監督確查其平日品行果係端謹科學果係優嫻始准保送進京候考外應請欽派大臣考察試驗時格外認真查核其品學兼優者自應與官學堂畢業生一律給獎勿庸加以區別如果品行實有可議科學程度實有不符即酌量減其獎勵以示區別

一凡各省選派官費學生出洋遊學俟畢業回國後無

論得何獎勵均須在本省當差五年以盡義務五年
期內概不准另就他省差使他省亦不得遽請調往
差委以上各條應請旨飭下外務部管學大臣立案
咨行各直省及出使大臣暨總監督遵照辦理

議定日本商約摺 光緒二十九年十一月十四日

竊查日本商約於上年五月間即准日使日置益小田
切萬壽之助開送約款十三條索我在滬開議維時英
約尙未完竣臣海寰臣宣懷雖與會議數次彼此均以
英約未定不便深議一面將所送條款電商臣之洞暨
前兩江督臣劉坤一並秉承外務部以定准駁迨英約

張文襄全集

卷六十一

奏議六十一

十

蕺事後始與該日使逐款辯論臣等往返會商准駁宗
旨僉以抱定英約爲主凡英約所有者自應均照英約
辦理不能絲毫有異英索而我未允者仍不能稍予遷
就嗣臣世凱臣廷芳奉旨會議意見亦復相同當以日
約第一第二兩款爲加稅免釐一事既不能照英約加
至十二五而僅允值百抽十並欲將由日本運進中國
之煤炭棉紗及一切棉貨概不加稅尤與英約相背按
日本進口貨物以此爲大宗不得不亟與爭論每議必
幾於決裂而後已從未敢稍予鬆勁是以議經數月之
久相持莫定僅將第三款川江設施拖纜第四款內港

行輪及修補章程第七款中日商民合股經營第八款
保護商牌第九款改定國幣均爲英約所有與之妥擬
款文字句較英約稍有增改而意義尙無出入惟於商
牌款內議增保護版權一事內港行輪款後議增照會
聲明往來煙臺東三省輪船亦係照內港章程辦理因
據總稅司查復日本小輪在該處行駛已久礙難駁拒
此外第五款索開各處口岸第六款口岸城鎮任便居
住第九款第二節整飭度量權衡第十款請運米穀出
口均駁拒未允城鎮任便居住一事辯論尤多並用照
會分晰城鎮二字之義存案其第十一第十二第十三

張文襄全集

卷六十一

奏議六十一

十一

等款爲條約通例亦尙未與議及彼見我堅持不下遂
變計將擬定各款卽作爲定議迫我畫押臣等見日使
如此辦法爲各國從來所無公同商酌惟有嚴詞拒絕
遂於三月間暫行停止允俟英約定後再議此臣等在
滬議而未定之情形也迨臣之洞應召入都旋奉旨各
國商約著卽在京開議等因臣海寰等欽遵照會日使
據該使以奉其外務大臣回電商約議結在邇不必易
地仍在上海續議卽經電達外務部適日本駐使內田
康哉赴部晤商欲提出北京開埠加稅免釐米穀出口
三條由伊在京與臣之洞面議餘仍歸滬定外務部答

以無論在京在滬不能兩處分議臣海寰等卽未再與日使會議專由臣之洞與內田駐使在京商辦磋商三月餘之久各款牽連並議與之言明允則俱允翻則俱翻以期一氣呵成每一款字句彼此時有斟酌更改大旨仍宗原議及臣海寰等平日持論之意均將約文錄呈外務部核准計釐定約款十三附件七第一款曰加稅免釐彼雖未明允訂實加稅至十二五而聲明日本政府允認按照中國與有約各國共同商定加稅之率一律照輪無異並聲明所有中國徵收出產銷場出廠以及土藥鹽斤等稅亦悉照各國與中國商定辦法無

張文襄公全集 卷六十一 奏議六十一

三

稍歧異明知日本意存取巧不肯顯然承認將來從違仍視各國祇以此款在滬屢議不諧彼既藉此轉圖臣之洞核與英美各約載明俟各國照允方能舉行用意亦復相等是以照允第二款曰川江設施拖纜第三款曰內港行輪均查照滬擬增改字句第四款曰中日商民合股經營悉照滬擬原文第五款曰保護商牌版權亦照滬擬而索其增添查禁違礙書報一節文義均照美約比擬第六款曰改定國幣照滬擬而刪改後段與美約相同第七款曰整飭度量權衡因有益於中國商民可除積弊是以許其入約第八款曰修補內港行輪

章程照滬擬並無增易第九款曰利益均霑雖屬立約通例將字句妥爲酌改並索其中國人民往日本者亦極力優待一節以合報施之義第十款曰開埠通商因彼索開北京通商場其意甚堅臣之洞卽以各國全撤護路護館兵隊爲抵制如各國兵隊一日未撤北京商場亦一日不開彼又索開長沙府爲口岸此係英約已有不能不允卽查照英約聲敘而刪去原索之常德府等九處口岸又索開盛京之奉天府大東溝兩處爲商埠美約既已允開日約遂亦照辦雖美索安東縣日索大東溝爲稍異其實相距不遠無關輕重故允之第十

張文襄公全集 卷六十一 奏議六十一

三

一款曰治外法權係照英約向其索添第十二款曰約文以英文爲準第十三款曰互換日期均屬立約例有之條至第一附件爲英約所有之內港行輪修補章程第二第三附件爲聲明往來煙臺東三省輪船亦照內港章程辦理往復照會第四第五附件爲聲請通行照原定內港行輪章程派員統收稅釐各辦法往復照會第六第七附件爲預定北京開通商場各辦法往復照會除加稅一款照各國一律外計我於英約之外所索允者二事中國人民在日本者極力優待一款查禁違礙書報一款駁辯刪去者三事請運米穀出口一款口

岸城鎮任便居住一款常德府等九處口岸一款以索
允爲抵制者一事各國護館護路兵隊全撤後北京方
能開埠一款其間中國人民優待一條北京撤兵再行
通商一款似均於國體頗有關繫臣之洞於定議後據
內田駐使訂明須與美約同日畫押卽電致臣海寰等
趕備漢文約本並與日使在滬校譯日本文英文另備
約款附件呈由軍機處代奏奉旨著派呂海寰等就近
畫押欽此臣海寰臣宣懷以爲期甚促與日使商訂先
畫漢文將來繙譯東英文務照原定漢文意義不得稍
有歧異卽繕備漢文約本兩分遵於八月十八日在上

張文襄公全集

卷六十一

奏議六十一

西

海會同日使畫押臣廷芳已先期奉命回京日使允由
臣海寰代畫當遴派隨辦商約熟諳中英文之洋員戴
樂爾福開森郎中李維格道員梁瀾勳熟諳東文之譯
員馮國勳與日使在滬公同校譯東英各文日使並請
添派道員楊文駿審定漢文字義其英文譯就後復電
經臣廷芳核復始作定本再交日使卽備東英約文各
二分於九月十一日補畫仍書八月十八之期此臣等
在京定議在滬畫押之情形也臣等竊維此次修改商
約在各國之意本專爲損我以益彼望甚奢而意甚堅
且日本議約在英美之後凡英美所索允者彼視爲分

所應得英美所索而未允者彼則以爲該國體面所關
必須多索數條方見其改約之功彼執定此見更覺難
於辯論是以開議經年棘手萬分臣等始終堅持定見
凡有損於我者在京在滬在津皆始終力拒全力爭持
不敢稍涉鬆勁幸彼爭辯年餘知我不能搖奪且急欲
與美約同日畫押遂卽轉圜事事略爲遷就得以議成
其中但有稍可爭回權利謹防流弊顧存國體之處無
不竭力挽救分別增刪尙未於英美兩約之外別有受
損之事此則臣等同此愚衷當蒙聖明俯鑒者也所有
日本商約告竣遵旨畫押各緣由理合詞恭摺具報

張文襄公全集

卷六十一

奏議六十一

五

並將約本漢文日本文英文各一分派委道員楊文駿
賚送入京交由軍機處進呈御覽
硃批外務部知道欽此

釐訂學堂章程摺

光緒二十九年十一月二十六日

竊臣百熙榮慶前因學務重要奏請特旨添派臣之
洞會同商辦光緒二十九年閏五月初三日奉上諭京
師大學堂爲學術人才根本關係重要著卽派張之洞
會同張百熙榮慶將現辦大學堂章程一切事宜再行
切實商訂並將各省學堂章程一律釐訂詳悉具奏務
期推行無弊造就通才俾朝廷收得人之效是爲至要

欽此仰見聖朝興學育才務求實際防微杜漸不厭求詳之至意臣等曷勝欽服臣之洞伏查上年大學堂奏定章程宗旨辦法實已深得要領惟草創之際規程課目不得不稍從簡略以徐待考求增補至各省初辦學堂管理學務者既難得深通教育理法之人而學生率皆取諸原業科舉之士未嘗經小學陶鎔而來不自知學生之本分故其言論行爲不免有軼於範圍之外者此次欽奉諭旨命臣等將一切章程會商釐訂期於推行無弊自應詳細推求倍加審慎數月以來臣等互相討論虛衷商榷並博考外國各項學堂課程門目參酌

張文襄公全集

卷六十一 奏議六十一

六

變通擇其宜者用之其於中國不相宜者缺之科目名稱之不可解者改之其有過涉繁重者減之每日講堂功課少或四五點鐘多亦不過六點鐘所授之學排日輪講少或四五門多亦不過六門皆計日量程以定之斷不苦人以所難中人之資但能循序以求斷無兼顧不及之慮至於立學宗旨無論何等學堂均以忠孝爲本以中國經史之學爲基俾學生心術一歸於純正而後以西學論其智識練其藝能務期他日成材各適實用以仰副國家造就通才慎防流弊之意計擬成初等小學堂章程一冊高等小學堂章程一冊中學堂章程

一冊高等學堂章程一冊大學堂章程附通儒院章程一冊原章有蒙學堂名目但章程內所列實卽外國初等小學之事查外國蒙養院一名幼稚園茲參酌其意訂爲蒙養院章程及家庭教育法一冊此就原訂章程所有而增補其缺略者也辦理學堂首重師範原訂師範館章程係僅就京城情形試辦尙屬簡略茲另擬初級師範學堂章程一冊優級師範學堂章程一冊並擬任用教員章程一冊將來京城師範館應卽改照優級師範學堂章程辦理此外如京師仕學館係屬暫設皆係有職人員不在各學堂統系之內原訂章程應暫仍

張文襄公全集

卷六十一 奏議六十一

七

其舊將來體察情形再爲酌定經久章程至譯學館卽方言學堂前經奏明開辦茲將章程課目一併擬呈其進士館係奉特旨令新進士概入學堂肄業此與仕學館意相近課程與各學堂不同而仕學館地狹無可展拓不得不別設一館以教之茲亦酌訂章程課目別爲一冊將來仕學館或歸併進士館或照進士館現訂課程改同一律容隨時察酌情形辦理又國民民生計莫要於農工商實業興辦實業學堂有百益而無一弊最宜注重茲另擬初等農商實業學堂章程一冊附實業補習普通學堂及藝徒學堂各章程中等農工商實業學

堂章程一册高等農工商實業學堂章程一册實業教員講習所章程一册實業學堂通則一册此皆原訂章程所未及而別加編訂者也又以中國禮教政俗本與各國不同而少年初學之士胸無定識唯雜浮靡在所不免此時學堂辦法規範不容不肅稽察不容不嚴茲特訂立規條申明禁令編為各學堂管理通則一册並將此時開辦各項學堂設教之宗旨立法之要義總括發明訂為學務綱要一册各省果能慎選教員學職按照現訂章程認真舉辦則民智可開國力可富人才可成決不致別生流弊至學生畢業考試升級入學考試

張文襄公全集

卷六十一 奏議六十一

六

專章獎勵專章暨各項學堂章程分別繕寫成册並開列章程名目次序清單恭呈御覽如蒙俞允應由管學大臣通行各省一體遵照開辦

請獎勵職官遊歷遊學片 光緒二十九年十一月二十六日

再查近年自備資斧出洋遊學學生多年少未學不明事理之人於時局實在情形辦事艱難之故毫無閱歷故囂然不靖流弊甚多若已入仕途之人類多讀書明理循分守法如內而京堂翰林科道部屬外而候補道府以下等官無論滿漢擇其素行端謹志趣遠大者使之出洋遊歷分門考察遇事咨詢師人之長補己之短

張文襄公全集

卷六十一 奏議六十一

九

一人隨從尤須簡少遊學者無庸隨帶繙譯查外國太子親王遊歷來華者從未見其多帶從人蓋遊歷所以資歷練非以壯觀瞻省事節費尤其餘事日前臣之洞面奉 皇太后懿旨已爲職官者皆讀書明理深知法度之人令其出洋遊歷最爲有益無弊翰林尤宜多派出洋滿漢皆應選派等因欽此慈訓殷殷仰見聖慮淵深無微不至亟應欽遵辦理擬請明降諭旨無論京外大小官員凡能自備資斧出洋遊歷遊學者分別從優獎勵以勸之謹擬其等差如下

一遊歷以遍涉東西洋各國往返在三年以外者爲上

張文襄全集 卷六十一 奏議六十一 三

擇遊歐美兩洲之一二國或二三國往返在二年以外者次之專遊歐美各國之一國往返在一年以外者又次之僅至東洋遊歷往返在一年以外者又次之無論東西洋其遊歷在一年以內者無獎

一遊歷之宗旨以能考察其內政外交海陸軍備農工商各項實業及其章程辦法爲要義除一二品大員兼綜博覽以多接見其文武大臣及其賢士大夫采聽其議論參觀其政俗務其遠者大者外其庶司百職或各因性學之所近或各就職業之所司分門考察能得其實際爲要義凡遊歷考察所及均宜詳晰記載筆之於

書回國後或應繕呈御覽或應呈送政務處及各部院督撫衙門考核當視其官秩分別酌定凡應獎者仍必須有劄記著作實有所得者方准給獎年限雖多毫無記錄者仍不給獎

一遊學較遊歷爲尤有實際最爲成就人才之要端且歲月較久勞費尤多如宗室勳戚以及王公之子弟暨內外職官無論實缺候補能自備資斧出洋遊學由普通而達專門者求實在有用之學得有彼國學堂畢業憑照者回國後尤宜破格獎勵立予擢用擬請宗室勳戚以及王公之子弟暨內外職官出洋遊學畢業者回

張文襄全集 卷六十一 奏議六十一 三

國後分別學業等差其最優者翰林或比照大考一二等例優予升擢閣部院寺司官實缺者或比照方略會典等館差例優予升擢或准列入京察一等候補者照特旨班遇缺卽補次優者略減外官亦照異常勞績最優班次分別予以升遷補缺其遊學西洋者道遠費重應格外加優至遊歷獎勵比遊學應減一等凡出洋遊歷遊學人員並准一概免扣資俸竊謂照此辦法則不煩國家絲毫經費而內外職官願出洋遊學者必接踵而至矣臣等爲廣勵人才講求時務起見遵旨與政務處王大臣會商意見均屬相同謹附片具陳伏祈聖鑒

請專設學務大臣片光緒二十九年十一月二十六日

再學務一事實為今日自強要圖必須全國一律舉行方有大效關係至為重要條理又極精詳各國均設有文部大臣專司其事凡釐定條章審察學術考核功過皆歸其綜理現在整頓京外大小學堂必須特設專員方能專心致志籌辦妥協查現在管學大臣既管京城大學堂又管外省各學堂事務目前正當振興學務之際經營創始條緒萬端即大學堂一處已屬繁重異常專任猶虞不給兼綜更恐難周況京城大學堂不過學堂之一其所辦是否全行合法師生是否一律均有成效亦宜別有專司考核之大員方無窒礙臣之洞與諸臣商酌擬請於京師專設總理學務大臣以統轄全國學務其京師大學堂擬請另設總監督一員請旨簡派三四品京堂充選俾專管大學堂事務不令兼別項要差免致分其精力仍受總理學務大臣節制考核如是則全國之學務與首善之大學皆各有專責而成效可期矣臣之洞與政務處王大臣暨管學大臣商酌意見均屬相同謹附片具陳伏祈聖鑒訓示

酌定新進士入館辦法片光緒二十九年十一月二十六日

再六月初八日承准軍機大臣交片本日御史張元奇

張文襄公全集 卷六十一 奏議六十一 三

奏各省學堂宜嚴師範又奏本科進士入堂肄業可否酌為變通各摺片均奉旨張之洞會同管學大臣妥議具奏欽此等因並將原摺片鈔交前來查原奏請嚴選師範振興實業洵為知本之論現已擬有初級師範優級師範學堂章程各省不難照辦京師現設師範館亦擬即改照優級師範學堂章程辦理原奏又稱蒙學但課中文俟考入中學堂後再習西國語言文字等語該御史所謂蒙學即指初等小學而言臣等現擬小學堂章程即嚴申此禁凡初等小學堂概不令兼習洋文高等小學堂亦須斟酌地方情形辦理其可兼習者亦不

張文襄公全集 卷六十一 奏議六十一 三

准占讀經時刻與該御史所見正同至另片稱本科修撰庶吉士中書主事悉入學堂肄業博采眾論尙有不便擬請酌為變通或擇年歲合格其年長者聽之或者定額數其額外者聽之等語查此次欽奉特旨凡新進士之授京職者一概令其入學堂原欲使向業科舉之士增益普通學識講求政法方言以期皆能通時務而應世變用意至為深遠自未便限以額數轉開趨避之門惟其中年齒較長有不能強就學堂程度者亦屬實在情形臣等公同商酌擬定一格凡新進士年在三十歲以下者無論翰林部屬中書均令一體入進士館

肄業並酌給津貼銀兩由各該進士本籍省分籌款解交大學堂按月轉給俾資旅費而示體恤不准託詞規避其年在三十五歲以上自審精力實已不能就學者准其赴部呈明改就知縣分發各省與本科即用知縣一律較資敘補其自願留學者聽似此量爲變通自可免遷就入學有名無實之弊矣

請試辦遞減科舉摺光緒二十九年十一月二十六日

竊臣之洞本年春間會同直隸督臣袁世凱具奏科舉阻礙學堂詳陳得失利弊一摺欽奉硃批交政務處議奏在案竊惟奉旨興辦學堂已及兩年有餘而至今各

張文襄公全集 卷六十一 奏議六十一

三

省學堂仍未能多設者經費難籌累之也公款有限全賴民間籌捐然經費所以不能捐集者由科舉未停天下士林謂朝廷之意並未專重學堂也然則科舉若不變通裁減則人情不免觀望紳富孰肯籌捐經費斷不能籌學堂斷不能多入學堂者恃有科舉一途爲退步既不肯專心嚮學且不肯恪守學規況科舉文字每多剽竊學堂功課務在實修科舉止憑一日之短長學堂必盡累年之研究科舉但取詞章其品誼無從考見學堂兼重行檢其心術尤可灼知彼此相衡難易迥別人情莫不避難而就易此已早在聖明昭鑒之中當此時

勢佔危非人莫濟除興學堂外更無養才濟時之術若長此因循坐糜歲月國事急矣何以支持議者或慮停罷科舉專重學堂則士人競談西學中學將無人肯講茲臣等現擬各學堂課程於中學尤爲注重凡中國向有之經學史學文學理學無不包舉靡遺凡科舉之所講習者學堂無不優爲學堂之所兼通者科舉皆所未備是則取材於科舉不如取材於學堂彰彰明矣顧或又慮學堂功課雖重積分之法而分數定自教員保無以愛憎而意爲增損殊不知學堂功課之優絀皆係當堂考驗全堂學生及堂內執事人員矚目共覩教員即

張文襄公全集 卷六十一 奏議六十一

三

欲違眾徇私而公論可憑萬難掩飾臣等尙恐偶有此弊故於中學堂考試歸諸學政主持督同道府辦理高等學堂畢業則請簡放主考會同督撫學政考試大學堂畢業則請簡放總裁會同學務大臣考試並不專憑本學堂所定之分數如是則中西之學既已兼賅固不患其偏重取舍之權仍在試官更不患其不公凡科舉掄才之法皆已括諸學堂獎勵之中然則並非廢罷科舉實乃將科舉學堂合併爲一而已竊思就事理而論必須科舉立時停罷學堂辦法方有起色學堂經費方可設籌惟此時各省學堂尙未能備設從前大小各種

學堂尙未定有詳細完備章程故已設之學堂辦理未盡合法學堂品類不齊或不免間有流弊其不欲遽議停辦科舉者未始非老成持重之見然使此時一無舉動天下並未見朝廷將來有遞減以至停罷之明文實不足以風示海內士民用收振興學堂之效臣等公同商酌擬仍查照臣之洞會同袁世凱原奏分科遞減之法籲懇天恩明降諭旨布告天下將科舉舊章量爲變通從下屆丙午科起每科遞減中額三分之一暫行試辦一面照現定各學堂章程從師範學堂入手責成各省實力舉行認真整頓至第三年壬子科應減盡時尙

張文襄公全集

卷六十一

奏議六十一

三

有十年計其時京外各省開辦學堂已過十年以外人才應已輩出且科舉既停天下士心專注學堂籌辦經費必立見踴躍如學堂有辦理無效及尙滋流弊者應由學務大臣隨時考核各行各該督撫嚴行覆查將不得力之學務人員分別參處庶幾學堂日有起色以期仰副朝廷造就真才實事求是之至意茲擬遞減科舉辦法分條臚陳如左

一鄉會試中額請自下屆丙午科起每科分減中額三分之一俟末一科中額減盡以後即停止鄉會試
一學政歲科試取進學額請於鄉試兩科年限內分兩

歲考兩科考四次分減每一次減學額四分之一俟末一次學額減盡即行停止學政歲科試以後生員即盡出於學堂

一科舉停止後會試總裁改於大學堂畢業考試時奏請簡放分別內外場考試鄉試主考改於各省高等學堂畢業考試時奏請簡放分別內外場考試

一科舉停止後各省學政毋庸裁撤即令會同該省督撫考查整頓全省學堂功課並中學堂以上選錄學生及畢業考試等事務以昭慎重查日本各處皆有視學正與學政之名義相合

張文襄公全集

卷六十一

奏議六十一

三

一科舉既議停減舊日舉貢生員年在三十歲以下者皆可令入學堂肄業三十歲以上至五十歲者可入師範學堂之簡易科若三十歲以上既不能入學堂並不能入師範簡易科者及年至五十六十者擬請自下科起舉人於每科會試後大挑一次或揀發一次並多挑騰錄分送各館俾得議敘其大挑揀發未入選之舉人及恩拔副歲優各項貢生均比照孝廉方正例准其考職分別用爲州同州判生員亦准比照已滿吏考職用爲佐貳雜職分發省分試用其年在六十以上不能與考者酌給虛銜至經生寒儒文行並美而不能改習新

學者可選充各學堂經學科文學科之教習每屆三年查其實有成效者比照同文館漢文教習例給予獎敘如此則舊日應科舉之老儒亦不至失所矣似此量為變通暫行試辦於科舉僅止徐加裁損而學堂立可頓見振興且於年歲已長不能入學堂之舉貢生員復為之寬籌出路京官之任學差者如故其放試差者且更增多尤屬毫無窒礙合無仰懇宸斷俯賜施行俾全國臣民確見裁減科舉歸重學堂辦法咸曉然於朝廷意嚮所在則必人人爭自濯磨相率而入學堂以求實在有用之學氣象一新人才自奮轉弱為強實基於此大局幸甚

張文襄公全集

卷六十一

奏議六十一

天

上諭方今時事多艱興學育才實為當務之急前經諭令張之洞會同管學大臣將學堂章程悉心釐訂妥議具奏茲據會奏臚陳各摺片條分縷晰立法尚屬周備著即次第推行其有應行斟酌損益之處仍著該督學大臣會同張之洞隨時詳覈議奏至所稱遞減科舉及將來畢業學生由督撫學政並簡放考官考試一節使學堂科舉合為一途係為士皆實學學皆實用起見著自丙午科為始將鄉會試中額及各省學額按照所陳逐科遞減俟各省學堂一律辦齊確著成效再將科舉

學額分別停止以後均歸學堂考取屆時候旨遵行即著各該督撫趕緊督飭各府廳州縣建設學堂並善為勸導地方逐漸推廣無論官立民立皆當恪遵 列聖訓士之規謹守範圍端正趨向不准沾染習氣誤入奇袤一切課程尤在認真講求毋得徒事皮毛有名無實務期教學相長成德達材體用兼賅以備國家任使有厚望焉將此通諭知之欽此

張文襄公全集

卷六十一

奏議六十一

天

張文襄公全集卷六十一終

新城王樹森校

張文襄公全集卷六十二

奏議六十二

回任謝恩摺

光緒三十年二月十八日

竊臣於上年四月間遵旨入都陛見仰蒙疊次召對訓誨周詳嗣奉旨飭議商約會訂學章諸要政瞻依闕下者九月有餘異數殊榮有加無已循涯逾分兢悚難名迨學章事竣請訓出都奏明順道回南皮縣原籍省墓嗣因於十二月初三日與英使薩道義詢商一切於十二月二十一日與德使穆默商定鄂省交涉要件咨達外務部後二十二日即行出京茲於本年正月由籍起

張文襄公全集

卷六十二

奏議六十二

一

程過津復與北洋大臣袁世凱籌商一切旋即遵陸南下於二月十三日行抵武昌省城十四日准兼署督臣端方委員將湖廣總督關防並王命旗牌文卷賫交前來當即恭設香案望闕叩頭祇領任事經於十五日電請軍機大臣代奏在案伏念臣自慚衰朽獲望清光屢陪禁近之班聯稍慰江湖之夢寐聆禹湯之自責感極涕零企周漢之中興忘其老至邇者強鄰構難東土震驚雖暫時中立之從權慮此後外交之益棘臣惟有勉殫駑鈍仰稟宸謨統善鄰治內以兼籌以興學練兵為首務儲木屑竹頭之用敢拋寸晷於江城續笠簷簔袂

之詩猶憶恩波於禁苑一切緊要事宜當隨時與南北兩省撫臣妥商辦理以仰答高厚鴻慈於萬一

硃批知道了欽此

會籌江南製造局移建新廠辦法摺

光緒三十年四月十八日

竊臣之洞於上年十一月陛辭請訓時面奉 皇太后懿旨飭赴江南查核製造局事宜會同臣光燾將移建新廠各事妥籌辦理當於三月十三日起程赴甯業經電請軍機大臣代奏在案伏查中外大局情形今年較之去年尤為變動莫測則軍實關係緊要情形今年較之去年尤為急迫難緩自宜迅速定議舉辦查移建新

張文襄公全集

卷六十二

奏議六十二

二

局以籌款擇地定機核用人定槍礮式儲備廠才整頓舊局為八大端臣光燾上年接准政務處議覆後疊經督飭局員按照原奏將滬局應裁應節各款確考詳籌祇以時當多故軍火需用方殷舊廠遠難停辦致提款不能甚多用是躊躇未定臣之洞抵甯後連日與臣光燾往復晤商分別定議其間有按原奏切實舉行並加推闡者有較原奏量為變通者謹為我 皇太后皇上縷晰陳之一曰籌款查原奏就滬局原有經費將各工廠裁節歸併每歲約可提存銀一百萬兩惟據各局稟稱本省需用軍火取給於滬局者居多北洋亦常

有調取飭造之件他省亦間有索取者况現值東方有事需用或較平日爲多新局未成以前所有滬局槍礮藥彈等廠只可暫留以應急需等情臣等查滬局槍礮非全由機器所成因歷年機器係陸續添置湊配故必須參用人工以致不能精密一律且出槍不能甚多本應早日停舊改新以免虛糜而收實用惟新廠之成尙早不得不酌量應付暫作支持然目前雖不能全行停辦必當漸次減造並將各項冗員浮費竭力裁汰暨將附屬各小廠歸併減省再三核算每年祇可節省銀七十萬兩不敷之數尙鉅經臣光燾電商江蘇安徽江西三省撫臣歲籌協濟以五年爲限將來三省撥用槍礮彈藥准將協款劃抵旋准江西電復允歲籌銀十萬兩江蘇安徽電復各允歲籌銀五萬兩五年內當由臣光燾於江甯省司庫鹽務各款籌撥銀十萬兩共湊足三十萬兩之數其滬局每年節存之七十萬兩無論滬關二成洋稅及各關局額解之款盈絀如何責成總辦道員總須設法樽節如數提撥總計仍係歲撥一百萬兩五年後此三省協款雖停而舊局應將原有之款約一百四十萬兩全數撥歸新局之用以上係議定籌款辦法惟新局現議槍礮鋼藥兼營並造且將各項出數極

張文襄全集

卷六十二

奏議六十二

三

力擴充開辦經費既非原估五百萬兩之數所能敷用而此後常年製造之款僅恃滬局原有經費一百四十萬兩亦尙不足以濟事若不另籌挹注誠恐新局因用繁費絀觀成無期際此多故之秋新局早一日竣工即新械早一日資用又上年在日本訂造長江淺水兵輪四艘原議養船經費在鎮滬加抽米捐項下動支現在江南米捐並未開辦將來新艦造齊其養船經費亦擬由滬局籌撥非有的款供支勢難持久查光緒十二年間欽奉懿旨整頓圓法經戶部會議復奏以外洋銀錢皆用機器製造行令直隸江蘇機器局妥籌試辦嗣於光緒十九年二月前督臣劉坤一因上海地方錢價昂昂商民交困批飭江南製造局總辦道員劉麒祥遵照前准部咨用機器鼓鑄制錢以資民用旋因虧耗太多未能源源接鑄該處仍苦制錢缺乏以致近年錢荒物貴貧民生計愈形艱難茲飭查照戶部奏案就原有機器添配碾片春餅印花各機酌鑄銅元流布市廛以濟圓法之窮所獲盈餘新舊兩局各半分撥俾規模得以完備經費免致不敷利國利民斯爲一舉兩得俟新局告成一律開工製造即將滬局槍礮藥彈各工截止停辦專辦煉鋼廠修船廠修理機器廠三大端其機器廠

張文襄全集

卷六十二

奏議六十二

四

內並設法製造槍礮機器之機器以備中國擴張軍實取用不窮免致仰給外人並酌量改造各種農工需用之機件及仿造有益民生實用之外洋貨品以廣行銷藉資抵制所製出售之品可隨時酌量收回工價以資添補廠用除將銅元一半盈餘仍留充舊局成本如有不敷另籌撥濟外其原有製造款項二成洋稅及奏定各關局常年經費二十萬暨銅元一半盈餘應盡數撥充萍鄉新局常年經費核計新局每歲造足快槍五萬枝過山快礮野戰快礮共二百尊臺礮船礮共四十尊械數既屬宏富需款自必浩繁除江南自籌各款外

張文襄全集

卷六十二 奏議六十二

五

陸路礮各項彈藥冬間小剝船仍可常運絕無停阻當即登山履勘該處一帶山阜頗多皆係斜坡迤邐而上斜度約高十餘丈人行殊不覺有登陟之勞其山頂延袤數百丈橫寬十餘丈數十丈不等稍加鏟平即可聯合爲一並不費工其地概係堅實黃土並無一石亦無墳墓間有民間種植小樹大率皆聽其荒棄不用如此山阜大約有六七處無論建設若干廠均可取用不窮似此遠江近河高堅平廣兼有此八字之利洵爲難得若在江北容或有之若在江南並在江蘇附近地方已屬無出其右惟詳加籌度距江僅止七十里尙非極爲

張文襄全集

卷六十二 奏議六十二

六

必須各省取用槍礮隨時付價方足以資周轉免致捉襟露肘停機減造致妨自強要圖二曰擇地原奏擬用皖省宣城縣屬境灣沚鎮之后啟發山此次臣之洞於赴甯之便順道往勘臣光燾接准電知亦即乘輪前往同於十五日馳抵蕪湖會同至灣沚地方其地距大江口七十里距內河卽中江三里春夏秋可行小輪惟冬令水涸時止能行一二百石之民船大率運道暢行之時一年可有八箇月但船至二百石即可裝一二萬斤若在此設廠其機器大件及煤炭可趁此八箇月內水大時趕運並無妨礙其餘零小機件料物及造成槍枝

由醴陵至湘潭縣屬之洙洲現亦接造鐵路約計明年四月可成等語查此路與粵漢幹路相接由岳州至洙洲可自造拖輪及大剝船用拖輪帶運現在漢陽鐵廠開辦萍鄉煤礦轉運機器卽是如此辦法似此地勢既屬深邃運道亦極暢通洵爲兩全臣等公同商酌前此議於灣沚建設新廠因其地在江陰鎮江上游又不濱臨大江且距江甯甚近督察較便今漢陽鐵廠商董既議於萍鄉之湘東鎮創設化鐵爐而萍鄉鐵路已接通該處則將來煤鐵可以兼資至其遠隔洞庭深居堂奧與灣沚相較可取之處尤多且仍在兩江轄境之內以

張文襄全集

卷六十一 奏議六十一

七

之建造江南槍礮鋼藥新局似較灣沚尤爲相宜擬卽定用此地現已派員前往湘東覆加察勘并就近考驗煤鐵性質一面卽行購地備用以免居奇雖目前運送機件勞費較增而將來就地取用煤鐵價廉運速可以歲省鉅款利益宏多至灣沚地方形便利多棄之可惜擬卽由官收買備用博訪華洋各員僉云以之建設武庫亦甚相宜可爲省城軍械分局及火藥庫派兵駐守將來萍局造成各械及無煙火藥卽分存此處聽候撥運江甯省城上游各省及江南北各處三日購機查原奏廠地擬用灣沚去滬較近除造槍機器須全行定購

外其礮機藥機尙可酌量移用祇須量爲添配鋼料原擬仍用滬廠所煉者或兼用鄂廠所煉者故無須另設鋼廠茲既移建湘東上溯遙遠與其挪運舊機運卸糜費莫如全定新機益臻完美西人覘國者以精利軍械製造儲藏之多寡分其國之強弱當此時艱孔亟外侮憑陵此項械藥不容不力求廣製多藏爲建威銷萌之計茲擬向外洋名廠定購每日能造新式小口徑快槍一百七十枝歲出槍五萬枝者新式槍機一全分每日能造槍彈十七萬顆歲出彈五千萬顆者新式彈機一全分每年能造七生半口徑長快礮短快礮共二百尊

張文襄全集

卷六十一 奏議六十一

八

又每年能造十二生口徑十五生口徑新式長身臺礮船礮各二十尊者新式礮機一全分礮彈礮架等機照配每日能造無煙火藥五百啟羅合英權一千一百二十磅歲出藥三十餘萬磅者新式藥機一全分應配各項強水機稱是每爐能煉罐鋼一噸者二座煉西門馬丁鋼十噸者一座及拉鋼壓鋼軋鋼烘鋼等新式機爐一全分此外修機翻沙等各項應用機器一律齊備同時分向各洋廠訂購應付機價向係於訂定合同後付價三分之一機器起運時續付價三分之一餘俟機器全數運送到廠安設齊備一律找付清楚惟現在時事

日急軍實最關緊要必宜及早開造方無後時之患擬與各洋廠商明機價分五年勻付而機器則儘三年內分別先後陸續運送廠地如機器早到而暫未清款則向該廠酌認利息總期起早安設完備以便及早開工製造至新局訂購各項機器必須有明習妥實之員親歷外洋機器各廠考校議訂方免種種弊混茲查有候選郎中李維格考求機器製造之學有年嫻習英法兩國語言文字人品亦端潔可信現經督辦鐵路總公司大臣盛宣懷派往外洋考查鐵廠需用機器臣等公同商酌擬即派委該員將萍鄉新局各項機器就外洋有

張文襄公全集

卷六十二

奏議六十二

九

外洋徒滋浮糜之弊又須添設造火軛廠以備製造各爐之用及造青紅軛廠以備建造各項廠屋之用凡此數廠皆全廠添設原奏所無此添廠之必應添款者也二須添機原議礮機不須全購今移設萍鄉必須全購新機一鐵一木不能遷就且現議造礮之種類較多造礮之數又復增多必須多添機件此外各廠大率類此故同此舊有之廠而機件較前繁多此添機之應添款者也三添運費原議新局建設灣沚距蕪湖江口僅止七十里由滬至蕪亦不足千里故運費尙省今移建湘東則由上海達岳州江程已經加倍由岳達湘由湘入

張文襄公全集

卷六十二

奏議六十二

十

噸者一座及拉鋼壓鋼烘鋼軋鋼等各項全分機爐共需庫平銀八十餘萬兩此外翻沙修機造甄抽水木模等項各種應備機器共需庫平銀三十餘萬兩各所工廠地基爐座煙囪甄石鐵木水泥火泥皮帶繩索各項工料填地築路開溝圍牆馬頭礮岸起重架小鐵軌住房雜屋堆棧庫房一應工程運費共需庫平銀二百餘萬兩綜計約需庫平銀六百五十餘萬兩較原估五百萬之數約增銀一百五十餘萬兩此雖就洋行開價折合大概之數其細數須俟派員到外洋就廠訂議方能確實而通計添廠添機添運費所增出之款實皆相因

張文襄全集

卷六十一 奏議六十一

十一

而及爲萬不可少之需五日用人查原奏新舊兩局均責成滬局總辦道員一手經理茲新局移建湘東距滬二千餘里鞭長莫及實有顧此失彼之虞自應將兩局分別委員承辦各專責成仍令互相籌商稽考聯絡一氣俾免隔閡之虞現辦滬局道員沈邦憲因病辭差查有湖北試用道魏允恭心思精敏學問該通才具優長講求時務堪以派充江南製造局總辦駐劄上海兼管籌辦萍鄉新局事宜該員雖係臣光燾疎遠同族而服官鄂省其才品爲臣之洞所深知製造事關軍實不比地方差務現值節裁經費精求製造之際因事擇人未

便拘牽成例應卽責成該道將該局原有員司工匠嚴加淘汰各廠工作切實整頓務將節款如數提存隨時撥解新局濟用其新局定機購地建造各事宜並由該道會同籌商辦理又查有江蘇候補道方碩輔儉樸清廉耿介絕俗辦事精實成效昭彰堪以派充江南製造局會辦駐劄萍鄉專管建設新局安設新機兼稽核滬局事宜凡新局購地建廠考工核料一切應辦之事均令其切實辦理務求實際力戒虛糜其滬局節裁支用款目並由該道隨時認真稽核大率新舊兩局雖分設兩處而本是一事必須事事通貫事事和衷不得劃分

張文襄全集

卷六十一 奏議六十一

十二

畛域故兩局責成皆以魏允恭爲重而令方碩輔佐之並令魏允恭時常親赴萍鄉考察每三箇月必須親往一次至槍礮藥彈等廠之監造需用外國上等工師容臣等隨時函電向外國詢訪雇用俟將來派往外國遊學之委員學生學成回國卽可專用中國員匠嗣後新舊兩局總辦會辦之員遇有更易應仍由南洋主稿者商選擇會同奏派以昭慎重六日定槍礮式查原奏新製快槍口徑宜再收小擬酌中定爲六密里五誠以口徑愈小則飛路愈直速率愈快激射愈遠擊力愈猛且口徑小則子彈亦小分量減輕隨身可以多帶尤爲制

敵要義年來與東西洋各國武員詳加詢考現將各國最新式快槍派委員弁多人一一演放比較試驗擊力於距遠一百密達之處日本六密里五口徑新槍擊透五分厚松木板五十八塊擊深鋼靶至六密里八實爲最優其次則德七密里口徑槍擊透木板五十塊擊深鋼靶五密里有奇擊力已遜此外各國快槍口徑皆較日本爲大擊力皆較日本爲絀歎目共觀不能意爲軒輊惟日本之槍機簧各件稍覺繁多亦間有不甚堅牢之處因與德國新槍兩相比較查日本明治三十六年卽光緒二十九年所造之新槍與德國一千九百零三年張文襄公全集卷六十二 奏議六十二 三

密里取其逼束藥力其通條較長直通到底較之德槍兩截者利便甚多皆不宜妄加改易現在江南新槍既改此式則此後鄂廠製槍亦擬改從此式將來他省如有另建機廠製造快槍者口徑亦宜照辦以歸一律擬請旨通飭遵行其造礮一節查近日外國陸戰專以礮隊爲制勝之具歷經詳加考較必須七生半口徑者其炸彈撒面可及一百密達正可徧擊敵營一隊之兵若五生七之山礮便於馬駛過山本極利用惟口徑略小而擊力尙嫌稍薄現擬將陸路行營快礮定爲兩種一口徑七生半身長二十倍口徑行用車拉牽用六馬北張文襄公全集卷六十二 奏議六十二 丙

年卽光緒二十九年所造之新槍拆開考較計德槍各種共七十六件日本槍各種共計九十三件計日槍多於德槍十七件查係日本設槍廠時定爲此式已有七

年間有未能想到之處不免稍參人工以故機件稍多至德槍係去年新式推求更加精詳概用機器不煩手工是以件數減少詳加酌核詢之委員匠目若用德國槍簡少之機件而用日槍迅疾之口徑則兩美相合更爲有利無弊員匠皆稱極善茲擬卽定用日本六密里五口徑快槍而機件悉照德槍簡少之數至日槍來復

多有秘奧不令人知不許人學中國素未講求製造之學故每創機廠不得不募用外國工師匠目此本權宜應急之謀實非經久可恃之道現既議建新廠則製造之材必須預爲儲備茲擬商明各國選派才優心細之官員二十人才具明敏文理優通之學生四十人技藝優長悟性素好之匠目四十人前往德國比國日本國分入學堂工廠官員則親歷學堂工廠管理稽核等法以備回國後派充新局委員之選學生則入學堂分門學習造槍造礮造藥煉鋼各項精深理法以備回國後派充新局各廠工師監工之選匠首則入工廠學習

張文襄全集

卷六十二

奏議六十二

五

運用機器分司工作及修理安配各種手法以備回國後派充新局各廠領工之選約均以五年爲度所需旅費學費川資整裝安家各費及監督繙譯薪水公費均勻牽算每人每歲多或一千四五百兩少或七八百兩統計歲需經費銀約十萬兩將來學成畢業回國嫻習製造之材日多則經理局中各事不必借材異地方爲自強長策而繁費亦可節省裨益廠務實非淺鮮此係專指儲備新局人才而設其上海舊局亦需派人遊學外洋應另行選派不在此數之內八日整頓舊局查原奏滬廠此後凡不急之物可緩之需及式舊數少之槍

彈大小礮之實心彈等類皆行停造槍枝除小口徑毛瑟外亦皆停造其雜項槍礮藥彈併應限數減造等語現經酌定滬局以後快槍止造江鄂兩廠現有之小口徑毛瑟一種并彈其專造槍彈者則止造舊毛瑟曼理夏兩種因此三種槍各營發出較多新廠未成以前暫資應用快礮祇造十五生口徑臺礮七生半口徑陸路礮兩種并彈其餘雜項槍礮子彈均一概停造各省如有需用此等雜項子彈應令自向外洋購辦滬局不再應付以免紛歧糜費至滬局所造無煙藥迭經臣等考察製煉尙未能純淨得法應卽飭令迅速改求精善務

張文襄全集

卷六十二

奏議六十二

六

得合度無害之法方可接造其栗色礮藥一種久經前北洋大臣考驗不適於用此時亦不宜造如存藥用罄可隨時向外洋購買惟黑藥爲雜項槍礮子彈及操練所需當責成承辦之員精求製煉之方撙節浮濫之費視實在需用之數酌量製造其船廠鋼廠仍舊辦理修理機器廠并應擴充此三廠將來可常設在滬此皆工作之事自無妨礙一俟新廠告成再將滬局製造軍火各廠全行停止改作工藝製造廠就其機器於製造工藝何物相宜者卽量爲製造以利民用且可收回工料價值以資周轉則局中官用經費有限而民間農工各

業取資不窮矣以上辦法係因舊廠暫難停辦新廠亟須興建不得不統籌兼顧經臣等互相商榷審量再三而後定議應即責成承辦之員遵照現定辦法次第認真興作不得再有游移款項亦不容別有絲毫挪動所有煉鋼製藥槍礮彈架各項機器廠屋及全局一應工程應即及時興作分別先後次第完工每成一廠即先開一廠工作務於五年之內一律開機製造槍礮藥彈有以資用不准遲誤逾期於利器日出軍實充盈各省軍械煥然一新較若畫一土氣奮興威稜遠布以仰副朝廷擴張武備之至意至在事各員果能殫力經營

張文襄公全集

卷六十二

奏議六十二

七

精心考察工程堅固核實經費涓滴歸公應俟新廠依限告成後奏請照異常勞績從優獎勵如能將全廠於四年內一律完工開辦獎勵格外加優如稍有浮冒怠緩貽誤要工亦即從嚴參處至各省新練之兵火器宜歸畫一當俟此次改定口徑新槍新礮造成之後各行各省陸續向江鄂兩廠備價購取統令常備各軍一律繳換新槍新礮限五年內一律換齊其江鄂舊造之小口徑毛瑟快槍酌給續備各軍及各州縣警察勇丁使用雜式可用之礮分給各臺壘要隘作為護礮其餘陳舊雜槍除最劣者飭令停廢外其稍勝者酌發各州縣

團練緝捕勇丁使用查換齊新械限以五年則各省購換新械之費可以陸續籌備自今年移廠定機起至廠成出械已需五年自新械既出以後又以五年換齊為期則統計已及十年分年積款分年購換無論大小省分皆能辦到並不為難至定限廠成五年之後各省常備軍如有仍用陳舊雜式槍礮者應由練兵處考察將該省營務處及統帶營官懲處以期早收畫一之效擬請明降諭旨通飭各省一體遵行此外未盡事宜容臣等隨時會同奏明辦理並查照政務處原奏將來造成新械並知會北洋大臣一體詳加考察所有遵旨會籌

張文襄公全集

卷六十二

奏議六十二

六

江南製造局移建新廠妥議辦法緣由謹合詞會同北洋大臣袁世凱恭摺具陳伏祈 皇太后 皇上聖鑒再此摺係臣之洞主稿發摺後即日遄回鄂省合併聲明

硃批政務處練兵處妥議具奏欽此

籌撥練兵的款摺

光緒三十年七月十六日

竊照光緒三十年六月十六日承准軍機大臣字寄光緒三十年五月二十八日奉 上諭朕欽奉 慈禧端佑康頤昭豫莊誠壽恭欽獻崇熙皇太后懿旨現在時艱日棘除寬籌的款迅練勁兵實無救急之策飭令各省

實心籌措外銷之款覈實騰挪中飽之數從嚴釐剔並歸併局所裁汰冗員清提陋規力除糜費以資挹注每年勻出的款若干以爲練兵之用限於一月內將籌辦情形具奏等因欽此仰見 宮庭宵旰默籌危局備豫不虞之至意而且邵貞珍省儀文躬行節儉爲天下先欽感之餘尤深惶悚伏查此項練兵的款上年十二月兩奉寄諭增抽煙酒兩稅湖北應派銀三十萬兩酌提丁漕浮收並田房稅契湖北應派銀二十萬兩嗣又於本年正月准戶部咨籌餉十條其關涉各省者內有嚴核錢漕酌提優缺優差各官報效等項本年臣回任後

張之洞全集

卷六十二 奏議六十二

九

匆匆不及一月即赴江甯迨臣自江甯回鄂正在督飭司道局員悉心籌辦間欽奉前因亟應迅速遵旨妥籌的款惟是各省情形不同即辦法不能一律臣愚以爲籌款之法但期有益國計不擾民生即不必限定何項名目轉滋藉口如湖北省煙酒稅項前因撥補宜昌鹽釐款多無著鄂省創議整頓將煙酒糖三項奏准加抽每年約可收銀二十餘萬兩此係籌備撥補鹽釐專款嗣因商民避重就輕私向洋商領單報運以致稅收日形短絀已經疊次大加寬減以廣招徠斷不能再行加重徒爲魚爵之驅又如州縣錢價贏餘田房稅契兩項

查光緒二十七年部文飭籌新案賠款當將各州縣丁漕錢價贏餘釐剔整頓提取歸公湊解賠款其田房稅契亦經剔除中飽酌量加徵以一半湊供賠款一半抵補無著鹽釐均經奏明有案蓋煙酒稅契等事湖北因鹽釐無著焦灼無計始力排浮言創議舉辦至今鹽釐之無著者仍多但有可以增多之道斷無不竭力稽征理勢昭然富家宸鑒又如酌提優缺一項查州縣既經兩提錢價稅契改章以後從前所謂優缺今則僅敷辦公而已若搜剔太過州縣無以辦公甚至不敷用度必致別滋流弊仍然害及地方又如酌提優差一項查優

張之洞全集

卷六十二 奏議六十二

十

差無過釐金而釐金局卡湖北已節次整頓釐剔中飽陋規加增正項比較近年收數增多即其明證節經前任撫臣于蔭霖本任撫臣端方奏報奏獎有案正項多收至三四十萬串則其中飽剔除亦必有一二十萬串此消彼長其理甚明似不便再事搜求徒致擾累商民自貽驅歸洋旗之害竊思湖北解款除額解京餉荊州滿餉甘餉准餉四國洋款鎊價新案賠款及本省向有支款不計外本年新撥廣西協餉八萬兩龍州邊餉十三萬兩雲南銅本二十萬兩吳元愷一軍戶餉軍械雜費一年約計需銀三十萬兩現經遵旨籌備湖北所

練新軍赴湖南境外廣西全州一帶會勦計須派步隊
入營馬礮工等營酌撥約計此項每年亦需銀三十萬
兩以外共計新增解款支款已一百萬兩以外較之各
省格外艱辛籌畫支應實已萬分艱難正在徬徨無計
惟是畿郊拱衛陪都經營籌餉練兵在時局極關緊要
無論如何艱難斷不敢不力顧本根大計查湖北自前
年秋冬試鑄銅幣去年以來因制錢極缺銀價甚低銅
幣暢行頗有贏餘去年派遣學生出洋及興建各學堂
暨增購兵械各鉅款大率取給於此今年因各省鑄數
漸多錢價漸平贏餘略少然體察湖北民間情形五年

張文襄公全集 卷六十二 奏議六十二 三

之內雖使價日平贏日少當不致霄壤懸絕枯涸頓盡
此款係去年始經增多其獲有贏餘適出天幸臣現在
極力綜核整飭約計惟此款尚可竭力騰挪提解以
應京畿急需除已經戶部指定銅幣贏餘項下撥銀二
十萬兩解充雲南銅本外茲擬再於銅幣贏餘項下提
銀五十萬兩遵旨解足每年所派練兵的款即以抵補
他項無從裁提之數至如外銷一項當論公私其入已
者自應嚴行禁革若地方要需關繫利害而非部例所
有者自應籌款濟用外國名曰地方稅外國視之極重
蓋以地方捐款辦地方公事多由紳董經收不在丁漕

釐稅之列然其事既關地方民生休戚即有關國家利
害湖北外銷之款大率係興學練兵及振興農工商諸
實業之用惟有遵旨要實節省騰挪應用勢難概從刪
除今擬多提銅幣贏餘即係設法騰挪外銷先儘部款
期於急務為先仍然不致偏廢又如中飽一項本係侵
蝕之正款中飽去則正款增公家自有無形之益只能
查明裁禁不便指項專提致令藉口多收前已於提優
差一條陳明又如陋規一項大率相沿舊例為數瑣屑
畸零其類約分兩種一為州縣之陋規一為關卡之陋
規竊謂此等款項其足以病民累商者必當嚴行禁革

張文襄公全集 卷六十二 奏議六十二 三

其尚不甚病民累商者在州縣則止可留充地方善舉
并以養濟丁差在關卡則藉以津貼水陸司巡俾免格
外刁難需索似難責令提解又如糜費冗員兩項自當
竭力裁省然方今事變紛繁日新月異凡物事工程稍
涉西法委員譯官稍關交涉動需繁費人才少則不足
以集要事薪水少則不足以養才能設使刻覈太甚則
賢者動為束縛才者早已遠颺中材但知循例供差於
公家利害默然坐視必致重要政事墮壞於冥漠無形
之中緊急事機貽誤於樽俎折衝之際嘗有其先省數
百千金而日後多費數萬金至數百萬金者若有關理

財之事惟在擇賢員責成效斷宜厚薪以養廉優獎以示勸儻專務省費則所省者少而所耗者多古來名臣長於理財者言之已詳就湖北言之有可裁之用費尙有辦理新政應增之用費有可省之局員亦有辦理新政應添之局員勢難專從刪汰惟當以實事求是爲主總之費不能惜而必力杜其糜員不能少而必力戒其冗以仰副朝廷殷殷告誡除弊節流之至意茲就提陋規節糜費裁冗員三項竭力裁節合計每年至多不過二三十萬金擬卽每年認籌銀三萬兩解部濟用又如嚴核錢漕一項近年鄂省於偏災薄歉奏請蠲緩者每經

張文襄公全集

卷六十二

奏議六十二

三

駁查覆勘力求核實不能任聽冒報率行濫准大約災緩之數較前三年有減無增有歷年奏銷冊可查又近日恭閱電鈔奉旨裁汰官缺一什現經飭司詳議力加省汰俟議定後專摺奏陳核其俸廉各項如能省出若干另作爲裁官節費一款專款解部至各官同受厚恩誼應報效臣謹率同現任司道府廳州縣報效銀五萬兩另款存儲聽候部撥此外可籌者籌可省者省但有無礙民生無妨要政之款必當竭力籌湊以期稍濟北方邊事之急上紓聖慈焦灼之懷
硃批戶部知道欽此

擬編湖北常備軍制摺

光緒三十年七月十八日

竊照練兵一事在今日最關重要湖北地處四衝尤爲南北各省及東西各國屬耳目之區屢奉諭旨飭辦亟應盡力擴充臣於光緒二十八年十月會同本任湖北撫臣端方奏明編設常備軍左右兩翼兵力較單原因籌餉爲難不得不姑從簡易先定初基現在時局情形添練新兵實爲刻不容緩之舉而營隊編制尤須力求妥善以期日造精強前次屢奉諭旨飭臣及北洋大臣直隸督臣袁世凱籌商畫一營制事關重大不敢不加詳審正在會商籌議間適奉旨京師設立練兵處統籌

張文襄公全集

卷六十二

奏議六十二

四

各省軍制此項畫一章程自應靜候練兵處核議奏奉諭旨後遵辦惟現在練兵處章程尙未奏准通行只可暫就湖北向日新操營制參酌北洋現行營制及本省餉力人才地勢民風先行的擬章程及早開練茲謹將現擬辦法分條臚陳如左
一體察目前長江情形湖北一省必須練有精兵兩鎮方敷應用惟餉力未充暫擬變通辦理大致作爲兩鎮規模而相其應急練者及早募練可暫緩者暫緩募足茲將湖北常備軍添募營隊設爲兩鎮每一鎮統轄步兵兩協礮兵三營每營礮十八尊三營共礮五十四尊

騎兵兩營工兵一營輜重兵一營每步兵一協分統三旗每步兵一旗分設四營每步兵一營分設三哨每哨六排每排一十四人其礮騎工輜各營均徑隸於鎮俟將來遇有徵調或應添設協統及督帶之員容隨時酌量奏明辦理至協之下營之上稱爲旗者係暫照湖北營制向章歷年奏案以四營爲一旗率之者名曰督帶姑且仍其舊稱此項營制等級或即稱旗或以四營稱爲一旅或稱一校或稱一都或稱一總或另用他名應聽練兵處酌議奏定

一每鎮設統領一員鎮統秩視總兵副官一員秩視遊

張文襄公全集

卷六十二

奏議六十二

五

擊每協設協統一員秩視副將副官一員秩視都司每旗設督帶一員秩視參將副官一員秩視守備每營設管帶一員秩視都司副官一員秩視千總每哨設領哨一員秩視千總副哨一員秩視把總排長秩視外委正兵目秩視額外外委至礮隊工程隊所屬人數較多關係尤重外國兵制向係獨立徑隸於鎮不屬協統故礮隊每旗之督帶官秩視副將礮隊之管帶營官秩視遊擊礮隊之哨官稱曰隊官秩視守備隊長秩視千總工程營之管帶官秩亦視遊擊隊官隊長等均與礮兵營同至輜重營人數雖多學業較淺其管帶官應與各步

兵營管帶官同秩亦視都司又如副官一項外國軍制

副官皆係該營統領管帶轄屬聽受指揮傳宣命令分任庶務大意略如中軍而統領管帶外出副官即可代統領管帶之任務又似中國幫統幫帶故其品級須與統領管帶相隔一等以便相處其鎮統協統所用參謀官不拘文武必須遴選得人擬暫不限以品秩至現派督帶管帶副官各員均慎選遊學日本士官學校畢業學生及本省將弁學堂武備學堂優等畢業學生充補一募兵之法略仿日本徵兵之制寓徵於募先擇本省郡縣中風氣剛勁樸實之區選取士農工商之家安分

張文襄公全集

卷六十二

奏議六十二

五

子弟或素有恒產或向有職業手藝自足資生並非待勇糧爲生計者又須素不爲非素無一切過犯者取具紳董族鄰切實保結地方官印結保送年齒自十八歲至二十四歲爲止必須體質強壯略無疾病實能識字寫字並能略通文理之人身材長短膂力強弱行步遲速眼光遠近依法量驗合度始准收錄每一營一隊均選募一府或一縣之人俾平日有性情澆洽之益臨戰有患難相助之功

一凡人伍之兵以三年爲期滿卽令退伍除有過犯及操練不進功者已隨時革退外其練成退伍之時應令

督操營務處會同本營統領親加考校酌分爲頭二三等分別給予憑照操練不熟者不列等其憑照內並將其人之品行技能一一載入列入頭等者遇有哨官哨長弁缺儘先酌量拔補列入二等者退充本省續備兵並咨明各省聽其調充弁目列入三等者退充各屬警察兵不願當兵者聽同鄉里自營生業發照退伍之日由督撫親到該營獎勵發給饗以羊酒以花紅鼓吹送出營門回籍到家之日由本鄉紳董以鼓吹爆竹迎入里門凡領有憑照之退伍兵概免雜項差徭非犯有實在案情地方官不得無故差拘折辱待以武生之禮以

張文襄公全集

卷六十二 奏議六十二

三

上皆係查照上年三月政務處議覆奏准之案辦理如此則人盡以當兵爲榮冀他日得造到全國皆兵之強盛境界

一湖北此次編制之法以一軍統兩鎮與日本合兩旅團爲一師團之制相同惟日本礮騎工輜每一師團編配一分而此則每一鎮編配一分又略仿日本混成旅團之意誠以徵調與防守不容偏廢設遇徵調以一鎮之兵出征以一鎮之兵留守若礮工輜僅止一分勢必不敷分撥卽先其所急盡數撥歸徵調之師應用而平日不相統轄臨時恐呼應不靈故以仿混成旅團之

法爲備豫不虞之計差有把握按諸北洋現行軍制亦大致相仿

一查外洋軍制臨戰時每哨應八十四人蓋八十四人臨戰之行列前後兩列初用密積隊時每人應占七十五生特卽中尺二尺四寸七分強橫寬處應占法尺三十一密達半卽中尺之十丈零四尺用散開隊時每人應占五尺八十四人應占一百二十密達弱卽中尺之四十二丈平日人數減半則所占地段減半故平日操練應按戰時實在之人數實占之地段切實演習則哨官傳令聲音之所到目力察視之所及與夫兵丁所能

張文襄公全集

卷六十二 奏議六十二

三

見能聞皆有一定尺寸演練既熟臨戰方能指揮裕如若平日人數地段各減其半則目力耳力傳令聲音皆大有區別難易迥殊臨陣與操練不同必多舛誤至若外國之平日減數編制者由其續備後備之兵皆經素練臨時召集非難而其將校皆學理優深平時講習討論之功無不該備故戰時增募得以相機伸縮行所無事若中國欲仿行外國減數兵制必俟退伍之兵之歸入續備後備兵籍者臨時實能應募足額辦理方無窒礙若續備後備兵尙未有人戰時無可招募仍招募不習兵之人充伍如技藝生疏之兵與操練純熟之兵參

雜互用恐易誤事竊念各省練兵甫經興辦三數年內決無續備後備之兵可應急募而戰事無常不能必三數年內竟無戰事似湖北現照戰時足數編制訓練可期齊一較爲穩慎儻將來續備後備之兵漸多遇有戰事時該軍所練本係足數如不須添兵則本隊自足應敵如以敵人眾多必須添兵則將一營官弁兵丁分出其半以續備後備兵湊足其半化一爲兩亦並不難是臨戰之添兵一半與否操縱皆可裕如視平日以減數編制者較爲活便而平日可省餉項且能操練臨戰之實功矣

張文襄全集

卷六十二 奏議六十二

五

一湖北步隊軍制以軍統鎮以鎮統協以協統旗以旗統營以營統哨鈐轄之制共爲六等北洋軍制以軍統鎮以鎮統協以協統標以標統營以營統隊以隊統排鈐轄之制共爲七等以湖北軍制與北洋軍制相較係中間省去標統一層蓋外國用兵尙多每一戰動輒需兵數萬一大戰甚至需兵一二十萬故須多設等級以便層累統屬中國一大省練兵不能過三萬中省練兵不能過兩萬或不能滿萬實在統兵帶兵之正官其等級層累似無須乎太多故武職之品級仍當照舊分爲九等如提鎮副參遊都守千把仍存其品而按之實在

帶常備軍之大小將領官弁各正官不必分爲九等若營制之等差少而武職之品級多儘可以雜項武職分別銷納若將官等級過多則兵數亦必加多勢必致中小省止能練兵兩三協並不能成一鎮似於各省體制未協且於鼓勵獎拔將領人才之道稍有妨礙且兵數以營哨之多寡爲主營以上皆統轄之官與兵數無關出入而減去一層轄制卽節省一層薪餉於節制指揮之道似亦較爲徑捷至標之爲名本無不可惟綠營相沿以爲統屬之稱故督撫提鎮協所部皆稱爲標習聞已久或恐難於分晰

張文襄全集

卷六十二 奏議六十二

三

一湖北濱臨江漢南北衝途食用各物無不昂貴故常備軍餉章酌照從前湘軍行餉正兵月餉以四兩二錢爲率與北洋餉章無甚出入至邊瘠省分如雲貴陝甘廣西等省餉源甚絀勢難責以從同而彼處物價較平用度較省似可聽各省督撫自行斟酌或即將餉章稍從核減亦無不可總以食用足敷爲度如果徵調出省各省諸軍屯駐一處似宜加成一律以免偏枯自應豫定章程臨時酌辦

一自統領以至營官欲責其振奮精神不染營弊督率訓練日造精強非優給薪水公費不足以養其廉而壯

其氣湖北現定將領薪費皆酌照北洋章程辦理務使人人足以自給向來軍營陋習統領必向各營勒索統費每營每月五十兩或一百兩不等又必向各營挑取兵丁一二十名上直當差否則折送餉乾其藉口皆以用度不足爲詞以致各營缺額扣餉流弊不可究詰現在創練新軍止可優給將領薪費斷不准勒索分文統費挑取一兵上差蓋陋習不除兵事斷無起色亟宜懸爲厲禁

一湖北營制礮隊均定爲口徑七生五身長十四倍口徑之過山礮其炸彈撒面寬至一百密達礮力在野戰

張文襄公全集

卷六十二 奏議六十二

三

已不爲小且健驟之力尙能馱運此爲酌中辦法遇有徵調如赴北省平原之地則參用口徑七生半身長三十倍口徑之陸路車礮兩營口徑七生半身長十四倍口徑之過山礮一營當隨時添備驟馬濟用如赴南省山多之地驟馬馱載不便則專用口徑五生七身長二十倍口徑之過山快礮拆開用數人扛運較爲輕便應隨時添募盤運之勇夫濟用推之南北各省練兵其礮兵一項應令相度地宜定用礮之大小北數省礮隊自以較大之陸路礮爲宜若雲貴兩廣閩浙四川湖南江西九省及江南安徽湖北之南岸只能用過山礮惟宜

用小礮之各省應一律以五生七之過山快礮爲度不得再小

一湖北目前餉力未充若兩鎮步騎礮工輜各營隊全數練足需餉過鉅力有未逮不得不分別難易緩急酌量多練少練之區分查近今戰事以礮之功用爲最先其及遠攻堅足以助步兵之力壯步兵之氣至於行軍之際凡通道開溝造橋築壘及安地雷設電綫等事皆惟工兵是賴故礮兵工兵關係極爲重要而練礮工兵之難則十倍於步兵步兵半年即可練成三月亦可應用礮兵則礮身礮彈礮架零件繁多理法精密非經年

張文襄公全集

卷六十二 奏議六十二

三

演習萬不可用工兵尤須明於測算繪圖及種種工作之學理乃能相機運用非倉卒所能練成故礮兵工兵必須豫練尤須多練湖北現定營制惟礮兵工兵無論戰時平時均照全數練足步兵訓練較易擬每鎮皆先練一協暫虛一協南省之地山澤多於平原利步而不利馬故騎兵編制每鎮止設兩營仍各先練一營暫虛一營輜重兵專爲行軍時督率夫役轉運糧械而設平時不過練習捆紮裝載輸送之法每鎮一營擬照定額人數先練一半暫虛一半此步騎輜重各兵減練人數均俟餉源稍裕陸續添練總以各營隊兵數足額合法

爲度

一以北洋營制與湖北營制較則湖北兩鎮臨陣作戰之官弁七百九十二員戰兵一萬九千零七十八名而此外文武員弁醫生軍樂書役工匠不過七百五十五員名北洋兩鎮臨陣作戰之官弁八百八十五員戰兵一萬九千零七十六名而此外文武員弁醫生軍樂書役工匠多至七千一百五十九員名是湖北兩鎮所用員弁軍樂醫書匠役之數較戰兵不足二十分之一而北洋兩鎮所用員弁軍樂醫書匠役之數幾及戰兵十成之四矣以北洋餉章與湖北餉章較則湖北兩鎮人

張文襄公全集

卷六十二

奏議六十二

三

百七十七兩六錢則較北洋兩鎮之餉可省一半尤於瘠省相宜查北洋編列部伍皆係略仿德國章程具有原本在北洋餉需充裕規模遠大即照減數編制自當無所不宜湖北則餉源枯窘須待自籌止能照足數編制冀餉項稍從樽節事非得已總之事事皆期不悖乎外國編營之意練兵之法雖不敢云法外之意然實係審乎因地之宜此外各省餉力恐是支絀者多其應否照足數編制或照減數編制應聽候練兵處籌度核定辦理

張文襄公全集

卷六十二

奏議六十二

四

以上辦法臣考諸外國兵制參諸眾議合之內地情形期於酌量變通適用而且節餉擬就湖北先行試辦以待將來之推廣並設立參謀執法督操經理四項營務處皆係酌采外國參謀本部陸軍教育總監陸軍省監督部之用意並酌照北洋練兵新章辦理除派委司道府大員外並派外洋陸軍畢業及本省武備學堂優等學生從事其中以資討論參謀處講軍謀之學執法處講軍律之學督操處講軍教之學經理處講軍備之學惟經理營務處係包括北洋糧餉軍械軍醫三局在內取其歸併一處局面稍爲收束而辦事人易貫通謹將湖北擬設常備兩鎮員弁兵丁醫書匠樂人等並列全

練減練兩辦法與北洋營制人數銀數兩相比較分晰繕具清單恭呈御覽擬請敕下練兵處詳加核議是否有可采擇臣當謹候議覆奏奉諭旨後欽遵奉行
硃批練兵處議奏單二件併發欽此

張文襄公全集

卷六十二

奏議六十二

三

張文襄公全集卷六十二終

新城王樹森校

張文襄公全集卷六十三

奏議六十三

核議赫德條陳籌餉節略窒礙難行摺

光緒三十年八月十日

竊照前兼署督臣端方任內承准軍機大臣字寄光緒三十年正月二十一日奉上諭外務部代遞總稅務司赫德條陳一摺據該總稅務司稱練兵籌餉以地丁錢糧為大宗若竭力整頓即用此款練兵並可舉辦各項要務按里計畝按畝計賦令每畝完錢二百文確可經久百姓亦不受絲毫擾累等語現在財用匱乏幾於羅掘俱窮一切應行要政如練兵等事尤為萬不容緩之舉需款更殷亟應切實通籌期有良法著各該督等按照所陳各節體察情形悉心會商逐條核議妥速具奏原節略著鈔給閱看將此各諭令知之欽此遵旨寄信前來前兼署督臣端方未及籌議移交到臣當即督同司道將原發節略詳細閱看悉心核議並與各省督臣會商竊見所陳各節按諸中國實在情形非獨鉅餉難籌且恐禍端立啟謹將其中利害為我 皇太后 皇上披瀝陳之查原節略謂中國地方除新疆蒙古東三省未計在內寬長各四千里統計面積應有十六兆方

張文襄公全集

卷六十三

奏議六十三

一

里每方里按五百畝計之十六兆方里應有八千兆畝
每畝完錢二百文以二千文合銀一兩計之八千兆畝
應完銀八百兆兩即減半折算亦應有四百兆兩等語
誠使其言不謬確可見諸施行則當此急求富強正在
籌餉萬難之際凡屬疆臣身膺重寄無論如何勞怨敢
不力任其難踴躍從事以冀上宵旰之憂下裕公私
之用無如該總稅務司係按駮板地圖開方計里但憑
虛空鳥道計算將中國境內所有長江大河深山窮谷
及一切沙灘斥鹵不毛之鄉不食之地以及城郭村落
道路溝渠概作爲可耕之田故以爲有八千兆畝之地

張文襄全集

卷六十三

奏議六十三

二

減半科計亦必有四百兆兩之賦不知天下大勢山水
占地之數最多平原可耕之地最少考同治十三年校
刊戶部則例各省田地畝數共止七百四十二萬餘頃
合七百四十餘兆畝尙不及該總稅務司核計中國面
積十分之一縱使民間田地偶有隱匿然不過畸零小
數况經歷朝屢次清查丈量豈有隱匿之數轉十倍於
清丈之數此固理之所必無者也至各省畝法不同賦
則亦不同一省之中畝法賦則又各不同誠以地有肥
磽即賦有輕重斷無齊而同之概令一律完錢二百文
之理近准戶部通咨每年各省丁漕約共額徵銀三千

一百餘萬兩以各省田地七百四十餘兆畝均勻攤算
每畝科銀不足五分今該總稅務司以每畝徵銀一錢
爲率是統各省田賦驟加一倍有餘民力何以堪此議
者或謂每畝僅完錢二百文爲數似尙不多抑知在東
南各省膏腴之地每畝賦則本有不止二百文者但江
浙等處每省亦止數府爲然若西北荒旱磽确之區田
價極賤常有八口之家置田數十畝或百餘畝而歲入
不足供衣食者若迫令每歲完賦十餘串至二三十串
之多雖剝膚剜肉亦難取盈此又每畝徵錢二百文爲
斷不可行之事也又查各省田畝有以二百四十弓爲

張文襄全集

卷六十三

奏議六十三

三

一畝者有以三百六十弓爲一畝者甚有以七百二十
弓爲一畝者歷久相沿已爲成例今責令民間自行開
報每畝究以若干弓尺爲衡已覺種種窒礙况民間果
有欺隱又安肯以實數呈官數既不實勢必仍出於丈
量夫丈量之勢實有難言紳富之田勢抗賄囑通融寬
算小戶之產山邊溪尾多方搜求眾怒憤激釀成毆官
毀局之事而其事仍終歸於不能行即使官吏公明立
法平允而委曲繁重曠日費時一縣之地非一兩年不
能竣事委員局紳鄉保弓手勞費無窮縱使全國通行
清查斷不能每一縣皆增出田地一萬畝縱使一縣增

出一萬畝歲獲正賦不及千金益少費多得不償失而使舉國騷動人人有不安其生之意眉睫之患將不忍言伏念國家當多故之秋尤以固結民心爲要義自辛丑和約定後歲增賠款一千八百餘萬兩此外各省舉行新政一切用款尙不在內鑄銖悉索何一非小民之脂膏民力幾何亦云瘁矣以今日伏莽之鈞連充斥亂黨之簧鼓講張無不思藉端搖惑人心冀遂其乘機竊發之計氓之蚩蚩方拊循之不暇顧反從而駭之擾之可乎我朝經徭薄賦垂三百年自康熙五十年 聖祖仁皇帝降有永不加賦之恩旨 列聖相承遇有大兵

張文襄公全集

卷六十三

奏議六十三

四

役大工作雖帑項萬分支絀萬不得已至於開捐輸之例行釐金之法而於田賦則但有蠲免從不加徵誠以天下之勞力多而獲利薄者莫苦於農設法補助之勞徠之猶懼其棄本而就末也乃該總稅務司之意方欲盡罷通國之關稅鹽課縱令百姓貿易自由其爲中國之民計乎抑爲外國來華之商計乎如其所議則舉每年國家四萬萬兩之用款盡取諸服田力穡之農而一切工商反不須納絲毫之賦稅事之不平莫此爲甚不惟中華歷朝所未有抑亦泰西各國之所無從古至今持論未有如此之顛倒怪謬者也竊恐此議一行而豈

然不靖之徒不啻予以藉口之端其禍將一發而不可遏臣竊不解其是何居心矣抑臣更有慮者自海關稅務歸洋員主持中國財政之權已半爲外人所干預茲閱原節略有若使總稅務司主張之一語殆欲將中國田賦盡歸其一手把持而後已抑何設詞之巧而用計之工也近屢次恭讀我 皇太后懿旨我 皇上諭旨皆切切以民生疾苦官吏朘削爲憂訓詞深厚率土之民莫不聞而感涕固知天衷聰明斷不爲此甘言所動微臣猶不免鯁鯁過慮者實以受恩深重且承乏外吏有年經辦清丈升科之事已歷多起深知十八省斷無

張文襄公全集

卷六十三

奏議六十三

五

四百兆畝可耕之田一畝斷不能徵錢二百文之重各省一律清丈之騷擾總稅務司自請主張田賦之離奇種種萬不可行不敢隨聲附和重負聖明垂問之虛懷至籌餉練兵誠爲今日萬不容緩之舉計惟有責成各直省各就地方情形擇其不甚病民者多方設法盡力妥籌期於數不過重而事不偏枯斷不宜專就田賦一門重加剝削庶幾因地制宜眾擎易舉雖無不可思議之橫財然尙可收銖積寸累之實效如各省中或有一州一縣實有新漲之沙灘私墾之荒場迷失無主之黑地隱占多年不納糧賦見聞旣確爲數亦鉅則由該督

撫自行隨時清查酌辦不定額數得尺得寸總屬有利無害應請敕下各省體察本省情形妥爲辦理大抵國勢當積弱之餘艱危之際凡事尤宜標本兼治事事著實昔年征勦髮逆諸名將所謂穩紮穩打究之卒收戡定之功至於理財一道其幣重言甘新奇可喜之說千萬勿聽蓋理財召亂從古往往有之故培克之亂速於貧乏鹵莽之禍烈於因循至赫德此議以外恐遠方之人窺我理財方亟創爲不根之論設爲動聽之策以冀攬我利權誤我國計者正復不少以後尙不止赫德一人伏望聖明遇事詳審拒之勿聽天下幸甚所有遵旨

張文襄公全集

卷六十二

奏議六十三

六

覈議赫德籌餉節略虛誕太甚窒礙難行緣由謹繕摺瀝陳再此件臣遵與各省會商接直隸督臣袁世凱電稱該督已自行具奏囑臣自行具奏合併陳明

硃批政務處知道欽此

虛定金價改用金幣不合情勢摺

光緒三十年八月十六日

竊照美國所派會議銀價大臣精琪來華議定金銀價值一事臣二月間由京回鄂精琪久已在漢口相候約期晤談必欲一見嗣經接晤兩次該洋員一切議論諸多支離臣層層駁詰該洋員亦不能分條辨析切實答復但謬云該洋員之意見與臣大略皆同將來定議時

當將臣所慮各節妥籌添入已爲可異今臣閱其開送中國圖法條議及條議詮解續送條議各篇種種虛誕種種患者不禁爲之寒心敢敬爲我 皇太后 皇上披瀝陳之伏念財政一事乃全國命脈所關環球各國無論強弱但爲獨立自主之國其財政斷未有合他國人士主持者更未有合各國人皆能干預者今查精琪條議第一條言中國設立圖法其措置以賠款國之多數能滿意爲準第三條此法舉行中國政府應派一司泉之洋員總理中國圖法該正司泉應有合宜幫辦數人管理製錢局及別項正司泉所指派之事第四條正司

張文襄公全集

卷六十二

奏議六十三

七

泉每月刊造詳細報告書申明錢幣情形內載銷流借貸及外國信用匯票等項各若干其帳目並非中國政府之帳目准賠款相關國所派之代表人查看中國政府以此爲善良辦法該司泉准有條陳及提舉之權第十三條設法定銀行事業規條准官家銀行或別可靠銀行發用鈔票與通寶同價并用歸正司泉官監督第十七條正司泉官及各國代表人准爲中國政府提舉整頓財政之事跡其所言直欲舉中華全國之財政盡歸其所謂正司泉之洋員一手把持不復稍留餘地而又恐各國之議其後故一則曰使賠款國之多數能滿

意再則曰賠款相關國之代表人可以查看帳目三則曰各國代表人准有提舉整頓中國財政之事幾視中國爲各國公共之貿易場而不復問主權之何屬其見好各國蔑視中國悍然不顧乃至此極實出情理之外然其害猶爲有目所共見當不待臣之瀆陳臣之所最不解者則其於新鑄銀幣強定爲準三十二換之金價侈然謂鑄頭出息可獲二分厚之重利冀以款動中國也夫使所定三十二換之金價中外可以通行中國卽可以此價折算兌付各國賠款誠屬兩得其平之計乃精琪所定此項三十二換之銀幣其限制祇能在本國

張文襄公全集

卷六十三 奏議六十三

八

通行而在外國賣票購金則其價值須由正司泉官臨時定奪至其續送條議則明言此銀幣在本國支付款項卽作三十二換銷用若用銀元付外國款項則須按生銀價銷用卽四十換之譜等語是其法不過使中國商民以值市價四十換之金一兩納諸政府勒令止抵銀三十二兩而外國持銀三十二兩一入中國便可得金一兩之用及以中國之銀抵付外國之金則仍須以銀四十兩準金一兩無論求利太貪立法太橫民必不遵法必不行卽使強迫行之亦惟罔內地商民之資財以入之政府而又括中國政府之利益以傾瀉於外洋

而已況金鎊銀條行情市價四海內外電信靈通報章具載若欲以賤價購貴金則民間舊藏之金器與華洋各商開鑛新得之生金皆將以善價售與洋商運出海外豈肯賤售與官是欲求二分之出息於金價無從得矣若欲以虛價擡銀幣其由官發出之款強以三十二兩之銀作值四十兩之金則民間必將以止值銀三十二兩之貨物工資長爲值銀四十兩之價上下相蒙虛僞相抵徒勞無益是欲責二分之出息於銀幣亦無從得矣又如所議勒令民間以新幣還舊債一節尤爲橫暴無理夫按新幣硬擡之高價以還新債恐虛頭太多

張文襄公全集

卷六十三 奏議六十三

九

勢難持久已患不能通行況勒還舊債乎此令一行必致中國各省商民借貸路絕追帳倒帳搶奪鬪爭各行商賈概行歇業貧民固窮富民亦窮大亂立見是不惟無二分之利且恐有十分之害矣况所謂鑄頭出息者尤爲牽強凡鑄大小銀幣不用純銀大元可攙用銅鉛雜質十分之一小元則十分之一零幾但官鑄民用總以大元爲多而大元除去工本火耗局用所獲盈餘並不甚多然此項鑄頭出息其利雖微而其勢甚順於上有益而於下無損果能全國皆用銀幣出納一律開辦前二十年内鑄數旣多餘利亦成鉅款此乃國家權力

應有之利明白無欺之事切實和平之辦法並不需用外人主持亦不須行以罔民病民之政如彼所說以民間所入四十換之金價政府勒拆爲三十二換而以所餘之八換指爲鑄頭出息此乃繞算欺人勢迫強取何所謂出息耶果如所議鑄幣實有二分之利則外洋各國會計最精其最爲富強之大國實本既充權力亦足皆將以鑄幣爲國家財政之第一鉅款坐享二分之利亦已足矣何必更徵收各項稅款講求各種實業開通各處商埠耶其愚弄中國一至於此良可歎憤至於行用金幣之說浮慕西法者皆持此議汲汲勸辦臣愚竊

張文襄公全集

卷六十二

奏議六十三

十

生銀折算然總以錢爲本位大率兩廣滇黔及江浙之沿海口岸市鎮則用銀者什之七八用錢者什之二三其上游長江南北之口岸市鎮則已銀錢兼用若長江南北之內地州縣則銀一而錢九至大河南北各省則用錢者百分之九十九用銀者百分之一二合計中國全國仍是銀銅並用而用銅之地十倍於用銀之地大率中國國用皆以銀計民用仍多以錢計是中國雖外人名之爲用銀之國實則尙是用銅之國非若外國物貴財多利於用金之比也故論目前中國情形若欲行用金幣不但無金可鑄卽有金可鑄亦非所宜况精琪

張文襄公全集

卷六十二

奏議六十三

十一

設匯兌分行以奪其利彼必羣起以擠我彼之力厚而勢眾我則力薄而勢孤豈能與之爭衡夫既無資本又少權力而欲憑一國之定價籠各國之匯票冀以取騰空之利收操縱之功此固必窮之道矣抑臣更有進者鎊價日長人皆患之不知中國若甘爲無志之國專爲還賠款借洋債購外國機器物料計則鎊價之貴誠有害矣若欲爲自強之國講實業暢土貨興內地機器製造則鎊價雖貴害少利多不足患也蓋金貴銀賤於中國賠款則有損於中國商務則有益洋商購中國土貨用銀而運至外洋則售金銀賤金貴則出口貨本輕出口貨本輕則獲利厚獲利厚則土貨之出口者日益多華商購外國洋貨用金而運銷內地則售銀金貴銀賤則洋貨價長洋貨價長則獲利難獲利難則洋貨之進口者必較少夫抑制進口外貨暢銷出口土貨實爲富國保民之第一要義環球萬國之公理懸諸日月萬古不刊今以金貴銀賤之故賠款每年雖多二三百萬而商民獲土貨外銷之利可多至二三千萬其無形之益已多且出口貨多則稅亦加多以將來免釐後出口稅七五爲率計之亦可歲增二百餘萬約略相抵所差無多如目前釐金未撤則相抵更屬有餘即如漢口茶稅

張文襄公全集

卷六十三

奏議六十三

三

改輕後減額五十餘萬而土貨出口日多關稅歲收仍二百餘萬反多於前數年茶稅未減時體察情形以後尙可加旺可爲確證至洋貨進口近日通商行船條約處處放鬆推廣洋商事事便利以後各國大小洋商獲利之途日廣接踵來華者必然日多一日年盛一年東事一定其旺立見獨因金鎊價貴或者洋貨之多來洋行之增益其勢稍爲舒緩耳萬勿慮洋貨來少以致進口稅減更勿慮如精琪所云洋商不放本來華以致洋貨少來遂不能多換土貨出口也近來在華洋商深患金價太長洋貨行銷中國難暢故此項洋商羣向各國張文襄公全集

張文襄公全集

卷六十三

奏議六十三

三

必如南宋末年之會子金元明歷代之寶鈔咸豐年間之戶部官鈔愈落愈賤無所底止繳官則照例價民用則按市價其時必有中外巧猾巨商以賤價零星收票按實數彙總取金之弊國家必受大累一旦立形不支實屬萬分危險尤不可輕於嘗試竊謂此時惟有先從銀銅二幣入手講求畫一暢行之策然後酌定銀錢相準之價每銀一兩限定值錢若干此事若能辦到其利國利民之處已甚宏多此乃切實當行之事循序漸進之法俟通國幣制統歸一律銀銅二幣悉遵定價生銀之用漸廢服用廢金之禁漸行開鑛出金之數漸多二

張文襄公全集

卷六十二

奏議六十三

西

因補救此一端而使全國商窮民怨並以財政屬人以致一蹶不振則是自尋煩苦自取咎危斷無此辦法竊意朝廷必能熟思審處斷不肯輕允試辦至精琪係奉美廷之命而來美國於中國交誼素厚想精琪之議當係真心關懷中國財政代籌補救之奇策非必專為自謀之計特未悉中國情形故爾種種窒礙要之在我自審利害自定權衡而已再正繕摺問精琪現已出京回國惟外人圖攬中國財政者正復不一其人即中國人震於外國用金之說勦襲附和妄思嘗試以徼大利者竊恐亦復不少臣之此奏不僅為精琪一人並不

張文襄公全集

卷六十三

奏議六十三

五

僅為金幣一事此後儻再有以行空票作金幣之說進者或外人餌我以重利實圖攬我利權絕我利源者擬請敕下外務部財政處戶部開誠布公正言駁拒勿受其愚國計幸甚民生幸甚臣既有所見深切憂危不能自已不敢不披瀝奏陳伏祈聖鑒

硃批該衙門知道欽此

試鑄一兩銀幣片

光緒三十年八月十六日

再中國向來官民行用俱係生銀各處平碼參差並不一律遵用庫平其成色紛歧名目繁亂以致錢商市儈得以上下其手操縱漁利於商務民用均有窒礙現與

各國訂立商約均有中國自行釐定國家一律通用之國幣一條聲明將全國貨幣俱歸畫一卽以此定爲合例之國幣中外人民應在中國境內遵用以完納各項稅課及別項往來用款惟完納關稅仍以關平核計爲準等語是釐定國幣爲當今第一要義惟查從前各省所鑄銀元均防照墨西哥銀元之重合中國庫平七錢二分因中國從前尙未有定畫一幣制之議所鑄龍元專爲行用各口岸抵制外國銀貨進口起見並未爲釐定通用國幣起見本屬一時權宜之計臣前年與劉坤一會奏曾經陳明七錢二分重者係依傍洋銀辦法現

張文襄全集

卷六十三

奏議六十三

六

既與各國定約畫一銀幣近年來朝廷通籌博議詢及外人毅然有考定幣制之思此誠通商便民之要術一道同風之盛軌自當別籌全國通行經久無弊之策溯查光緒二十五年冬間京城正擬開設銀元局慶親王奕劻軍機處戶部及盛宣懷以銀元應重若干與臣屢電詢商上年臣在京時財政處戶部復與臣詢商及此臣均持改一兩重銀幣之說而議者或慮一兩銀幣難於通行不知各國幣制皆由自定彼此不相因襲中國一切賦稅皆以兩錢分釐計算而地丁漕項爲數尤爲至纖至繁每縣申票不下數十萬張每人丁漕多者幾

兩幾錢少者幾錢幾分幾釐幾毫幾絲幾忽畸零繁重若改兩爲元實難折算較寬則花戶以爲加增必然滋鬧若折算過緊則積少成鉅州縣豈能任此賠補之數種種窒礙斷難全國通行計全國民人納銀於官者以地丁漕糧爲最多其人數爲最眾其銀數爲最繁丁漕不改是全國畫一銀幣之說仍係託空之言竊謂今日鑄全國畫一之銀幣自當以每元一兩爲準出入均按十足紋銀計算查各國均自有幣制或用鎊或用馬克或用佛郎或用盧布不相沿襲其本國境內人民及外國商人來至其國貿易者無不遵用但使國家定

張文襄全集

卷六十三

奏議六十三

七

其程式昭示大信收發一律均作爲十成商民斷無不遵用流通之理如各省通行共知新定國幣出入均作爲十成明白簡便自然不願更用生銀迨生銀既廢罷不用此項國幣其銀色自無九成十成之分若現定者旣名爲國幣然仍仿墨西哥銀元成式以庫平七錢二分爲率則歷年墨元已操積重之勢中國權力事勢斷難阻使不行況幣制既定每年公家出納及商民交易所需不止萬萬而各局所鑄至多不過數千萬我之鑄數有限而彼之來路無窮是不啻轉爲墨西哥銀元暢其銷路漏卮日廣流弊無窮萬萬無此辦法臣反覆籌

思非實在試辦但憑議論懸揣羣疑眾難辨駁紛紜莫衷一是若財政處鑄造行用之章程一定頒行各省設有窒礙殊難更改悔不可追莫若先由外省試辦其操縱更正較爲活便查從前中國從未自鑄銀元官款亦從未使用係由臣在廣東時奏明創辦行試有效始漸推行茲擬卽就湖北鑄造庫平一兩重銀幣先行試用以覘商情民情兼體察各國商人情形出納利弊行之而通則奏請敕下戶部裁酌推行利在全國行之而不通則湖北當收回另鑄所有賠耗工火傾鎔之費湖北任之虧耗亦尙無多而從此中國貨幣輕重之所宜以

張文襄公全集

卷六十二

奏議六十三

六

及改換收發之難易利病昭然可有定論茲擬試鑄銀幣共分四等最大者重足庫平一兩其次五錢其次二錢其次一錢文曰大清銀幣照從前銀元式清文居中環之其餘洋文及省名年分計重若干龍紋花樣均酌照從前銀元式樣無論收發皆照湖北藩庫平核算出入均作爲十成紋銀歸官錢局經理收發以杜吏胥挑剔需索之弊凡民間完納錢糧正賦及關稅釐金一切捐項暨州縣報解司道局庫一應款項均照藩庫平一律折算與向章並無妨礙如有向章應解交平餘火耗解費者照舊補足繳納則一切官吏胥役自不致多方

阻撓而在商民並無新加耗費俟將來各省通行此項銀幣應准搭解部庫充餉約計每元扣除工本火耗必可盈餘數分自當核明鑄數將所得盈餘報解戶部以昭核實至舊日各省所鑄七錢二分重之銀元及墨西哥之銀元銷流民間者其數至鉅應仍聽其行用惟新鑄一兩重之國幣定價務取畫一而舊日銀元既與墨西哥銀元式樣輕重相同其平色高下易錢若干自應仍隨市價漲落聽其自然則與新鑄國幣判然有別行用各不相妨於各省銀元局鑄造之工本亦並不喫虧自可毋庸收回另鑄俾免商民疑慮致擾市廛且如此

張文襄公全集

卷六十二

奏議六十三

九

則仿洋式之銀與國家定制之幣輕重貴賤大有軒輊尤足爲導引商民重視國幣暢行國幣之輔助伏祈聖鑒敕部立案施行

硃批著照所請該衙門知道欽此

請留膏捐餘款添製軍械摺

光緒三十年八月十七日

竊惟目前自強要政莫急於練兵而練兵以製械爲先製械非籌款不辦臣於上年十一月陛辭出京時面奉皇太后懿旨詳詢湖北漢陽槍礮廠每日每年所出之數臣當經詳晰奏陳聖意以出械尙少諳諳以擴充製造爲訓跪聆之下欽悚難名况值此邊患日深軍械未

備夙夜焦憂亟應欽遵妥籌辦理臣於本年二月回任後卽督飭該局司道通盤籌畫力圖擴充當以鄂廠現有造槍機器每日出槍五十枝機器力量已盡無可再加通年出數僅止一萬五千枝實不足以供數省之用當此時勢極爲可憂必須添機多造至槍彈一項尤宜多爲儲備有事時方不致槍爲虛器原有造彈機器連去冬續行訂購之彈機併計每日出數至多亦不過四五萬顆今槍機既添則彈數愈形不足尤爲兵家大忌斷斷無此辦法若欲擴充製造必須添配槍機尤須添配彈機惟鄂廠經費本屬不敷茲擬添製大宗槍械彈

張文襄公全集

卷六十二

奏議六十三

三

藥非有經久確實之款萬難集事查本年二月准政務處咨會同練兵處議復前兼署湖廣督臣端方升任湖南撫臣趙爾巽奏請於湘省地方合力籌建槍廠一摺政務處原奏內開湖北槍廠每年製出之槍械尙嫌所造不多推原其故仍是款項不足不能多聘良匠多購新機加意講求以臻完備湘省近與接壤自應先行設法維持使鄂廠款項充足製造精進因已有之成規宏軍儲之製作便孰甚焉等語是鄂廠必應添機多造及鄂廠經費支絀情形早爲政務處練兵處王大臣所深悉惟欲借資湘省設法維持屢經詢商未允此係斷

斷必無之事查湖北歷年整頓土藥稅捐本奏明專爲供濟槍廠之用前因新案賠款無著於光緒二十八年正月復經奏明籌辦膏捐以資湊解賠款及自強要政之需當經奉旨俞允並飭妥爲辦理欽遵在案上年冬間經前兼署督臣端方與湘省定議合辦土膏統捐除扣除原征之土藥稅釐膏捐等項歲計較有增收原議以增收之款統歸兩省合辦之湘省槍廠濟用現經政務處練兵處議駁鄂省自應另籌辦法改就漢陽槍廠盡力擴充而擴充之經費除土膏統捐增收之項別無可以挹注當查光緒二十八年湖北開辦膏捐原

張文襄公全集

卷六十三

奏議六十三

三

奏本係聲明添湊自強要政之需竊思自強要政無過於練兵製械雖政務處咨行原奏謂鄂省與湘省合辦既無偷漏之虞卽有增加之數亦應另款存儲以備練兵處提撥等語夫既責以擴充卽宜增其經費若本省籌辦之款尙不能歸入製械之用將何從多購新機何法可臻完備乎且練兵之與製械事本相因有兵無械與無兵同兵多械少與無械同有槍廠而無彈藥與無槍廠同將來鄂廠出械日多卽可以備練兵處提撥之用供練兵處之械卽與供練兵處之餉無異至京師練兵處餉項臣已遵旨將派籌之項認解足數并已多爲

籌解此項土膏統捐溢收之劃歸湖北者除大宗湊濟
新案賠款外如有盈餘擬即儘數撥充湖北槍礮廠添
購新機添造新廠及添備物料工本之需此次統捐溢
收今年甫經試辦為數尙難豫定總之不能甚多斷不
敷添機添廠之用所差尙遠此外臣仍應設法籌措隨
時奏明辦理惟購機安機出械周折甚多而時勢危迫
旦夕千變其關係中國日逼日緊應辦各事繼日待日
猶恐不及故添機造械之舉萬難猶豫延緩以致坐誤
光陰臣現已一面訂購新機一面設法多籌款項迅速
趕辦合無仰懇天恩俯念軍儲緊要急須擴充鄂廠費

張文襄公全集 卷六十三 奏議六十三

細用繁准照二十八年奏准原案俯如所請將鄂省溢
收土膏統捐餘款撥歸鄂廠以資添補要需實與中外
練兵要政均有裨益時局幸甚再槍礮廠內分廠林立
廠各有名非槍礮二字所能包括查日本製造槍礮之
廠名曰礮兵工廠較為簡要現擬改稱為湖北兵工廠
以昭賅備合併陳明

硃批著照所請該衙門知道欽此

辦結施南教案摺 光緒三十年九月初一日

竊查本年六月間據代理施南府知府候補同知何錫
章署恩施縣知縣王祐署施南協副將吳友貴等電稟

稱本月初五日有法國天主堂主教德希聖往恩施縣
沙子地遊覽帶同教士德希賢董明德並隨同遊歷之
教民賈澄清等路經花背地方有福音教民向元新欲
看德主教隨行教友賈澄清喝攔掌嘴彼爭此鬧經向
姓戶首向光錫向德主教求情德主教令向元新於初
六日在沙子地教友李家炳家備席八卓放鞭六尊服
禮寢事初七日早晨德主教正欲啟行其時觀看人眾
賈澄清忽稱前所放鞭尙未足數勒令向姓將鞭補足
沿途燃放以致激成眾怒紛紛喧嚷由向燮堂等糾眾
將主教德希聖教士德希賢董明德三人及教民賈澄

張文襄公全集 卷六十三 奏議六十三

清黃朝炳何登玉黃張氏等四人一并殺斃並放火燒
搶李家炳蔡賢欽陳漢科等房屋旋即撲滅各散臣得
報後以事關交涉案情極重當即電飭施南文武各官
趕緊查明滋事殺人要犯按名緝獲勿令遠颺派委湖
北試用道左元麟隨帶委員呂賢笙等馳往查辦並電
催署施南府施紀雲迅速到任一面電飭宜昌鎮傳廷
臣撥派勇營趨程前往犯事地方分別彈壓保護一面
遴派常備軍右翼第六營守備張紹緒督率所部馳赴
施南駐紮以資鎮懾並另派長於緝捕之文武員弁分
起前往查拏兇犯駐漢領事費亨祿亦委宜昌荷國教

士田國慶偕左元麟同往施南辦理旋經現署恩施縣知縣王祐親往沙子地驗明已死主教德希聖及教士教民等七具屍身妥爲分別棺殮嗣因遷延十日犯無弋獲當經電奏請將代理施南府何錫章署施南協副將吳友貴摘去頂戴本任恩施縣知縣王鴻賓暫行革職留緝在案維時由駐京法國公使呂班派令使館參贊賈沙納來鄂商辦此案旋即馳赴宜昌臣當又派委熟悉洋務之候補知州胡得立伴同前往相機維持一面剴令荆宜施道余肇康親往宜昌會議辦理旋經試用道左元麟督同該署府施紀雲及恩施縣施南協副

張文襄公全集

卷六十二

奏議六十三

三

將暨委員等分別研訊究出向燮堂向元新向爵臣王成宣黃平山崔光照黃鏡亭黃玉階黃觀連黎登甲等十犯均係在場動手放火殺人之正犯並訊明首先動手殺傷主教德希聖者爲崔春生已經其父畏罪將其毒斃經該縣王祐親驗屬實又訊得加功同殺德主教之犯爲黃鏡亭王成宣二名當有駐漢法領事派去之教士田國慶在旁聽審所供無異由署施南府知府施紀雲署恩施縣知縣王祐開具供摺具稟前來臣查核供詞均係在場行兇正犯法無可貸當即核明批飭將向燮堂向元新向爵臣黃平山崔光照黃玉階黃觀連

黎登甲等八名在施南正法梟示崔春生一名亦即戮屍梟示其王成宣黃鏡亭二名由該府縣派撥兵役於八月十八日押解到宜亦即當時正法梟示尙有僅供隨同滋事並未在場動手殺人之廖作述黃玉廷袁華山三犯批令該府縣等另議辦理是行兇之犯均已伏罪主教德希聖及教士德希賢黃明德屍棺亦經施南府縣派人護送到宜交天主堂妥爲安置惟議卹一層經荆宜施道余肇康湖北試用道左元麟在宜與法參贊賈沙納開議據送交節略要索賠款至六十萬兩之多並另索施南荆州城內及江陵縣屬之郝穴利川縣

張文襄公全集

卷六十二

奏議六十三

三

屬之李子槽地方建造醫院教堂各地基均須由官購給其荆州城內並指索護國寺舊基地段寬廣至九十餘丈又另索在施南犯事地方爲被害之主教司鐸等建造石坊碑碣及卹賞被戕教民家屬及被燒被搶之各教民家房屋衣物等項均不在六十萬兩之內臣迭次電飭該道等開誠布公與之反覆辯論再四磋磨相持二十餘日始經議妥計被害主教司鐸等三命共賠銀十萬兩撫卹被戕教民四命家屬及被燒搶之各教民房屋衣物並建造主教司鐸之墓廬共給銀二萬兩又幫助建造醫院善舉銀二萬五千兩二共漢口洋例

銀十四萬五千兩一應包淨在內自光緒三十年十一月初一日起至三十一年十二月初一日止款分五期交付其建造醫院教堂各地除李子槽地方該教會原係出價購有民地毋庸再議外荆州城內許於一年內由官代覓公私無礙潔淨相宜之地以寬長各二十丈爲限施南城內亦代覓相宜之地以寬長各十丈爲限地價仍由該教會自給而施南建造石坊碑碣郝穴建造教堂兩事概作爲罷論惟所建荆州醫院施南及李子槽兩處教堂均議明奏請給予敕建字樣以示矜異其各官處分當經告知該參贊亦無異言議定約款五

張文襄公全集 卷六十三 奏議六十三 奏

條彼此允洽遂於八月二十一日書約簽字業經撮要電請外務部代奏在案查從前武穴麻城巴東等處教案賠款均奏明在江漢宜昌兩關撥付宜昌教案賠款係奏明在司庫及江漢關撥付現在宜昌關稅收數過絀此次擬查照光緒十八年宜昌教案於司庫各款及江漢關洋稅項下如數分期撥給司庫攤認四成關道攤認六成至此案甫出之日上海各洋報訛言蠶起幾致牽動大局施郡居民紛紛逃避眾情惶懼甚難措手嗣經臣迭電施南府縣營各官令其剴切開導出示曉諭止辦滋事正兇斷不株連事外並明懸重賞緝拏各

犯民情始漸安帖得以將下手正兇陸續拏獲懲辦迨法參贊賈沙納抵宜之後各教士極力懇懇挑剔謂主教品級甚尊所欲甚奢意欲藉此大興風浪肆其案外之要求多方恫喝勢甚洶洶幸湖北辦理此案尙爲迅速獲犯訊供均屬切實絕無株連冤濫在彼無所藉口法參贊亦能明白近情事事均受商量不爲各教士所搖動該參贊特於約款內專列一條敘述法政府感謝之詞此案得以和平議結不致別生枝節稍堪仰慰宸廑至該地方文武各員未能先事預防致釀鉅案實屬咎無可辭本任恩施縣知縣王鴻賓在任日久毫無覺

張文襄公全集 卷六十三 奏議六十三 奏

察厥咎較重前已電參暫革留緝應請即行革職前代理施南府知府何錫章於出案後漫無布置應即摘去頂戴二箇月以示薄懲現署恩施縣知縣王祐雖到任已在出事之後惟初起拏犯未能立時破獲應請記大過四次補官之日罰俸三年卸署巴東縣知縣田芸生於此案牽涉人犯未即解赴施南質訊輒行遞解回籍致啟外人口實亦屬不合應請記大過三次補官之日罰俸二年署施南協副將吳友貴前雖失察但於此案出後竭力緝捕拏獲正犯甚多應請將前奏摘去頂戴處分隨案開復此外在逃餘犯及訊無確供各犯仍由

臣嚴飭該府縣等分別勒拏覆審酌其情罪分別定擬一俟辦理完竣再將全案供招咨送刑部查考至施南府距省遙遠山林深僻民情愚悍伏莽亦多歷年屢有教案以後必須妥籌善後之策方免橫生枝節貽誤大局臣詳籌辦法另摺奏陳

硃批著照所請該衙門知道欽此

議裁官缺摺 光緒三十年九月十六日

竊准吏部咨光緒三十年五月二十一日奉上諭朕欽奉 慈禧端佑康頤昭豫莊誠壽恭欽獻崇熙皇太后懿旨現在物力維艱自應力除冗濫用資整頓前已迭

張文襄公全集

卷六十三

奏議六十三

天

降諭旨飭裁冗員浮費而內外因循瞻顧未能實力奉行茲特嚴申誥誡樹之風聲所有粵海關淮安關兩監督著即行裁撤其粵海關一切事務著歸兩廣總督管理切實整頓江甯蘇州兩織造同在一省著即將江甯織造裁撤凡京外各項差缺有應行裁汰歸併者著各部院堂官及各省將軍督撫破除情面認真釐剔奏明裁併以節虛糜而昭核實欽此等因咨行到臣仰見朝廷綜核名實之至意亟應欽遵辦理竊惟理財之方務其大不務其細謀國之策惟其實不惟其文臣與藩臬兩司詳加商榷查各省糧道本以督運漕糧管轄屯衛

為專責自漕糧改徵折色無須起運糧道已甚清閒近復奉旨將各衛所員弁一律裁撤衛田屯糧改歸州縣徵收儘可責成藩司督察經理是糧道一官幾於無事可辦所行者不過簿書期會之事而已聖諭所謂冗員糜費殆無有過於此官者前閱邸抄陝西糧道業經奉旨裁撤湖北糧道事同一律應即按照辦理擬請旨將湖北督糧道一缺即行裁撤其糧道庫大使一缺自應一併裁撤所有各州縣徵收南北漕糧均令按照舊章徑行報解藩庫存儲備撥一切稽徵督催及撥解款項均由藩司照章辦理查湖北糧道於例支廉俸外經前

張文襄公全集

卷六十三

奏議六十三

天

湖北撫臣胡林翼於更定漕務章程裁革陋規之後議定立案於提解各州縣兌費項下每年撥給糧道公費銀一萬兩糧道衙門書吏紙張工食銀二千二百兩批解餉鞘委員盤費等項銀七百五十兩糧道庫大使公費銀八百兩津貼荆州旗營公費三千兩襄陽道及武昌漢陽黃州德安陸荆州各知府丞俸銀一萬三千二百五十兩共計提撥銀三萬兩歷年照解在案又各州縣另有解費傾鎔補平等項每年將及銀一萬兩現既擬將糧道裁撤應將此歷年解道之六項公費銀三萬兩暨批解傾鎔之各項雜費約銀一萬兩儘數提存

共湊足四萬兩專款解部至荊州旗營及各該道府辦公竭蹶容臣清查各項陋規另行提存藩庫察其應行津貼者分別量予津貼照此辦法僅須裁撤兩缺歲可節存銀四萬兩較諸裁撤多缺而節存無多者得失相去遠甚至糧道應領俸銀養廉臣現經另摺奏請於施南府城添設施鶴道一缺應請即以糧道俸廉改作施鶴道俸廉可免另行籌款均於另摺詳陳如蒙允准現在裁缺之湖北督糧道譚啟宇學優才練吏治深嫻應懇天恩遇有道員缺出儘先補放俾免向隅其道庫大使李逢春應即留於湖北作為裁缺應補班遇有品級

張文襄公全集

卷六十三

奏議六十三

三

相當之缺儘先咨補以昭平允至此此外各缺除府州縣外佐雜教職中非無職司簡少去留皆可之員臣曾督同兩司通盤籌計利害兼權假如裁同知通判州同州判十缺縣丞主簿巡檢等項四十缺教職五十缺一省裁至百缺不可謂不多綜計所省俸廉役食等銀不過一萬兩有奇於帑項初無裨益而窒礙不可勝言查同知通判為七八品京官俸滿截取之階州同州判及各項教職為舉人貢生就職注選之途縣丞主簿巡檢等項為各館膳錄議敘及京外各衙門已滿吏考選出身之路又臣上年在京會同管學大臣具奏減裁科舉摺

內聲稱舊日舉貢生員年齒較長不能入學堂請自下科起舉人於每科會試後大挑一次揀發一次並多挑膳錄分送各館俾得議敘其大挑揀發未入選之舉人及恩拔副歲優各項貢生均比照孝廉方正例准其考職分別用為州判州同生員亦准比照已滿吏考職用為佐貳雜職分發分省試用等語均蒙聖恩俯允欽遵通行在案至教職一項上年奏奉欽定學堂章程內係各省師範生畢業保獎之階關繫尤重誠以老儒寒士攻苦多年或屢舉而不第或欲學而後時斷不可不予以出路使可資生然所以為謀者亦專恃此等官員為

張文襄公全集

卷六十三

奏議六十三

三

其仕進之階蓋停科舉獎學堂者所以勸英年之人才使之壹志專心講求救時新政之要存雜流廣仕途者所以恤過時之寒畯使之佐理庶務漸收相觀而善之功二義并行不可偏廢且方今新政繁多需才甚廣苟無保獎何以用人各項勞績不能遽保州縣以上官者若無此等官缺又何以為獎勵之資自捐納例開凡佐貳雜職等缺大半為捐納人員所佔凡議敘就職考職勞績保舉暨考滿吏員往往需次二三十年不能補缺方冀捐納停止後此曹出路稍可疏通蓋以上各官各省通計所裁不下一千數百缺而有缺與未得缺各員

盼保獎盼分發盼截取盼委署盼得缺盼調署盼升擢
藉以乞貸慰藉支持生計者何止數萬家若各省再將
各缺裁汰過半從此京官皆有蹙蹙靡騁之憂外省亦
無驅策下僚之具履履之任思自效而無由齎鹽之儒
欲食貧而無望揆諸聖朝育才勸士之宏規似乎不宜
出此近來時局日艱人心不靖此等無聊失所之人其
中豈無雋異之才跡弛之士今國家為節費之故而令
無端坐廢必然怨謗繁興况本年恭逢 皇太后七旬
萬壽愷澤覃敷正當普天同慶之時而坐使各省無數
實缺人員共抱向隅之歎羣興失所之憂亦殊非鼓舞
軒輦之氣象也竊惟此次諭旨重在節省虛糜本未指
定應裁何官與其裁百缺而所省僅止萬金不如裁一
缺而所得可至數萬金較有實濟此外湖北佐貳雜職
教職等缺均擬勿庸議裁以固士心而全政體
殊批著照所請該衙門知道欽此

張文襄公全集

卷六十二

奏議六十三

三

張文襄公全集卷六十三終

新城王樹森校

張文襄公全集卷六十四

奏議六十四

請設施鶴道缺並升鶴峰州為直隸廳摺

光緒三十年九月十日

竊照湖北施南府屬境地本係苗疆界連巴蜀其宜昌
府屬鶴峰州亦苗疆舊地遠接湖南均屬民風喬野伏
莽繁滋遠距省城一千九百八十餘里聲息每多阻隔
而湖北之有教案實自施南府屬之利川縣始利川與
四川夔州府屬縣多有接壤夔府教堂素多十六年前
利川天主教堂教民即已不少積案纍纍以後民教之

張文襄公全集

卷六十四

奏議六十四

一

嫌隙日深教民之蔓延日熾案已斷而復翻警已解而
復結近年施南府屬並有傳耶穌教者於是天主耶穌
兩教教士設堂日廣依附日多爭端迭起施郡所屬山
深箐密素多會匪匪徒見民教齟齬益復從中煽誘蘊
毒愈深地方官政事紛繁於民教涉訟之案未必皆能
立時清理甚或袒教抑民含糊了事民情忿無所洩則
相率入教以相抵制奸猾之徒陽託教堂以自庇隱通
會匪以尋仇伺機竊發隱患方深知府權力既有不足
而營汛武員又多與地方民事隔膜呼應不靈防範偶
疏弊端立啟近年宜施兩屬會匪教案屢釀巨禍光緒

二十四年至煩兵力勦辦懲創不爲不嚴而愚民罔顧後患一朝之忿忘身及親絕不知所懼至此而恩施縣屬又出事端幸調派勇營分投彈壓查拏兇犯辦理迅速亂事過已尙未致釀爲厲階懲前毖後若無大員前往駐紮督察鎮撫時往各處巡察將所有教案秉公剖斷及早消弭誠恐此後地方仍難平靖設使再生枝節必致牽動大局斷不能如此次之平安了結其貽患何堪設想然僅派一候補道員無管轄地方之權州縣不皆聽命則仍無濟於事臣體察情形反覆籌度必須增設實缺道員兼轄文武俾分巡屬境相機調度理

張文襄公全集

卷六十四

奏議六十四

二

冤釋枉加意拊循使民教調和相安無事嚴辦會匪奸宄潛蹤庶足以綏靖邊圉安輯民生查鶴峯州雖隸屬宜昌而距施南府城較近僅一百餘里與湖南犬牙相錯遇有招解人犯例須由道府勘轉鶴峯距宜昌府已四百七十里距荊州道治所更遠至千有餘里公事諸多窒礙控馭勢有不及亦宜變通辦理茲擬請於施南府城增設兵備道一員並請將鶴峯州升爲直隸廳同知由宜昌府屬撥出徑隸該道此項新設之道員卽管轄施南一府鶴峯一廳名爲分巡施鶴兵備道並以派往施南駐紮之常備軍一營作爲施防營歸該道節制

調遣此道缺應作爲苗疆最要之缺由外揀員請補臣此次另摺奏請裁撤湖北督糧道一缺查糧道應領俸銀除均攤荒缺外實支銀四十二兩有奇應領養廉銀除扣成減平外實支銀三千七百六十兩應請卽以糧道原支俸廉作爲施鶴道俸廉並將糧道衙門應支吏役工食一併移作施鶴道衙門吏役工食於帑項絲毫無所出入而施鶴地方得有監司大員鎮懾其間以時巡察撫綏凡吏治教案責令盡心督理防患未然實於鄂省大局化俗弭亂之道大有裨益惟施南深僻瘠苦創設該道之意自應隨時巡察各屬周歷山鄉方能杜

張文襄公全集

卷六十四

奏議六十四

三

絕匪蹤消弭教衅屬縣皆係貧瘠其所到之處夫馬供張概令自備斷不准絲毫擾及屬官鄉民是該道辦公所需斷難甚少僅此俸廉之數實有不敷臣當於清查陋規項下酌量核給該道辦公經費以資整飭而免擾累其鶴峯直隸廳之缺亦請作爲苗疆要缺由外揀補其鶴峯州一缺雖改爲直隸廳所有俸廉役食衙署一切可悉仍其舊如蒙俞允分別改設移設應由部頒給湖北分巡施鶴兵備道鶴峯直隸廳同知關防各一顆其鶴峯州州判擬請改爲鶴峯直隸廳經歷駐紮產茶素多之劉駕司以資彈壓鶴峯州訓導擬請改爲鶴峯

直隸廳訓導鶴峯州吏目擬請改爲鶴峯直隸廳司獄其所轄山羊隘巡檢應仍其舊以上各缺請由部一併換給印記以昭信守所有施鶴兵備道暨鶴峯直隸廳同知員缺容俟接准部覆後由臣揀選委員分別請補仰懇天恩俯念苗疆險遠教案紛繁總求爲地擇人暫勿拘以資格此外經歷司獄等員應否揀員更補另由臣咨部辦理

硃批著照所請該部知道欽此

籌畫東三省事宜摺 光緒三十年九月十六日

竊臣承准軍機大臣字寄光緒三十年六月二十一日

張文襄公全集 卷六十四 奏議六十四 四

奉上諭朕欽奉 慈禧端佑康頤昭豫莊誠壽恭欽獻崇熙皇太后懿旨前因時事方殷需款孔急曾經密諭各督撫切實籌辦昨趙爾巽來京召見連日垂詢東三省事宜該撫亦以外交兵備財政爲入手要著此事爲全球各國所注意實我中國大局安危所關即使事機俱順非得數枝勁旅大宗的款極力經營不足以厚聲勢而保權利况強鄰交逼事變難知更恐有出於意料之外者朝廷先事圖維焦思倍切各省疆臣均受國家心膂之寄自應同心協力共濟艱危其籌畫東三省一切有何深謀至計著該督撫各抒所見具摺密陳以備

采擇至現在庫藏空虛內外同一支絀然事勢迫切練兵籌餉實刻不容緩之時無論如何爲難總當先顧根本著各省通力合作聯爲一氣應如何移緩就急騰挪接濟之處著仍遵前旨一併速籌具奏欽此仰見深宮憂勞豫防危局之至意曷勝欽服伏查東三省自日俄開衅以來日軍雖水陸克捷所向有功而俄軍亦節節拒戰抵禦堅忍究竟將來結局如何此時誠未可豫料大抵奉天一省日軍必須得有險要可資扼守之處方能少息俟攻據鐵嶺後或當暫作停頓休養兵力以待明年再舉極其目光所注兵威所加至於奪據哈爾濱

張文襄公全集 卷六十四 奏議六十四 五

而止蓋哈爾濱旣得則東西兩條鐵路之樞紐已扼海參崴之援兵已斷日本已可要挾俄人索取兵費矣若必欲盡驅俄軍蹤跡於吉林黑龍江兩省之外則曠日糜費日本之財力旣不能支苦戰傷亡日本之兵力亦將不繼俄旣失哈爾濱勢不能不與日本議和旣與日本和必向我別生枝節以洩其忿而掩其恥或在蒙古新疆一帶肆其窺伺或要素建造恰克圖直達張家口之鐵路皆不可知故我今日之籌畫不宜專注重於東三省而當兼顧蒙古新疆豫爲之備且日本兵力果能至哈爾濱以北俄勢大衰德法兩國深忌黃種之強必

助俄以阻日否則乘機擄取中國土地權利以爲均勢之局此後變態實有難言是我之防俄非備兵不可即欲稍戢各國乘機均勢之謀亦非備兵不可誠如懿旨必須有數枝勁旅者也若日本則兵力所至必不居佔地之名而兵費則斷無不索償之理非但索開戰後用兵之費又必索罷戰後代守之費以彼勞師糜餉傾國相爭血戰所得之利豈肯徒手以還中國揆諸情理中國亦安能一無所償而向之索地儻日本果能據哈爾濱及海參崴海口自能向俄國索取大宗兵費其向我索取代收代守之兵費當可少減若日本兵力所到不能督俄使出兵費則必全數向中國索償爲數尤不可思議是我與日本非償費不可誠如懿旨必須有大宗的款者也綜是二者中國今日無論如何總以籌款爲第一要義但籌款不能專供練兵之用而當豫爲償費之地顧日本兵費之鉅必以數十百兆計中國此時財力萬萬無從籌措除量力助給外或者於彼兵力所到之地許以森林礦產魚鹽最優之利益以爲抵扣至遼東鐵路之利益中國地主亦應有分並可將鐵路利益抵扣若干則我但籌自養遼地彈壓兵護路兵之餉而不須籌代養日本駐兵之餉即使酌量籌助亦不必甚

張文襄公全集

卷六十四

奏議六十四

六

多至日本既留兵代守遼東之境則我止須備兵以防遼西之境兵數即無須過多誠以兵易練而將難求舊日行伍出身之將弁姑不具論即近年派赴日本學習武備之員其學問不過士官而止其閱歷不過中隊極之大隊而止至於陸軍大學之研究大隊聯隊以上之指揮皆非所素習以與他國之將領相較去之遠甚將材之不足當在聖明昭鑒之中有兵無將雖多亦奚以爲故臣愚以爲目前練兵實有不宜過多者多練兵不如多留款萬一俄人窺我蒙古日本既留兵駐守奉省則熱河一帶日本必不願鄰氛逼其藩籬我誠能資以

張文襄公全集

卷六十四

奏議六十四

七

五十三萬兩以供京師練兵之用此款自當於年內掃數解清茲擬再行竭力增籌的款以備將來遼東償費之需而鄂省舉行要政用度浩繁本省所籌餉項各有抵支本已入不敷出故前次認籌之款係聲明在銅幣盈餘項下騰挪勻撥實已竭盡無餘此次再四通籌別無可指之款萬不得已計惟有添購機器加鑄銅元得有餘利或尚可稍資挹注擬從光緒三十一年起鄂省再認籌的款五十萬兩分批解京備充遼東償費其餘藉以彌補鄂省增兵製械興學籌防各項不敷之用體察情形各省現均趕鑄銅元勢必銅價日昂錢價日低

張文襄公全集

卷六十四

奏議六十四

八

餘利必漸減少然四五年內銅幣銷流尙不致遽形壅滯其利雖薄尙可有盈姑俟五年以後再行另籌抵補之法此時舍鑄造銅元委屬無可設法綜計鄂省於常年額解增撥各款及支應本省種種要需外茲復兩次認籌的款一百餘萬兩之多勉竭涓埃當邀聖慈垂鑒至各省應如何通力合作移緩就急之處應候宸斷施行

旨留中欽此

請暫停道府分發摺

光緒三十年十一月初二日

竊照培養民生綜核財用其源均在於澄敘官方近歲

以來以順直秦晉等省賑捐減成報捐實官者益多仕途猥雜較前尤甚而道府一班亦遂接踵紛來無所底止查湖北省從前候補道員不過十餘人候補知府亦不足二十人現在候補道員多至四十三人候補知府多至五十人人多事少已苦委用無期近日官場風氣每不能儉約自甘武昌省城公館占盡人已無屋可租店租物價無不昂貴既列道府之階用度益多情形益窘假令此輩各勤本業不遽捐官或不捐品級較崇之官其窘累情形尙可不至如此近奉諭旨飭令各省裁併局所沙汰冗員此曹益無聊賴其守分者耐苦閒居

張文襄公全集

卷六十四

奏議六十四

九

不免銷磨志氣其熱中者徒思奔競尤足敗壞官常其未得差也則多方以求錄用其既得差也則又多方以求加薪且加薪猶以爲未足必得優差要差而後已夫既專以營謀優差要差爲務則得差之後必然逞其蠶國病民之技可想而知不遂所欲則怨望立生造作謠言顛倒黑白阻撓要政肆意矯誣若此之流往往而有此後若再紛至沓來不惟差缺益形壅滯且出位妄想無事生風馴致通省官場盡染惡習流弊尤不可勝言此乃近來惡習鉅弊爲十年以前候補官之所未有者也夫道員居監司之列知府爲表率之官本非無學問

無閱歷無資格之員所堪濫廁嗣後除同通州縣以下各官仍照常辦理外擬請旨敕下吏部凡分發及捐納道府人員無論指省掣籤准將湖北省停止分發二年以冀稍清冗濫藉挽澆風實於鄂省吏治大有裨益殊批吏部議奏欽此

請旌孝子摺 光緒三十年十一月十六日

竊據湖北武昌府知府梁鼎棻詳准補用知府蔡琦等文稱湖北分缺先用典史方炳垣原籍福建閩縣由監生報捐典史指分湖北同治十三年九月到省迎養其母在鄂寓居省城紅牆巷地方光緒二十九年十月二十日家人失慎寓宅被焚方其初起之時始覺之際火光迸裂未至四面延燒僕婢奔呼不難一身獨出而方炳垣惟知有母不復顧身迴旋叩關負母出室不虞火勢猛撲烈焰環攻正梁既傾前楹並墮母子環抱骨肉俱灰同櫻嚙出之災甘蹈鬱攸之禍報親恩於罔極遺恤焚身悲天道之難知皆為酸鼻該員等屬在寅僚誼兼桑梓咸感至行願表遺芬理合開具事實清冊出具印結送請查照轉詳等情由府加具印結詳請奏懇旌表前來臣伏查該孝子方炳垣素履克修白華致絜微官奉母方懷毛義之心大節殉身遠比介推之烈倉皇

問寢慘酷焚巢念劬勞而舍命不渝資矜式而盡倫無忝允稱孝行宜荷旌揚合無仰懇天恩俯准將孝子方炳垣給予旌表出自鴻慈謹會同湖北學政臣李家駒恭摺具奏伏祈聖鑒

殊批著照所請禮部知道欽此

恭報兼管湖北巡撫事日期摺 光緒三十年十二月二十一日

光緒三十年十一月先後准政務處吏部咨開會同議覆雲南巡撫林紹年奏請裁撤缺一摺於十一月初六日具奏奉上諭政務處吏部會議林紹年奏督撫同城事權不一請裁巡撫一摺雲南湖北巡撫兩缺著即行裁撤湖廣總督雲貴總督均著兼管巡撫事餘依議欽此咨行前來臣遵於十二月十九日恭設香案望闕叩頭謝恩卽於是日遵旨兼管湖北巡撫事臣竊惟向來督撫同城者除舊例歸入題本公事係各歸各衙門辦理此外地方重要事件皆係公同商辦誠以安民講武內治外交其利病大率相因其措施必須通貫今仰奉明旨令督臣兼管巡撫任寄既專責成尤重聞命之下兢悚滋深臣惟有一秉虛公倍加勤慎督率司道等將地方應辦事宜文武兼綜兵食通籌以仰副朝廷因時建官之至意

張文襄公全集 卷六十四 奏議六十四 十一

張文襄公全集 卷六十四 奏議六十四 十一

硃批知道了欽此

進呈銀幣式樣片 光緒三十年十二月二十一日

再臣於本年八月十六日附奏請就湖北鑄造庫平一兩重銀幣無論收發皆照湖北藩庫平核算出入均作為十成紋銀名曰大清銀幣先行試用以覘商情民情兼體察各國商人情形出納利弊行之而通則請戶部裁酌推行利在全國行之而不通則湖北當收回另鑄所有賠耗工火傾鎔之費湖北任之從此可知中國貨幣輕重之所宜以及改換收發之難易利病昭然可有定論等情欽奉硃批著照所請該衙門知道欽此當即

張文襄公全集

卷六十四

奏議六十四

三

欽遵飭局妥慎辦理竊維銀幣之行類若畫一利國便民獨不便於胥吏鑪坊之輩其造言搖惑設計阻撓勢必無所不至局外持論者未經細心體察輒不免辯難多端或謂既鑄此項銀幣應即禁阻墨西哥銀元不准行用不知向來部庫及外省司道關各庫從未收兌墨元而民間顧流行日廣者以各省通商口岸租界外國銀行林立其與華商交易往來多以墨元為便故也此時中國之權力斷不能強使外國銀行之不用墨元即不能明禁中國商民之參用墨元將來中國自鑄一兩銀幣日漸充盈為中國商民所信用則墨元將漸次銷

廢不禁而自絕故此時改鑄一兩銀幣者正為他日禁阻墨元之地或又謂國幣既以一兩為準則舊日各省所鑄七錢二分之銀元當盡數收回另鑄不知舊鑄銀元雖重庫平七錢二分而民間折算生銀係隨市價漲落僅作庫平六錢數分不等與此次新鑄銀幣收發皆作庫平十成足銀用者判然不同試辦之初既不能驟廢生銀不用則舊鑄銀元亦祇列作一種生銀儘可聽民之便與新鑄十成之銀幣行用各不相妨此後鄂省官局自無再鑄七錢二分之理至久已散在民間者自無庸收回另鑄以省紛擾或又謂新鑄銀幣既名為國

張文襄公全集

卷六十四

奏議六十四

三

幣則但當以元計不當仍以兩計不知國家一切賦稅皆以兩錢分釐計算則銀幣之為兩為錢豈可不明著其文以杜胥吏之意為輕重免致商民之折耗喫虧或又謂一兩銀幣當明言值制錢若干以昭畫一不知各省銀錢兌換之價到處不同斷非湖北一省之所能獨定儻使戶部能定庫平足紋一兩值制錢若干通行各省收發皆歸一律不准稍有參差則此項一兩銀幣自有定價其權固操諸戶部者也總之臣此次奏請試行一兩銀幣原為體驗官民行用情形是否稱便以為戶部裁酌推行地步鑄數斷不能多一俟戶部開鑄其數

足以供各省之用湖北儘可停鑄且湖北所鑄銀幣聲明除工本火耗外所有盈餘悉數報解戶部於戶部財政處權力未嘗絲毫有所侵損一切辦法皆再三審量而後定試行數月之後其利弊不難考見果有窒礙自當立予變通此時新幣方行設有阻撓搖惑之詞上瀆宸聰應懇乾斷主持暫置勿議茲已飭局將一兩銀幣鑄成發交湖北官錢局先行試用體察商情輿論似尚無所疑難應俟試行三箇月後察看銷數是否暢旺咨報戶部財政處藉資考核除通行司道關局暨全省府廳州縣無論何項賦課稅捐一律均照庫平足銀收解

張文襄公全集 卷六十四 奏議六十四 五

不准稍有抑勒以昭大信外謹先將鑄成銀幣式樣十枚裝成一匣恭呈御覽

清理衛田原章不便另籌簡易辦法摺 光緒三十一年三月二十一日

竊照湖北省於光緒二十八年遵旨裁撤衛官清查屯田當經專設清理衛田局遴委候補道朱滋澤會同藩司糧道酌擬辦法詳請比照民田分別上中下等則按照奏定新章完稅六分凡田價每畝值二十千以外者均照二十五千文之價酌繳契稅錢一千五百文每畝

值十千文以外者均照十五千文之價酌繳契稅錢九百文每畝值十千文以內者均照十千文之價酌繳契稅錢六百文又每錢一千文另繳清丈費二十文派員分赴各屬會同地方官將所有屯田親履勘丈飭令各屯戶將應完契稅分三限繳清以六箇月為一限繳稅後給予印契准其永遠管業查核所擬辦法較言官條陳原議令按畝追繳田價五兩者已屬大為輕減經前湖北撫臣端方批准於是年九月二十八日會同臣具奏欽奉硃批戶部知道欽此嗣准部咨以湖北所定上中下三則田價較山東為輕奏令仿照山東繳價數目

張文襄公全集 卷六十四 奏議六十四 五

變通辦理復經前撫臣飭據司局議詳酌增上則田價每畝值二十五千文以外者照三十千文之價完稅續經奏咨通行在案計自開辦以來歷今兩載有餘各州縣衛田尙未能一律辦竣即已冊報認稅之各州縣屯戶遵限完稅者甚屬寥寥推原其故良由向來田房稅契皆出自置產之家其家力能置產必係目前景况充裕積有現錢其措繳應完契稅自屬非難今屯戶承種衛田皆由世業相傳或歷四五百年或歷二三百非以餘財新置即其間轉相頂替亦多在百年內外民戶以實價典來亦早視同恒產一旦責以按田繳稅未必

家有餘資加以湖北田土山澤相間罕有大片膏腴農業歲息甚薄假如八口之家有田二十畝餬口尙虞不足若照上則田價驟令完稅至二十餘千文之多斷然無從措辦且衛田沿自前明當時興屯之初皆以荒蕪無主之地招人承種故畝數弓丈概從寬計每田一畝有較民田多至加倍者相沿既久習爲固然今概欲以部尺二百四十弓爲畝令將溢出之田按畝報稅業戶失其固有尤爲強以所難臣於光緒二十八年十月初奉命調署兩江旋卽入京陛見甫於上年二月回任旋赴江南會議製造局移厥事務離鄂已將及兩年四月

張文襄公全集

卷六十四

奏議六十四

去

回鄂後詢及衛田一事尙無眉目局用糜耗已鉅而契稅收繳者寥寥悉心體察查知各州縣印委於查勘衛田時多因眾情疑沮不肯報丈慮或操切生事率與通融照册按糧攤算畝數皆係約計其實在按畝清丈界限分明者甚屬有限其所定上中下田價等則各屬各辦寬嚴不等多寡輕重之間相較多未能一律以致各屯戶藉口觀望距省較遠之州縣多有未經開丈者卽已報丈畢之處屯戶亦以無力繳稅任催罔應卽如宜城縣屯戶滋事一案亦因求減衛稅而起是原定辦法雖已從寬於羣情仍多不便若不量予變通力求簡易

將衛田永無清理之日契稅永無完繳之期徒有估價認稅之虛名並無利國便民之實際臣督同司道暨承辦衛田各員再三討論體訪羣情深知衛田年遠轉轉屯戶貧苦居多亟應另籌簡易辦法俾各屯戶易知易從力無弗及庶足安眾心而收實效謹將改訂新章八條臚陳如左

一衛田畝數屯戶尙祇知按册完糧以斗石計數但知自己田地界址四至並不知按照官尺應合若干畝是以各屬清理衛田率多按糧攤算其實行勘丈之處無多至今遷延不丈不報者尙十數州縣承辦各印委寬

張文襄公全集

卷六十四

奏議六十四

七

嚴不等或報有缺額或報有溢額辦法本未一律其查報溢額者屯戶多以今昔弓丈不同或指認不確紛紛稟求寬減另丈且開丈已及三年其報明丈畢者亦並未遵章繳稅至丈有缺額者則並無辦法是所謂缺額者固未可憑卽所謂溢額者亦未足據茲飭各州縣一律將衛田畝數按照原糧原額均勻攤算另行造册呈核既無所謂溢額卽無所謂缺額庶足以息疑懼而免參差

一衛田原定田價數在二十五千以上者列作上則數在十五千以上者列作中則數在十千文以內者列作

下則現經派員詳查各屬原稟所定等則皆係屯戶約略承認印委通融稟報並非確經履勘據田分等是原稟等則高下全不足據徒致名目紛擾今應將原契上中下等則概行刪除按照司道兩庫額徵正雜各款無論或完銀或以米完折色每完銀一兩計上田約合二十餘畝中田約合三十餘畝下田約合六十餘畝均令酌繳契稅及局費錢八千文此外不准書差多取分文

一原章稅費分三限完繳每限半年為期較迫恐屯戶力有未逮今准將此項應完契稅局費自本年起分作三年繳清每年仍分上下忙兩次徵收以示體恤

張文襄公全集

卷六十四

奏議六十四

六

一錢糧每銀一兩或向係完銀若干或向係折徵錢若干均照該衛向完之數完納不照民糧章程以省紛更惟其田分隸坐落之州縣作為民糧徵收

一衛田向有之冊費編審費一切雜項暨公幫置產及軍頭等名目永遠革除以清擾累

一向有閑丁一項歷係循照舊日冊名派令無田之戶認完今應查明全行豁除催糧書差不准朦混再徵違者准其控告治罪

一各州縣已收衛田稅費照現改新章多收准其留抵

本戶今年明年正項錢糧以昭公允

一賠款改學堂捐民田均須輸納屯戶子弟不乏讀書入學之人是學堂捐一項衛田各戶不應置身事外俟契稅繳清後應如何與民田一律輸納自當由該處紳士公同酌議稟由地方官詳請核定

以上八條係為體恤屯困刪省虛文起見通省衛田一律辦理毫無偏枯既將稅數減少又將期限展寬完稅自不為難庶徵收可期踴躍經此次改章寬恤之後儻各屯戶尚敢抗違觀望應飭地方官按戶查追從嚴懲辦現已由臣出示曉諭行司通飭各州縣一體遵辦惟

張文襄公全集

卷六十四

奏議六十四

九

有仰懇天恩俯念湖北省衛田屯戶情形困苦准予照議施行以廣皇仁而收實效

硃批戶部知道欽此

查明周馥參款摺

光緒三十一年八月二十九日竊臣承准軍機大臣字寄光緒三十一年四月二十六日奉諭上諭有人奏署兩江總督周馥內政外交不能勝任等語著張之洞按照所參各節確切查明據實具奏毋稍徇隱原摺著鈔給閱看將此諭令知之欽此當即欽遵照錄原奏遴委道府各員分赴江甯海州及山東地方按照所參各節明查暗訪務得確情去後茲據先

後回省稟覆前來臣復詳加訪察證以人言謹將確實情形爲我 皇太后 皇上臚陳之一原奏稱江南師範陸師學堂久經開辦規模程度應有可觀該督意爲更張致激生徒大半散去等語查江南陸師學堂開辦以來向係延聘德員充當教習學級分陸軍正科及普通科兩班德員特屯和恩由自強軍調充該學堂教員已歷年所三十年十一月添聘德員璞斯瑪充當教員訂立合同三年惟聞特屯和恩現在教練未能盡合新法璞斯瑪又係會充金陵關辦事員於武備本非專門之學眾學生不甚悅服加以留學日本學生先後畢業

張文襄公全集

卷六十四

奏議六十四

三

回甯多向學生盛稱日本兵操之美本年二月二十三日該學堂普通科全班學生連發三次電話催總辦道員羅長禱卽刻到堂環向該總辦逼迫請改日操羅長禱不能體察該學堂兩教員不盡得力但以須俟練兵處頒發操典到後始能議改爲詞學生等見所求不允不過空言推宕遂相率不上講堂該道羅長禱卽於次日據情稟請撤差經該署督批該學堂學生聚眾停課挾制改章此風斷不可長飭派道員俞明震確查嚴辦旋將羅長禱調差卽委俞明震接充該學堂總辦嗣因俞明震查得羅長禱調差之後有學生朱士琦任熙兩

人在三牌樓地方與提調候補知縣黃曷隆路遇向其滋鬧勢將用武因牌示學生請改日操尙無不合惟不應向提調滋鬧卽將學生朱士琦任熙二名斥革乃該學生等違抗不遵竟於是日全班開散搬出學堂經俞明震稟明該署督飭將爲首之張元輔吳萬鵬毛志明等數名提至督署傳問究辦此外學生之同到督署者有三四十人之多該署督略加申斥卽交藩司帶回發落取具悔過甘結不准再入他學堂肄業其普通一科另招新生一百名派遊學日本畢業生數人充陸軍速成中隊長及分充區長改習日操其原聘之德教習則

張文襄公全集

卷六十四

奏議六十四

三

專授講堂功課其事乃定是此次陸師學堂學生藉口改操全班退學意在聚眾把持並敢向提調尋毆尤爲凶悖近日狂妄滋事之徒名此等事日結團體又名曰學生權令之則不遵開除之則又滋鬧實屬近年學堂惡習大背武學服從之義該署督另招新生改習日操其舊生不准再入他學堂肄業實是學堂正經辦法並非該署督意爲紛更致激生徒散去也至三江師範學堂學生偶因細故與總辦爭抗間亦有之尙無散去學生之事惟本年二月該署督飭改鳳池尊經兩校士館爲師範傳習所卽以向來肄業之生童充之該生童向

不住館或以訓蒙爲業或仰膏火贖家恐取入傳習所後功課既繁又兼失去膏火不無缺望遂藉口所定功課鐘點太多於署督親臨考試點名時大眾將首先應名接卷之兩生拖下不准應點一閱而散旋由學務處另議章程暫就貢院開辦先取特班學生四十名正班學生四十名均每人每月給膏火銀三兩另取旁聽學生四十名不給膏火其未經考取之年老生童仍准照舊應課生徒遂各相安原奏所指之師範學堂當卽師範傳習所之誤一原奏稱各處釐金向屬藩司專政該督以皖人主之札行藩司無庸會銜州縣委署牌示首

張文襄公全集

卷六十四

奏議六十四

三

書奉督憲諭不知是何體制等語查江南釐捐局向有道員總辦遇有用人改章重要之事該局總辦亦能徑稟督臣定議辦理並非盡由藩司專政惟關防向存藩署故局總遇事須與藩司商明大約藩司與局總分操其權固有和衷商榷之益亦有牽掣瞻顧之損上年十一月該署督札行釐局內開江蘇候補道陳維彥前在貴州辦理釐捐頗著成效委令總辦金陵釐捐局時須攜帶關防周歷巡查藩司政務殷繁不能兼顧應將關防移交陳維彥收存隨時開用藩司不必會銜遇有重大事件仍會同藩司具詳請示等語查陳維彥係安徽

石埭縣人遂有皖人主之之說臣訪查陳維彥之爲人素稱端謹曾有改裝扮作商人查出釐局弊端之事是其人辦事尙係精細認真一流不得謂該署督任用之非惟此外大小局差所委皖人頗多在該署督當係擇能而使然眾官不免嘖有煩言至委署州縣懸牌一節經臣飭據江甯藩司黃建筦稟復該司懸牌並未書有奉督憲諭字樣外間訪查亦未見過此等牌示惟訪諸輿論僉謂藩司開摺所擬之員多未委用而委用者藩司未必皆加贊成卽如調補江甯縣知縣葉保慶外間謂其專工應酬現署山陽縣知縣單琳外間謂其聲名

張文襄公全集

卷六十四

奏議六十四

三

平常議論繁興實由於此一原奏稱該督之子以江蘇道員迴避入署用事擅權本年正月有道員曾廣祚賄買大通督銷局差文案知縣洪壽彭串通家丁張貴及充釐金司事之秦克昌彭雲蔚等從中說合委札已經用印因過付口角闖署喧傳周道洪令始懼自行舉發該督知其委折因授意兵備參謀處道員拘訊張秦彭三人威嚇祇認招搖遠殺秦克昌以滅口詢其罪名則云以游勇正法又改秦姓爲岑以鋼覆盆之寃等語查已革江蘇候補道曾廣祚原充上海文報局差上年十一月間因公回省適有兩江督署衛隊親兵岑盛昌卽

岑克昌曾在督署文案委員洪壽彭處服役與素識之彭雲蔚在外招搖撞騙偶在煙館會遇曾充會廣祚處司事之鍾連生談及洪壽彭可以代人關說差使鍾連生告知會廣祚怨思謀幹大通督銷局差會廣祚爲其所愚聽鍾連生等代爲說合鍾連生因往晤岑克昌彭雲蔚託其謀畫此事岑克昌謂須回署與同事張貴商辦並囑令會廣祚往拜洪壽彭會廣祚遂卽往拜洪壽彭兩次第二次洪壽彭延入接見嗣又往會廣祚寓所答拜一次鍾連生因託彭雲蔚轉詢岑克昌須費幾何岑克昌回稱據張貴說要銀一萬八千兩後來會廣祚

張文襄公全集

卷六十四

奏議六十四

請

如數寫給期票由彭雲蔚轉交岑克昌說上頭定要現銀將期票退還彭雲蔚掉換數次會廣祚以委札未下不允付給現銀彼此相持至本年正月十四日會廣祚復往督署請見洪壽彭洪壽彭拒未見面會廣祚心中焦燥當將洪壽彭家丁張貴喚出追問此事究竟事遂張揚旋由洪壽彭稟請該署督查辦奉批飭將岑克昌彭雲蔚張貴發交上元縣管押派委兵備參謀處道員朱恩紱徐紹楨會同提訊鍾連生聞風遠颺飭拏未獲訊據岑克昌彭雲蔚供認前情不諱張貴供不知情據彭雲蔚供亦謂與張貴並不認識稟經該署督批飭岑

克昌以革勇造謠詐贓卽照軍法處斬彭雲蔚詎騙說合發縣永遠監禁張貴取保開釋現查彭雲蔚已於六月內在監瘕斃飭據兩江兵備參謀處道員朱恩紱徐紹楨稟復稱堂訊時各犯均無供涉該署督之子周學海指使情事該犯岑克昌實係岑姓並非改秦爲岑向在衛隊當兵亦非釐金司事以上均按照原奏所參內政各款分別查明之實在情形也一原奏稱該督前任山東巡撫時一惟德人之言是聽膠澳租界原國家不得已之舉乃由膠濟鐵路而兼營浦濟由礦權利益而漸奪政權原約所訂鑛山之利在鐵路相近十英里內

張文襄公全集

卷六十四

奏議六十四

五

繼又欲禁華人開采在開鑛之處五英里內豈不知鑛穴漸移省界立盡愚莫甚焉等語查膠澳租約係光緒二十四年十二月由總理衙門在京與德使所定其第一二端第一款內有由濟南府往山東界之一道應俟鐵路造至濟南府後始可開造以便再商與中國自辦幹路相接等語既有此議故德人有自濟南查勘至兗州府嶧縣等處界內測量路線並插標記之事雖尙無兼營浦濟明文然約記許其商與中國幹路相接則將來接造鐵路抵至何處實不能測其所至又德人上年十二月意欲續立開鑛章程四款其第三款云德人鑛廠

十五里內華人已開者須即停止未開者不得續開等語經前署山東撫臣胡廷幹飭由司局函復謂華礦驗明與公司實有危險則華礦亦必有危險應於兩礦適中之處畫一界綫於界綫兩旁各讓二里共為四里作為礦界公地彼此立清界石無論地上地下華商與公司皆不得繞越開挖以免危險等語德人接此信後未再辯論至今續約未定此兩款皆非該署督在山東巡撫任內之事至所云由礦權利益而漸奪政權並未指明何年何事無從查悉一原奏稱原約本有華商合辦一層乃礦產禁用機器火車賤待華人其總辦錫樂巴

張文襄公全集 卷六十四 奏議六十四 三

玩大吏如嬰兒該督反受其寶星之賞恥莫大焉等語查山東礦務章程係光緒二十六年二月由升任山東撫臣袁世凱會同幫辦山東交涉總理路礦事宜副都統廕昌與德人礦務公司總辦米海里所定本無禁阻華人用機器開鑛之說上年十二月德人續擬鑛章四款其第二款華人准在三十里內至今未辦之鑛用土法照向來之大小續辦不許用機器等語經前署山東撫臣胡廷幹飭司局議駁未准德人亦未再辯論此事關繫甚大幸未允許德人之請亦與該署督無涉至火車賤待華人此乃下等粗躁西人之積習誠所難免該

署督在山東巡撫任內有長山縣知縣曹姓之家丁被火車站人毆辱該縣商民站長將喝令逞凶之人嚴懲該公司欲將曹姓撤任該署督始終未允是該署督尚不至惟德人之言是聽即此可見至收受寶星一節係因膠濟鐵路工竣德國以該署督保護鐵路之功酬贈頭等寶星該署督奏明奉旨准其收受此乃各國交際之常例並無不合一原奏稱及署兩江總督即欲德員辦理製造局及陸師學堂因其要索操場擅以城內獅子山下地界之德人引綫作圍擬將山上礮臺圍入以守土之疆臣輒以要地予人若非別有原因何至如是

張文襄公全集 卷六十四 奏議六十四 三

等語查上海製造局原設有船廠船塢為修理官商輪船之用本年二月間經該署督會同北洋大臣袁世凱奏派廣東水師提督葉祖珪總統南洋海軍並將上海製造局內船廠撥歸葉祖珪辦理由葉祖珪稟請飭派德員巴斯管理船廠之事該德員久在北洋當差此次係由北洋調來自係出自葉祖珪之意原奏所謂德人辦理製造局當即指此至金陵陸師學堂向係聘用德員教授功課歷有年所惟此次續聘之德員璞斯瑪曾充金陵關辦事員於武學非其專長致不為學生所敬服則事所難免至獅子山操場一案查光緒三十年三

月間駐甯美領事官曾向金陵洋務局商借此地爲美兵輪兵丁打球體操之用洋務局當將未便情形派員面復美領事據美領事言西歷二月間德兵輪已經借操何獨不允美國洋務局當向總臺官王世綬查詢前事始據稱前次德兵結伴閒游路過該操場相與在場拋球作戲片刻即散並未先來商借等語乃此次美領事因洋務局未允借地即私向總臺官王世綬商借該處操場王世綬允以每禮拜六均可借用嗣經前督臣魏光燾查知飭令不准借用操場王世綬始向美領事婉言商阻美領事亦即允從此係上年魏光燾任內之

張之襄全集

卷六十四

奏議六十四

天

事本年二月間英國兵輪船主塗雄飛謁見該署督面請借地爲水師兵丁上岸打球之用經該署督函飭金陵關道及洋務局在城外下關通商場金陵關基地左近原備作巡捕房之空地一區圍以竹籬建造門亭暫行借給各國兵輪作爲公共體操場之用英領事初尙以該兵船主塗雄飛所借係指獅子山下操場而言託金陵關稅務司再申前說復經洋務局金陵關道一再函駁並告以下關之地已向塗雄飛說明彼此允願英領事始無異言是擅以獅子山下操場私允借給外人乃係上年總臺官王世綬之事本年該署督因不允借

給獅子山下之地始允以下關附近空地借給各國兵輪暫作體操場之用民間未能深悉其中曲折以訛傳訛實由於此一原奏稱德人近復暗規青口水兵上岸升礮豎旗以測量沙綫爲名發端嘗試又稱鹽場爲國家命脈近又有通海通贛兩處墾牧公司尤宜善爲鎮攝以保利源斷非該督之所能勝任各等語經臣所派委員馳赴海州檢查案卷本年三月下旬有德國兵輪駛赴海州鶯游門外游弋旋至東連島上岸在汪姓菜地內支棚住宿旋至桅尖山頂豎旗一面隨即展輪而去經海州知州王曜接據該處董事公稟有升礮豎旗

張之襄全集

卷六十四

奏議六十四

天

逼遷居民情事電稟該署督派員前往查勘並電詢德國駐膠總督查明禁止據膠督電復謂實係兵船習練測度事宜毫無別故至所留標旗應否拔去請由貴大臣任便飭令海州辦理可也等語並據查勘委員會同海州知州稟復查詢居民德兵上岸時尙無鳴礮之事間有居民驚疑遷避亦尙無被德兵逼遷之事隨將德兵船所豎標旗撤下改懸龍旗民心現已安靖等情各在卷茲復經委員詢據該處士民聲稱當時突來洋兵三十餘人上岸携有小礮洋槍在汪姓菜地內支搭棚帳住宿民情甚爲惶擾相率避入雲台山中遠遠聞有

礮聲等語核與江南印委查復情形大致相合其豎旗時曾否鳴礮居民亦不能指實惟現已將德旗撤去改懸龍旗德兵輪去後亦未再來游弋現與該處鹽場及墾牧公司尙無干涉此後自應妥籌防維之策前事似可無庸深究一原奏稱該督終日往返下關迎送洋員教士饋以酒食卑瑣難堪實傷大體等語查國際之與私交本判兩途中國所謂交涉卽外國所謂國際國際交涉之事不容稍有假借至私交酬酢之禮不妨略予周旋訪聞該署督雖時赴下關答拜各國領事兵官間有饋遺然於教士來甯實未聞有迎送饋遺之事以上

張文襄公全集

卷六十四

奏議六十四

三

均按照原奏所參外交各款分別查明之實在情形也臣查署兩江總督本任山東巡撫臣周馥老成幹練力果才優勤勞過人銳意求治此次被參內政外交各款現經按款查明除該署督辦理本無不合及傳聞失實暨事在前任與該署督無涉者均可無庸置議外其關繫重要者惟在岑克昌詐騙正法一案及借與外國水師操場一事茲經查明該署督所借給外人者係在城外通商場附近空地與城內獅子山礮臺尙無干涉且聲明只係體操限定不得過三四十人原奏係屬訛傳且其地原係備建巡捕房之基址今已定議卽日興

造捕房是此項借給體操之地已經化爲烏有更可勿庸置議其於岑克昌招搖詐騙一案於事發訊供後立將衛隊親兵岑克昌正法候補道曾廣祚參革查江蘇近年官場習氣實爲惡劣賄買差缺營求撞騙之事時有所聞該署督承積弊之後嚴刑重典能令匪徒震悚洵足以挽救頹風特因其未將全案情形據實陳明致滋口實惟該署督內署既無弊端應請免其置議該署督之子江蘇候補道周學海到省有年又久居揚州與官場候補人員往來熟識者較多此次因迴避呈請改省未及赴部聽候改掣省分仍留侍該署督署中以致

張文襄公全集

卷六十四

奏議六十四

三

委差委缺遂爲招搖撞騙之徒憑空指託似屬非宜應由部改掣省分迅速飭令領照到省免滋謠誣至該員洪壽彭身充督署文案應如何嚴密關防乃與素不相識之在省候補道延接周旋並往答拜致被會供役使之岑克昌等句串招搖物議紛騰致釀二命實屬不知遠嫌釀命生事應請旨將補用直隸州直隸候補知縣洪壽彭交部嚴加議處獅子山礮臺外控長江內瞰全城乃金陵防守第一關鍵官民婦孺無不知之况臺下操場乃登上臺之路咽喉所在各國礮臺界內從無准外人闖入之例乃江南總礮臺官江蘇候補直隸州

知州王世綬於職守所在全城安危所關擅將城內獅子山礮臺下操場初次私自借與德兵輪水勇拋球作戲續又私允美領事謂每禮拜六該操場均可借用事後雖經魏光燾查知飭禁而該員之膽大妄為實出情理之外應請旨將江蘇候補直隸州知州王世綬即行革職永不敘用江蘇候補道羅長禱委辦陸師學堂於軍學要務並不考核教員力求實效徒事敷衍推宕以致激生事端亦屬辦理不善應請旨將江蘇候補道羅長禱交部議處又查現充三江師範學堂總辦江蘇候補道李光業係由佐雜過班並非正途出身難孚物望

張文襄公全集

卷六十四

奏議六十四

三

三江師範關係重要應請敕下該署督臣另委學識優長諳習學堂事務之員講求整頓以重教育而端表率至委差委缺之得失惟視其是否公允並不繫乎司局何人主持亦不繫乎籍貫是否同鄉兩司所舉之員豈盡賢能並無必須照用之理然督撫所指用之人若經兩司極力勸阻則必係確有不妥亦宜詳察另委以杜偏執誤事之端上官同鄉之員未必不可任用然若非有過人之才具異常之勞績則宜旁蒐博采不宜偏重一省人員以彰公溥無私之道竊惟集思廣益往哲良規立賢無方古經明訓總以委用之人才守勞績有無

可取為斷相應請旨敕下該署督臣督率司局於補署各缺及委辦釐金等局差大小各員虛心遴選秉公考核不限方隅不存成見以才守之長短為進退之準繩自然人才爭奮眾論咸孚矣至調補江甯縣知縣葉保慶現署山陽縣知縣單琳應請敕下該署督臣切實察看於地方是否相宜自行奏明辦理以重吏治所有遵旨確切查明兩江督臣被參各款謹據實覆陳再此案因赴山東省內外及海州等處詳查端緒紛繁是以覆奏稍遲合併陳明、

殊批另有旨欽此

張文襄公全集

卷六十四

奏議六十四

三

張文襄公全集卷六十四終

新城王樹森校

張文襄公全集卷六十五

奏議六十五

裁撤釐金局卡試辦統捐捐

光緒三十一年八月三十日

竊惟釐捐之設所以養兵衛民本國家萬不得已之政且近年地方新政義舉亦多取給於此仍係以取之於民者還之於民無如奉行既久弊竇日滋局卡繁密司巡苛暴查驗則到處留難浮費則有加無已以致商利日薄民生日艱良懦者歇業而失生計狡黠者驅之以歸洋旗徒召怨咨無裨國用體察情形大有岌岌不可終日之勢臣深憂熟計惟有改辦統捐一法商人稽留

張文襄公全集

卷六十五 奏議六十五

一

勒索之處較少稽查弊端亦較易當經督飭司局通盤籌畫專以宏綱疎目之道行之現將內地之鮎魚套法泗洲黃陵磯湘口坪坊黃花澇縣河口天門縣黃陂縣孝感縣岐亭武安堰距長江最近之興國州沿長江之蕪州漳源口黃石港下巴河樊口北卡江口郝穴宜都縣沿襄河之漢川縣仙桃鎮岳口沙洋東津灣鄖陽府及襄陽府船釐張家灣船釐二十九局一併裁撤其應收百貨釐者酌於長江襄河及內河共留大小二十局一律改爲統捐此外若鸚鵡洲竹木捐長江埠土布捐河溶絲絹捐應城石膏捐安陸船捐各有專門不抽百

貨其河溶應城兩局向來兼抽百貨者俱行停免所有

全省收捐章程略分三項外省客貨徵之於入境第一卡本省土貨徵之於由產地運出內河第一卡計其指運地方沿途經過幾局卡將向章應完釐數合併計算統於此第一卡徵收一次以後概不重徵其本省銷售落地之貨徵之於最大市鎮以後轉運他處除經過各局應補統捐外該貨行抵轉運銷售之地其落地捐概不重徵此三項仍照各局向章完釐之數概不加增如有指近運遠者及串通司巡繞漏賣放者前途查出時仍令將贖免之數補完并加重罰凡從前成案稟明之

張文襄公全集

卷六十五 奏議六十五

二

掛號照票灰印三項陋規以及划子錢提船錢等一切陋規暨隨時勒索各費全行革除在商民於向來應完釐捐毫未加增而沿途查驗留難節次索擾獨除淨盡當經分飭各局遵照統捐新章於五月二十日開辦應裁各局卡卽於是日一律裁撤如有委員舞弊司巡婪贓違背新章淨收勒索藉口留難一經發覺審實卽將委員參革司巡拏辦此事便於商民而不便於向來婪索作奸之委員司事危言恫喝多方沮撓臣權其重輕力排衆議決計行之卽使目前收數稍有短絀然從此商旅寬舒民生暢遂釐捐終必日有起色斷不致遜於

從前試辦數月以來商民歡悅事機頗順以後如有斟酌損益之處再隨時奏明辦理
硃批戶部知道欽此

遵照新章改編營制餉章並設督練三處摺

光緒二十一年十一月十一日

竊臣於上年七月間就湖北餉力人才參酌北洋營制先編兩鎮其時以練兵處章程未定經臣於摺內聲明俟練兵處奏奉諭旨後遵辦在案嗣於上年九月准練兵處會同兵部將奏定陸軍營制餉章咨行到鄂精詳縝密宏達賅通兼采東西各國之長原本兵農合一之

張文襄公全集

卷六十五

奏議六十五

三

訓亟應欽遵辦理查湖北省控長江之上游當鐵路之要衝以後商務日關交涉日多最為江海亂匪注目窺伺之所在以地勢時局論之必須有精兵三四萬人方能勉敷應用即論至少之數亦非練足兩鎮不可本欲一切即照新章編成兩鎮但以餉項萬分艱難且將領官弁之人才目前亦實不敷用茲督同司局及各營將領詳加籌度萬不得已設為暫從節省勉支局面辦法以俟徐圖擴充擬將第一鎮按照新章第三年全數編練其第二鎮則照新章變通規制之第一年編練於兩鎮全數簡數之正兵及帶兵員弁悉照新章一無增改

而於雜項委員人夫車馬及餉數則體察情形量為撙節減緩庶成規不改而財力稍紓一俟餉項稍可支持人才漸能敷用必當練足兩鎮其各項員弁人夫車馬數目一循新章不令纖毫參差以臻完備謹將各項辦法分條臚陳於左

一全省共設兩鎮湖北地衝事棘日日皆宜嚴防至少亦應設常備兩鎮全數之兵遇有徵調之時居守征行方可不致偏廢且兩鎮並設則將領之能否士卒之強弱無難互相比較以力求進益故先練第一鎮第三年全數第二鎮第一年簡數以後陸續添練總以練足兩

張文襄公全集

卷六十五

奏議六十五

四

鎮為度

二第一鎮營制第一鎮遵照新章步隊分為兩協四標十二營四十八隊馬隊一標三營礮隊一標三營工程隊一營輜重隊一營軍樂一隊查新章每標第一第二兩營係陸路礮隊第三營係過山礮隊查練兵處新章原許因地制宜以定礮之大小湖北全省地方非山即水車拉之礮萬不相宜現在漢廠所擬製造七生半之過山礮兼造七生半之陸路礮兩種過山礮十四倍口徑用於本地陸路礮三十倍口徑以備用於外省故此時一標三營暫行全照過山礮隊之制

三第二鎮營制第二鎮遵照新章第一年變通制略設
步隊一協兩標馬隊一營礮隊一營工程輜重各一隊
礮隊亦用過山礮與第一鎮用意同

四酌量暫從樽節合計全數簡數之兩鎮每年需餉甚
鉅新增雜項委員人夫及車輛騾馬甚多除正兵及將
校弁目悉照定章一無增改外凡有可極力設法樽節
者分爲緩設兼充酌裁減人減餉減馬減乾七項其緩
設者查統制官處之正軍醫官正馬醫官各一員專司
全鎮人馬衛生醫藥事關戰陣中醫多未講求擬雇用
外國醫生並充教員將來教成醫官分派各營應用其
張文襄公全集 卷六十五 奏議六十五

五

各標之副軍醫官副馬醫官以及步礮工輜之軍醫長
馬醫長刻均難得其人暫從緩設且醫官醫長之外各
營另有醫生現擬止用醫生其有未設醫生之各營即
改醫長名額爲醫生俟鄂省軍醫學堂學成有人再行
補充醫官醫長以期名實相副又查步兵工程等營各
有隨營車應設之駕車兵喂養夫及礮隊各營之管馱
兵喂養夫等項刻因湖北購辦騾馬車輛一時斷難全
備此項兵夫擬請緩設其兼充者將才猝難多得故第
一鎮以統制兼攝兩協第二鎮以協統兼護統制所有
第一鎮之兩協自統領官起及所用之參軍官等員弁

護兵火夫騎馬十二項全行緩設第二鎮以協統兼護
本鎮統制其統制所屬人員除正參謀等必不可缺者
共計十四員名詳具清單外其餘亦均暫緩計每年兩
鎮此一項所省已成鉅款其酌裁者查新章各標設教
練官一員其下注云嗣後官弁出自學堂即將此員隨
時裁去茲湖北官弁多係出自學堂自能教練此員擬
裁其減人者查礮隊輜重等營之馬夫目馬夫掌匠暨
輜重營之查馬長此時因騾馬未全一併酌擬減用遇
行軍時再各照章增補其減餉者查統制官處之正軍
需正軍械官書記長司事生暨步馬礮隊各標統帶官
張文襄公全集 卷六十五 奏議六十五

六

處之副軍需副軍械書記等官司書生司號長以及各
營之軍需軍械書記等長司書生醫生並礮隊營之查
馬長等擬照原薪數目酌減緣二等書記官各書記長
司書生等項新章薪餉係各處一律茲擬就其事之繁
簡定薪水之多寡亦可稍從節省又查新章各營隊之
正兵日月餉五兩一錢副兵目四兩八錢正兵四兩五
錢副兵四兩二錢蓋北洋食物昂貴兵餉必須加增而
湖北則與之稍異擬於正副兵目正兵三項月各暫減
銀三錢仍照向章支給第正兵與副兵餉數相同擬免
其充當雜差自與副兵有別其減馬者查礮隊營馱馬

數多鄂省介在江湖須遠向口外購辦一時實來不及若急求全備尤恐挑選多不合格轉無實用擬即暫行酌減期數平時操練之用礮隊每營擬暫減馱馬二百四十四輛重營隊應需之輜重車現擬每隊暫備三輛以資練習其需用之騾亦即按數暫減各營隨營車駕車之騾暫行全減又各營騎馬除輜重不計外擬亦全數暫減統俟陸續照章購補其減乾者查新章騾馬兩項每四月支乾銀四兩八錢蓋北洋芻秣素昂乾銀必須厚給湖北則轉運購買尙屬便易乾銀似可從省擬每月每匹暫減銀一兩八錢遇有徵調再行加足

張文襄公全集

卷六十五

奏議六十五

七

五人馬餉乾數比較第一鎮照新章全鎮之數應有官弁兵夫一萬二千五百六十員名礮五十四尊車一百三十六輛騾馬二千二百四十四匹月需薪公餉乾銀九萬二千五百七十八兩零六分第二鎮照新章第一年簡數應有官弁兵夫五千四百三十二員名礮十八尊車四十七輛騾馬七百四十四匹月需薪公餉乾銀三萬九千六百二十一兩六錢六分現在湖北第一鎮全軍步隊兩協馬礮隊各一標工程輜重各一營軍樂一隊共計官弁兵夫一萬二千零七十一員名礮五十四尊車十二輛騾馬一千零六十四匹月支薪餉乾銀七

萬七千一百七十三兩一錢六分常年十二箇月共支銀九十二萬六千零七十七兩九錢二分比照第三年新章共暫減人數四百八十九員名礮數同暫減車一百二十四輛騾馬一千一百五十四匹薪餉乾銀月暫減一萬五千四百零四兩九錢常年減銀十八萬四千八百五十八兩八錢第二鎮照第一年簡數步隊一協馬礮隊各一營工程輜重各一隊共計官弁兵夫五千一百八十八員名礮十八尊車三輛騾馬三百三十八匹月支薪公餉乾銀三萬二千三百八十九兩五錢二分常年十二箇月共支銀三十八萬八千六百七十四兩

張文襄公全集

卷六十五

奏議六十五

八

二錢四分比照第一年變通章制共暫減人數二百四十四員名礮數同暫減車四十四輛騾馬四百零六匹薪餉乾銀月暫減七千二百三十二兩一錢四分常年暫減銀八萬六千七百八十五兩六錢八分通計兩鎮比照新章每月暫減薪餉馬乾銀一萬二千六百三十七兩零四分常年共減銀二十七萬一千六百四十四兩四錢八分連後開衣履一條暫減銀三萬一千四百一十九兩四錢四分併計常年共減銀三十萬零三千零六十三兩九錢二分
六新增人馬數查湖北原練之常備軍第一鎮計官弁

兵夫六千四百五十六員名騾馬二百七十四匹月支
餉乾銀四萬零九百三十四兩第二鎮計官弁兵夫六
千四百零五員名騾馬二百七十四匹月支餉乾銀四
萬零五百九十一兩一錢現以原練第一鎮按照新章
第三年編練其人數應不敷五千六百十五員名以原
練第二鎮按照第一年變通章制編改應餘人數一千
二百十七員名再以襄防馬隊右營一營官弁兵夫一
百五十四員名每月餉乾一千一百三十九兩五錢改
編爲一鎮馬隊一營並以鐵路四營官弁兵夫一千二
百七十六員名每月薪餉銀六千九百十三兩一併編

張文襄公全集 卷六十五 奏議六十五 九

入一鎮計一二兩鎮照第三第一兩年編練除改撥歸
併暨原練各數不計外則第一鎮應仍增弁兵二千九
百六十八員名車十五輛騾馬八百五十四匹
七新增餉數查每月需增薪餉馬乾銀一萬九千九百
八十五兩零八分常年十二箇月共應增銀二十三萬
九千八百二十兩零九錢六分
八衣履查新章衣履一項係按兩鎮常年總數列入雜
支額款項下每人每年約需銀十五兩四錢有奇湖北
原章每人每年支衣履銀九兩六錢兩鎮共銀十三萬
一千零零一兩六錢茲既改照新章且近年百物昂貴

銀數自應增加茲力從節省暫定爲每人每年衣履銀
十三兩二錢俟將來物價愈昂再行酌增計通年共需
衣履約銀十八萬零五百十兩衣履一項通計兩鎮比
照新章通年暫減銀三萬一千四百十九兩四錢四分
九雜支額款兩鎮雜支除衣履外照新章應需額款約
銀二十一萬餘兩所有打靶應需之槍礮彈各價及擦
槍油費營房歲修等款皆新章所未列者一併計算在
內

十雜支活款雜支活款各項數難預定擬隨時體察情
形比照北洋辦法酌節省支給

張文襄公全集 卷六十五 奏議六十五 十

十一徵兵須漸次更換合格查現有各營計籍隸湖北
武昌府一千四百五十三人漢陽府二千零五人黃州
府一千三百零二人安陸府一百六十二人德安府八
百九十七人荊州府一百二十二人襄陽府二千七百
七十四人鄖陽府一千零五十八人宜昌府一百一十一
人施南府三十六人荊門州三人荊州駐防四百八十
六人此外籍隸直隸河南山東安徽湖南者共一千九
百一十六人向來每一營中籍貫不一自去年招募各
營卽懸爲定式此一次指定專招何處之人惟風氣未
開強健者多係魯鈍粗暴不守禮法教訓講說性閻難

記至於身家不卑素有執業資質聰穎自能寫字者多不願入營充兵故應募者實難如數然新募者不能照以上所言格式則目前教練之功收效已少將來退伍之後流弊尤多故按籍徵募之兵不得不尤慎其選且外籍訓練已久之兵亦未便驟加裁汰只可陸續更換歸併俟以後續募該籍之人漸多即可一律畫清府分將來必須辦到方為合格庶可漸收徵兵之益

十二將領委任現派委新授四川松潘鎮總兵張彪為第一鎮統制官兼攝該鎮所屬之兩協以節經費委謝樹泉為步隊第一標統帶官委米文友為第一營管帶

張文襄公全集 卷六十五 奏議六十五 二

官委戴鈞南為第二營管帶官委單啟鵬為第三營管帶官委鐵忠為第二標統帶官委邵翔宸為第一營管帶官委任光耀為第二營管帶官委孫國安為第三營管帶官委李襄鄰為第三標統帶官委楊正坤為第一營管帶官委陳鍾麟為第二營管帶官委張永漢為第三營管帶官委余大鴻為第四標統帶官委張長勝為第一營管帶官委黃鸞鳴為第二營管帶官委李汝魁為第二營管帶官委龔光明為馬隊第一標統帶官委喻化龍為第一營管帶官委馬得才為第二營管帶官委蕭開桂為第二營管帶官委杜長榮為礮隊第一標

統帶官委卓占標為第一營管帶官委敖正邦為第二營管帶官委王遇甲為第二營管帶官委李克果為工程第一營管帶官委齊寶堂為輜重第一營管帶官委副將銜補都司後遊擊黎元洪為第二鎮第二協統領官兼護該鎮統制官委劉溫玉為第五標統帶官委戴壽山為第一營管帶官委蕭先勝為第二營管帶官委曹進為第二營管帶官委曾廣大為第六標統帶官委李錦標為第一營管帶官委陳榮鍾為第二營管帶官委樊毓英為第三營管帶官委王祥發為馬隊第二標第一營管帶官委張正基為礮隊第二標第一營管帶

張文襄公全集 卷六十五 奏議六十五 三

官委孫綬康為工程第二營前隊隊官委郭斌為輜重第二營前隊隊官委藍天蔚為第一鎮正參謀官吳茂節為第二鎮正參謀官以上標營隊各官皆係現在湖北各營充當督帶營官武學教員等差之員或入外洋學堂或入本省學堂取其曾聞講授功夫較優而兼有閱歷資格較久者委派軍職

十三督練三處委任查督練公所內分三處實為整頓武備之源責任甚重他省多派道員充當總辦惟湖北道員中暫無素諳軍學之員而實缺司道公事過繁斷無餘暇可以專精講求徒成具文無裨實用然一省軍

旅大事亦斷不可不使實缺司道與聞茲委藩司臬司
鹽道暫兼三處之差作為暫行管理一俟遴選有人即
行另委專員總辦以責實效將來實缺司道可改充參
議等官現擬將三處幫辦先行委定以便分投舉辦查
幫辦本無定額茲委湖北候補知府高凌霨畢業學生
舉人候選同知劉邦驥兩員為兵備處幫辦湖北補用
知府齊耀珊畢業學生生員寶瑛兩員為參謀處幫辦
在任候補知府本任湖北夏口廳同知馮啟鈞畢業學
生知府銜吳元澤兩員為教練處幫辦大約本省職官
一員遊學畢業學生一員一取其明習本省情形一取
張文襄公全集卷六十五 奏議六十五 三

其曾經肄習兵事庶可相輔為用以後即將營務處名
目裁去

以上辦法臣本諸新章參諸眾議斟酌湖北情形小有
變通總期與練兵處原章馭兵之大端立法之要意不
致稍有改動而稍節餉需暫作一時權宜之計一俟湖
北餉力充裕人才足用臣必當陸續擴張軍備務期按
照新章一無欠缺俾其均成勁旅以仰副 聖主整軍
經武綏靖南服之至意
硃批練兵處議奏欽此

湖北鑄造銅元請由本省自行限制摺

光緒三十一年十一月十一

月二十八日

竊照光緒三十一年十一月十四日准財政處咨開光
緒三十一年十月二十三日准軍機處片交本處會同
戶部具奏各省鑄造銅元日益增多請酌定限制一摺
奉旨依議欽此相應恭錄諭旨刷印原奏咨行欽遵辦
理等因查原奏內稱現在各省銅元均已不虞缺乏非
趕為酌定限制未易施補救之方擬令江蘇湖北廣東
等大省每日造數不得逾百萬直隸四川兩省每日造
數不得逾六十萬其餘各省每日造數不得逾三十萬
成色分兩均須遵照財政處戶部奏定章程不得稍有
張文襄公全集卷六十五 奏議六十五 四

歧異各省現有之廠不得沿用舊名應統名戶部造幣
分廠冠以某省字樣以資識別至各該局所用鑄模參
差不一前已奏定均須由戶部頒領祖模所有現用各
種舊模一律即行停廢擬令各省局於未頒到祖模之
先一律暫行停鑄趕將各該省歷年鑄造銅元數目查
明自開鑄起共鑄出若干現積若干民間需用數目約
需若干並已經行銷州縣若干處其購定物料銅斤未
經鑄造者尚存若干限三箇月內先行據實報知財政
處戶部以憑考察多寡盈虛之數等語臣惟各省銅元
增鑄日多今由財政處戶部頒發祖模限制鑄數誠為

畫一幣制統籌全局之要政惟各省情事各殊就湖北而論近年所鑄銅元皆係發交官錢局經理聽商民備價赴局兌換從未在本省各州縣及外省各埠派員設局分售然隨鑄隨銷官錢局並無存積自本年八月二十七日准兩江督臣周馥電稱商准外務部將各省銅元仿照米穀辦法禁運出口擬自九月初一日起飭各關一律照辦等語臣當即電復照辦一面通飭各關卡嚴行查禁本省銅元概不准運銷出境一面飭令造幣廠減鑄銅元十成之四蓋早已自行限制矣故自九月分起湖北銅元從無出境之事海關冊籍可考而知也

張文襄全集

卷六十五

奏議六十五

五

第湖北需用銅元情形有與各省不同者數端漢口為通商大埠每年貿易不下數千萬各幫生意出入皆用錢盤不用銀盤故漢鎮商務需錢獨多近年制錢缺乏全賴銅元為周轉兩年以來市面需用銅元之數迄未減少其不同者一也湖北以需餉浩繁發行制錢一千文之官錢票積年用出已數百萬張專恃銅元為應付武漢兩處商民以官錢票赴局兌換銅元者每日約需數萬串平時隨到隨兌因應不窮故官錢票之信用與現錢無異若鑄數太少不敷兌換商民稍覺取付不靈則散在民間之官錢票必爭向官錢局兌取現錢無從

應付立有傾塌之虞於湖北財政大局所關非細此其不同者二也夫民間以票兌錢斷斷不能限制銅元鑄數既少官錢局窮於應付勢必須向市面收購銅元以資接濟彼時錢商抬價居奇不獨官錢局賠累難支且恐市面之牽動利害出入關繫尤重此其不同者三也伏念財政處戶部限制銅元之意蓋慮各省貪利多鑄本省既無銷路必將設法運銷他省而他省自鑄之銅元轉致滯銷牽累誠非事理之平今湖北銅元專銷本省絕不侵佔他省銅元銷路則酌盈劑虛本省自能時其消息斷無一味多鑄自取壅滯之虞此理亦顯而易

張文襄全集

卷六十五

奏議六十五

六

見核計目前民用每日僅鑄百萬斷斷不能敷用相去太覺懸遠合無仰懇天恩俯念湖北省需用銅元尚亟暫予變通准由本省自行限制隨時體察情形按實在需用之數鑄造斷不容廠員任意多造自取虧耗俟一兩年後察看市面需用銅元較少即當遵照財政處定章辦理

硃批財政處議奏欽此

進呈擬訂鑛務章程摺

光緒三十一年十一月二十八日

竊照光緒二十八年七月欽奉上諭鑛務為今之要政昨經劉坤一張之洞電奏採取各國鑛章詳加參酌妥

議章程等語所見甚是即著該督等將各國辦理鑛務情形悉心采擇會同妥議章程奏明請旨務期通行無弊以保利權而昭慎重欽此嗣劉坤一因病出缺經臣遴委華洋各員購取英美德法奧比利時西班牙等國鑛章詳加譯錄於二十九年冬咨送外務部交待郎伍廷芳參酌編輯三十年十一月由該侍郎將擬訂中國鑛章稿本郵寄來鄂綱領具備惟似覺近於簡略其所定鑛地界限不得過三十方里亦覺限制太寬復經臣交在滬之英國鑛師布盧特重加增訂書成後又復委派多員暨遊學日本法政科畢業學生等並採取日本

張文襄公全集

卷六十五

奏議六十五

七

鑛章細心參校臣覆加酌核其中條款凡於中國情形稍有不宜者必再三研求詳審酌定冀免流弊而保利權謹纂成中國鑛務正章七十四款中國鑛務附章七十三條分訂兩冊查各國通例凡屬土地分爲地面地腹兩層民間產業止能管及地面其地腹則概爲國家所有故雖本國人民開鑛其准駁之權咸聽命於官至五金之屬及寶石等貴重鑛質更非官不得開采至他國人民斷不准承辦本國鑛務或設立公司間有外國人附股而事權仍是本國人爲主股分仍是本國人爲多日本律法尤嚴開鑛公司直不准外人附股惟中國

於未定鑛章以前已准洋商在內地開鑛此時自未便概加拒絕第從前所訂合同每有損礙華民生計及侵我主權妨我治理之處現在中國與各國議訂商約均有鑛務一條其文云中國政府允願招致華洋資本興辦鑛業凡各國人民能遵守中國所定鑛務章程者均准其在中國開采鑛產惟須比較諸國通行章程於鑛商亦不致有虧等語是此次所訂鑛務章程無論新舊鑛商但使於洋商不致有虧其於華民生計中國主權地方治理必當設法保持修改完善用資補救不宜過於遷就坐棄遠大無窮之利權查中國所富有者鑛地

張文襄公全集

卷六十五

奏議六十五

六

所缺乏者資財自無妨藉資於外國富商要之必令其有利可圖而不令外人獨專其利斯爲最平最妥之方故現訂鑛章聲明各國人民必能遵守中國法律乃准其承充鑛商又洋商非與華商合股斷不准其獨自開采其合股之法則無論官地民地華商洋商業主以鑛地作股鑛商以銀作股若係丙字類之鑛其股分之數有地之業主與出銀之鑛商各占其半除用費歸鑛商自籌外餘利均分蓋大宗緊要之鑛全在丙字一類至如乙字類鑛質較賤得利較薄者地股只作全股十成之三以示區別其作股一半之辦法現有直隸臨城縣

煤礦成案可援一切可資仿辦其真正華商有資本者儘可自充銀股之礦商與業主商允合辦力不能獨任一礦者仍准其附入銀股之洋商並設立專條令洋商力加優待具詳章程之內誠以開鑛一事資本甚鉅學問甚深專恃華商之微資土法之淺嘗斷無大效惟以鑛地與洋商合股則業主與出資本之人分享其利最為簡要公平然必俟除盡用費得有餘利之後以地作股者方能分潤則洋商自不致有虧竊惟中國今日定章明准外人在內地開鑛比較各國通行章程已屬處處從寬加之於鑛界年租鑛產出井稅均予量從輕減

張文襄公全集

卷六十五

奏議六十五

九

明示我重權輕利庶洋商均願就我範圍不撓法紀且處處皆國家與人民共享其利上等之鑛其餘利國與民各得其半中等之鑛其餘利全數推以予民此固足見聖朝寬大惠民之政超越環球諸邦亦可藉以鼓舞愚氓不致狃於積習沮撓大利果能上下相信中外相安將來地利大興窮民有養百貨日通農工商賈利益交資此乃經國久大之遠謀豈在目前區區之租稅微臣區區之意實注於此上年二月商部奏定鑛務暫行章程摺內聲明仍俟臣處輯有專書歸併辦理以免歧異等語自應參互考訂歸於畫一茲謹將擬訂中國鑛

務正章鑛務附章各一冊繕寫成帙恭呈御覽擬請敕下外務部商部詳加覆核俟核定後其正章即作為鑛律附章即作為詳細條目請旨頒行俾鑛業日興利源日濬實於國計民生均有裨益

硃批外務部商部議奏書併發欽此

改州縣賠款捐為學堂捐留辦本地學務摺

光緒三十一年十二月初二日

竊照賠款一項戶部行令各省攤籌湖北省派至一百二十萬兩臣當時會同前撫臣督同司道各府廳州縣籌議傳集紳董分認足數雖各屬辦法不同大率出於

張文襄公全集

卷六十五

奏議六十五

三

丁漕串票等項或兼資稅契或取給鋪捐計攤歸各屬州縣征解者約共銀六十萬兩羣知此款關係中國安危大局不敢不強忍遵從頻年以來勉力輸將民情極為困苦漸有力不能支之勢自上年臣回任後正值明詔興學頒定學章亟應於各州縣徧設高等初等小學堂以普教育而各屬紳民咸以籌繳賠款捐已屬萬分竭蹶更無餘力再籌興學之資臣以興學為當今急務不容須臾或緩此項賠款捐責諸民間本多勉強若將此款改留各州縣興辦學堂則以本地之財興本地之學父兄出資以培其子弟子弟力學以答其父兄一轉

移問名正言順當足以化怨為絃誦因與司道籌商定議另就本省土膏捐截捐銅幣盈餘等項酌量加提湊足每年賠款應解之數依時解足不誤償期而各州縣之賠款均改為學堂捐經於二十年八月起札行各屬州縣令將賠款捐全數免解留充本地辦理學堂之用名曰賠款改學堂捐令各屬州縣照原派之額另款收儲與本地端正紳士公同辦理專備各種學堂之需不准挪作他項公用因改辦之初民力能否支持民情是否允洽未敢遽定現已試辦一年民間知所納之款即為培植本地人材之用尚能遵章完繳自應奏明

張文襄公全集 卷六十五 奏議六十五 三

立案自有此項學堂捐經費有著各屬州縣均能遵照奏定學堂章程將高等初等小學及師範傳習所爭先舉辦並選派學生資送省城及日本學習師範專科以備各小學堂教員之用一洗從前觀望遷延之習此後漸次擴充必當使民智日開人材蔚起以仰副朝廷興學培材之至意

硃批戶部知道欽此

收回粵漢鐵路瀝陳辦理情形摺 并清單 光緒二十一年十二月二十七日

竊臣於上年二月間訪聞承辦粵漢鐵路之美國合興

公司並未知會中國私將公司底股三分之二售與比國公司董事亦大半易置比人查比與法通法又與俄合京漢鐵路已由比法兩國合辦若粵漢鐵路再入其手則中國南北幹路地權全歸比法等國掌握之中與俄人所造東三省鐵路鈎連一氣既扼我之吭背復貫我之心腹而借款本息太鉅年期過久限滿後斷無贖回之望其為中國大患殆有不忍言者臣探詢既確焦灼萬分立即電致湘省官紳並電致督辦鐵路總公司大臣盛宣懷痛言利害竭力爭持以合興無端違背合同亟應據理責言廢棄前約自臣倡此議後鄂湘粵三省紳民漸次傳播始知有粵漢路約不善之說議論推敲羣思補救無如合興公司既異常狡執美國富商復道合與之黨柏士來華運動自稱係華豐公司願借給中國鉅資助我與合興廢約而另訂合同將此路歸其承辦其實華豐無異合興然而術詭言甘於是被其煽惑者忽倡以美接美之說眾議紛紛大為所動臣以合興公司違約失信覆轍在前若仍聽以美接美是直以移花接木之計愚弄中國一切權利仍落他人之手中國絲毫不能收回與所以籌議廢約之意自相矛盾遂電滬力阻其議柏士因親至京師介其公使向外務部

張文襄公全集 卷六十五 奏議六十五 三

要求外務部函令來鄂就臣商辦其駐漢美領事復多方爲之游說臣面告以此約必廢無可商議柏士到滬後復三次來函攬辦路款均經臣嚴詞峻拒堅不允行由是袒美者咸嗒然失望而怨謗紛來阻撓百出籌議廢約之事益形棘手矣迨上年十一月初三日臣承准軍機大臣字寄光緒三十年十月二十一日奉上諭御史黃昌年請挽回路政一摺粵漢鐵路關係緊要現在合興公司正議廢約應卽另籌接辦著張之洞悉心核議妥籌辦理以挽利權原摺著鈔給閱看將此諭令知之欽此臣自奉明旨責有專歸乃益抱定宗旨不敢爲

張文襄公全集

卷六十五

奏議六十五

三

異說所搖然爲難之處不一其端臣初意以盛宣懷爲與合興公司訂約原議之人繫鈴解鈴貴資一手故開誠布公往復電商深冀其相助爲理不意籌商累月盛宣懷因宿疾纏綿困臥不能辦事正當喫緊之際臣去電兼旬杳不得復偶有病間答復而精神未能貫注終不得此事要領此時盛宣懷病勢甚劇屢瀕危殆無怪其然而湘中官紳之派赴上海者一則主張訂借美款幾爲柏士所愚一則徑自聘用律師直令赴美與合興涉訟經臣飛電力阻追回其事乃已羣議紛歧輕舉妄動幾誤大局此其爲難者一也臣以事機危迫稍縱卽

逝不得已始徑電出使美國大臣梁誠密商辦法該大臣復稱中國廢約之說喧騰報紙美公司已豫爲之地由彼富商摩根將比國股票重價收回一千二百分以爲事權仍在美人之手卽與合同不倍不能再言廢約美政府極力袒護屢飭其駐京使臣柔克義向外務部干涉聲言美政府斷不允廢此約合興總辦惠惕爾因出使大臣梁誠持正力爭辯詰甚緊遂擬撇開梁誠自行來滬設法把持此事經臣聞知切電上海總公司轉告惠惕爾彼卽來華無論改何辦法臣斷不承認囑其飛電阻回此其爲難者一也臣往復與駐美使臣梁誠

張文襄公全集

卷六十五

奏議六十五

三

電商直言廢約或致有礙國家交涉改爲贖約則僅係商務往來事出和平彼政府自無從干涉該大臣因就此意與合興公司反覆磋商彼延前美國兵部大臣路提前美國按察司英格瀾爲主謀梁誠乃延聘前美國外部大臣福士達鐵路專門律師良信等與之抗議路提等以美國國體東方商務種種關礙爲詞語意堅決福士達等再三辨詰始認原定合同之疎漏合興辦事之含混允聽中國政府修改合同收回權柄由美國政府擔保永不轉替而贖約則堅不允許經出使大臣梁誠痛切開導力陳三省之輿情中朝之意旨微臣之定

見大局之利害路提等甫允開議售讓辦法而合興索價浮冒初開七百萬元繼又索公司酬勞二十五萬金元借票餘利四十餘萬金元利息在外經與駁滅彼即以股東未曾議定經月遷延不允遽決比主復遣其親信至紐約極力阻止事幾中變此其為難者三也迨後議定贖路全價六百七十五萬金元另給利息甫將草約彼此簽字而比政府竟電美外部強行干涉比主復面晤摩根使悔議並介美總統之友美國上議紳比洛遲轉告美總統力翻此案美總統適接其駐華使臣柔克義電誤會我政府無意廢約且疑臣與出使美

張文襄公全集

卷六十五

奏議六十五

三

國大臣梁誠均非我政府授權經理之人遂欲挑別廢約兩字借端以廢草約危機頓逼幾幾功敗垂成臣於七月十三日電奏內已詳晰陳明此其為難者四也幸荷聖明昭鑒俯准施行外務部亦悉力主持一再照會美使聲明臣與梁誠實有辦理事之權美總統尙知慎重邦交轉圜允許其事乃定而鄂湘粵三省紳民驟欲籌此六七百萬金元約合華銀千餘萬兩斷斷無此力量假使款不應手非但立誤事機抑且貽羞中外此其為難者五也臣自奉旨籌議粵漢路事即屢次分電湘粵官紳公議切實籌款之法嗣准兩廣督臣岑春煊

十二月十一日來電云此事必須備有贖路的款方能爭論而粵紳渙散倡議者無錢有錢者不管紳力斷不足恃官力則艱窘已極更無擔任如此大宗之力且果使廢約立須鉅款應付即有別項籌款之策亦緩不濟急愚以為宜由鄂湘粵三省合借洋款若干萬分年勻攤認還此款借成約廢即以贖路不廢立時付還虛糜利息亦尙有限等語而湘紳函電亦無立籌鉅款之策臣體察湘鄂粵三省情形既屬相同不得已始定借款之議一面電商湖南撫臣轉詢湘省各紳湖南撫臣復電云與諸紳熟商均應遵辦徧加詢訪惟英領事所開

張文襄公全集

卷六十五

奏議六十五

三

利息較輕借款交付實鑄不須折扣惟於粵省別有要索利益之事臣婉辭推謝致借款之議久懸不定迨本年八月初二日猝然接到出使美國大臣梁誠電合與股東已將草約批准第一期款美金二百九萬八百六元零應於西九月七號即八月初九日在紐約交兌計期已近務請合三省全力迅即籌足於西九月七號以前電滙到美免致變局等語臣電致梁誠懇其展期十日以便趕籌覆電云第一期款商緩十日福士達謂前遵尊電將贖款備齊悔約索償各節警告摩根正約六號發押與否視此期交款為從違若再生變萬無挽回

務祈如期電滙等語蓋合興之意料知中國貧窘斷不能於旬日間猝籌數百萬巨款故其總股東於草約定後已將三箇月多方推宕延不批准此事成否未定以致籌不能籌借不敢借直至屆期前七日始電告中國批准立索交款若款不能集則此約全翻轉將譏我無款自誤此謀至狡至毒蔑以加矣其時英領事先期赴廬山避暑臣逆料急而相求要求必甚且議訂合同亦需兼旬以外而應付合興之款若愆期一日全局俱翻當此之時既不能乞緩於外洋復不能求助於他省以關繫中國南疆全局之大舉特旨飭辦之要政議論兩

張之洞全集

卷六十五

奏議六十五

三

年全球皆知若徒以無款之故竟致不能收回自棄草約不惟利權永棄而且將令各國譏笑中國辦事者皆空言無實之人以後一切邦交種種窒礙此七日之中臣憂煎萬狀繞室傍徨此事結局如何竟不敢預料此其為難者六也幸湖北官錢局信義素著尚為各國銀行所信臣召集司道剴切籌商均以大局利害所關同心擔任立即一面飭官錢局設法擔保先向滙豐銀行息借銀三百萬兩官錢局湊集銀二十餘萬兩竟如期電滙已到美國實非臣意料所及當即將贖路正合同電由軍機大臣代奏請旨畫押欽奉俞允一面電招英

領事回漢商訂借約英領事見臣處第一期付款已能暫行自借應付而贖路事關繫大局亦願助成盛舉於是前所要求者不再提及合同條款悉照光緒二十六年八月湖北因保護長江籌備餉需向滙豐銀行息借五十萬兩成案辦理業經將合同咨明外務部在案此項借款於鐵路權利固絲毫未嘗有所假借也借款既定應付合興第二期款遂於中曆九月十二日全數交清合興即於是日分電滙粵兩處公司洋人將在滬存儲之圖表冊籍在粵已修之鐵路及機車房棧一切備用材料悉數點交中國委員接收經臣派員分別接收

張之洞全集

卷六十五

奏議六十五

三

清楚查此次合興所訂售路合同載明中國政府可將合興公司在中國所有產業已成鐵路材料測量圖表開鑛特權以及在中國所有權利無論明指暗包一概全行收管等語玩開鑛特權及明指暗包之言可見從前所失權利之大實無窮盡今幸得全數贖回從此永斷葛藤消弭鉅患此皆仰賴朝廷威德暨樞部諸臣同心匡助三省紳民協力圖維出使大臣梁誠才識兼優忠實為國規畫辯論妙協機宜故此事克底於成現已議定修路之款由三省官紳合力籌集決不再借洋款惟款由本省紳民集股止能各籌各款各修各路大綱

必歸畫一而辦法不能盡同與他處鐵路之借款興辦者迥不相侔紳民辦事全賴地方官相助為理似須責成本省督撫督飭司道及地方官吏暨紳士商民因地制宜設法籌辦庶情形不致隔膜工程亦免延擱是否

有當伏候聖裁茲准出使美國大臣梁誠將合興公司所訂售讓合同暨收回未售金元小票已付息票並派員在粵在滬接收各件先後郵寄冊報到臣謹繕具清單會同署兩廣督臣岑春煊湖南撫臣龐鴻書合詞恭摺具陳伏祈聖鑒奉

硃批外務部商部知道單併發欽此

張文襄全集 卷六十五 奏議六十五 三

謹將美國合興公司議訂售路合同所譯漢文照繕清單恭呈御覽

一千九百零五年八月二十九日

代表 大清帝國政府為本合同第一位美國紐遮些

省合興公司為本合同第二位訂定合同事因一千八百九十八年四月十四日在美國華盛頓都城所訂正

合同及一千九百年七月十三日所修續合同本

合同及一千九百年七月十三日所修續合同本

合同及一千九百年七月十三日所修續合同本

合同及一千九百年七月十三日所修續合同本

合同及一千九百年七月十三日所修續合同本

或特權注銷聲明各該項合同所指鐵路決定自辦並

按例將注銷決定各節知照本合同第二位同時 大

清帝國政府願給本合同第二位以公道償費將上開

各項合同注銷又因本合同兩位議定第一位允給第

二位注銷合同償費數目計美金六百七十五萬元經

將辦法訂立草約聲敘如下

大清帝國政府與美國合興公司訂定草約

茲因中國政府將建築粵漢鐵路之特權及合同注銷

作廢又不准合興續辦路工惟情願給以公道償費此

項償費訂定總數計美金六百七十五萬元中國政府

張文襄全集 卷六十五 奏議六十五 三

可將合興在中國所有產業已成鐵路鐵路材料測量

圖表開鑛特權以及在中國所有應得權利無論明指

暗包一概全行收管所有合興已提之中國政府借票

除已售之二百二十二萬二千元外一概交還中國政

府查收至此項已售之二百二十二萬二千元或交還

或收存仍聽買主自便如買主願意收存或全數或少

數每百元應按九十元計由總數六百七十五萬元之

內扣抵惟不論如何辦法此項二百二十二萬二千元

借票在西一千九百零五年五月一號應付息銀五萬五

千五百五十元中國政府須自本日起於三箇月內照

數付給又總數六百七十五萬元內中國政府須自本日起於三箇月內先交二百萬元所餘之數須自本日起限六箇月內一律清付合與照收所有交款訂明由中國政府妥速籌辦中國政府每次所交之款須自一千九百五年五月一號起至交款日止按年息五元計加付利息以上辦法應由中國政府及合興股東彼此批准方作定議一千九百五年六月七號福士達路提英格瀾簽押

又因本合同第二位之股東於一千九百五年八月二十九日會議將上開草約按例批准並經本合同第二位

張文襄公全集

卷六十五

奏議六十五

三

位之股東多數及董事員等准照將上開草約實行本合同第二位之執事人員得議定所有實行此約應須之合同又因欽奉大清國大皇帝諭旨將上開草約按例批准並派湖廣總督張之洞出使大臣梁誠實行原約是以本合同兩位議定如下

本合同第一位允給第二位美金六百七十五萬元並由一千九百五年五月一日起計至按期或分期交款之日止按年息五元加給利息按照下開辦法於一千九百五年九月七日或此日以前應交二百萬元及所餘之數於一千九百五年十二月七日或此日以前均

由本合同第一位在紐約城用美國金元交給第二位收受並無折扣俟第一位將此款美金六百七十五萬元及其利息交付第二位收受清楚第二位即將所有因前項各合同特權或因注銷該項各合同之故可向大清帝國政府索取各事概行解放並按照上開辦法第二位又將合興公司在中國之產業已成之鐵路材料圖表礦利諸特權以及合興公司所有在中國無論明指暗包之產業均一概交還第一位收執本合同兩位均願大清帝國政府將第一位按前項各合同在中國應得產業一概接管惟彼此聲明非將末次款項

張文襄公全集

卷六十五

奏議六十五

三

交付所有現情仍然不改而第二位之名分及利益亦不因此合同而有改變彼此又聲明本合同第二位由本日起四十日內將已經售出之大清帝國政府借票二百二十二萬二千元或留存或繳還第一位之處知照本合同第一位如此項借票業主或業主等不如期將所定辦法知照第二位即作為該業主或該業主等願意留存借票第一位可將留存之票每元按九折在末次付款內扣抵本合同第一位允付已借借票自一千九百五年五月一日及九月七日或此日以前應付利息並允凡借票業主留存之借票本息到期即行

交付又彼此訂明一千九百零五年六月七日所訂草約概經兩位認實批准一概按約實行於上開年月日本合同第一位由湖廣總督張之洞出使大臣梁誠欽奉諭旨將此合同錄副簽押本合同第二位由該公司總辦及書記將此合同錄副簽押並將該公司印信蓋用以昭信守

湖南湖北廣東代表人湖廣總督張之洞押梁代

出使大臣梁誠押

合興公司總辦惠惕爾押

書記谷德押

張文襄公全集

卷六十五

奏議六十五

三

見證人英格瀾押

福士達押

謹將出使美國大臣梁誠在美國及湖北派員在上海廣東分別接收合興公司交還粵漢鐵路一切財產物料圖表契券冊籍開列簡明清單恭呈御覽

計出使大臣梁誠在美國收回合興公司點交各件

一收金元小票七箱計共四萬五百五十六張面值美金二千七百七十七萬八千元

一收息票計共四千四百四十四張

一收勘路定路探水鑽地造房各種圖橋梁溝渠車站

車輛鋼軌鐵廠煤礦各種圖又草圖總圖形勢圖工程圖報告圖並各項估單計共一百一十九件

計湖北派員在廣東收回合興公司點交各件

一收自石圍塘至佛山雙軌鐵路三十五里零六四

一收自佛山至三水單軌鐵路六十四里零六八

凡附屬鐵路之橋梁馬頭站屋車廠貨棧機器車輛剎船等項及各站未估價之存料一律接收清楚

一收鐵路各項圖表三千一百六十二張

一收鐵路地契二千四百一十五張

一收購地領狀八十四張共計地價銀十二萬二千五百九兩

張文襄公全集

卷六十五

奏議六十五

三

百九兩

計湖北派員在上海收回合興公司點交各件

一收總公司正契四千六百八十五張

一收領狀一千七百七十八張

一收文卷二十八宗

一收豁免丁漕清冊六本

一收上海廣東及美國用款並行車等報銷譯冊三十本

本

一收散圖及估單三十四張

一收廣東購地局解送副契副領狀關防文卷帳冊及

購地散圖計共三箱原解清冊三本

一收管理處副本圖樣估單共三百十餘張洋文帳據

並各項冊簿共一百六十六包

一收紙件共十八箱車脚廢票共五箱

一收器具共二百二十餘件

一收銅船股分票一張

張文襄公全集

卷六十五

奏議六十五

五

張文襄公全集卷六十五終

新城王樹森校

張文襄公全集卷六十六

奏議六十六

覆陳黃昌年所奏粵漢鐵路各節摺光緒三十一年十一月二十

日

竊臣准軍機大臣字寄光緒三十一年十一月二十八日奉上諭御史黃昌年奏路權至重贖款難擔亟應興修嚴杜干涉一摺借款修路流弊滋多應由三省集股興修以保利權不准借用外債該御史所奏各節著張之洞據實覆奏原摺著鈔給閱看將此諭令知之欽此跪誦之下仰見 聖主慎重路政豫防流弊之至意曷

張文襄公全集

卷六十六

奏議六十六

一

勝感悚臣自奉旨責成收回粵漢鐵路與美國合興公司議廢合同深知合興根蒂深固消息靈通中國官場袒助者多不易措手顧念路權在人掌握即鉅害在我腹心非決計收回無從挽救用是不敢避怨不敢畏難密電出使美國大臣梁誠相機操縱據理辯爭磋商一載有餘其間波瀾疊起枝節橫生機甫轉而旋翻議垂成而忽變臣仰稟宸謨堅持定見局外旁觀咸謂中國已失之權斷無覆水重收之望迨臣拒絕美商柏士要求之後凡持以美繼美之說者尤不便於臣之所為謗譁繁興阻撓百出必欲攬敗此局而後已幸賴聖明乾

斷主持於上三省輿情固結於下美政府知中國志堅
意決合興理屈詞窮又以廢約之名改爲贖約僅屬公
司商務事出和平於國際邦交絲毫無可挑剔合興始
就範圍本年八月間贖約議成實爲祖美黨意料所不
及之事坐失大利銜恨次骨既於贖路一端無從置喙
乃於借贖路款一端造爲去美來英之說散布謠言喧
騰報紙顛倒黑白橫肆詬病其中情節顯然易見湘省
正紳早有見聞言者不察輒以上瀆宸聰既蒙天語垂
詢謹就該御史所稱五不可解者敬爲我 皇太后

張文襄公全集

卷六十六

奏議六十六

二

鼓舞三省紳民早備贖款以自立於不敗之地乃臨事
俯張甘吞芳餌輒行息借英金一百十萬鎊徑指國家
餉項之膏捐作抵等語查倡議廢約之始臣卽分電湘
粵官紳預籌的款湘紳初議擬按畝酌抽穀捐就鹽加
抽口捐粵紳則議行彩票及出洋招股湖北尤爲貧窘
本省紳士僅議提各州縣積穀資興變價濟用總之或
懸擬未定或窒礙難行或零瑣無益或遲緩難待眾論
歧出百計搜羅皆無驟得鉅款之策署兩廣督臣岑春
煊因於上年十一月十一日由梧州行次電臣云紳力
斷不足恃官更無擔此大宗之力宜由三省合借洋款

按年分認攤還等語湘紳張祖同席匯湘等來鄂與之
籌商亦深以岑春煊之說爲然以爲舍此別無速化之
術可應急需臣查修造鐵路借用外款環球多有其利
害只在合同權限權限不清則不論何國皆屬有害權
限若清則不論何國皆屬無害卽如粵漢鐵路借用美
款扣多年久且并令其包辦工程甚至鑛權特利多所
假借遂至授人以柄路權盡爲債主所操爲害甚大巨
今所借英金一百一十萬鎊年息止四釐半不折不扣
較上年戶部訂借匯豐鎊款節省甚多然並不以鐵路
作押僅以三省自有之膏捐作保於路鑛一切權利絲

張文襄公全集

卷六十六

奏議六十六

三

毫不許干涉此項借用言明本利分十年攤還計每年
應還本利不過十餘萬鎊三省以七成分攤湘粵各攤
三成鄂攤一成兩湖指定賑糶米捐歲可得七八十萬
兩粵省由督臣岑春煊擔任籌定的款備撥並有粵境
已成鐵路行車餘利每年二三十萬兩以之分年抵還
借款本利實已有盈無絀况合同載明五年後中國如
願全數清還亦可聽便但使有款可償毫無留難糾葛
其以膏捐作保者向來借款必有保款凡關財政何一
款非國家之餉項不過因此項乃近年新籌之款且止
屬一端與藩庫款關稅款之垂爲經制釐金局之關涉

通省者名義輕重迥不相侔且膏捐爲三省所共有爲外人所共知雖加稅免釐後此捐仍可照收故易於取信然抵還既有實項則保款僅屬虛名不獨於八省統收之膏捐毫無牽涉即於應歸三省自用之膏捐亦略無妨損蓋三省需餉無不緊迫斷不肯不另籌贖路專款而坐耗膏捐之理該御史乃謂自任廢約之日卽應鼓舞三省商民早備贖款是竟不知七八百萬金爲數之鉅不知今日中國財政之困弊並不知湖南民力之艱難是則真不可解者也竊考倡議廢約至今日已兩年矣除湖北米捐撥充路工一款乃出臣意札行湖南

張文襄公全集

卷六十六 奏議六十六

四

米捐撥充路工一款乃係臣電商湖南撫臣照辦此外三省議論函電不啻數千萬言矣果已籌有一錢之實款乎然則籌款果易乎又原奏稱盛宣懷開報用費六百萬美金元準以廣東所造之路較外國造路價逾十倍該督所借贖款較諸盛宣懷開報有盈無絀豈竟無可核減耶然報章所載息借之款以七十萬鎊匯交美使梁誠以四十萬鎊匯交鄂督則此四十萬鎊豈盡三省開銷之用卽非如是亦應將贖款若干用費若干開列清單上之商部政府方爲正辦豈謂贖路自我爲政諸事不關朝廷乎等語查粵漢鐵路收回自辦其與

合興公司交涉辦法不外兩端一爲廢約一爲贖約廢約則應先請朝廷明降諭旨宣布廢約之緣由一面由外務部照會美使並行文駐美使臣照會美外部一面由三省延聘外國律師派員赴美備與合興公司與訟認而得直則合同可廢應還合興用款須憑彼國法堂公斷訟而不直則合同仍不得廢且須另給合興公司賠償其數不能懸揣臣屢接駐美使臣梁誠函電謂美國富紳摩根已重價收同比股一千二百股美政府卽視合興爲並無違背合同之處設與與訟彼必左袒公可如我不得直非但虛糜鉅費亦且有礙邦交等語臣

張文襄公全集

卷六十六 奏議六十六

五

又屢接外務部來電以美國駐京使臣柔克義疊次照會聲稱美政府不允將合興合同作廢等語體察情形直言廢約徒延時日徒多繁費而萬不能行因與使臣梁誠密商定爲贖約辦法贖約則彼售我購議價須由售主允認合興本意不願出售迫於公論始肯開價據稱中國定欲索回股票現已漲價每股必須三百餘金元公司六千股計需二百餘萬金元代支造路費四百餘萬金元特權鑛權種種所值又數百萬金元加以餘利小票四十餘萬金元公司酬資二十五萬金元共計值一千數百萬金元等語經使臣梁誠再三指駁遞減

至七百萬元萬萬不肯再讓嗣復與摩根路提英格
瀾等理論始定爲六百七十五萬元另給小票及售
價議定未付以前五釐利息此蓋屢經較減而後定爲
此數其後摩根於收款時尙索加金元小票餘利駁以
草約先經議定簽字不得再有異詞彼始無語臣查合
興售價雖昂然中國收回種種權利所值豈止此數過
加駁詰徒堅比股護利抗拒之心凡事關國際當持大
體不當惜小費議價之初湘紳龍湛霖王先謙等公電
致臣謂我能將該公司提用小票無論浮支濫費祇要
有帳可開一一承認美廷當無異議又電謂接頂自辦

張文襄公全集

卷六十六

奏議六十六

六

誠爲善策三省祇求收回此路卽多花費亦所不惜等
語均屬深明大體之言與臣意見正同蓋事機之來間
不容髮若必斤斤計較多方駁減恐至今仍無成議而
時局紛紜外謀奇幻不知現在又成何變局必致此約
終不能收回矣至一切付款皆由出使大臣梁誠經手
計八月初九日付第一期款美金二百萬元加息一百
二十九日美金三萬五千三百四十二元四角五分西
五月一號應付借票息美金五萬五千五百五十元統
共二百九萬八千九百九十二元四角五分九月十二日付
末期款美金二百七十五萬二百元加息一百六十二

日美金六萬一千三十二元零另給律師美前外部大
臣福士達津貼美金一萬五千元合興公司總辦惠惕
爾酬資美金一萬元統共二百八十三萬六千二百三
十二元零每次付款均據駐美使臣梁誠來電先後電
達軍機處外務部商部查照在案該御史謂應將贖款
若干用費若干開列清單上諸商部政府豈致樞廷外
商各部之電文均不足爲據耶至第一期付款係在英
款未經借定以前其時事機萬緊另向漢口匯豐銀行
暫行息借交兌迨英款借定後因於合同訂明以七十
萬鎊匯交駐美使臣梁誠以四十萬鎊劃付鄂省撥還

張文襄公全集

卷六十六

奏議六十六

七

匯豐借款亦經臣於八月十一日電達軍機處外務部
商部云向英國訂借贖回粵漢鐵路款英金一百十萬
鎊今日同英領事面校華洋文合同彼此簽押定於華
九月初八日全款交清屆時當卽將合興第二期款全
數付訖前電匯梁使第一期款係向匯豐暫借茲卽於
此次借款內撥還矣等語所謂撥還者卽指此四十萬
鎊而言該御史以此四十萬鎊未經匯美遂故作疑詞
曰豈盡三省開銷之用其意殆以爲此四十萬鎊爲鄂
省所乾沒矣試思乾沒之款有於合同內大書特書者
乎此等怪誕之談更無足深辯矣又原奏稱該督之責

止於廢約至修路關繫重大為國家三省權利所在非該督一人所能獨攬乃偏給湘紳關防意存見好實無事權以為借債修路箝制眾口之伏綫等語查上年十月間臣欽奉寄諭粵漢鐵路關繫緊要現在合興公司正議廢約自應另籌接辦著張之洞悉心核議妥籌辦理等因夫曰另籌接辦曰妥籌辦理則凡路事之始終皆在聖主委任責成之內苟為臣愚思慮之所能及安敢不遵旨悉心籌議而該御史目為專擅設臣但廢約而不籌贖款以致因無款悔議或約竟不能廢而地亦不自購竟多為洋公司所購則言者又將以推諉誤事

張文襄公全集

卷六十六

奏議六十六

八

不能善其後責臣矣至刊給湘紳關防一節查本年二月間據湘紳公呈前湖南撫臣端方及臣處以粵漢鐵路無論能否收回亟須先行籌款購買鐵路地基以保地權擬請刊給湖南鐵路籌款購地公司關防等語蓋恐此路未必能收回故不得已為此籌款購地之策此乃湘紳萬不得已之苦衷臣以湘紳既擬設局必有主持局務之人電詢湘中擬公舉何人旋准前撫臣端方電覆現湘紳擬以前刑部右侍郎龍湛霖前國子監祭酒王先謙為總理候選道張祖同安徽候補道席匯湘為總辦三品廕生龍紹瑞為會辦翰林院編修汪概翰

林院庶吉士譚延闓前工科給事中馮錫仁候選道孔憲教前甘肅甯夏知府黃自元吏部主事葉德輝為總議紳祈分別挈銜繕給咨札等語因即會同湖南撫臣核准照辦此項關防經湘紳函催電催面催不下十餘次直至今年四月始行刊發溯查自去年以來湘紳於鐵路一事疊次電函面陳一切皆請須專由臣處主持臣謂必須會同湘撫反覆詳說湘紳因即遵辦在籍湘紳人數甚多此可考而知者也夫籌款購地正恐廢約難成藉此稍資抵制事為地方官應辦之事臣忝任湖廣總督湖南為臣兼轄省分臣即無廢約之責關繫兩

張文襄公全集

卷六十六

奏議六十六

九

湖土地之事豈能委諸不問咨札照會皆督撫會銜何所見而謂為專擅該紳龍湛霖等素著鄉望為眾公推出而任事皆勉盡義務並不支給薪水何遂足以見好該公司局設湘省人由湘舉章由湘擬何謂實無事權其時贖路尚無眉目何能遽計及借債修路至借與不借聽之三省眾情何所用其箝制且湘省果能籌款即不須借債矣何以責紳籌款轉為借債伏綫此等深文曲筆誠思之不能得其解矣又原奏稱外務部以拒絕外債電知鄂督該督反謂湘紳亦主借債修路夫湘紳果主借債也當初何必力爭廢約即有不肯湘紳諒不

過遊宦湖北承迎該督意指乘便攫利不顧破壞大局該督輕信屬員蒙蔽之言等語查粵漢鐵路共長二千數百里在鄂境者不足二百里在湘境者實長一千二百餘里衡州以上且多山路酌中估計每路一里以一萬五千兩計之湘省路工須款一千八百餘萬兩加以贖路本息之款留存美國金元小票本息之款湘省分認七成之三約須款五六百萬兩本省招股應給之息尙未核算統計已需二千數百萬兩近年各省情形皆有民窮財盡之慮此項路工鉅款卽分年勸募不敢謂必有把握則全路告成之日實恐遙遙無期假如借款

張文襄全集

卷六十六

奏議六十六

十

修路則五年之內全路刻期可成路工早成則車利早見見利之後招股自易招股一半車利一半期以十年債款便可清償至借款之法分年分起陸續籌借不主一國但給利息不令包辦工程不予別項權利亦不以鐵路作爲抵押則雖借外債自無流弊湘省眾紳之代表人道員張祖同席匯湘等來鄂時臣曾與籌議及此皆極以此說爲然臣通籌熟計借款修路若權限謹嚴本非必不可辦之事蓋深恐籌款不易卽能籌亦不能多款少則工遲工遲則利緩無利則累深故於借到贖路款後卽照會英領布此一著以備緩急嗣因外務部

來電慮滋輻輳臣於九月二十七日電覆外務部謂當力勸三省紳民自行籌款二十九日復電外務部並電戶部尙書張百熙稱粵漢鐵路決計籌款自辦不借外款等語是修路借款久已作爲罷論矣該御史於時事茫然不知於鄉事亦茫然不知忽於十月二十八日事隔一月之後追咎修路借款已罷之議并追咎借款贖路之舉實屬可怪并誣及遊宦湖北之湘員乘便攫利破壞大局不知贖路款皆使美大臣梁誠經手鄂員湘紳有何利之可攫也湖南在籍吏部主事葉德輝於借款罷議之後來鄂慮及款艱工遲深惜借款不成之非

張文襄全集

卷六十六

奏議六十六

十一

計該主事固非湖北之遊宦屬員也謂鐵路已收回爲破壞大局不知如何而後爲保全大局也又原奏稱該督所訂英債合約明署香港政府傳聞尙有附約暗許權利又擅給英領事照會如云中國或需再行借款先儘英國機器材料如向外洋購辦須向英國商廠詢問等語又聞造路工程師該督已許參用英日授人以隙等語查借款合同借自何人自應署明何人之款此次英金一百十萬鎊實借自香港總督何能匿而不書向來各國銀行經手借款必有折扣與虧甚鉅且借定後須由外務部一面照會外國駐京公使一面咨照我出

使大臣外國公使方電告外洋該銀行始製造小票或數千張或數萬張請我使臣每張蓋印始能出票招股委曲繁重付款總須在四五箇月之後此次贖路急需付現之款多至七八百萬金合與批准至交銀限期促至七八日尋常借款之法斷不能行外國銀行斷不能承辦適漢口英總領事法磊斯前曾告知香港現有存款願爲介紹取息必可較銀行爲輕並可不須折扣是以與之定議其另給照會係防將來自籌之款萬一不敷或須續借洋債英既承借贖款在前屆時必將爭攬應先明定限制無論借用何國之款皆不得輕許以絲

張文襄公全集

卷六十六

奏議六十六

三

毫權利俾免後來者或有失算此正爲杜漸防微起見何反謂爲暗許外人權利乎查照會原文云將來粵漢鐵路修造之款除中國自行籌集外如須向外洋借款當先向英國詢商開價如與他國所開息扣比較相同先儘英國銀行承辦如他國所開息扣等項較英國所開公道便宜仍由中國酌擇公道便宜者另行籌借如修造粵漢鐵路之款已向英國借定則將來粵漢鐵路需用機器材料除中國自有自造外如向外洋購辦應先向英國商廠詢問開價仍與各國商廠開價比較價同則先儘英廠承辦如他國所開貨美價廉仍由中國

擇宜訂購此外湖北湖南境內另有修造鐵路之事儘亦須向外洋借款并可照上條修造粵漢鐵路借款辦法一律辦理至修造鐵路需用之工程師言明一半用借款之國人一半用日本國人將路工分段承辦各辦各事凡鐵路公司一切用人擇地管路行車等事均由中國自主工程師但管分內應辦工程之事餘事皆不得干預等語茲將原文鈔送軍機處外務部商部詳加察閱當可知臣慎防後患之苦衷言者乃謂爲密約謂爲暗許不知照會詞義皆係光明正大之言且當時會經電商兩廣督臣岑春煊旋即將照會分咨廣東湖南

張文襄公全集

卷六十六

奏議六十六

三

兩省海內皆知何所謂暗何所謂密至此照會專爲借款修路而設九月內將合同咨送外務部時已經定議修路不借洋款是照會之言業已作罷故未再鈔咨外務部然電商粵省於前咨行於後何密之有至鐵路工程師但言一半用借款之國人一半用日本人並未指定必用英國人其明言用日本人者日本工師修造省費聲價較廉藉此既可與借款國之人互相比較且以杜把持專攬之弊具有深意今已告知英總領事粵漢鐵路全由中國自籌不再借用洋款該領事毫無異言假使有暗許權利之事彼國公使豈肯隱忍不言有不

向外務部饒舌者乎正以此照會限制甚嚴語意分明聲明除中國自行籌集外如須向外國借款等語既係籌款自修彼自無可希冀且雖借英款亦僅有應得之利息購料之餘潤并無大宗權利之可圖故不致擾瀆耳不謂該御史乃欲藉此深加文致也該御史又謂臣欲攬此莫大權利股湘鄂之脂膏以供其虛糜浪擲不知鐵路之利在路成行車以後若京漢津榆已成之路已經困極而亨坐收車利方有權利之可言若湘粵鄂三省之路至速須十年以後方能告成現在正以籌款爲苦湘省諸紳籌議年餘僅止略有規模並無確實把握而應付第一期贖路之息即在目前屢接湘紳來電催辦語意甚形急迫至粵省乃富饒之區然近因籌款未妥官紳決裂大起波瀾現在情勢洶洶尙不知若何了局鄂省則不過仰屋憂焦而已是此時三省官紳皆正在盤根錯節艱難困苦之時該御史乃謂官此土者有莫大權利耶且湖南公事凡向由官辦者亦多有紳士協助況由紳籌款之事更係紳董經理湘省大吏亦不過主持定議專司考察督催其購地興工購料等事全在大小紳董其虛糜浪擲與否責有所歸湘省撫臣以下且不經手其銀錢况遠駐鄂省之督臣不知從何

張文襄公全集

卷六十六

奏議六十六

四

腋削從何虛糜卽如現在鄂省設立三省粵漢鐵路總局札內言明各員俱不開支薪水夫局員薪水尙不開支從何有虛糜浪擲之款乎似未免不近情理矣總之廢約必先贖路贖路必先籌款款過鉅期過急則必須先借贖路之款既借贖路之款則此借款之國必思攬以後借款造路之權利臣既知中國籌款之萬難則必預爲將來萬一借款之計故趁此聲明用人購料一切權限以杜流弊猶恐專用一國人萬一有逾越權限之弊於是指定分用兩國人以杜其專攬之謀蓋局外者可以任意吹求而局中者不能不層層慮到以備贖路

張文襄公全集

卷六十六

奏議六十六

五

矣臣以衰朽庸才奉旨籌辦廢約幸已將此路收回稍紓憂憤少減咎責此後修路工程除在鄂境者路止二百數十里臣自當督飭官紳妥籌辦理外若粵省鐵路應請責成兩廣督臣籌辦其湘省鐵路事宜若在籍湘紳有公呈函電懇請臣處主持者臣當與湘省撫臣會商辦理若在籍湘紳無公呈函電至臣處者即由湖南撫臣辦理合併陳明除三省會議修路公共大綱條款另由臣會同兩廣督臣湖南撫臣另摺具奏外所有遵旨據實覆奏緣由理合恭摺具奏

硃批外務部商部知道片併發欽此

張文襄全集

卷六十六 奏議六十六 六

尹銘綬等條陳粵漢鐵路各節當會商辦理片光緒三十一年十一月二十七日

再准商部咨據情代奏編修尹銘綬等條陳粵漢鐵路事宜一摺經商部議令查照所陳各節會商兩廣總督湖南巡撫妥籌辦理具奏奉旨依議欽此各行到臣查該編修尹銘綬等原呈大致分籌款用人購料為三項著重尤在不招洋股一端查粵漢鐵路經臣查照外務部宗旨現議定各就本省自行籌款興辦既不用洋債自更無招募洋股之理且兩年來從無招募洋股之說其購料一節凡中國所自有及能自造者本無庸向

外洋購辦早經臣與三省紳商議定詳載三省公共條款十四條內另摺奏陳至用人一節該編修等以鐵路工程師宜取資中國出洋畢業學生近見報載留美學士議論誤會專用洋師遂多舛望夫以中國路工任用華員原屬正辦游學生志在效用亦係恒情竊惟興學儲才取材內地不假外求正是微臣向來辦事宗旨特是外國辦事最重實驗工程師非富有經驗閱歷者斷不能遽辦大工中國學生近年來始有學習路工者雖有美才功候尚淺即間有入學較久之生學業優而未經實驗亦難遽膺重任粵漢路工大約將及十年方能

張文襄全集

卷六十六 奏議六十六 七

竣事自當隨時訪求中國畢業學生先使隨工差委再派充副技師鉅工要職循序漸進臣於本年夏間已在日本招集湖北學生籌款興設路礦學堂並已定議於鄂省洋務局內附設此項學堂並當商勸湘鄂兩省一體設學造就此等人材以備他日之用惟目前勘路興工實不能不暫雇用洋工師此項要工路線工程得失利病關係全局一成不變實不敢以未經歷練之學生輕於嘗試然洋工師止令承辦本分工師之事其餘一切權利概不令其干涉並當會商湘粵兩省妥籌辦理遇有雇用洋匠采辦洋料訂立合同之事隨時咨明外

務部商部查照除分咨兩廣督臣湖南撫臣轉飭在事各紳遵照外理合附片具陳伏祈聖鑒

鄂湘粵官紳會議修路公共條款摺并清單光緒三十二年

正月十日

竊照粵漢鐵路向美國合興公司收回自辦業經臣等將該公司售路合同並接收各項契券圖表冊籍財產物料開具簡明清單會摺奏陳在案查粵漢鐵路延長二千四百餘里工鉅費繁加以贖路之款為數已鉅亟應妥速籌議開辦路工以期早興大利惟工歸本省自辦即款須歸本省自籌近年各省公私匱乏撥助官款

張文襄公全集

卷六十六

奏議六十六

六

既不能多全賴本省紳商勉擔義務認募鉅貲三省情形不同自以各籌各款各修各境為一定辦法而其中應互相聯絡貫通互相稽查催趕之處仍須兼顧統籌免生推諉庶十年之內全路可冀觀成當由湘粵兩省紳商公舉代表紳員來鄂會議商定公共條款十四條一分認贖款二公聘勘路工師三分聘修路工師四分辦路工限修枝路五三省成路分攤車利六粵修湘路限年贖回七比較路工期免遲緩八省佛枝路車利專充贖款九粵境幹路存料估價歸三省分領十粵境已購地基核價歸三省分領十一三省派員互相稽查十

二鋼軌鐵料專用漢廠所造十三三省籌款招股不相侵佔十四比照外洋章程酌提報效刪除浮費以上各條於各專責成之中仍寓通力合作之意又豫議路成後條款四條一國家軍用轉輸二有戰事時稽察防範三公司應行減價人員四公司應納營業稅此四條均擬查照外國商辦鐵路章程參酌辦理以上所擬各條經臣等會同考核均尚簡要平允此外籌款購地開工行車護路養路各項詳細章程均應由本省官紳公商妥協另行陳奏臣等電商往復意見相同除分咨軍機處外務部商部查考外謹將三省會議公共條款另繕清單恭摺具奏伏祈聖鑒奉

張文襄公全集

卷六十六

奏議六十六

七

硃批該部知道單併發欽此
謹將粵漢鐵路鄂湘粵三省官紳會議三省修路公共條款十四條豫議路成後條款四條繕具清單恭呈御覽
一贖路款英金一百十萬鎊照七分攤派未贖之金元小票亦照七分攤派湘粵各認三分鄂認一分所有應付本息均按鎊價金元價依期撥交湖南款由湘省委員徑交漢口英領事廣東款由粵省自行交付香港匯豐若交款期忽有漲落仍按原分攤派

二三省擬公聘勘路工程師一人將全路覆勘一次以定確實路綫其用費勘至何省境地即歸何省認付

三三省除公聘勘路工師一人外其修路工師以及各項工人均由各省自行選雇如於公用工師一人之外願自聘工師覆勘亦聽其便

四三省鐵路各籌各款各從本境修起務期全路早日接通故議定路工三省同時並舉儘款先修幹路幹路未成以前三省皆不得另修支路致誤大工

五三省所修幹路無論修成若干里但能行車見利其所得淨利應彼此統行核計各按成本多寡攤派利益均均以開車之日起算

六湘省路綫較長今為全路迅速竣工起見湘粵兩省公同議定粵省修至邊境後湘省願將宜章以下至郴州屬境永興縣止之路工讓歸廣東代修一切權利均歸廣東收管以路成後二十五年為限湘省可按照廣東修路原用工本備價贖還如果粵省籌款或有不足自當另議惟須於一年之內先行知照湘省以便湘省預籌款項接續自修

七三省分境修路應互相催趕如此省修勤工速成路日多彼省修緩工遲成路見少應令少修省分攤認多

張文襄公全集

卷六十六

奏議六十六

三

修省分所用工本之利息以免遷延每屆一年彼此比較結算一次

八廣州已成省佛支路所得車利應專充贖路款仍按鄂一湘三粵三攤派

九合興公司已築粵境幹路工程及未用材料應請派員確估價值若干由粵認出按鄂一湘三粵三分領

十合興公司已購粵境幹路地基應核查契載款目由粵省認出歸鄂一湘三粵三分領

十一三省既按本分利應彼此互派人員稽查其詳細章程俟覆勘後開工前另訂

張文襄公全集

卷六十六

奏議六十六

三

十二三省定議全路需用之鋼軌一切鋼鐵料統向漢陽鐵廠訂購鐵廠所出貨色所定價值無論運至鄂省湘省粵省均應按照洋廠一律不得格外抬昂各省即不向外洋購買以保中國自有利權

十三鄂湘粵三省籌款招股辦法各就本省情形另訂章程稟請核定總以彼此不相侵占妨損為主并不得暗招洋股違者將所招股本充公

十四全路告成以後所得行車之利除開支公司薪水工食局用及養路經費撥還贖路借款本息核給股本息銀酌提公積款項外所餘淨利酌量仿照外國鐵路

各公司辦法以若干報效國家惟懇請將一切浮費概予刪除以恤商力庶於招徠股商之道大有裨益其餘全歸股東自行議章分派

續議章程四條

一此項鐵路如遇公家有運兵轉餉以及水旱偏災運賑之類所有轉運辦法應查照外國商辦鐵路公司章程參酌辦理

二遇有戰事本國用以轉運尤須防敵國暗中利用此路應如何稽察防範之處應查照外國商辦鐵路公司章程參酌辦理

張文襄公全集

卷六十六

奏議六十六

三

三各學堂遊歷學生以及海陸軍人如持有公家發給之特別文據均應照章減價但此項文據須查照外國辦法明定限制

四建築此路所納之營業稅應查照外國商辦鐵路公司章程參酌辦理

商定湖北境內川漢鐵路接修辦法摺

光緒三十二年正月

十三日

竊照川漢鐵路外人窺伺奸商圖攬議論多年臣於光緒二十九年任都時深知此事情形日緊憂惶萬狀四川總督臣錫良臨行時與之詳切籌商以路政為國家

主權之所繫况川省為上游奧區一隅安危實關兩服全局亟宜將籌款自辦之義及早奏明立案庶足杜局外之覬覦錫良深以臣言為然甫出都門即將川漢鐵路與臣商定之大指奏明由本省官紳集款自行舉辦仰蒙俞允欽遵在案臣於三十年春間回任後疊與四川督臣錫良往復電商分境自修辦法緣川漢全路延長三千餘里在川境者自成都省城經重慶府以達夔州府屬之巫山縣邊界計二千數百里在楚境者由巫山邊界入鄂境經巴東興山兩縣至宜昌府治約五百餘里再由宜昌經當陽縣荊門州襄陽府以達應山縣

張文襄公全集

卷六十六

奏議六十六

三

屬之廣水驛與京漢大幹路接通約一千二百餘里合計由鄂接川界之處起至廣水幹路約一千七百餘里若論畫疆分職各有界限各有責成自以川楚各修各境為正辦當時川紳未經商明即擬由重慶修至宜昌以便商賈鄂省聞之眾情甚為不愜湖北出洋學生斷以省界所在即權利所關尤力主畫境分修之說查宜昌以上直至四川萬縣皆係連山大嶺險峻非常過萬縣以西始覺稍近寬平計此路約一千餘里皆須鑿山開道工作極艱費用極鉅且山山相屬是否能穿隧道尚未可知而在鄂境者約五百餘里湖北土薄商貧近

年財力已憂枯竭現方議修粵漢鐵路鄂省所應分任贖路造路之款已屬不貲則接川之路一時斷難並舉鄂省官紳士民又不甘聽川省越境興工只可置爲緩圖虛存此說特是川省路工斷不能從川境下手屢接錫良電稱及川紳面稱非從宜昌修起則川民疑懼謂鄂境不修則川路無用必致認捐者中悔招股者裹足且川路運機運料非由宜昌入手則轉輸不便川路亦將無可施工所慮亦係實在情形此議相持半年適鄂湘粵三省官紳會議粵漢鐵路公共條款議將湘省邊界自宜章以下至郴州屬境之永興縣止讓歸粵省代

張文襄公全集

卷六十六

奏議六十六

西

修一切權利暫歸粵省收管以路成後二十五年爲限准照粵省原用工本由湘省備價贖回已經會奏陳明在案於是鄂中官紳以粵修湘路既有成例可援擬即將宜昌以上鄂路暫歸川省代修一切照湘粵前案辦理臣與錫良及川紳一再電商彼此允願應卽作爲定局但川路若僅修至宜昌爲止宜昌以下仍須改乘江輪以達漢口查由宜至漢之輪船暢行已三十年川省商務仍未大旺若歷鐵路而又轉輪船舍輪船而又遵鐵路紆折太甚勞費亦多此謂爲避峽灘之險則有之若謂興全蜀之物產地利則未也今欲盡川路之功效

自必以斜接京漢大幹路爲正辦然假使自宜昌以下沿江修路以接漢口之幹路則是江輪與鐵路平行並馳爭利適足自擠自妨更屬無此辦法故統籌南北枝幹全局必由宜昌北岸徑趨東北接造至湖北應山縣境之廣水驛與京漢幹路貫通一氣近接遼瀋遠達歐洲方足竟全功而收大利是鄂省境內應修之路既爲川省全路之尾閭卽爲京漢粵漢兩大幹路與川路之過脈有鄂路則川路爲不竭之源無鄂路則川路爲絕流之港鄂既承接川路以通於幹路則京漢粵漢兩路如虎之傅翼川路如魚之縱壑鄂路橫亘於中但爲兩

張文襄公全集

卷六十六

奏議六十六

五

幹路作津梁耳雖非從井救人亦未免厚鄰薄己惟是西南兩路大局所關川路創修臣實與議不敢不竭力至襄陽爲一段由襄陽至廣水驛爲一段臣現與錫良商妥鄂省已向日本訪聘上等工程師擬先將川楚全路由楚而川直抵成都通勘一次四川亦自聘工程師由川而楚直抵廣水亦通勘一次此工師專爲勘路不與修路相涉應如何審定路線及興工之先後次第兩省公商酌定至於用人估工籌款購地各節川楚各自籌辦如有與川省關涉者當隨時與川省官紳商辦將

來路成後統計全工計本分利其鄂境之路兩端未將
川路與京漢幹路接通以前仍各自計算本利惟路款
全須自籌則以一貧困孤立之鄂省而兼任粵漢川漢
兩路之鉅工措置實非易易惟有督飭官紳從長計議
能籌一分之款即修一分之路但冀堅持而不改不能
急遽以圖功將來俟粵漢幹路鄂境竣工之後屆時川
漢路工方可併力專營大舉興築此時擬先從廣水至
襄陽一段開辦勘定路線即行相機量力購地興工酌
量舉辦藉以繫屬川省商民之盼望鼓舞集股之來源
惟豫計宜萬路成二十五年以後川省所得之利已多

張文襄全集

卷六十六

奏議六十六

三

屆時必須准鄂省照約備價贖回既以昭川省官紳之
信義亦以免鄂省士民之責言惟有仰懇朝廷主持飭
下川鄂兩省恪遵奏案辦理全鄂幸甚

硃批該部知道欽此

查覆江西藩司周浩執法釀案各情摺

四月初四日

竊臣承准軍機大臣字寄光緒三十二年三月初四日
奉上諭有人奏江西藩司周浩執法徇情釀成重案請
飭查辦一摺著張之洞按照所參各節認真確查據實
具奏毋稍徇隱原摺著鈔給閱看將此諭令知之欽此

當經派委署湖北臬司安襄鄖荆道梁鼎芬及奏調差
委道員程祖福知府程道存等前往南昌按照原奏各
節分別明查密訪臣覆加詳核惟原奏端緒紛繁而以
關涉教案爲最要除將所參該藩司他事劣蹟另摺奏
陳外謹將該藩司執法釀案各情敬爲我 皇太后

皇上臚陳之一原奏謂南昌教案其原因皆起於藩司
周浩知府有崔湘者周浩鄉姻也柯逢時撫江西時以
釐局事參革其實牽涉教案該藩司欲爲謀開復向法
國教士王安之轉圜王因言在港教案有二教民在南
昌縣監禁如將釋出崔事當聽命該藩司以囑南昌縣

張文襄全集

卷六十六

奏議六十六

三

令江召棠江召棠請給劄周浩曰汝第勿言誰知者強
之出二囚適洋務局道員莊兆銘知之以告臬司余肇
康怒責南昌縣令該藩司顧爲緩頰余肇康曰令二囚
還獄具牒得請而後可江召棠大窘向王安之索縱囚
不得因遣幹役捕入城又逸其一匿法國教堂中復往
索之王安之大怒因責拏辦新昌教案兇犯蓋甲辰新
昌教案撫藩不允以兵力緝犯知府曹樹藩奉劄不肯
往改遣江召棠以計誘造謀舉人熊姓者誓以不死挾
之還省嗣兩年緝正兇無獲法人屢責言併請置熊於
法至是因縱囚復索事日與王安之刺刺不休一節查

崔湘係安徽太平縣人江西候補知府與藩司周浩兒
女姻親聲名平常光緒二十七年江西撫臣李興銳
以該員在署建昌府任內謠傳教堂運藏軍火率即督
屬搜查刁民藉勢焚搶致釀焚燬教堂之案奏參革職
並非因釐局事參革亦非前署撫柯逢時所劾崔湘被
革後日思復官周浩以其私親為之計畫三十年八月
遂會同臬司派辦處以法主教和安當履照會院司請
為援案開復詳請前署江撫夏肯奏准開復原官仍歸
原省補用此周浩因法主教照會為崔湘詳請復官之
實情也先是光緒二十七年南昌縣在港地方有天主

張文襄公全集 卷六十六 奏議六十六

元

福音兩教民人械鬪傷斃福音教民六命獲犯訊明奏
准分別永遠監禁及限年監禁議結內有葛洪泰鄧貴
和二犯皆天主教民定以監禁十年時江召棠尚未到
任也三十年前署江撫夏肯面諭江召棠以崔湘因教
案被議奏請開復而法主教即守信教士方遂志因崔
湘開復之故欲將在港案內監禁各犯除永禁五犯外
其有年限之犯均予保釋始無異詞江召棠因係上憲
所命不得已遂將葛鄧二犯與監禁三年二犯遵照江
撫夏肯面諭辦法於三十年十月同時以患病保釋十
二月報明署臬司糧道錫恩未批三十一年十二月派

辦處以案內監禁三年之二犯已屆限滿飭江召棠
查明江召棠因將上年已與監禁十年之葛鄧二犯先
期保釋通詳請示時派辦處道員莊兆銘以江召棠未
奉院批釋犯函告臬司余肇康余肇康亦以監禁之犯
不能禁釋自由批飭勒令葛鄧二犯還禁江召棠遂將
前江撫夏肯面諭及藩司周浩前臬司陳慶滋均經共
聞情形兩次單稟余肇康均有司卷可證江召棠原稟
有云恭逢三十年恩詔葛鄧二犯原議監禁十年現在
期限已及一半可否仰求憲恩將該犯等比照徒犯逢
赦之案免予到案抑仍不准查辦伏乞訓示等語余肇

張文襄公全集 卷六十八 奏議六十六

元

康未批准未幾江召棠覓設法將鄧貴和傳到而葛洪
泰已遁入教堂江召棠往索王安之不特不交且日促
釋放鄧貴和並要挾新昌教案懲兇恤款各事緣新昌
縣棠浦地方於光緒三十年四月有天主教士設堂挂
扁該處龔姓族人聚眾阻鬧教民羅永興賴克明二人
不知下落府縣勒令交屍交兇龔姓結團抗拒勢甚洶
洶前署江撫夏肯以府縣所請飭委知府曹樹藩統領
廖名縉帶兵彈壓龔姓始終負固各官稟請進剿新昌
之民强悍者已預備拒捕懦弱者已紛紛逃竄江召棠
時任南昌知縣慨然請行單騎前往曉導五日內果將

武舉龔耀廷龔祥解省並繳械具結息事蓋江召棠前任上高縣賢能有聲新昌上高鄰境故新昌之民素知其名能於五日內了一大案保全民命無算其才實不可及其功亦不可泯至是王安石之因江召棠日索已釋之犯遂屢以未能重懲龔耀廷等追擊正兇相責原奏謂新昌案撫藩不允以兵力緝犯知府曹樹藩奏劄不肯往又龔姓誤作熊姓皆係傳聞謫誤一原奏謂江召棠內受長官之欺外蒙教士之詬已有忿極輕生之見至正月二十九夜之教堂約會其變故係在教堂司帳劉姓之室江召棠故識劉姓或云因受劉姓之誑舉案

張文襄全集

卷六十六

奏議六十六

三

上雪茄刀自刎血流倒地僅傷皮膚王安石之因持利刃刺喉者再閉門踰垣徑謁巡撫告以實情胡廷幹錯愕未能答王安石之隨電法領事復返教堂當王安石之踰垣後教堂司閽密告江召棠之僕馳告新建縣令於是署鹽道沈曾植臬司余肇康先後馳至教堂王安石之持手槍當門曰中國官皆以無賴騙人某不願見遂遂巡與江召棠同署然猶能扶坐筆述三百餘字蓋喉管未斷尚可醫治一節查王安石之先於正月二十八日函請江召棠次日午後三句鐘便餐商議要務有函可證江召棠如期往祇帶家丁徐榮茶房黃榮二名既至王安石之

延江召棠人屏從人不許同進故其受傷情形無人目擊茲據江召棠受傷後書呈各官數紙一云王神甫說要我死案概了結關閉空房一刀一箭聽我死氣管已斷無救一云王安石之逼我放在港案內人犯棠浦案要賠銀十萬兩懲辦龔姓三人逼我立約簽字我不答應渠百般恫嚇被用刀剪連戮咽喉三下我死後以此字呈上憲代伸冤一云喉有三傷先被逼在密室有一快刀擊破煙用後逼著立刻放犯人鄧貴和彼此爭論其勢欲用武我即到劉先生房內議事亦才狡受逼將棹上刀自刎因怕痛不敢再割眼見有人掣一剪刀戮喉

張文襄全集

卷六十六

奏議六十六

三

兩下並有兩人將我手等語此紙缺數字又現據江召棠家屬交出該故員手書各紙一云一在花廳二在酒席三在密室後到劉先生房一云意是逼我自刎我怕痛不致死他有三人兩拉手腕一在頸上割有兩下又小字云痛二次方知加割兩次欲我死無對證一云生不驗死受驗心不舒也快喊作來驗一云作作驗即明白填傷單存案並要劉先生眼見相驗爲是各等語是所述在劉宗堯房內及受傷情形與原奏略有不同訊據家丁徐榮茶房黃榮等供稱江召棠到教堂後先在小花廳與王安石之坐談未久即到飯廳王安石之將

門關閉不令從人隨入初更時江召棠由內出密屬徐榮以棠浦案大翻被王安之逼迫不准走速請新建縣來王安之隨將江召棠追進閉門如故徐榮馳馬往請署新建縣趙峻未回二更時黃榮見王安之提燈同兩人出門忽有啞子熊姓向黃榮以手作江召棠被殺狀黃榮趕入見江召棠倒臥劉宗堯房內椅上胸前有血房內有三人不令人內黃榮即回署報信江召棠家屬至而新建縣先到堂江召棠已不能言語但執筆懸空手書被傷情節數紙交趙峻趙峻向教堂索刀剪無應之者當經江撫胡廷幹派署鹽道沈曾植署南昌府

張文襄公全集

卷六十六 奏議六十六

三

知府徐嘉禾同往看視江召棠又書數紙時王安之出門往見江撫已回該道府等詢問情形追索兇器王安之諉爲不知亦不允劉宗堯等出堂訊供該道府等遂將江召棠手書攜呈江撫事後始傳有王安之出見時袖藏手槍之說次日晨臬司余肇康往看江召棠遂告其家屬將江召棠輿歸飲食水漿皆從喉管傷處流出法醫謂其流血過多足以致死大約江召棠之爲人稟賦素強志定氣壯故尙能支延數日通計江召棠受傷以後手書由王安之轉交法主教郎守信者八紙照作七紙手書交新建縣及道府者共七紙湖北委員到南

昌後向江召棠家屬索出手書十紙向後任南昌縣索出手書一紙以上情節皆分別行查研訊互相考證與原奏亦略有不同至江召棠之爲人忠國愛民出於至誠事理精詳臨危不擾重傷慘痛之餘其手書數百言惟切切勸教士了案保護百姓保護教堂語不及私至其赴教堂由於函約酒飯其手書內屢云受逼又兩手書力催生前相驗並要劉宗堯眼同相驗不過欲驗明其並非自戕又一手書切請伸冤豈有赴堂時豫擬輕生之理原奏謂其受欺蒙誑已有忿極輕生之見實與情事不合一原奏謂事後兩日百花洲之會議人數以

張文襄公全集

卷六十六 奏議六十六

三

萬計至焚燬教堂四所斃教士九人連及英國婦孺其爲各大吏之不能先事預防無俟於言獨推原禍始若非藩司周浩散法縱囚逼迫屬員王安之何得如此凶狡亦何至釀此奇變一節查江召棠在教堂受重傷後二月初二日傍晚忽有人在百花洲演說此事文明抵制勸人不可暴動江撫胡廷幹暨司道聞知誠恐人多滋事當即傳約在省紳士於初三日清晨前往開導解散是時人多口眾往來無定未能查其實在之數及已午之間遙見老貢院天主堂火起地方文武趕速彈壓不及計燒燬城內老貢院法國天主堂一所松柏巷法

文學堂一所羅家塘英國救主堂一所又城外馬廐法國天主堂一所傷斃法教士王安之一名法教習許以約孟芳林梁志恆金姓不知名陸姓西名馬利予司五名英教士金傳安夫婦二名其一女孩受傷甚重即往九江醫治殤於中途計男女老少共斃九名要之周浩爲私親崔湘復官展轉蔓延以致釀此奇變即使縱囚可諉之夏肯面諭然該藩司既經在坐與聞推原禍始固亦不能盡辭其咎矣臣查此案原奏周浩因私親而後詳請開復教案被參之崔湘主教即守信教士方遂志因崔湘復官而後要索釋放在港案二犯因已釋二

張文襄公全集

卷六十六

奏議六十六

三

犯余肇康復責江召棠提回而後王安之亦逼索案捕案內之龔姓必須辦重辟賠巨款江召棠因王安之函約酒飯而後至教堂因王安之不准僕從跟入於是江召棠之多傷慘死無人目擊以致釀成巨案江召棠官聲素好輿情愛戴此次猝遭慘變無論如何死法總歸於不愛一身爲民請命故江西士民同聲悲痛憤不可遏新昌上高兩縣人民來省痛哭弔祭者絡繹不絕何止數萬人足見輿情公道至江召棠如何受傷致死情節前奉三月二十一日電旨著將江召棠在教堂因傷致死情節先行查明迅即詳晰電奏因教堂司事劉宗

堯等三名不肯交出覆訊惟有據法美英三國洋醫驗傷清單參考江召棠受傷以後各手書秉公據實立論大抵橫直共三傷橫一傷較輕直兩傷較重三國洋醫所言大同小異當經於四月初五日支電詳晰奏陳奏內聲明請旨敕下外務部妥籌辦理此摺似無庸贅陳合併聲明再查爲崔湘奏請開復確係周浩上詳但係藉主教和安當照請爲詞非與王安之相商至即守信方遂志因崔湘已開復遂索釋在港二犯以相抵制因欲保全崔湘遂允保釋葛鄧二犯各情查核案卷係由前署江撫夏肯面諭是否出自夏肯之意周浩僅止在

張文襄公全集

卷六十六

奏議六十六

三

旨留中欽此

張文襄公全集卷六十六終

新城王樹森校

張文襄公全集卷六十七

奏議六十七

查覆周浩參款摺

光緒三十二年閏四月初四日

竊臣欽奉寄諭查辦江西藩司周浩飭法徇情一案諭令按照所參各節認真確查據實具奏毋稍徇隱查原參教案之外劣蹟多端皆係地方吏治財政之事條款過繁未便與教案串敘以致眉目不清茲謹將確查各節另繕一摺敬爲我 皇太后 皇上臚陳之一原參謂該藩司劣蹟多端去年鐵良南下風傳有到江西查庫之說該藩司延候補者二十餘人入署日夜趕造報

張文襄公全集

卷六十七

奏議六十七

一

銷百計彌縫逾月未竣其侵盜庫帑可知一節查光緒三十年八月間該藩司會委知府邵循名知縣張善鐸戴濟清縣丞保升知縣錢之燧道庫大使沈培五員清理庫款並稽查各局所出入款項及領用經費數目委札內有在署住宿听夕趕辦等語其時正值欽派大臣鐵良南下趕辦清款尙屬因公似不能遽指爲侵盜又經飭據該藩庫大使舒年結稱該藩司任內收支款項亦無出入不符及虧短情事一原奏謂各省鑄造銅元皆獲厚利江西獨否緣該藩司委一江蘇候補知州吳漢駐滬采辦機器銅餅每年分肥七萬金所購東洋銅

餅各省皆四文錢一枚獨江西報八文吳漢本合肥李氏家丁該藩司與聯姻戚通同舞弊陳慶滋署藩篆時會查知之時周浩護理巡撫無如何也部議禁用銅餅停鑄銅元而吳漢方在購運該藩司若爲不聞以遂其浮開假冒之計一節查江西銅元廠於光緒二十九年三月開辦定章鑄成銅元隨時批解官銀錢號易銀存儲備用三十年六月該藩司總辦廠務時委知縣孫增與江蘇補用直隸州知州吳漢赴滬采辦機器紫銅物件八月孫增委署清江縣事駐滬采辦遂由吳漢一手經理先後共支用銀一百七十餘萬兩所買銅餅每石

張文襄公全集

卷六十七

奏議六十七

二

約八千枚報價四十二兩至四十五兩不等準現時錢價每枚約合錢八文江西銅元開辦較遲所用鍋爐機器較小出數較少又值銅價銀價漸次增長情形亦自不同惟調閱官銀錢號簿籍自開辦起至今年三月二十四日止統計所收銅元易銀除支付廠用外餘銀十二萬二千四百兩又存銅元二十四萬九千四百餘串廠中餘存銅鉛物料約值銀三十餘萬兩除去開辦時借用藩庫銀五十一萬兩外所餘止十數萬兩未免太少不近情理又查三十一年春間該藩司飭購上海信義洋行機器議價七萬餘兩廠中各員皆謂圖式不善

該藩司不聽後運到機器多件均不一律至今尙未裝用且運費太鉅該廠提調沈璘慶亦曾駁詰有案原參所謂通同舞弊或即指此又查三十一年采辦銅餅秋冬兩季報銷冊均尙購運銅餅數千石係早經與外洋訂購之件不能退還至吳濠一員江西官場或言曾充合肥李氏家丁或言係李氏管帳司事並非家丁是否與該藩司姻戚傳說不一惟該員以隔省人員當此銀錢要差浮費既多盈餘又少於是人言嘖嘖吳濠心不自安去年有辭差之事該藩司睨比已久未曾批允沈璘慶致吳濠函電均有該藩司相信夙深之語足見交

張文襄公全集

卷六十七

奏議六十七

三

情親密正不必問其有無姻戚也至陳慶滋署藩篆時查知何事今已無從查考然吳濠經手鉅款操守難信眾口一詞該藩司於辦理銅元一事專任私人無益公款與吳濠分肥七萬金之說雖無從查實要之種種辦理不善咎無可諉一原奏謂該藩司本起霆軍一鈔屑不諳文字倚仗劣幕盤踞把持如華枚生周學勤及浙江革員周鈺曾經前撫驅逐查辦者該藩司皆羅致幕中爲之招攬州縣新任者諸人必勒薦幕友或一人數館皆以少年學徒代庖非此則公事必遭駁斥聞鐵良在萍鄉縣時有人借南昌縣馬遞臚列劣幕事蹟甚詳

一節查該藩司以附生入營在霆軍歷保知府於同治十年到江補南安府知府升吉南贛甯道光緒二十六年升直隸按察使二十九年由直隸布政使調江西布政使前後在江西三十餘年文理雖不能深於尋常公牘尙能閱看其幕友華滋卽華枚生浙江人間與該藩司親戚最所倚信前任南安府時卽在幕中聲名極劣升任臬司柯逢時曾有驅逐該幕之事華枚生卽赴直隸仍就該藩司館地後又隨同來江辦藩署新政奏銷等事爲通省劣幕第一其子華玉堂現在廣信府幕中並包外縣多館父子同在一省倚該藩司勢力外間議

張文襄公全集

卷六十七

奏議六十七

四

論甚多此外又有馮心奮盤踞多年聲名之劣與華枚生相等又有馮履卿專辦升調文件其子馮冕號錫之在粵鹽口捐局辦文案並兼南康瑞金兩縣館亦招物議江西各州縣幕友多由司幕勒薦近來此風更甚至前年欽派大臣鐵良在萍鄉時有人借南昌縣馬遞臚列劣幕事蹟飭據南昌縣檢查驛站號簿未有此號惟江西徧傳係省城劣幕彼此攻訐所爲似有其事惟所列何事無從查悉周學勤查無其人有候補知縣張學勤該藩司同鄉舊好當銅元廠差使聲名素劣所指當卽此人周鈺係降調河南南陽府知府非浙江革員上

年該藩司護撫時曾在署兩月即去現已久不在江一
原奏謂江西州縣六十餘缺該藩司紛紛調動若奕棋
然賄賂鑽營惟其自擇優差亦如之鄉人親故徧於郡
邑胡廷幹初至情形不熟一切倚之今則動為所持如
張善鐸之補永新張樹森之署樂平曾森淮之署靖安
黃錫光之調新建皆傳為話柄王肇賜以實缺同知辦
河口釐局短收期滿竟不撤差王祖蔭前辦釐局撤差
記過忽委統稅總局提調皆駭聽聞一節查江西州縣
七十九缺原奏六十餘缺誤該藩司在任兩年先後委
署代理共八十缺未免太多同鄉親故如林得優差優

張文襄公全集 卷六十七 奏議六十七 五

缺者不可勝計張善鐸以縣丞到省咨補建昌縣丞前
充撫署巡捕多年聲名極劣會代理新喻縣缺兩年之
久各省從來所未有捐升遇缺先知縣補石城縣丁憂
起復回省即在該藩司署內當差光緒三十年七月由
該藩司詳補永新縣知縣張樹森係試用知縣光緒二
十五年到省三十一年正月委署樂平縣缺係在前署
藩司陳慶滋任內因何傳為話柄無從查悉曾森淮係
實缺吳城鎮同知歷署建昌同知樂安玉山等縣知縣
三十一年該藩司詳委署理靖安縣知縣官場議其以
省章輪委之缺而用酌委人員查委署一事部章原許

外省體察情形並無必須挨次委署之說黃錫光係捐
納試用知縣歷署多缺光緒二十九年十月委署新建
縣事係在前署藩司陳慶滋任內三十年十一月經該
藩司詳委署理臨川縣事查其時署江西巡撫係夏崑
臨川係著名優缺黃錫光委署臨川眾論皆謂由賄買
而來惟其時江西省城風氣極壞徑實極多是否該藩
司中有情弊抑或係他人撞騙無從臆斷王肇賜現係
廣信府同知三十年十一月該藩司委令兼辦廣信府
邊界統稅分局兼鉛山縣統稅分口到差後十箇月二
十五日百貨米穀短收銀七千七十餘兩茶稅短收銀

張文襄公全集 卷六十七 奏議六十七 六

一萬八百五十餘兩業於三十一年十一月撤差王祖
蔭係候補知府於三十年十一月該藩司委令辦理瑞
洪兼康山統稅分局三十一年六月患病稟請回省就
醫改委接辦雖無釐局撤差之案然於十二月該藩司
委充統稅總局提調眾論譁然則其辦釐不善可知且
近日於奉委要件輒敢專擅輕率實屬膽大妄為一原
奏謂其尤甚者道員繆德棻闕冗年耄步履幾廢曾經
前撫勒令回籍該藩司招致委充牙釐總局要差復朦
蔽胡撫委署鹽道併兼釐差候補縣胡欽為前撫劾罷
者該藩司委充釐局文案一節查道員繆德棻年近八

旬精神衰耄步履艱難光緒二十六年該道會稟請回籍修墓經前江撫李興銳附片奏明尚非勒令回籍二十九年十二月該藩司到任後不及一月該道即稟請銷假委辦牙釐統稅總局旋經前署江撫夏崑調充課吏館副館長該藩司護撫時復飭回稅務總局原奏謂爲該藩司招致委充要差當即指此三十一年四月江撫胡廷幹飭委署理鹽道仍兼統稅總局三十二年正月札飭交卸鹽道專辦稅務總局其委署鹽道是否由該藩司朦蔽無從查悉至該藩司之招致繆德葵垂暮再出堅欲委以釐稅總局不過利其昏耄無用便於攬

張文襄公全集

卷六十七

奏議六十七

七

權營私胡欽係福建舉人前於都昌縣任內經前江撫李興銳奏參革職三十年正月該藩司因其情形熟悉文理尙優委充稅務總局文案此舉衆論謂其尙屬因公一原奏謂江蘇候補知州徐履泰特派充官銀號差又派金朝正爲司事句通取利領銀申色一項歲約分肥萬數千金後經現辦官銀號道員吳慶燾查出將徐金兩人撤換該藩司仍爲兩人另謀差委以慰之一節查徐履泰光緒二十七年報捐知州指分江蘇試用金朝正爲該藩司前在江西辦釐金之司事該藩司委徐履泰管官銀號銀庫旋調文案派金朝正經理官銀錢

號雜務兼各賬目吳慶燾到官銀錢號即將該員司撤換其領銀申色一項查江西滙兌各餉新舊償款每年司庫約放銀三百餘萬兩道庫六十餘萬兩或用方寶中錠或用鹽封釐封遇放鹽封寶錠即照本日行市視各項色高於釐封若干如數照補每百兩自八九錢至六七錢不等時徐履泰甫於三十年七月調辦文案遂手書奉總辦諭將申色餘銀移解藩庫等語飭承辦稿自是按月移解計自三十年七月至三十一年十月共解藩庫銀一萬八千七百七十餘兩三十一年十二月江撫胡廷幹飭查申色銀兩是否存號抑係仍在司道

張文襄公全集

卷六十七

奏議六十七

八

各庫經官銀錢號詳覆稱三十年七月以前辦法未有公牘無從核計以後藩庫之款均按月移解藩庫道庫之款將滙費扣備抵算等情奉批仍飭發還該號作爲另款生息行查官銀錢號道員吳慶燾據覆糧道所存已於本年正月十九日移號收賬生息藩司之一萬八千餘兩至今未據移還通省皆知原奏謂徐履泰等句通取利歲約分肥萬數千金當即指此徐履泰聲名甚劣現充江西淮鹽局黃江口緝私差是否該藩司爲之代謀無從查悉金朝正現在不知何往一原奏謂去年春間道員陳際清戲擬一參摺條陳該藩司十二款邀

人聯名將寄京其私人道員傅春官聞之與糧道錫恩道員沈銘照密商先發制人之計稟請巡撫查辦時胡廷幹方倚之勒陳際清具結寢事報紙大譁該藩司告病屢請修墓假皆爲胡廷幹堅留人人痛憤一節查陳際清以府經歷辦釐金得厚資捐道員聲名甚劣去年五月外間先傳陳際清有擬參周浩摺稿須同寅聯名出銀五十兩之事會陳際清將所擬摺稿遍質同人並向傅春官言不與名者必牽涉之十三日武廟拈香司道齊集傅春官言於衆謂有四月二十八日已專人進京之說而陳際清力辯其無該藩司與臬司錫恩皆言

張文襄公全集

卷六十七

奏議六十七

九

既無其事可否具結時糧道錫恩候補道沈銘照皆聞摺稿有牽涉伊等之語於是與傅春官同請江撫胡廷幹查辦陳際清旋亦具結寢事至其摺內擬參何事及是否被勒具結結存何處陳際清現不在江無從查詢傅春官聞前與該藩司往來頗密近日稍疎陳際清之事係其首先舉發原奏指爲私人當卽因此至上年七月該藩司曾兩次稟請開缺修墓江撫胡廷幹以到任不久情形尙未深悉且其時臬司陳慶滋業已開缺在省實缺司道祇糧道錫恩一人兼署臬篆藩司一缺未便遽易生手均未批准嗣臬司余肇康到任該藩司卽

無稟請開缺之事以上周浩劣蹟各節皆按照原奏考之案卷采之輿論平情察理分條查明不敢有絲毫徇隱臣伏查江西藩司周浩貪污縱恣把持省權專任私人貽誤大局劣蹟如林罄牘難書其應如何嚴行懲處之處伏候聖裁該藩司操守不謹囊橐豐盈江西教案未結需款甚多擬請旨罰令該藩司繳銀十萬兩以蘇民力補用知府崔湘鑽營謬妄生事害民擬請卽行革職永不敘用江西永新縣知縣張善鐸貪污卑賤小人之尤句串作弊代通聲氣擬請革職永不敘用江蘇補用直隸州知州吳澧貪詐惡劣公款不清物議沸騰試用知縣黃錫光營謀署缺不知廉恥指分江蘇知州徐履泰鄙俗迎合多招物議江西候補知縣張學勤歷充優差損公肥私江西試用道陳際清險惡招搖行同無賴以上六員均擬請卽行革職江西補用道繆德棻濫厠要差衰耄無能擬請飭撤差使勒令同籍江西候補知府王祖蔭巧滑專擅難資表率擬請以州同降補江西廣信府同知王肇賜辦釐短絀業經撤差知縣張樹森同知曾森淮查無不合應免置議此外尙有該藩司曠比任用之員爲原參所未及而物議沸騰劣蹟昭著者如江西知縣王祖彝品行素來卑污官場羞與爲伍

張文襄公全集

卷六十七

奏議六十七

十

現復出入藩署與前充文案張善鐸現充文案朱士元
爲至密之交狼狽爲奸敗壞風氣江西丁憂知縣崔寶
瑛諂附該藩司行徑猥鄙指摘交加江西知縣朱士元
現充藩署文案倚勢招搖聲名極劣江西試用巡檢董
鴻品行污下衣冠敗類以上四員均擬請卽行革職以
儆官邪又該藩司幕友華枚生膽大妄爲攬權怙勢劣
蹟纍纍久爲官幕所切齒擬請查明有無職銜卽行斥
革遞解回籍交地方官嚴加管束不准出外生事又華
枚生之子幕友華玉堂又藩署幕友馮心畚馮履卿及
馮履卿之子馮寬以上共四人擬請一併驅逐速離江

張文襄全集

卷六十七

奏議六十七

十一

西不准逗留司事金朝正係江西人擬請飭地方官查
明拿獲交地方官嚴加管束又該藩司家丁熊濱又名
熊渭卿江西安義縣人久充該藩司門丁聲名惡劣擬
請飭令地方官查明拏獲遞解回籍監禁一年限滿後
仍嚴加管束不准出外生事竊維近年來江西吏治之
敗壞實爲各省所無上下營營擾擾惟以賄賂鑽營爲
事公事聽其顛倒模糊不復深問自大僚以至末吏毫
無戒懼之心清明之氣而幕友之權勢熏灼亦足以妨
害通省政事民生羣小得意方正不容政治晦闇百事
廢弛以致釀成巨案蓋正氣既鬱戾氣因而乘之陰陽

消長殆非迂論相應請旨敕下江西撫臣將江西吏治
財政兵事認真整頓力挽頹風并將幕友攬權植黨勒
薦需索諸弊一體嚴行禁革以肅政體而安民生
硃批另有旨欽此

測勘粵漢川漢鐵路摺

光緒三十二年七月初二日

竊查粵漢鐵路定議已久必應及早開工不可再緩川
漢鐵路前經臣與四川督臣錫良商明自宜昌以上路
工暫歸川省承修宜昌以下接通京漢幹路則歸鄂省
承修業將兩省商定大綱辦法專摺奏陳在案竊維中
國積習患在急於圖利而緩於辦事議論紛紜游移不
決以致坐誤事機若各存意見疑惑推延必致歧出之
議論愈多意外之覬覦又起故此兩路凡在臣轄境之
內力所能爲者必應決計速行以順輿情而振大局茲
臣聘用日本專門鐵路高等工程師來鄂測勘路線所
宜及豫籌施工次第粵漢一路前經美工程師勘有草圖
亦須覆勘一次略加酌訂川漢一路大致現擬由漢陽
取道沔陽州屬之仙桃鎮以達沙市爲第一段由沙市
取道荊門州屬之當陽以達宜昌爲第二段由當陽取
道宜城以達襄陽爲第三段因洋工師細加審酌漢陽
沙市一路路平商多成功較易見利亦速商情最便如

張文襄全集

卷六十七

奏議六十七

十一

此則粵漢之路造至鄂省後由武昌省城之北渡江至漢口以接京漢一路由武昌省城之南渡江至漢陽以接川漢一路川漢之路到漢陽并可作橋過襄河以與京漢一路接通無須待至應山縣之廣水始合幹路矣是粵路南來可雙承京漢川漢兩路京路北至亦可分注粵漢川漢兩途直達橫通無施不可故與前議由襄陽以達廣水者略有變通其覆勘粵漢一路本擬選用英工程師金達以期分任互勉無如該工師現有要差在津屢次推辭勢難久待現由臣派員偕同日本工師南北分投測勘路綫竊臣近日欽奉本年六月十四日

張文襄公全集 卷六十七 奏議六十七 三

寄諭鐵路係國家要政仍應官督商辦等因欽此聖諭煌煌詞嚴義正不獨為湘省鐵路之軌範實為我中國全國鐵路之準繩自應欽遵辦理凡地隸湘境鄂境之粵漢路及地隸鄂境之川漢路均應一律辦理不容歧異除湘路片行遵旨查明專案覆奏外其鄂境大江兩岸之粵漢路大江北岸之川漢路均以官督商辦之法行之現已刊布招股章程並酌量參用皖省路工彩票招股之法無論入股者為官為紳為商為民或本省官紳商民或外省官紳商民均以商論一律作為股東即有公款亦以股東論事權之輕重利息之厚薄但視其

股分多少之數不問其人職業尊卑之等至公至平毫無偏私自無流弊惟總以華股為斷以符原案其股票分三期交付每交一期立時起息按期照付派官錢局承辦經理以期商民信服月餘以來體察情形遠近商情均屬踴躍除將招股章程咨送商部暨以後修路情形隨時奏報外所有粵漢川漢兩路分別覆勘初勘將在鄂境發端之處同時舉辦情形理合恭摺奏陳伏乞聖鑒

硃批商部知道欽此

創設製麻局請暫免稅釐并請救各省仿辦摺

張文襄公全集 卷六十七 奏議六十七 西

三十一年七月初二日

竊惟富民以農業為主興農業以精工藝為主查泉麻之為物三代兩漢以前布皆以麻為之天下人人皆用此為衣服經典具有明文自南北朝木棉入中國始盡用棉布為衣而麻之利遂減特其質粗易生故中國各省皆有之南至吳楚閩廣之澤國西至黔蜀之山鄉北至燕趙之平陸處處皆宜雖種類略有區分而大致皆視為下品良由製法粗疏未盡其用細者製為夏布粗者作為麻袋麻繩惟行銷頗廣而其用甚輕故其值甚賤查外國各種洋織錦緞大半皆參用泉麻至各種綢

料亦雜麻紗以成之柔輒潔白與羅絹無異其實中國
 宋元以來古錦以及乾隆以前美錦亦皆攬麻爲之總
 由農夫織婦鈍拙鹵莽但以取供粗材坐棄大利實爲
 可惜臣愚以爲紡紗織布纴絲三事皆利農塞漏之大
 端惟蠶桑不能各省皆宜至上等長絨棉花能紡四五
 十號細紗者中國只有兩三處南通州第一南潯次之
 直隸深州又次之湖北孝感又次之故細布不能多織
 若買洋紗以織布則是代外國銷棉紗豈非大愚笑柄
 故到鄂以來夙夜焦思憂憤思爲製麻之策考求多年
 乃敢創議興辦於其漚浸洗鍊之法抽纴染色之宜考
 張文襄公全集 卷六十七 奏議六十七 十五

究詳明乃籌撥外銷公款配合機器建造廠屋漸次試
 辦至光緒二十八年招商承租仍由臣委監司人員督
 飭製造先粗後精循序講求日有進境本用西國工師
 因工資昂而考究甚略出貨甚緩乃改用日本工師藝徒
 近日該局所織出有中西時花各樣緞匹芝麻實地各
 紗並細紋斜紋各色麻布柿色軍衣麻布新式各花大
 小麻織臺布及粗細各號麻紗等件今日成效已彰嗣
 後更求精進當易爲力茲據該職商鄧奇勳稟稱織出
 貨料均係質地白細染色鮮明足可抵制外國進口麻
 貨擬援照商部外務部核准上海阜豐麩粉公司一案

所有機器製造麩粉各廠一律准其暫免稅釐之例請
 將該局運銷麻貨奏請暫免完納稅釐以紓商力而廣
 銷路等情由該局總辦候補道劉保林轉稟前來臣伏
 查該局所出麻製各貨實爲民生服用大宗既皆係用
 機器織成洵足杜塞漏卮與麩粉公司事同一律自應
 准其暫行免納稅釐以冀各省聞風仿造嘉惠農工所
 有運單格式由臣分咨各省督撫轉飭稅關釐卡以憑
 查照驗放特是微臣志在惠民非圖專利既已成效昭
 著即當力圖擴充并請旨敕下各省酌仿湖北辦法再
 行考究東西洋新式設立局廠廣爲製造在臣創始則
 張文襄公全集 卷六十七 奏議六十七 十六

稍難在各省踵事則較易所冀南北各省麻局林立化
 粗爲精化賤爲貴利源日多漏卮日少其於農工生計
 裨益實非淺鮮
 硃批該部知道欽此

兩湖新選新補各州縣擬令出洋遊歷摺 光緒三十三年
 七月十日

竊惟世變日亟交涉日繁無論一州一縣或商務或教
 堂或遊歷必有與外人交涉之事至於一切新政尤多
 取資外邦新選新補各員仕版初登歷練太少於中外
 情事毫無見聞即中外交際之末亦往往卑亢兩失多

不得體至新政應行興辦之事尤茫然無從措手非派
令出洋遊歷博覽周諮不足以破迂謬腐敗之習鼓勵
精圖治之心茲擬將兩湖新選新補各員陸續調派均
令赴日本遊歷凡屬有關政治交涉之事如學校警察
監獄道路水利財政武備及一切農工商漁等實業均
令隨時隨地悉心考察擇要記錄以備回省後就地方
情形互相考鏡見諸施行以爲興利除弊力求振興之
助凡遊歷各員均令自備資斧以在東六箇月爲限如
有願赴西洋各國遊歷者尤爲難得自當一律准行惟
遊歷歐美者程途較遠以一年或九箇月爲限其有自

張文襄公全集 卷六十七 奏議六十七

七

願久留外國指定一門認真入學者學成日自當照章
考核奏明獎勵除年歲較老曾任實缺閱歷已深之員
斟酌免派以示區別外所有兩湖新選新補各員擬派
令出洋遊歷緣由理合會同湖南巡撫臣龐鴻書恭摺
具陳伏祈聖鑒

硃批政務處議奏欽此

查明唐步瀛參款摺

光緒二十一年九月初一日

竊臣承准軍機大臣字寄光緒二十二年四月十五日
奉上諭有人奏湖南衡州府知府唐步瀛貪暴專橫民
怨沸騰請飭查一摺著張之洞按照所參各節確查具

奏毋稍徇隱原摺鈔給閱看將此諭令知之欽此臣當
卽欽遵委令湖北試用道劉秉彝前赴湖南衡州及奏
內所指各縣密加察訪並調閱衡陽益陽瀏陽各縣及
長沙府案卷徵之輿論務得實情唐步瀛現署常德府
知府並令劉秉彝親赴常德面晤該府察其是否衰聾
足疾善忘秉公詳細稟覆毋稍迴護茲據該道劉秉彝
查明逐條稟覆前來並經臣於自湘來之員博加詢考
謹就查訪各節爲 聖主詳陳之一原奏該府唐步瀛
前在衡陽縣任內酷刑斃命與武員鬧事釀成巨案一
節卷查光緒十一年衡陽縣世職樊相偉借該縣收養

張文襄公全集 卷六十七 奏議六十七

六

孤貧之補卹堂公款錢五百千文恃勢不還該堂首士
劉少遠赴府具控飭縣押追樊相偉患病在管病故該
縣唐步瀛稟府飭委清泉縣知縣顧炳炎會同相驗樊
相偉之兄樊鼎元以伊弟被劉少遠控令押斃未便甘
休帶同母妻婦女親族人等直到屍厰閱鬧不令相驗
前升任衡州府知府翁會桂近在同城恐滋事端知會
駐衡水師營管帶候補副將曹廣澤派勇到縣彈壓始
得如法相驗衡州協營兵因樊相偉係在標世職管押
病故均各忿忿不平齊集協標公所商議聚眾控告劉
少遠治罪適曹廣澤彈壓事畢往拜衡州協該營兵並

地痞等以曹廣澤不應彈壓屍厥於其出署時糾眾兇毆千總谷廷瑞上前保護受傷越日身死經衡州府知府翁會桂署衡州協副將彭世昇先後稟由前升任撫臣卞寶第遴委候補道但湘良並照會永州鎮總兵廖長明馳往會同查辦旋將毆斃本營千總之蕭開貴等分別照例嚴辦會經奏明有案檢查卷宗並無由該府釀成之案亦無酷刑斃命之事此外亦無武營鬧事巨案一原奏該府在益陽喜怒任性激成民變一節卷查光緒六年舉人蔡增澍等捐辦學田議定每收租穀一石捐錢十文通稟有案又該縣錢糧自咸豐八年奏定

張文襄公全集

卷六十七 奏議六十七

十九

明通稟委員查辦拏獲蕭寶川解省訊究復敢迭次違抱赴京呈控由司訊結將蕭寶川照光棍例減等發極邊充軍經前署撫臣龐際雲題明有案檢閱全案並非該府激成亦無民變之事此外亦無別案一原奏該府在瀏陽怨聲載道上控紛紛一節調取長沙府檔案所存該府任內上控案件共得十三件該府前在瀏陽縣任內七年僅有上控十三起詳細檢閱均無牽及該府之事訪聞瀏陽百姓自該府去任後至今念念不忘並無怨聲一原奏該府平日接待僚屬全憑喜怒用事署耒陽縣知縣胡揚祖遇事稟承且有電話時通消息該

張文襄公全集

卷六十七 奏議六十七

二十

改章紳士具結以後年清年欸旋因仍有拖欠又經紳士公議如有延至次年不完者分別議罰充作地方公用抗欠之戶一經被罰不無怨言光緒七年有花戶蕭儒珍與糧書口角負氣回家監生蕭寶川係蕭儒珍堂兄遂藉端生釁飲錢上控批縣查其所控不實由府核明立案不行蕭寶川輒將辦理學田之蔡增澍扭至家中勒令退還二十里內捐欸旋經前升任撫臣涂宗瀛訪聞飭縣會營拏辦蕭寶川因屢邀里總何新元列名同稟未允疑其暗中稟官訪拏遂於八年正月糾眾將何新元陳楚材何昭友三家房屋器具打毀經營縣勘

府喜其媚己明獎暗保大加賞識上年二月胡揚祖卸事城內鋪戶相沿陋習設席餞行有革生伍炳靈因被案冤屈擊碎餞席胡揚祖拘拏該生請示懲辦該府命立斃站籠紳民大憤聚眾數千圍阻胡揚祖不得出境幾釀大案經前升任撫臣端方將胡揚祖奏參革職民憤始平實則該府主持者也一節查光緒三十一年三月二十四日胡揚祖交卸耒陽之際伍炳靈挾其詳革衣頂之嫌將各紳所備餞行酒席打毀被學堂紳士劉楚英並學生等扭獲送縣胡揚祖立即將其站斃以及釀成毆官巨案伍炳靈之妻伍何氏赴省控告批府提

訊因人證不齊致未訊結查閱伍何氏控詞僅稱該府徇情胡不到案劉不提質並無控及該府別情該府曾以違例擅殺稟請將胡揚祖先行奏參聽候查辦足見該府無喜其媚己之事查衡州府署無通未陽電話衡州屬均未設立電話未陽距府城一百五十里既無電話伍炳靈到案卽刻站斃胡揚祖從何請示其非該府主持可知一原奏該府在衡州苛刻小民聚財歛怨近來奉行新政藉口誅求除百貨釐金煙酒稅照章捐輸外另設牛捐豬捐船捐煙燈捐盤廠捐紙廠捐日日捐積穀抽息等捐委任私人假公肥私光緒三十年十

張文襄公集

卷六十七

奏議六十七

三

二月該府開辦豬捐勒令每肉百斤捐制錢一百文逐鋪過秤城中肉案罷市五日該府無可如何始改每豬一頭捐錢一百文又衡州典鋪向以二分取息該府勒令加息三分以一分爲辦公之費其罔恤民艱任意苛派大率類此一節查牛捐一項光緒三十一年十月清泉縣監生朱少泉等稟稱黃竹墟自乾隆初年請示買賣耕牛迄今無異近有痞徒藉端索詐與其飽入私囊何如提充公用懇請派員立局提款歸入小學堂費用旋由清泉縣知縣廖世英據情轉稟經衡永郴桂道譚啟瑞批駁以耕牛爲農人必需之物未便加抽費用有

礙農民應卽嚴禁索詐立案不行至豬捐一欵光緒二十八年十月衡陽清泉兩縣因籌辦學堂經費不敷仿照各省辦理豬捐之法傳令各屠戶到案議以每豬一隻捐小洋三角各屠戶均已具結遵辦係出情願並無抑勒亦無每百斤捐錢百文及罷市改少之事若煙燈捐及日日捐兩項因辦理警察需費經衡陽縣知縣劉人駿清泉縣知縣王祖蔭倡捐開辦其常年經費仿照從前抽辦團練之夜夜會章程改爲日日捐就居民上中下三等派捐並煙酒均准加價出售酌中抽收上等鋪戶每日捐錢十文中等八文下等六文居民一文貧

張文襄公集

卷六十七

奏議六十七

三

民免捐紳商從豐捐助煙燈每日每盞捐錢十文甜酒每斤加價四文水酒一文調查簿據按斤抽收由警察局收捐應用查辦理捐項之候補巡檢羅含章係衡永郴桂道譚啟瑞所委並非該府私人船捐一項光緒三十年正月衡永郴桂道譚啟瑞訪聞衡州府柴埠門外洪江船行抽收往來船隻幫差經費爲數甚鉅因警察需費劬飭將此項經費由未河釐局代收充作警察之用稟明湖南撫臣立案盤廠稅一項從前雖有此議因委員往查生意甚微並未議辦紙廠稅一項光緒三十年八月間衡陽縣渣江紙廠商人藉修廟演戲爲名設

立燒紙公名目每燒紙一塊抽錢六文經衡永郴桂道
譚啟瑞訪聞係屬糜費劄飭衡清兩縣查明提作工藝
廠經費由譚啟瑞委員辦理硝廠稅一項光緒十年署
衡陽縣知縣劉人駿清泉縣知縣王祖蔭通稟就衡清
兩縣工藝廠附設官硝局督銷城市硝斤每斤酌抽錢
二十文以濟局用有餘卽津貼工藝廠經費嗣復改爲
每戶月捐錢二千文由地方紳士妥辦呈繳積穀抽息
捐一項亦係由衡清兩縣出示開辦每石頭穀應完息
穀一斗三升內抽提五升以爲辦理工藝廠經費之用
勒令典鋪加息三分以一分爲辦公之費一項訪查衡
清兩縣當鋪向係二分五釐行息並未議加亦無抽息
爲公費之事惟卷查光緒二十九年九月有職員王韶
棠生員歐神俊等稟稱衡城小押重則九出十歸輕則
五分請酌減爲四分旋由衡清兩縣具稟議定同福中
和二家質當取息四分每月繳牌費十元充作工藝廠
公用所稱抽息爲公費當係因此傳訛一原奏該府草
管人命民怨沸騰衡州當上年鬧教毀堂之時奸民屯
聚不能不藉嚴刑以奪其囂悍之氣今則刑者刑死者
死逃者逃匪類漸少乃該府以嚴辦土匪爲得計遇案
株連奸民知其意旨動以土匪相攻訐地棍從而漁利

張文襄公全集

卷六十七

奏議六十七

三

得賄則匪亦爲良不得賄則良指爲匪每遇飭勇訪拏
舉家無措哀求團紳擔保幸而辯白家產化爲烏有其
有無力辯白含冤入地者不可枚舉民間有唐閻王唐
老虎之稱今姑置死者於無論但查衡陽清泉兩縣監
內永遠監禁之犯限期十年二十年監禁之犯是否眞
正土匪有無冤抑則該府橫暴可知矣一節調查衡陽
清泉兩縣監冊現在監禁人犯由該府審斷稟請監禁
之土匪僅有雷紹衡一名係光緒二十七年五月隨同
土匪陳雲卿來城探聽被稽查城門委員拏獲送府訊
明先將陳雲卿正法該犯監禁候拏獲匪黨提同訊辦
又有竊痞鍾悅堂一名係私與亨達利立約開采龍王
山經署常甯縣知縣徐本麟拏獲通稟批府提訊供詞
狡展稟請監候拏鍾紫雲一併究辦又有蠹役唐發一
名因舞弊恐嚇鄉民索詐由該府提訊稟請監禁十年
其餘監禁人犯均係衡清兩縣定讞收監之犯並非該
府稟請監禁亦無該府以嚴辦爲得計遇案株連含冤
入地者不可枚舉之事至唐閻王唐老虎係書差所稱
因該府約束書差甚嚴故以此稱之一原奏該府充衡
州鍊廠提調候補知縣鄧爲亮經理局務該府並不認
眞辦事與鄧爲亮朋比爲奸假冒浮開耗本六萬餘兩

張文襄公全集

卷六十七

奏議六十七

三

之多郵爲亮因此撤差該府安然無恙一節卷查光緒二十九年十月衡永郴桂道譚啟瑞稟請將鍊廠事宜改歸官辦經前任撫臣陸元鼎劄委該道譚啟瑞爲督辦該府爲總辦湖北試用知縣鄧爲亮爲全廠提調旋委知縣田徵葵爲會辦至三十年八月湖南鑛務局司道詳稱衡州蘇州灣地方鄧爲亮開設鍊廠辦法以二噸有零之砂鍊成一噸之鉛發往鄂滬出售因提鍊未淨每噸祇售銀五十兩砂價每噸三十八兩計值八九十兩之黑鉛砂鍊成僅值五十兩之鉛已不合算而委員司巡爐匠又近百人薪工等費更難計算該廠僅鍊

張文襄公全集

卷六十七

奏議六十七

三

成鉛百餘噸存焦炭數千石而用款已至六萬兩之多應飭鄧爲亮將該廠贏虧切實造報回省銷差旋經前撫臣陸元鼎劄委中書徐振清並紳士梅英杰接辦改用西法提鍊仍以譚啟瑞爲督辦唐步瀛爲總辦唐步瀛旋有辭差之稟稟內聲敘云鍊廠事務不外用人用錢購煤及講求提鍊前鄧爲亮承辦時用人之事省局主之用錢之事譚道主之購煤鍊鑛之事本廠委員主之卑府名爲總辦實不與聞等語是用錢鍊鑛既非該府主持卽與該府無涉且鑛局已言明鍊法不合以致虧本亦無耗去六萬餘兩之多一原奏該府乘危獲利

不恤人言前郴州直隸州盛綸調署衡山縣前升任撫臣趙爾巽因案將盛綸參革委該府兼理衡山縣事衡山爲湖南第一優缺該府慮兼理不久不能收漕具稟撫臣將漕糧平餘按日分攤銀元一百枚批准照辦前任之黎塘於正月二十五日交卸應攤銀元二千五百枚黎塘與盛綸舊好並不過問該府獨爲之代索盛綸言稟定攤分章程安有前辦之案必遵後定之章該府忿怒率行稟請撫臣監追見利忘義同僚莫不以老悖目之一節卷查光緒二十九年正月二十六日盛綸到衡山縣署任九月二十三日因參革交卸該府兼理九

張文襄公全集

卷六十七

奏議六十七

三

日至十月初二日調補是缺之楊永芬到任三十年正月楊永芬冊報盛綸交代清楚並具印結在案又據楊永芬稟稱盛綸任內短徵銀米由其代徵清楚應攤還盛綸平餘一千三百九十一元七角九釐遵照新章解府核收給領是盛綸尙有餘款並無虧欠似無稟請監追之理且查衡山錢漕平餘係隨徵收之多寡爲平餘之多寡並非每日分攤平餘亦無攤還黎塘二十五日並該府兼理九日平餘之事一原奏該府傲上陵下習爲固然前候補道趙從炳委署衡永郴桂道該府意存藐視橫加譏誚並不銜參嗣譚啟瑞到任復以老吏自

居遇事不肯和衷前廣西邊防喫緊奉文舉辦團練譚啟瑞會紳籌款該府獨持異議幸邊防稍鬆得以安靖不然幾誤大事一節訪聞趙從炳署衡永郴桂道時僅二三月適值該府患病請假不能銜參並未聞意存藐視橫加譏誚該府與譚啟瑞之父同年至交譚啟瑞初履任時甚屬和睦後頗有隙或謂係因幕友屬員互相傳語不實所致又該府性情剛直凡事以理直爭毫無遷就所謂遇事不肯和衷者或即因此當廣西邊防喫緊奉文舉辦團練譚啟瑞擬提三學公費及粥廠存典生息錢文爲經費該府謂當由地方另籌費用不宜遽

張文襄全集

卷六十七

奏議六十七

三

提公款粥廠存典生息錢文有關民命非至萬不得已之時不能提用所謂獨持異議者殆即謂此一原奏候補知縣胡元佐在衡當差於光緒三十年十一月湖南藩司劉委署理清泉縣事該府爲優恤前令起見飭胡元佐本年不准接印迨藩司詰責該府即詭以時值度歲體恤胡元佐爲辭胡元佐刑幕係道署刑幕所薦該府以薦不由己遇事挑剔論者謂胡元佐不善逢迎餽遺不厚故至此也一節查光緒二十九年十二月初九日湖南藩司張紹華劉委胡元佐署理清泉縣事該府於是月二十日行知衡州距省約四五日路程驛站

遞送公文約是月十三四方到該府於二十日行知似

未甚遲其時已至封印胡元佐於三十年正月二十六日始行接印是否有優恤前任令胡元佐年內不准接印之事抑係時值度歲體恤胡元佐之意現胡元佐已赴通道縣本任無從面詢訪聞胡元佐刑幕係道幕之姪因聲名狼籍公事玩延曾經該府稟請驅逐並有皆議道署刑幕之言非因薦不由己遇事挑剔一原奏該府年過七十老邁龍鍾足有舊疾時發時愈公事求見辭以足疾祭祀行禮委員代攝兩耳重聽公事善忘審理案件以意見爲喜怒商量公事以執拗爲才能恃老

張文襄全集

卷六十七

奏議六十七

天

蠻橫一節查該府年雖七旬氣體甚壯足有舊疾偶發旋愈並於步履無礙耳雖微近重聽與之談論聲音稍亮即無不聞湖南官場耳力如該府者不乏其人並於公事無誤屬員隨到隨見祭祀行禮並不委代本年春祭其時本道譚啟瑞因公在省衡州各廟均係該府主祭拜跪肅然衆所共睹詢諸僚屬僉稱公事甚屬認真並不遺忘判斷素有嚴明之稱凡事亦非不可商量惟必問理之是非不能稍徇私情紳士同僚之賢者莫不交頌惟劣員書差頗有怨言以上各節均經臣委員考查確實並無絲毫隱飾所有緊要案卷俱經鈔錄帶回

鄂省查核復經博訪湘省來員展轉印證大率相同伏查該府唐步瀛於同治八年以知縣到湘迄今近四十年核其從前歷任各縣卓著政聲疊經歷任湖南撫臣明保密保實為湘省不可多得之員臣於光緒十五年冬到湖廣任卽知湖南有廉幹勤能之知縣唐步瀛至今輿論僉同稱道無改現雖年逾七旬實非衰庸可比特以性情過剛語言過直自負老吏諳練於上官不肯唯阿於同列不肯遷就致遭忌詆今查其被參各節均無實據而舊縣紳民則皆稱頌不置可見公道自在人心國家澄敘官方總以保全骨鯁之士為要義斷不能

張文襄公全集

卷六十七 奏議六十七

五

以俗人悠悠之謗言沒其平日卓卓之實績臣有察吏安民之責不敢不秉公據實上陳謹將遵旨查明知府被參各緣由恭摺覆陳再臣於四月間欽奉寄諭卽委道員劉秉彝前往衡州確查旋因湖南水災衡永一帶來電缺米尤甚湖北籌撥巨款購米多船往賑遂飭該道留駐衡州一帶辦理賑糶事宜事竣後始馳赴常德面晤該府唐步瀛詳加察看又適奉有查勘常德商埠之旨因併飭劉秉彝就近在常會同他員察勘事竣後甫經回鄂是以覆奏稍遲合併陳明

硃批知道了欽此

試鑄一文銅幣摺 光緒三十二年九月初一日

竊查湖北省初鑄當十銅幣原與制錢相輔而行每制錢一千易銅幣一百枚兩無軒輊自各省銅元增鑄日多貶價求售遂致制錢之價與銅元之價離而為二顯判低昂在湖北武漢等處銅元價與錢價相差尙不甚遠而他省及鄂省外州縣偏僻處所則銅幣一千值銀六錢數分制錢一千則值銀至七八錢不等於是銅幣與制錢不能合一而銅幣所謂當十者僅有虛名誠恐寢久失其本意致類京師行用之當十錢民間僅抵制錢兩文則公家暗中之虧耗將以億兆計銅元制錢之

張文襄公全集

卷六十七 奏議六十七

三

價一異不能再同一離不能再合從此圖法無從補救而其弊害更不可勝言欲救斯弊惟有及早趕鑄一文銅幣與制錢並行以當十之銅幣為母而以一文之銅幣為子使所謂當十者實有十錢之可易其買賣諸貨百物民間皆以十錢視之而後銅幣當十之本位確實可指不致徒懸空名其價值之貴賤一定不移不致遷流無準有此定位庶戶部所擬每銀幣一兩定為錢價一千四百文之說商民可以遵行惟此項一文銅幣模

式必與當十銅幣模式相等乃能以子輔母一氣相承臣反覆籌思因於去年冬間未曾領到戶部造幣廠祖

模以前卽已飭湖北銅幣局試鑄一文銅元行銷市面計每一枚重三分二釐每百分內用紫銅九十五分鉛五分形式花紋字樣悉與當十銅元一律數月以來體察情形商民極爲稱便惟此項一文銅幣計銅質工火每造一千枚約需成本銀九錢現在銀價每一千枚約虧耗銀二錢三分假如鄂省歲鑄十萬串約計應虧耗銀二萬三千兩至多歲鑄三十萬串約計應虧銀六萬九千兩以內然所虧者止有此數而所保全者新舊銅幣之價值不止十倍於此正擬具奏間適接財政處會同戶部咨議覆署兩廣督臣岑春煊奏陳粵省鑄造一

張文襄公全集

卷六十七

奏議六十七

三

文銅錢各省均可仿辦由部頒發祖模分識省分等因竊查粵省新鑄一文錢係黃銅質其內孔文字仍是制錢舊式特體小質輕耳此仍與制錢爲一類不足爲當十銅幣之子錢蓋旣與舊日各省所鑄同爲有孔之錢乃新錢銅不純而重不等斷難與世俗所謂青銅制錢一體計值一律行用且幣制不一形式歧出卽不能與銅幣子母相權以便民用粵省情形則不敢知若他省則斷然無益事關國幣之通塞盈絀必應慎思早計臣苟有所見不敢不以上陳茲謹將湖北試鑄一文銅元錢樣十文恭呈御覽擬請敕下財政處戶部詳籌妥議

與粵鑄一文錢詳加比較酌定程式再鑄祖模頒行各省以審所從較爲穩便
硃批財政處戶部議奏欽此

張文襄公全集

卷六十七

奏議六十七

三

張文襄公全集卷六十七終

新城王樹桂校

張文襄公全集卷六十八

奏議六十八

查覆關道參款暨勘定商場情形摺

光緒三十二年十月二十二日

竊臣於七月十九日承准軍機大臣字寄光緒三十二年七月初四日奉上諭有人奏關道擅改定章用心叵測各摺片據稱前湖南岳常澧道韓慶雲辦理常關有准挂洋旗並仿上海會審章程兩條恐貽後患並不顧城隍以善卷村為商埠且有在三官殿一帶開埠之示請飭查辦等語自開商埠自應妥定章程不得稍有流

張文襄公全集

卷六十八

奏議六十八

一

弊茲據所陳各節該道辦理殊屬荒謬著張之洞龐鴻書切實查明妥籌辦理據實具奏並著外務部知道原摺片均著鈔給閱看欽此欽遵寄信前來當由臣咨商湖南撫臣龐鴻書會委湖北試用道劉秉彝湖北候補知府余嵩慶湖南候補知府賴承裕馳赴常德按照原奏各摺片詳細查明據實稟覆適撫臣龐鴻書調任貴州交卸在邇不及覆核移交新任撫臣岑春煇核辦岑春煇九月過常德時經臣迭次電商囑其就近履勘嗣接岑春煇覆電所擬用作商埠地方與臣所查及紳民意見均屬相同囑即照此定議是該道韓慶雲之乖謬

妄為灼然無疑謹將查明原參各節敬為 皇太后

皇上陳之一原奏稱調補徐州道韓慶雲稟陳常德關辦法有准挂洋旗並仿上海會審章程兩條均非岳關所有一節查民船挂洋旗一事始自重慶關其時因川江不能行輪洋人因創為民船挂洋旗與輪船一律辦理之法議者曲徇其請最為謬誤至今為長江內河之一大患岳州開關章程防弊頗為周密韓慶雲經管岳關有年一切章程非不諳悉乃於接辦常關之始忽欲另闢新章不仿岳州而仿重慶查岳州常德均係自開商埠並非有所迫脅何乃自生荆棘既創為挂洋旗之

張文襄公全集

卷六十八

奏議六十八

二

議又創設會審章程揆其用心不知欲取脅何人其糊塗怪妄實出情理之外至會審章程一條據韓慶雲稱係前湖南撫臣批發章程所添入查前撫臣批發章程係三十二年四月而該道三十一年二月於稟報商埠事宜即有華洋交涉訟事照通商各口設立會審公堂辦理一條三十二年正月稟呈大綱章程亦有照上海會訊章程設立公所等語是該道之注重會審蓄念已久不得以前撫臣在後添入為解況上海會訊章程主權幾已全失歷年交涉棘手該道豈獨不知乃肆意妄言遺後日種種禍患實不解其何心臣兼轄兩湖凡開

埠通商事宜臣豈敢置之不問曩年開設岳關苦心經營幸無流弊乃此次常德開埠該關道於事前並不稟商事後始略聞大概鑄錯將成幾致無從補救此韓慶雲昏謬專擅之實在情形也一原奏稱韓慶雲不顧城隍全神注定善卷村無主官荒以為商埠奸民乘勢盜地居奇一節查韓慶雲自光緒三十一年二月勘定善卷村為商埠飭縣查明該處全係官荒並無業主稟覆有案八月間即有開設陳景泰洋紗棧之桂陽縣典史陳兆蕃勾引甯波人王松年來常賤價購買團總王佩三招集附近無賴冒充地主出立契據王松年與武陵張文襄公全集卷六十八奏議六十八

張文襄公全集

三

查辦陳兆蕃並不據實呈明任意狡賴尤為貪猾一原奏稱撫臣龐鴻書原定皇經閣以下會明白宣示四月二十二日韓慶雲忽有在三官殿仁智橋開埠之示三官殿一帶開埠之種種妨害撫臣亦有所聞加派知縣洪濛會勘洪濛不敢盡言捏稱紳士尙無異詞一節查韓慶雲初至常德勘地因善卷村係河灘荒地只圖省費不顧水勢衝激妨害府城該府紳民分投湘鄂兩省控訴經臣嚴批駁阻痛陳利害飭令改勘北岸地段前撫臣亦經批飭另勘並指定皇經閣以下另擇一處該道因紳民上控憤憤不平於臣等批牘所指示各節悍然不顧徑自在皇經閣以上三官殿仁智橋附近城闔市廛繁盛之處悉數圈作商場勒石立界刻期拆屋否則飭縣拘押一時民怨沸騰人心惶懼假使該道之議若行則城埠相連又蹈長沙覆轍該道信用私人陳敬詩等任性橫行不恤人言陳敬詩係韓慶雲姪婦之弟自岳州隨帶赴常派充新關委員代辦常德釐金兼署常德府經歷代理武陵縣知縣乘此招搖藉端索賄凡韓慶雲購地立契諸事皆陳敬詩主之由此市井無賴之徒李國鏞徐鈞康等皆賄通陳敬詩帶見該道派充委紳李國鏞會餽韓慶雲土膏題籤為姑兒土由陳敬

張文襄公全集

四

詩轉呈所用委員有已革未陽縣知縣胡揚祖因杖斃文生京控發審案尙未結此次簽緣關差希圖開復遇事生風仍不改其貪酷舊習此外知縣佐雜各委員率皆官場下品不曉公事該道以開關重任差委多員盡係一時惡劣猥鄙之流逞強占地不恤民瘼幾致激成事變是陳啟詩等助惡擾民之罪亦難姑寬原奏雖未指參未便置之不問候補知縣洪濬奉委覆查自應周歷履勘據實稟復乃迎合韓慶雲意指並不約集士紳僅與胡揚祖等出城一次本邑無一人知覺亦未逐段閱視草草具稟祇就仁智橋一帶極力鋪張一則曰韓

張文襄公全集

卷六十八

奏議六十八

五

道因地制宜再則曰斟酌盡善不可移易紳士等並無異詞公然肆其欺謾末又云以後之轆轤難免明知有害而留以殃民其居心尤不堪問訪聞洪濬於二十一年赴武陵提案日夕治遊臨行以千數百金買一妓攜回省城似此狂恣輕佻之員無怪其敢爲欺罔原奏謂因洪濬一勘而仁智橋之設埠幾成鐵案確係實情是洪濬之貽誤地方較韓慶雲僅差一間實不能曲爲之原以上各節均照原奏查明並調核卷宗博稽輿論印委各員種種荒謬幾誤大局擬請旨分別懲處以慎交涉而儆官邪卸任岳常澧道調補徐州道韓慶雲既昏

且悍專任劣員初則不考眾議壅水害城繼則不恤民生強圍商埠以致民怨切齒而又於湘省則捏詞誣稟於臣處則於批駁另議之案置之不復硬欲朦請湘省咨鄂銷案但顧成其謬說不顧大局利害實屬糊塗乖謬膽妄殃民應請旨卽行革職永不敘用以示懲儆准補實慶府經歷捐升知縣陳啟詩招搖索賄聲名狼籍應請革職永不敘用候補知縣洪濬迎合害民草率欺罔應請卽行革職桂陽縣典史陳兆蕃盜賣官地行同無賴應請卽行革職驅逐回籍前署武陵縣知縣捐升知府陳廷緒瞻徇私情不顧民害應請以縣丞降補已

張文襄公全集

卷六十八

奏議六十八

六

革未陽縣知縣胡揚祖控案未結營謀要差擾民肆惡應請俟京控案結後由撫臣併案嚴加懲儆五品銜李國鏞從九銜徐鈞康假公濟私擅作威福應請革去職銜追繳捐照交地方官嚴加管束王松年應請赦下浙江江蘇等省查明蹤跡勒傳來湘繳契退價以杜後患惟此案以常德擇定商埠地段爲正義前撫臣擬籌開埠經費二十萬爲數較少韓慶雲以此藉口乃擬將善卷村無主之地作爲商場臣初接紳民稟詞卽已札飭另議該道始將初議寢閣雖有奸商盜賣之案現經商部議駁當不至別生枝節三官殿一帶逼近城牆係該

道一時洩忿之所爲亦經臣嚴札駁斥另委道府各員到常勘得距城十二里德山街尾之楊泗宮至社木鋪地勢平衍長約七里餘廣自六十丈至八十丈不等在府城下游廬墓甚少水勢亦深於建築公所停泊商輪皆爲合宜唯填地築岸修馬路等項工程約需錢三四十萬串湘省庫儲支絀只可分年辦理以紓財力撫臣岑春煇路過常德經臣電商囑其督同地方官紳考察地勢民情親加查勘旋接岑春煇九月十七日電稱開埠一事連日督飭岳常澧道石廷棟前署道周儒臣等在於皇閣以下江岸逐細履勘詳加體察自以德山街

張文襄公全集

卷六十八

奏議六十八

七

尾由楊泗宮以東至社木鋪一段地址爲合宜該處雖距城稍遠而地方紳商均甚樂從已飭府縣取有職員李壽熙等認狀自宜照此定議卽以楊泗宮牆外水溝起平蕪地面圈作商場以抵社木鋪爲度稅關建在字藏塔以下俾江邊泊輪免與木解碰撞沿河修砌砌岸退後數丈庶汛漲時不致與水爭地以期穩固隄外隄內從寬劃定以留有餘惟填地築路之費不免稍鉅可分年辦理察看水勢冬夏均可泊輪現飭稅務司測量呈報所慮下游之馬王灘冬季水僅數寸旋疏旋淤至建造填築各費必須詳細測繪勘估方有把握容俟

抵省後選派委員來常測勘等語臣維內地開埠權自我操必須審慎周詳通盤無一失著方免貽害將來撫臣親歷其境聞見真確所定楊泗宮至社木鋪地段與臣意見相合商民眾論僉同自屬最爲妥協且楊泗宮以下至社木鋪一帶隄內皆係民田廣袤數十里彌望無際其地勢亦不甚低若慮現擬開埠地段不寬將來商務大旺時儘可體察商民情於此地隄內將商場酌量擴充購買民田填築建造只須官指以無礙可用之地修成馬路數條其屋舍行棧商人自能籌貲自辦並無庸官款代爲修築其修馬路之經費仍可向商人

張文襄公全集

卷六十八

奏議六十八

八

收回以後隄內田價日長居民尤可受益無窮至湖河淤淺乃常德一帶實在情形無論商埠設在南岸北岸郡城上游下游皆不能免與開埠地段並不相涉惟有另籌量力疏濬之法目前商埠地方自當就此定議舉辦以免久懸其籌款估工築地疏淤暨開關應仿何處章程一切詳細辦法應由撫臣妥籌會商辦理

硃批另有旨欽此

湘路商辦窒礙難行應定爲官督商辦並舉總理

協理摺 光緒三十一年十一月二十七日

竊臣承准軍機大臣字寄光緒三十二年六月十四日

奉諭商部奏湖南商董請將湘境路綫歸商籌辦公舉總理懇乞奏明立案一摺鐵路係國家要政仍應官督商辦至所稱公舉總理各節著張之洞查明辦理原摺著鈔給閱看將此諭令知之欽此遵旨寄信前來並准商部咨同前因當查湖南商會協理陳文瑋等前經來鄂呈遞公稟與在商部所具之呈大略相同所請將湘路歸商籌辦並公舉總理等語情理殊多不合自前年臣倡議收回粵漢鐵路即經電商湖南撫臣選擇湘省紳士多人公同籌議指授機宜往來滬鄂百計經營並與粵紳商訂條款奏明舉辦嗣於本年五月十九日

張文襄公全集

卷六十八

奏議六十八

九

又經臣博采眾議由電奏派總理三人在案何待該商會之複舉且一省重要公事豈有創議諸大紳經營撫司道會商一二十次同心協力挽回大局竟由一二後進自無貲本之職紳率臆妄談任意去取之理且其自定職權等差自處極尊而將奏派之大紳列為三四等以下尤屬駭人聽聞又查湘省情形專門富商大賈向來不多凡籌款公事大率係地方官邀集正紳公同籌議由大吏核定舉辦其諸紳中資本充裕者自當不乏其人然皆即統於紳之內兩年以來久已定議由紳招股集款設立公司是目前所急但以招徠實在資本股

分爲主謂之紳辦也可謂之商辦也亦可並非必由商會出名乃謂之商辦也察核該商等招股章程於贖路還款全未籌及且權利全須歸商而所招之股反欲官爲籌款保息東西各國未聞有此章程取巧太甚強橫太甚斷斷無此情理照此辦法官且不能行之於民況民能行之於官乎粵漢鐵路事隸三省湖北廣東招股辦法皆擔任贖路之款及自行保息付息湘省豈能自爲風氣凡外洋創辦公司須能認全股三分之一方稱爲發起人該商等所稱認股二百萬元究竟該發起人各認股若干並未切實聲敘斷無但出名具一稟擬一

張文襄公全集

卷六十八

奏議六十八

十

章程即可自稱爲發起人之理究竟陳文瑋等所辦商業賞本若何是否自有雄厚財產實在已招之股共有若干現存何處自須一一確查方能酌核當經札委湖北試用道黃祖徽籍隸湘省之前湖北試用道李祥霖會同前往將以上各節分別確查詳細籌商茲據該委員等稟稱查湖南商會協董陳文瑋係長沙人指分湖北試用知府前會開設頤慶和錢店及綢緞莊均已歇業現時僅有同人豫煤務有限公司係招集股本湊合而成資本不甚雄厚商會坐辦周聲洋係善化人戊子優貢知縣已丑舉人家產亦屬中資光緒三十一年陳

文瑋周聲洋會同職員鄭先靖創立商會以振興商業聯絡商情爲宗旨上年九月稟呈商部立案凡商家願入會者出資二串註冊年捐數目刻尙未定註冊之商牌已有二千餘家遇有錢財細故商會出爲調停息事商業尙均稱便鄭先靖係淮鹽公所總董以年老事繁於會事多不與聞周聲洋現以他事赴常德不常居此所有商會之事均係陳文瑋一人主持至於鐵路認股二百萬元係由該商會開議以不籌贖路款及由官籌保息款款動眾人故一時鼓舞頗有承認檢查商會底簿簽名認股者約有二百餘萬元其實繳款者不過十分之一二陳文瑋周聲洋各認股二萬五千元每人已繳五千元現查已繳各股截至九月底止官錢局存股款洋二十三萬一千三百六十九元商會交存股銀一萬五千五百九十一兩七錢二分又義豐祥裕源長錢號吉順祥鹽號分存股款洋十萬零九千一百一十元此款非盡係該商會開議時所認之股內有遠近紳商陸續自行認繳者且聞繳股時曾問及是否袁樹勛主持是僅憑陳文瑋等之聲名尙未必有此該委員等詰以該商會招股章程何以於贖路保息並未籌及路既不贖何以興修息若不保何以招徠該商會答以章程係

張文襄公全集

卷六十八

奏議六十八

七

草創未定之稿贖路保息仍應詳議辦法陳文瑋並稱但願早定總理之權限則凡商會所招之股全數交付總理撥用以卸責任等語察其情形該商會亦自知所議之窒礙難行不敢堅執並論以該商會所招之股必須隸入公司眾情方能相信繳款亦免該商會空談無實貽笑桑梓該商會亦頗領悟至該商會所舉二員本係已經奏舉及現在局辦事之紳無待該商會之市惠該委員黃祖徽等復與諸湘紳晤商備述臣意謂商會所集之款應令其附入公司亦作爲籌款招股之紳不能自樹一幟聞湘紳及商會詳議均以此說爲然現擬

張文襄公全集

卷六十八

奏議六十八

三

勒價刁難掘渠開山動輒抗阻工夫雲集爭鬪繁興物料散漫盜竊難禁徒致一事不能辦一步不可行而已且臣與湘紳談及籌款之法大率由紳籌擬辦法仍須藉官力以行之可見商會自辦之說勢有難行溯查自前年臣奉旨收回粵漢鐵路當即與三省官紳籌商辦法其時湖南紳士與聞此事者則爲前刑部侍郎龍湛霖前國子監祭酒王先謙候選道張祖同江蘇候補道席匯湘數人龍湛霖旋即病故僅存王先謙張祖同席匯湘三人此皆堅持定見助臣爭約者或赴上海或赴江甯或來鄂省多方考究反覆籌商其餘亦有與聞者

張文襄公全集

卷六十八

奏議六十八

三

數人不過隨同列名而已自上年八月美約贖回以後臣復會商湖南撫臣督催湘省各紳趕緊籌款及早興工免致徒耗贖路之還款小票之月息嗣經京外湘紳來電來函擬舉新授順天府尹袁樹勛及前江西按察使余肇康主持此事復有在長沙之湘紳數人來電及在鄂之湘紳數人則又力請以王先謙一同主持此事臣熟計兼權或係推其資望之老成或係推其辦事之才具各有取義自以三人同辦爲允協不容偏倚當經臣於五月十九日效電具奏舉袁樹勛王先謙余肇康均爲總理在案適會湘省水災官紳經營拯救日不暇

給故實款尙未籌定旋據該商會陳文瑋等一面來鄂在臣處具呈一面具呈商部奉旨飭查臣核其所言多屬妄想支離余肇康袁樹勛先後過鄂時與該商會陳文瑋晤談皆訝其並無實在資本而欲令奏派總理之等級居於該商董之下似覺可怪現經查明該商會陳文瑋周聲洋既無實在巨資自不能妄以發起人自居主持一省大事且於贖路之款招股保息之款俱置之不論不議但欲總攬修路之權利而不管舊債如何還新股如何招是其於商務路政並不了然無怪其議擬章程種種窒礙該商會等所請歸商會承辦一層自可

張文襄公全集

卷六十八

奏議六十八

四

勿庸置議湘路應仍照原議歸公司承辦欽遵諭旨定爲官督商辦臣與湘紳詳加商酌總理仍以袁樹勛王先謙余肇康三人爲宜而略加變通以期周妥竊查袁樹勛才具幹練器局恢宏久居上海商務熟悉謹擬以該員爲主持總理王先謙倡議爭路學望均優而商務未經研究現該祭酒亦遜謝不遑擬以王先謙爲名譽總理但資其議論稽察之益不責以用人理財之勞余肇康識定才長強毅任事調和眾論深協機宜擬以余肇康爲坐辦總理候選道張祖同明達寬宏鄉里悅服江蘇候補道席匯湘才敏思精深明商務往來滬鄂備

著勤勞擬以張祖同席匯湘二員爲協理他日路工既開事務益繁或總理諸人有不在湘者仍有協理在湘尙可資其輔助於路事實有裨益此外應需議紳尙多前數年已經派定者尙有多人查湖南辦事向分中路南路西路長沙岳州一帶爲中路衡永一帶爲南路辰沅一帶爲西路應每路各舉有人隨事一同與議以昭公溥而收廣益於籌款尤足資取信至商會與鐵路本是兩事陳文瑋周聲洋二人除商會事務聽其仍舊自辦外應亦派作鐵路公司之議紳令其幫同招股不許越分爭權則於路事亦屬有益無損至官督商辦之要

張文襄公全集

卷六十八

奏議六十八

五

限制者有應防禁者有應變通減價者則由官按照國家法律各國鐵路通規合之本省地勢商情酌采而施行之此官之權也皆關於治理安危之事也官雖不干預其銀款而用款必須報知官雖不干預其用人而所用之人有不合禮法者官亦可令公司撤換商權官斷不侵官權商亦不抗乃能相濟而成功至今口鐵路以運兵馬轉餉械查載客禁物書信三端最爲有關國家利害之事况現值人心不靖亂黨縱橫之際則此權尤宜慎重蓋國家所宜與商民公之者利所不能聽商民專之者權將來路成行車國家既有保護維持之大惠

張文襄公全集

卷六十八

奏議六十八

六

則應如何納稅東西洋各國自有通例斷不格外苛徵蓋股商所慮者官與其事則不免有強薦人員糜費局用提用存款強派捐款諸弊今照以上所言辦法所慮者一切無之則官督商辦與商會自辦無異矣惟三省鐵路里長費鉅以湘省爲最至今尙未勘路興工亦尙無籌款實在辦法徒負利息貽笑外人殊爲非計臣不勝焦急惟有仰懇朝廷裁斷及早定議俾得任職效能籌款與辦庶免路政久延貽誤事機全局幸甚殊批著照所請該部知道欽此

請將商辦鐵路定章三十年後由官收買一半片

光緒三十二年十一月二十七日

再外國鐵路有官辦者有商辦者凡商辦者至二十五年或三十年後官即備價收回蓋計路商所得之利已經數倍於本銀故國家買而有之誠以鐵路乃政權所繫故不能永屬民間立法具有深意衡情亦尚平允從無永歸商辦之說即如現在德國奧國法國皆同斯例至日本則議將全國鐵路概行收回並不能待至二十五年以後矣中國各省鐵路正在踴躍興辦之時則此例似宜早定懸為明文免致將來流弊已形難於挽救竊謂我聖朝樂利羣生事事寬大優厚與外洋之計及

張文襄公全集

卷六十八

奏議六十八

七

錙銖者迥然不同似宜於限制之中仍兼寓愛養之意竊擬各省鐵路如係商辦者豫為明定章程俟開車三十年後即由官備價收買歸之國家但只收一半其一半商股仍存其中不動從此再歷數千百年斷不再行收買是永遠股本官商各半利息亦官商各半其商民得回之價即可就其幹路之旁添修枝路商民既深知鐵路之利又既聞修路之法收回鉅款必籌安置自然豫為籌計測勘繪估以待半價發還立時興工三十年之後展轉聯接陸續孳生將中國各省各府縣皆有鐵路不啻阡陌交錯蛛網縱橫則中國土貨之暢旺人民

之開通蒸蒸日上而不可遏矣如此則是國與民共享樂利至公至平此與今日豫備立憲政體之本意正相符合似尙是講求富強簡易可行之策又前閱上海報紙載有商部批復廣東鐵路商人之稟略言粵漢幹路現雖奉旨准歸商辦三十年以後尙須酌辦此外各路不得援以為例等語所傳大略如此似非虛妄惟是中國民辦鐵路風氣初開若年限稍促或屆期全行由官買回則厚利不能常享此時商情不免疑沮即許以永歸商辦將來國家籌款緊急時恐亦不能保其不改章程商民亦不敢遽信其永為己產若既寬其期許以行

張文襄公全集

卷六十八

奏議六十八

六

車三十年後始行收買復留其業定以官止收買一半則仁至義盡民情必然歡悅信服以後商業日擴國勢日強君民一體憂樂與同互相維繫斯誠長治久安之要道矣臣管見所及仰請敕下郵傳部詳籌妥議著為定章實於路政財政大有裨益

硃批該部議奏欽此

機器製麻仍懇暫免稅釐摺

光緒三十二年十一月十六日

竊照湖北創設機器製麻局製造已有成效前經臣援案奏請暫免稅釐欽奉硃批該部知道欽此嗣經稅務處會同戶部議奏仍照向章機器製造各貨辦法完納

出口正稅一道奉旨依議欽此由稅務處刷印原奏咨行前來查稅務處奏稱阜豐公司一案以各國麵粉進口免稅華商未免向隅是以核准免稅麻類進口向係納稅與各國麵粉進口免稅者不同未便援阜豐公司辦法比例且織布等局亦經奏明遵章納稅製麻與織布情事相等應一律辦理仍照向章機器製造各貨完出口正稅一道沿途概免重徵等語臣惟機器製貨不能一概並論製麻織布同用機器而難易迥別布局各省踵行功用簡易麻布化粗爲精向所未有大凡製造土貨有祇用機器無須學問者有既用機器又須學問

張文襄全集

卷六十八

奏議六十八

九

者由前之說則工作合宜管理得法卽盡機器之能織布之類是也由後之說則非研究學理分析物質不能變化朽腐運用匠心如湖北之製麻漚濯繅染組織精工具物理化學之長通圖畫美術之理斷非織布粗淺工夫所能比例各國麻貨進口花樣日新百餘年來無人籌議抵制之法湖北創辦麻局經臣規畫多年極力提倡該局精加研究不惜資本至今日始能與洋製麻貨相等然洋貨係已成之局銷路廣而工本輕該局係初創之舉銷路微而成本重兩相比較勢難與敵抵制之法惟有進口麻貨照常徵稅以減來源出口麻貨暫

予免稅以輕成本否則土貨無利可獲一經折本後繼爲難將永用外國麻貨而中國各省貧困農民自然之大利永遠閉塞是則可爲深惜者也且查東西各國從無以出口稅與進口稅相比例者從未有以本國之貨與外國入口之貨視同一例須外貨免稅土貨方許免稅者同一貨品進口有稅出口無稅且有加重進口稅而於豁免出口稅之外又於商人有獎勵金借助金紡織之物日本於明治十二年卽已免出口稅英美各國免稅尤早至今日則東西各國幾於出口稅無物不免中國近來提倡工藝亦知進口有稅出口無稅爲保護

張文襄全集

卷六十八

奏議六十八

十

本國商業卽如學部獎勵教育製造用品第五條內稱教育用品製造辦有成效一年之後由提學使司報明學部酌核或咨明稅務處免稅等語查學部單開教育用品大半皆有進口稅者織呢一類卽係紡織物學部以自行仿製卽可免稅不聞以外國進口呢有稅總總慮也中國與各國所訂稅則係專指洋商運貨出口入口之稅並無華商稅則亦與外人訂約之事亦無各國不許我優待本國商民免稅之理奉天省陳列所附設勸工場各省運往貨物銷售度支部亦議准免稅可見國家提倡工業免稅爲自有之權夫以教育品之織

呢與工藝品之製麻相較則事同一律而以各省運銷奉省尋常舊貨與製麻局創製麻貨相較則輕重懸殊況麻貨在中國商業別出心裁不求專利已屬大公再漸免稅必多退沮今以平平無奇之磨麪仿織之呢貨已邀豁免之恩而艱難創造利及南北各省之製麻反責必徵之稅此正各國工業家所聞而非笑各國製麻廠所聞而稱快者若酌定麻貨免稅年限俟製造純熟銷路日廣再予照章納稅將來南北各省一律仿製則目前雖無稅可收將來收稅正無窮盡臣愚以為今日自強要政區區稅項為未民生實業為先合無仰懇天

張文襄公全集

卷六十八

奏議六十八

三

恩俯念湖北製麻局所出麻貨係為抵制洋貨廣興農工商實業而設創辦維艱根基未固未便免機麪之稅反徵製麻之稅未便免織呢之稅獨徵製麻之稅尤未便執外洋麻貨以刻待中國自有麻貨致使內外倒置商民失望敕下農工商部稅務處度支部會同詳加核議准予仍照前請暫免稅釐以暢土貨而保利源商業幸甚大局幸甚

硃批該衙門議奏欽此

請定學堂冠服程式摺

光緒三十三年四月十六日

竊查近數年來各省學堂建設日多風氣囂張日甚大

率以不守聖教禮法為通才以不遵朝廷制度為志士卽冠服一端不論文武何學率皆仿效西式短衣皮鞋揚揚自詡雅俗不分文武無別詰以詭異違法則以如此方有尙武之精神為詞各學堂教員亦多為其說所惑不甚鈐制至於學堂之內多藏非聖無法之書公然演說於讀經講經功課鐘點擅自刪減以及剪髮膠鬚諸弊層出實為隱憂湖北學堂風氣大致尙為循謹然頽波所靡亦不可不防其漸臣惟服色一端各國自有制度古今中外無不皆然豈有學校士林率臆改變之理況日本之法律學士皆係大笠深衣美國大學堂畢

張文襄公全集

卷六十八

奏議六十八

三

業生皆係衰衣大袖繫縵其冠與古之元冕同臣皆親見之可見外國學校亦不必盡著短衣查光緒二十年由學務大臣頒發奏定學堂章程第一卷各學堂學生冠服宜歸畫一條內云學生衣冠鞞帶被褥俱宜由學堂製備發給以歸畫一而昭整肅且免學生多帶行李以致齋舍雜亂卽或游行各處令人一望而知自可束身規矩令人敬重至各等學堂宜加區別以示遞加優異尤須嚴禁奇裝服飾並宜嚴禁學外之人仿造冒混惟所製各件應否令學生繳費可聽各學堂核計常年經費酌量行之等因自應欽遵奉行酌定畫一冠服以

昭整肅且於各等學堂量加區別以示等差至於嚴禁奇裝服飾一節尤關重要必應定有程式方免各學堂無所適從意為紛更臣考禮記表記有二云君子莊敬日強禮記聘義又云強有力者將以行禮也勇敢強有力天下無事則用之於禮義天下有事則用之於戰勝是知日強未有不由於莊敬者勇敢未有不本於行禮者聖經炳然實為文武會通之正軌前經臣督同湖北文武各學堂教員管理員詳加酌核各文學堂學生應定禮服為一式講堂服為一式操場及整列出行服均同一式共分三項至尋常隨意游行之常服惟不准短衣

張文襄公全集

卷六十八

奏議六十八

三

餘無定式武學堂學生定禮服為一式講堂操場及整列出行常服均同一式共分兩項高等初等小學堂學生冠服從簡只用一式似此明定格式絕不染近口奇衰惡習國容軍容各隨所宜既貴結束謹嚴仍復莊重不佻務令其與工匠賈販雜役水手人等迥然不同正所以重視學生特加優異城闕街市令人一望而知自必倍加敬重且處處與外國裝飾顯然有別乃是國民教育要義至於向來迂緩拖沓之狀頹唐委靡之習已經一掃而空從此膠庠塾序既具有尚武之精神尤存有秉禮之規範庶足為自強之基會將酌擬冠服章程

刊發湖北各學堂遵照試辦並將章程及製成冠服式樣咨送學部核定在案現經試辦年餘體察情形尙屬適用毫無窒礙除督飭提學使將學堂逆書謬說剪髮等弊隨時嚴行查禁及刪減讀經講經功課不習國文諸弊認真考核懲儆外茲謹將酌擬湖北各學堂冠服章程式樣分別咨送軍機處及學部聽候核定相應請旨飭下軍機處學部將湖北所擬各學堂冠服章程詳加核議奏明請旨通行頒為定制藉以實行奏定章程庶可整肅學制杜遏亂萌實於士林禮教及國民教育要義均有裨益

張文襄公全集

卷六十八

奏議六十八

三

硃批所奏甚是著學部會同禮部將所擬學堂冠服章程妥議具奏欽此

請早定鑛務章程摺

光緒三十三年五月二十一

竊查鑛務章程經臣遵旨悉心妥擬於光緒三十一年十二月具奏十二月二十六日奉硃批外務部商部議奏書併發欽此嗣因外商兩部久未議覆經臣於上年六七八等月三次電咨催詢至八月杪始接外商兩部覆電大致謂鑛章有關交涉各條由外部酌核餘由商部核定必俟詳細核明方能奏定等語本年三月臣復經電詢准農工商部覆稱本部應核各條已定惟有關

交涉各節應由外部酌核改定如外人遵守中國法律等類儻不能辦到似與定章本旨相違除咨催外務部外先此電覆等語查比年以來鄂湘礦務之案甚多臣因鑛章未定無從批示於是商民有未奉批不敢開鑛者有土客爭鬧致成鬪訟者亦有恃鑛章未定私自挖運致多中外輻輳者或洋商冒稱華商或華商假託洋商辦理甚形棘手新章若再不速定鑛務交涉必致愈久愈難辦理且外人涎我鑛利者皆恃部議未定枝節橫生現在義國商約又欲我采擇非洲紅海義國屬地之鑛章議論愈出愈奇此後每有一國議約皆有干預

張文襄公全集

卷六十八

奏議六十八

三

鑛務條款應付之策將窮義國更有特款索鑛一條權利所關非早定大局必多意外要挾瀆擾現在惟有開交涉各條專待外務部核定想外務部不乏學識通博諳悉外情之員微臣所擬可采者采可改者改可刪者刪儘可分別准駁至鑛務有關交涉者固須審慎周詳然大率不外乎嚴防於將來而稍寬於既往或略展年限再照新章或權衡輕重酌與抵補總以無礙中國鑛務全局為主若外人志在隴斷橫行必欲破壞中國法律則我自當堅持慎守靜以待之斷不受其欺愚地寶聽其暫闕並無妨礙俟華人學識漸開資力漸裕從容

開采成效漸彰則外人圖得鑛商一半之利亦必就我範圍儻使定章稍疏則主權一失而難收利權一棄而難復大計所關不可不慎在部臣自能審度機宜似不難早日定議若僅懸宕不定實非長策相應請旨敕下外務部及農工商部將此項鑛章迅即妥為核議覆奏請旨裁定頒行俾中外商民早資遵守且免多生枝節愈難補救

硃批該部議奏欽此

創立存古學堂摺

光緒三十三年五月二十九日

竊維今日環球萬國學堂皆最重國文一門國文者本

張文襄公全集

卷六十八

奏議六十八

三

國之文字語言歷古相傳之書籍也即間有時勢變遷不盡適用者亦必存而傳之斷不肯聽其漸滅至本國最為精美擅長之學術技能禮教風尚則尤為寶愛護持名曰國粹專以保存為主凡此皆所以養其愛國之心思樂羣之情性東西洋強國之本原實在於此不可忽也嘗考尚書云惟土物愛厥心臧聰聽祖考之彝訓蓋必知愛其土物乃能愛其鄉土愛其本國如此則為存心良善方能聽受祖考之教訓是知必愛國敬祖其心乃為善若反是則為不善也中國之聖經賢傳闡明道德維持世教開啟神智尊顯鄉邦固應與日月齊光

尊奉傳習卽列朝子史事理博賅各體詞章軍國資用亦皆文化之輔翼宇宙之精華豈可聽其衰微漸歸泯滅謹查光緒二十九年欽定學堂章程內學務綱要第十一條卽係重國文以存國粹言之已詳臣自前兩年回鄂以來體察學堂情形所有現派各學堂各監學及中文之經學史學算學圖學中國地理中國詞章等各門教員皆係臣在楚所設經心兩湖兩書院中之都講高材分布各處該生等中學素有根柢人品向來端純深知宗法聖賢兼以博覽典籍故此次分派各學堂職業以及趕學速成師範補習普通派赴外洋遊歷考察

張文襄全集

卷六十八

奏議六十八

三

託空言既無周秦傳經之名師安有兩漢立學之博士竊恐不免有經籍道熄網淪法斁之憂言念及此不勝大懼查經心書院乃臣從前提學湖北時所建專爲令諸生通經學古而設所出人才蔚然稱盛茲卽將經心書院故址改爲存古學堂將屋宇量加修改添造務期合法建造書庫多儲中國舊學圖書金石名人翰墨前代禮器專聘博通中學經史諸子詞章各門學問之師儒爲教員選取中學較優之生收入此堂肄業卽專習此數門數門之中經學爲一門應於羣經中認占一部說文爾雅學音韻學亦附此門內史學爲一門應於廿

張文襄全集

卷六十八

奏議六十八

三

同者則規矩整肅衣冠畫一講授皆在講堂問答寫於粉牌每日兼習兵操出入有節起居有時課程鐘點有定會食應客有章皆與現辦文武各學堂無異與舊日書院積習絕不相同其中雖間有年長身弱者柔軟體操器械體操兵式體操均應一體演練惟各項體操中其練習過難用力過猛者免其肆習要之孔子所言溫故而知新一語實爲千古教育之準繩所謂故者非陳腐頑固之謂也蓋西學之才智技能日新不已而中國之文字經史萬古不磨新故相資方爲萬全無弊若中國之經史廢則中國之道德廢中國之文理詞章廢則

張文襄全集

卷六十八

奏議六十八

三

中國之經史廢國文既無而欲望國勢之強人才之盛不其難乎今此學堂既以國文爲主即宜注重研精中學至外國歷史博物理化外國政治法律理財警察監獄農林漁牧工商各項實業等事只須令其略知世間有此各種切用學問即足以開其腐陋化其虛僞固不必一人兼擅其長每一星期各講習一點鐘即可若算學一門本係中國經學史學所必需自應仍舊講習且本朝 列聖欽定數理精蘊儀象考成等書測算即用西法自不宜墨守九章四元舊式地理及輿圖一門古來中學所重見諸正經正史況天地人大端要略既名

儒者豈容茫昧不通今全球地圖幾於家有一本豈能劃分中外亦應兼習但算學地圖不必過於求精鐘點亦不宜太多俾其時刻較寬可以專力中學務造精深蓋前奏各學堂章程重在開發國民普通知識故國文及中國舊學鐘點不能過多此項存古學堂重在保存國粹且養成傳習中學之師於普通各門止須習其要端知其梗概故普通實業各事鐘點亦不便過多以免多占晷刻兩法互相補益各有深意不可偏廢不可相非所有各門學業鐘點另列有功課表畢業擬以七年爲限該堂監督一時暫難選得其人凡學生平日功課

張文襄全集

卷六十八

奏議六十八

三

由各門分教員按月考核填注分數送交提調彙齊列表送交提學司由提學司核閱初次後呈送臣衙門覆核取定榜示其年終大考由臣親臨察試此項學生如於現定課程之外能有餘力加習洋文爲將來考究西籍之資爲用尤大惟本學堂鐘點已多講堂已滿並於附近設立外國語文學堂一所准其附入該學堂自行兼習則畢業後可照高等學堂例奏請獎勵並准送入大學堂文學專科肄業將來可遞升入通儒院其不習洋文者聽惟獎勵須量減一等畢業後止能送入大學堂文學選科肄習以示區別凡畢業者將來備充各師

範各普通中學高等學大學等學堂文學專門之師此項存古學堂肄業學生以二百四十名爲額分爲三班取錄以次入堂肄業該堂一切課程鐘點經臣殫心竭慮籌計經年並督同提學司及各司道並各學堂良師通儒往復商榷數十次始克擬定大略總期多致心力於中國經史詞章之學庶國文永存不廢可資以補救各學堂之所不足而又略兼科學以開其普通知識俾不致流爲迂拘偏執爲談新學者所詬病此項人才將來上之則升入通儒院以供大用次之則以備文學侍從之選似亦盛世朝列中必不可闕之人員伏讀近年

張文襄公全集

卷六十八

奏議六十八

三

歷次興學論旨惟以端正趨向爲教育之源一則曰敦崇正學造就通才再則曰庠序學校皆以明倫聖訓煌煌無非以崇正黜邪爲宗以喜新忘本爲戒夫明倫必以忠孝爲歸正學必以聖經賢傳爲本崇正學明人倫舍此奚由乃近來學堂新進之士蔑先正而喜新奇急功利而忘道誼種種怪風惡俗令人不忍觀聞至有議請廢罷四書五經者有中小學堂並無讀經講經功課者甚至有師範學堂改訂章程聲明不列讀經專科者人心如是習尚如是循是以往各項學堂於經學一科雖列其目亦止視爲具文有名無實至於論說文章尋

常簡牘類皆捐棄雅故專用新詞馴至宋明以來之傳記詞章皆不能解何論三代此如籍談自忘其祖司城自賤其宗正學既衰人倫亦廢爲國家計則必有亂臣賊子之禍爲世道計則不啻有洪水猛獸之憂微臣區區保存國粹之苦心或與世教不無裨益該學堂工程現已完竣於本年暑假後卽行開學該學堂章程現係創舉擬請試辦半年後如課程條目毫無窒礙擬卽請旨敕下學部核定通行各省一律仿照辦理以延正學而固邦基再臣前見學部議覆湖南擬設景賢等學堂河南擬設尊經學堂摺內有該撫等疊稱仿照湖北存

張文襄公全集

卷六十八

奏議六十八

三

古學堂之語臣查該兩省學堂章程似與向來書院考課相仿與鄂省存古學堂之辦法判然不同毫不相涉湘豫兩省係屬誤會合併聲明殊批學部知道欽此

新造模範監獄詳定章程摺

光緒三十三年五月二十九日

竊惟監獄之設虞畫衣冠周立圍土然虞書之要指曰欽恤周書之要指曰以教祇德要無非先之以摩厲繼之以訓迪當其禁暴之時已期恥格之效用意深厚古訓昭然暴秦至明積弊遂甚近年疊奉明詔修改法律輕刑宥罪聖慈普被薄海同欽查各直省府廳州縣各

有監獄而狹穢凌虐殆無人理疾疫痠斃多死非辜實爲有妨仁政之一大端臣曾於光緒二十七年五月變法三摺內詳切言之疊經札飭湖北臬司通飭府廳州縣各衙門將所設內監外監大加修改務須寬敞整潔凌虐之弊隨時禁革三年以來雖積習已漸次剔除外府縣改修者若沔陽州夏口廳漢陽縣等屬已有數處特以經費支絀究未能大改舊規臣詳察深念此爲關係民命之實際若因陋就簡終無大益省會領袖尙不完善支郡山城安望合格必須在省城大舉營造兼采東西各國監獄之式管理之法雖在禁錮之中而處處

張文襄公全集

卷六十八

奏議六十八

三

五尺中廣三十二丈後廣二十一丈二建造外環圍牆內分四區一內監以居已定罪人犯約可容百人一外監以居未定罪人犯約可容三百人一女監以居女犯約可容四十人一病監以居內外監患病不能保釋出獄人犯約可容五十人內監仿日本東京監獄式若扇面南設三人監二所監房各十二間間寬九尺深一丈一尺北設一人監二所監房各二十間間深一丈寬六尺凡四所夾道上架以玻璃窗汽屋寬八尺中央有瞭望樓一守衛軍住房二東有八方炊室一浴室一罪人製造品物庫一西設嚴禁監一所計共十間以居在監又犯罪一次者該所內自有工廠一守衛房一監房之北又有獨居暗室八間以居在監又犯罪兩次者每間深七尺寬四尺五寸總共內監除罪人室每間各於牆外設有暗廁外另有廁屋六此後區也外監仿巢鴨監亦扇面式東西各一中作十字巷道上安汽屋以納空氣計監房十所凡一百一十二間間寬九尺可容三人玻璃窗汽道東西瞭望樓如內監此外南有罪人製造品物庫一罪人接見室東西各二嚴禁監二所共計十間獨居暗室十六北有工廠四廁屋二東西各有廚房一廁屋一中央於瞭望樓之中層設教誨樓一存罪犯

張文襄公全集

卷六十八

奏議六十八

三

衣物室一倉庫二庶務房十經理驗收罪人製造品物
司獄房三此中區也女監設於前區之西南計監房十
五守衛房二工廠一浴室一前區之東南則有病監十
六傳染病監七屍室一醫室暨守衛房四厠屋一再東
南則有會議室三獄官室六再西南則有書記室三守
衛室三巡勇房六中央則內門表門各一平臺三門衛
室二製品存留所一救火器具室二西有總門二層以
通於縣署頭門之內旁設門衛房二巡勇房六此前區
也內監後牆外西北隅建造電燈機器鍋爐廠房二大
間又自來水儲水臺一座各監房均設有電鈴以期消

張文襄公全集

卷六十八

奏議六十八

五

息靈通他若牆身牆根深砌紅石必令其堅洋窗洋門
皆用鐵軸必令其固屋皆有窗以透光綫必令其明地
板下之風路鐵門必令其通院宇廚廁必令其潔又若
地臺皆用紅石階級皆用青石門限皆用麻石柵門皆
用鐵柱以及地板走廊穿廊洋梯水棍溜筒明溝水櫃
碎石甬路皆因地制宜按圖經營綜觀大致規模似尙
與東式相仿三設置監犯性情不齊火之爲害防不勝
防今監內各所皆設電燈庶啟閉隨時操縱在我又置
自來水管以期有備無患與日本監獄備置消防具之
義合其蒸汽管尤便日用取水既易犯者自勤於滌垢

於衛生亦有裨益四移禁考日本集治監假留監地方
監拘留置監留置場懲治場其所拘禁者數種或被處徒
刑流刑者或被處懲役終身者或婦女被處徒刑者或
刑事被告者或以罰金換禁錮者或被處罰拘留者或
關於不論罪之年幼者及瘖啞犯罪者今江夏新造監
獄既成所有舊監人犯如實犯死罪待決及限年監禁
各犯一律移入內監其從前因事羈押之犯及因犯事
收入舊設遷善所與警察局暫押之犯擇其質地誠實
青年可造者先行挑取百名收入外監令在工廠學習
各項手藝隨時教誨以後體察管束教導是否得法隨

張文襄公全集

卷六十八

奏議六十八

五

時陸續增添挑人如能學藝有成痛知改悔者酌其犯
事輕重量予省釋以示成全五典獄考日本地方等監
監督權雖屬於司法大員或府縣知事或警視總監北
海道廳長官而各監均有典獄凡犯人之一舉一動監
內之安常災變皆典獄司之事極繁夥司法省監獄事
務官及知事等不過年巡數次與中國以州縣爲有獄
官典史吏目爲管獄官相類現造監獄雖屬江夏縣監
實爲閩省罪犯薈萃之所議規則勤管理恐非管獄官
一人所能周到尤非於外國監獄規則曾經研究者恐
難施行悉當江夏縣知縣係有獄官但有地方之責事

務較繁獄內各事勢難兼顧仍應責令兼管典史於例爲管獄官不能辭責派令充當庶務長遇事幫同料理處分仍照舊例茲當創辦之始擬設典獄官一員秩視通判副典獄官一員秩視州判作爲差使擇人派委不作實缺薪水量加優給俾令能者盡心辦理其他案牘科守衛科工業科科各一員名曰科長書記生八教誨師二內外科醫官各一皆爲輔助典獄官之員由臬司及有獄官分別酌用六守衛舊法管監者曰禁卒曰看役皆下等粗人充當所有管理之法既未諳悉氣質橫暴尤多流弊故外人見我監獄譏爲野蠻良亦由此茲

張文襄公全集

卷六十八 奏議六十八

三

革黜禁卒等名而招考守衛軍不設定額取其身家清白素無過犯而又能識粗淺文字性質確係良善者充之現在所招各守衛軍有身列士林者與從前之禁卒看役相去霄壤教以監獄學及監獄各種規則使其實習七習藝罪人作工本係古法織室雅春意在勤動既防越思生事亦免瘴癘傷生至於教以工藝之意卽寓其中西法應歸入監禁之罪人最多動逾千數故監獄中尤重工藝近年部章設有犯罪罰令習藝之條茲於內監外監女監嚴禁監皆各建有工廠但所習之藝須擇其成本輕而工程易者方爲實濟蓋今日習藝須爲

他日生活之計儻成本稍重卽使藝成釋放而窮之莫措仍與無藝等何以資生故此時募用教習於罪人皆係授以微藝如織布裁縫編製草竹各器製造學堂各種用品之類以後日求精進其工作機器概不用鐵木粗重之物以防流弊入教養中人之資不貴無過而貴改過今於犯罪者加之厚待存其廉恥消除從前酷虐之習另設教誨師每遇星期及犯人歇工時刻教以改過遷善之道寓勸於懲若幼年犯並教以小學課程以迪愚頑期於滌染自新所謂教也管理有法監犯平日口食定有節度決不令有穢惡尅扣之弊且選用內外

張文襄公全集

卷六十八 奏議六十八

三

科醫官二員遇有疾病慎重診視不使死於非辜而有礙衛生之物鴉片烟爲害最烈給藥痛戒勿使流毒所謂養也九經費查建造新監獄經費已經由外籌撥款項辦理於銅幣盈餘及籤捐項下動支核計此後常年所需員役薪費衛軍衣糧罪人衣被薦席飲食藥物及犯人作工成本監獄歲修每年約需銀三萬五千兩已飭將原購監獄基址民房舊料於監後空地及黃土坡中和門等處購買地段移修大小官房三十九所出租以資津貼按照時價除空閒無租及歲修外每年可得租錢七千串約合銀五千兩此外擬撥質當捐一萬兩

銅幣盈餘一萬兩籤指盈餘一萬兩以備常年經費不
動正款十規則現在模範監獄係屬創辦一切規則恐
難完備前經飭令補用知縣廷啟博考各國成法采輯
成帙酌擬章程猶恐未能周密俟實行以後督飭會赴
日本考究警監學各員察看情形隨時修改以上各條
綜其大要不外管理衛生教育三事現已規模具備即
名曰湖北省城模範監獄於本年五月開辦此後當督
同臬司及本管府縣並所派專員等隨時加之考察務
使化莠爲良民氣和樂以仰副 聖主施仁弼教之至
意

張文襄公全集

卷六十八

奏議六十八

三

硃批該衙門知道欽此

張文襄公全集卷六十八終

深縣盧詒孫校

張文襄公全集卷六十九

奏議六十九

遵旨覈議新編刑事民事訴訟法摺

光緒三十三年七月二十

竊臣承准軍機大臣字寄光緒三十二年四月初二日
奉上諭法律大臣沈家本等奏刑事民事訴訟各法擬
請先行試辦一摺法律關係重要該大臣所纂各條究
竟於現在民情風俗能否通行著該將軍督撫都統等
體察情形悉心研究其中有無扞格之處卽行縷析條
分據實具奏原摺單均著發給閱看將此各諭令知之

張文襄公全集

卷六十九

奏議六十九

一

欽此遵旨寄信前來臣將原發摺單督同司道屢次悉
心研究反復討論似有礙難通行之處綜核所纂二百
六十條大率采用西法於中法本原似有乖違中國情
形亦未盡合誠恐難挽法權轉滋獄訟謹爲我 皇太
后 皇上剴切陳之書曰士制百姓于刑之中以教祗德
漢臣班固有言名家者流原於禮官蓋法律之設所以
納民於軌物之中而法律本原實與經術相表裏其最
著者爲親親之義男女之別天經地義萬古不刊乃閱
本法所纂父子必異財兄弟必析產夫婦必分資甚至
婦人女子責令到堂作證襲西俗財產之制壞中國名

教之防啓男女平等之風悖聖賢修齊之教綱淪法斁
隱患實深至於家室婚姻爲人倫之始子孫嗣續爲宗
法所關古經今律皆甚重之中國舊日律例中如果審
訊之案爲條例所未及往往援三禮以證之本法皆闕
焉不及無論勉強驟行人情惶惑且非聖朝明刑弼教
之至意此臣所謂於中法本原似有乖違者也恭繹諭
旨殷殷以現在民情風俗爲念仰見聖慮周詳曷勝欽
服夫立法固貴因時而經國必先正本值此環球交通
之世從前舊法自不能不量加變易東西各國政法可
采者亦多取其所長補我所短揆時度勢誠不可緩然

張文襄公全集

卷六十九

奏議六十九

二

必須將中國民情風俗法令源流通籌熟計然後量爲
變通庶免官民惶惑無所適從外國法學家講法律關
係亦必就政治宗教風俗習慣歷史地理一一考證正
爲此也在法律大臣之意變通訴訟制度以冀撤去治
外法權其意固亦甚善惟是各國僑民所以不守中國
法律者半由於中國裁判之不足以服其心半由於中
國制度之不能保其身家財產外國商民冒險遠至其
本國欲盡保護之職分不得不計其身家性命之安危
乃因各省伏莽充斥盜賊橫行官吏雖多而不能保民
警察雖設而不能徧及致爲外人竊笑而謂變通訴訟

之法即可就我範圍彼族能聽命乎縱使所定訴訟法
條理完密體例精詳亦必指瑕索癥借端責難又安能
盡廢其欲耶矧所纂各條按之西律不無疏漏混淆之
處近年與英美日本訂立商約彼國雖允他日棄其治
外法權然皆聲明俟查悉中國律例情形審斷辦法及
一切相關事宜皆臻妥善等語是已失之法權不能僅
恃本法爲挽救其理甚明所謂一切相關事宜皆臻妥
善十字包括甚廣其外貌則似指警察完備盜風斂戢
稅捐平允民教相安等事其實則專視國家兵力之強
弱戰守之成效以爲從違觀於日本實行管束外國商

張文襄公全集

卷六十九

奏議六十九

三

民實在光緒二十年以後可以曉然若果不察情勢貿
然舉行而自承審官陪審員以至律師證人等無專門
學問無公共道德驟欲行此規模外人貌合神離之法
勢必良懦冤抑強暴縱恣盜已起而莫懲案久懸而不
結此臣所謂難挽法權而轉滋獄訟者也且西洋各國
皆先有刑法民法然後有刑事民事訴訟法即日本維
新之初亟亟於編纂法典亦未聞訴訟法首先頒行如
刑法及治罪法俱施行於明治十五年舊民法及民事
訴訟法俱公布於明治二十三年是也有訴訟之法尤
須有執法之官故必裁判官權限分明而後訴訟法推

行盡利如德國之舊訴訟法與裁判所編制法同時實行是也中國律例詳刑事而略民事即以刑事而論亦與西律懸殊綜觀本法所編各條除中外交涉外大抵多編纂刑法民法以後之事或與釐定裁判官制相輔之文此時驟議通行非特大礙民情風俗且於法律原理柄鑿不合臣惟編纂法律有體有用先體後用其勢乃行現行律例以吏戶禮兵刑工分類本沿明律之舊官制改後名實已乖近年新政新法漸次增行國際交涉日益繁重實非舊例所能賅括即如輪船鐵路電報郵政印花鈔票在外國莫不嚴妨礙交通之罪設侵害

張文襄公全集

卷六十九

奏議六十九

四

信用之防又如殺傷外國使臣句通外國軍隊偽造外國通行貨幣違背戰時中立條規有一於此足礙邦交在外國莫不特設專條預為防範至於商務各條之別有商法軍政各項之別有海陸軍刑法各國已為通例未有與刑法相混者而民法一項尤為法律主要與刑法並行蓋東西諸國法律皆分類編定中國合各項法律為一編是以參伍錯綜委曲繁重今日修改法律自應博採東西諸國律法詳加參酌從速釐訂而仍求合於國家政教大綱方為妥善辦法律條訂定以後再將刑事民事訴訟法妥為議定則由本及支次第秩然矣

至目前審判之法祇可暫訂訴訟法試辦章程亦期於民情風俗一無阻礙而後可擬請敕下法律大臣先就所纂各條內擇其相宜者暫為修訂章程請旨遵行一面速將各項法律選集精於各門律學大小臣工分門修纂各編專書頒行遵守然後再議刑事民事訴訟法庶可收變法而不廢法之效謹將新編訴訟法礙難通行各條加具按語彙開清單恭呈御覽

硃批法部議奏單片併發欽此

謹將刑事民事訴訟法扞格難行各條摘錄原文加具

按語開單恭呈御覽

張文襄公全集

卷六十九

奏議六十九

五

第一條凡公堂審訊案件分為二項一刑事案件二民事案件

按中國法律向以刑律戶律為大綱而外國律則必先有刑法民法然後刑事民事訴訟法有所附麗現欲分析刑事民事則必將現行律例釐然分開詳加訂定裁判官方有準繩可循本法第二第三兩條雖指明何項為刑事何項為民事實則裁判之時每有介於刑事民事之間不能強為分析者又有因刑事而關涉民事因民事而發覺刑事者是以中國於牽涉之案有會同辦理之時外國裁判所有公訴附私

訴之法况外國民法不涉刑罰範圍中律如戶役婚姻錢債等項本屬民事而律例於每條之下各繫罪名則入於刑事由斯以言則今日不分刑法民法而分刑事民事訴訟法譬如無圭之景無本之泉司法者必窮應付矣

第三條凡因錢債房屋地畝契約及索取賠償等事涉訟爲民事案件

按民事所包甚廣外國婚姻親族之事皆定於民法其民事訴訟法不詳婚姻親族者以別有人事訴訟手續法等爲之輔也中國雖無民法專書然婚姻立

張文襄公全集

卷六十九 奏議六十九

六

繼服制等事則律例甚詳本法祇及錢債房屋地畝契約各項不及婚姻親族等事殆亦以外國昏禮其勢萬不能行於中國而西人身後財產不專給繼嗣之人與中國風俗判然不同故未議及不知中國民間詞訟半由家庭骨肉而起中西風俗之不同正在於此此而不詳豈非缺漏

第四條凡刑事案件控訴之期限如左逾限不得復控
一違禁罪六月二輕罪三年三重罪十年

按刑事案件皆叛逆強盜謀殺故殺等重情自來叛逆之徒近如髮逆遠如教匪皆積久始發其死罪以

下盜犯隔數年而始獲者甚多卽謀殺之案間有首犯造意不行當時無從查知歷久敗露始經屍親指控以及船戶店家圖財害命或佔其妻妾而迫於強悍含忍年久而昭雪或脅其子女而撫爲螟蛉比至年長而出首見諸成案者纍纍且祖父被毆例內其子孫志切復讐因兇犯脫逃日後撞遇擅殺致死或其子孫於祖父母父母被殺時年幼不共之讐逮壯盛而始復手刃正兇事雖隔已多年殺實於出義忿若囿於期限而置其從前祖父母父母被殺於不問則何解於復讐之例又如迷拐幼孩並奴及雇工賣

張文襄公全集

卷六十九 奏議六十九

七

家長之妻女及子等項此皆事後未易發覺者甚有罪犯極惡而當時竟未查知名姓本犯遠避一過十年犯卽回籍不得復控兇徒倖免法紀何存查重罪輕罪違禁罪乃日本法律罰罪所分之三種日本刑法改用西律以後案以證定蓋慮年月久遠證據不齊故有期限之分中國現行警察偵探緝捕尙未大著明效安得有犯卽獲本法所謂重罪係指軍流以上而言其軍流罪限以十年徒罪限以三年違警罪限以六月尙不妨稍示寬仁獨罪犯應死則萬不能以十年之後卽置諸不議轉使匪徒無所忌憚顯弛

道齊之治

第十四條凡案外觀審及案內候審之人有他項無禮情事即行驅出若情節較重仍以藐視公堂論科以罰金

按罰金之例日本刑法施於輕罪之最輕者但情節既較無禮為重公堂又係執法之區即照日本刑法喧鬧官署強逼官吏首魁及教唆者亦處重懲役應其煽動助勢者處輕懲役其情輕者減一等附和隨行者始處罰金中國定例直省刁民果有冤抑不於上司控告聚眾至四五十人尙無闕堂塞署毆官者

張文襄公集

卷六十九

奏議六十九

八

首從應分擬斬絞其闕堂毆官者同謀聚眾下手之犯亦斬定例何等森嚴若照假以建言為由挾制官府之例亦應擬以軍戍僅罰金恐不足懾刁民之膽

第二十四條如有股實之人指控道路之人犯罪巡捕不持拘票即將被指之人捕送公堂審訊

第二十五條如在道路犯違警罪或情節較輕之罪且犯罪者似係股實之人即不得將該犯捕拏祇須問明姓名住址事業請公堂發票傳令聽審

按外國法令周密警察靈通其人股實與否巡捕一

覽而知故股實之人或指人犯罪或自行犯罪可以

從權辦理中國人民貧富向無冊籍可查若就外面觀之則家無擔石而衣服麗都或富有千金而衣衫藍縷以此為準是導民為偽也若確知其為股實而聽之縱之是厚於富而薄於貧也况即使真係富戶亦未必盡屬善良為富不仁之徒難保無魚肉鄉愚挾嫌誣陷之舉巡捕乃在官人役亦豈能聽股實之人指使儻果照此辦法則流氓黠賊華服鮮衣名姓難憑行蹤無定甚或冒充官吏假託紳衿法外逍遙公然無忌而良懦之夫謹愨之輩無心偶誤即犯刑

張文襄公集

卷六十九

奏議六十九

九

章縱第二十八條有誤行捕拏准其控訴之例在原控之富紳何難賄囑書差通同作弊此必有重足而立者矣

第二十六條凡犯重大之罪准不持拘票逕入房院之內搜查

按此條命意在捕拏迅速不知人犯重罪必不在家待捕或親戚隱匿或紳富包庇而隱匿包庇又無確據勢不得不展轉搜捕各州縣命案往往地保差役串同屍親妄指誣陷有本非近隣而指為近隣者諺所謂飛隣望隣是也有本係無干而誣為案犯擇肥

而噬者諺所謂開花是也若輩託名擊犯直入房院
幾成憤技雖迭經禁止仍恐不免陽奉陰違若更許
其不持拘票逕入搜捕流弊之大更恐無所不至是
適成厲民之政矣

第二十八條凡將人誤行捕擊或拘禁者准受害者將
其人並指告及主使之入向公堂控訴按律治罪或照
民事案件辦法索取賠償

按誣告本例分條詳列原有已決未決之分公堂判
事宜詳且慎其先行誤擊或為指告及主使者所惑
迨開堂集審既有陪審員又有辯護士應不致再有

張之洞全集 卷六十九 奏議六十九 十

誤被拘禁之事乃受害者竟被禁累自應照例反坐
藉遏訐告之刁風稍紓被誣之冤氣情法方為持平
若照民事辦法僅索賠償則民事案件本較刑事為
輕比類參觀輕重似未合宜

第三十三條凡請發拘提及搜索房院等票者必宣誓
按宣誓為西教舊習摩西十誡不許妄言耶蘇行道
首闡此旨西國崇尙宗教故裁判之地不廢宣誓然
餽羊告朔不過略存其意未必竟以為憑日本訴訟
法除證人外概不宣誓亦以人情詐偽雖指天誓日
必無益也中國古者有大征伐則誓於民然作誓民

疑已見於殷人之世春秋列國以祝詛之詞載於盟
府而口血未乾淪盟背約者往往有之是無論東西
古今斷無宣誓可信之理况近來教堂日盛教勢自
張載此於法律之中直是揚湯止沸將使神權之說
昌於禮義之邦迷信之譏始於法廷之上此不問而
知其害矣而本法各條宣誓一項凡十一見長言反
覆鄭重再三一若宣誓以後所控皆真所供皆實者
即使毫無欺罔亦是神道設教迹近愚民况變詐百
出乎

第三十七條被告拘提到案後或存保證銀於公堂將
張之洞全集 卷六十九 奏議六十九 十一

其釋放
按存銀作保用意本善惟公堂於款項出入易滋弊
端或呈繳之時種種挑剔或發還之日層層折扣不
如刪去此項專由殷實人取保

第四十六條凡人被擊如因人證不齊或因他故准展
期審訊每次展期不得逾七日統計亦不得逾十次倘
遇十次不能審判應取保釋放
第四十七條除叛逆謀殺故殺強劫並他項重罪之案
不准取保外其餘各案均准取保候審
按取保候審與取保釋放置義懸殊取保釋放指無

罪而言其人果係無罪自應早日釋放何待再三展限若核其情節本在疑似之間祇因人證未齊或有合理事故不能審訊則此等人犯縱無叛逆人命強劫及他項重大情節衡情擬罪或尙係軍流徒各項定例於軍流徒犯並無准其取保候審之文更安有准其取保釋放之理卽竟准其保釋而此等人犯覓人保管孰肯擔承此亦事理之至顯者况各衙門辦案或正犯在逃緝獲無日或公文錯誤查復需時或起物件於遭風失事地方或傳人證於數千百里以外往往速則數月遲則經年必以七十日爲限亦膠

張文襄公全集

卷六十九

奏議六十九

三

柱鼓瑟矣

第五十條凡公堂審案令原告親身到堂

按原告親身到堂自是正辦然職官命婦舉貢生員例得遣抱所以全體面而示優異用意至深新定陸軍徵兵章程凡入營退伍者遇有詞訟許遣抱告優待軍人於斯爲美外國民事訴訟本可用代理人若刑事訴訟則以檢事爲原告不以被害之人爲原告在被害之人亦無必令到堂之例中國既無檢事以爲原告則遣抱告之法必不可廢擬請於原告親身到堂下添例應遣抱者令抱告到堂一語意義較爲

周匝

第五十一條無論刑事民事案件原告及兩造證人如查有砌詞誣告或供詞故意虛僞等情卽處以一千圓以下之罰金民事案內之被告同

按中律有誣告專條西律有僞證之罪大清律誣告人罪流徒以下加等死罪已決者反坐未決者流德國刑法證言不實者處懲役十年以下俄國刑法證佐虛妄者發往西伯利亞作苦工十年綜觀中西律令凡誣妄虛僞者莫不嚴加懲治非罰金所能蔽辜蓋借端陷人其心至險許以贖銀是富者得肆行無

張文襄公全集

卷六十九

奏議六十九

三

忌也然證人虛僞中國問案向不專憑眾證證人畏累諱飾情尙可原如係串通陷害自當照爲從科罪不宜處千圓以下之罰款至民事被告尤不應與刑事原告相提並論蓋刑事係罪名出入民事祇財產糾纏原告誣陷心迹可誅被告虛飾人情常事概處罰金之罪豈所以昭明允之治哉

第七十六條凡裁判均須遵照定律若律無正條不論何項行爲不得判爲有罪
按春秋比事不廢屬辭折獄引經備傳往哲且斷罪無正條例內會載明律例無可引用援引別條止附

者於疏內聲明律無正條今比照某律某例科斷或
比照某律某例加一等減一等科斷詳細奏明恭候
諭旨遵行雍正十一年始定此例近年咨案亦且援
引無非爲情僞無窮科條所不及者則比附定擬以
隄防之若因律無正條不論何項行爲概置不議雖
循東西各國之律施諸中國適開刁徒趨避之端恐
爲法政廢弛之漸

第七十八條凡宣告判詞經過上控期限方爲決定然
後按照下列各條分別執行各刑

按本法上控期限僅止一月而官司斷獄有故人故

張文襄全集

卷六十九

奏議六十九

西

出失入失出各例如已經過上控限期分別執行各
刑則明知冤枉不與辦理者以故入人罪論之例不
幾虛設耶定例知府直隸州有將州縣審擬錯誤關
係生死出入大案究出實情改擬得當者經上司達
部議准奏請送部引見原係慎重民命之意即臨刑
呼冤例得奏聞覆鞫其上控之案訊係原問各官業
經定案而有抑勒畫供詐贓舞弊情事即分別發交
審辦其由委審後上控者即令各上司衙門親提嚴
鞫不得復行委審審係誣控按律治罪例意謹嚴深
防冤抑承審之員當以力求裁判允當爲主若以經

過一月方爲決定似所判已難自信矣至案內原告
別無待對事理無故稽留本干例禁而犯案之係屬
牽連情罪稍輕者例准先行取保其重案內挾仇攀
害者應即釋放概令守待一月受累已不少矣
第八十六條原告所控各節間有疑竇者應即將被告
取保釋放

按原告所控果有疑竇即應於控時駁斥乃不察情
僞貿然將被告拘提迨被告到案始知情節可疑既
覺可疑又不根究僅以釋放了事而置原告誣控於
不問辦法殊屬顛預此端一開設遇疑難案件皆得

張文襄全集

卷六十九

奏議六十九

五

援以爲例而聽斷糊塗之吏反藉此藏拙矣

第九十條凡控訴若係錢債賠償等事注明數目有合
同或契約者鈔粘附呈

按鈔粘爲憑易滋詐僞大凡合同契約於緊要處竄
易一二字即大有出入周禮以財訟者正之以傅別
約劑似須令其將原立合同契約附詞呈遞考核方
確若待被告申請查看始令原告取出儻核對不符
而率准率傳之咎已受原告欺矣自不若慎之於先
以期核實審訊畢事當堂由承審官親自給還亦甚
直截了當

第九十一條公堂接控詞後即發傳票須將所控事件簡晰敘明

按民事之案雖輕於刑事而圖准不圖審者所在多有全在考核憑據推究事理分別准駁方不致濫傳滋累若一接控詞即發傳票則索欠無憑率為傳追准理指姦無據亦令婦女到堂以干名犯義之詞而傳尊長以羅織牽連之狀而傳族鄰堂弁有票差之利刁民必因緣為奸匪特重累小民而詞訟繁多之區承審官日坐堂皇亦不暇給矣

第九十五條凡原告所訟之款或估計該案之值數未逾五百圓者傳票註明審期

逾五百圓者傳票註明審期

第一百一條逾五百圓者傳票毋須註明審期惟令被告於接傳票之七日內報到

按估計價值最無定準田地房產有原買時價賤而控訴時價貴者有本係重價而因控訴之故減價開呈者錢債等項有本息并計者有計本不計息者有計息而不能按照官利者有債款關涉數人須分計或須合計者諸如此類法律苟無明文援引便多謬誤儻五百圓以上五百圓以下辦法無甚出入兩造容或無辭乃傳票既有註審期不註審期之分訟費

表又以此定多寡之數且監禁日期以此為久暫之差則時期長短費用多寡懲罰輕重皆兩造利害所關必致抗辨不已案無斷結之日矣

第九十六條接傳票後被告或所延律師可任便赴公堂查閱原告所呈各項文件公堂不得攔阻

按原告控情既於傳票敘明被告已可據票內所載具訴即有附呈契券等件可於臨審時當堂交閱案卷自必歸檔若准任便查閱即使派人監視而被告可看律師可看監視之人稍一疎防難保不暗地抽換就令監視周詳間或得賄句通扶同塗改續經原

張文襄公全集

卷六十九

奏議六十九

七

告指出臨時詰剖真偽難分徒滋弊混而查看時之倒亂卷宗尙其小焉者矣且公堂卷房法令所在未便任人出入如為被告詳於具訴計亦不妨將原告所呈各件照鈔一分令堂弁附交被告似較簡便

第九十八條公堂已定審期被告無故不到案聽審者查照傳票委係交給仍將該案照例審訊
按公庭對簿必集兩造方明曲直被告不到案仍將該案審訊所訊僅原告一面之詞案不定斷預為推敲亦無不可而九十九條緊接被告對於前條之審訊如不甘服准一月內遞呈申訴設或原造句通堂

弁並未將傳票交給詭稱已交被告既未知所定審
期一月之限轉瞬即過又不准遞呈申訴獄辭未具
案已定讞雖循東西各國裁判之法用茲變夏恐句
串冤抑諸弊叢生矣

第一百四條若被告查閱原告控詞過於浮泛或不詳
晰者可申請公堂令原告將原呈更補

按原告控詞過於浮泛以及並不詳晰之呈狀公堂
即應嚴詞駁斥此乃清訟之源乃未及查知率行准
理直待被告查閱始悉其偽而令被告申請公堂再
飭原告將原呈更補濫傳之咎百喙奚辭况詞訟本

張文襄公全集 卷六十九 奏議六十九 六

憑初呈與重罪犯供本憑落膝無異蓋初次呈詞必
將應行控告各節直書恐漏人之常情初呈既幻再
令更補不亦幻而又幻乎公堂將憑何定斷也

第一百三十條凡左列各項不在查封備抵之列一本
人妻所有之物二本人父母兄弟姊妹及各戚屬家人
之物三本人子孫所自得之物

按西俗父子兄弟別籍而居姊妹戚屬皆許承產法
律因之故財產之權各有界限中國立教首重親親
定律祖父母父母在子孫別立戶籍分異財產者有
罰且列諸十惡內不孝一項之小註而卑幼私擅用

財又復定為專律今以查封備抵之故而強為分析
財產則必父子異宅兄弟分炊骨肉乖離悖理甚矣
西國自羅馬法以來即以分析財產權為法律要義
近來各國編纂法典一部民法輒千餘條財產之事
居其大半故遇查封產物之案何產歸何人所有可
以按冊稽考然夫妻財產苟不於結婚時訂明分析
者妻之私財即作為與夫共有是夫婦財產已不能
分析矣且財產有動產不動產之別西律不動產以
注冊為憑若動產則凡持於他人之手者其權利即
為他人所有中國田房稅契祇載花戶姓名其一家

張文襄公全集 卷六十九 奏議六十九 九

之內何人名下應分若干在所不問是不動產之為
何人所有尚無冊籍可考何論動產乎即使本人財
產確然可指亦儘有不能查封備抵者日本之法公
服祭器等概不沒為官物按之貧不鬻祭器寒不衣
祭服之例中外同符國家明法勅罰原以厚風俗而
正人心中西政教各異此法萬不可行

第一百三十八條凡公堂判斷被告理曲被告不能遵
判詞辦理者一俟原告呈請公堂即發拘票將被告提
拘監禁票內宜聲明監禁日期
第一百三十九條監禁日期按照左列以被告應繳之

數定其長短期滿釋放一逾一百圓者其期三月以下
二逾一百圓在五百圓以下者其期自三月至六月三
逾五百圓者其期自六月至三年

按民事判案不僅錢債尙有房屋地畝及索取賠償
等事被告抗不遵斷其追欠無多者向不收禁現既
另設一監逾一百圓定三月以下期其五百圓以下
定六月以下期期滿均釋放在窘迫窮民正苦籌償
無計拚此數十日數月拘禁得釋未必再繳款項而
數逾五百圓者其期亦止三年等而上之並無監禁
三年以上之期所追儻係鉅款果將何以處之其霸

張文襄公全集

卷六十九

奏議六十九

三

佔田房及索取賠償者又將何以處之如以賠償之
價照欠數計算監禁罰不及其款而及其身尙足示
警而田房之被佔者若亦計價監禁滿日釋放是適
遂其霸佔之謀矣夫房屋田地有關民居塋葬原告
實偏處此必欲爭回亦屬人情被告有意狡抗亦斷
非監禁可以督責也

第一百四十五條公堂將原呈鈔錄一分送交原告並
酌予定限俾該原告可將呈內所列之產物查封出賣
將被告釋放

第一百四十六條釋放後產物仍由原告查封出賣至

償清該款爲止

按一百三十五條凡發票查封之產物由查封之員
或委員看管如被告不能償還欠款則將該產物拍
賣是猶循田房產業一經入官秉公估定之例也若
由原告查封出賣則以貴爲賤短價出售之弊卽不
能免而被告不甘折耗勢必又生膠轕纏訟不休且
與前條所載由官拍賣之法亦相矛盾

第一百四十七條凡因欠債逃匿他處如有產物經他
人管理或寄存者原告可在起債地方之公堂將欠戶
控告

張文襄公全集

卷六十九

奏議六十九

三

第一百四十九條公堂接閱控詞卽可發票將被告產
物查封

按錢債事件糾葛最多有數人共欠一債者有一人
分借數債者數人共欠一債尙可查封一人財產令
各欠戶自行分算若一人分借數債則債主甚多徇
一人之請而查封是餘人之債無可取債矣且第一
百四十八條有與他人共有一語其他產物既與他
人共有則本人在逃他人被累豈得情法之平若以
民間積習言之凡債項交涉砌詞誣控者甚眾原告
之真偽未辨被告之產物已封在原告僅遞一紙呈

詞而使被告舉家歇業經商者遽停貿易虧折無窮業農者捐棄鋤田苗立槁縱他日判詞得直卽予揭封責原告以賠償豈足謝被告之損失且承審官員亦何解於草率之咎乎

第一百五十四條產物既經查封原告可呈遞該案詳細控詞請公堂定期審訊一如通常民事案件辦理惟所定之期須在持票查封人員申復之後

第一百五十五條公堂審訊該案時應查核該案原告所控事件是否符本法所載查封在逃被告產物各條並原告是否理直然後判斷

張文襄公全集 卷六十九 奏議六十九

三

按查封產物自應先憑控詞詳核案情實係應封之產原告係屬理直與本法所載查封各條又均符合然後查封方爲正辦若先經查封再令原告遞詞請審被告既已在逃所審詞仍一面遞判封抵難保被告不復控設或公堂審係原告理曲又與本法應行查封各條未符而被告既出境產物查封以後原管之人自必星散卽使揭還將令何人點受萬一日後被告以原物短少具控又將何以應之耶

第一百六十二條凡欠戶不能將所負各債如數償還可定期邀請各債主會議面呈困苦實情願將所有貨

物家具及產業交出變賣按照各債數目平均減成償還了結如有債主不能赴會者將以上情形具函通知第一百六十三條如各債主允諾欠戶之請人數過半且所索債數合計已占四分之三無論是否臨會卽有議決之權應書立允諾字樣未允諾之債主不能異議該欠戶卽具立券約將所有貨物家具及產業悉數交出以便變賣備償

按債債減成近今常事各處市面貿易較大店鋪時有倒閉非盡由懋遷之難亦半出人情之險儻或有心倒帳統報四萬金欠債內三萬金串囑多人假充

張文襄公全集 卷六十九 奏議六十九

三

債主一萬金則實欠在人所有索討三萬金之假債主人數固多已占四分之三又有議決之權自然概書允據而一萬金之真債主勢必不允偏責以不能異議該欠戶卽可具立券約將不甚值錢之貨物家具產業交出變賣按照各債數目平均償還卽作了結是適遂奸商倒騙之計矣

第一百六十七條凡欠戶無力清還各債或因債被拏及被監禁者可向公堂呈請破產自呈請之日起本人及一切貨物家具產業卽須聽候公堂命令

按會議減償之法已多罅漏近年奸商倒騙本由刑

部申明治罪專條重至軍流及永遠監禁原爲嚴杜
倒騙維持商務起見乃此條所載竟若會議不久之
外欠戶因被拏及監禁者可向公堂呈請破產上年
商部新定破產律專爲商人而設然欲杜其弊必責
令經商之始先將商人所有家產悉數呈報商會註
冊庶免日後寄匿現在訴訟亦援商律但仿外國不
動產登記之法將民間田房一一登記庶倒欠監追
之案欠戶一請破產即可抵償今州縣無登記所官
吏無登記法則事前之寄頓無可追查預申之債主
無從分別陽託破產之名陰遂圖吞之計並得倖免

張文襄公全集

卷六十九 奏議六十九

五

遠戍囹圄之苦是適導人以作偽也

第一百七十三條凡欠戶經公堂判爲破產人公堂應
發護照暫免因債拘提如已監禁立即釋放

按索欠理償大率央緩其實處窘鄉者情固可原而
有心倒騙者狡詐百出特以國家法令所在尙知畏
懼不敢公然爲非若竟發護照則是公堂之權限適
爲破產之護符既免拘提又免監禁奸商自無所畏
忌而呈請破產之案日見其多不特與民間市面大
有關係卽公堂亦不勝其煩也

第一百八十一條如公堂查明破產人有犯左列各項

之一除將財產貨物變價備抵外仍以有心倒騙論將
破產人處監禁二十日以上三年以下或罰金五十圓
以上一千圓以下或監禁與罰金併科一關於契約帳
簿字據等類隱匿銷燬或塗改偽造及虛捏者二預將
財產貨物寄頓他處或詭託他人名下或虛立債主戶
名或先向外戶折扣收帳或串通他人出頭冒認者三
爲損害債主起見於呈報破產前一月將貨物賤售或
不惜重利圖借款項或濫出期票使用者四平日常用
奢侈逾恒或買空賣空冀圖僥倖並無可望之款以致
虧折者五借債之時並無的款可望償還或經營商業

張文襄公全集

卷六十九 奏議六十九

五

並無確實資本者六既經判爲破產人後故意延緩不
將財產貨物一切權利及放出之債項在公堂或代理
人處悉數呈報或不將財產貨物除本人及家屬需用
之衣物外悉行交出者七既經判爲破產人後私自清
還一二債主致各債主所得未能彼此均平者

按本法左列七項已將呈請破產人詭計臚列摘抉
雖據聲明仍以倒騙論而極重監禁不過三年以下
極重罰金不過千圓以下設或有人倒騙十萬金預
備五萬金家產呈請報破足償各債十分之五卽以
第一第一二所列諸弊向公堂朦混僥竟被所朦則倒

騙之五萬金公堂既判令豁免豈非坐享其利乎即使查出弊混照法懲治而三年禁獄爲日無多千兩罰金所值有幾變價之財產貨物又安能保其悉數搜尋一無遺漏乎奸商惟知圖利不知廉恥但使騙計得行禁罰均所不顧而況充其倒騙之數有不止十萬金者杜弊不密流弊必多理固然也

第一百八十五條凡兩造爭訟如有可以和平解釋之處承審官宜盡力勸諭務使和解

第一百九十一條刑事案件應處輕罪刑者原告願和解時亦可照本節辦理

張彙公全集 卷六十九 奏議六十九

三

按刑事民事判然不同民事爲私人交涉刑事爲一國紀綱民事尙可勸和刑事必須執法此法學家之公言也刑事輕罪已非尋常藐法可比卽如私和人命毆人至廢疾均屬有干憲典私自和解尙應查究豈能以原告願和之故而置國法於不問乎

第一百九十條如公正人或中人所定決詞查有受賄或別項弊竇之確據者准兩造申請公堂將決詞註銷但須在宣布決詞後之十五日內逾限不得追悔

接受賄徇私事屬曖昧與者受者決不張揚欲得確據必須搜求的憑查明過付方能證實似非半月之

期所可限乃謂逾限不得追悔雖循西法限止流光易逝罅隙難尋卽使查明恐在限外是註銷亦虛語耳就使限內查出僅將決詞註銷並不將受賄者計贓科罪人將視受賄爲無妨而一無顧忌轉成習慣則取定決詞安望其悉秉大公乎

第一百九十五條訟費表須懸於公堂牆壁或門外務使眾人易見

按訟費有表固爲嚴杜浮索而設第一百九十六條所載除表內載明各費外概不准另索他費而訟費表內列有凡人請公堂用印於文件爲表內所未載

張彙公全集 卷六十九 奏議六十九

三

者每張費銀一圓公堂頒發表內未載之票每張費銀二圓則已於載明各費之外先開另索之端立法殊未妥善且券約存案有費訟詞存案有費查閱案卷有費鈔錄案卷有費較之州縣訟費更多其知照陪審人員每次費銀八圓另差費二圓詳核本法審訊似難於一堂定斷若歷審多次卽此知照陪審員一項窮民已不堪其累而陪審之酬勞費更屬瑣碎似應將名目數目一併裁減明定簡約之數方不累民且本法訟費但言控關財產之案此外婚姻爭繼各案亦應一併議及以昭周密

第一百九十八條凡公堂裁判案件訟勝者應交訟費可判令訟負者代繳然體察案情有時亦可判令兩造分繳至數之多寡由公堂秉公核奪

按判訟以事理定曲直訟之有費理曲者繳固可藉示儆戒甚公允也至判令兩造分繳之案必係曲直相平無所勝負則原被平分當不致嫌多較少若以數之多寡由公堂核奪卽此判繳訟費恐兩造已嘵嘵不休且亦非類若畫一之道

第一百九十九條凡律師俱准在各公堂爲人辯案

按泰西律師成於學校選自國家以學問資望定選

張文襄公全集

卷六十九

奏議六十九

天

格必求聰明公正之人其刑官多用此途優者得入上議院寄以專責考以事功而律師與承審各員同受學堂教益自不敢顯背公理中國各官治事所治非所學任官又不出專門無論近日驟難造就如許公正無私之律師卽選撥各省刑幕入堂肄業而欲求節操端嚴法學淵深者實不易得遽准律師爲人辯案恐律師品格尙未養成訟師奸謀適得嘗試且兩造若一貧一富富者延律師貧者憑口舌則貧者雖直而必負富者雖曲而必勝矣

第二百五條凡通商口岸公堂中外交涉之案有外國

官陪審者亦可准外國律師上堂爲人辯案

按律師雖非官吏辯案實係公權各國公權無有許外國人者故各國律師無有用外國人者中國通商口岸以外人有治外法權之故不得不用外人爲律師然以法律承認之則可不必至外國官三字範圍太廣易滋辯論之端查交涉案件有外國官陪審者此外國官必係駐紮該處之領事中國所稱之治外法權實外國所稱之領事裁判權言領事而有裁判之權也如領事以外有彼國使臣派來之官祇可謂之觀審人員不得以陪審論至領事臨時所遣之繙

張文襄公全集

卷六十九

奏議六十九

天

譯雖可在旁問供然此時非繙譯之資格乃領事之代表是其地位本與領事無異不得渾稱爲外國官也歷來條約文牘於此節甚爲含糊亟應申明以清界限擬請各條內所有外國官字樣均改爲領事官以示領事以外不許有裁判權之意

第二百七條外國律師有犯上條情節照會該國陪審員或領事官禁止上堂辯案如有應科罪者由該國領事自行辦理

按上條所載情節如故意不敬或語言輕侮等類則所犯尙輕至教唆誣告欺騙等項教唆罪依日本德

國刑法均照正犯法國刑法教唆罪無專條誣告罪
日本則照偽證罪定而偽證又分曲庇陷害其曲庇
陷害者分處禁錮罰金因陷害而被告人已處刑者
全坐死刑減一等德法兩國均重偽證罪而誣告罪
反輕其欺騙之罪日本德國均處重禁錮罰金與法
國之處監收罰金同所不同者罰金數目之多寡本
法聲明照會該國陪審員領事由領事自行辦理無
論領事陪審難保不臨時迴護且此等有失主權之
事乃竟於訴訟法內一併宣布通行天下無論問心
不安且適為外人所竊笑矣

張文襄公全集 卷六十九 奏議六十九

三

第二百八條凡陪審員有助公堂秉公行法於刑事使
無屈抑於民事使審判公直之責任

按外國陪審員之制仿自英吉利英人重公德能自
治故陪審員有益而無損法德諸國仿之已多流弊
蓋為陪審員者非盡法律專家逞其臆見反復辯論
既擊問官之肘又延判決之期歐洲學說已有抉其
弊者日本裁判制度多倣西洋然區裁判所祇設判
事一人地方裁判所以上有陪席判事而無陪審員
所以然者亦以日本人民無陪審員程度故也中國
束身自愛之紳士必不肯至公堂即問官以陪審重

要之故責以義務科以罰金必有甘受懲罰而不願
涉足公門者其肯到堂陪審者非干預詞訟之劣紳
即橫行鄉曲之訟棍以此輩參列陪審豈能助公堂
秉公行法耶

第二百九條凡公堂之有權裁判關於監禁六月以上
或罰金五百圓以上或徒流以上等罪之刑事案件及
數值三百圓以上之民事案件於未審以前經原告或
被告呈請陪審者應用陪審員陪審

按罪至徒罪以上案情不為不重本法既免刑訊取
供必難如准原告呈請陪審已難折服若聽被告呈

張文襄公全集 卷六十九 奏議六十九

三

請陪審尤易狡供大凡命盜案犯即係被告庇凶庇
盜之劣紳各省皆不能免假令案犯到堂呈請陪審
暗以庇護之人句結濫厠因而交通同列互相照顧
則案犯更有恃而不恐承審官即屬明幹恐亦無從
詰問是案犯因之長膽公堂從此掣肘矣其數值三
百圓以上之民事案件流弊雖略輕而大致相類
第二百十三條堪為及應為陪審員之男人如左一年
在二十一歲以上六十五歲以下之人二休退之文武
大小官員商人或公司行商之經理人士人教習學堂
卒業人地主及房主

按聽訟之才本未易得照本法第一所列盡人可爲恐於事理尙未盡晰或以年少而閱歷無多或以年老而視聽不便列坐陪審何所取裁第二所列之休退文武大小官員其確守規矩者自不屑再入公門貽譏鄉黨其有事爲榮者居心又必非公正至各有執業之士商亦孰肯曠棄本業而貪此五錢一圓之酬勞作繭自縛若地主房主皆應列諸證人並列陪審更屬淆雜矣

第二百十五條應用陪審員時掣取四十名民事一千圓以下案件掣取三十名於前二日知會

張文襄公全集

卷六十九 奏議六十九

三

按每案必掣四十名少亦三十名恐各省會及通商巨埠亦無如許合格陪審員可以充數僻陋小邑更無論矣觀第二百十八條則實在到堂陪審者不過十二名民事一千圓以下案件僅止六名今乃於二日之前豫掣四十名一一知會是明明恐其不到而數倍其額以冀數十人中必有十餘人或數人可至假使彼此推諉竟無一人應招又將如何且以一案之故而知會至三十人之多其爲煩擾亦太甚矣

第二百十七條陪審員接奉知單屆時不到堂或到堂未經公堂允准擅自退出者經公堂查明並無合理事

故可判令罰金一百圓以下

按陪審酬勞訟逾三百圓者每員每日銀五錢逾一千圓者銀一圓而未及三百圓之訟件與刑事等案尙未議及如果陪審員爲利而來所得亦甚些微而接奉知單屆期不到及到堂而擅自退出卽處以一百圓以下之罰金所得已不償所失其潔清自愛者強令入座勢已爲難稍有錯誤卽應罰鍰寒素之人百金之罰從何措辦有不望而裹足乎

第二百二十二條如所知會之陪審員中因有未到堂或到堂不合格者以致不能滿十二員或六員之定額

張文襄公全集

卷六十九 奏議六十九

三

則公堂可循原告或被告之請在堂上觀審人中擇合格者充數卽有一造不願亦不能中止

按本法決詞由陪審員定竟若承審官惟陪審員之言是聽乃竟因缺額之故可循兩造所請於堂上觀審人中補充足數甚至一造不願亦不能止儻原被告預知陪審員缺先約陰鸞親友在堂觀審臨時指請其弊較律師爲尤甚夫旣用陪審必選擇品望公正法律精深之人以爲佐理始可收指臂之效其可聽原被告指請乎立法必先祛弊弊蘊於法法何以行

第二百二十五條兩造證詞及律師訴辯均已聽畢承審官卽向陪審員將該案所有證據再誦一週並加評論如有律例問題務須逐一詳解使陪審員所議決詞與例相符

按陪審員既助公堂秉公行法兩造證詞律師訴辯業均聽畢所有證據又由承審官朗誦則是非曲直應已瞭然於胸更何待承審官之評論耶乃至評論以後律例問題尙須承審官逐一詳解本爲承審官之助而重煩承審官之教絲毫不得其力公堂亦何賴此土木偶人之陪審也

張彥襄全集

卷六十九 奏議六十九

五

第二百二十八條如陪審員決詞曰有罪承審官卽將被告按律定擬若決詞曰無罪則立刻將被告釋放

按設立陪審員之意所以防承審官聽斷之偏非令陪審員操判決之權也日本地方裁判所以上雖有陪席判事而宣告判詞必由判事長泰西學者論司法官之地位謂代國家元首行刑罰之權然則使陪審員陳言於承審官則可使承審官聽命於陪審員則不可此中輕重等級宜定於先庶杜凌獵之弊

第二百三十條案關死罪者必眾議僉同方能決定按此條立法卽國人皆曰可殺然後殺之之義而按

之實際窒礙甚多蓋集陪審員十二人於一堂無論承審官如何解釋必有意見參差之處自古帝王建皇極決大疑不過三人從二各國議院議事最重大者莫如改修憲法而議決之時祇以三分之二以上爲斷可見眾議僉同四字其名甚美其實則非必如本條所云則有一人立異卽可倖稽顯戮有是理乎

第二百三十二條陪審員自到堂迄決詞未定之先除公堂特許外不准他人與該陪審員語言或傳遞消息或遞交物件如有陪審員因飯食或他故欲請自便則令公堂人員隨往監察

張彥襄全集

卷六十九 奏議六十九

五

第二百三十三條如所審之案一日不能完結次期再訊可令陪審員就署內或附近房屋居住務令暢適惟仍須派員監視刻晷不離並令該員當堂清心矢誓不准一切人等與該陪審員有通問及傳遞消息等事該員亦不得與之談論該案

按用人不疑自古垂訓陪審而賢何須監視陪審而不賢何必延用况照本法判案當日未必能結次期再訊則令陪審員就署內或附近房屋居住食宿之費果將誰任審案一日不結陪審員卽一日不能離訴訟繁處日須數起一案陪審多則十二員少亦六

員初審之後或因調查證據或因添傳證人或因原被告審後患病累月經年勢仍不免守候復訊之陪審員接連擁擠派員監視又須刻晷不離匪特署內無此廣廈即附近亦無此閒房且監視之員亦將不敷分派矣

第二百三十五條凡刑事民事各案之原告或被告均可帶同證人到堂供證並可呈請公堂知會某人到堂作證

按外國斷獄全恃證據故證人特重然外國偵探最精交通最捷警察最密其證據易查不僥恃證人作

張文襄公全集

卷六十九

奏議六十九

三

證且證人往返有費休息有所訊畢即返從不羈留故爲證人者不以爲苦各國刑法於僞證之罪皆定專條日本訴訟法以到案作證爲人民應有之義務惟其如是故爲證人者不敢虛誣亦不敢推諉中國舊例眾證明白即同獄成會典凡鞠獄官聽訟不得證據無憑草率定案成憲昭垂未嘗不以證據爲重然而傳訊則有需索之苦到案則有羈守之累正兇不過一人株連動以十數即問官以眾證確鑿定罪本犯亦必上控非指證人陷害即証證人得贓此各省實在情形也今日修改律例誠不能不重眾證惟

必須分別情由酌量輕重非案內緊要人證斷不可輕率傳訊若如此條所載任聽兩造指名呈請則因曖昧而牽連婦女因雇工而關涉主人非所以慎重庶獄也

第二百四十二條凡職官命婦均可由公堂知會到堂供證

按職官供證本非失體惟須視案情如何若職守攸關則泄漏公事例禁甚嚴豈容在堂供證東西各國凡官吏就其職分之事得拒絕證言其有不得已者必俟上司允准中國服官之義亦豈有殊此必須於

張文襄公全集

卷六十九

奏議六十九

三

本條聲明者也至命婦到堂則必不可春秋之義保母不在宵不下堂周禮凡命婦不躬坐獄訟鄭康成注以爲不身坐者必使其屬若子弟於例婦人小事牽連提弟兄子姪代審如遇虧空賠累追贓搜查家產雜犯等案將婦女提審永行禁止所以養廉恥全名節也以言經義則如彼以言國法又如此然則婦女到堂供證爲萬不可行之事初不必問其爲命婦與否如實係案內緊要人證儘可令其子姪兄弟到堂此爲名教所關斷不宜藉口於男女平權之說中西風俗各殊此亦其一端也

第二百五十五條凡條約所准外國官員陪審之各公堂或在通商口岸或他處

按他處二字駭怪萬分徧查條約並無除通商口岸以外有許外國官員陪審之公堂惟煙臺條約第二端內稱凡遇內地各省地方有關係英人命盜案件議由英國大臣派員前往該處觀審等語然此乃觀審而非陪審觀審陪審意義迥殊觀審不能贊一辭不能參一議與中國人民之在堂下觀覽者無甚區別祇以其爲外國官員故待以賓禮爲之設坐此時中國官吏仍有完全之權雖觀審之員可與承審官

張之洞全集

卷六十九 奏議六十九

奏

辯論然仍由承審官作主非必與觀審之員商酌辦法也陪審則不然有審訊之權有判斷之權中國承審官甚至有不能置喙者治外法權之所以爲中國大害正在於此今乃於通商口岸以外許外國官員以陪審之權且貿然指爲條約所准然則自二十二行省以至內外蒙古青海西藏何一不在他處二字範圍以內外國官員極其偏袒議論橫暴手段豈得指爲不在陪審權限之中法律文字最宜謹嚴失之毫釐謬以千里此不可不慎也

第二百五十七條外國人在內地犯罪將該犯解交駐

割最近之該國領事官按該國律例治罪

按此條雖循舊案辦理但外國法權得行於中國土地本極可痛心之事今日修改法律期挽主權則失權辱國之文斷不宜載於法律西人有言法律有最強效力凡法律所承認者雖人主不得奪之誠以法律爲全國人民所同守今法律認外國人犯罪用外國法是不啻全國人民同認外國主權得行於中國領土也昔埃及土耳其認外國有混合裁判權於其境內埃及不國土亦垂危環球之人莫不騰笑中國前事不忍復言然猶幸無法律以爲承認爲今日計

張之洞全集

卷六十九 奏議六十九

奏

中外交涉案件祇可另訂一暫行章程蓋法律永遠遵行章程隨時更改舍法律而用章程猶爲彼善於此國本所關不可不察

第二百五十八條凡中國人控告外國人案件由被告本國領事官審訊中國官在堂陪審

按此條與上條同一承認治外法權錯不待言惟中國官在堂陪審一語尤爲錯中之錯查成豐八年中英續約第十二款兩國交涉事件彼此均須會同公平審斷第十七款中國人民有赴領事官告英國人民者由中國地方官與領事官會同審辦條文兩言

會審意義甚明上海審華洋交涉案件之衙門稱會
審公堂會審章程第二條案件牽涉洋人必應到案
者必須領事官會同委員審問或派洋官會審詳釋
會審之義領事官與委員審判之權相等今忽改會
審為陪審是明明領事官為主中國官為客領事官
為正中國官為副國際交涉本恃強權條約雖有會
審之文華官已成陪審之勢若法律明以陪審為限
則權力愈小不幾退入觀審之列耶前條於外國官
誤觀審為陪審此條於中國官誤會審為陪審一誤
再誤絀已伸人聚六州之鐵真不能鑄此大錯也

張文襄公全集

卷六十九 奏議六十九

罕

附頒行例第二條本法頒行之後凡現行律例及各章
程內有關訴訟者一概作廢

按現行律例悉經 列聖欽定句梳字櫛備極講求
而法律精義凡所以維繫世道人心者實皆由聖賢
微言奧旨而出即近年通行各章程亦皆內外臣工
揆時核定上年刑部將並未習用各例刪去三百四
十四條餘則悉仍其舊奏奉諭旨頒行欽遵律例本
關邦憲若因新纂訴訟法而將律例章程一概作廢
則訴訟舊法僅隸刑律各門之一於全部律例脈絡
本聯以訴訟甫經議上之新法而竟廢國家遵守至

今之舊章立言似近函莽且以天下之大獄訟之繁
萬不能以二百六十條訴訟法所可賅括此亦盡人
能知之事現在各部已經添改則律例一書必須集
精於律學之臣大加修改其有實與現在事理不合
者應即請旨刪去務使全國上下同受治於畫一法
律之中以期毫無紊越若稍有疏率則將來貽患不
堪設想矣

虛擬死罪改為流徒各項請仍存死罪之名片緒

二十三年七月二十六日

再上年准刑部咨開法律大臣沈家本等奏現行律內

張文襄公全集

卷六十九 奏議六十九

罕

虛擬死罪之戲殺誤殺擅殺三項分別改為流徒一摺
經部會同都察院議奏凡秋審不准一次減等者仍照
向例辦理其准緩決一次即予減等者如該大臣等所
奏分別改為流徒等因又今年准法部咨開議覆前兩
江督臣周馥咨秋審應入可矜人犯援戲誤擅新章分
別改為流徒等因先後奏准鈔單通行前來詳繹部議
意在綜覈名實刪除繁文而於法律大臣原奏前兩江
督臣原咨或准或駁蓋於變通之中仍寓限制之意臣
惟孔子為政必先正名臯陶明刑所以弼教名法名教
義取相資現行律內虛擬死罪各項就實際而論誠如

法律大臣原奏所云雖名絞罪實與流罪無殊然存一絞罪之名猶不失明刑之旨定例之所以必俟秋審減等者蓋衡情執法必如是而始平故不惜多費一番文牘非名實不符也恭值聖朝仁恕寬厚刑罰各項節次減輕臣前年覆奏變法摺內亦曾以恤刑獄為請豈聖主寬仁之德反不知實心仰體特是國家綱紀與主上恩施本自並行不悖若以省併繁文之故竟除虛擬死罪之條則不獨情法不得其平且恐各省民風强悍地方誤謂殺人罪不至死逞其好勇鬪狠之習無所顧忌動犯王章殘殺之風由斯而熾則是朝廷本施法外

張文襄公全集 卷六十九 奏議六十九 聖

之仁而愚民轉生玩法之念此必有議者所不及料者矣然以奏准通行之案遽議規復舊章政體所關容或未便臣愚以為既改徒流以後不妨仍標絞罪之名查定例斬絞軍流各犯俱著赭衣按照新章徒流人犯應入罪犯習藝所工作擬請嗣後凡由絞改流之犯於工作時令衣赭衣即由絞改徒者其原犯本係死罪亦宜於衣服量加區別以別於尋常徒犯並擬於衣上揭示罪名由絞改流者即書曰絞罪改流之犯由絞改徒者即書曰絞罪改徒之犯儻果工作勤奮有心向善俟滿一二年後酌予銷除如此則雖無圈圍之苦尙有死罪

之名庶觀者可觸目驚心即本犯悚於罪名之重愧悔之良亦易激發似於舊例新章均無妨礙而名義亦正至工作年限若與尋常流徒各犯一律未免漫無區別擬請於新章習藝期限外流罪加苦工一年徒罪加工作六月似此酌量變通仍於生死出入無關而足彰聖世協中之治合無請旨飭下法司核議辦理

查明漢口日本租界續訂合同摺 光緒三十三年七月二十六日

竊臣承准軍機大臣字寄光緒三十三年七月十五日奉 上諭有人奏漢口租界新約尙須磋商一摺著張之洞查明具奏原摺著鈔給閱看欽此跪誦之下仰見朝

張文襄公全集 卷六十九 奏議六十九 聖

廷慎重界約豫妨流弊之至意曷勝欽悚惟原奏所云似乎有意深文全非事實臣查漢口展拓日本租界合同止有三條第一條聲明展拓一百五十丈此條日本原索展界二百丈已有成議經臣極力駁減而後彼乃允從第二條為保護燧昌火柴廠照常開設不致勒令遷移不能苛待與日本商民一律看待此條亦係與日本領事力爭十數次而得第三條係聲明悉照原訂合同辦理又另件議明年限收回華界所設日本從前借用之大阪馬頭此條最為棘手緣大阪馬頭一事牽涉德蘆船英國馬頭幾釀衅端辯駁數年多方抵制始克

就範外務部久已深知其詳此案自光緒二十八年即已議起由臣電復外務部查照備案並以日界堅索爲難情形電告外務部極力主持相持數年卒將遷移大阪馬頭及保護華商燮昌火柴廠兩事議妥此項合同由臣與日本領事面議飭令江漢關道桑寶與駐漢日本領事訂立本年四月間始行批飭勘丈訂界因其樹立界石稍逾丈尺復經關道力駁令其移回始行互換合同蓋印正據該道稟覆詳咨間茲奉旨飭查當經欽遵復飭該道查覆去後茲據覆稱原奏稱漢口日本擴張新租界條約竟有永久租用字樣界內華商並當遵張文襄公全集卷六十九 奏議六十九 罌

地亦有永代借字樣至賦稅二字查日文賦稅金其解釋即係捐輸款目之義惟漢文稅捐二字大有區別日本領事原送合同係稅捐字樣當經該關道函告界內祇准照章抽收工部局巡捕各捐不能收納賦稅應將稅捐改爲各捐旋據該領事函復租界本無征收關稅之理遵照改爲各捐有卷可查又日本臣民字樣查中日馬關條約第六款有日本臣民往來僑寓從事商業工藝製作等語中日通商行船條約第四五款所稱中日合股經營合辦公司掛號商牌各節於中國則稱中國人民於日本則稱日本臣民其第五款書籍報紙一條日約與美約相同日約稱日本臣民者美約則稱美國人民此可爲漢文商民譯爲日文臣民之明證是以此次合同漢文本係寫爲商民日文則譯寫爲臣民以上各節查明並無不合等語詳請覆核具奏前來臣查日本展界一事辯論磋商七八年而後定備極詳慎武漢官民皆知原奏所稱各節並未將承租稅捐及日本臣民等字樣考查明晰竟至斥爲割賣似乎有意誣詆別有用心其所稱失中國土地所有權者惟以此項合同承租之永字稅捐之稅字爲辭今既查明承租字樣乃數十年來各省通商租界之成案而稅捐之稅字亦

復早經駁正日本臣民字樣他項條約成案甚多而鄂省此項合同則存案之華文係屬商民是原奏所稱失中國土地所有權者實無其事且查日界原訂合同第三條有日本界內租戶須完中國地丁錢糧由日本領事送交漢陽縣彙解其未經租定地畝由華民自行交納錢糧等語則是日本人明明繳納中國之賦稅並非中國人繳納日本之賦稅中國土地所有權固絲毫無失矣至此次合同內所稱照原訂合同辦理原訂合同即初次議給租界之合同對此次展界合同而言也乃報館妄言謂為原訂合同必係另有密約今該御史所

張文襄公全集

卷六十九

奏議六十九

吳

併聲明

殊批外務部知道欽此

收回漢口比國租界片

光緒三十三年七月二十六日

再漢口濱江地方招商局馬頭以下係英國租界英界以下接展俄界法界德界至日本租界止日界以下為華業公司地界迤下直至劉家廟京漢鐵路馬頭火車廠棧皆為中國地界乃比國乘鐵路購地之際在該處私購民地三萬六千餘方以預備鐵路比國工人賃住

為辭於光緒二十四年堅向總署索訂比國租界經臣竭力拒絕駁以比國工人祇可由鐵路公司造屋借與居住不能准予立界自光緒二十四年議起相持至二十八年該使復迭向外務部函催各行臣統籌兼顧臣再四籌思比國原購地段緊靠京漢鐵路南端江邊馬頭之劉家廟火車棧包過鐵路實扼南北鐵路咽喉於中國管理鐵路主權及京漢粵漢兩路交接之馬頭大有妨礙堅不允許僅就濱江一邊劃地一萬六千餘方擬作比界東北兩面皆與鐵路相離數十丈該使復商由外務部咨請通融加寬駁以查明窒礙咨復外務部

張文襄公全集

卷六十九

奏議六十九

吳

酌復自是又相持數年該國駐漢領事將所買地契送交關道稅印迭經照催要挾甚力臣思該地跨越鐵路橫當要衝雖一再駁令減讓究於附近鐵路地權地利有損不如議價收回留作擴充華商貿易之用可以永保權利惟自鐵路告成以後地價數十倍於從前經臣派員與該領事磋商議經年始將全數基地議定價銀八十一萬八千餘兩又以鉅款咄嗟難辦暫行息借華洋商款墊付以杜翻悔此係上年之事現因地甫收清息借之款已另行籌款歸還從此京漢粵漢兩路臨江馬頭不為外人租界扼阻於路政商務均有裨益自應將

此案原委情形奏咨立案
硃批外務部知道欽此

張文襄公全集

卷六十九

奏議六十九

吳

張文襄公全集卷六十九終

衡陽江楫校

張文襄公全集卷七十

奏議七十

光化移駐縣治建設衙署摺

光緒三十三年七月二十八日

竊照襄陽府屬光化縣老河口地方濱臨襄河西達秦中北連豫省實為楚邊要區水陸交衝商賈駢集盜賊會匪時復出沒其間上年正月會匪柯了凡等即在該處謀為不軌刻期起事幸賴地方文武先事偵知即行撲滅近復教堂林立五方雜處治理之難尤非昔比凡籌餉緝匪安教保商在在均關緊要而縣城相距十五里往返稽延實難控制自當因地制宜以期扼要經臣

張文襄公全集

卷七十

奏議七十

一

飭令該府縣詳加籌畫茲據襄陽府知府曹允源稟稱請將光化縣治移駐老河口地方期於治理有裨核計建設縣署捕衙監獄等項工料需錢三萬串文籌此鉅款殊非易易查老河口尚有土堡一座建自乾隆年間向由各幫商董於各項商業中每錢千文抽捐六文作為歲修經費其實歲修一項無須如此鉅款所抽歲有盈餘皆係充作商業公舉之用茲擬商之各商董於所抽堡工經費每年酌提若干為修造縣署監獄等事之用分爲五年陸續辦理其原駐舊城之均光營守備應即移駐河口以資彈壓舊城民戶本屬無多應令均光

營參將於所屬汎弁酌撥外委一員移往駐紮俾司巡察典史有監獄之責應隨監獄一并移駐其縣學教諭訓導各員以及壇廟學堂概仍其舊以免糜費河口既改設縣治沿河土堡應卽一律修築完固以資捍衛此項工程卽飭該縣承修一面卽日先行移駐河口一面從容督工修理飭據藩學臬三司覆核定議會詳請奏前來臣覆核無異理合恭摺具陳伏祈聖鑒
硃批該部知道欽此

商辦大冶水泥廠請暫免稅釐片

光緒三十三年七月二十八日

再現在各省奏辦鐵路所用材料以鋼軌枕木水泥爲

張文襄公全集

卷七十 奏議七十

二

大宗鋼軌可取之漢陽鐵廠枕木水泥尙須購自外洋中國森林之學未講枕木之利一時尙難收回水泥一項外國謂之塞門德土凡築路造橋建廠等事均所必需以中國之銀易外國之土受虧孰甚無待煩言臣查得湖北大冶縣黃石港附近地名台子灣所產石質於製造水泥極爲相宜會將原料寄至德國函託使臣暨化學家考驗許爲上等合用質料當經出示招商如有身家殷實能集鉅股呈請承辦者准卽給札開辦並予專利十五年以維商業在案茲據奏調湖北差委福建存記道程祖福稟稱茲有清華公司遵照出示章程招

集華股三十萬兩情願承辦大冶縣台子灣水泥廠請援案專利十五年俟五年後獲利漸豐由公司查照外洋公司通例酌提盈餘報效公家並請奏懇暫免稅釐以恤商艱等情前來臣查該道員曾經創辦清華公司講求實業已歷多年以之開辦水泥廠必能刻期有效異日行銷各省收回外溢之利不少當經臣札委該道爲水泥廠總辦但事係創舉正需延聘工師購買鑛山建造廠屋安設機器一切廠用繁費尤多中國振興實業原爲抵制洋貨起見然非輕成本不能暢銷當此購機雇匠悉資外洋費多本重正恐商情疑沮非賴國家

張文襄公全集

卷七十 奏議七十

三

提倡維持不足以鼓舞商情前准農工商部咨開於三月十八日會同郵傳部具奏各省商辦鐵路所用材料請照官辦之路一律暫行免稅一摺奉旨依議欽此又准農工商部咨開於七月初三日具奏華商設立公司製造鐵路材料援案暫行免稅以勸工業而挽利權一摺奉旨依議欽此均經先後通行欽遵在案仰見朝廷重視路政體恤商艱之至意此次湖北設立公司自製水泥暢銷土貨既係鐵路材料之大宗相應援案仰懇天恩俯念商廠創辦維艱根基未固准其暫免稅釐其准免年限多少比照他省鐵路公司製造材料一律辦

理以勵商情而興實業

硃批該衙門知道欽此

籌辦陸軍小學變通部章摺

光緒三十三年七月二十八日

竊臣於光緒三十一年以來疊准部咨催辦陸軍小學並發給章程敦促試辦已於光緒三十二年正月十八日遵照部限開辦在案謹將練兵艱難力籌節省儲備變通辦法情形爲我 皇太后 皇上陳之竊維今日時局軍政爲第一要義揆度中國情勢非有精練陸軍百萬以外不可一省情勢大省非有五六萬人中小省非有三萬人不可然照此兵額練足歲需餉銀八九千

張文襄公全集

卷七十 奏議七十

四

萬兩今日萬萬無此財力因陋就簡坐誤事機搜括取盈尤非善策湖北爲今日水陸最衝之地又適當財源困絀之秋臣夙夜焦思不能寢食至教兵不如教將之說人所習聞但專恃出洋遊學之陸軍學生或本省設學聘用外國教習教成之學生待以充用則所費太鉅各省財力亦斷不能支而同國以後其中學問切實又不染荒謬惡習者不能得半即其可用者久在外洋眼高氣盛所望甚奢非優異之官豐厚之薪不樂爲用斷不能盡受中國鎮協各統鈐束且朝南暮北去就任意加以此項學生有學問而無閱歷任以實事果能人人

皆克收效與否尙未可知然則學生亦不能專恃其數

亦不能甚多此危道也臣於是與各項講求兵學之軍

佐官及各營將領詳加籌酌因思專就培養陸軍小學

堂著想與文學生注重高等小學初等小學同意將該

學堂大加開拓令其可容三千人選各營正兵六千人

入堂習學一日在堂上學一日在本營操練飯食本營

自帶間日到堂則三千人之講堂可教六千人間日仍

在本營操練則與本管營哨官不致隔氣易於鈐束五

年以後此六千人皆有士官之學術設有大征戰即用

之爲營哨官以一人募練百人此六千學成之兵即可

張文襄公全集

卷七十 奏議七十

五

練六十萬人半年即可練成應用是湖北五年後可得六十萬兵之用而目前所費止六千人之餉以此例推假如各省合計有備用之學兵三萬人有事時即可得急就速練之兵三百萬惟在平時儲械與臨時籌餉耳籌議既定因自去年夏間即已鳩工添造講堂理化堂飯廳各項屋舍目前業已工竣臣親加察閱俱甚合法各兵亦恪遵規矩計日程功其初開堂之時間有欲效學堂惡習驕妄自居不服軍紀者當經隨時嚴行懲黜以後一律肅然臣體察情勢似乎該堂所創辦法的確可行而有效茲將變通部中原章各事臚陳於左

一查原章學額定三百人分三年收錄每年收錄百人以便畢業後收入中學但教育之法以漸次淘汰為要若每年僅收錄百人則畢業決不足百人臣現定每年收足一千人三年收滿三千一律按日到堂受業二年之後若好學者眾則分剛柔日輪班上學可以收足六千於練兵之中寓普及教育之意更番畢業更番入營教練兵士務使入伍之士皆可以與於有勇知方之選此擴充學額之變通辦理者一也

一原章收考學生應按格考選各州縣高等小學生又云各地方學堂尙未徧立以前暫准各州縣按格挑選

張文襄公全集

卷七十 奏議七十

六

良家子弟但從前各省武備學堂皆挑選良家子弟往往不能耐苦成就甚少而高等小學多未畢業無從挑選臣現定於湖北陸軍各營兵士就其文理通順身體強健年齡合格在營半年以上者考選肄業晝則來堂講求學科夜則歸營免其賤役一年以來已經補足一千類能潛心肄業日有進境此考選學生之變通辦理者二也

一原章內載教授課目八一日修身二日國文三日洋文四日歷史五日地理六日算學七日格致八日圖畫又載訓練課目三一日訓誡二日操練三日兵學統計

十一門竊思陸軍學堂無論大中小皆當注重陸軍科學方屬名實相符今觀兵學科中子目程度太淺而訓誡科中二三年所教之軍人志操軍人威儀乃係無日不講無時不講之事不必定待至二三年而始教之今改定於訓誡科中第一年仍照原奏辦理第二三兩年添教各科操典及野外要務令諸書於兵學中第一年仍照原奏辦理第二年添授築城地形軍制兵器各科第三年添授戰術及應用戰術馬學衛生學礮操馬操工作諸科所有鐘點第一年普通學四分之三兵事學四分之一第二年普通學三分之二兵事學三分之一

張文襄公全集

卷七十 奏議七十

七

第三年普通學三分之一兵事學三分之二似此辦法三年畢業不但於奏定各學科無不通曉即原奏所未及者亦無不知其門徑將來再入中學自能事半功倍此增加科學之變通辦理者三也

一查原奏設總辦一員監督一員提調一員學長每百人三員教員每百人十員但學額既增則教員管理員亦應加多且學生皆係軍士則管理員亦必用武官大員方足以資鈐轄因特派第八鎮統制官張彪充當總辦第二十一混成協統領官黎元洪充當會辦陸軍畢業生分省試用道劉邦驥充當會辦監督將弁學堂畢

業生分省補用知府白壽銘充當提調全堂教務分學術兩科學科長若干員會同各學科教員畫一學法術科長若干員會同各術科教員畫一教法全堂齋務分智信仁勇嚴五齋齋有長每齋分四舍舍有長每舍分三講堂每講堂五十人內挑學科班長一人術科班長一人絲聯繩貫遞相維繫全堂內務分四處曰會計處曰庶務兼采辦處曰收發兼工程及管庫處曰稽核兼文案處互相稽查互相箝制使各收指臂之助是以事體雖重大而調度不繁此任用人員之變通辦理者四也

張文襄公全集

卷七十

奏議七十

八

一查原奏學生皆按年酌給津貼並供火食湖北財源枯竭異常支絀各學堂均無津貼本年火食亦擬停支未便於陸軍獨優且該學生皆係營中兵士是以仍使之按月領餉食宿仍由各本營照料學堂並不供給火食津貼仿外國通學辦法總計每年所省食宿費津貼費按照原章計算所省不下巨萬此節省經費之試辦者五也

一該堂於陸軍學以外另設附屬測繪科學兵額六十名經理科學兵額六十名軍醫科學兵額六十名海軍科學兵額六十名各為一堂各有專師此添設學科之

變通辦者六也

總此六者雖於原章略有變通然開辦學堂總以學科完備為第一要義若科學不完備雖一切布置均守部章亦於軍政無益本堂三年之後照部章所謂每年僅按格挑選百名自當照數挑選斷不致因本省辦法遂與部章相妨而各學程度必可深於原章所期此次挑送保定速成學堂之學生不過在堂一年半而體格成績較各省為優其明證也前准部咨內開辦法章程與奏定章程合者為第一項畢業後在事人員可以奏請獎勵將湖北陸軍小學列入第二項竊謂考察學堂當

張文襄公全集

卷七十

奏議七十

九

以學生之成績為主似未便不問成績而但就其外觀以定優劣况湖北學務十數年來臣所任辦理學務人員平日皆敬禮勗勉望之為君子為正人各學教員亦皆以道義廉恥相尚並無要求獎勵之習特在部中似不可無核實激揚之道方足以鼓勵羣才擬請飭下部臣安定考察學務之法當於學科專精加意其他末節皆可從緩則天下學務必將日起有功不僅陸軍小學一端而已也

硃批陸軍部知道欽此

改正鄂省營制餉章摺

光緒三十三年七月二十八日

竊臣前准練兵處咨准軍機處鈔交湖廣總督張之洞奏遵編湖北常備軍兩鎮營制餉章並設督練公所一摺奉硃批議奏謹核原奏分別照准改核駁正各條咨行到鄂經臣轉飭該鎮協等遵照辦理查奏定營制餉章變通制略內稱新定章制原宜各省一體通行然各省情勢不無異同有必須量為變通者統由各省將軍督撫查看情形隨時咨商練兵處兵部覈定請旨辦理等語具見練兵處於營制畫一之中仍兼寓因地制宜之意臣督飭藩司善後局及兵備參謀教練三處並者詢該鎮協將領詳加籌度體察現在湖北情勢有應須

張文襄公全集

卷七十

奏議七十

十

遵照奏定規制者有不得不審慎周詳量子變通者除遵照此次部議分別改正外如馬礮輜重各標營所用驟馬車輛原知為行軍所必需即平時之操練亦極關緊要但湖北地勢非山即水驟馬之調教既多不便水土亦迥異西北喂養尤為不宜其車輛原以備轉輸之用第山路多而坦途少運用亦極艱難加以近年餉項萬分支絀籌維再四惟有於該驟馬車輛等項略事變通暫作移緩就急之計擬於馬隊全標各營戰馬按照定章暫練三分之二礮隊各營驟馬則擬照部議改數目暫練三分之一輜重營擬官長全設惟目兵暫減二

分之一應需之驟馬車輛即照減半之數暫練二分之一使具有全營規模則臨時之補充較易以上所減各項總期於足敷操練而成規不改餉力藉以稍紓此外如各營備補兵一項前於改編成軍時因人數不敷按籍選募其合格者僅敷正副兵之數自未便以不合格者遷就充補現既餉項不充擬將備補兵概行緩設以資節省合計全年餉項可減省銀七萬七千九百三十八兩零於湖北財力稍資補苴而於軍隊實際尚不損礙總之一鎮一協章制現經按照部議一律改正其中雖有限於地勢或絀於財力不得不略為變通者要仍

張文襄公全集

卷七十

奏議七十

十一

在部議範圍之內嗣後如財力稍裕自當遵照定章辦理不敢稍涉紛歧儻或遇有征調更無論財力如何為難應於無可設法之中隨時籌畫補足期符定章而歸畫一以仰副聖朝經武圖強之至意據藩司善後局兵備參謀教練三處會同議覆詳請奏咨前來臣覆核無異謹分別開列比減清單恭呈御覽除將改正變通章程及減緩辦法造具清冊並雜支衣袴各項照數核減咨送陸軍部查核外伏祈聖鑒

硃批陸軍部議奏欽此

請獎各學堂畢業生及管理員教員摺

光緒二十三年七月

竊查湖北學務開辦最久自臣到任後創立兩湖書院並原有之江漢經心兩書院皆以通經博古訓迪諸生兼授輿地時務各門有用之學師生在堂講習與各省書院之專試制藝詞章按期應課者不同所得類皆學行兼優之士嗣經加授算學測繪物理化學各科學名雖書院而實則與學堂無異厥後創設湖北省師範學堂並就兩湖書院改爲兩湖總師範學堂更創立文普通中學堂中路東路西路南路北路各高等小學堂農業工業學堂又次第開設武昌漢陽道府及支郡各師

張文襄公全集

卷七十

奏議七十

三

切實此臣所與各堂師生共相戒勉者如作室然必厚其址勿崇其墉他省高等學堂有已畢業者並有已議設大學堂者湖北當俟中學生漸次畢業始行議及既深慮欲速而不達亦不敢務名而自欺現在畢業生之等級年限較之他省間或稍遜而覈其功課程度似尙較優近來考察學務者不乏通人或當不以爲妄謹舉大要約略陳之查兩湖總師範學堂學期甚多開學僅及兩年現距畢業之期尙遠此外文普通中學堂畢業生共五十一名高等農業學堂補習普通豫科畢業生第一次二十七名第二次七十二名中路高等小學生

張文襄公全集

卷七十

奏議七十

三

範學堂共十四所武昌漢陽商業學堂各一所至方言學堂先名自強學堂開辦最早後經遷移修改始定今名現在各堂學生陸續舉行畢業考試合格者甚多在堂管理員教員任事多年頗著成效自應一律照章給予獎勵查湖北學堂凡建築設備課程各事皆經臣屢次親自講求修改已逾十年雖不敢謂完善無缺而大致均尙合法現在畢業學生計本科豫科簡易科名數在一千人以上似不可謂少而合十數學堂共得此數亦不可謂多其程度率在中學以下似不可謂高惟教員必求合格管理必求認真教科必求完全功課必求

堂畢業生共七十九名東路共七十三名西路共百二十七名南路第一次共三十一名第二次共四十名北路共六十名前設湖北省師範之附屬高等小學堂現歸入兩湖總師範之附屬高等小學堂畢業生共五十四名湖南旅鄂中學堂畢業生共五十一名又附設高等小學堂畢業生共三十七名各堂規則課程皆謹遵奏定學堂章程辦理學期程度一皆符合畢業之時均飭提學司到堂按科認真考驗惟其中學期偶有趕加鐘點辦足課程者並有辦法略與變通者如文普通中學堂南路高等小學堂開辦之初考錄諸生大率資性

聰穎國文通暢教授科學領悟甚捷當經酌增鐘點加授功課學期略短而教授完全無缺程度實屬相符與定章本意並無違礙湖南旅鄂中學堂及高等小學堂亦同此例自應准其畢業照章給予獎勵又高等農業補習普通豫科係開辦之初尙無中學畢業之合格學生故變通辦理先設補習普通豫科此時豫科畢業生實有中學程度惟較普通中學畢業年限尙少二年擬參照中學並高等小學獎勵程章酌量給獎至方言學堂第一班學生尙在四年級未屆畢業之期其前在自強學堂之舊學生曾經兩次考試畢業率皆分往各省

張謇奏全集

卷七十 奏議七十

西

或任教習或充繙譯並辦理廠局商務各事現在湖北及因事回省者止三十名其肄業年期多在五年以上惟方言學堂原名自強學堂開辦遠在學堂定章之前所有重要學科皆已講授間有一二科未備再令補習俟明年暑假前再行造具分數清冊一并送部考驗核獎又湖北省師範學堂第一次簡易科畢業生共六十九名第二次共一百一十九名武昌道師範學堂第一次簡易科畢業生一百一十名第二次一百四十名武昌府師範學堂第一次簡易科畢業生一百二十名第二次一百二十五名漢黃德道師範學堂簡易科畢業生

一百十七名漢陽府師範學堂簡易科畢業生一百零六名支郡師範簡易科分爲甲乙丙丁戊己庚辛壬癸十堂此時計甲堂畢業生共九十八名丙堂共九十五名乙堂共一百名丁堂共九十八名戊堂共一百十九名己堂共一百一十名查學部師範簡易科獎勵章程肄業時期須在二年以上鄂省各師範簡易科爲應各屬急需起見畢業以三學期爲限尙短一學期謹先將分數清冊送部應俟畢業諸生任義務教事四年以上如果認真合法續行請獎又武昌漢陽紳士稟官立案之公立中學堂豫備科均設在武昌省城武漢各一堂

張謇奏全集

卷七十 奏議七十

五

武昌一堂畢業生共二十二名漢陽一堂共二十七名計肄業共六學期學生皆素習文學年齒略長者平時由官考察畢業之時並派專員前往考驗與高等小學畢業生程度適合惟學年較少兩年擬請按照高等小學畢業章程減等給獎以宏教育此各學堂學生先後畢業應給獎勵之實在情形也各學堂管理員向皆由臣親自選派最加審慎其自外省延訂者皆擇品行純正之士或博通經史或研精科學其選自本省者大率在書院學堂肄業最久者或十餘年其辦理學務自三四年至十餘年不等並有年期雖不甚久而辦事甚勤

或同時兼授數堂或一堂兼授數科較之專任一事之員倍爲勞勩臣平日教育宗旨各種科學照章皆不可缺而尤注重經史國文以忠孝大義爲根本各員尙能恪體此意講授功課平正切實絕無偏駁之見詭異之詞以故諸生亦皆遵守學規不染近時惡習現在各省學務職員紛紛請獎湖北學堂各員如陳毅楊熊祥陳曾壽皆經學部奏調派充司員其餘爲各省招致辦理學務並給優獎者不一而足而本省管理員教員任事甚勞其從前肄業又或甚久向未請獎查光緒二十七年六月政務處議覆湖北武備學堂請獎案內開嗣後

張文襄公全集

卷七十 奏議七十

六

均俟學生畢業在六七十人以上咨送到京考驗相符方准將在事人員請獎每案文武併計不得過六十員之數尤爲出力者准照異常勞績酌保二三員其餘均按尋常勞績給獎其在事人員仍照向章先期咨部立案並於開保時敘明各該員在堂年分造冊咨部以憑查核等語現查上年十二月學部奏定修改各學堂考試章程內開凡各省中學堂高等學堂畢業現行章程定有獎勵者既經畢業考試之後除由本學堂發給分數等第文憑外呈由提學司按照畢業分數分別等第詳請督撫咨明學部照章奏請獎勵等語今湖北省城

畢業各學堂皆屬中等學堂以下按照學部修改考試新章所有畢業學生均毋庸送京考驗惟請獎人員之數應按照政務處舊章辦理此次各學堂畢業生共七百四十八名而單開請獎各員共一百二十四名其中按異常勞績保獎者尤屬不多比照前案所定獎勵人數有絀無贏至在事人員先期咨部立案一節因提學司到任未久外府州縣各學堂管理員教員呈報尙未完全正在辦理一俟彙齊即當續行咨報請獎各員皆在畢業各學堂辦理學務間有現充他項學堂職員者均係在鄂出力多年所成就之學生不少前此學生畢

張文襄公全集

卷七十 奏議七十

七

業從未給予獎勵各員勞績亦未一經保獎此次自應一同列入查學部定章在學堂任事三年以上方准給獎現在各員皆擇三年以上始與開列分別請獎以期核實而資鼓舞此各學堂管理員教員任事多年應給獎勵之實在情形也此外各府州縣所辦高等小學堂及師範簡易科陸續畢業者亦尙不少其管理員教員多自省城派往充選應俟彙齊另案辦理所有擬獎畢業學生並在堂多年之管理員教員謹開具清單恭呈御覽其非任管理教授之事如收支庶務等員概不列入以杜冒濫應請敕下學部核議施行

硃批學部議奏欽此

請獎梁鼎芬片 光緒三十三年七月二十八日

再湖北按察使梁鼎芬前主講兩湖書院嗣蒙簡放武昌府知府歷升今職當時未設提學司所有湖北學務均委該員辦理該臬司學術純正待士肫誠於教育事體大綱細目擘畫精詳任事多年勤勞最著雖據稱不敢仰邀議敘似未便沒其成勞合無仰懇天恩俯准將湖北按察使梁鼎芬賞加二品銜以昭獎勵之處出自逾格鴻慈

硃批梁鼎芬著賞加二品銜欽此

張文襄公全集

卷七十 奏議七十

六

請獎紀鉅維等片 光緒三十三年七月二十八日

再臣自到湖廣任後博訪良師訓迪多士所任用各學堂教員類皆品學兼優之士其中篤學專精成材甚眾尤為卓著者自應特予表彰以昭激勸內閣中書紀鉅維學行兼優深通教育理法切實懇摯諸生悅服擬請加內閣侍讀銜四品銜安徽霍山縣知縣楊守敬學問精博著書滿家講求輿地之學至老不倦該員係舉人出身擬請開缺以內閣中書選用廩貢生馬貞榆學術純正品行端潔足稱經師人師之選擬請以太常寺博士選用通判銜湯金鑄覃研算術精勤不倦善於教士

成才如林擬請以通判不論雙單月儘先選用通判銜

羅照滄精於測繪之學課士甚勤鄂生多能測量畫圖實該員一人之功擬請以通判不論雙單月儘先選用度支部郎中曹汝英精通西算啓誘有方所撰算學教科書為學堂中最善之本擬請加四品銜以上六員皆在各學堂教授有年深資得力公論交推臣與之時相過從講論學術研求教法其品詣成效臣所深知合無仰懇天恩俯准照擬給獎以彰宿學而重師範實於學務大有裨益

硃批該部議奏欽此

張文襄公全集

卷七十 奏議七十

九

恭報交卸起程日期摺 光緒三十三年八月初一日

竊臣於光緒三十三年七月初三日准軍機處電傳奉旨張之洞著迅速來京陛見有面詢事件湖廣總督著李岷琛護理欽此適臣先因肝鬱受傷心血虧耗怔忡不寐病體難支前於六月二十九日具摺請賞假二十日靜心調養七月十一日奉硃批著賞假二十日假滿迅速來京欽此仰見聖明體恤微臣之至意跪讀之下感悚難名竊臣遠離闕廷四易寒暑依戀之悃無時或忘恭聞召命欣忭曷勝遵即延醫趕緊調理惟鄂中本年酷暑時證甚多臣因受熱致患腹疾瀉痢交作又兼

日夜勞瘁夜間往往通夕不能成寐氣喘舌燥益形委頓曾經電達軍機處查照現在雖未全愈不敢不力疾就道茲將鄂省一切重要事件略爲部署並向護理督臣及司道等詳細告知於八月初二日將湖廣總督關防王命旗牌文卷等項委員賚送護理總督湖北布政使臣李岷琛接收任事臣卽於是日交卸渡江力疾由鐵路火車起程趨詣闕廷跪聆聖訓
殊批知道了欽此

會奏監國攝政王禮節摺并單 光緒三十四年十一月二十日

十月二十二日奉上諭朕欽奉 慈禧端佑康頤昭豫

張文襄公全集 卷七十 奏議七十

莊誠壽恭欽獻崇熙太皇太后懿旨現命攝政王載灃監國所有應行禮節著內閣各部院會議具奉欽此又於十一月十五日欽奉上諭前奉 大行太皇太后懿旨命攝政王監國所有應行禮節著內閣各部院會議具奏欽此事隔多日尙未覆奏著各該衙門妥速定議毋再延緩欽此欽遵各在案當經行取各部院衙門呈具說帖各抒所見臣等並將奉旨交議大學堂總監督劉廷琛御史蔡金臺趙炳麟給事中忠廉等及御史江春霖謝遠涵史履晉葉芾棠等先後條陳會同各部院衙門公同詳慎擬議悉心采擇其說帖條奏切中事理

者均經采擇列入間有揆諸時勢不無窒礙之處亦未便採取謹將會議監國攝政王禮節列爲十六條謹繕清單恭呈御覽伏候欽定如蒙俞允臣等再將應行舉辦各事宜知照各衙門次第舉行一體欽遵謹合詞恭摺奏聞再御史史履晉未經書奏合併聲明
計開

一告廟監國攝政典禮崇隆應請諭旨擇期派員告祭太廟並由攝政王於 大行太皇太后几筵前祇領監國攝政王冊寶冊文應恭錄十月二十日二十二日兩次 大行太皇太后懿旨毋庸另行撰文

張文襄公全集 卷七十 奏議七十

一詔旨軍國政事及黜陟賞罰悉由監國攝政王裁定仍以諭旨宣示施行凡重大事件有必須請 皇太后懿旨者由監國攝政王面請施行他人不得擅請擅傳一稱號監國攝政王在 皇太后前稱臣行臣禮諭旨內稱監國攝政王時不書名監國攝政王稱 皇上曰皇帝王對眾自稱曰本攝政王稱近支尊屬及諸王公以爵其餘五品以上及翰林院編檢以上稱其官六品以下稱其姓名貝勒以下文武大小臣工皆稱攝政王自稱名近支尊屬及諸王皆稱攝政王自稱其爵一代行祀典 皇上未親政之前所有壇廟大祀及現

在喪祭均由監國攝政王代詣行禮其是否另行遣員恭代行禮之處由該衙門先期請旨遵行

一軍權 皇上有統率全國海陸軍之權凡憲法綱要

內所定 皇上下大權關係軍事者即屬之於攝政王其

京外旗綠各營海陸各軍應歸攝政王節制調遣

一典學 皇上典學時學業及師傅勤惰均應由監國

攝政王考察照料

一朝會班次凡遇 皇上升殿受賀及萬壽聖節監國

攝政王皆不與列在宮中行家人禮如遇 皇太后慶

賀大典監國攝政王另班行禮毋庸隨班王公百官於

張文襄公全集

卷七十

奏議七十

三

朝賀後分班詣監國攝政王前致賀監國攝政王在文

華殿受禮王立受或答揖近支王公屬尊者別為一班

居前列所司官員先期開單請示屆時傳諭免先退後

其餘王公百官行三叩禮王百日孝滿後擇期在文華

殿班見王公百官禮亦如之

一朝見坐位擬請於養心殿中設御座并設案東側設

監國攝政王座座前亦設案王公百官遇有應行跪安

謝恩各禮節皆向御座恭行每日召見王公百官該員

先向中設御座跪安起入東暖閣啟對依東設案中設

監國攝政王椅座旁備略矮机機監國攝政王先在座

如命召對之員坐即各就机坐如不命坐則侍立啟對

畢監國攝政王命退即退出王公百官內除近支王公

親屬外其餘王公百官非由監國攝政王傳諭進見者

均不得私謁府第至遇有軍國要政王公大臣准其隨

時於便殿請對傳見方可入見王公百官遇有升賞之

事仍照舊制具摺恭謝 皇上天恩毋庸向攝政王叩

謝

一鈐章署名凡有諭旨均請攝政王鈐章由軍機大臣

署名然後遵奉施行至攝政王如有面奉之懿旨一併

由王署銜鈐章軍機大臣仍均署名

張文襄公全集

卷七十

奏議七十

三

一文牘款式凡臣工章奏仍書 皇上聖鑒字樣如章

奏文移中有稱述監國攝政王者拾寫一格

一代臨議院議院成立時監國攝政王應代行蒞會之

禮尋常會議毋庸入座資政院開院時亦由監國攝政

王代行蒞院

一外交凡與各國訂約遣使均由監國攝政王主持其

接受外國國書及覲見各禮節由外務部分別妥擬奏

明辦理

一輿服護衛監國攝政王於乾清門外升輿降輿其輿

服護衛從官等應備事宜並詳細章程應酌量比照攝

政睿忠親王體制成案由該管衙門分別擬議奏明辦理

一用度經費攝政王用度經費每年由度支部撥銀十五萬兩交內務府支應

一邸第擬請於中海迤西集靈園地方修建監國攝政王府第另於東華門內三所爲監國攝政王隨時起居休息之所

一復政俟 皇上年長學成屆舉行大婚典禮時大小

臣工集議合詞陳請 皇上親裁大政

右以上各條如有增減修改之處均由監國攝政王裁

張文襄公全集

卷七十 奏議七十

五

度酌改施行他人不得擅違擅改

遺摺 宣統元年八月二十一日

竊臣於本年五月感患肝胃氣痛迭蒙聖恩賞假調治嗣於本月二十一日因病勢沉重奏請開缺恭奉上諭張之洞奏請開去各項差缺一摺大學士張之洞公忠體國夙著勤勞茲因久病未痊朕心時深廡念著再行賞假毋庸拘定日期安心療養病痊卽行銷假入直並賞給人模一兩俾資調攝所請開去差缺之處著毋庸議欽此並蒙監國攝政王親臨臣寓視疾恩遇優渥感激莫名無如病勢已深醫藥罔效虛邪日盛正氣潛消

迨至二十一日酉戌之交加以痰壅氣墜汗出如瀋氣

息僅屬生機將盡永違覆疇圖報無期言念及茲涕洟

橫集伏念臣秉性愚庸毫無學術遭逢先朝特達之知

殿試對策指陳時政蒙 孝貞顯皇后 孝欽顯皇后

拔置上第遇合之隆雖宋宣仁太后之於宋臣蘇軾無

以遠過備員詞館游升內閣學士凡有所見剴切直陳

均荷優納嗣蒙恩簡授山西巡撫繼復奉命總督兩廣

湖廣再權兩江際 德宗景皇帝勵精圖治臣仰秉廟

謨竭蹶從事忝膺疆寄幾三十年雖轄境幸得粗安而

中更事變憂患紛乘末由防弭於幾先類皆補苴於事

張文襄公全集

卷七十 奏議七十

五

後凡所設施動與願違勞而鮮功夙夜負疚復膺殊遇

擢授閣職參預機務入直以來正深祗懼重遭國恤

兩宮升遐幸我 皇上紹承大統我監國攝政王以恭

儉勤慎輔導聖躬大局獲安人心望治臣雖年逾七十

猶思竭其愚慮裨補聖明何期衰病侵尋寢致綿悞臣

平生以不樹黨援不殖生產自勵他無所戀惟時局艱

虞未能補救累朝知遇未能仰酬將死鳴哀不敢不據

其愚忠泣陳於 聖主之前當此國步維艱外患日棘

民窮財盡百廢待興朝廷方宵旰憂勤預備立憲但能

自強不息終可轉危爲安伏願我 皇上親師典學發

積日新所有因革損益之端務審先後緩急之序滿漢
視爲一體內外必須兼籌理財以養民爲本恪守 祖
宗永不加賦之規教戰以明恥爲先無忘古人不戢自
焚之戒至用人養才尤爲國家根本至計務使明於尊
親大義則急公奉上者自然日見其多方今世道陵夷
人心放恣奔競賄賂相習成風尤願我 皇上登進正
直廉潔之士凡貪婪好利者概從屏除舉直錯枉雖無
赫赫之功而默化潛移國家實受無窮之福正氣日伸
國本自固凡此愚誠之過計皆爲聖德所優爲儻荷聖
明采擇則臣雖死之日猶生之年抑臣尙有經手未完

張文襄公全集 卷七十 奏議七十 奏

事件粵漢鐵路鄂境川漢鐵路籌款辦法迄今未定擬
請旨飭下郵傳部接辦以重路事鐵路股本臣嚮持官
民各半之議此次粵漢鐵路鄂境川漢鐵路關係繁重
必須官爲主持俾得早日觀成並准本省商民永遠附
股一半藉爲利用厚生之資此尤臣彌留之際不能不
披瀝上陳者也謹口授遺摺叩謝天恩伏祈聖鑒
商訂兩湖境內粵漢鐵路暨鄂境川漢鐵路借款
合同摺 定稿未奏
竊光緒三十四年六月二十日欽奉上諭陳啟泰奏粵
漢鐵路宜定統一辦法懇遴派廉明大員督辦路務一

摺粵漢幹路關係南北交通最爲重要前經張之洞收
回自辦極費經營乃數年來官紳商董意見參差迄無
成效長此因循必至坐失大利貽誤路政自應簡派大
員統一事權方可早日觀成著派軍機大臣大學士張
之洞兼充督辦粵漢鐵路大臣會商郵傳部及三省督
撫督飭在事官紳商董認真籌辦所有路務大端由該
大臣通籌三省全局體察情形隨時主持裁定務令各
派意見聯絡一氣以免曠日虛糜致妨交通要政欽此
又於十二月初六日欽奉上諭陳夔龍奏鄂境川漢鐵
路與粵漢路相輔爲用請簡大臣兼充督辦一摺前因

張文襄公全集 卷七十 奏議七十 奏

粵漢鐵路關係重要特派大學士張之洞爲督辦大臣
鄂境川漢與粵漢兩路本屬相輔自應聯爲一氣方能
妥速成功著派張之洞兼爲督辦鄂境川漢鐵路大臣
會商郵傳部湖廣總督督飭在事官紳認真籌款興辦
卽責成張之洞力任勞怨剔除弊端嚴定期限因時制
宜主持定斷郵傳部暨湖廣總督均須實力協助不得
掣肘以一事權而重路政欽此各等因欽遵在案仰見
聖明專任責成重視路政之至意欽悚莫名查湖北湖
南境內粵漢鐵路自武昌府省城起至湖南郴州屬境
止約長一千七百餘里鄂境川漢鐵路幹綫自宜昌經

荊門襄陽至廣水止支綫自荊門經沙市至漢陽止共約長一千六百里兩路地段綿亘工費浩大非有的款五千萬兩難以觀成臣前在湖廣總督任內於光緒三十一年八月間奉旨將粵漢鐵路收回自辦後屢經籌款招股期早興修而時閱數年籌撥官款爲數甚微招集民股亦僅百數十萬元毫不濟事誠以中國財源枯竭商力未充欲成此縱橫兩大幹路工程舍借款無速能興修之方築室道謀歲月易逝坐視東南精華內蘊之區交通梗阻何如早借鉅款同時並舉利源既開籌還自易臣於上年十一月間曾將借款只在章程周妥

張文襄公全集

卷七十

奏議七十

三

路權不失並無流弊各情形奏陳在案並奏調湖北提學使高凌霨暨引見在京之湖北施鶴道曾廣銘派令隨議借款查照光緒三十一年籌借英款贖回粵路成約辦理先與英商中英公司代表人濮蘭德而議兩湖境內粵漢鐵路借款規條自上年十一月杪開議至本年二月逐日會晤未能成議又續奉諭旨督辦鄂境川漢鐵路亟須兼顧統籌深恐延宕時日有誤要工乃一面與德商德華銀行代表人柯達士將粵漢鐵路借款辦法大綱商定各寫函約爲據大概均仿照津浦鐵路合同辦法惟折扣從輕年限縮短則較津浦合同爲優

後經英國政府與駐京使臣先後向中國駐英大臣及外務部援據舊約仍請重議借款並改派匯豐銀行代表人熙禮爾來商復經臣督飭高凌霨等再與磋商英商以中英公司係英法兩國商人合股所設今該公司既不與聞借款匯豐純係英國銀行仍願與法商東方匯理銀行合辦以全交誼爲請乃令英法德三國銀行合借兩湖粵漢鄂境川漢兩路款項定額英金五百萬鎊粵漢用英總工程師川漢用德總工程師三銀行協商兼旬均經允從嗣比國以所購合興公司金元小票尙未收清亦藉詞出攬借款臣查此項金元小票係由

張文襄公全集

卷七十

奏議七十

三

美國轉售比國當日贖回粵漢鐵路時比商不肯按照美國所訂之價退還曾與前出使美國大臣梁誠商定暫仍按期付息計美金二百二十二萬二千元現比人既藉詞干涉英德銀行亦以此事於歐洲借款債票有礙應先收回此項小票以清轉轄因議加借英金五十萬鎊備還比款定議後借款修路分爲二事另指的款作押祇作擔保之用將來還本還利仍取給於鐵路進款至所指各項的款先經臣電商鄂湘兩省督撫以湖北省百貨釐金二百萬兩川淮鹽局江防加價四十萬兩光緒三十四年八月新加鹽釐二文捐三十萬兩湖

南省百貨釐金二百萬兩兩湖振糶捐鄂款二十五萬兩湖南鹽道庫正釐二十五萬兩合計五百二十萬兩約符借款抵押之數該銀行等均無異說乃與訂立借款合同二十五條名爲中國國家湖北湖南兩省境內粵漢鐵路鄂境川漢鐵路五釐利息借款係英金五百五十萬鎊內計兩湖粵漢路用二百五十萬鎊鄂境川漢路用二百五十萬鎊收還比國金元小票用五十萬鎊利息俱長年五釐九五折扣股票由英法德三國銀行合認分售以二十五年爲期如十年後中國籌有的款亦可全數清還惟每百鎊須加還二鎊半如在十七

張文襄公全集

卷七十 奏議七十

三

年後卽無須如價照鎊還清測勘路線應由督辦大臣核准約計四年造竣於合同畫押後開工不得延至六箇月外所有建造工程以及管理一切之權全歸中國國家自行辦理訂用英德兩總工程師合同亦由督辦大臣核定施行至購料用人用款等事合同內有未詳盡者另寫附函存案以期彼此信守臣逐條核訂實係將借款修路劃分兩事於中國利權主權毫無損失至折扣之輕更爲中國歷來借款所未有以津浦鐵路借款比較計可多得十一萬鎊以郵傳部借款比較計亦多得五萬五千鎊若以向來九扣借款比較則所多得

二十二萬五千鎊矣固由歐洲市面票價隨時漲落之不同而此次所辦亦實屬異常切實並經臣嚴飭承議借款各員廉潔共矢仍將經手人員並無絲毫費用等語載入合同亦爲歷借外款所無之事臣查此次借款先因英商濮蘭德藉詞要挾枝節橫生致令磋商閱五月餘會商至百餘次竭力磋磨始得與匯豐德華兩銀行定議猶幸主權未失折扣極輕且款由三國分借勢利平均實無絲毫流弊當經臣將此項合同轉商之外務部王大臣詳細校閱亦均意見相同謹繕具合同並附函清單呈御覽伏祈飭交度支部詳細核議俟經

張文襄公全集

卷七十 奏議七十

三

議准再行簽押由外務部照會英德法三國使臣飭令該銀行等按照合同妥速辦理並一面由外務部分別行知郵傳部暨各該省督撫等查照再查光緒三十四年十二月初十日會議政務處議覆度支部奏清理財政宜先明定辦法一摺內開嗣後募借外債之權專屬度支部凡各部各省擬借外債皆咨明度支部由度支部出名訂借又各該部該省如願自向外國放債之人相商者祇准商定辦法仍須統歸度支部出名立約承借均不得逕向外國訂約借債各等因在案臣奉旨督辦粵漢鐵路兼鄂境川漢鐵路現在商借外債自應遵

照奏定章程辦理惟政務處議訂此章係在光緒三十四年十二月初十日臣奏請訂借外款係在十一月十六日是臣開議借款辦法在政務處新章未出以前既已與各國銀行開商勢難中止是以此次借款欲令就我範圍不越三十一年所訂照會限制之外臣尤不得不逕與開商以期一手商辦庶不至有所歧異惟有俟將合同訂定後應否照准仍請飭交度支部核議以重部章合併聲明

密陳磋商借款情形片 定稿未奏

再此次借款臣前經奏明與英公司商借在案緣前贖

張文襄公全集

卷七十 奏議七十

三

回粵漢鐵路時美公司知中國財力艱窘於簽訂合同時故迫中國以極短促之交款期限意在使中國屆期款不能交即可藉口全翻成局用計至狡彼時款鉅期迫急切難籌計自光緒三十一年八月初二日猝接前出使美國大臣梁誠電稱合興股東批准草約當經電奏於是月初六日奉旨准其畫押距美人限定是月初九日交款日期僅止七日鄂省司庫官局既無的款可指兩湖紳商士民於此等贖路要需更無人過問日夜焦慮繞室徬徨幸得商由漢口英總領事法磊斯介紹英香港政府借與中國英金一百一十萬鎊應交美款

得以如限匯至美京華盛頓全數交清所有以前粵漢鐵路已失之路權鑛權及明指暗包之一切權利皆得一概收回英政府敦睦邦交贊成盛舉俾中國得收回無窮權利自不能不與以酬報因於借款合同之外另給照會言明兩湖境內日後除中國自行籌款修路外如須向外洋借款當先向英國詢商開價如與他國所開息扣比較相同先儘英國銀行承辦如他國所開息扣等項較英國所開公道便宜仍由中國酌擇公道便宜者另行籌借各等情於酬報之中仍寓嚴防之意均經臣奏明有案故此大議借外款不得不先向英公司

張文襄公全集

卷七十 奏議七十

三

開商以踐前言乃英公司代表濮蘭德於開議後要挾多端並不按照光緒三十一年八月所訂照會商辦始欲包工意在攬修路之權繼又欲凡用款時必令總工程師簽字意在干涉中國用人購料之權種種無理要求實出情理之外約經臣督飭議款委員嚴詞拒駁然舊案具在未便遽舍英商而謀諸他國故委曲磋商延逾數月忽訪聞英人近正聯擊各國組織公司專為干涉中國主權利權即所謂長江一帶英人視為勢力範圍又所謂實業同盟者是也此舉果成關係東南利害極鉅因思於其協議未定之先豫為牽掣冀可挽回中

國大局查歐洲各國勢力足與英抗而不甚親睦者惟
有德國德與中國交涉初亦用強橫手段繼因交誼日
傷情好日薄乃急謀變計改用平和政策臣因於濮蘭
德負氣翻議之際利用其儘可與他國另議之一言執
為英國代表允認我國可與他國借款之據立與濮蘭
德停議以挫英人之氣即日另與德商柯達士開議以
震英人之心原擬徐圖轉圜將來即以英德合辦為兩
全交誼之方粵漢川漢合借為兼籌並舉之策德商得
此機會一力承認息扣從輕嗣英人知己與德商定議
果援案極力爭辯並由英政府向中國駐英大臣強詞

張文襄公全集

卷七十 奏議七十

五

詰責經臣隨時函達外務部將濮蘭德不按照原訂照
會辦理及無理要求各情形詳實申說又略示以如改
派他家英商來商肯按照現與德商所定辦法辦理亦
可與商鄂境川漢借款且當時與德商立約時業已聲
明如英商據約力爭則兩湖粵漢借款仍應向英議借
而以鄂境川漢借款屬之德商必使鄂境川漢路款歸
德商承借兩湖粵漢路款歸英商承借庶可破英人之
狡謀均長江之勢力斷不敢輕率定約墮其彀中英商
見所謀不遂數月之間詭譎百出枝節橫生恫喝要挾
無所不至臣堅持定見隨機應付逮與熙禮爾定議之

日仍加函存案聲明英國借款公司購買材料經理人
另派代表人來中國承辦其原派之濮蘭德決令回國
以後總不使此人干預此事以絕後患故此次借款磋
商半年始克成議尚幸主權未失一概就我範圍則關
繫於兩省借款者事猶小關繫於中國全局者事實大
也

湘鄂兩省鐵路請永遠官商合辦摺 定稿未奏

竊臣前在湖廣總督任內遵旨將粵漢鐵路收回自辦
後即籌議興修三省路工辦法並及鄂境大江北岸之
川漢路擬定同時舉辦各情形均經先後奏明在案嗣

張文襄公全集

卷七十 奏議七十

五

於光緒三十二年十二月復具片奏請將各省商辦鐵
路三十年後由官備價收回一半以後永遠官商各半
利息亦官商各半等語當時尚以為官款不易籌集商
辦可期踴躍乃數年以來湖北雖已設立官局招集民
股而應者寥寥湖南向由紳辦公司經理亦未籌有鉅
款始知兩湖商民財力不厚如任商民自行籌辦斷難
早日觀成然路長款鉅又不能不議借外款臣自上年
六月十二月先後奉旨籌辦粵漢鐵路及鄂境川漢鐵
路當即詳查三省情形除廣東已集有商股毋庸再籌
官款外所有兩湖境內粵漢川漢鐵路款項決意由官

借款興修以期速效惟借款既定前此湖北所設官局湖南所立公司已經籌有之本省公款及商民股款礙難與此次借款歸併一處致令帳目混淆現擬援照津浦鐵路上年十一月二十五日所奏奉旨成案辦理查津浦鐵路前經臣會同袁世凱梁敦彥具奏預定將來官商合辦辦法迨至第十年後國家清還借款之時准令三省紳商自集成本將此項股票撥與一半任其收回此項津浦鐵路即爲官商合辦之路等語業蒙明降諭旨允准在案惟津浦鐵路籌議借款之時該路尙未開辦商股亦未動支現在湖北省之粵漢鐵路及鄂境

張文襄公全集

卷七十 奏議七十

奏

川漢鐵路數年前早經設局收股已將兩路幹綫測勘繪圖一律完竣湖南省之粵漢鐵路亦經紳辦公司分集公款民股兩項的款存儲待用所有兩省歷年攤還粵漢贖路借款及兩省官局公司歷年勘路購地用人購料華洋員紳薪費各項用款均經動支以後按年收入各項公款民股尙復源源而來必須先行預定將來官局與公司接洽詳細辦法爲官民永遠遵守之據庶足以昭大信而慰羣情現在借款修路全仗官力於建築未成期內一切用人理財諸大端自應統由官局主持其原有公司仍應並存即責成派定之總協理專認

籌款招股隨時解交官局集成巨款爲民款一半地步凡已入之民股及陸續招入之民股由官局按年發給官息六釐官股亦由官局發給官息六釐均係分登簿冊備路成之日官民合計歷年用款數目作爲實本除開除行車養路官息局用各項外本年贏餘之款卽爲餘利此項餘利每年按照官民實本成數一律勻分官股係屬借款十年以後應還借本統由官股餘利付給公款民股已繳之實銀既可備還借本准其按股支給餘利官股以官局提用之日起算民股以交到公司之日起算概不得以認定虛數索取官息餘利其公款民

張文襄公全集

卷七十 奏議七十

奏

股以交足全路實本之一半爲期遲早任便不必迫以年限以恤民隱如此辦法則官權不損分毫商民同享路利上下一體憂樂與同實與上年十一月諭旨所云勸導紳商協力相濟以溥樂利而昭大信之意相符至兩省官局公司辦法容再另行訂擬詳細章程俾易遵守所有兩湖官辦鐵路擬請援照津浦鐵路成案官民同享樂利各緣由理合專摺奏請特降諭旨允准施行

張文襄公全集卷七十終

衡陽江楫校

張文襄公全集卷七十一

奏議七十一

謹案許君同莘原編彙輯前後謝摺摺於奏議之末最為雅正今仍其舊

謝授湖北學政摺

同治六年九月十六日

竊臣荷蒙恩命典試浙中於九月十五日揭曉後准浙江撫臣咨接准吏部咨八月初一日內閣奉上諭湖北學政著張之洞去等因欽此咨會到臣聞命之下感激難名臣近畿下士詞館庸材上第本出於殊恩持衡重叨夫渥寵乃會稽竹箭方懼有搜羅遺棄之材而江漢文章復界以提倡振興之任鴻施稠疊恩慙惶臣惟有俟到任後矢慎矢勤於士習文風力求整頓以仰答

張文襄公全集

卷七十一 奏議七十一

高厚鴻慈於萬一

謝授四川學政摺

同治十二年九月十三日

竊臣奉命典試四川出闈後接准四川督臣吳棠咨八月初一日奉上諭四川學政著張之洞去現出試差者俱著各赴新任不必來京請訓等因欽此聞命之下感悚難名臣學識謫陋迭忝持衡復邀重異俾留視學蜀才眾多誨養非易聖慈優渥報稱為難惟有力持廉介事事認真以仰答高厚鴻慈於萬一俟前任學臣夏子錫將報部册籍料理完竣即行接印任事除由正考官臣鍾寶華回京恭覆恩命外所有微臣感激下忱理合

繕摺叩謝天恩伏祈 皇上聖鑒再臣尚未接篆此摺係借用四川總督關防合併聲明

謝授國子監司業摺

光緒五年三月初一日

二月三十日吏部以國子監司業一缺帶領引見奉旨國子監司業員缺著張之洞補授欽此竊臣畿疆下士詞館備員文柄濫叨華銜忝領十七載玉堂供職愧鶴料之虛糜三千人璧水觀型荷龍綸而晉秩仰承恩命倍切悚惶伏念成均為建學之宗司業處師資之地深虞謏陋未稱班聯臣惟有守道持躬因材造士陳五經而肅拜庶整諸生講學之規校十鼓以編摩益光聖代

張文襄公全集

卷七十一 奏議七十一

右文之治勉摭蟻悃冀答鴻慈

謝授左春坊左中允摺

光緒五年八月初八日翰林院掌院學士代奏

據新授左春坊左中允張之洞呈稱本月初七日奉旨張之洞補授左春坊左中允欽此竊之洞畿疆下士學識迂疏胄司方愧乎竽吹坊秩仰蒙夫簡擢在漢代官稱中盾實依徼衛之清嚴在國朝名襲東寮無異詞垣之典校之洞惟有研精耽道益殫蛾術之修來稽古讀書冀答鴻慈之高厚

謝授司經局洗馬摺

光緒五年九月初十日翰林院掌院學士代奏

據新授司經局洗馬張之洞呈稱本月初十日奉旨張

之洞補授司經局洗馬欽此竊之洞勃海幹材詞林履
學備員胄監晉秩承華愧涓壤之未酬惕冰淵而增悚
被楓陛重申之命躋芝坊六局之班恩渥龍光感深鰲
戴伏思唐志則司經列職有典藏圖籍之文班書則洗
馬標名具導引威儀之義雖制殊今古而秩等清華之
洞惟有懷彼鵝濡策其鷲鈍研經訓而培根柢冀窺聖
道之藩籬飭官箴而勵廉隅仰答天施之高厚所有之
洞感激下忱理合循例呈懇代奏恭謝天恩等語臣等
謹繕摺奏聞伏祈聖鑒

謝授翰林院侍講摺

光緒六年二月初九日翰林院
掌院學士代奏

張文襄公全集

卷七十一

奏議七十一

三

據新授翰林院侍講張之洞呈稱本月初八日奉旨張
之洞補授翰林院侍講欽此竊之洞承華末秩藝苑疏
材業守經生寶典中古文之簿班躋侍從俾觀太史氏
之書顧鷲集而滋慙被龍光而知悚伏念唐開文館始
號詞林宋重儒修多居講職幽冀之士多椎鈍勉承樸
學之宗風武宣之世考文章未覩緝熙之聖業之洞惟
有研覃造道獻納摠誠以仰答高厚鴻慈於萬一所有
之洞感激下忱理合循例呈懇代奏恭謝天恩等語臣
等謹繕摺奏聞伏祈聖鑒

謝授右春坊右庶子摺

光緒六年六月初七日

六月初六日奉旨張之洞補授右春坊右庶子欽此竊
臣勃碣幹材瀛壺忝列中經許讀初陪文學侍從之班
邊事方殷未副獻納論思之職茲荷鸞章之新命更除
燕義之古官霑澤彌深循涯滋悚伏考晉馬彪之續志
東西京職亞率更唐龍朔之初年左右列名標中護自
非僑選鮮歷清塗臣惟有學勉芻蕘誠殫葵藿慕前微
於雅士敢忘春秋華實之箴守大義於經生聊酬天地
栽培之厚

謝充日講起居注官摺

光緒六年七月初五日

本月初三日奉旨張之洞著充日講起居注官欽此竊

張文襄公全集

卷七十一

奏議七十一

四

臣起家芸館洊領芝坊愧塵益之毫無荷天施之疊被
佩阜囊而珥筆旁丹宸以細書伏考順治朝之典章日
講官職司經義四庫書之史例起居注古號專門臣惟
有非道不陳於前所書可法於後瞻天仰聖幸獲依香
案之仙風補闕拾遺豈徒詠玉珂之夜月益勤豹直冀
答鴻慈

謝授翰林院侍講學士摺

光緒七年二月十一日

本月初十日奉旨張之洞補授翰林院侍講學士欽此
竊臣北土迂儒西清濫列目論方慙於測海頭銜遽擬
於登瀛疊被鴻慈難名鰲戴伏念唐興講幄自開元中

始播賡歌宋定官儀於學士下親書名姓顧惟薄植謬
忝華資臣惟有守道不回竭忠無隱喬笙晦磬敢誇並
軌於閭圖帶赤荔青當紀殊恩於杜句益勵冰兢之操
庶酬露湛之施

謝授內閣學士兼禮部侍郎銜摺 光緒七年六月初四日

本月初三日奉旨張之洞補授內閣學士兼禮部侍郎
銜欽此聞命之下感悚難名竊臣幽州鈍士翰院疏才
數持節於輶車浮簪毫於柱下溯自蓬池濫列積資則
十八年有奇豈期徽省超遷拔置於同三品之上鴻施
逾分鼇戴難酬伏維左掖班清春卿秩重絲綸所繫批

張文襄公全集 卷七十一 奏議七十一 五

答攸司考北宋之舊聞惟龍圖偶同其稱號讀乾隆之
寶訓知鳳諾非可以沿譏臣惟有益罄愚衷不渝素守
孤根獨立肫誠同葵藿之專千慮一長獻納備芻蕘之
采冀殫所學少答殊知

謝授山西巡撫摺 光緒七年十一月十六日

本月十八日奉上諭山西巡撫著張之洞補授欽此聞
命之下感惕莫名竊臣以迂儒歷官翰苑言事則屢煩
詔鐸超資而忝掌絲綸朝議叨陪曾無汲黯居中之益
聖慈曲庇豈有仲淹乞外之心渥荷恩言遠膺疆寄伏
念晉省山河表裏饑饉浮臻地險隘則重在巡防民彫

劫則難於撫字知臣情殷戀闕俾近依右輔之封察臣
志在籌邊命遠扼偏頭之塞逾涯增悚刻臆難酬臣惟
有殫竭愚忱勤宣德意獎廉黜墨祇知以盡已為忠教
旅利忙一本於愛人之道以仰答高厚鴻慈於萬一

謝賜福字摺 光緒九年十二月二十六日

竊臣忝綰疆符再更歲籥愧涓埃之未報敢寵賚之希
邀茲於本年十二月二十日賚摺差弁回省捧到御書
福字一方當即恭設香案望闕叩頭祇領欽惟 皇
上蘿圖訪道椒寢延釐書披乙夜以時勤暇備王林而
日懋猶以萬幾之暇用宏百福之頒聖學淵涵十采炳

張文襄公全集 卷七十一 奏議七十一 六

吉祥之字天題瑋麗一言括祿祉之文臣叨與鴻施感
深鼇戴所願箕疇敷錫借衢童壤叟以臚歡行看桂海
澄清胥烏弋黃支而受祐

謝頒賞聖訓摺 光緒十年三月二十六日

竊臣於光緒十年三月十七日由山西駐京提塘齎到
武英殿領出恩賞 穆宗毅皇帝聖訓一部當即恭設
香案望闕叩頭祇領欽惟 皇上日新典學風動綏
猷乙夜勤思闡往代圖書之祕辰居布化念先朝彝訓
之垂仰惟 穆宗毅皇帝道懋緝熙治超隆古誕敷文
德體乾撰而懷幾康大告武成稟慈微以揚光烈凡威

梭所震疊皆聲教所昭宣合典謨訓誥誓命諸體曰尙書大哉一人之渙號分天地春夏秋冬六官爲周禮煥乎五色之文章蔚爲中興登諸上理我 皇上率循遺矩誦述舊聞分目三十六條爲書百六十卷奎章輝映燭天騰萬丈之光秘笈璘彬測海富十華之寶臣未司勘校叨與頒施憶從木署簪毫鳳詔壯輶軒之色茲復桐圻拜賜龍圖擴管籥之觀仰高深而莫贊微詞聞咨傲而彌增惕志綸音未遠感十二年侍從之臣戎史常新啟億萬葉承平之治

謝署兩廣總督摺

光緒十年四月二十九日

張文襄公全集

卷七十一 奏議七十一

七

光緒十年四月二十八日內閣奉上諭兩廣總督著張之洞署理等因欽此聞命之下欽悚難名竊臣學術迂陋本非任重致遠之才溯自蒙恩撫晉以來徒以地方簡靜尙能從容措置兩年於茲吏治民事粗有條理才智精力已非有餘茲復渥荷恩綸移治嶺表查兩粵濱海臨邊形勢雄據民蕃物博庶政殷闢臣之庸劣實恐不勝特現值時事多艱整飭海防之際分應勉策駑鈍稍效涓埃惟有俟到粵後體察情勢殫竭血誠實力籌辦以仰答高厚鴻慈於萬一

謝授兩廣總督摺

光緒十年八月初十日

光緒十年八月初六日准吏部咨七月初三日奉上諭張之洞著補授兩廣總督欽此謹恭設香案望闕叩頭謝恩訖竊臣一介迂儒治晉無效甫覲光於日下旋假節於炎洲籌邊無一得之長授任荷重申之寵數春秋之典惟大國乃有兼圻稽漢史之文凡爲眞必須滿歲懼負乘之逾量糜頂踵以難酬伏念時局艱難海疆赤紫修攘並亟兵食交籌臣惟有甄訪才賢申嚴號令枕戈待旦豈惟運甓以習勤擊楫臨流不僅酌泉以明志導黑水而入南海奉揚徒鏗之皇威標銅柱而來越裳激勵跼爲之士氣所有防務吏治當隨時與尙書臣彭

張文襄公全集

卷七十一 奏議七十一

八

玉麟前督臣張樹聲及東西兩撫臣竭力籌辦以仰答高厚鴻慈於萬一

謝賜福字摺

光緒十一年二月二十日

光緒十一年二月十二日遞摺差弁由京回粵齋到御賜福字一方當卽恭設香案望闕叩頭謝恩祇領訖欽惟我 皇上斟酌元溥化昭德誠民隆孝養於璇闈箕疇錫慶耀威棧於璣鏡榛麓延釐值歲瑄之更新蒙雲書之下賁龍圖煥寶釐戴銘恩竊臣丹微守官紫宸瞻戀鸞迴一紙珍逾宋殿賜書燕喜六章榮比鎬京受祉仰藉天題吉語綏和五嶺之軍民願將化字祥符滌盪九

瀛之氛祲

謝京察議敘摺 光緒十一年二月二十日

光緒十一年二月十七日准吏部咨正月二十四日奉
上諭朕奉 慈禧端佑康頤昭豫莊誠皇太后懿旨三
載考績為國家激揚大典中外滿漢諸臣有能恪共職
守勞勩最著者允宜特加甄敘以示優眷兩廣總督張
之洞籌濟軍事不分畛域著交部議敘等因欽此竊臣
北土疏庸南溟承乏屬渝盟之思逞爰征繕以同仇簡
將徵兵有愧邊樓之籌畫贏糧赴敵敢言甬道之勤勞
恭逢考績於虞廷遠荷頒恩於越嶠褒甄逾分感悚難
張文襄公全集 卷七十一 奏議七十一 九

謝賞戴花翎摺 光緒十一年七月二十八日

竊臣准護理廣西撫臣李秉衡咨准戶部咨光緒十一
年五月十五日內閣奉上諭廣西關外各軍屢獲大勝
深堪嘉尚兩廣總督張之洞撥軍籌餉用奏膚功允宜
一體加恩著賞戴花翎等因欽此恩言下逮感悚難名
伏念臣學愧鶡冠職兢鴛翼守官嶺表疆理交南憤鯁
身跋浪之祆氛稟為泊擣虛之廟算四正四隅之營陣

僅出偏師三郊三遂之芻糧敢言宿飽天威遠暢月捷
頻聞此前行力戰之勞皆中旨發蹤之效頒來汗號蠅
附尾以何功榮以羽儀戴恩而知重臣惟有益菟戎
備期阜邊儲當關嚴蟻穴之防橫海肄犀軍之隊取鯨
鯢而為京觀戢兵賡周武之詩若鴻毛之遇順風賀聖
獻王褒之頌務殫駑鈍冀答生成

謝賜福字摺 光緒十二年三月二十一日

光緒十二年二月初九日差弁回粵齋到御賜福字一
方當即恭設香案望闕叩頭祇領欽惟我 皇上道
涵萬彙德轉八埏綏藩安丹傲之氓躋於仁壽布澤奉
張文襄公全集 卷七十一 奏議七十一 十
璇闈之訓必有豐年值鳳紀之更新荷龍章之下賚雲
書耀日海國生春臣職任珠江忱馳玉陛一字九疇之
錫綸綽榮叨兼圻兩載之恩涓埃未報稽同天於堯典
共慶東作西成之休徵覩益地於虞圖永頌北燮南諧
之郵治

五十生辰恭謝恩賞摺 光緒十三年九月十五日

竊臣於光緒十三年九月十三日承准軍機大臣咨交
到恩賞臣五十生辰御筆籌邊錫福扁額一面御筆福
壽字各一方金佛一尊紫檀嵌玉如意一柄蟒袍面一
件小卷吉綢八件湯綢八件當即恭設香案望闕叩頭

謝恩祇領訖伏念臣自分符竹遠隔觚棧壯也猶不如人迂闊而遠於事葵誠雖篤曾無濟治之功藥物時須積有妨賢之懼造道未深於學易省躬修居於知非方慙雕朽之難期迺忝錫齡之下逮九重染翰以賤士而荷天慈五十加年在疆臣尤爲異數交廣兩部籌邊愧唐相之才奎璧雙輝錫福兼箕疇之壽莊嚴寶相普度垂慈璀璨瓊枝捧盈知戒觀五采彰施之象如聞盛世都俞推萬方衣被之恩并使全家溫暖臣敢不勤修封守仰副生成依日升月恆之光宣內輯外悠之治蒲柳之秋雖早太陽一照而生春桂薑之性常存晚節彌堅

張文襄公全集 卷七十一 奏議七十一 十二

於報國

謝京察議敘摺 光緒十七年二月二十五

光緒十七年二月二十三日准吏部咨光緒十七年正月二十四日內閣奉上諭三載考績爲國家激揚大典中外滿漢諸臣有能恪共職守勞勩最著者允宜特加甄敘以示優眷湖廣總督張之洞山東巡撫張曜實心任事勞勩不辭均著交部議敘等因欽此聞命之下感悚難名伏念臣下駟極庸上游濫領澤國之偏灾甫弭巖疆之伏莽猶潛阜民則憂杼軸之空肄武則慮火荼之懈德薄力小而所圖者皆任重道遠之功困知勉行

而所創者乃委曲繁難之事志迂效緩疚重慙深豈意鴻施俯矜鶩鈍青瑣滄江之夢微物自荷天天慈黃州瞻玉宇之高聖知不在於人後十年守土愧曾無仰報之涓埃三考承恩乃疊荷褒榮之華袞感侔高厚惕等水淵臣惟有益殫菴悃不憚薪勞江流奠宗海之瀾實土勵爲山之志竊幸夔龍謬附邀虞廷車服之輝終期藍筆宏開壯楚國山林之色

謝賞頭品頂戴摺 光緒十七年十二月二十三日

竊臣准戶部咨光緒十七年十一月二十五日奉上諭戶部奏遵議楊昌濬奏請將解清甘肅新餉各員分別

張文襄公全集 卷七十一 奏議七十一 十三

獎敘一摺湖廣總督張之洞江蘇巡撫剛毅安徽巡撫沈秉成均著賞給頭品頂戴以示鼓勵等因欽此聞命之下感悚難名當即恭設香案望闕叩頭謝恩訖伏念臣業本儒冠任叨疆節勉濟輪臺之遠戍敢矜楚國之餘波邀曲獎於絲綸進崇階於金紫勞輸轉餉千秋明甬道之功才謝籌邊一品編會昌之集華顛知幸愚分增惶臣惟有懇懇殫誠源源濟運飽塞垣之騰馬籌夜唱以無憂懷梁水之濡鵝衣朝披而有愧仰比戴山於天寵冀裨撮壤於邊防

謝交部從優議敘摺 光緒十八年閏六月 日

光緒十八年閏八月初五日奉上諭總理海軍事務衙門奏各省解清海軍鉅款請將籌辦諸臣量予獎敘開單呈覽一摺李鴻章於海軍鉅款悉心籌畫獨任其難張之洞等亦能力顧大局殊堪嘉尚大學士直隸督臣李鴻章前兩廣總督現任湖廣總督張之洞均著交部從優議敘等因欽此聞命之下感悚難名伏念海防重要之秋軍府新開之日規模廣遠經費宏多臣昔官五嶺以南勉從諸臣之後備宋庫封樁之用銜石有心助漢船橫海之勳涓流無補乃蒙哀嘉寵賚甄敘優加惟大局深繫乎宸厯故微勞亦邀乎渥獎絲綸仰誦冰谷

張文襄公全集

卷七十一

奏議七十一

三

如臨臣惟有顧念時艱益修職守纖蘿息浪願無忘長駕遠馭之圖種柳成陰敢自懈卧薪嘗膽之志

謝賜福字摺

光緒十九年正月初八日

光緒十九年正月初四日摺弁回鄂齋到御賜福字一方當即恭設香案望闕叩頭謝恩祇領欽惟我 皇上道開元會德育羣生握金境以闡乾苞奉璇闈而凝泰祉六花瑞雪瓊霙占得歲之符一朶紅雲寶翰沛頒春之典合朝宗之江漢同泳恩波統底貢之荆衡高臨福曜欽承魏煥咸切軒輦臣冰履銘衷火維效職矢傾葵而陽向北斗京華荷馘穀於天施東風律瑄壇山石古

叶吉日以迎年堯母門高瞻祥雲而獻壽

謝賜福字摺

光緒二十年正月初十日

光緒二十年正月初九日摺弁回鄂齋到御賜福字一方當即恭設香案望闕叩頭謝恩祇領欽惟我 皇上治集蕃釐德符嘉瑞萬邦受祉爰歌魯頌之篇五福開祥遂衍洛書之秘欣茲歲首寵以宸題况逢文母萬壽之年豫效堯世三多之祝金天鸞鳳翔紫氣於雲霄玉篆龍魚燦乾文於綺繡臣久承恩遇未答涓埃荷一字之遙頒祇庶民之同錫穰穰有頌終慙文武之非才戶戶皆春願共江湖而拜賜

張文襄公全集

卷七十一

奏議七十一

四

捐置義莊謝賜御書扁額摺

光緒二十年五月十日

竊臣恭讀邸鈔光緒二十年四月二十四日內閣奉上諭禮部奏遵議大員捐田贍族可否賞給扁額請旨遵行一摺湖廣總督張之洞仰承先志捐置義莊養贍宗族古誼可風著賞給御書扁額一方交張之洞祇領以示嘉獎欽此旋蒙由驛頒發御書扁額一方到臣當即恭設香案望闕叩頭祇領伏念臣世承素業遭遇清時以環堵之陋儒忝方州之重任楚游竊祿難忘風木之懷疏傳分金願廣朝廷之惠飭閭庭訓宜篤宗支值行葦忠厚之聖朝獎葛藟本根之常分日采耀天門之榜

圭筆生輝星躔騰奎府之文球圖共寶敷六行教睦之
治本周禮以興仁緬九世同居之風較唐賢而滋愧寵
榮逾量感悚交并臣惟有館粥思恭槩冰勵操率食德
服疇之族眾戴高天厚地之君恩相勸勉以義門共鼓
歌於仁宇贈麥而追思堂構彌念教忠種桑而不計餘
饒惟知報國

謝賜福字摺 光緒二十一年正月二十日

光緒二十一年正月十五日差弁回甯賚到御賜福字
一方當即恭設香案望闕叩頭謝恩祇領欽惟我 皇
上德應三階仁周六幕奉城臺而篤祐撫禹甸以翔和
張文襄公全集 卷七十一 奏議七十一 五

當羣萌甫達之辰正聖藻書祥之日攝提歲正天門騰
龍虎之輝嶼鐵陽回海浦息鯨鯢之浪榛蕃受福樛朽
知春臣淮海守官雲霄戀闕宣德音而綏民隱申師律
以暢皇威欣逢小往大來推笑通乾坤之氣從此外悠
內輯銷兵煥日月之光

謝慶典賞賚摺 光緒二十一年二月初五日

竊准兵部咨光緒二十年十月初一日奉上諭朕欽奉
慈禧端佑康頤昭豫莊誠壽恭欽獻崇熙皇太后懿旨
茲當慶典屆期加恩賞賚各省總督各賞大壽字一張
大緞二疋帽緯一匣以示行慶施惠至意等因欽此又

因臣呈進 皇太后萬壽貢品蒙恩賞壽字一方蟒袍

一件活計一匣又蒙恩賞福壽字各一方三鑲玉如意
一柄蟒袍一件八絲緞二疋均於本年正月內由湖北
委員暨差弁恭賚到臣當即恭設香案望闕叩頭謝恩
祇領伏念臣任忝連圻效無撮壤際昌辰之行慶叨大
賚之同霑雲章比重於球圖九疇敷錫天寵昭文於黻
冕五采彰施乃復曲鑒葵誠疊頒穗象獻芹知陋愧儒
生寒素之圖書采菽承恩耀內府駢蕃之瑰寶對揚莫
馨報稱何從臣惟有冰操常懷春暉永戴九如作頌敢
忘報上之忱三錫占爰願祝師中之吉進千秋之金鑑

張文襄公全集 卷七十一 奏議七十一 六

愚忠竊附於唐臣稱七月之兇觥聖壽同符乎幽雅

謝子權外用摺 光緒二十一年八月二十六日

竊臣恭閱邸鈔本年六月初八日臣子權由吏部帶領
引見奉旨漢廕生張權著外用等因欽此聞命之下感
悚難名伏念臣忝承恩寄無補時艱方憂負乘之貽譏
遑計箕裘之克紹臣子權乙科倖列午舉非倫蟻術徒
勤驚庸滋愧傳家寡學尙輪顏測之得文信道未能敢
擬漆雕之人仕仰荷推恩之典猥叨任子之榮渥澤逾
涯兢懷臨谷臣惟有勤修官守嚴勵義方九陞瞻天緬
木正從繩之訓一門戴德殫葵傾向日之誠以仰答高

厚鴻慈於萬一

謝賜雙福字摺 光緒二十一年十二月二十九日

光緒二十一年十二月二十四日差弁齊到御賜福字
二方一賞臣兩江總督署任一賞臣湖廣總督本任當
即恭設香案望闕叩首謝恩祇領欽惟我 皇上乾坤
合撰奎壁同文右徵左宮鳴玉承歡於蘭殿東鵝西鱗
貢珍集慶於蘿圖以微臣兩鎮之蟬聯荷聖藻雙毫之
齊下春偕鳳至風雲律呂以諧笙福必駢臻日月光華
而合璧類胥臣之再邀賞命等世忠之獎及兼官申命
便蕃對揚惶悚臣攝官淮海宣德荆衡際重熙累洽之
張文襄全集 卷七十一 奏議七十一 七
昌期祝再熟履豐之靈貺吳頭楚尾恩波通一帶之江
河圖洛書瑞氣護雙南之寶

謝賜福字摺 光緒二十一年十二月二十七日

光緒二十一年十二月二十四日摺弁齊到御賜福字
一方當即恭設香案望闕叩頭祇領欽惟我 皇上道
端五始德嚙八紘同天考靈曜之樞澤物被慈雲之蔭
文治內而武治外統握乾符陽卦長而陰卦消世開泰
運編楚國歲時之記仰周京雲漢之章敷錫同欽拜賜
滋悚臣抱冰有志撮壤無功勤修有翼之師干冀覩大
同之文軌今多雨露應蒼龍鑾輅以行春身在江湖望

金爵觚棱而結想

六十生辰恭謝 皇太后恩賞摺 光緒二十三年八月十二日

光緒二十三年八月初十日差弁回鄂齋到由內務府
發出 皇太后恩賞臣六十生辰御書綬疆錫祐匾額
一面敷歷宜勤嘉茂績靖共介福錫蕃釐對聯一副福
壽字各一方御筆長壽字一軸御筆蟠桃園一軸御筆
雲蝠團扇一柄御筆蓮花摺扇一柄無量壽佛一尊嵌
玉如意一柄蟒袍面一件大卷江綢十二匹臣當即跪
迎至署恭設香案望闕叩頭謝恩祇領伏念臣早官侍
從洵歷方州屢賜對揚久蒙煦育董生強勉未聞日起

張文襄全集 卷七十一 奏議七十一 六

之功燭武無能何補時艱之會數絳縣庸愚之歲甲荷
珠宮寵命之天申勉以綏疆榮以錫祐敷歷愧優賢之
選靖共勵正直之箴凡材總納於福林聖藻輝煌於壽
寓分媯皇五色之石炳為大聖丹青頌王母千歲之桃
卽是長生膏醴團紈出篋忘秋氣以銜恩摺筴裁筠揚
仁風而阜物藝能天縱仰海涵春育之心擁護雲祥萃
河圖洛書之寶拯眾生於迷途苦海佛現金身望三楚
以時和年豐天如人意繡華蟲而勗汝翼煥雲繭以戒
周身仰揆榮施實逾愚分青瑣滎滄江之夢微物亦荷
天慈黃州詠玉宇之詞受知不在人後觀者咸詫為殊

常之遇此生何以酬高厚之恩臣惟有履冰以勵官方
炳燭而勤老學撫漢上重來之柳生意頓增傾園中終
向之葵愚誠無改晚節香而秋容淡願方圃菊之詩壽
觴舉而慈顏和敬奏陔蘭之雅

六十生辰恭謝

皇上恩賞摺

光緒二十三年八月十二日

光緒二十三年八月初十日差弁回鄂賚到內務府發
出恩賞臣六十生辰御書宜猷篤慶匾額一面福壽字
各一方無量壽佛一尊嵌玉如意一柄蟒袍面一件小
卷吉綢八匹湯綢八匹臣當即跪迎至署恭設香案望
闕叩頭謝恩祇領伏念臣庸侔社稷任玷疆符溯當五

張文襄公全集

卷七十一

奏議七十一

九

十之加年仰荷九重之錫羨陰符分寸未忘陶侃之習
勞報鮮涓埃已慨杜陵之遲暮歷一旬而加馬齒叨重
巽而霑鴻釐朶雲捧寶墨之花朝日射黃金之榜宣德
而共職守老愧壯猷篤恭以致昇平榮霑餘慶福開箕
範樂早麓之烝民壽祝華封歌康衢之庶老旃檀法相
俾其灾沴消除玉柄光華期其設施如意虞廷黼黻榮
逾鄭伯之緇衣南國絲絃化盡楚邦之藍縷雲霞萬色
生南樓夜月之光輝江漢雙流瞻北極星辰於咫尺隆
天厚地臨谷增兢薄植孤根戴山知重臣惟有晚而學
道進思盡忠聊以拙而自修雖知難而不避四方多故

敢忘樞伏之壯心九軌經涂冀觀車攻之盛治懷程子
老而衰之訓一敬不渝讀毛詩下報上之章九如願頌
再臣同叩仰蒙 皇太后恩賞應敬謹專摺叩謝理合
陳明

謝頒賞平定回匪方略摺

光緒二十三年八月十日

光緒二十三年八月初十日差弁回鄂賚到御賞平定
陝甘新疆回匪方略一部平定雲南回匪方略暨貴州
苗匪紀略一部臣謹恭設香案望闕叩頭謝恩祇領欽
惟我 皇上化敷舜軫武闡軒經征不諛以迪前光恢
全功而臻大定溯自中原之偃伯猶餘邊徼之跳梁於

張文襄公全集

卷七十一

奏議七十一

三

是續聖緒以殄戎稟徽音而柔遠斷匈奴之右臂直抵
三危攻南人之反心旁通六詔考元祖親征之記惟以
平回部爲奇功緬有虞舞羽之朝必以格苗民爲至德
今者花門效順貢天馬以來庭竹國銷烽祀碧雞而遣
使四百十卷之方略捷伐有光三萬餘里之皇圖蕩平
無滓仰欽簫勺莫罄軒轅臣昔忝史官曾窺柱下今叨
疆寄深愧籌邊歸鄣謹龜陰而春秋書平氏羌鬼方面
商頌作事爲後法如讀營平論屯穀之章安不忘危謹
誦宣聖贊苞桑之語

謝賜福字摺

光緒二十四年正月十二日

光緒二十四年正月初八日摺弁回鄂賚到御賜福字一方當即恭設香案望闕叩頭祇領欽惟我 皇上玉衡齊政丹旻懸箴端春元以正朝廷百官光孝治以通神明四海體乾行自強之義獨得正中秉震恐致福之心不忘容傲日新德煥露湛恩多臣自矢靖共同瞻翔洽深愧竹頭本屑乏上游鎮物之才所期穀穎麻蔡蒙大有自天之祐

謝子權分部學習摺 光緒二十四年六月 日

竊照本年戊戌科會試臣子權中式一百八十六名貢士恭閱五月十三日邸鈔新進士引見奉上諭張權著

張文襄公全集 卷七十一 奏議七十一 三

分部學習等因欽此恭讀之下感悚難名伏念臣儒素傳家使符叨忝素薄桓籛之陋敢疏趙簡之規臣子權冀北羣愚城南困學濟時無具習宋人經義之文入穀知榮綴唐代科名之記政觀六典遂釋屨而離疏恩被一門如履冰而集木臣惟有以教忠為家訓以守道作官箴策其十駕之勤效此數飛之習聞韓琦之戒僚佐勿廢讀書緬大夏之就部曹願通吏事俾紹家風之清白仰酬帝澤之涵濡

謝賜福字摺 光緒二十五年正月十五日

光緒二十五年正月十二日摺弁回鄂賚到御賜福字

一方臣當即恭設香案望闕叩頭謝恩祇領欽惟我 皇上璣鏡凝釐璇宮秉訓黃圖無外揚姒幄之徽音紫氣來東錫禹疇之嘉瑞履端於始見黜邪崇正之天心厚生惟和以尚德緩刑為政要塞宣房而來萬福共戴慈仁開闡闔而瞻九天高懸聖藻臣職司宣德地協朝宗慙枯朽而同被陽春欲綢繆而亟乘閒暇鳳麟皆遊於郊藪喜觀星雲鳧雁飛集於江湖敢忘魏闕已文作繡舞舜羽而格遠方亥算書祥望堯門而祝慈壽

謝賜福字摺 光緒二十五年十二月二十四日

光緒二十五年十二月二十五日摺弁齋到御賜福字

張文襄公全集 卷七十一 奏議七十一 三

一方當即恭設香案望闕叩頭謝恩祇領欽惟我 皇上道探乾始運協皇春俾天地日月而奉無私應元亨利貞而占有喜對時育物仰媯皇立極之功奮武綏邊成大禹攸同之治金倉足國農工商分自周官銀幣惠民園方措酌乎漢制大雅之詩備五福下及蝓蠃馬遷之史談九瀛遠通文軌穗書錫祉葵向知春臣雕木庸材抱冰愚悃堅庚孳子兆倉廩充衣食足之祥襟江帶湖守勤民生討軍實之教鐘聞長樂祝釐合薄海之歡笙叶上林獻歲結瞻雲之念

謝賞加太子少保銜摺 光緒二十七年十一月 日

竊臣恭讀邸抄光緒二十七年十月二十八日內閣奉上諭朕欽奉 慈禧端佑康頤昭豫莊誠壽恭欽獻崇熙皇太后懿旨劉坤一張之洞袁世凱共保東南疆土盡心籌畫均屬卓著動勞自應同膺懋賞湖廣總督張之洞著賞加太子少保銜等因欽此聞命之下惶悚難名伏念上年以來北畿倣擾南紀震驚致 兩宮之播遷經一年而始定臣障川力薄瞻極神飛既未能提桴鼓以收京又不獲執羈勒而捍國外慚內疚有罪無功至於遏豫境之妖拳殄長江之逆黨綏懷賓旅示中朝無濫殺不辜之兵布告友邦知深宮有睦鄰修好之誼

張文襄公全集

卷七十一

奏議七十一

三

凡此諸事無一非恪遵明旨仰稟神謨今者鐘簋依然威儀重覩既舉居行之賞兼甄薪突之勞恭逢國是之昭明豈意宮僚之濫附此皆由我 皇太后功德在生民我 皇上信義孚萬國惟天心不遠而復故國勢轉危爲安元祐手書多難而不忘黎庶興元赦詔責躬而曲獎臣僚敢貪天以爲功實臨谷而滋懼臣惟有經營筆路休養窮檐治兵求效於補牢興學圖功於炳燭范文受賞曾何力於伐齊管仲納規願無忘於在莒

謝署兩江總督摺

光緒二十八年九月初八日

本月初六日承准軍機處電開內閣奉上諭兩江總督

著張之洞署理迅速赴任等因欽此竊臣一介迂儒才庸學陋溯從嶺海移治荆衡舉凡前茅中權後勁之軍儲訓農通商勸學之民事經營未訖疚悚良多茲復仰荷恩綸俾權江督伏念兩江鈐轄三省總督經緯百端內政綦繁外交尤重臣於光緒二十年奉旨署理任事歲餘更歷八年時艱愈亟思先甲後庚之役憤憂時迫於中宵處吳頭楚尾之間措置動關於大局臣惟有竭殫心力體察情形勤撫綏以輯民心慎交涉以維國體乘江漢東流而下彌念切於朝宗紆朝廷南顧之憂冀仰酬平高厚一俟將本省要政及交涉重要各事趕緊

張文襄公全集

卷七十一

奏議七十一

三

清理即行馳赴署任合併陳明

謝賜松壽福壽字摺

光緒二十九年正月初十日

光緒二十九年正月初七日由驛遞奉到御筆松壽二字一幅福字壽字各一方頒賜到臣當即恭設香案望闕叩頭謝恩祇領欽惟 皇太后至德函三宏慈育萬律溫玉瑄輝生五色毫端墨染金壺灑向萬年枝上銀鈎鐵畫見宮廷天健之精神雪幹霜姿勗臣子歲寒之節操加以福林廣被壽域宏開比球圖雙耀以垂文似圭卣聯翩之拜賜叨榮稱疊揣分慚惶臣久綰疆符疊更歲箭渡江春早竊欣梅柳先知湛露陽暉頓覺桑

榆非晚慕松心之貞固必無改柯易葉之時祝諛壽之延洪願譜朱萼白華之奏

謝賜福字摺 光緒二十九年正月十三日

光緒二十九年正月十二日兵部驛遞奉到御賜福字一方當即恭設香案望闕叩頭謝恩祇領欽惟我皇
上軒紀履端堯門稟訓璣衡七政敷箕疇嘉瑞於羣生
輿蓋二儀括天保祥符於一字千祥萬喜隨梅驛以俱
來二水三山望楓宸而非遠候十旬之東律初扇協風
統萬里之南溟胥蒙福蔭臣江湖迹遠霄漢心懸慶吳
頭楚尾之同春想鳧羽鳳聲之獻瑞衰朽無殊於社櫟

張文襄公全集 卷七十一 奏議七十一

幸沐恩膏悃忱自矢以圖葵常依乾照

謝京察議敘摺 光緒二十九年正月二十七日

竊臣恭閱邸鈔光緒二十九年正月二十四日內閣奉
上諭三載考績為國家激揚大典京外滿漢諸臣有能
恪供職守勞勩最著者允宜特加甄敘以示優異直隸
總督袁世凱湖廣總督張之洞署理四川總督岑春煊
盡心規畫勞怨不辭均著交部議敘等因欽此聞命之
下感悚難名伏念臣久叨任寄未有殊能當茲上聖之
殷憂自咎庸臣之負乘折衝樽俎有慚文武威風老病
檣舟無補東南吳楚豈意濫邀敘典曲鑒微忱盡心苦

汲綆之深規畫乏扣囊之智做如車脚豈敢言勞孤似
竹根不知避怨以下土硜硜之自守荷聖人善善之從
長雖無關於江湖損益之微祇如鳧雁乃考績於日月
光華之世謬附夔龍忝竊何能循涯增悚臣惟有益勤
炳燭勉策鹽車體朝廷懸膽於戶之精神勵薄海眾心
成城之志氣願隨二三豪俊廣龍樓問寢之詩惜此分
寸光陰懷牧戲荒嬉之戒以仰答高厚鴻慈於萬一

張文襄公全集 卷七十一 奏議七十一

三

張文襄公全集卷七十一終

新城王樹森校

張文襄公全集卷七十二

奏議七十二

謝賞紫禁城內騎馬摺光緒二十九年四月二十四日

本月二十三日內閣奉上諭湖廣總督張之洞加恩著在紫禁城內騎馬欽此伏念臣曩官禁近久處江湖據鞍非矍鑠之年攬轡鮮澄清之效茲者重覩漢官之禮初聞長樂之鐘渥荷龍光矜其馬齒踏黃榆綠槐之影隄岸忘疲聽玉珂金鑰之聲掖垣警寐鴻慈加厚駑駘增惶愧筋力為禮之未能矢感激馳驅以許國臣惟有叱馭竭忠負乘懷戒叨鈎膺之用錫敢方賢侯入覲之

張文襄公全集

卷七十二

一

榮恥髀肉之復生期副 聖主自強之志以仰答高厚鴻慈於萬一

謝賜江綢貂皮暨融和福壽等字摺光緒三十年二月十九日

竊臣上年在京仰荷稷恩稠疊御賞駢蕃寶翰仙厨精金文綺感戴惶悚罄於語言嗣經陸辭出京十二月二十二日天津行次奉到御賜江綢四卷貂皮八箇二十五日又於滄州行次由直隸督臣遞到 皇太后御筆融和二字一幅福壽字各一方二十八日又於原籍南皮縣由兵部遞到御賜福字一方均恭設香案望闕叩頭謝恩祇領伏念臣雪柳往來松楸省視五章拜命比

相州畫錦之榮七葉承休勝漢室珥貂之貴融和煦育萬物皆春福壽聯翩三光並燦值葭琯歲華之將轉欣蓬門陽澤之先來鄉閭得覩天章頓開樸陋宗黨傳為盛事共美恩知臣惟有社稷策庸野芹攄忱願借父老賡田間擊壤之衢歌瞻望闕庭祝寰海添籌之聖壽

謝賜畫扇紗匹摺光緒三十年五月十五日

五月十一日差弁回鄂齎到 皇太后賞御筆畫蒲桃扇一柄藍實地紗袍料一匹石青直經紗鞋料一匹當即望闕叩頭謝恩祇領伏念臣自隔清光倏調燠瑄法從未忘於寤寐守官何補於涓塵茲者藻夏初炎芝泥

張文襄公全集

卷七十二

二

遠賚化工妙墨永清西域之風沙薰殿微涼垂念楚疆之藍縷恩逾蔭暘憐比臨冰臣惟有體蘭陔養萬物之心以麻衣害自強為戒九齡白羽豈憂秋氣之遷移杜甫香羅承頌聖情之感荷本宣德揚仁之意收除苛去酷之功仰答高厚鴻慈於萬一

謝賜綢緞摺光緒三十年八月二十二日

光緒三十年八月二十日摺弁回鄂齎到 皇太后御賞石青緞一匹絳色緞一匹茶色江綢一匹藍紅綢一匹當即恭設香案望闕叩頭謝恩祇領伏念臣雙符忝縮一簣鮮功涼飈薦爽於秋中湛露叨榮於天上荊州

篋組深慚未效乎貢珍織女機絲猥荷優霑於枯朽甯
戚生逢堯舜安用布衣子牟身在江湖如依魏闕人間
攀桂未覺天高園內傾葵彌知日近臣惟有在勤勵俗
無敦銘恩勸學以化章縫治兵而修組練南樓月滿懲
據牀坐嘯之頽風東海波平推挾續拊循之德意以仰
答高厚鴻慈於萬一

謝賜福壽字如意衣料摺光緒三十年十月二十九日

光緒三十年十月二十四日差弁回鄂賚到

皇太后恩賞御筆大福壽字直幅兩張玉如意一柄蟒
袍料一件綢緞四卷當即恭設香案望闕叩頭謝恩祇

張文襄公全集 卷七十一 奏議七十一

三

領欽惟 皇太后聖矩從心祥筮敷化 聖母邁五龍
之齡而稱壽至尊合萬國之歡以事親頒奎璧之文章
煥星雲之光耀年豐人壽願天下福祿攸同治軍理民
俾微臣指揮如意觀繡黼虞廷之五采如聽虞歌誦緇
衣鄭伯之三章更增禮數仰叨大賞深愧殊榮臣惟有
拱向北辰撫綏南紀奉宣渥澤同戴春暉祝袞衣愛日
之方長臻文軌同風之極盛一慈二儉體宮庭為寶之
淵衷洸武矢文效江漢朝宗之職守以期仰答高厚鴻
慈於萬一

謝賜福壽介壽字綢緞貂皮摺光緒三十一年正月十九日

光緒三十一年正月十六日差弁回鄂齋到 皇太后
恩賞御筆福壽字各一方介壽兩字直幅一張綢緞四
卷貂皮八箇當即恭設香案望闕叩頭謝恩祇領欽惟
我 皇太后寶尊慈儉德蘊含宏闢萬彙之福門游八
紘於壽宇遠頒寵賚監及庸愚備穗書草聖之大觀兼
蟬耳鸞璣之珍品知臣如孔門之朽木錫以遐齡念臣
無漢相之種桑俾其適體受福王母有逾三接之榮章
縫儒生頓洗一寒之陋臣惟有奉宣徽誌加意撫綏合
三湘七澤之提封占再熟八蠶之瑞應分萬壽介眉之
餘慶納入新年聽三軍挾纊之歡聲防茲未雨

張文襄公全集 卷七十一 奏議七十一

四

謝賜福壽字摺光緒三十一年正月十九日

光緒三十一年正月十三日差弁回鄂賚到御賞福壽
字各一方當即恭設香案望闕叩頭謝恩祇領欽惟我
皇上道出乾苞運符泰祉自強法天而不息明德與日
而俱新鳳律宣溫福應盛而眾庶豫龍樓問寢壽觴舉
而慈顏和猶復垂天上吉祥之雲化人間氛沴之氣儀
璘雙煥翔泳同歡臣惟有力矢勉行冀收拙效顧瞻江
漢繁倚樓看鏡之懷圖報涓埃勵履簣及泉之志賜銀
罍而吟臘雪如觀朝儀銷金甲而事春農同霑陽澤

捐建學堂謝賜御書扁額摺光緒三十一年四月初四日

光緒三十一年四月初二日准直隸督臣袁世凱咨以臣捐建本籍南皮縣學堂具奏仰蒙 皇太后頒賞御書振民育德扁額一方驛遞至鄂臣當卽望闕叩頭謝恩祇領伏念臣薛能粗官陸游老學渥承寵賚莫報殊知昔疏廣賜金僅以宴游娛鄉黨桓榮車服徒以恩遇誇子孫竊願推聖治之文明豈敢效前賢之弁陋德爲行本欽取象於山風筆有化功燦爲章於雲漢子衿軒舞衢叟臚歡臣惟有擴一鄉善士之陋風副百年樹人之渥澤武城小邑人人習學道之絃歌幽國公堂歲歲獻祝釐之觥酒以仰答高厚鴻慈於萬一

張文襄公全集

卷七十一

奏議七十二

五

謝賜御書慈恩學堂扁額摺

光緒三十一年四月初四日

光緒三十一年四月初二日准直隸督臣袁世凱咨以臣捐建本籍南皮縣學堂具奏仰蒙 皇上頒賞御書慈恩學堂扁額一方驛遞至鄂臣當卽望闕叩頭謝恩祇領伏念臣政才素拙學殖多荒幸叨堯母之恩綸惠及魯鄉之縫掖比原憲宰官之祿旁潤鄉鄰受文翁石室之經代籌刀布欽承聖藻錫以嘉名墨妙煥乎芝英文光生於蓬筆教忠孝俾飲水而思源不愆不忘常舉頭而見日臣惟有春暉矢報湛露逢晞勉薄植爲菁莪進陋邦爲鄒魯薄唐寺題名之記僅豔登科方西陲

賜額之榮無忘勸學以仰答高厚鴻施於萬一

謝賜畫扇紗匹摺

光緒三十一年五月二十五日

光緒三十一年五月二十日差弁回鄂賚到 皇太后賞御筆畫山水扇一柄藍寶地紗一匹石青麻地紗一匹當卽恭設香案望闕叩頭謝恩祇領伏念臣飲水畏熱不學慙衰忝同法從之叨榮無異喝人之得蔭楓亭妙繪招涼如卧雪之圖綺館奇珍耀采勝縷冰之蘭梅炎麥氣逾唐宗手救之榮芟製荷衣洗楚國騷經之陋恩光遠賚沈痼成蘇臣惟有禮矢不違詩賡無斃調攝仰遵乎懿訓奉揚遠被以仁風撫綏滴汗之耕農釐剔

張文襄公全集

卷七十一

奏議七十二

六

行水之術蓋奉新頒之法律大暑去而酷吏除廣實業之學科薰風來而吾民阜以仰答高厚鴻慈於萬一

謝子仁侃內用摺

光緒三十一年九月初一日

竊臣八月二十七日准禮部咨從一品廕生張仁侃光緒三十一年七月二十三日帶領引見奉旨著內用欽此當經照例以員外郎注册籤刑部行走等因咨行到鄂聞命之下感悚難名伏念臣運甓勞形納楹闕教猥荷絲綸之錫類俾叨簪笏以傳家臣子仁侃城南有志於讀書魯殿無聞於作賦離蔬釋屨遠薰畫省之香就日瞻雲如補黑衣之衛生成曲被報稱何從臣惟有

臨履銘恭因蒙勸學當殊俗橫流之會學禮不緩於學
詩際祥刑更化之朝讀書必兼乎讀律常矢教忠之古
訓仰酬延賞之恩施

謝賜綢緞摺 光緒三十一年十月初九日

光緒三十一年九月摺并回鄂齋到中秋節 皇太后
御賞緞二匹江綢二匹當即恭設香案望闕叩頭謝恩
祇領伏念臣節旄久忝賁帛頻叨飄桂香而秋氣清潔
蘭膳而天顏喜海嶠冰蠶之寶光照江城星機雲錦之
華榮增儒素溫綸遠被稱服滋慙臣惟有安吉銘恩靖
共效職五章拜命勉臬謨有德之稱九月授衣廣幽雅

張文襄公全集

卷七十一 奏議七十二

七

重農之化以仰答高厚鴻慈於萬一

謝萬壽賞賚摺 光緒三十一年十一月二十八日

光緒三十一年十一月摺并回鄂齋到十月 皇太后
萬壽恩賞綢緞四匹當即恭設香案望闕叩頭謝恩祇
領欽惟 皇太后懿恭訓政仁壽登民披少廣之璇圖
握長生之寶錄分到萊衣之瑞彩文綺成霞洗將婁褐
之寒酸湛恩比露對揚荷寵臨履增惶臣惟有藿悃不
渝萱暉永戴八蠶溥利敢忘嫜祖之神功匹絹增榮益
勵胡威之清節以仰答高厚鴻慈於萬一

謝頒賞書經圖說摺 光緒三十二年正月初四日

光緒三十一年十二月二十九日差弁齋到頒賞欽定
書經圖說一部臣當即恭設香案望闕叩頭謝恩祇領
欽惟我 皇太后堯門啟瑞禹甸敷仁我 皇上愛日
承歡同天稽古欲牖民而造士思繩祖以貽孫爰披聖
諭像解之編遂創書經圖說之作異武梁之祠象犧首
形奇勝列女之傳圖虎頭筆妙昔者楚壁繪崑山之伯
禹漢廷瞻斧辰之成王禹貢懸圖無逸觀象貫清濁以
畫河濟判黃赤以寫璿璣要皆摘取今文古文垂為君
鑒臣鑒但摹一節未括全書豈若茲統五十八篇之訓
言綜千五百年之政要舉凡觀天察地之奧揆文奮武
張文襄公全集 卷七十一 奏議七十二 八

謝賜福壽眉壽字綢緞貂皮摺 光緒三十二年正月初四日

光緒三十一年十二月二十九日差弁齋到 皇太后
恩賞福壽字各一方眉壽字一直幅綢緞四卷貂皮八

張當卽恭設香案望闕叩頭謝恩祇領欽惟我 皇太后履端布闈長樂延釐開殿前白獸之樽灑天上青麟之墨昭禹疇之好德箕範康強比魯頌之錫純梨眉難老暖逾布帛感九陛之溫言喜挾狐貂揚三軍之壯氣熙春行慶函夏臚歡臣智淺恩深拙多效算申命占甲庚之卦迎年暮丙午之鈞感受祉之便蕃叨延齡於綽綽岐下五旬之衣帛難比殊施洛陽萬里之大裘願推慈惠

謝賜福壽字摺 光緒三十二年正月初四日

光緒三十一年十二月二十九日差弁賚到御賞福壽

張文襄公全集 卷七十一 奏議七十二 九

字各一方當卽恭設香案望闕叩頭謝恩祇領欽維我皇上運隆泰始道闡乾元樂只賡而福履綏慈顏和而壽觴舉龍跳虎卧遙頒奎府之文章鸞嘒雞鳴如覩皇州之春色暉聯二曜露湛三霄臣苟齒徒加松心自矢以百無一長之短綫處四通八達之衝衢甘漢陰抱甕之勞懷燭武無能之懼欣逢北海南海車同軌而書同文升平太平風應律而雲應呂

謝京察議敘摺 光緒三十二年三月初四日

竊臣於光緒三十二年三月初二日准吏部咨光緒三十二年正月二十四日奉上諭三載考績爲國家激揚

大典湖廣總督張之洞謀慮精詳力任艱鉅著交部議敘等因欽此聞命之下感悚難名伏念臣折衝智寡盤錯才疏矢守瓶不假之愚誠懲覆轍相尋之鉅患桂海文軫由勉強而及成功筆路山林敢貪天以爲己力郊園葵藿亦霑雲露於日邊江渚鳧鷖倖附羽儀於皇路則羣吹而愧濫叨上考而知驚臣惟有慎固邦交輯安民志屏桔槔而灌圃殫畚插以移山謀野多能慙裨謀四國之學任重道遠勳會參三省之功以仰答高厚鴻慈於萬一

謝賜畫扇紗匹摺 光緒三十二年六月初四日

張文襄公全集 卷七十一 奏議七十二 十

光緒三十二年六月初二日差弁回鄂齎到 皇太后賞御筆菊花畫扇一柄藍直經紗一匹石青實地紗一匹當卽望闕叩頭謝恩祇領伏念臣效官炎紀遠隔清光方披梅笛之風適湛蓼蕭之露舜陞孝徵之翠篴珠等招涼齊官方空之冰紗帛逾澄水秋花早秀炳上聖丹青之化工熏殿微涼念下方蒼赤之苦熱此蓋不泄不忘之聖度豈惟誠懽誠怍之恩私臣惟有隄蟻嚴防澤鴻勤撫百里無資於暑蓋昌齡自慙以冰壺必表銘恭如對天顏於咫尺延齡錫美願宏壽寓於垓埏以仰答高厚鴻慈於萬一

七十生辰恭謝 皇太后恩賞摺

光緒三十二年八月初五日

光緒三十二年八月初二日差弁回鄂齋到 皇太后

恩賞臣七十生辰御筆福綬南紀匾額一面御筆宏總

上流宣蓋略贊襄新治重耆英對聯一副御筆長壽字

一軸福壽字各一方御筆畫牡丹直幅一軸御筆畫梅

花挂屏四幅無量壽佛一尊嵌玉如意一柄蟒袍面一

件各色綢緞紗十二匹臣當即跪迎到署恭設香案望

闕叩頭謝恩祇領伏念臣為政素拙不學知衰蹉跎而

效小忠彊勉以期行道幸道負乘之呵譴猥蒙錫嘏之

榮光仰分東朝福壽之餘策其南紀撫綏之效鑒陶侃

張文襄公全集

卷七十一 奏議七十一

十一

之忠順俾鎮上流期彥博之耆年倡行新法揮吹枯噓

生之神筆儼簪司馬之花寫鐵心石腸之奇葩如賜廣

平之筋金身穆若恍瞻覺世之慈顏玉柄温其彌懍執

盈之臣戒煥考工之黼黻金紫交輝垂織女之機絲雲

霞異色軍民觀歎謂朝廷圖任舊人草木知恩覺枯朽

皆含生氣臣惟有斷輪勵老伏櫪忘衰講學而懸耄箴

論兵而摩霜鬢魯杞犯老不釋敬謹當無改厥初宋蘇

軾愚不適時猶將勉策其後以仰答高厚鴻慈於萬一

七十生辰恭謝

皇上恩賞摺

光緒三十二年八月初五日

光緒三十二年八月初二日差弁回鄂齋到恩賞臣七

十生辰御筆望耆賢匾額一面御筆福壽字各一方

無量壽佛一尊嵌玉如意一柄蟒袍面一件各色紗十

六匹臣當即跪迎至署恭設香案望闕叩頭謝恩祇領

伏念臣虛增馬齒已過耆年謬綰麟符久妨賢路心長

才短對新進而懷慙任重望輕誦榮衰而滋懼福林壽

字炯如二曜之懸光寶相瓊枝佑其百為之如意職有

愧於臯謨之日贊而締繡遙頒德不足當緇衣之好賢

而蓆宜疊賁天高露湛木集水兢臣惟有炳燭殫勸據

鞍勵志松筠無改不憂晚歲之彫葵藿常傾頓覺夕陽

之好鵲鸞滿路豈資駑馬十駕之功砥柱百川敢效中

張文襄公全集

卷七十一 奏議七十一

十二

流一壺之助以仰答高厚鴻慈於萬一

謝賜綢緞摺

光緒三十二年九月初四日

光緒三十二年九月初三日摺弁回鄂齋到中秋節

皇太后恩賞江綢大緞共四匹當即恭設香案望闕叩

頭謝恩祇領伏念臣遙瞻紫極又屆金甍觀中澤之鴻

嗽愧在梁之鵲翼楚江風嫋知荷衣菱製之涼蓬島秋

澄靚霞綺雲羅之采變江潭之搖落柳絲漢南仰宮闕

之高寒桂香雲外章身荷寵刻臆難酬臣惟有體訪民

依勤宣上德固隄防而疏水潦實倉廩而謀蓋藏促同

巷之杼機增窮檐之襦袴青衿造士占賁帛以觀人文

組甲蒐軍賦同袍而敵王愾以仰答高厚鴻慈於萬一
謝賜綢緞摺 光緒三十二年十月二十二日

光緒三十二年十月十八日摺弁回鄂齋到 皇太后
恩賞綢緞四匹當即恭設香案望闕叩頭謝恩祇領欽
惟 皇太后龐鴻益淑憲象新民欣逢良月之吉祥遠
賁綺霞之珍麗上方幣帛分龍庭舞絲之餘輝下土章
縫識繭館鳴機之瓊寶鷄濡驚龍戴增惶臣惟有吹
幽雅以稱壽觥織荆縑而興工藝負庫中之賜絹自愧
恩多勵戰士以同袍豫占道勝以仰答高厚鴻慈於萬

張文襄公全集

卷七十一 奏議七十一

十三

謝賜福壽字摺 光緒三十二年十二月二十八日

光緒三十二年十二月二十六日摺弁恭賀 皇太后
御賞福壽字各一方曼壽字一幅衣料四卷貂皮八張
到鄂當即恭設香案望闕叩頭謝恩祇領欽惟我 皇
太后璣鏡斟元珠囊集瑞萃百福於榛楛增萬壽於臺
萊以曼殊師利之吉祥兼壽佛無量之悠久適周星紀
欣捧雲章八蠶吳會之絲七葉漢廷之珥縕袍不恥衛
風守道而非臧脂藥消寒唐殿頌恩而未渥天顏有喜
儼咫尺以不違民困未蘇愧涓埃之莫報臣惟有奉宣
膏澤撫輯疲疇徭裕整以同春姿隔江湖而結遠悃日

如黃襖未逾天闕之溫綸樹比冬青願附康衢之庶老
幽風農業泯無衣無褐之嗟玉藻戎裝勵虎裘狼裘之
勇以仰答高厚鴻慈於萬一

謝賜福壽字摺 光緒三十二年十二月二十八日

光緒三十二年十二月二十六日摺弁恭賀御賞福壽
字各一方到鄂當即恭設香案望闕叩頭謝恩祇領欽
惟我 皇上用中執兩咸五登三張百度以維新納羣
生於在宥心正筆正念柳少師之格言福多壽多符華
封人之善頌球圖比重冰谷同兢臣舊學等於寒筭迂
材類乎方枘不才多病陋青陽白髮之詩篇 聖主憂

張文襄公全集

卷七十一 奏議七十一

十四

謝賜畫扇紗匹摺 光緒三十三年五月初九日

光緒三十三年五月初六日差弁回鄂齋到 皇太后
賞御筆畫紅蝠靈芝並題三秀延齡扇一柄絳色實地
紗一匹石青麻地紗一匹當即恭設香案望闕叩頭謝
恩祇領伏念臣炎維奉職黼辰馳忱值錦標采縷之良
辰拜月扇雲機之珍賞千年錦翼翔堯代之仙真五色
祥芝茁漢房之嘉瑞仰九重之孝養厨筵常搖懍咫尺
之嚴威矜絲必表延齡荷寵鏤骨銘恩臣愧無益智之
方夙矢揚仁之願喜麥隴桑疇之豐熟蠲秋茶夏日之

煩苛惟有偕軍民共樂舒長率官吏奉宣德意慈雲濟世頓蘇火宅以清涼暑雨宜民盡泯窮檐之吝怨以仰答高厚鴻慈於萬一

謝協辦大學士摺 光緒三十三年五月二十日

竊臣准吏部咨光緒三十三年五月十二日由內閣鈔出五月十一日奉上諭張之洞著以湖廣總督協辦大學士欽此聞命之下悚惕難名當即恭設香案望闕叩頭謝恩伏念臣早參法從洵典方州以章句之小儒領荆襄之重鎮滔滔江漢會無文武之威風種種鬢毛深愧鴛鴦之時彥豈意綸音渥渥鼎席叨陪羣吏歎為殊

張文襄公全集 卷七十一 奏議七十一 十五

榮恩臣知其逾分昔者向敏中之耐官職默契朝廷范仲淹之拜參知遠籌邊事方昔賢而有愧被隆遇以難酬臣惟有偃僕滋恭經營匪懈江湖魏闕交縈報國之憂心舊學新知酌劑救時之良策以仰答高厚鴻慈於萬一

謝授大學士摺 光緒三十三年六月二十五日

竊臣准吏部咨所有大學士缺本部於光緒三十三年六月十四日開列具奏奉上諭張之洞著授為大學士仍留湖廣總督之任等因欽此聞命之下悚惕難名當即恭設香案望闕叩頭謝恩伏念臣廢學寒竽違時方

柄歷坊局而叨節鎮未敢干進以他途數治行以及軍謀自知不踰乎儕輩迺者疊邀特達驟躡羣僚甫拜命於新參旋承恩於端揆念其循資較久非同鳶肩火色之才察其作牧有年責以熟路輕車之效穹天雨露獨長養乎孤根秘殿絲綸俾與聞於外吏鈞陶至厚冰谷如臨臣惟有居高思危堅忍負重守特立獨行之素不逐頹波欽用中執兩之謨願襄上理以仰答高厚鴻慈於萬一

謝授體仁閣大學士摺 光緒三十三年六月二十八日

竊臣准吏部咨光緒三十三年六月十八日奉上諭張

張文襄公全集 卷七十一 奏議七十一 十六

之洞著充體仁閣大學士等因欽此當即恭設香案望闕叩頭謝恩伏念臣重申被命四輔聯班現縮使符俾登秘閣房喬直宏文之館張說紉壁府之書考宋代之東西廳分司機要溯國朝之內三院同掌絲綸雖職司時有變遷而禮秩最為殊異非材忝冒戰栗難名臣惟有罄補衰之愚忱策識途之微效羨魚結網欣逢善治更化之朝嗷雁求安仰體視民如傷之惠以仰答高厚鴻慈於萬一

謝授軍機大臣摺 光緒三十三年八月初七日

七月二十七日奉電傳上諭大學士張之洞著補授軍

機大臣欽此竊臣孤根疏薄曠代遭逢持符節已逾廿年贊鼎鉉甫經市月片長未效內疚方深茲者甫乘述職之鋒車遽荷中樞之簡命戰兢無措踟躕難名伏念今日時勢可謂多艱宮廷備極憂勞草野但求速效安內之與禦外無本則鮮功求舊之與維新一偏則爲害臣賦性如忘機之鷗鳥論才非熙績之夔龍有燭武之老而無其奇謀有司馬之迂而無其德望豈敢不量斗筭之器妄參帷幄之籌惟既已遵旨北上得遂瞻戀之忱豈敢稱疾徘徊自蹈辭難之咎惟有恪遵成命勉效馳驅儻精神實有不支之時才具實無補益之處應請

張文襄公全集

卷七十一

奏議七十二

七

恩准隨時乞休以安愚分而免貽誤不揣冒昧惶恐瀝陳

謝賞西苑門內乘坐二人肩輿摺光緒三十三年八月十四日

本月十三日內閣奉上諭朕欽奉 慈禧端佑康頤昭豫莊誠壽恭欽獻崇熙皇太后懿旨軍機大臣張之洞加恩著在西苑門內乘坐二人肩輿欽此聞命之下感悚交并竊臣渥被恩知入參密勿值待漏趨朝之會慙據鞍矍鑠之能仰蒙念其馳驅之有年不責筋力以爲禮昇陶潛之藍輦何待山林賜桓榮之輜車等於師傅天施逾量冰履難名臣惟有處逸思勞盡忠補過中書

無用知難辭禿老之譏周史有言敢不懷扶持之戒以仰答高厚鴻慈於萬一

謝賞穿帶膝貂鞋摺光緒三十三年十一月初九日

本月初八日內閣奉上諭朕欽奉 慈禧端佑康頤昭豫莊誠壽恭欽獻崇熙皇太后懿旨張之洞加恩賞穿帶膝貂鞋欽此聞命之下感悚莫名伏念臣恩知渥荷樞密叨陪愧涓報之猶虛每冰兢以自惕茲迺仰承綸詔榮賁珍裘雙珥同清雅稱金章之佩三英競榮渾如玉帶之圍適體增溫撫衷滋愧臣惟有益殫駑鈍倍慙鵠濡如羔皮之用素絲絨絕勵節比絺繡之施粉米黼

張文襄公全集

卷七十一

奏議七十二

六

蔽陳謨以仰答高厚鴻慈於萬一

謝管理學部事務摺光緒三十三年八月十五日

本月十四日內閣奉上諭大學士張之洞著管理學部事務欽此聞命之下惶悚難名伏念臣機要與聞涓塵鮮補乃閑道仰塵乎上聖故典學任及於迂儒查學部爲教育之統宗人才之樞紐與時變通之謂道不忘其本之謂賢將以陶鑄羣才扶持世運如臣庸陋豈所能勝惟有稟承聖謨原本經義通溫故知新之妙用謹邪說暴行之大防有一長者升爲芷蘭不率教者移之郊遂志端向定如知天必視北辰博采兼收如百川納乎

滄海菴名老學敢讓詩客以精勤城諷青衿務期士風
之不變當隨時會商學部諸臣認真整頓以仰答高厚
鴻慈於萬一

謝充經筵講官摺 光緒三十三年十二月十六日

本月十五日翰林院以漢經筵講官一缺具奏奉硃筆
圈出張之洞欽此聞命之下感悚難名竊臣猥以迂愚
濫參機務晚學知寒竽之陋辰猷鮮補袞之功仰維天
縱之聰明彌切幾餘之念典新知培養增丹書訪道之
儒臣舊典無忘申金殿論思之職守自慙荒落深忝殊
榮臣惟有紬繹奎璧之秘書敷陳堯舜之治道陋張禹
張文襄公全集 卷七十一 奏議七十二 九
之傳經學無補時艱宗程子之為講官薰陶德性以仰
答高厚鴻慈於萬一

謝賞加太子太保銜並用紫纒摺 光緒二十二年十一月二十七日

本月二十六日內閣奉上諭世續著賞加太子少保銜
賞用紫纒張之洞著賞加太子太保銜賞用紫纒鹿傳
霖著賞加太子少保銜賞用紫纒袁世凱著賞加太子
太保銜賞用紫纒欽此等因竊臣等猥以庸材過蒙先
朝恩遇樞垣待罪無補時艱茲以 皇上登極禮成恭
上 隆裕皇太后徽稱推恩錫類獎及近臣既晉宮銜

復賜紫纒殊榮駢蕃聞命戰慄當即於入對時瀝誠懇
辭至於再三迺承面諭切飭戒以勿得沽名徒煩筆墨
臣等惶悚無措不敢復有所言不得不敬謹遵旨此後
惟有竭此血忱同心共濟以仰答高厚鴻慈於萬一

張文襄公全集 卷七十一 奏議七十二

三

張文襄公全集卷七十二終

新城王樹森校

電奏

歲次戊辰
仲春刊行

張文襄公全集電奏目錄 起卷七十三

電奏一

光緒十年閏五月份一件

光緒十年六月份四件

光緒十年七月份四件

光緒十年八月份六件

光緒十年九月份七件

光緒十年十一月份二件

光緒十年十二月份十二件

光緒十一年正月月份十六件

張文襄公全集

電奏目錄

電奏二

光緒十一年二月份十七件

光緒十一年三月份二十二件

光緒十一年四月份十三件

電奏三

光緒十一年五月份二件

光緒十一年六月份五件

光緒十一年七月份三件

光緒十一年八月份一件

光緒十一年九月份一件

光緒十一年十月份二件 附來電二件

光緒十一年十一月份五件

光緒十一年十二月份二件 附來電三件

光緒十二年正月份三件 附來電一件

光緒十二年三月份二件

光緒十二年四月份一件 附來電一件

光緒十二年六月份一件

光緒十二年七月份一件 附來電一件

光緒十二年九月份一件 附來電一件

光緒十二年十月份一件

張文襄公全集

電奏目錄

二

光緒十二年十一月份三件 附來電一件

光緒十三年正月份四件 附來電一件

光緒十三年二月份一件

光緒十三年三月份五件 附來電一件

光緒十三年五月份三件 附來電一件

電奏

光緒二十年七月份五件

光緒二十年八月份五件

光緒二十年九月份十一件 附來電三件

光緒二十年十月份十五件 附來電七件

光緒二十年十一月份九件 附來電二件

光緒二十年十二月份六件 附來電一件

電奏

光緒二十一年正月份十一件 附來電六件

光緒二十一年二月份十五件 附來電六件

光緒二十一年三月份十二件 附來電四件

電奏

光緒二十一年四月份十三件

光緒二十一年五月份五件 附來電四件

光緒二十一年閏五月份二件

張文襄公全集

電奏目錄

三

光緒二十一年六月份五件 附來電五件

光緒二十一年七月份十一件 附來電三件

電奏

光緒二十一年九月份二件 附來電一件

光緒二十一年十月份四件 附來電五件

光緒二十一年十一月份二件 附來電一件

光緒二十二年二月份一件

光緒二十三年正月份一件

光緒二十三年三月份三件 附來電二件

光緒二十三年四月份三件

光緒二十三年十一月份一件

光緒二十三年十二月份八件 附來電一件

光緒二十四年正月份四件

光緒二十四年二月份一件 附來電一件

電奏 八

光緒二十四年閏三月份三件

光緒二十四年四月份一件

光緒二十四年七月份三件 附來電二件

光緒二十四年八月份四件

光緒二十四年九月份一件 附來電二件

張文襄公全集

電奏目錄

四

光緒二十四年十月份一件

光緒二十四年十一月份二件 附來電一件

光緒二十四年十二月份一件

光緒二十五年正月份一件

光緒二十五年六月份一件

光緒二十五年十月份一件

光緒二十五年十二月份一件

光緒二十六年五月份三件

光緒二十六年六月份六件

電奏 九

光緒二十六年七月份四件

光緒二十六年八月份三件

光緒二十六年閏八月份三件

光緒二十六年九月份二件

光緒二十六年十月份三件

光緒二十六年十一月份四件 附來電一件

光緒二十六年十二月份三件 附來電一件

電奏 十

光緒二十七年正月份六件 附來電七件

光緒二十七年二月份九件 附來電三件

張文襄公全集

電奏目錄

五

光緒二十七年三月份六件 附來電一件

電奏 十一

光緒二十七年四月份七件

光緒二十七年五月份三件

光緒二十七年六月份一件 附來電一件

光緒二十七年七月份一件

光緒二十七年八月份二件 附來電一件

光緒二十七年九月份五件 附來電二件

光緒二十七年十月份三件

電奏 十二

光緒二十八年四月份四件 附來電四件
 光緒二十八年六月份六件 附來電五件
 光緒二十八年七月份二件 附來電一件
 電奏 十二

光緒二十八年八月份一件 附來電一件
 光緒二十八年九月份三件 附來電一件
 光緒二十八年十月份一件
 光緒二十八年十一月份一件
 光緒二十九年正月份三件 附來電一件
 光緒二十九年二月份一件 附來電一件

張文襄公全集

電奏目錄

六

光緒三十年二月份一件
 光緒三十年三月份一件
 光緒三十年四月份一件
 光緒三十年六月份二件
 光緒三十年七月份一件
 光緒三十年八月份一件
 光緒三十年十月份一件
 光緒三十年十二月份一件
 光緒三十一年三月份一件 附來電一件
 光緒三十一年六月份一件

光緒三十一年七月份一件 附來電一件
 光緒三十一年八月份一件
 光緒三十二年四月份一件
 光緒三十二年五月份一件
 光緒三十二年十月份二件
 光緒三十二年十一月份一件
 光緒三十三年三月份一件
 光緒三十三年五月份一件 附來電一件
 光緒三十三年六月份一件 附來電一件
 光緒三十三年八月份一件

張文襄公全集

電奏目錄

七

電奏目錄終

張文襄公全集卷七十三

電奏一

致總署 光緒十年閏五月三十日發

法既明言專占中國口岸此時彼兵輪進各海口必須
攔阻祈速與該公使議定并託各國公使公論以便速
飭各口設備若不照會明白攔阻則開衅聽人則失險
必致自誤粵省惟有守口門扼內河船達城下戶稠垣
卑無從措手再劉永福法必不容然萬不可不庇雲南
恐不易安頓洞意願招納之劉本欽州人若令率所部
精銳歸粵果使為將領既免法吞且資其力必有大益

張文襄公全集卷七十三 電奏一

兩事均祈代奏請旨望電復卅

致總署 光緒十年六月初五日發

岑電稱閏五月初八日奉旨由粵轉咨到營已遵飭前
敵各營扼紮原處嚴加防備并催續調各營挑派附近
鄉團共三四萬人預備戰守約六月底可到俟奉旨進
兵定即親統進發馳赴前敵與粵軍聯絡相機攻取如
法人由大灘文盤州一路來攻保勝即督飭各營極力
堵剿斷不鬆勁祈轉電總署先行復奏等語謹轉達尾
致總署 光緒十年六月十二日發

屢接閩電情形危急船廠若擾各處皆震合懇南北洋

飛速各派數艘帶水雷艇合力援閩法注意在閩敵入
內河頗慮斷後故大小船分屯五虎門內外若有十船
於口門外遙尾綴之勿與搏戰待敵入內則下雷於口
門斷之欲犯他口亦然往南亦南往北亦北處處作勢
牽制則各口皆不敢深入此十船可作十萬人之用南
北各口皆有大益非獨為閩也惟必須十艘八艘少則
無益水雷艇尤要事急敬陳管見祈鈞署代奏請旨速
行文

致總署 光緒十年六月十七日發

奉旨接閩粵兵不敷閩事甚危移緩就急潮去閩近已

張文襄公全集卷七十三 電奏一

令署提督方耀飛調遊擊方基率潮勇五營往援潮防

舊有三營趕募步勇一營水勇一營舊營續募補足軍
火暫挪應用粵墊兩月餉及船費由汕頭舟行至廈門
能否搭船入口相機前進舟行自廈一日到福州陸行
八日到福州請代奏玉麟樹聲之洞文蔚同肅霰

致總署 光緒十年六月二十一日發

敵既襲臺今又萃閩情形危急仰懇 聖上速決戰和
之計電諭沿海各省使有遵循得以相機制敵不然處
處落後受制敵已深入內河彼儻據險開礮疆事危矣
迫切合詞籲祈代奏請訓示玉麟樹聲之洞文蔚同肅

致總署 光緒十年七月初一日發

奉敕籌濟銘營軍火竭力搜得卑鉢北洋步一千二百枝馬子五十二萬礮藥一萬二十磅并協餉銀二萬兩雇船徑送淡水後日抵臺臺人能戰有餉械可就地募吳宏洛守長泰最衝無可代撥老營太多粵可慮竊思臺鎮章高元即銘軍親兵章部二營在臺餘八營現紮江陰皆曾隨唐定奎渡臺者此八營不惟銘部且恰是章部若抽數營由滬雇船援臺地熟將習尤相宜昨電旨派程文炳由江西援閩路遠難達若令章部援臺程部紮江陰自漢口下三日可到似便再温州鎮吳鴻源

張文襄全集

卷七十三 電奏一

三

隨左相在閩會駐臺熟悉閩素稱謀勇部下多戰士現告病居廈門可否令吳鴻源或在厦募數營援臺或徑赴臺募數隊敬陳管見請代奏之洞文蔚同肅東

致總署 光緒十年七月初一日發

臺防自應赴援粵海口太深廣防遏最難長洲扼要吳宏洛築臺甫竣萬難移動前已撥潮防五營今再移五營粵事港報畢登昨日西人言法正謀設法擣粵敵乘虛粵危矣粵為南洋衝尤要於臺他軍均難抽撥且於臺地主將均不習往亦無益現已力籌餉械濟臺聽劉自募閩臺軍二萬餘兵不少需將與械耳軍火最難措

如戰旨尙未宣祈飭南北洋速向洋行定買餌以重利商令設法通融送來為要請代奏王麟樹聲之洞文蔚同肅朔

致總署 光緒十年七月初四日發

率敵以戰越為上策圖越以用劉為實濟前奉旨籌牽制之策粵東雖有兵七枝惟欽廉非進兵之路查主事唐景崧與劉永福相得久在越地前敵熟悉地勢軍情乞假在龍州現聞病愈洞已電致唐令速募四營出關與劉永福合犄角一面趕籌餉項軍火濟之餉一到即可進兵并助劉永福餉一萬兩交唐帶往傳述天恩激

張文襄全集

卷七十三 電奏一

四

廣會戰此枝似較生兵為便請代奏

致總署 光緒十年七月初七日發

電旨命張前督防廣西後路張自擬遵往惟勢有難行往必帶淮軍及淮軍所部粵軍諸營分守要地猶不敷臺壘器械均整練募新必不得力吳宏洛部尤難動前電奏已詳一張熟粵情可資商酌在此督率淮部諸將易盡力二不予舊部隻身往無用三即使可往赴西十數營無餉防東募填者無械萬無從辦四案越關外荒苦逃匿西軍萬餘轉運艱多食粥再增大軍不戰已困五粵東戒嚴萬緊敵船一駛各自願後路疎前敵張曾

兩請出關今昔殊勢東急西緩我援敵乘仰懇天恩留
張仍防粵東至幸若慮西防或飭西提唐仁廉赴任臨
戰宜靜不宜動合詞籲請代奏玉麟之洞文蔚同肅遇
致總署 光緒十年八月初一日發

奉七月二十一日電旨令防由澳門陸路窺省詳查澳
門至香山有陸路香山至省多支河無陸路惟聞有雇
奸民乘小船分擾之說當密查嚴備粵省海口除虎門
外尙有五門河道紛歧深廣三門可進大輪若中號輪
皆可深入達省惟有於附省衝要扼守但河無戰船岸
無礮臺謹當竭力籌辦請代覆奏玉麟樹聲之洞文蔚
張文襄公全集 卷七十二 電奏一 五

同肅朔

總署來電 光緒十年七月二十二日到

奉旨聞法國現與葡萄牙密約澳門有通廣東省旱
路擬由此路協力攻撲省城如果得手即將法國所
有澳門地界酬葡等語雖係傳聞之詞不可不防著
彭玉麟張之洞等嚴密偵探並查明此段旱路有無
險隘可憑聞中間尙有一江或可扼守著豫籌布置
並先電聞欽此箇

致總署 光緒十年八月初一日發

潘上月十六駐諒山岑駐保勝遣將會劉永福攻宜光

惟永福一人蒙恩部下未與若黃守忠等屢戰功多永
福深倚擬請敕永福酌保部下將弁准請總兵以下二
三十人擇尤附電代奏庶可共奮越官黃廷經現收眾
自保可否敕潘查詢如願爲華官亦懇恩施再越王於
閏五月又爲其下所醜謹附陳祈代奏請旨玉麟之洞
同肅朔

致總署 光緒十年八月初十戌刻發

疊奉電旨飭速辦雲桂電綫查龍州至馬白關幾二千
里山僻運料艱滯估費約十六萬以外官出無商助勘
路購料竣工約十閱月事不易集冀雲桂會軍後信息
張文襄公全集 卷七十二 電奏一 六

較便俟岑潘會商覆陳遵旨一面奏聞請代奏蒸

致總署 光緒十年八月十六日戌刻發

數日前香港華民密約燬法船英助法防乃止前法船
在港買牛羊民艇不載鐵甲傷民工不修近法商船到
民艇不起貨英官執而罰之眾艇怒挑夫助之艇夫避
匿停工中外貨皆不搬運英官還所罰仍不允英以兵
脅斃華人一英兵傷十一益開揚言將焚港中法行今
晨春米工亦停刻尙未結英不能制其眾疑粵省官主
使示禁接濟受雇充匠當兵誠有之然只貼粵境港地
不能貼華示貧苦細民一日不傭則因此民心忠義非

官力若日內不了港官必喉巴夏里瀆擾望折駁勿聽
卽以民心忠義不願受役敵國爲詞情理正大彼必不
能奪謹先上聞請代奏諫

致總署 光緒十年八月二十一日申刻發

香港艇夫拒法事相持數日西街罷市各行備作以次
和之英官兵脅不從揚言焚港九龍司會匪欲爲助英
人甚恐洞密電港商勸導令適可卽止醫院華人調處
英官還所罰錢放所拘人所斃華民卹二百元聽華民
不裝法貨乃已十八日事定十六日法船二由鷄籠來
港采辦火食華商不交易十七日卽赴西貢采辦十八

張文襄全集 卷七十二 電奏一 七

日又自鷄籠來法船一廿日亦往西貢此事乃民義憤
英極力抑民助法畏眾曲從恨粵官甚指爲主使昨照
會詰問以港事粵官力不能及答之頃接西電利士卑
攻淡水法船不能進內只口外一礮臺被燬法兵現短
糧等語果能香港從此不接濟法船於敵亦頗有滯礙
粵省窮民忠義難得事定後當酌籌獎勵之法上聞請
代奏馬

致總署 光緒十年八月二十二日巳刻發

法踞鷄籠劉守淡水南北洋當已奏聞兩奉電旨接濟
遵已赴港設法雖在海梗必當力籌受再具奏竊謂臺

事孤危外援難往惟有以臺守臺臺地戰士銀米皆不
缺惟缺軍火向多富戶豪民臺北林姓曾集團萬餘助
戰此時鷄籠之寇宜急圖攻逐勿令久踞敗謀兵力不
敷可否仰懇聖恩敕臺灣紳民如有能起義糾眾逐
法人出臺境者封以五等之爵團勇仍予優保重賞所
費口糧成功後報明補發捐餉者減成從優給獎成功
後并免臺地錢糧一年若臺民并力當可驅法團雖遜
於兵勇取其勢眾洋兵最患夜戰不得眠息若分爲十
餘起分路更番日夜擾敵疲其兵力耗其子藥數日法
必困官軍乘之然後可勝并祈敕諭臺灣鎮道分投籌
辦事急至此非破格爵賞不能鼓眾心破強敵果能成
功豈在黃梧施琅李長庚諸人下此皆闕臺成案祈聖
裁速行臺防幸甚請代奏養

致總署 光緒十年九月初二日戌刻發

張文襄全集 卷七十二 電奏一 八

八月廿八日一大法船運糧到港次日赴鷄籠廿九日
一小法船到港兵約二百皆自海防來西報法議籌餉
三十七兆佛郎又稱添四鐵甲來華又稱德相畢士馬
赴法都約助法圖利欲在華與英法美三國同有租界
今俄來華鐵艦三日本亦來華兵船三廿四日澳門葡
人忽增一大兵船泊九洲洋以二十萬自日本租來兩

年爲期諸番合從大局可慮竊思添一德國租界於我無損彼有大益以此餌德懇其助我或可稍解可否與駐京德使議并敕駐德李欽使探之此事是否可行請敕總署與北洋速議祈代奏冬

致總署 光緒十年九月初二日戌刻發

頃接劉永福稟感激天恩備訴艱苦部下食粥餉乏彈缺俟秋清水落進取宣光并云前蒙恩賞十萬金祇領得三萬有奇雲南軍火餉項旱道不易難多接濟祇須餉足加募精銳無堅不破非法人有神術也等語查十萬未能全領自係因彼時桂餉難籌今雲軍餉械亦絀

張文襄公全集 卷七十三 電奏一

九

竊有管見昨接晉奎署撫咨籌銀十萬解部備賞可否懇恩即將此項賞劉永福分作兩次先賞五萬如獲大捷再賞五萬必當鼓舞至軍火粵當力濟刻下蘇提雖勝他軍傷亡太多法虜決意分路攻逐桂軍寇悍我孤必須岑劉由西路夾攻庶分敵勢如蒙俞允請敕粵海關於應解南北洋經費下即日全數撥解再由部將此項發兩洋作抵伏望聖裁速行請代奏沃

總署來電 光緒十年九月初四日酉刻到

本日奉旨聞劉永福軍缺餉加恩賞銀五萬兩著張之洞無論何款即行解交岑毓英傳旨賞給前令酌

保黃守忠等尙未奏到並飭速奏刻已秋深瘴退傳知該提督剋日進剿攻復各城渥膺懋賞此旨著張之洞轉咨岑毓英遵照欽此

致總署 光緒十年九月初九日子刻發

關外軍情敵分三路船頭一路蘇軍屢勝多傷與敵相持即甲一路方友升周壽昌營單勇病致敗退紮觀音橋那陽一路教匪焚老街未來犯王德榜派兩營駐鎮南關唐主事景崧八月廿日出關由牧馬蘇街赴宣光會劉軍潘以諒山急留唐暫防牧馬現屬調他營防促唐進至雲軍在宣光被挫一節桂探西報皆無聞岑派

張文襄公全集 卷七十三 電奏一

十

同知潘濟德三營同劉部黃守忠圖宣光然唐初五電尙無雲軍東來的信敗恐不確參考西報桂軍皆血戰火器不敵教匪過眾故雖勝而多損張前督本日申刻病故署瓊州鎮吳全美亦於八月病故港連日有法小兵船四昨一艘赴雞籠大率資彼煤糧阻我濟械法封全臺口禁華人及書信登岸請敕總署南北洋力商各國商船謀探信之策至要請代奏佳

致總署 光緒十年九月十二日酉刻發

潘疊電餉缺基本省款月僅二萬餘至協餉四萬罕解賞卹更無出情詞危苦蘇提欲收散勇爲用而爲餉所

因岑亦憂無餉竊謂援臺惟有爭越內地增百營不如關外增十營內地用餉百萬不如關外用餉十萬仰懇 敕催雲桂兩省協餉桂責湘墊雲責川墊再由他省撥還或可稍速潘以瘴兼急而病洞前聞人有頗議之者詳察其情略因餉絀諸事力求撙節所致此乃邊臣苦况請代奏懇恩速行文

致總署 光緒十年九月十九日已刻發

十日內自西貢來港大兵船三小兵船一大者載兵各數百先後皆赴臺現有自臺來大兵船一泊港詳考兩月內過港各船名惟一艘新自西貢來餘皆前在閩臺

張文襄公全集 卷七十三 電奏一

十二

海面者往來港越運兵械煤糧兵增而船未增西報法於初五日據雞籠煤鑛然各船在港實極力裝煤法以二十船縱橫中國海面禁封臺閩狂悍實堪髮指昨知 敕南北洋撥船援臺如能達臺固善但我船自滬廈開行敵已早知難繞他口調船攔截仍難近岸中國戰船不多尤須寶惜似不如於閩海一帶結隊游弋截彼運兵運煤糧船較易得手近兩月來自港自越運船來往絡繹率皆一兩艘游行無忌我以八九艘遇之即彼不被擊壞亦必退避敵運既阻擾臺之寇不能持久且兵械不添亦難進攻如此互相劫制或可有益可否敕下

左楊等酌辦請代奏效

致總署 光緒十年九月二十日午刻發

電旨恭悉臺事甚急晝夜憂憤前疊奉旨濟臺軍火已購備前腔洋槍千枝洋藥數百桶託人向港厦多方商辦餌以重價擬俟能解再奏聞無如各船皆不往法於華洋船皆禁阻搜查書信拋棄民船被擄甚多取壯者剪髮充兵臺礦多硝少然硝易煎取八月十六日洞即電劉督辦囑造土藥以圖持久此電已達九月十一日三復電劉及臺灣道力言並商運濟事不知達否粵無兵輪七月初九日已奏聞援兵實不能往麟雖隻身赴

張文襄公全集 卷七十三 電奏一

十三

閩會商無益徒深焦灼麟病已月餘感瘴濕兼風火腹膨足腫食少畏風不能出營棚因防急不敢瀆聞今果能往雖扶病亦必行揆此情形渡兵運械實難惟有謀匯銀通信之法一切現仍力籌有一綫可圖必謀之容再奏陳請代覆奏玉麟之洞同肅號

致總署 光緒十年九月三十日午刻發

二十六日為雲桂及各省請巨餉電奏未奉覆旨當因鉅款難籌之故竊又思得一策朝廷若允借款由各海關認還粵可向匯豐再借百萬兩濟雲桂各半當分批速解較北洋借他省撥尤近便以洞管見今各省防勇

數百營月餉軍火在百五十萬以外然皆防守之軍欲戰不得惟有雲桂出關數十營乃攻戰之軍尙得當敵此時宜以全力濟關外軍俾岑潘劉皆得就地添募足糧重賞庶可迅速成功總之振全局在爭越南爭越南在此數月法雖悍斷無半年內能踞全臺之理亦斷無在陸地將劉孫章曹諸軍全行擊破之理河內圍則臺灣解特再懇切上陳如蒙俞允請一面諭洞遵辦一面敕總署知照英巴使電告匯豐以期捷速伏望聖裁速行再唐景崧電宣光法增兵固守有輪船二洋三板一會黃守忠攻之現籌銀五千濟守忠並解後膛槍二千

張文襄公全集

卷七十二

電奏一

三

彈百萬分濟劉黃唐三軍又解後膛槍一千七百四十枝彈百二十萬銅冒五百萬藥三萬磅濟岑軍請代奏總署來電 光緒十年十月初三日申刻到

本日奉旨張之洞兩電均悉籌濟臺越軍事具見公忠深堪嘉尙即著分別妥速辦理在臺法兵多病煤糧軍火亦缺劉銘傳正可相機進兵克復基隆民勇可用宜加意聯絡調度並著楊昌濬設法通信力籌接濟隨時電奏張之洞奏振全局在爭越南爭越南在此數月等語甚合機宜即著電咨雲桂疆臣共知此意所請再借銀百萬兩分濟雲桂各軍依議行該

衙門即知照巴夏禮電告匯豐洋行此款借到張之洞速行解運以資飽騰欽此冬

致總署

光緒十年十一月二十九日發

王孝祺本月二十七日到南甯江涸逆流全隊約臘月初十日前到龍州馮子材十八日到上思州本十營固請增募八營現趕解軍械須募齊械到略加部勒即出關均已電催王軍老營械足舉動素穩馮軍新集械粗剽悍輕敵大約王軍宜銳進馮軍宜緩發洞當斟酌策勵復密飭欽州參將莫善喜募三營合原部兩營俟明正馮王兩軍深入即分道襲越唐景崧現會攻宣光偪

張文襄公全集

卷七十二

電奏一

四

城兵單增兩營已屢戰高州鎮張得祿報十五日法巨艦二到廉之北海又到欽州海面之烏雷皆瞭望探水捉民船泊五日乃去知東軍大舉規越欲封北海港截餉械以後改內河運較遲參考西報法新兵已到越者千六百將到越者二千三百內尙有撥赴越者數不盡實約越增二千請代奏

總署來電

光緒十年十一月二十四日酉刻到

本日奉旨曾紀澤電稱新報法新兵部會派六千兵赴越另六千續往欲乘兩潦前逼我軍出越又云擬取道陸岸繞北里華兵之後使不戰自潰西人以我

兵心易亂慣用此危道等語敵情叵測著岑毓英潘鼎新嚴備並力籌攻取彼如繞出北里正可斷其歸路出奇制勝著相機妥辦張之洞催馮子材王孝祺兩軍迅速到防欽此即轉電桂撫岑雲督敬

又光緒十年十二月初二日戌刻到

本日奉旨張之洞電奏已悉馮子材王孝祺兩軍該督策勵進發應需餉械設法協濟岑毓英潘鼎新遵疊諭悉力進勦勿稍遷延聞法用越南本地兵共六千人該督撫設法解散或曉諭招來以孤其勢著妥辦越久列藩封現在大兵助勦該國君臣自當督飭

張文襄公全集

卷七十三

電奏一

五

兵民助順敵愾著彭玉麟張之洞會商岑毓英潘鼎新傳旨檄問責以大義令其覆陳欽此即轉桂撫電岑岑督冬

致總署

光緒十年十一月二十九日發

瓊州孤懸廉欽僻遠有警報阻必需電達由廣西橫州舊綫歧出作綫達廉四百五十餘里由廉作綫渡海達瓊除海綫外水陸綫共四百九十餘里海綫五十里由廉作旁綫達欽一百八十餘里九月勘路購料十月運料十一月興工趁臺急時趕設海綫十月中旬海綫先成橫廉綫十二月初旬可成廉瓊綫明正月中旬可成廉

欽綫明正月底可成共海陸綫千一百餘里海綫最貴陸綫併工運造亦稍費約需銀十萬兩有奇詳由驛奏謹先上聞請代奏

致總署

光緒十年十二月十八日發

初四日電奏訂借德商五十萬磅以百萬作臺越用餘作氣礮用初六日奉電旨依議行屢與許李兩使電商該行九扣不減現託北洋飭盛宣懷在津與英大東公司行東名本特訂借五十萬零五千磅約二百萬兩周息九釐不計閏無扣無行用十年還每年還本息六萬四千磅末年結清各海關認還接巴使電即匯銀來香

張文襄公全集

卷七十三

電奏一

六

港合同稿已議妥已請北洋李相代為閱定簽字此項息較省期亦寬仰懇敕總署速知照巴夏禮電英告行東本特電津告大東公司代理人並請電敕北洋妥辦匯港電敕會侯與本特將保單畫押請代奏巧

總署來電

光緒十年十二月二十一日未刻到

本日奉旨據張之洞電稱現與英大東公司在天津訂借銀五十萬零五千磅約二百萬兩請飭李鴻章妥辦匯港會紀澤與該公司行東本特將保單畫押等語均著依議行欽此號

致總署

光緒十年十二月十八日發

十一月初三日奉電旨粵餉不繼張之洞等即向港商籌借令與前次借款一併奏明由部覈辦等因欽此法疊有窺粵之信廉欽已戒嚴防急費重不敢省省則必誤大事多方力籌不敷尙鉅明年兼須還以前借款共六十萬正月十五日即須還三十九萬尤無措據司局詳請向匯豐再借五十萬零五千磅約二百萬兩以應急需照舊案九釐加閏但改爲十年還前五年還利後五年本利并還藩運兩庫還海關作保兼用粵關粵藩印已議妥合同此項并前借之三百萬均係粵借粵還不累各省關與自籌無異懇請敕總署知照巴夏禮即

張文襄公全集

卷七十二

電奏一

七

電港恐法宣戰禁兵債故急籌再匯豐前因雲桂借款延勒巴電該行謂洞言伊無力該行甚慙洋商最忌無力字類乎倒閉於生理有礙故此次忽踴躍請代奏之洞文蔚同肅巧

總署來電

光緒十年十二月二十一日未刻到

本日奉旨據張之洞等電稱向匯豐再借五十萬零五千磅約二百萬兩照舊歲九釐加閏分十年還等語均著依議行該衙門知道欽此號

致總署

光緒十年十二月二十一日發

粵濟臺軍火三批皆民船第二批本月初五日到第三

批初七日亦到遇法船旗後礮臺開礮護之得免俱有信來第一批無到信亦無他耗接吳鴻源函十一月十六日到臺灣府添募土勇三營前數日港洋人報聞臺北法新添兵內變不審確否孤拔到越無確信前敵探法虜有二十三四日分犯諒山之信已飭馮王兩軍挑隊相機策應請代奏馬

致總署

光緒十年十二月二十三日發

據唐景崧報稱十五日景崧所部陸續截擒逸賊二百餘人訊供十一日之戰五晝中礮斃又斃一晝二名四晝一名教匪數百景崧與丁槐何秀林督攻南門礮臺

張文襄公全集

卷七十二

電奏一

六

滾草而進午刻至其濠邊丁軍先入據之賊潰死傷無算粵軍都司鄒培懸礮城西北角山巔去城十丈轟擊洋樓賊不能立足攻擊最得力景崧槐秀林督隊力攻未撤隊劉永福軍亦來助擊其竄逸之賊被粵軍生擒數十名十七日雲軍運開花大礮至粵軍渡河開路懸於對岸山巔擊城頃招出教匪甚多皆有之虜勢已孤可望得手等語已電飭招降脅從乘勝速拔堅城請代奏毓英之洞同肅漾再屢接探報俱稱唐景崧勇畧過人將士感奮岑奏亦有景崧奮不顧身有膽有識之語此次督攻宣光以少卒攻堅敵實爲難得可否懇恩嘉

獎數語以勵戎行請代奏漾

致總署 光緒十年十二月二十三日寅刻發

龍州報二十廿一兩日法大股攻蘇軍接戰兩日互有傷損已電飭馮子材派各營出東路那陽車里助王德榜王孝祺裝械日內始到已飭挑四營出中路諒山板峒助蘇元春接西電廿一日法有受傷兵二百昇回河內請代奏漾

致總署 光緒十年十二月二十日巳刻發

港到法船二泊口外窺粵之形已著聞南北洋七艘已到閩法船亦到馬祖澳其意必欲先毀華船竊謂閩洋

張文襄公全集 卷七十三 電奏一

九

難戰緣福州口狹廈門無內口皆無收泊處戰則無把握不戰遙泊有船何益我船少宜慎惜不如令駛來香港口外泊汲水門以北法兵船煤糧船數艘過則出截之大隊船來則收入虎門與戰口門內寬廣縱橫如意有礮臺護之船臺互援我據勝勢永為法梗護粵護船斷接濟三義合而為一諸將所言皆同請敕左李兩相如法船無攻閩意即飭七船速來粵請代奏有

左中堂天津李中堂未加數語云頃已電奏特奉商知以為然即速飭辦勝復餘同

致總署 光緒十年十二月二十五日發

劉督辦催吳宏洛渡臺奉旨令洞籌奏此事甚為難守

臺不比行隊長洲最要將領尤難方恭未勝此任法屢有窺粵信未敢輕舉與彭倪熟商移沙路守將提督蔡金章守長洲抽湘將劉樹元接守沙路添募湘勇兩營令吳將礮臺弁勇酌留二三百惟兩臺交替船到總需十數日已定議正擬覆奏昨接閩電法船八到馬祖澳今日接港密探法船二到港口外與法領事謀擾粵孤拔到閩西電言法因臺病多術窮撤圍擾他口岸是臺圍已鬆粵防正急無抽動理擬請暫緩數日局勢定再籌酌方恭五營十五日已齊備候船然劉既不願重費無益廉州前告警請兵即派此五營赴欽州既為廉援

張文襄公全集 卷七十三 電奏一

三

兼為參將莫善喜後路以便莫進兵入越請代奏有

致總署 光緒十年十二月二十六日發

訪得滬泰來行有八生車礮九十三尊各帶彈四百器具全三箇月到議定每尊一千三百四十兩共十二萬餘兩此等精礮大批平價極難遇北方陸戰利器謹已飭委員懍實善立合同由粵付定銀五萬兩此數可供三大營用明年北防必嚴擬請分給津軍及曹克忠張曜各營必得力仰懇電敕南洋暨上海道將合同驗收礮到由北餉付價請代奏宥

致總署 光緒十年十二月二十六日發

疊接龍電法西調河內山西北甯之兵來犯十九日向車里攻王德榜營半途折向谷松攻蘇元春營二十至二十三三日晝夜苦戰傷亡太多撤回屯諒山前軍屯威坡前聞敵警已疊飭馮子材王孝祺兩軍速進馮軍原議出東路那陽本紮思陵隘口外正前進赴車里聞警馮已調八營全改向諒山赴援王軍裝械廿二日甫到據報已挑兩營赴諒又飭續挑兩營出關惟無糧難行由西軍暫爲通融馮餘兩營王餘四營並桂防兩營顧南關後路請代奏宥

致總署

光緒十年十二月二十八日發

張文襄公全集

卷七十三

電奏一

三

疊據王德榜報探聞蘇軍接仗即留八營守車里令提督楊文彪率四營出崑圍截賊援蘇廿二日將至邱岳途遇匪千餘運軍火開槍掩擊匪驚棄軍火六七十擔而走正追擊賊援至救護軍械戰且走我軍擊斃多名紮福勝廿三日又截殺數百現奉調由那陽回顧諒等語復據龍州探報亦云王軍由福勝襲敵後路軍火敵始退現蘇軍紮威坡馮軍紮峒樸王軍紮那陽等語洞三日內屢電飭馮力顧德榜王孝祺力顧諒山現馮軍所屯峒樸西距威坡東距那陽均數十里何路有警即援何路刻下孝祺已親率隊赴諒並令馮設法招徠從

賊教匪懸優保重賞勵諸軍請代奏勦

總署來電 光緒十一年正月初三日到

本日奉旨李鴻章潘鼎新電稱法衆上犯日夜鏖戰等語諒山軍情緊要潘鼎新身臨前敵王德榜王孝祺均著聽候調遣以一事權馮子材著幫辦廣西關外軍務所統各營亦歸潘鼎新調派該撫暨該幫辦等務當和衷協力迅速圖功儻各軍不遵調度即嚴參治罪欽此江

致總署

光緒十年十二月二十八日發

張文襄公全集

卷七十三

電奏一

三

頃電旨恭悉法六船忽聞忽滬自是來尋我船刻聞又南駛我南洋五船非甚堅北洋二快船較精礮較大又有德將必須有此二船合隊戰方有把握朝鮮事漸定目前不致遽與倭戰仰懇敕北洋飛調此兩船南下七船合隊拒戰倭有事再調回我船艱貴設有損敵更無忌至船赴何處爲宜俟與李左會商管見迫切請代奏

致總署

光緒十年十二月二十九日發

頃接左相電云據金陵電南洋五船被法四兵輪圍困温州石浦裏港等語查輪船由滬赴閩有內海一路傍山行較淺其大鐵甲不能行所以止言法輪四隻其鐵

甲當是停在外海洞管見此時宜急調北洋快船二艘
赴援亦由內海行赴溫內外夾擊庶易得手伏望敕北
洋速籌妥辦是否有當恭候聖裁請代奏

致總署 光緒十一年正月初三日發

疊接潘撫及李秉衡等電廿九日法至諒蘇軍焚城退
桂軍現如何布置無從深悉馮子材現有共十營其八
營本在前敵東路現據報與李秉衡等商酌止帶一營
駐鎮南關招集潰勇留一營彈壓龍州王孝祺報現紮
關外由崖備敵來邀擊已屢嚴飭設謀力戰斷不准不
接仗而入關至馮部八營據報調回扼南關是否潘調

張文襄公全集

卷七十二 電奏一

三

已電詢竊思馮軍原議由東路進電奏陳明在案若全
助守關東路門戶無阻敵可由上思州拊東省欽廉之
背現飭馮軍八營仍紮東路扼勦王軍協桂軍顧南關
一路是否合宜請旨遵行近聞法添兵前數日到新加
坡分赴臺越號稱萬四千大約七八千人已飭莫善喜
陳榮輝兩軍由欽州疾進以分敵勢請代奏江

總署來電 光緒十一年正月初五日到

本日奉旨聞諒山失事曷勝憤懣著潘鼎新將情形
迅即電奏該撫與蘇元春馮子材當督軍擇要穩紮
激勵將士迅速進取儻不能振奮圖功貽誤大局自

問當得何罪王德榜軍曾否接仗嚴飭實力會勦王
孝祺率隊赴諒現抵何處著催令進兵前據岑毓英
電稱宣光旦夕可援近日戰事若何未據電奏法如
盤踞諒山計必分兵救宣滇軍垂成之功恐將掣動
著飭各軍力將該城攻克掃蕩而前以分敵勢一面
即行電聞滇粵各軍餉械張之洞力籌接濟毋任缺
乏欽此歌

又 光緒十一年正月初六日到

本日奉旨諒山失事後據李鴻章轉電有法至巴平
初三擊退之語稍慰區區系潘鼎新現駐何處當飭馮

張文襄公全集

卷七十二 電奏一

三

子材楊玉科等軍擇要穩紮力遏敵氛一面激勵將
士招集散勇重加整頓以期保守邊隘轉敗為功王
德榜王孝祺暨馮子材所統各營前已有旨歸潘鼎
新調遣張之洞擬令馮子材顧東路之說即著潘鼎
新通盤籌畫相機調度湖南募成八營著卞寶第飛
咨龐際雲速撥六營揀派得力統領即日趕赴廣西
關外助勦廣西軍餉著鄂湘兩省截留京餉無論何
款迅速籌解張之洞於借款內無論已得若干迅即
分濟滇粵各軍以應急需其廣西軍械并著源源接
濟該督電稱已飭莫善喜陳榮輝兩軍由欽州疾進

并速催方恭五營一併赴欽以厚兵力欽此即轉電

滇桂魚

致總署 光緒十一年正月初九日申刻發

前奏准借大東公司五十萬零五千鎊備臺越氣礮用
疊接會電東司礙法不願借茲改與匯豐議定再借五
十萬鎊照粵新借五十萬零五千鎊辦法年息九釐加
閏十年期前五年還利後五年本利并還各省關還各
海關保蓋粵關粵藩印又擬請由粵代川借鮑餉百萬
兩利息期限作保與匯豐兩款同已與倫敦議妥鮑款
詳另電奏內如蒙允准請敕總署照巴使電港立約提
張文襄全集 卷七十二 電奏一 三五

銀法禁英借兵債匯豐言只借一次與商妥新借各款
共一合同分注約上會電東司勸我速定事急請代奏
佳
致總署 光緒十一年正月初九日申刻發

去臘廿二日奉電旨令於借款內解二三十萬濟鮑軍
焦急無措查粵本省借除還前欠本利六十萬止得百
四十萬用鉅日久臺越氣礮之五十萬鎊軍多用急再
抽濟鮑少分無益多分兩誤若不撙節勻用以後束手
朝廷因鮑已行撤勇不及懇籌專餉現另借匯豐百萬
兩利息期限作保與現議匯豐款同擬請旨嚴切限定

鮑軍月餉數大約每月不得過十萬粵解借款八萬川

供二萬加軍火各費此款足支鮑軍一年如數月凱撤

餘款候部撥用此係粵代川借款歸川還分爲十年川

力較紆較之責川現供鉅款尙易辦抑歸各省關還統

請聖裁至照巴使只重在各關保總之鮑餉宜限以月

不徒限以營不然百萬難支數月既慮譁潰亦患漏卮

再川現認月解鮑若干外省有無協款鮑奏何日自何

處啟行帶幾營祈敕總署查明電洞知以便籌措粵接

黔咨鮑於十一月廿一日自夔行請代奏佳

總署來電 光緒十一年正月十三日丑刻到

張文襄全集 卷七十二 電奏一 三五

本日奉旨張之洞電稱另借匯豐銀百萬兩濟鮑超

軍餉等語著該督即與匯豐借定仍由各海關還至

鮑超月餉如何限定四川能否供支此款如何撥用

著戶部速議具奏候旨遵行鮑超帶二十一營於十

二月初三日自瀘起行欽此文

致總署 光緒十一年正月十一日發

疊據唐景崧報雲軍作地道粵軍作雲梯草細攻宜光
景崧傳書招城匪去臘廿八日地雷發城未動諸軍負
傷力攻敵於城市嶺脚掘窟樹柵備巷戰廿九日五鼓
丁槐發一雷毀城數丈敵死拒缺口正月十二日晚崧

據城北土阜築營闕城攻擊以鄉音誘從匪客教匪投
出百餘皆釋去偷渡者任其逸寇極悍連日雲粵各軍
猛攻苦戰傷亡不退兼旬寒雨甚苦幸皆用命城內有
哭聲現又在城北作地雷等語探援寇三千將到慮雨
漲輪來急飭攻招并行尅期得城請代奏毓英之洞同
肅真

致總署 光緒十一年正月十一日發

初三初六日三次電旨恭悉馮王兩軍已屢飭聽潘調
度冬臘兩月解過桂軍士乃得槍千五百毛瑟各種彈
百七十萬聞諒急電飭龍局截留唐劉槍千濟桂現又
張文襄公全集 卷七十二 電奏一
擲粵省用黎意精槍千彈百萬并新到士乃得槍千彈
百萬皆濟雲械亦併湊解借款提少湊墊十二萬兩分
解雲桂惟苦道遠去冬雇民船濟臺軍火頭批於臘月
十一日交嘉義縣收計三批均到有信來現仍兼籌運
械匯餉毛瑟聞日內可到覓得輪卽解請代奏真

致總署 光緒十一年正月十五日發

十三日電旨恭悉已嚴催馮子材自除夕電潘及馮王
卽云兩軍悉聽潘調度如諉避請潘効斷不遙制續十
餘電略同皆軍法嚴參應攻應守如何均聽潘酌等語
馮現止十營李秉衡電初四日新募六營十四秉衡電

尙無裝械左江道電馮後八營軍火十二日方到南甯
待雇船馮先以八營照奏案由東路進那陽卽法攻王
德榜之路谷松急潘七日十調屢更改先遠攻敵繼近
紮中遠擣又回援奔馳不及馮以二營駐龍募新待械
諒陷龍州警桂無軍馮素有人望潘李商駐關鎮擾集
潰眾賴之馮欲調八營入關洞詢是否潘意潘答調關
并無此議洞遵旨嚴催馮軍不戰不准入關責馮親往
督戰馮遂行其舊營前紮派站距威坡諒山皆六十里
近潘調不悉到何處其新營秉衡借械以餘營守龍五
營扼憑祥潘現駐海村憑祥在海村之前四十五里距

張文襄公全集 卷七十二 電奏一

天

龍九十里舊營在越新營粗成已在前路似以前無玩
延事聞潘與人言有馮子材王德榜坐擁二十八營飛
催不至事權不一掣肘萬分等語馮前數日實無十八
營洞竭粵東全省之力以助桂濟餉濟械濟兵飭聽潘
調似無人掣肘潘因寇熾懼重譴惶恐焦急故如此措
詞或可原朝廷寬大令戴罪圖功仰見聖明若責之急
則無措總之蘇元春陳嘉實是良將雖敗可用馮子材
老成得軍民心秉衡電及桂越公論同竊謂潘此時宜
責已恕人方能同心救危若老將寒心忿兵一逞後難
維持潘處艱危洞力望補救斷不肯苛摘惟邊事重大

道遠以後潘奏求朝廷詳察虛實請代奏成

致總署 光緒十一年正月十七日巳刻發

廉防高鎮張得祿電欽州報正月初三法三輪駛入岳山港洋面又四輪泊越界先安州用民船載兵登州岸聞將占芒街等語芒街與欽屬東興接教民最多東興有我防營此必法見欽防增兵知將規越故來防禦諸軍皆係急就關外軍退事機已晚只可變攻局為守局有機再圖進取免致孟浪引敵已飭莫善喜陳榮輝等擇要穩紮嚴防遊擊方沿五營日內可到廉沿係改派併聲明請代奏玉麟之洞文蔚同肅霰

張文襄公全集 卷七十三 電奏一

致總署 光緒十一年正月十九日未刻發

據唐景崧等報初十日五鼓景崧與丁槐等各選募敢死士督攻宣光城西缺口地槽窄後隊未齊頭隊過勇先登敵彈如雨彼此血戰粵軍登城者二十八人傷亡過半哨官鄒全鴻受兩傷斃賊數十雲軍攻入城者或傷或亡擊斃長鬚法酋一天已明撤隊暫息聞援寇板船三十艘已至端雄擬再懸重賞急攻再去臘廿八日之戰雲軍遊擊何天祥守備王世興陣亡等語已飭李永福黃守忠等力扼端雄援寇請代奏毓英之洞同肅霰唐主政來電 光緒十一年正月十四日丑刻到

宣城至今未下而愈偏愈緊雲軍另辦地雷未成卑部於北城下拔盡虜所置竹籤木椿聯布小壘疑積齊城搶登近城土阜築礮臺用槍俯擊城敵虜急在山背關地槽推大礮連轟無損近城築壘甚難堆草蔽身衝彈運鋤架木一壘成賞銀四百壘距城無術可破太近難送雷輒被擊每以布裹雷遞擲城下兵皆如此虜奈我何得手則軍心壯不敢恃也虜迭抵死出撲俱擊退初三日

又 光緒十年正月十四日寅刻到

本日晨雲軍轟地雷卑軍滾草細架雲梯敵礮太密

張文襄公全集 卷七十三 電奏一

登而復卻聞諒山不守援敵將來憂急之至卑軍伏

城下未收隊督令急攻加懸重賞莫速克城聊支大局初八日

致總署 光緒十一年正月十九日未刻發

虜大輪已被鎮海臺船合力擊傷挂停礮旗而遁是彼船傷重目前必不能戰竊謂此時宜速調北洋快船兩艘輔以兵船三艘飛速南下與我三船合勢上則蹙之於舟山次則援三船以出港八船結隊擇要屯泊相機戰守局勢便活若遲回不決旬日後或另添大輪或修整完好必再來攻三船終孤此機似不可失伏懇宸裁

請代奏皓

總署致北洋電 光緒十一年正月二十一日到

本日奉旨張之洞電奏鎮口法輪受傷而遁目前必不能來宜速調北洋快船兩艘輔以划船三艘飛連南下與我三船合勢相機戰守等語開濟等三船在鎮口依傍礮臺合擊法船頗為得力放洋禦敵兵力尙單如調北洋戰艦前往會合聲勢自壯惟法人有續添兵艦之信中途設遇戰事尤須加意慎重著李鴻章妥為籌畫即行電奏欽此馬

致總署 光緒十一年正月二十四日未刻發

張文襄公全集

卷七十三 電奏一

三

援寇至端雄欲衝左育以救宣光毓英已飭何秀林劉永福迎擊覃修綱楊國發劉興截後援寇如殲宣光必潰惟桂軍已入關恐諒寇分據牧馬斷官軍後宜扼守毓英查鮑軍萬餘已到雲省雲軍糧運艱難士無隔宿食若鮑軍同走一路更恐饑潰擬請鮑軍到開化出保樂往防牧馬保樂糧多如桂軍出攻新山亦可夾擊免同雲軍爭糧誤事焦灼萬狀電商之洞籌奏之洞查牧馬即高平省為龍州赴宣光要道雲粵各軍恃此通氣保樂係越土州屬高平距雲界不及二百里寇據諒後必攻牧馬已有探報洞亟與潘撫商派營護此正苦新

挫兵單若鮑由開化東行趨保樂出高平相機進取或夾攻諒山或由中路取太原甚便鮑軍得糧桂軍得援雲軍免擾唐軍通後路四善皆備岑督所議極當謹合詞請旨裁奪飭鮑遵行請代奏毓英之洞同肅敬

致總署 光緒十一年正月二十七日戌刻發

廉欽緊急營新將少分割力單相距數百里又無宿將統攝敵至難恃省垣無將可派無軍可撥屢接西報西電皆云法廷定議攻廉或由北海或由龍門登岸欲襲南甯斷桂軍後路麟等晝夜籌思惟有急調馮子材率十營回援廉欽以八營紮上思州隘口上思在欽龍之

張文襄公全集

卷七十三 電奏一

三

間東西相機策應出隘即是越境有機仍可進兵馮回至廉欽眾情必定其軍自救鄉里當得力若不調回廉欽有變軍心必搖禁之不止竊思東軍宜先保東境為上從井救人兩無所益廉郡視龍州尤近尤要既固東省門戶兼保西軍後路於桂仍屬有益南關一帶尙有王孝祺八營相助王德榜已至關下此時大勢似只可保境堅守謹合詞請旨遵行如蒙俞允一切進退緩急當電馮聽其酌量不為遙制請代奏玉麟之洞文蔚同肅沁

致總署 光緒十一年正月二十九日亥刻發

疊據唐景崧報十一日何秀林復發地雷忽大雨城未
動雲粵兩軍分衝缺口先鋒隊已登城敵槍礮無隙難
進粵軍遊擊賴朝榮陣亡賴未戰已託子誓死弁伍義
廷姚紀昌見事不濟不欲回營死城中粵軍死城上者
十餘人已入城而為賊所截戰沒城中者十四人雲軍
亦有傷亡十三日四鼓景崧丁槐何秀林復分攻缺口
傷亡多撤退粵軍帶隊參將鄧有忠弁趙全鴻傷汪鼎
臬覃啟發重傷客匪多逸出計初十一十三等日三
次猛攻斃賊甚眾兩軍傷亡精銳太多粵軍尤多十六
日援寇大隊至左育攻劉營劉永福血戰一日用地雷
張文襄公全集 卷七十三 電奏一

殲賊百餘擊斃百餘寇襲吳鳳典營各營抄擊被隔永
福不支遂敗現退保浪泊景崧率銳卒數百馳援未至
劉已敗教匪乘機擾三江口糧道雲粵諸將議援至劉
挫我軍瘡痍之餘腹背受敵又皆缺糧彈勢難猝爭不
如全師暫退就糧圖再舉現景崧紮露化丁紮寒猛何
紮同安等語查諸軍攻宣數月血戰無數將士損傷卒
被援寇撓壞實堪憤恨今賊燄方張惟有全師養銳俟
有機再圖進取請代奏毓英之洞同肅鑒
致總署 光緒十一年正月二十九日辰刻發

難分布查有本任鄖陽鎮總兵龔繼昌謀勇兼長屢立
戰功現在湘統十餘營防辰沅岳一帶歷任督撫倚重
見其與人書自願來粵東征勦擬懇 聖恩調該鎮酌
帶數營速來兩廣湘墊一兩月餉催行粵還俟行至梧
州時如東事急則順流來廣西事急則溯流赴龍北海
急則由南甯赴廉臨時斟酌調遣赴東則由東省調度
供餉赴西則由西省調度供餉湘將在籍者多如黃少
春之類皆可接統防營尙易籌所以請調該鎮者一取
其自告奮勇一取其軍伍現成路近來速一取其與東
省湘統領王永章西提蘇元春皆同軍相契將來無論
張文襄公全集 卷七十三 電奏一

赴東赴西俱可聯絡出力伏祈恩准電敕鄂湘督撫飭
速來粵又常德協副將鄧第武勇幹有為與龔相得并
請飭調隨龔來粵請代奏玉麟之洞文蔚同肅勸
致總署 光緒十一年正月二十九日辰刻發

粵省防急事繁知兵者少委任乏人艱苦萬狀查降調
浙江臬司陳寶箴才長識遠軍事優練前經湘撫奏調
辦理營務蒙允該員以病辭該員與現在兩粵客將率
皆契合擬調來粵必能聯絡諸將又查丁憂前直隸候
補道李興銳志正才堅精於機器槍礮實為海防先務
仰懇天恩電敕江西鄂湘督撫飭兩員迅速來粵差委

以資臂助勿令辭緩大於防務有益需才甚急謹電奏請旨請代奏玉麟之洞文蔚同肅鑒

總署來電 光緒十一年二月初二日到

奉旨彭玉麟等電奏粵防喫緊請調總兵龔繼昌酌帶數營迅即赴粵湘鄂墊一兩月餉由粵歸還並調副將鄧第武隨往等語著卞寶第龐際雲照所奏迅速辦理該軍行抵梧州著彭玉麟等會商潘鼎新斟酌調遣即由該省籌給月餉另奏請調降調臬司陳寶箴著德馨飭令該員速赴廣東交彭玉麟等差委前大名府知府李興銳已有旨飭令送部引見毋庸

張文襄公全集

卷七十三

電奏一

三

調往欽此

致總署 光緒十一年正月三十日午刻發

疊據唐景崧報餉彈缺乏後路阻絕請回防牧馬等語查宣光勢難再攻牧馬寇所必爭接潘撫電九葑已有賊蹤前因南關被擾龍局將唐軍餉彈改解百色此時唐軍孤懸露化無益後路斷餉彈乏其軍必潰惟有速回牧馬助桂為安已飭速商岑督但左育既擾道梗難達并令酌量情形若事急即速拔回牧馬馮既援廉唐回助桂先議守徐圖攻似為穩便請代奏卅

張文襄公全集卷七十三終

黃陂蕭延年校

張文襄公全集卷七十四

電奏二

致總署 光緒十一年二月初六日巳刻發

正月十四日法由屯鶴上端雄登陸十六日分股一攻左育一攻對河同章英預造地雷分布交劉永福安放永福發雷斃賊數百斬級數十生擒法人一黃守忠守同章未安雷被攻破劉部地營不如滇軍堅傷亡眾退十七日劉又敗何秀林先派馬維麒李章千人助永福被圍急秀林衝入見傷亡太多夜撤英飭宣光圍師伏雷援至即斂守老營發雷賊卻斂師無損現飭永福暨

張文襄公全集

卷七十四

電奏二

一

各軍整隊分紮俟朱洪章佃元鳳生力軍到再圖前派接應之楊國發劉興因另股牽掣未能援截後之覃修綱因永福敗退端雄孤仍回紮清波顧家喻關興化請代奏毓英肅效之洞轉歌同莘按此稿據原電代轉疑有誤字

致總署 光緒十一年二月初六日發

近日密查關內外軍情甚為可憂此時議潘撫者太多雖道遠卒難確查惟諸軍氣餒心離軍民多怨目前邊事益難潘不善駕馭諸將才力竭蹶調度未能裕如桂軍斷難再振則已顯然若再不變計以後法虜諒守日固全越外陷伏莽內起桂邊無從挽救東境亦必蔓延

仰懇朝廷速簡知兵大員督辦廣西關內外軍務移潘他處并請派大員速查桂軍情形以便朝廷早爲措置洞正月電奏尙望其遵旨戴罪圖功斷無苛責之意當蒙聖鑒惟邊患日急桂軍難望起色麟受累朝殊恩有所知不敢緘默洞蒙恩職在兼轄疆事至重尤不敢不言既維大局兼可保全潘撫不然邊事日壞益重潘咎伏候聖裁請代奏玉麟之洞同肅魚

致總署

光緒十一年二月初六日發

桂軍情形本日已電奏請另簡大員督辦如朝廷一時難得其人竊有一策備采提督張曜戰功素著久任邊事現在約已抵京可否即敕赴桂邊治軍俟其到防後有成效即專任之否則專統一軍亦勝於尋常統領至後路亦須人查李秉衡廉公任事在西省官聲最好麟素不相識前年到此晤談深敬其有膽有識洞素加器重無待贅陳體察現在各軍將士頗與聯絡如令張曜督師可否即令李暫護桂撫辦後路如謂李能出師蕩寇則未敢輕許至整軍核餉和將安民四事當能得力此爲支持危局起見苦思竭慮擬爲分任內外之策上備聖裁如朝廷擇有堪任桂撫安攘兼長之人則麟等所陳自無庸議請代奏玉麟之洞同肅魚

張文襄公全集

卷七十四

電奏二

二

致總署

光緒十一年二月十五日寅刻發

北海自正月廿九日來法兵船二泊距岸三里之南萬偶增至三四大率二艦守口二艦遊巡至今日皆同初八日敵船向我營開兩巨礮幸未傷人岸無礮惟有靜備陸戰前聞廉急因桂軍尙有四十五營客軍二王十八營故擬調馮軍旋聞法擾扣坡九封揣桂邊喫緊馮必難移當即電商潘馮或但遣兩營援廉聲言前隊先到全軍繼至或并兩營亦不遣馮復言兩營亦難移潘復俟蘇自西路回易馮李秉衡電紳民公呈乞留馮因定計不調飭廉欽營團俱歸馮統調言馮不日親到聊

張文襄公全集

卷七十四

電奏二

三

致總署

光緒十一年二月十五日發

奉十三日電旨已轉蘇李旨內有王德榜軍已飭歸蘇接統語查德榜谷松之敗由於深入過猛尋敵非待敵豐谷距諒山二百數十里距那陽百八十里距海防廣安均有二百餘里遠出桂軍所紮谷松觀音橋之外約桂軍合攻桂軍失期未至獨戰兩晝夜德榜自坐地手槍擊賊雖敗殺賊不少亡營官三哨官十苦戰可想退

至車里固守猶在那陽外八十里由那陽襲諒後乃敵本謀若怯潰敵乘勝直入諒早陷矣桂軍數十營後門槍礮頗多尙不免敗退入關况王止十營並無後門槍乎援諒不及由於徵調進退屢更有期可考法於初九夜入關十一日出關而十日尙奉檄襲諒同日戌刻始奉調援關已在事後昨自由隘截賊獲勝各報僉同探報來人僉稱王紀律好得民心善守及敗後尙言其能軍又言可謂力戰矣公論難掩其短在自負老將稍驕稍執朝廷懲黜自足激厲惟洞管見若遽罷其兵恐勝之者亦不多可否敕蘇李確察詳酌如必不可用再撤

張文襄公全集

卷七十四 電奏二

四

且該軍有江南專餉若易將餉恐疲總之君門萬里邊軍功罪難得實情誠可痛心不敢不上聞伏候聖裁請代奏咸

致總署

光緒十一年二月十六日子刻發

唐景崧報接岑督函令速保牧馬刻約已到自扣坡法匪被馮軍擊退後牧馬現無事飭景崧到牧馬後率所部斜出攻襲諒山一帶此時敵勢若諒山克牧馬自安再景崧稟左育之敗黃守忠先請據險劉永福欲縱其入而殲之不聽黃計既戰黃爲賊截不能抄洞接劉稟專咎黃不救太苛黃願隨官軍誓死殺賊自贖不願依

劉岑督據劉稟劾黃其實可原所朝廷量加懲做而仍用之查黃在黑旗最爲驍將人亦直爽其部尙強劉黃久隙今難再合若棄黃徒資敵洞飭景崧調黃隨軍助勦自贖粵給餉械洞當作書論劉解之再譯河內來西人信左育之戰法營自報眞法兵斃四百六十七兵官二十五黑兵越匪不在內河內醫傷院不能容謂自東京開仗以來未有如此次救宣一戰之難俟援兵五千到乃西犯已電岑備此役劉咎黃雲咎劉亦咎雲互相警警軍中習氣實則劉勇而疏雲軍精銳皆攻宣餘軍非上駟力不能援非不援劉無精械洞解濟頗多或

張文襄公全集

卷七十四 電奏二

五

桂截或馮截或未到餉五批僅到兩批苦於迂遠以後餉械漸足雲軍可擴充劉軍可復振請代奏咸

致總署

光緒十一年二月十六日酉刻發

十三日辰刻馮子材會諸軍攻克諒山馮部首先登城擒斬獲械極多法遁北甯分軍追勦爭功譏罪軍營積習賞罰公允將士乃奮連日攻戰情形請救李秉衡據實秉公電奏請代奏玉麟之洞文蔚同肅諫

致總署

光緒十一年二月二十日戌刻發

馮幫辦電十五日營官梁有才追賊至觀音橋斬法級一有才復會營官馮紹珠追賊至屯梅生擒五晝法首

一斬三畫法級一俱解潘營查觀音橋距諒百四十五里爲西路屯梅距諒百二十里爲中右路體察情形法已達遁當是暫退待新兵請代奏玉麟之洞文蔚同肅號

致總署 光緒十一年二月二十二日亥刻發

頃接西人密報海防來電北甯危急特撥該處軍士數百名前往援護又得法電新換外部辭職至法提尼格里斃洋電久傳惟因梧州總阻前敵久無信來馮軍刻必進攻北甯大勝後方可言和法如就款務懇飭署詳酌約文邊防重要愚昧瀝陳恭候聖裁請代奏養

張文襄公全集

卷七十四 電奏二

六

致總署 光緒十一年二月二十三日亥刻發

條款未定萬萬不可撤兵臣之洞謹昧死上陳懇聖明熟思請代奏漾

致總署 光緒十一年二月二十三日亥刻發

頃北洋電和議已畫押奉旨撤兵竊謂停戰則可撤兵則不可撤至邊界尤不可關外兵機方利法人大震中法用兵年餘未有如今日之得勢者我撤敵進徒中狡謀悔不可追桂邊必扼諒山外谷松觀音橋等處若棄諒及高平法必屯兵沿邊無險無從防守欽廉亦逼兩廣永與法爲鄰以後兵力餉力難支且電綫斷數日連

日雷雨忽通忽阻前敵遠難速達初一停戰斷難接到糧械繁重十日亦難撤至界伏望展限詳議令彼撤難籠澎湖之兵我方撤看北甯能否攻克再定若得手更易商邊事重大迫切上陳伏候聖裁再正發電聞接馮十九電擬於廿一日親率本部並王孝祺軍攻即甲繞襲北甯洞昨聞法調海防兵往助尙催馮添兵援勦并飭欽州進兵欲停不及只可俟續報戰情再請旨請代奏漾

致總署 光緒十一年二月二十五日巳刻發

保諒不可讓法桂全邊廣欽廉二千餘里皆設防營礮

張文襄公全集

卷七十四 電奏二

七

臺斷無此力如初議難改竊有一策請敕總署北洋速告法廣州至龍綫壞數段洋匠少難速修岑軍距龍二十五站宣光撤圍後雲桂臺站已斷前敵難速達此本實情越地停戰宣光東西各展限十日或半月馮提現率王孝祺軍規北甯馮素得越心習越地越人多通消息此次法人入關疑馮有內應以匪教居後法兵居前故眞法兵將傷獨多遂大潰遁馮首倡出關諸軍從之越人響應今他軍尙屯谷松之後馮軍獨前進深入王軍肯同馮進其故可想聞李揚材之弟現在北甯城內與馮通信如此事機兵勢不爭可惜可否特敕馮加以

褒獎如能於十日內攻克北甯許以爵賞將士及越官民破格優保重賞敕蘇酌分軍助之敕岑進兵牽敵萬一能克河內必震法更餒可以北甯換保諒全局俱振洞不敢謂必克特以大局安危人事宜盡若蒙天助或冀成功區區愚慮血誠有一綫可為不敢不竭力伏候聖裁懇電旨速行請代奏有

總署來電 光緒十一年二月二十八日申刻到

本日奉旨張之洞電奏均悉中國素以信義為重法已電孤拔於三月初一日停戰開臺灣北海海口并令在越統領定期停戰我若失信致生他變不特兵

張文襄公全集

卷七十四

電奏二

八

連禍結且為各國所不直嗣後交涉事件益形棘手電綫中斷廿五日已由總署告知赫法以雲桂電信恐難速達展期二三日令其電法斷難再與議展若此時復飭進兵此等舉動豈中國所可為幸而獲勝尙覺得不償失一有蹉跌更傷國體該督近接岑毓英電報是電綫已通正宜迅速傳達務當慎遵嚴諭飭令防軍如期停戰撤回邊界并仍整兵嚴備以防不測方為正辦儻有違延朝廷固必嚴懲而貽誤全局該督返而自思諒亦不敢出此懷之慎之該督於奉旨遵行後即行電聞欽此

致總署 光緒十一年二月二十六日辰刻發
初八夜岑督大破法寇於臨洮府非常奇捷原電繁先摘要請代奏宥

岑宮保致總署 光緒十一年二月二十六日到

法大股六千上犯臨洮府復分兩枝一北趨珂嶺安平一南趨緬旺猛羅抄我後英飭湯聘珍岑毓寶扼北路王文山等扼南路親督軍修綱扼復和清股中路王文山進據緬旺各路營官在象山梅枝燕毛等處遇賊皆有斬獲賊遂併力臨洮二月初七賊數千圖臨洮山韋社由義甫各營李應珍伏壘堅守軍修

張文襄公全集

卷七十四

電奏二

九

綱以精銳馳援初八日援至應珍突出與韋雲青沙如理俱負傷奮擊陣斬五畫三畫一畫各二真法兵十餘賊仍拒諸軍夾攻戰至亥賊大潰斃白衣法兵二百餘紅衣法兵四百餘教匪千餘獲械百餘皮匣百九十餘紅白衣袴四百餘紅白洋帽四百餘圖籍甚多均解營驗俘誠分懸雲越示眾我軍亡三十九員弁兵勇傷百二十餘傳言戰死法公使一酋七尙未探確法入越從未受此鉅創曩日劉團亦無此大捷現督師進勦請代奏毓英肅文 此電因臺站不通繞道由南甯遞來 本日始接到 即轉電宥

致總署 光緒十一年二月二十八日戌刻發

昨接馮廿三電因待糧尙未前進擬到郎甲體察頃接馮廿四電探報法添兵到定廿八日分三路復攻諒山一由坑下一由山莊小路一由那陽已知照各軍堵勦等語停戰期近此殊可疑或係恐我進兵恟喝牽制已電各軍嚴備互援馮前軍或在郎甲馮尙駐諒初一停戰之旨計日內可接到請敕總署北洋速電越南法酋如期停戰勿再進爲要請代奏勦

致總署 光緒十一年二月二十九日丑刻到

廿二日停戰撤兵期限之旨廿四日已轉雲桂廿五夜

張文襄公全集

卷七十四 電奏二

十一

龍州當到前敵諸軍距龍近者三日遠者五日此外廿六七兩日切致雲桂欽廉諸軍欽遵設法急遞共五電惟馮電探法新兵到定廿八日大舉三路攻諒虛實難測伏望訓示諸將進止機宜俾有遵循并請敕總署北洋設法電越法酋勿進兵法兵不進我軍當不致先動三次嚴旨當恪遵先覆陳大略請代奏勦

致總署天津李中堂 光緒十一年二月二十九日卯刻發

署遺稅司偕員赴越卽遵辦惟輪行仍遲可否令林椿赫德電越地法酋卽日遣越官數人持華洋文敘廿二日旨大意分告知我前敵諸軍較速請代奏勦

致總署天津李中堂 光緒十一年二月二十九日辰刻發

洞三次電奏請爭諒固邊緩撤防狡各節不過愚昧管見條陳備采准否自在朝廷須奉旨後方能與諸軍商辦至停戰撤兵之旨早經電傳并廿五日嚴旨廿七日亦電傳又發五電屬各軍欽遵左江急遞必陸續到綫阻過慮故豫陳明前因馮有擬由郎甲襲北甯之報西電又有調兵救北甯之說故慮其進遠難達今馮因諒警駐諒則郎甲不過前軍馮不親往軍必不進他軍斷無進兵挑戰之事欽廉兵屢飭不動懸揣情形若彼不來犯我斷不至初一開仗至電綫通塞時刻總辦盛宣懷備悉北洋不難查知屢奉嚴諭曷勝惶悚關大局繫宸廑雖至愚亦無違延之理蓋奉行電旨與敬陳管見及聲明綫阻信遲以防他變乃是三事謹分晰覆陳請代奏豔

致總署天津李中堂 光緒十一年三月初一日午刻發

昨與稅司吳得祿面定派船偕員賁文赴越今晨行頃接李蘇馮等電廿二電旨已奉到法船頭止添兵八百廿八日無戰事各等語桂軍奉旨自必欽遵惟雲軍在西入越尙遠無小輪亦不能入內委員到必在限外無益現已備文交稅司轉交港法領事送越分投雲桂各

張文襄公全集

卷七十四 電奏二

十二

營較簡速請代奏朔

致總署 光緒十一年三月初二日酉刻發

兩廣各軍論旨已到雲亦必違法又代遞臣之洞未敢
違延當蒙聖鑒惟緊要數端必應早議一我雖撤兵彼
亦不得進兵宜紮原處目前游勇甚多設生事我難任
咎一東則諒山高平廣安西則保勝凡與我界近之地
宜作為甌脫雖法保護仍不得屯兵築礮臺以免離近
生釁一雞籠澎湖宜令即退以為和好實據一津約但
言於法商務極有益宜增為中法商務彼此均有益以
昭平允一自去年開仗以後停戰以前中國毀傷法人

張文襄公集

卷七十四 電奏二

十一

物業應勿庸議去年粵會照會法及各國領事一既不
礙華體面須載明聽越朝貢一劉永福無論安置何處
劉若不攻法法不得尋警再論以上七條請敕北洋赫
德速與法議此乃津約未備赫德疎漏與津約並無翻
背理當增補近體察法領事情形惶急殊甚急盼停撤
稅司言雲桂軍雖停戰但恐劉永福進攻蓋永福敗屺
詳情彼族不知尤宜護惜藉以捍敵務宜早商尙可補
救一二乘此撤兵限內我雖守信彼或慮變較易商量
事半功倍若我兵已退彼軍漸集據要養力更難爭論
機不可失悔不可追瀝懇聖鑒請代奏沃

致總署

光緒十一年三月初四日未刻發

前奉廿二日電旨令籌安插劉永福前接岑咨并電永
福願東來就餉械增軍力戰岑已允准洞因電飭其率
五千人東來桂邊助勦蓋劉願附粵不願附雲岑亦願
遣今和議定劉籍在欽州產在上思州擬令統三千人
屯思欽捍邊歸馬統調必出力而又相得且受約束遠
勝客軍昨越首電北洋惟慮宣光一路蓋畏劉也劉屢
年據保勝稅養兵今越擾利失故劉肯棄之附粵岑督
近無電來謹先電奏此事無他辦法岑見想無甚異同
請代奏支

張文襄公集

卷七十四 電奏二

十一

致總署

光緒十一年三月初五日未刻發

接總署電中法約定撤封口後彼此勿運赴臺兵勇軍
火不勝焦灼疑惑既禁濟軍所謂撤封口者何事若僅
通各國商船與我何涉連日赴臺法船絡繹何一不運
孰能查阻不過禁我而已然則赫德所議我撤越軍彼
開封口之說皆屬虛妄臺澎不撤已不平允今並口亦
不開是中國坐受欺詐實可痛憤數月後臺則彼足我
耗越則我退彼進設再有要挾臺既難守越亦難攻竊
恐雞籠終難全還必有踞礮臺屯水師之謀懇敕北洋
速與法商令將臺口即日認真弛封以符原約并令勿

添兵來華告以彼不開口顯然背約越地將帥聞之必皆憤怒撤兵必不能速以此爲詞及早力爭大局幸甚請代奏歌

致總署天津李中堂光緒十一年三月初六日丑刻發

馮二月十七至廿九電略言自克諒後客教離散法匪屢驚穩守不如速戰令欽軍襲廣安令麥鳳標等逼郎甲約蘇軍牽制船頭擬廿五親往進攻北甯密布內應河內亦有布置郎甲一克北甯自潰並以鉅金約定西貢內應又稱彼兵不撤我退彼進長慶諒山仍爲彼有緩兵奸謀前車可鑒如再被欺材實不甘當率三軍與

張文襄公全集 卷七十四 電奏二 十四

之從事等語李護撫電馮獨不願撤兵已連函勸之等語唐景崧二月十七至廿二電略言十七到牧馬擬即進駐新街攻太原高太勦撫使梓俊秀能呼應可爲助多福府金英縣民俱請往勦願供糧梁正理聚游勇甚多擾太原請受景崧調遣太原民八十社願集餉籌糧供梁軍又有何三謝二皆可招已調黃守忠軍請獨任太原一路等語蘇廿七電聞鮑軍抵距龍四站之歸順州已飛請來助等語查二月以來桂軍捷於東雲軍捷於西唐景崧由中路規太原官民游勇響應鮑軍已近桂邊欽軍已備進勦劉黃部尙強若乘勝四路進攻

敵援未到黨畔防虛應接不暇甯化太廣必有兩處得手誠以歷年未有機會今諸軍皆撤馮朔電亦遵限停撤鮑軍已遵旨電阻特近日越地軍勢民心不敢不以上聞以備議約操縱請代奏歌

代李護院致總署光緒十一年三月初六日丑刻發

滇桂廣三省皆與越接壤滇以互市重廣以海防重桂以守邊重桂與越界自小鎮安歸順州下雷龍英安平上下凍憑祥思陵思忠各土州以達龍州上思自南至東縣延一千八百餘里歷鎮安太平南甯三府所轄計大小隘共一百數十處犬牙相錯歸順出

張文襄公全集 卷七十四 電奏二 十五

牧馬鎮南關出文淵思陵出那陽下凍出芄葑皆近年行車大道如由上思出十萬山通北海至海陽等類則又不可悉數現遵約桂軍還紮邊界如將諒山高平越境悉聽法屯兵則桂防處處可虞敵或渝盟瞬息壓境我將何支似不能不預籌限防兼衡博采眾論擬請在諒山高平一帶之地仿古之歐脫兩國皆不置兵聽越民雜處俾我與法隔既免時起釁端遇事較可措手請總署代奏兼衡謹電歌

致總署光緒十一年三月初六日寅刻發

疊接廉電二月十九署高州鎮梁正源巡岸營法艦連

開巨礮十餘口彈重三十六斤幸將士無傷諸軍蓄銳
靜待亦未登陸廿八兩艦去初一復來搜查商輪軍械
初四駛去法未約戰而開礮口已開而復封狡幻難測
飭仍嚴防不懈瓊州鎮道稟正月十七法大兵輪一小
輪三洋划九至崖州榆林港量水量畢駛去崖與海防
對渡距瓊千里地苦團弱營遠目前無患將來可慮請
代奏玉麟之洞文蔚同肅歌

致總署 光緒十一年三月初六日亥刻發

津約第一條中國南界毗連北圻法國約明無論遇何
機會或他人侵犯均應保全護助查去年此約法人本

張文襄公全集 卷七十四 電奏二 六

意指劉永福言法恐劉為患欲中國助彼禁劉洋人所
謂保護皆謂主其政令用兵攻勦並非善意惟既有均
應字樣自是中法均可同任保護然則北圻地方中國
確可與聞不得專歸法保護明矣洞前奏請作為甌脫
禁彼勿屯兵築礮臺正符前約務懇敕北洋力爭關繫
雲粵三省邊防甚大再北洋如能別思一策令於法人
商務別有利益婉商換回保諒高平廣安尤善換回者
非我占其地也地仍屬越專歸中國保護而已洋例兵
爭得者不讓人今諒高兩省及宣光以西館司沿江以
上皆我兵力所取法兵力所不及法不應無故占踞若

以此措詞而與以他項利益以商換之或冀就範亦未
可知津約並無北圻全歸法之語洞所陳皆未稍背原
約至無論遇何機會語太含糊必應議妥寫明免後患
若地已暗屬法而令我助敵勦匪無此情理巴德諾已
赴津伏望聖明熟思早計幸甚再津約三箇月後議詳
款此次限以幾月仰懇諭示以便籌備請代奏魚

致總署 光緒十一年三月初九日亥刻發

桂防不可稍鬆桂軍不能遽裁然外兵必宜停止周家
盛湘軍六營甫由桂林南下其軍新集無械聞由湘入
桂時沿路多逃此軍請敕早遣回湘洞已一面電李商

張文襄公全集 卷七十四 電奏二 七

一面電左江道令該軍到南甯候旨勿前進免徒勞糜
餉廖長明營聞尚未行已電鄂並飭張夢元阻勿來總
之越瘴惡法械猛若有事將士非習水土經戰陣者決
無用若無事防邊添新撤舊游勇為患冀繼昌經湘官
紳留已復允之是否有當伏候聖裁請代奏佳

致總署 光緒十一年三月初九日亥刻發

岑督屢電并咨託粵再借百萬由雲協餉還李護撫電
餉已竭現挪東餉用軍難驟裁事定防營亦不能少兩
省待餉緊迫查雲桂借款已罄再借斷難不代籌立潰
前蒙恩借餉餉百萬候撥擬即提此款分濟雲桂各四

十萬月解十萬俟有撤防裁營準期再奏辦并先爲鮑軍解十萬餘十萬如川餉斷鮑催急再解鮑需如緩卽停候撥至此款原約定各關還此後應歸何省關還候戶部徐議請代奏請旨遵行佳

總署來電

光緒十一年三月十一日戌刻到

本日奉旨岑毓英奏請由粵代借商款一百萬兩並飭劉永福募勇五千人等語本日又據張之洞電稱於前爲鮑超借餉百萬兩分濟雲桂各四十萬兩所籌尙妥着依議行雲軍有此接濟岑毓英所請再借一百萬兩應毋庸議劉永福一軍昨據張之洞電請

張文襄公全集

卷七十四

電奏二

六

移紮思欽一帶已諭令與岑毓英商辦關外現已停戰劉永福應添募勇丁若干俟移紮思欽後由張之洞酌覈奏明辦理欽此眞卽轉電雲督

致總署天津李中堂

光緒十一年三月初十日亥刻發

蘇初六電法七畫五畫官來文知會中法已和請派官至彼營通好已商馮遣主簿劉榮眉軍功謝全中持照會分投郎甲船頭法營通好至粵委員徐殿蘭孫鴻勳韋振聲鄺其照已借稅司於初四啟行初七早自港坐法輪赴越賚岑劉鮑三處文向宣光一路傳達諭旨請代奏蒸

致總署

光緒十一年三月十一日亥刻發

雲粵各軍攻圍宣光自去秋至今正血戰最苦殲寇極多去年十一月初五日唐景崧等截勦獲勝已奉十二月二十四日諭旨令岑督保奏施恩懿旨頒賞其時雲軍尙未到齊嗣後各軍攻戰愈力疊奉電旨褒嘉俟克復給予優獎并飭存記徒因諒失援眾劉軍不支未竟其功然諸將仍守舊營粵軍以牧馬危急調防咎不在圍城之軍諒若不陷宣已早克查歷次皆法攻犯官軍其被我國攻危蹙自宣光始非此處力挫其鋒法早擾館司以上矣攻城最艱較之去年桂軍諸戰難易懸絕

張文襄公全集

卷七十四

電奏二

九

雲軍截獲法酋求救書洋文及東京法人新聞紙皆譯出可據言華兵勇敢異常圍攻形勢布置極善甚合歐洲所教習者法遊擊茂連擊釐陣斃眞法兵斃三分之一餘傷過半皆匿地窟再過七日必無一生者今事漸定攻宜之軍但有傷亡未聞奏獎粵軍行無人之地干餘里涉險裹糧往會雲軍劉軍攻勦死傷如積尤爲艱苦劉雖敗其部下功不可沒以後尙須用其力結其心外則綏越內則安邊可否仰懇聖恩敕岑督仍遵前旨將十一月初五之捷保奏并將雲粵各軍宣光攻戰出力者與臨洮勝仗案一同保獎以免向隅請代奏眞

致總署

光緒十一年三月十一日亥刻發

二月初密運洋械到粵無彈設法湊墊共配毛瑟二千
新林明敦干彈二百萬及槍礮藥炸藥等二月二十委
員分解泉厦汕分起零渡茲接厦回文廿九到厦密雇
船解等語惟初四接總署電約定勿運臺械此械發運
到厦均在署電先此時必有已行者連日接臺信晤臺
員皆在澎湖失後云泉州鹿港民船仍可潛渡若分多
起即或被截所失有限與兵勇冒險不同且發運在前
彼亦難苛責特署電既言約定未敢有違似宜籌一妥
法既免枝節又備不虞更善此械是否聽其運渡抑飭
張文襄公全集 卷七十四 電奏二

致總署天津李中堂

光緒十一年三月十二日寅刻發

頃北洋電運械在前又潛渡即被搜截無妨等語仰懇
聖恩凡前已發運者無從追回聽其自然且有商捐自
運者官無從阻即生枝節北洋亦能辨析將來雞籠恐
不全還若聽屯兵終為法有臺百事不缺惟缺軍火彼
多違約我不可自困若不趕運萬一反覆臺必不支他
事可讓此事不可讓迫切上陳請旨遵行請代奏文

總署來電

光緒十一年三月十六日巳刻到

眞文二電已轉奏頃接閩電臺已止戰民情歡欣大
約此事月內可定來示所云若露痕跡恐有違言希
慎密酌辦願

致總署

光緒十一年三月十三日午刻發

接岑督二月廿六日電臨兆捷後賊退紫鶴江越江立
柵堅守因飭覃修綱督各營進圖王玉珠攻枚枝關將
賊首山興總兵丁文榮逐走遂破關收復不拔縣二十
日張文擎黎英秀率眾由臨兆乘夜渡紅江黎明達廣
威府賊出拒戰自寅至未斬賊首二十斃賊百餘賊潰

張文襄公全集

卷七十四 電奏二

三

收復廣威府韋高魁亦於是日出枚枝攻黃岡屯至夜
兵勇頗有傷亡次日約同阮繪進戰斬賊多名賊潰退
入興城會焚黃岡屯二十二日李應珍逼攻鶴江越江
教民紛紛投誠賊據守老社二十三日進攻賊棄營走
追殺至江邊賊登舟其落水死者無數請電奏英謹電
寢等語洞前奏海防廿四日電稱昨宣泰開仗華軍大
利正與此戰合如未經電奏即請代奏文

致總署

光緒十一年三月十三日午刻發

接岑督廿六日電廣威不拔既克南定甯平順化之路
既通宜出奇兵攻敵不宜頓兵攻堅我軍前圍宣光原

欲聯粵軍刻下粵軍卻宜賊修城築壘安地雷更不易拔并探得宣與端雄象山各賊共抽退數千人河內蹤跡詭秘不可測宣城附近各營久紮無益且春水漲浮橋已斷運糧維艱勢可危擬移何秀林軍守道岸安平府張世榮守河陽一面之寒莽白木安陽縣等處楊國發劉興等仍守浪泊珂嶺抽出各營交丁槐統帶作奇兵渡河出不拔廣威圖山與河內甯平南定沿途集越民於村寨設營堅壁賊勢孤力分自易得手再劉永福原認守安平因人少率營退回陸安州距英營後二百里意在蓄銳未便阻止請電奏英謹電寢等語如未經

張文襄全集

卷七十四

電奏二

三

電奏即請代奏元

致總署天津李中堂

光緒十一年三月十三日未刻發

乘勝結束廟謨宏遠實深欽服惟謫寇難防不敢不陳蓋法虜狡險並不照約一原議彼開各口今臺廉仍封二馮軍即甲初一退兵彼開四礮擊我三禁我濟臺彼船不斷四我撤越兵彼仍來新兵四千於廿四號即三月初十起程查興化一路岑於二十日後屢大捷奪關復地興化垂克越民四應法斂兵保河內北洋電稱巴接越首電詰粵獨無寄岑文惶急謬誤如此興化之危可知馮軍唐軍雖撤將士皆懷忠憤北甯一路越官黃

廷經立心義五大團及游勇紛紛應馬請為前驅河內消息已通客教內畔至太原一路官民游勇應唐前已奏軍勢民心幾如破竹似宜乘此機會杜彼狡謀查我所慮者惟臺澎今我釋越彼不釋臺欺誑緩兵以便要挾實堪髮指擬請敕北洋作為該大臣意速商法使言雲桂將帥皆奏請速攻朝廷不欲改約但法兵不得進紮一步俟詳約定再議且立開臺口我亦不遣兵輪渡臺惟官商民船不得搜查因兩國既和我正屢勝若我撤彼進臺口不開顯不平允於中國體面大有礙必為各國所笑於鴻章原議之人亦為難彼如違約鴻章惟

張文襄全集

卷七十四

電奏二

三

有奏請敕越進兵矣即或仍然決裂我縱棄孤懸之臺必不舍接壤之越我陸戰可恃諒所深知彼既無越臺焉能踞等語限法廷即日電復乘此越首惶急新兵未到以此為詞此兩事必不敢不從若聽則越未全踞臺有接濟彼無所挾詳約易商再戰亦易即不聽亦不過北洋與法商議之詞於朝廷大信無損蓋我重臺彼重越彼經營多年費財無數我陸兵易進又近西貢故全力護之且無越則法兵無根臺不能久攻津無論也疊次來兵越多臺少敵情可見不然自去秋以來若兵全赴臺臺北危矣北洋為國家重臣此大局要關伏望論

該大臣無論如何為難亦宜盡力早爭赫德但主調停不無左袒不可恃也洞乃欽遵乘勝結束之意正欲和局早定免貽後患洞屢奏緩臺惟有意越今日事勢仍同若越緩則臺終危矣不惟此也欲保臺惟有權詞輕臺奪其所挾忱其所急乃可就範伏祈聖鑒可否錄洞此電發北洋酌辦請代表奏元

致總署天津李中堂

光緒十一年三月十六日申刻發

蘇電委員自法營回五畫云求驅越南反賊禁黑旗滋事回文亦此數語等語查關外游勇萬計我軍入界越匪豈能代勦招撫亦無鉅資洞初二日電奏七條曾慮

張文襄公全集

卷七十四 電奏二

二

及此劉可調思欽不願從者假名字者我恐難問馮電問我軍入界諒山交付何人洞復以暫諭越官看守此兩事應如何措置請旨遵行再各軍十一已連環撤退廿一必入關李蘇馮電同吳得祿電十一到河內十二赴各營請代表奏望

致總署天津李中堂

光緒十一年三月十八日未刻發

法酋照會請我禁黑旗勿滋事驅越南反賊十五日電奏法懾我軍威但求黑旗不攻法即萬幸無逐劉意法既無奢望調劉思欽之說宜暫秘之劉部久在越有家屬其眾必多留越黃旗葉成霖等與劉若合若離必不

遠徙過眾亦難收養懇救北洋與法約照洞初六日電奏我兵力所及之地法勿占安置黑黃旗餘眾及游勇免無歸擾法但調劉本部附粵以示格外和好較受法所謂越反賊即游勇義團乃近助馮軍岑軍戰及辦糧嚮導者彼之賊我之忠義若不早爭將來責我驅禁理有不可力有不能不敢不先奏聞請代表奏巧

致總署天津李中堂

光緒十一年三月十八日申刻發

唐景崧電游勇股數太多擾邊擾越擾法均受累招撫編營費太鉅或議令在高平太原開鑛自給但越官禁鑛華民向有強據竊開者等語查桂邊外游勇無算雲

張文襄公全集

卷七十四 電奏二

三

邊情形當同又有黑黃旗近雲境鑛尤多此誠善策不惟棲流兼可捍邊與利越官尙易諭遵目前須略籌費兼籌箱束之方法據越必窺雲桂邊防終可憂將此輩設頭目受約束資以軍火有變可用不然游勇即為我患已與李岑商請救北洋商法寬留甌脫此事方能辦請代表奏巧

致總署

光緒十一年三月二十日酉刻發

入三月來法船自港運煤糧兵衣赴臺者多起十二日法兵船架喬連運陸營帳棚八十副水桶三百六十具赴鷓籠十八日法兵船渣才埃壬載兵數百馬三百匹

赴浙湖十三日法船載兵四百到海防馮幫辦電十一日我兵退後探知郎甲船頭坑下各法營俱修臺添礮廉電法船二現仍封口至來華新兵三月初十仍起程者四千前已奏法禁我調兵運械築礮臺濟糧米彼種種違約恐有他變請敕北洋詰問并敕臺閩雲桂諸軍勿弛備請代奏號

致總署 光緒十一年三月二十日酉刻發

蘇提資望尙淺去年雖有戰功但潘撫不免鋪張諸軍已多不服以至於敗自蘇爲督辦各省督撫函電多慮之鄂電湘函龔繼昌廖長明因不願屬潘蘇未來李護

張文襄公全集 卷七十四 電奏二 三

撫密電蘇統將才資望未至諸將易存意見實費調停又言楚軍鄂軍皆不服馮軍難歸蘇統等語王孝祺軍亦有微詞近日諸軍諸將紛紛請撤乞病麟洞驚訝焦急設法勸慰終恐難諧查蘇在桂將爲勝乃洞正月十六日電奏稱爲實是良將雖敗可用者南關戰功不小特人才各有分際主帥不易爲今成命未便輒改竊擬一法查馮提資望勳勞清廉忠勇深得兩粵軍民及越人心此次鎮撫關內扼關戰越功爲諸將之冠萬口一詞馮軍斷難歸蘇調度查馮於咸豐同治間即經欽派督辦軍務久蒙歷朝倚任廣東廉欽防務以後尤要永

不能一報長莫及可否敕馮督辦廣東廉欽海防事宜目前仍將廣西邊防會李蘇妥辦則馮蘇均係督辦一東一西兩不相妨將來安邊撫越仍賴馮力他人威望志略去之遠甚遇有邊防事體可否敕李馮蘇會商會奏他軍庶可帖然蓋籌防善後本疆臣著重若論旨語意令李主持而會馮蘇形跡自泯東軍馮調西軍蘇調統歸李裁定眾情必悅服體察李自到龍後支持危局聯絡主客諸軍官民將士頌聲翕然著重李似較穩麟洞爲調和將士維繫邊防起見謹密陳仰懇聖裁請代奏玉麟之洞同肅號

張文襄公全集 卷七十四 電奏二 三

致總署天津李中堂 光緒十一年三月二十二日未刻發
西貢報平安輪被擄弁勇除分置各船外發至西貢者二百二十四員名留貢官弁十五人餘發往普魯堪作工等語前接馮電越地義團多領馮軍旗號助戰或挑漿飯嚮導或分道進攻今軍退恐爲法害深可憫惜等語頃龍探馮入關越民從之者千餘人僉稱馮紮龍隨來龍紮欽同往欽因其反教助軍法人好殺必被害等語洞屬馮善言撫慰酌賞遣之諭以我即告法勿害查龍州獲法酋八皆善待無凌虐請敕北洋告法一令將平安船人善待勿遠遣將來彼此換同一約明以前越

人從法者我未誅越人助雲桂官軍者彼亦勿害洞爲
恤軍士繫民心起見是否有當恭候聖裁請代奏養

致總署 光緒十一年四月初一日辰刻發

頃李秉衡蘇元春沁電廿三日法一由福勝至牛墟一
由谷松至諒山開礮進城沿途殺害越民嬰孩亦不免
諒撫呂春葳避人山凡隘口均築臺安礮秉衡又稱甯
明州關前隘一帶越民逃入甚多酌恤錢米各軍嚴防
請總署北洋詰法不保護越民肆殺戮不俟詳約轉進
兵等語各路探電見薙髮者即殺忠義團尤慘等語臣
之洞聞之不勝痛憤憂灼查我退法必進兵義民被害

張文襄公全集

卷七十四

電奏二

三

勢所必然屢經奏懇約禁雲軍撤後越西亦必全踞茶
毒大抵我兵還界虜必抵界道遠運艱機失勢鈍再進
不易不藉兵威難爭甌脫我務誠信彼專凶狡違約進
兵伺隙屠殺要挾難量密探法廷電俟中六月初四日
和方能定不審確否可疑伏懇聖主敕南北洋閩各
籌長策速定詳約禁法進踞害民防法背盟肆毒幸甚
馮子材聲威甚好可否令子材照會法酋作爲己意嚴
詞禁殺禁踞邊將措詞稍峻厲於大局無妨岑毓英雖
撤似亦可令其約禁事已如此冀阻萬一謹電奏候旨
遵行桂綫久斷甯通并陳請代奏此電并知照
南北洋閩滬

致總署天津李中堂

光緒十一年四月初一日辰刻發

北洋電巴述勃里也電岑雖撤退館司以上裝多夫難
勃嫌岑遲緩委員權小北洋已電稅司商岑等語稅司
電勃酋欲留粵委員二與岑商等語查粵遣員赴越乃
勉遵署電津囑已奏明昨委員稟文均投勃甚倨立見
委員不讓坐防禁從人出外等語岑既奏遵撤其如何
訂緩應由岑遣員商勃有吳得祿雷樂石足敷傳達粵
員不能強岑轉恐藉口勃酋強留華員似於國體不便
懇敕北洋電兩稅司妥辦洞擬即召委員回籍詢法情
謹電奏請旨請代奏朔除電署外請李相電吳辦告勃

張文襄公全集

卷七十四

電奏二

三

送粵員回

致總署 光緒十一年四月初四日申刻發

保關克諒戰狀前接蘇電潘已奏潘奏向不照例咨無
從悉查正月法入關後桂軍多潰蘇部孤危民逃勇掠
全桂大震馮倡議於關前隘築長牆自扼守王孝祺營
其側獨東軍兩枝當中路前敵偵知法將初八內犯馮
定計先發蘇軍時西赴九葑馮囑潘召蘇回初五夜馮
率孝祺軍襲文淵州夜戰至初六未殺傷相當已入街
心軍疲乃還初七法大舉入關馮王力戰至申傷多漸
不支法踞東嶺三壘蘇軍援至合拒夜未收隊初八辰

復大戰馮居中蘇助之孝祺當右陳嘉蔣宗漢當左賊極猛薄牆或已入馮帕首短衣草履持矛躍出搏戰諸軍退者馮皆刃之關外游勇客民千餘聞馮親出陣自來助戰孝祺馬傷易騎戰率軍肉薄衝敵傷亡獨該軍最多諸軍皆死鬪奪還壘王德榜截後痛勦勝大獲馱馬軍火賊彈盡大潰逐出關初九馮倡諸軍克文淵十二攻諒城外驅驢壘孝祺德榜戰最力傷最多克之十三辰馮軍復諒午刻諸軍入馮軍虜獲無算皆繳蘇營分兵追擊陳嘉德榜克谷松馮軍克長慶府及觀音橋遂進兵拉木攻郎甲分遣義團襲北甯越民二萬餘建

張文襄公全集

卷七十四 電奏二

三

馮軍旗號供糧助戰馮即擬親進適奉停撤旨廿九馮前軍尙攻郎甲是夜前軍聞旨乃還此役自是諸軍同功然非東軍生力兩大枝往桂邊已潰非長牆無戰守法馮鎮龍安民戢掠收潰築牆倡戰探敵情散匪黨年七旬親陷陣諸軍感奮故能殲真虜保邊疆張國威法虜震懾就款其功實偉應邀懋賞桂越軍民同詞戰在諸軍先收兵在諸軍後前據李秉衡二月十九電關門之戰馮倡之勤輔之蘇陳力援蔣向前王抄擊甚力亦不可掩等語簡要可據勸軍即孝祺因馮王兩軍係東省派往嫌於居功故聽西省奏茲聞軍士多後言屢乞

東奏謹請攷覆實上陳竊思特賞馮王已蒙聖鑒蘇李續奏當不略此奏以慰軍心請代奏玉麟之洞文蔚同肅支

致總署 光緒十一年四月初八日

傳聞法欲在廣西邊界陸路亦通商此條津約未有伏望勿許東欽廉西太平上思教最多上思教堂尤盛民教積仇若開商路桂省邊防難固思欽教案愈多且劉永福安置思欽岬端必速臣等不勝焦慮合詞電奏祈敕總署北洋熟籌請代奏之洞文蔚秉衡同肅庚

致總署 光緒十一年四月初八日

張文襄公全集

卷七十四 電奏二

三

詳約關係甚鉅必宜審慎赫德恐有偏袒華文洋文易致參差界務商務乃經久之事若稍不妥後多窒礙轉生枝節可否發交沿海沿邊疆臣體察酌議再許畫押雲南兩廣皆接越界職守所在尤不敢不慮將來邊釁不勝焦急謹電奏請旨再民船自澎湖來言法在該處築礮臺電詢廈門彭提覆云實有其事懇敕確查妥籌請代奏庚

致總署天津李中堂 光緒十一年四月十三日

越留二員歸二員攜岑督咨師當如期撤惟劉永福安置未定越義民未得所勅出示不日派兵討逆賊即指

劉與編營助軍義民師一撤法必與戰勝法必疑我不勝越民必求入關納之法有詞拒之非恤藩義失嚮義心囑代電奏請旨等語劉稟感天恩遵來粵求帶舊部三千人又部眾孤寡千餘家收養多年須籌安置越地又軍械輜重甚多須遷移免資敵又歷年戰士求獎卹又請留其子通判劉成良在保勝候示遵等語吳得祿稟劉軍恐一兩月未能全撤勃意只在劉移雖入關稍遲法當允等語委員孫鴻勳面稱勃言岑撤一步法即進一步岑咨劉稟俱實情等語洞查劉在越根蒂深不帶本部劉不能來洞前許帶二千當可聽安部眷可給

張文襄公全集

卷七十四

電奏二

三

資遷輜重可寬期獎卹仰求恩准可否由洞奏請留子在越已駁竊謂從容商辦中越均宜若法進太速逼劉過甚必生衅至法殘桂邊義民洞已奏雲邊義民請救岑遵祈併敕總署北洋商法慎辦務求妥善勿以急遽誤事邊疆幸甚祈代奏請旨遵行元

總署來電

光緒十一年四月十五日亥刻到

元電已進呈維繫越官安插越民已電岑督妥籌永福稟懇各節即由貴處奏請法允保勝一路雲軍展十日撤盡劉軍移粵當同撤兵逾限恐生衅北洋電巴使接勃電法兵並未進諒殘害義民似訛傳或游

勇假冒殺掠巴已電詢勃矣遵旨電達刪

致總署

光緒十一年四月十四日發

得確信法毀澎湖房屋分三街建兵房作鐵礮臺三月內共擄民船十六七勒船客作工詢左同又接左電臺灣錄孤拔告示基澎由法兵暫行駐守華所得東京地由華兵暫行駐守詳約定即退是法並不責我先撤赫德欺蒙朝廷愚華助法撤兵而後議約已中詭計岑因路滯抵界稍緩劉因累重內徙難速乃實情非不撤似可援孤拔此示以折法免過促難辦越員稟在越確知法畏劉勃及法兵官諄探劉撤否趁岑劉尙在越詳約

張文襄公全集

卷七十四

電奏二

三

較易商洞已屢召劉矣請代奏願

李中堂來電

光緒十一年四月十一日申刻到

赫來電法約十條均已定妥鴻正與巴使繙譯校訂二十內外當可畫押鴻

致總署

天津李中堂福州左中堂

光緒十一年四月十四日發

詳約聞將畫押大計數端務宜詳慎一雲桂界越宜留甌脫一桂邊通商不可輕許邊防無長策一劉永福能調而不能速急則恐生枝節一臺澎萬不可令屯兵法現修澎礮臺宜阻一英法最親赫德英人處處助法愚我詭謀顯著法若得利他國均需斷不可信望敕樞臣

總署全權詳覈并電敕沿海沿邊疆臣籌復再定畫押以後挽救無及一聞金登幹在法立草約係與斐禮畫押其時斐禮已黜法甚詫異查斐禮很狡好兵與孤拔爲黨力主攻華吞越之人因諒敗眾攻去位今和議仍定其手法將以爲功臣必復任用此人柄法政中國無安枕日詳約請商法都另派大臣定議畫押責斐禮歷年辦理不善以伐敵謀杜後患不然因越用兵兵勝而越仍棄因臺許和和成而臺終危與法立約約成而各國得志恐貽國家無窮之悔臣等深憂不避冒瀆求棄聖主熟思大計幸甚前五條臣之洞已奏未悉是否議

張文襄公全集

卷七十四

電奏二

三

允茲將畫押敬啟申懇末條似尤要謹電奏請旨請代奏玉麟之洞同肅願

左中堂楊制台來電

光緒十一年四月初八日巳刻到

本日電總署前奉電旨越南宣光以東三月初一停戰十一華兵拔隊撤回等因當以基澎被踞未聞議及電請代奏嗣准貴署電復法允畫押後即退兵諒不失信等因茲據臺北通商稅務委員等會詳鈔錄孤拔告示奉法廷諭暫約內彼此均不得增築礮臺城壘及調兵運械法兵所得之基澎等處仍由法兵暫行駐守華兵所得東京地亦暫由華駐守俟立定

詳明條約兩國即退兵等語四月初三忽接龍州電撤兵後法於廿三至諒山一帶越民老幼盡殺經過各隘築臺安礮粵電亦同查東京應由華守法已有明諭我先退兵固守誠信法人狡詐百出在在堪虞棠等覩此時局不勝焦憤粵策是否可行可否將彼狡詐情形揭明折服或由赫德逕電法廷令其禁責帶兵越界之人抗諭失信有意贖武不顧國體殘殺爲盜請代奏云棠潛遇

致總署天津李中堂

光緒十一年四月十九日發

張文襄公全集

卷七十四

電奏二

三

離越前稟候示數條已電奏分別批復飭來惟此文無從遞雲轉太遲茲另派幹員數人由越赴保勝面交詳論并爲部署相機妥酌務令心安勢便方能成行興化至保勝十餘日程艱險瘴毒雲軍已撤中多梗阻請敕北洋電法酋由港赴河內暨興化以上爲委員備船馬我給價如委員安置劉軍需用或二萬或三萬法須照借交委員粵還但不可派兵同往保勝抵桂須三十日繞雲境尤迂總署十五日電法展限十日劉與雲軍同撤情形異道途殊萬辦不到此非威令所能驅迫吳稅司前稟云勃允緩期會奏明務懇告法不可逼劉過急

如急迫生衅我不任咎謹先聲明祈代奏請旨效

致總署天津李中堂 光緒十一年四月十九日發

本日派員催調劉永福電奏一件當進呈頃奉十八日電旨嚴催永福等因已電岑查雲軍進止洞不與聞至永福在越廿餘年根深勢廣產多所稟須候覆文絕非違延吳稅司稟會言劉難速勃允緩是確與雲軍有別吳既悉赫當知洞焦急故設法選員赴越催辦若能先撤至雲再轉入桂更善當力籌電越係洋文不能詳無專員詳檄往劉無從部署前留越兩員不能騎難西上且空言促迫無益我肯調劉離越法當感中朝格外厚

張文襄公全集 卷七十四 電奏二

德若再苛求橫逆太過北洋可與辯論此次派員甚難如辦妥可否給獎出自聖恩請代奏效

致總署天津李中堂 光緒十一年四月十九日發

頃稅司吳得祿暨兩委員電十八日舟行至丁保地方被越民開槍攻擊約兩點鐘華僕林姓斃洪姓重傷委員亦甚危前路土匪甚多不得已退回河內懇調委員同粵稅司願留等語查該兩員前據得祿稟久患病今被攻阻只可令回已電飭委員回粵本日奏另派之員當妥籌前往之法請代奏效

致總署天津李中堂 光緒十一年四月二十二日發

岑督初六日電已於三月廿七退文盤限期近隨當入關劉已遵允入關等語洞十九日電奏擬另派員赴越

因恐岑劉未撤冀面達催促乃是日稅司委員電均言委員船高懸華旗被越民攻擊傷亡擬派兵同往同日接委員徐殿蘭函稟勃首意在遣法兵挾華員略越地攻義民欲令華員為法辦善後橫謬已極該員等難當重咎等語謬狀甚多電不能盡是情形種種已變礙難再派員一則岑劉已遠二則越民為梗委員往必受害無益有損十八日電旨除電稅司設法寄岑外已電南甯龍州并詳覆調劉辦法分遞岑劉計十二三日可到

張文襄公全集 卷七十四 電奏二

詳檄驛遞二十日到另電唐景崧由龍州遣員往不經法境至由粵省抵興化至速八九日以上梗阻無兵不能行若待法兵攻戰而前十餘日斷不能至保勝且華員在法軍義尤不順事屬難行竊謂我只撤雲軍劉軍入界信義已足若法兵攻越民即力不能禁斷不宜華員牽涉其間不然不惟傷委員損國體致越怨且自生枝節更無了局劉既願來洞又願調前奏請獎卹請資費許率眾竭力招徠可知惟劉遠越梗情形已變斷不宜另派員伏望聖明鑒察幸甚請代奏養

致總署 光緒十一年四月二十二日發

前蘇初六電我兵撤後法進紫谷松屯梅車里坑下各數百築礮臺三月廿三教民在諒山即甲查拏代官軍辦糧者赴北甯礮斃之等語頃接探員廿日電法欲開路通牧馬近爲越人所敗斬法級二十餘等語李蘇尙未來電事恐不虛我軍久還與華無涉惟法既不肯止殺越亦不甘待斃義民因助軍受禍坐視不忍助之不能衅積禍延以後事變難料其應如何約禁法人之處伏候聖裁請代奏養

張文襄公全集

卷七十四

電奏二

三

張文襄公全集卷七十四終

衡陽江 楫校

張文襄公全集卷七十五

電奏三

致總署天津李中堂

光緒十一年五月初三日申刻發

總署兩電令開各海口聽法兵商船出入臣等公議此事必當從緩法尙踞基澎並未撤出中國海面至停搜運漕乃詳約定時法所應辦何得遽添入口一條廣東內河紛廣兵船一入險失臺廢狡虜得步進步再有要挾無從措手臣等實難當此重咎若許商船卽有護商兵船隨入查法商各省皆少粵省並無洋行一家顯然非爲商務基澎未退粵軍粵民已甚憤怒法船驟來必然生事開衅萬分可慮且塞河安雷實難遽通務懇聖恩緩議開口庶爲穩妥不勝惶悚激切請代奏玉麟繼格之洞文蔚方耀鄭紹忠同肅江

李中堂來電

光緒十一年五月初二日巳刻到

總署初一來電前與法國約定中國開通海口等事應俟法國兵船全數撤回後再行辦理現在法國搜查海面之船如已撤回漕船業經開行卽可開通堵口希卽電知沿海各口確查辦理云云巴使函稱法船已停止搜查其兵船無論在海面或進各口保無滋事裝運漕米商船業經陸續由滬開行各口自應

開通堵口照常通商鴻朔

致總署天津李中堂 光緒十一年五月初三日發

連接龍州電諒平以南越民游勇羣起攻法股多勢盛
屢有斬獲有一股已逼山西至宣興以西越民游勇為
梗者更多吳得祿電致岑信無路可通情形可想大約
法虜之力不能服越弭亂此時我但調劉即已如約若
兵船入口遂其詭計必將藉口劉雖離越仍指黑黃各
旗為劉部一切游勇為華人責我代攻保勝助勦諒平
事體萬辦不到款局益無了期伏望聖裁請代奏江

致總署天津李中堂 光緒十一年六月初九日發

張文襄公全集 卷七十五 電奏三

疊接馮函電自聞督防欽廉之命其時適接莫善喜報
法新兵二千餘到芒街廉州報北海法船移進口內去
岸三里人心驚疑當即馳回欽廉察看布置所部陸續
東移擬留兩營屯龍兩營屯上思通東西聲氣餘分屯
欽廉馮部多欽廉人以便事定就近裁撤馮自擬往來
欽龍兩界之間視急則赴並與李蘇籌善後等語查所
籌似尚周妥謹上聞北海法船於四月初九日駛去以
後未來并陳請代奏

致總署天津李中堂 光緒十一年六月初九日發

法教入內總以中國海面無法船為斷今澎湖未退閩

省未合法入軍民皆知眾怒未息法商教遽欲入粵似

非定約本意目前裁勇數十營被水災民數萬教士驟
到各屬必然生事教入粵西尤多不便商之文武僚屬
將弁皆曰不可英領事賀璧理目擊情形亦深謂緩來
為宜前託稅司商法領事緩入以期安穩意似相信允
緩八日年來體察洋情若事由外洋商辦較易商量不
止一端彼不過姑聳巴使向總署妄求以圖嘗試若以
外省難辦謝之臣之洞當囑稅司或他國領事婉致熟
商務求妥善以紓宸廑總之法人氣餒力做沿海及各
國皆知斷不致再生枝節粵省法並無商傳教何爭此
數日此乃得步進步若彼兵船尚踞我地遽令教士入
口流弊太多且中國示弱太甚將為各國所輕伏懇聖
明熟思并垂詢北洋敕其妥籌必能商緩臣之洞為防
患息事起見實無與去年諭旨相背之處請代奏佳

總署來電 光緒十一年六月十二日已刻到

本日奉旨張之洞電奏法教入粵流弊太多示弱太
甚等語傳教載在條約上年七月降旨用兵尚諭令
保護法國教民現在基隆已退被擄弁兵均已收回
法使業已到京教士照約入口有何示弱澎湖尚未
退出正以雲督撤兵稽遲為藉口若再因阻教入粵

張文襄公全集 卷七十五 電奏三

別添枝節以致澎湖久踞不退其爲示弱不更甚耶此等緊要關鍵豈能輕聽僚屬將弁之言有意阻撓如地方莠民藉端滋鬧全在該督嚴飭彈壓果能實力奉行何至生事賀璧理致法領事信有法教入粵粵督不願等語何以向該督言亦謂緩來爲宜恐不足據著張之洞速卽出示曉諭准令教士入口以昭大信勿得再存意見轉啟羣疑設有債事惟該督是問欽此眞

致總署 光緒十一年六月十三日發

已遵旨出示合法教入口前據英領事嘉託瑪稅司賀

張文襄公全集 卷七十五 電奏三 四

璧理商法領事已覆允緩十日旋接吳宏洛自澎湖電澎湖法船十一日辰初全退閩電亦以退告今澎湖既退其來遲早自可聽之亦不拘定十日請代奏元

致總署 光緒十一年六月十三日發

劉永福離保勝中國事事如約北洋電林椿函告巴使謂越民內亂由粵帥指使謬妄太甚粵爲調劉勞費無算以後甚費籌畫彼力不足以服越節外生枝越服法拒法皆非中國所能使岑奏越眾據壘此實情黑黃旗餘眾陸東環王玉珠湯宗政朱冰清劉文謙劉志雄黃俊芳梁茂林謝炳安及葉成林等頭目十餘今皆棄劉

自雄岑五月朔電甚詳劉四月電聲明諸人現紫紅花江一帶與該提無涉證以岑電可信本月初六洞已驛奏在越法兵多病歿拒法者西路宜興以西十餘股越官阮光碧等越民王梅孝等游勇陸約等約兩萬東路諒平以南七八股越官黃廷經等越民阮秋河之妻等游勇梁正理等約六七千四月內阮氏在北甯獲勝入其郛五月內湯五在丹鳳獲勝越回委員雲函桂探甚晰皆與雲粵劉無涉謹詳陳以備法再生波總署可與駁辯總之法船退澎湖而不回國仍分泊中國海面不過無聊纏擾仍爲越事望朝廷察其計狡而力審其技

張文襄公全集 卷七十五 電奏三 五

自窮請代奏元

致總署 光緒十一年六月十七日發

桂邊通商龍州鎖鑰必有礮臺桂從無洋礮守無可恃入邊至龍略分三路中關前隘東甯明州西平而關陸防中等礮卽可若得十二生十五生克虜礮十四五尊田雞礮數十尊擇要依山分築臺壘可資守禦價約十萬無款可籌竊查續借餉洋款百萬洞奏准雲桂各四十萬餉餉十萬尙餘十萬仰懇聖恩撥此款爲桂省購礮之用以固邊防請代奏之洞秉衡子材元春同肅

致總署 光緒十一年七月初一日發

頃鮑提寄來電奏已照轉洞觀所奏不勝焦慮查粵奏濟鮑十萬早解存南甯候提六月十五接左江道電鮑提餉員到詢運費數日後當啟行此外無鮑餉今鮑奏需三十餘萬方能撤糜費坐待實爲非計雲省餉源民力竊所悉知斷無從墊撥川亦難併解鉅款若必待此數則餉永無到日兵永無撤期愈耗愈深後患不可勝言竊思鮑軍馬步勇夫一萬五千餘每人馬日給銀一錢可敷日食一月計四萬五千餘加雜費月約五萬兩月十萬計粵十萬到營必在七月初十內外似宜急

張文襄公全集

卷七十五

電奏三

六

令趁此十萬作盤費速拔隊電旨由南甯驛遞廣南約八日此項一時不能全動每日開拔兩三營預飭地方辦米平價公買雲貴內地糧賤日辦百餘石尙易商欠電敕雲撫擔認並令雲撫無論何款挪借五萬解至雲貴界上中途相候將來由川撥還廣南赴瀘不宜行雲南省城太迂遠計由廣南取道徑入黔至黔省十六日黔省至瀘十六日皆通行大道每站數十里次第拔隊分十日途中阻滯休息七八日計五十日可抵瀘請飛敕川督分飭瀘夔備餉以待瀘素殷富官鹽總局駐馬釐局亦最旺在瀘籌墊十數萬甚不難令鮑先覈確在

瀘所裁十營欠餉若干飛咨川督並徑檄瀘州知照軍到即發擬請旨責成駐瀘永甯道妥辦並在瀘豫雇船不索該軍船價瀘船極多赴夔之十一營隨到隨即解纜由瀘至夔舟行順流平水十日水漲六日令夔府豫籌十萬以待夔關並貨釐鹽釐兩局十萬亦可籌墊隨到隨遣鮑部必有楚人請敕鮑挑出湘鄂人四五營派委員帶取道桂境自百色舟行至湘鄂遣散官雇船不索價舟行安逸勇丁所願洞當於氣礮洋款內提五萬解至桂林以待其不敷者或一二萬或四五萬長沙發足酌遣緣分路行走川可少籌十萬如此辦法至瀘撤

張文襄公全集

卷七十五

電奏三

七

者八月底可畢至夔撤者九月半可畢至湘鄂撤者亦八月底可畢川黔湘鄂路程皆洞所經歷深知總之路直則期省分籌則力輕豫墊則餉速餉寬則行迅撤早則患弭不然遷延兩三月又須二十餘萬更無策可施矣仰懇明旨諭以如期到瀘到夔到湘應補之餉絕不扣減逾期截止絲毫不增責成鮑及各分統營官妥管迅行此次該軍遠征勞苦可否獎餉數語並敕開報分統營官營務處銜名電奏如遣撤迅速安靜者准予獎勵延宕生事者嚴懲蓋將領知道畢可得足餉且迅獎逾期既無所得且干咎庶可妥順如蒙俞允除敕岑鮑

丁外並請電敕雲撫籌款解至中途候軍以省雲累敕鄂督恭錄雲旨咨川湘並徑檄瀘夔預籌以待邊疆隱憂敬陳管見是否可采伏候聖裁祈代奏請旨朔

鮑爵帥致總署電 光緒十一年七月初一日到

奉諭遣撤需餉由岑墊撥感激莫名惟月餉先後已欠至十四萬餘兩刻零用及醫埋等費皆各向本地除欠雲督前撥洋銀四萬除換造帳棚以蔽風雨餘歸正報銷粵督所撥十萬兩今尙未到茲雲督函稱將粵解滇餉劃撥尙未知爲數若干到營何時此際候餉必需時日卽截至七月分止已有五箇月正餉

張文襄公全集 卷七十五 電奏三

八

需銀四十餘萬除粵銀十萬外請飭雲督照數迅撥三十餘萬隨到隨散以資速撤多待一日卽增一日之餉惟所部川勇多楚勇少雲督函商取道剝隘湖南之人或可聽便川鄂之人斷難紆道仍應由滇黔回川并照來時日開一營以便沿途就糧除槍械就近交雲督外鍋帳仍須應用以免借宿民房惟路皆數千時需數月所領正餉除還商號本息及地方零欠外行糧勢必難敷查光緒七年樂亭撤防仰荷天恩賞給輪船駛回又於正餉外加給四五十日路費茲士卒邊遠艱苦報捐軍火外又認匯費息銀且爲

日不久餘資實屬無多況此次陸路遠歸其勞費勝於乘輪十倍查在瀘州畢節分募之十營其勇夫內除貴州人二百數名外餘皆川鄂之人自應統歸瀘州遣散在夔府所募之十一營及馬隊三百名營務處親兵二哨其勇夫等自應回夔遣散到瀘者計程兩月到夔者計程三月可否仰懇聖恩做照成案加給路費之處出自逾格鴻施如蒙俞允請飭就近一併籌撥以利師還請代奏超肅東

總署來電 光緒十一年七月初十日到

本日奉旨鮑超撤營餉項粵省已撥十萬滇省據奏

張文襄公全集 卷七十五 電奏三

九

續劃十萬覈計銀數已足先撤一半著鮑超儘此銀兩隨到隨撤其餘未撤一半岑毓英請飭回至雲南省城候餉卽與該提督商辦並著丁寶楨籌銀十數萬兩由岑毓英派員迎提應用不敷銀兩在瀘夔兩處酌量籌備俟撤兵到彼給領除寄諭外卽著張之洞先行分別轉電欽此

致總署 光緒十一年七月初一日發

岑電劉永福五月廿四起程赴粵旋接劉稟五月初八日接到洞批示各條又奉檄催定廿四赴粵又云俟雇夫齊備如仍有艱難之處俟粵委員孫鴻勳到就近籌

維請岑示等語揆劉意總因重遷懸土待餉懷疑未悉究作何位置不敢遽來故俟晤粵員後方定離雲之期計孫鴻勳六月底可到六月十二日電旨令劉帶二千入洞原檄准帶二千嗣接岑電劉現部不多若多帶恐沿途滋擾毓英難當重咎等語詞甚悚切當經電復人數請岑酌辦但須寬給餉是否有當謹陳明請代奏朔

致總署

光緒十一年七月二十三日發

明請代奏漾

致總署

光緒十二年八月二十一日發

張文襄全集

卷七十五

電奏三

十

唐景崧奉派隨勘雲界查景崧現帶六營防下凍土州一帶當高平衝高平太原游勇方盛議界必多棘手內竄亦甚可慮若景崧入雲所部無統且保勝定界斷難速辦景崧前攻宣光乃在越境雖會雲軍距雲境尙十餘站景崧習桂越邊事在桂界似更有益可否改派景崧隨勘桂界其雲界另派他員伏候聖裁洞爲邊將難離起見謹請旨請代奏馬

總署來電

光緒十一年八月二十二日到

本日奉旨張之洞電奏已悉唐景崧著仍遵前旨赴雲南隨同周德潤辦理界務其所帶六營著張之洞

派員暫行統帶所請改派該員隨勘桂界著毋庸議欽此

致總署

光緒十一年九月十七日發

委員孫鴻勳等稟劉永福在南溪待粵員到詳諭一切八月初四日始啟行分隊三起入桂約九月半後到南甯洞飭劉部暫駐甯永福輕騎赴龍見李蘇詳察商辦唐景崧與劉契擬請敕唐暫留龍月餘與劉籌商庶可周妥劉新入關部下頗雜必令情通心安乃能相處周大臣到雲界尙早約十月底法領事亦言雲界恐難速勘或先辦桂雲事既緩唐晤劉再行必不致誤勘界撫

張文襄全集

卷七十五

電奏三

十二

劉甚有關係不敢不詳慎請旨遵行請代奏霰

致總署

光緒十一年十月初九日發

劉永福九月二十四到南甯部眾安靜洞與李護撫商擬調屯東省就近察其軍律才性勿庸赴龍令唐景崧赴甯一晤即由甯赴雲唐初七日自龍行劉將閒散丁口在桂安置妥即率部來東已派員往甯經理一切請代奏佳

致總署

光緒十一年十月二十四日發

奉寄諭諒山宜歸粵界或寬留甌脫令洞等如有所見詳告商榷查歸諒甌脫兩節誠要洞於詳約未定時屢

次電奏瀝陳今議此不易欲籌挽救恐非口舌所能爲功惟有盛我兵威隱相懾制可否電敕馮蘇兩督辦會辦界務令其嚴詞駁折并敕馮蘇於越粵界上整頓軍容會哨耀武但不得生事春間軍威法人頗懾仍密敕此事以鄧李主持馮蘇不過與議將帥示之以威使臣懷之以德剛柔並用或有可商遵旨謹抒所見恭候聖裁再洞前告鄧李分界宜爭驅驢墟與諒隔一河墟在河北與新約諒山以北不背初九日已驛奏如能以驅驢爲我界並將諒山抵即甲船頭一帶河北地均爲甌脫最善但不知能辦到否請代奏敬

張文襄公全集

卷七十五

電奏三

三

總署來電

光緒十一年十月二十六日申刻到

馮蘇耀兵虛喝無益易生枝節驅驢劃界與鄧李商辦遵旨電達宥

李中堂來電

光緒十一年十月二十六日未刻到

戈使云若中國派統兵大員會勘界法亦必派越統帥會勘公請馮蘇會辦不行或因此甌脫能爭得固妙似不係帶隊與否兩家各有兵在後也鴻宥

致總署

光緒十一年十一月初二日

奉寄諭詢劉永福目下行徑電聞查永福到南甯後謹遵約束現乞假赴賓州買田安家口數日後可回回即

赴東所部臣飭給資裁遣留一千一百人分五底營承福感恩圖報部下希望功名必可無他法報離間誠如聖諭該報乃八月事其時永福已焚巢入雲境春間委員到越勃里也即言與永福通信願連和可知其妄至今法仍畏永福甚故屢用詭謀謹奏聞請代奏冬

致總署天津李中堂

光緒十一年十一月初二日發

法改立越王各路探報同號同慶越民不附舊王咸宜初遷甘露再遷鎮甯府義團四起教民叛法西路越相黃佐炎十月初九日大勝於興化東路越提謝現八月二十八日大勝於海陽焚其城外屋西路五團梁正理在

張文襄公全集

卷七十五

電奏三

三

太原洪滿在保樂謝現在海陽黃廷經在新街梁俊秀在北甯互有勝負法撤谷松屯梅兵守船頭電綫多斷越地大擾聖諭力爭甌脫竊謂議界宜緩待彼久不能定然後以甌脫爲排解之策勸留數省以處越團游勇緩可觀變急則難允卜首已有電來粵即自河內起行似宜姑以繪圖人未齊暫阻之謹請旨如俯允請敕鄧承修李秉衡設法緩議請代奏沃

致總署

光緒十一年十一月初三日發

屢譯洋報英兵已踞緬都定議廢緬王等語謹奏聞緬歸英則雲境兩面受敵伏望敕總署與英使議以公法

禁其勿滅緬請代奏江

致總署 光緒十一年十一月十五日發

劉永福已自賓州還南甯日內即赴東唐景崧照料妥貼查雲界斷難遽辦景崧到雲無事桂事緊要正資羣策可否暫留景崧隨勘桂界事畢赴雲若雲需人岑來電即遣謹會同電奏請旨請代奏承修之洞秉衡同肅翰

致總署天津李中堂 光緒十一年十一月二十七日發

頃法領事法蘭亭照稱奉該國命師克勤病令該領事馳赴越勘界請發執照前赴廣東廣西雲南等省三日

張文襄公全集 卷七十五 電奏三 志

動身等語查此舉狡謬已極顯係因龍州不合法使入關故變為此策令法蘭亭由內地往察探雲桂情形即駐我軍由內引外句串挾制萬不可許洞已照覆勘界應由越往不應由內地不便給照雲桂邊務未定恐軍民驚異生事難保護且海行速內地遲等語如戈使赴京瀆擾懇敕總署嚴拒請代奏感

致總署 光緒十一年十二月十六日發

出使隨員自巴黎來函云此次議員三十三願棄北圻者二十九多以恐我圖報為言惟該國政府慮傷國體欲少留兵守紅江以下其提督杜布來宣言北圻宜棄

但既與中國立約須略霑利益寶海私告我云游勇難靖政府不能遽棄之故欲專俟中國速定通商分界事以靖眾論其從前已允未發之餉僅足供三月儻屆時仍無成效則決意棄之議員不肯再籌一餉矣等語果如所云是法之棄北圻與否全在商界之遲速今商務妄求已經總署駁拒若界務又不予速竣三數月後彼餉匱力絀必當變計夙脫諸說庶乎可行彼尚懼我報復似諸事稍緩亦斷無決裂之理此事應如何操縱緩急廟謨自己周詳惟既接洋函備述情形不敢不以上聞有無可采恭候宸裁請代奏諫

張文襄公全集 卷七十五 電奏三 志

李中堂來電 光緒十一年十二月十九日亥刻到

總署十九來電本日奉旨界務業經開議張之洞三月之請故作紆遲恐生枝節岑毓英河內海陽之議亦在約外尤不可自我而發致貽口實鄧承修等當慎遵前旨將改正事宜按約速辦並電知周德潤等一體遵行欽此轉電粵督鄧大臣李護撫云鴻皓

致總署 光緒十一年十二月三十日申刻發

龍電二十三後會議四次辯論多時始稍就範惟出圖對證各有參差現保樂允歸我界新安海甯及中段各處堅不退讓連日專議中段必以淇江為斷初仍不允

刻均活動洞前奏遲三數月界務必易措辦非真欲遲也寔因彼屢以罷議恫喝我故作緩勢彼計窮或可速了絕不敢妄使決裂近未得鄧李電想因未定議故謹先電聞以紓宸廑請代奏鑒

李中堂來電並致鄧欽差李護撫台光緒十二年正月初四日已刻到

頃戈使來晤持其外部密電云中國勘界大臣之議實係故違新約而中朝現似有以爲然之勢甚爲可惜向來中朝無不恪遵新約今忽有此變其故何在卽應於互商尙未決裂之先詢明一切是否因我議院前暫有擬退北圻者則中朝以我能將北圻境內

張文襄公全集 卷七十五 電奏三 六

何處割入中國乎應與言明斷不可允緣議院現已定議不得不恪遵辦理我國雖願與中國和好而我所應得永不許棄儻有犯佔之事我卽力阻必能較近年更覺得法可在總署明爲告知以免或有誤會致成岌岌之局云云以上係照譯文戈言接浦電鄧李等欲將新安海甯至高平保樂沿邊一帶闊大地方劃歸中界實與新約稍有改正語意相背浦業經停議數日擬卽折回河內戈當遵訓條赴總署申理鴻告以朝廷暨總署並無成見鄧李因原約有改正字樣故與商酌戈謂照約稍有改正公同有益豈能

獨益華而損法國體面鴻詢究可讓若干戈云外部意仍照舊界斷不能多讓戈擬後日起程赴京鴻勸令候回電並屬其電外部及浦勿著急仍妥商請代奏速電示除電總署外鴻江

又光緒十二年正月初五日申刻到

總署初四日來電勘界一事近日疊奉諭旨照約速辦勿滋衅端原以保樂海甯近議爭地過多恐資藉口大局攸關刻厘慈慮乃連日未得電覆而浦已停議戈欲進京顯以違約爲詞曉曉詰問若再固持前說勢將決裂開衅現奉旨卽日約會浦使先按原界

張文襄公全集 卷七十五 電奏三 七

詳悉勘明以後稍有改正再行妥商續辦如今春趕辦不及緩至秋末再議所有現議多畫之界均作罷論雲南廣東一律遵旨按約辦理不得違誤貴大臣接奉此旨務卽懍遵約期另議先勘原界切勿再有拘執致滋歧誤是爲至要希遵旨轉電鄧李并轉周岑張倪云鴻支

致總署天津李中堂 光緒十二年正月十七日發

欽州海面界連越洋處有九頭山孤懸海中素爲海盜通逃之所伺便出劫瓊廉雷商民屢見歷年奏報其地在我東興司海口外西南約百里在越新安州口外東

南百餘里雖稱越境居係華人去冬洋盜屢至欽水陸劫掠商民紛紛呈控指係九頭山匪馮督辦疊咨請派船出洋巡緝正月十五日接馮電我船追捕至九頭山獲匪十八人而還十二日回至龍門法有兵船來探旋即駛去囑電鄧李與法議此界限等語查此地狹小荒瘠去東與近去海防甚遠海甯歸我則此山應為華屬藏盜華洋均害若屬華則我能捕盜中外商民均利固善即不然或與法議作為兩不屬之島若有匪徒彼此知會均可往捕均不駐兵亦尚易行除電鄧李酌議外謹先電聞請代奏霽請李中堂告戈使

張文襄公全集

卷七十五 電奏三

六

李中堂來電 光緒十二年正月十八日到

總署十七電奉旨本日據李鴻章電稱法使接越電北圻先安州九頭山有廣東兵輪四帆船六弁兵登岸似將占踞法擬調兵船往詰等語覽奏不勝詫異此事既無論旨該省又未奏報何得遽爾派船前往恐係謠傳不確現當分界未定豈可自生枝節貽人口實著張之洞迅即查明電覆若果有其事即著剋日撤回勿稍遲誤該督身膺重寄惟當力全大局儻固執成見致啟釁端定惟該督是問懷之欽此即轉電粵督云鴻諫

致總署天津李中堂 光緒十二年正月十七日發九頭山捕盜事頃電奏甫發適接北洋電因閩綫斷頃始到旋奉十七日電旨查此事於去臘二十七日奏報在案洋盜劫掠欽州一帶水陸甚熾供係九頭山匪故由洋面追捕至該山登岸獲盜即還其地在華越之間向為法人蹤跡所不到當時到岸擒匪無從知照法人此因追盜至彼與爭界迥不相涉更無駐兵占踞之事與近日閩遣船越香港捕盜事相類而荒山無法人議之理且窮荒小島據亦無用洞雖愚戇不至於此此乃

張文襄公全集

卷七十五 電奏三

九

法人誤會以後仍應照前奏各節與法議明除電北洋鄧李知照法使外謹覆陳請代奏霽請李中堂告戈使致總署 光緒十二年正月十九日發

據香港華商電稟接金山中華會館電美國西人攻擊華人焚毀財物五十餘萬人亦死傷不少華人實不能安生求稟知粵督並知照愛育堂等語愛育堂係粵省紳商公所必動眾憤恐生事端頃英美各領事來函亦甚恐懼現已飛諭愛育堂及香港東華醫院告以朝廷已極力理論保護勿得紛傳並即託其電本國禁約彈患一面籌備彈壓竊思息事惟有探源懇敕總署速電

鄭使商美總統竭力保護懲禁免中國洋人不安若金山來電事有轉機羣怒自息請代奏效

致總署 光緒十二年三月初五日發

法領事法蘭亭又來照會言前年開戰後通省教堂損失共值三十餘萬元囑粵派員查辦荒謬實堪髮指況傷損實屬無幾粵官保全教堂教士已多此事萬無許理分文不能償給惟有正言力拒堅持已照復駁斥恐該使妄瀆謹先電聞請代奏歌

致總署 光緒十二年三月二十七日發

近又接金山華商民廣聯興等一百六十七家公稟情

張文襄公全集 卷七十五 電奏三

三

詞慘切懇洞轉達昨鄭使電洛士丙冷案可賠足餘未定議華人暫安并來函病已漸愈此舉關係甚重此次力辦得法以後大局有益仰懇聖恩可否暫留鄭藻如在美會同張蔭桓料理從前各案議定善後章程有原議之人彼外部難於翻覆如蒙俯允祈電飭兩使臣洞昭美使田貝極力優禮款接語以彼任護華工洞任戢粵民田甚悅似有慙意託其再電外部歷述粵人優待美商催令緝賠保護已允渠來意爲察看各省華民仇美否現已赴汕請代奏沁

致總署 光緒十二年四月十二日發

法蘭亭索三十八萬元經洞嚴詞駁斥遂寂然昨接北

洋電稱法廷調蘭亭移閩另派在津署領事白藻泰往粵係修好之意白謹慎必無此等惡習囑北洋一言爲介等語懇敕總署及北洋照知戈使先與議定白到粵後將戰後教堂損失一事永遠不准再提戈如允許議定立案則白藻泰到粵立即接見如戈不肯洞惟有嚴加拒絕斷不與款接也聞白數日內即起程尤望速議定可省將來無數口舌請代奏文

總署來電 光緒十二年四月十四日申刻到

文電進呈法索償費嚴詞駁斥與總署去歲所駁略

張文襄公全集 卷七十五 電奏三

三

同日下白藻泰赴粵若必先與說定不提此事方可接見轉若示之以怯恐彼更多藉口不如坦然相見最爲得體儻彼再申前語仍可嚴駁遵旨電達寒

致總署 光緒十二年六月初十日發

瓊屬客黎句結久爲鉅患上年冬臘閒僮臨客匪滋事焚殺民人甚慘擾至澄邁距府城近勢甚熾疊經電檄飭鎮道派瓊防營勦辦十二月至正月提督張拔萃參將陳榮輝連戰屢勝擒斬數百餘眾乞撫進兵逼集設法招捕魁黨四月內事略定署鎮張得祿護道謙貴據諸將議將滋事千餘家安插欽州沿海之白龍尾土民

受害過深憤恨客匪堅懇多誅此時全勦則勢所難調
停雜居則貽後患而徙居欽海實多未便眾論參差不
能畫一現商馮督辦就近酌帶一兩營赴瓊查辦察酌
孰應誅孰應撫如何安插為妥兼籌撫黎事宜馮威望
素優且係欽人情形熟悉到彼裁斷眾情庶可翕服規
畫略定仍回欽辦廉郡匪謹電奏請旨飭遵馮係督辦
大員須奉旨方可渡海請代奏蒸

致總署 光緒十二年七月初三日發

王榮和余瑞將行小呂宋華商又來公稟六月內該埠
匪已滋事數次華人被害多名焚劫財物共值二十萬

張文襄公全集 卷七十五 電奏三

三

元懇委員速往籌議設領事保護並請乘官輪往以壯
觀瞻船費該埠商供給等語查王榮和等以訪查商務
為名近於游歷不能與該埠洋官交涉議事今商情急
切懇敕總署告日國公使一面電張大臣蔭桓言明王
余兩員到彼即兼商保護事令電外部知照該埠督庶
我委員可與晤商使華商生業暫獲安全從容再由張
大臣籌議粵無出海官輪可否由南北洋借撥快船一
艘來粵應用八閱月可回前數年南北洋派揚武船遊
歷南洋有案伏候敕遵此為保民救急起見請代奏江
李中堂來電 光緒十二年七月初九日亥刻到

總署初九來電本日奉旨張之洞電奏已悉王榮和
等既不能與洋官交涉議事徒以官輪壯觀無濟於
事轉令該埠滋疑殊屬無謂著仍附商輪前往日國
並無駐京公使總署無從與商所有小呂宋議設領
事保護華商事宜著張蔭桓與日廷妥為商辦欽此
即轉電粵督張大臣云鴻佳

致總署 光緒十二年九月初六日發

本日電旨恭悉自奉前旨後即備與法領事接見適該
領事白藻泰到粵來函請見其時洞正患肝氣畏風當
復以甚願晤談惟目前抱恙尚在假中若不提及議和

張文襄公全集 卷七十五 電奏三

三

以前之事仍敦邦交之常只辦目前之事可免爭辯傷
和當力疾延晤即日訂期等語并書明仍候復音此固
因實係患病亦期乘其初到先折其氣原擬看其再約
即為轉圜訂晤乃該領事既無復函亦未再約見靜候
久之從此寂然彼既不再詢及自未便先往約會遇有
事來照會仍照舊辦理當初致函之故因北洋言彼無
前領事法蘭亭惡習竊意若彼允不提前事便可省無
數辯論波瀾較為簡易並非故示拒絕難於一晤也今
諭旨明切自當欽遵可否由總署告法使以約晤必見
之意彼一來訂期立當接晤斷不敢膠執也請代奏魚

總署來電 光緒十二年九月初六日亥刻到

本日奉旨據總理衙門奏請飭粵督照章接見法領事一摺前經兩次諭令張之洞與法領事相見何以該督膠執已見並不遵辦疆吏接見領事本係載在條約如有非理要求正可當面駁辯儻堅拒不見致該使曉瀆有辭非特有傷國體必致別生枝節著張之洞懷遵諭旨即行接見仍將遵辦情形迅即電聞欽此魚

致總署 光緒十二年十月二十日發

王之春十四日到東興十五日來電本月初七初八日

張文襄公全集 卷七十五 電奏三

五

法兵攻距東興最近之長山村該村民赴該道訴僉稱民等不願從法礮攻兩日燬房二間未傷人自斃法人二傷法人三呈驗礮子數十顆該道獎慰之諭以界未定再來暫勿鬥芒街等處民紛遞呈詞求歸附諭以爾等向歸版圖豈忍棄之但界尙未分宜靜伺十四日探報法兵約百人經中國界再攻長山該道函詰海士謂界尙未分何得用兵擅入我界不惟背約且非安民之道午後海士來伴稱係畫圖人有兵廿餘保護不認過華界該道復切戒兵總不得妄動十五日該道往答責其再攻長山答以謠言該道囑以後畫圖亦不可到長

山恐百姓驚疑海諾并云狄隆現到河內養病得該道到信即來等語查長山在東興後攻該村必經我界法人不候兩國使臣勘定輒動兵越界妄攻實屬荒謬違約恐激民怒生事懇敕總署照法使禁海士靜候會勘再鄧大臣十六日自港行十九日到北海請代奏號

致總署天津李中堂 光緒十二年十一月初五日

疊接王之春電二十九日越游勇義民相結攻海甯未破劫芒街海士行館海奔入城法教多死該道飭營嚴防闌門禁游勇北渡本月初一日夜下街新安等處游勇來會共千餘人初二日晨攻克海甯城殺法兵二十

張文襄公全集 卷七十五 電奏三

五

餘越兵教民無數法兵逃者前途遇游勇截殺殆盡海士無下落緣法政苛淫越民恨之入骨揭竿四起法人在潭河焚劫民房七十餘間失業之民倡議報復現聞下街新安分茅嶺一帶嘯聚不下萬人下街初一日夜亦有警法畫圖人在攀隘被游勇截殺不少該道切飭營官并調團分扼要口防竄入等語竊思法人於華越交錯之地勘界未定之時遽用兵四出焚劫力爭實屬凶躁違約自釀禍端今民憤益深游勇四起將來愈難收拾界務更無了期似宜照會法使暫勿恃強用武他處萬勿輕往俟勘明議定後再由法人自辦或仿雲南

辦法校圖定界以免枝節耽延懇救總署北洋妥籌與法使商議速竣之法免因他事擾攘有妨界務除飭營團嚴防外謹請旨遵行再鄧大臣初一日赴東興尚無到信請代奏歌

致總署天津李中堂

光緒十二年十一月初七日發

據防營參將周天意報十月初七日法輪七由白龍尾來泊竹排池口及榕樹潭連放大礮擊長山村礮彈有落思勒各村者等語又據委員知府尹恭保報附近分茅各莊法人帶兵攻打等語王之春前電尙未詳晰茲據報尤堪詫異查白龍尾係龍門協水師汛地竹排榕

張文襄公全集

卷七十五

電奏三

三

樹思勒皆係現在內地分爲八莊係中國老界尙未勘定法人越境屯船攻擊悖謬太甚竊惟使臣會勘未言用兵中國豈少防營原以此事應和平辦理現在華民憤極與越地義民接壤錯處若合力拒擊既難收拾亦難分析前圖老界數綫之內各處民情堅誠屬華糾眾拒法紛紛響應海甯府即前車之鑒王之春到後各村呈訴攜酒食來獻者日十數起法人違約釀禍必反誘咎中國請敕總署北洋切詰法使令將各船駛離華界弭兵息事彼此大局有益不然設激成事端我不任咎似必須及早議明方妥請代奏陽

致總署天津李中堂

光緒十二年十一月初九日發

初八日電旨恭悉現界外法越相攻置之不問按約和平辦理宸謨明切謹當恪遵已電鄧並電王之春切諭妥辦勿資藉口白龍新築礮臺太無影響該處荒遠從無此議防海臺礮費數十萬購到須年餘築成又數月財力日期皆必不能辦此與法人前言粵兵三千赴東京兵輪泊海面之誣相類至粵省主使妄說乃法人無聊慣技洞前奏上圖證以西例最重在證故欲專持證據四綫相機操縱臨時請旨若越民決裂法必報復力取西例用兵所得之地不以讓人待至攻下設守必不

張文襄公全集

卷七十五

電奏三

三

再容置議則從前考圖集證無數心力前功盡棄矣故驟聞越亂深爲恨惜蓋惜其有礙勘議也且主使越門必助其聲勢洞奏派馮督辦子材全軍渡瓊辦黎留東興止二百五十人粵不主使甚明至王之春辦事穩細保其決無鹵莽前慰答邊民皆係設法開導力勸息事語略言界未定宜靜伺勿鬥很再來攻宜暫避等語並未敢承攬收納並陳請代奏佳

鄧欽差致總署電

光緒十二年十一月十四日戌刻到

查越釁起河檜富民巴克父戕母辱散財懸賞句結游勇西來十月底王道聞警迭遣囑海士豫備海峇

無慮致有海甯之變其事與粵無干惟事機延變全
界方長可否敕署喻法添派分東西兩路會勘冀早
竣事請代奏修肅

致總署天津李中堂 光緒十三年正月初七日發

鄧大臣與狄隆議立草約三條其第三條云未定界彼
此均不派兵極善惟江平現駐法兵數百意在久踞鄧
令撤兵不允此次第二條所云法國已有兵及官照現
在情形者即言法兵不撤也中國且不置議者即言我
不派兵也竊謂狄既明言未定之界兩國均不駐兵方
昭平允江平插入東興之後實爲華境有乾隆嘉慶道

張文襄公全集 卷七十五 電奏三 无

光以來案牘印契不同前代圖書洞所奏圖證及鄧去
臘真養致總署兩電已詳鄧來電并云狄無實在圖據
但執越人指江平爲越地之言爲據等語今若約定照
現在情形兵既不撤界即難收東興思勒隔絕域外後
路被斷有事難守今日不必務遠略而不能不慮近憂
此處插入內地患在切膚仰懇聖明垂覽前圖形勢自
晰且該處居民有華無越正與寄諭以華民居住之地
爲斷之語相符我使臣竭力辯論無如彼族一味橫狡
但目前尙未畫押可否由總署與法公使婉商謂未定
之界駐兵強占非和平商辦之道於兩國敦睦大體有

礙勸彼撤兵我亦不派或將江平抽出另議總之此時
不約定許其駐兵將來歸入請示朝廷從長計議留此
活著庶可徐籌抵制之方洞爲粵境邊防利害起見是
否有當伏候聖裁請代奏文

鄧欽差致總署電 光緒十三年正月初七日未刻到

江平白龍尾一段我據郡圖辯論八次彼終不肯讓
爲中國現界然亦不照約請示朝廷已於豔電敬陳
矣惟此界內法於未開議時因防游勇先已紮兵數
百屢詰不撤故歲首連日會議仍勒其先撤已駐之
兵然後請示伊執未定之界我不能專阻祇得約明

張文襄公全集 卷七十五 電奏三 无

未奉旨以前且勿置議此外廣東安南未定之界彼
此不得另派兵及官員前往冀杜後來約文續陳第
一條由北市至竹山彼此較圖意見相合二由竹山
至白龍尾蓋未定之地彼此較圖意見不合應可請
示本國至未奉到朝旨之前此未定之界法國已有
兵及官員今彼此約明照現在情形中國且不置議
彼此並繪圖注明未定之界所在三除此處未定之
界外如廣東安南有別處較圖意見不合未定之界
今約明彼此請示未奉到朝旨之前均不另派兵及
官員前往以上意見係由中法使臣各飭官員知照

云云乞代奏候旨遵行修肅魚再此議已電粵督會
奏恐沿途遲誤特再電陳

致總署天津李中堂 光緒十三年正月初八日發

頃北海鎮王孝祺高廉道王之春署欽州李受彤電稱
江平黃竹萬尾等村紳耆數百人稟稱法官示華民入
越地者須有華官執照若再遲延雖有照亦不准居住
否則用槍射斃民等祖居數百年田園廬墓均在其中
今被法佔踞焚殺無家可歸為流民則無依為游勇則
不敢進退一死各憲為國籌邊亦應為民請命追求安
置云云現尙未散該鎮道等均有地方之責目擊心傷

張文襄公全集 卷七十五 電奏二

三

華民向在江平等處耕種者自法兵至避入內地年終
饑寒交迫暗回原地剝薯斫蔗被法人槍斃者無數自
食其土自殞其身實可矜憫現除東興迤西外約計邊
民一萬二千有奇將來競求安置何以處之危勢急
寢食難安稟請指示等語鄧臘底電亦云法兵焚掠數
百里分兵攻破江平分屯句冬石角白龍百姓死亡轉
徙洶洶乞救地方官無可如何法既難以理喻使臣又
無阻止之權等語查江平等處據我圖志則為華界即
如狄酋言亦稱為未定之界逞兵虐民實非條約所有
且查津約第一款云中國僑居人民及散勇在越南安

分守業者無論農工商賈其身家產業均得安穩等語
是確為越地於僑居華民尙應優待况此未勘未定之
界不匪不勇之民乎竊惟此項邊民實與越人及游勇
不同安置則無此曠地鉅費禁拒難施坐視不忍展轉
籌思實無善策惟有各地收回則無此窒礙如能與法
恭使議明暫將兵撤退將來議定後屬華則安堵如故
屬越則再籌妥善庶紓眉急洞陽電所請係為邊防此
為民命兩事相為表裏皆非為爭界計既據鎮道欽州
滙稟不敢不以上聞應如何與法使議辦邊民轉入內
地應如何辦理請旨遵行請代奏庚

張文襄公全集 卷七十五 電奏三

三

致總署天津李中堂 光緒十三年正月十二日寅刻發

頃鄧電云本日總署電稱魚電三條照辦餘與恭使晤
商等語此事鈞署覆准自必詳審機宜何敢再瀆惟鄧
約所稱注明法兵照現在情形之地即有白龍尾在內
鄧魚電首已聲明且屢電俱言法兵分屯白龍尾狄將
白龍尾脊上畫一綫左歸率右歸越等語查該島係龍
門協水師汛地載在現行營制冊總督藩司水師提督
鎮協各衙門案牘炳然每歲具題兵部有案國家舊制
軍民皆知海防處分載白龍尾如失事責成汛守等語
此地乃廣東現界從無屬越之說與江平等處中越交

錯者尤不同前奏圖上填作黃色尙可覆按該處近欽遠越正扼欽州防城汎河口門戶防城乃欽廉水陸要衝由欽赴東興之總道東興現設有州判守備白龍尾屬我則築臺設守可以遙瞰海甯敵犯欽廉必顧其後若爲敵踞豈惟東興思勒那梭諸汎地被隔抑且防城難保此島甚狹而長若中分一綫彼已築臺我將安守法人狡橫駐兵卽是占地向來慣技如此設因狄隆蒙混要脅姑與含糊立約以後斷難改正洞職在守土此時若不詳切奏明他日邊防貽害必將追論蹙邊棄險之由不惟疆臣重咎難當朝廷亦將追悔仰懇聖明熟

張文襄公全集

卷七十五 電奏三

三

察賜覽前圖電敕鄧大臣將約內白龍尾一處抽出萬萬不可許其駐兵我疆我土卽法國朝廷其將何詞且僅此一隅更無難於駁折至約內法兵照現在情形中國且不置議二語萬不得已亦宜於照字不字之上均添入暫字或可留爲後圖洞爲疆土緊要起見因鄧約簡略總署必未能深悉所指何地職難緘默非敢阻撓披瀝迫切仰候聖裁除一面電鄧酌辦外請代奏文

致總署

光緒十三年正月十七日發

十五日電旨恭悉謹當遵辦上年十一月底奉寄諭卽飛咨鄧欽遵洞圖雖列四綫乃備使臣相機辯論層次

原奏已聲明并稱法人貪狡卽使老界尙待勘明現界亦不至更從剝削此洞愚慮本意非敢膠執求多鄧議係據廉州府志圖及赫政英法二圖自開議以來並未令狄照四綫圖劃歸於華去臘初十日開議初九日法兵已入江平蓋狄初議卽甚狡橫事機棘手廣闊處直無從與言矣訓諭周詳自當懷遵斷不敢膠執成見遵旨覆陳請代奏篠

致總署

光緒十三年二月二十六日發

馬電敬悉桂界早已校竣稍有展拓惟欽界南自嘉隆河北抵北崙十萬山分茅嶺西至峒中墟北兩河包絡

張文襄公全集

卷七十五 電奏三

三

土泉沃美縱橫數百里村墟鱗接我若棄之百姓逃歸驅之不忍撫之不能實又江黃之續以故爭持日久本日修與王李兩道司員繙譯等在芒街會議自午至戌狄見我終不能奪始允歸我現由竹山起至雲界卽晚已定草約彼此畫押全界既定修等當遵旨在差次靜候謹先電陳以紓宸廑請代奏承修之洞大徵同肅養現溥梧綫阻頃始到并聞宥

致總署天津李中堂

光緒十三年三月初一日發

昨日新稅司馬根法來格到粵來議附近香澳六廠代徵百貨稅釐事據云擬在香港對岸之深水步設關六

廠俱用原屋吏役亦不更改收銀存匯豐再分撥索釐則稅則又問收私鹽之釐繳何署等語至如何辦法章程未據備文申陳洞激潤等公同籌議此事流弊頗多現議又與鈞署原電不符不敢不縷陳查洋藥稅釐併徵久經奉旨粵省自正月已遵辦至百貨常稅釐金與洋藥截然兩事何以必欲撤我廠卡干預稅釐內政明係攬奪中國利權上年八月初十本年二月初五洞兩次電署力言洋人影射干預不可不防力請駁斥本月鈞署佳電云中國不允撤卡英葡即不允緝私上年八月勘電云葡人欲撤澳外釐卡方允我在澳設稅司等

張文襄公全集

卷七十五 電奏三

語

語果使香澳可以設關要挾猶為有說今馬根云香港不允中國設關故祇能設於深水步法來格語尤含糊竊思署允撤卡原因欲在香澳抽收今深水步乃九龍司巡檢屬地設關均在華界與原議顯然不符查洋藥併徵英廷已允自可抽收香澳洋官既不允設關彼固無德於我我在我界收稅釐緝私販即不撤卡彼亦何從挾制至代收流弊巡船專歸稅司中國巡緝兵輪不能抵港捕匪緝梟皆將束手門戶直為兩國所扼一也洋人與民船素多扞格且禮拜停關申正封關香澳民船向係晝夜來往稽留齟齬恐滋事端一也稅司住香

港徵銀存匯豐皆在英界設有海警渡海提銀必多窒礙與英國相處尤多牽制三也西國合謀久欲免內地釐金此舉逐漸推廣必思將各省各口百貨一概併徵熟察各關稅司洋人已成堅據不移之勢不能參用華人若外海內地稅釐財源統歸洋員實不能無過慮四也鈞署佳電云貨釐十數萬稅司經收不至無著洞等何憚不為惟外國心計甚深後患甚鉅初議欲我撤卡或為便於香澳商務今則並非撤釐卡不過撤收釐稅之華官耳若自損利權驟改舊制設事成害見追改無從粵省疆臣監督首開此端難當重咎事關華洋界限

張文襄公全集

卷七十五 電奏三

語

不僅稅釐一端事關大局利害亦不僅廣東一省現已合同具摺詳奏伏思代收一事遲早不爭數旬可否暫緩改章俟奏到後仰懇聖裁詳察並交總署戶部會同妥議如確無窒礙再當請旨遵行至私鹽歸稅司抽釐窒礙尤甚另電詳陳請代奏鈞函未奉到之洞大激增潤同肅朔

致總署天津李中堂

光緒十三年三月初一日發

文電悉赫德擬令稅司幫緝私鹽加重抽釐一節飭司詳議事多窒礙查官鹽仍有引地按引繳課私鹽向以香澳為藪四出充斥洋官因以為利專庇私梟若抽其

釐便成官鹽各處可銷官引充占正課無出商必不從
且洋人不得干預鹽法約有明文應請告赫將此議停
止請代奏之洞大徵肅朔

總署來電 光緒十三年三月初六日午刻到

本日奉旨張之洞等朔電均悉香澳六廠歷收爲數
無幾該委員等實放侵漁利歸私橐葡國以商民不
便爲詞初議堅請撤卡總理衙門慮與貨釐有礙飭
赫德與葡再三辯論統歸稅司代收該國始允照香
港幫助緝私章程一體遵辦其助緝辦法凡由印度
到港之洋藥何船何人若干數目由港官逐日知照

張文襄公全集 卷七十五 電奏三

三

稅司及出口時凡移存何棧轉附何船運售何口又
一一知照稅司會同稽察稅司全數瞭然綫索在手
設關密邇消息常通澳港內外更無殊別此事往返
辯駁經年之久始克定議並非改變前說該督等於
此中曲折並未知悉何得謂與原議不符海軍初設
籌餉萬難有此辦法冀可歲增巨款縱令六廠區區
十餘萬之數全行蠲棄亦無顧慮况經稅司代收此
款並不致無著是此舉非但與各省稅釐無涉並與
廣東稅釐無損所不便者不過廠員利數一空未免
浮言胥動耳該督等於朝廷全局通籌之意毫無體

察輒挾持偏見故作危詞竟似六廠員弁一撤從此
天下利權悉入洋人之手殊不思稅司由我而設洋
稅自我而收現在海關歲入增至一千五百餘萬業
已明效可睹即使併征之議此後辦理設有窒礙儘
可隨時變通復歸舊制何至外海內地稅釐財源統
歸彼族耶事關籌餉大計特旨允行又與外洋交涉
斷不能朝令夕改該督等接奉此旨當慎遵辦理所
有該六廠補抽稅釐章程即日交付兩稅司毋准再
有延誤致干重咎其抽收時刻一節業經總理衙門
傳詢赫德渠允遵籌辦法禮拜不停關隨到隨驗至

張文襄公全集 卷七十五 電奏三

三

代緝私鹽一節前議加倍抽收重罰以困之正爲杜
私起見來電謂官引被占亦屬隔膜之說惟現據赫
德聲稱新置巡船太少不敷兼緝之用請仍歸運船
巡緝等語所有助緝私鹽之議著暫作罷論欽此微
致總署 光緒十三年三月初七日發

初五日已刻修借王李兩道及司員繙譯官詣芒街與
狄使詳校細圖更立清約自竹山起至雲界止粵界圖
分四段畫押畢修即向狄言圖內照約尙有應行更正
之處狄云應有可否遲日再商答以可狄又出所繪沿
海圖相示云江平等處雖歸兩國朝廷定奪洋面亦要

議及我已電恭大臣海甯春關直南所屬之海島洋面皆應歸越南中國應無異議修答以我亦電我朝廷竹山直南之海島洋面俱應歸華法亦不得有異議狄唯唯遂訂後議而散謹將全粵舊界辨認完竣情形先行電陳請代奏承修之洞大徵同肅陽

致總署 光緒十三年三月二十一日發

初五日畫清約後歷次會議狄俱以辨認島界為言答以津約所無現未奉旨議海界當照約議改正狄云海界總宜先認可否擬由竹山畫一直綫迤西新安附近之九頭山亞婆灣兩島均畫歸越答以海界自應照維

張文襄公全集 卷七十五 電奏三

畫勾惟交錯處猶陸地亦須辨認九頭山昔為盜藪中國以兵力克之越王不認為屬地有咨文可據狄言附近越地不得以曾經巡哨便謂華地津約已不及海界止可請示法廷等語修意彼此請示九頭山已有舊案鈞署亦可相機為江平等處作抵請代奏承修之洞大徵向肅馬

致總署天津李中堂 光緒十三年三月二十四日發

界務將竣有亟應議者三條一海界祇可指明近岸有島洋面與島外大洋無涉緣大海廣闊向非越所能有若明以屬越渾云某處以南以西則法將廣占南洋梗

多害鉅宜加限制約明祇畫分近岸有洲島處其大海一切仍舊免致影射多占一法海甯府副總理官照會欽州李受彤云我兵船之守白龍尾我隊之在白龍尾故有一小礮臺居住因恭使及總理衙門商妥可以駐兵及官員等語查彼捏稱商妥以搪塞地方官前已電白鈞署迄今日久臺未毀船未撤亟須駁折難再緩一竹山海甯以西至潭檜河下等處華民數千家一旦歸越受法苛虐難忍必仍轉徙中界恐生事應速與法議設立領事官駐紮該處保護此等華民既繫民心於邊防亦有益請代奏之洞大徵同肅敬

張文襄公全集 卷七十五 電奏三

致總署 光緒十三年五月初二日發

四月初三日聞法恭使欲以白龍江黃與商務抵換必係欲在龍州通商此事有礙邊防其害甚鉅斷不可許龍州設埠鎮南關之險虛設矣竊思九頭非越有案可據若以九頭與之作抵尚不受虧或別籌抵制事關廣西全省邊防會商相同不敢不瀝陳請代奏之洞秉衡同肅沃

致總署 光緒十三年五月初二日發

六版稅務出示後應由監督與稅司妥商交割惟閱稅司鈔送赫德章程二十五條有必不可行者三華船土

貨皆照洋稅則徵收洋稅重常稅輕一也不通商口岸之土貨在本口已經完稅今過六廠又令照洋稅例完子口半稅無故加徵二也通省民船皆令領船牌納船鈔無牌之船即行挈辦粵省向無此例船戶必然抗阻三也改洋稅加半稅增船鈔似此重疊累民必致紛擾生事即使不致滋事然商民力有不支朝廷亦必不忍此項稅務應交何處辦理朝廷自有權衡惟該總稅司以六廠牽混各口又復蒙混加徵實屬節外生枝洞等職在地方不敢不據實上陳請代奏之洞大澂同肅翰總署來電 光緒十三年五月十九日申刻到

張文襄公全集

卷七十五 電奏三

早

翰電已進呈當傳赫德至署將來電三條逐加詢問據稱華洋稅則互有重輕但六廠征收向無定數故照洋稅辦理以歸畫一今飭即電兩稅司此數日內仍照常稅數目征收俟海關交出之稅則寄京再由本署與赫酌核作為定章至不通商口岸已完稅者船到香澳並不加征但必須將本口地方官完過稅釐若干之憑據呈驗留下即免征收放行無憑據者應照常稅則納稅以杜漏私即不照章程內納子口半稅至領船牌一節專指通商口岸赴香澳之船而言並非通省民船此項船數不多可以約計今飭領船

牌以便本口分別應否歸稅司辦理又以便香澳稅司分別此船是否由通商口岸而來緣粵省民船不往來香澳者甚多稅司毋庸過問其領牌者並無絲毫使費不致累商船鈔之說現在並不收納將來查明再定以上所云已令赫德即日電稅司遵辦特先復餘再達巧

致總署

光緒十三年五月十七日發

閏四月二十五日寄諭恭悉莫名惶悚歷次電奏摺奏乃係迂愚過慮敬陳管見備采非敢異議阻撓今蒙訓飭嚴切更當懍遵現在諸事已有成議所有應辦事宜張文襄公全集 卷七十五 電奏三 早 謹當隨時妥辦斷不令別生事端謹先由電覆奏以紓宸廑請代奏洽

張文襄公全集卷七十五終

新城王樹桂校

張文襄公全集卷七十六

電奏四

致總署天津李中堂

光緒二十年七月初十日亥刻發

南洋轉傳初四日電旨恭悉江防聯為一氣自應欽遵辦理竊思南洋所重惟在江陰鎮江兩處礮臺實為長江全局門戶至江南陸勇本有數十營如有不敷江西安徽鄰省調撥較便添募亦易湖北現籌江防營勇過單如江南有需鄂省協助之處當隨時與江督劉電商辦理斷不稍存畛域惟屢接津電我軍赴朝鮮者約二萬人防營頗單亟需填劄畿輔門戶不宜空虛深為馳

張文襄公全集

卷七十六

電奏四

一

系似目前情形北洋需陸營為急查湖北提督吳鳳柱係准軍宿將襄陽現有馬隊三營共五百名擬令該提督統帶馳赴天津聽候北洋大臣調遣鄂省當酌量另募填劄謹電請代奏候旨遵行之洞繼洵同肅蒸一

致總署

光緒二十年七月初十日亥刻發

奉旨各省聯為一氣以固江防自應欽遵現擬委臬司陳寶箴即日乘輪馳赴江甯與江督劉籌商一切不過旬日即回請代奏之洞繼洵同肅蒸二

致總署

光緒二十年七月十二日戌刻發

本日之洞繼洵乘輪同赴田家鎮相度礮臺地勢沿江

情形明晚即回省請代奏聞之洞繼洵同肅文

致總署

光緒二十年七月十九日亥刻發

湖北吳提督鳳柱遵旨帶營北上查襄陽楚豫邊界伏莽素多馬隊全營調出亟需大員鎮攝自應奏委專員接署提督以重邊境查有宜昌鎮總兵傅廷臣樸實勤奮且前湖北提督傅振邦威望素優軍民猶有遺愛傅鎮即係其姪擬請委署提篆必能得力此事照常例本應摺奏惟摺回奉旨再行委署為時過久未敢拘泥謹電奏請旨如蒙俞允即飛檄飭遵至吳提督已電告迅將分防隊伍調齊即行部署啟程提印暫交中軍封存

張文襄公全集

卷七十六

電奏四

二

矣請代奏效

致總署

光緒二十年七月二十三日亥刻發

津防緊要上勞宵旰自宜厚集兵力為備惟與洋人戰募勇非難軍火為難若無精械雖多無益此時無從購械竊思廣西右江鎮總兵張春發廣東署高州鎮記名提督潘瀛皆光緒十一年在鎮南關立功知名者兩處現無要事似可令張春發潘瀛各募勇二數營廣西南甯府及蘇提督營後膛槍尙多張春發軍可由桂撫蘇軍撥給千五百枝廣東精械不乏潘瀛軍可由廣東撥給千二百枝中越界上目前必無戰事械可徐補其餉

應如何墊給數月應候朝廷裁度廣西軍由水路經湖南至武昌廣東軍由水路經江西至九江再陸行北上張潘兩鎮或現募或酌撥蘇軍及粵軍老勇本省另募填剗成軍較速應聽自酌兩將皆曾經洋戰又攜利械較有實濟此外如貴州安義鎮總兵蔣宗漢戰南關立功貴州古州鎮總兵丁槐攻宜光屢勝雲南已革總兵覃修綱隨雲督岑戰洋人獲勝皆係知名之將曾經洋戰熟悉洋槍地營者皆無要事此三員如朝廷以爲可用或電飭調取令其酌帶將弁親兵數十人迅速北來至近省再募勇亦可備緩急到鄂時視北洋南洋何處

張文襄公全集

卷七十六

電奏四

三

急需陸勇或北上或東下臨時請旨遵行張潘蔣三鎮之長問李撫秉衡可悉再制敵必宜先知敵情查道員袁世凱久在朝鮮道員現充新嘉坡總領事黃遵憲久在日本著有成書均係才具優長深悉倭事可否電調該二員到京詳詢情形則倭人虛實短長瞭然易籌攻守之策聞洋人言倭近日多備陸軍其意叵測管見敬陳是否可行謹備朝廷裁擇請代奏漾

致總署

光緒二十一年八月初十日未刻發

頃護湘撫王廉咨據魏光燾呈奉旨募勇事不宜遲該藩司擬趕於長沙寶慶湘鄉一帶召集劉錦棠舊部刻

期成軍惟該藩司丁憂未滿三年例得援請終制懇代奏請另行簡員統帶北上該藩司俟服闋即當泥首關廷不敢稍耽安逸至奉旨募勇未定營數應否募成十營按湘軍營制每月除器械外約需銀三萬兩請籌撥的款至槍礮必需利器應如何籌撥并請代奏辦理等語王護撫并稱湘省奇絀暫挪款三萬籌備魏軍行糧將來餉項萬難應付等語查湖北現辦江防尤爲匱絀正在十分爲難僅能勉提庫款二萬暫濟目前前已電奏以後萬難支應該軍的餉應請敕部迅速籌定的款電知軍火尤要此時無從購覓湖南湖北均乏精械現

張文襄公全集

卷七十六

電奏四

四

擬由湖北勉力勻撥前膛洋槍一千枝後膛洋槍二百枝并商允南洋大臣劉撥給後膛林明敦洋槍一千枝均配彈藥俾得成行惟不敷尙多可否敕北洋大臣設法量爲籌撥至該藩司應募幾營候旨遵行請代奏蒸

致總署

光緒二十一年八月初十日未刻發

倭事恐難速了用兵日久軍火匱乏最爲大患蓋與洋人戰與髮捻不同如無精械雖有猛將強兵亦斷難制勝餉匱猶可力籌械竭無從尋覓實深焦慮洞與出使德國大臣許籌商託其設法在外洋密購軍火現議定有大批精槍一萬三千枝彈六百五十萬顆連珠快礮

八尊彈配足約兩箇月到滬共價約二十四萬兩運費未言須速匯定銀約七萬兩以後全價如何分期付款尙未細述數日內卽有便船可起運等語竊思此乃目前最急之需該價在近日並不爲貴運到後應撥何處請旨撥用事平以後各省均可留用并非虛費仰請朝廷裁度如需購時卽請鈞署電復許大臣定議速運並速電匯銀七萬作定銀以便趕此便船密運其細數許自當咨報洞爲海防大局起見是否可行祈代奏請旨遵行如奉旨後并望密電速示以便知照許蒸

致總署 光緒二十年八月二十七日申刻發

張文襄公全集 卷七十六 電奏四

五

二十三日電旨恭悉詢據許大臣電復各件初二日起運約兩月內到津尾數俟二批續運等語奉二十一日電旨催魏光燾當卽飛催尙未接復前數日魏稟云九月初旬自湘啟行請代奏沁

致總署 光緒二十年八月二十九日卯刻發

湘撫吳奉旨防山海關情形必急吳止帶劉鎮樹元四營太單雖有他軍不相聯屬查總兵余虎恩向帶振字三營分防岳長等處余素稱善戰所部係現成之營啟行較易余新授高州鎮必益感恩圖報擬派現有振字三營並令余添募兩營迅卽北上赴山海關協防劉樹

元亦令添募一營統歸吳撫節制調遣余與吳撫素洽必得力余劉兩鎮共十營合劄一處氣勢較厚同係湘軍必可同心協力若余分劄他處畸零無益余劉帶現有之營先北上其續募之余兩營劉一營隨後趕往如蒙俞允請敕余虎恩卽回鄂令該鎮一面電知所部營官治裝并電派營官招新勇洞當札催此三營速行請敕湖南護撫遵旨借商款供此軍數月餉以後再請部籌撥軍火略有而未足並請敕北洋添撥足用其振字營防所由湘照數另募填劄請代奏豔一

致總署 光緒二十年八月二十九日申刻發

張文襄公全集 卷七十六 電奏四

六

津防關防遼防均形緊急上勞宸厯謹陳管見五條一就近募勇魏光燾程文炳及陳湜添募之軍均九月啟行到防尙早天津民多義勇擊髮逆有效近年習見洋人槍礮船雷可先募津勇十餘營以習戰營官領之可爲官軍之助將來易於遣散又宋慶之軍久劄關東與土人相習旨旣派宋幫辦不如卽令宋就地添募十營八營遼人素健新勇與老勇相間卽可戰營歸宋募則宋調度尤順手又東撫李秉衡已到任李樸實無欺深知營弊可令在豫東選曾經戰陣營官募勇十餘營聽調較速一戒諸軍堅守穩劄穩打倭氣狂悍又恃械精

利速戰不利持久平壤一役萬眾遺潰由諸軍未經洋戰之故查二三十年來外洋各國陸戰因軍火太猛專恃地營開洋弁言皆同外洋兵練器精尙專講此事華軍可知滬譯講地營諸書如地壘圖說等京津多有請敕發此書於各營并敕北洋大臣派通曉地營洋弁分往教練數日卽解果能據險堅持兩月倭畏寒必不支我陸軍但能自固倭必不敢越之深入一海軍斷倭後路海軍十八日一戰倭勢頗絀我船宜遊行旅順至鴨綠江一帶倭無船接濟彼陸兵亦難深入一設法購船此時添船爲最急洋人言美洲如秘麥智諸國不甚拘

張文襄公全集

卷七十六

電奏四

七

致總署 光緒二十年九月初四日丑刻發
時事日急征調繁多各處購覓軍火艱貴非常視爲至寶洞前託許大臣購槍萬餘枝已奏明奉旨運津他省難望分撥方今求一千之槍難於籌十萬之餉洞與許大臣及各洋行密商尙可設法尋購以備各軍急需惟鄂省支絀萬分查宜昌關稅報收約七萬兩向係搭解戶部並無專指用款擬暫借動此項遇有精槍快礮相機購運此外由鄂省籌指息借應用此項槍礮將來歸何軍用亦難豫定擬俟日後分撥既畢核其係北上邊防奉調他省諸軍所用者方開支宜昌關之款如係湖北自用者卽動鄂省籌捐之款再事平以後新購精械仍可分發各省令其繳價分領洞係爲籌利器濟急需起見請旨遵行請代表奏支

張文襄公全集

卷七十六

電奏四

八

總署來電

光緒二十年九月初十日亥刻到

奉旨戶部遵議張之洞奏請暫借宜昌關稅并籌捐購買槍礮請准照辦已依議行著張之洞迅速設法購辦撥運各軍以供急用欽此

致總署

光緒二十年九月初五日亥刻發

奉旨飭調提督熊鐵生帶五營北上當欽遵令其速行查熊鐵生現督所部各營修田鎮礮臺最爲喫重該提

督全軍驟行過形空虛急須選將募營填割接辦鄂省將領殊少諳習礮臺講求軍火之員查廣東記名總兵廣州協副將李先義崖州協副將吳元愷皆係在粵經手督修大礮臺甚多深練戎機熟習礮法該二員一署北海鎮一署潮州遊擊均未到本任並無要事已與粵督李電商擬調來鄂復電均已允許謹請旨准調李先義吳元愷迅即來鄂差委於營務防務實有裨益請代奏歌

致總署 光緒二十年九月初八日已刻發

奉旨令籌撥熊鐵生余虎恩兩軍槍械余十營熊本五張文襄公全集 卷七十六 電奏四 九

營亦必添數營方能得力鄂省械本少酌量撥給不敷太鉅竊料以後必再有調發經過之軍若待到防再請撥萬萬不妄無械則多營亦無用必須急購萬不可緩鄂省支絀萬分擬請由洞相機隨時訂購暫行借動庫款未敢拘泥貽誤事機請旨敕部一面籌撥的確巨款由部電知鄂省遵辦鄂省四達之區南北適中接濟各路北上之軍甚為活便總之軍械為今日第一要事不能惜費但使有款能購已甚不易若稍延誤悔不可追至鄂省防軍自用之械斷不敢請動解部之款迫切瀆陳不勝惶悚待命之至伏候聖裁訓示請代奏庚

致總署 光緒二十年九月初八日午刻發

鐵字五營奉調北上據熊鐵生稟必須十營方成自立否則與他軍雜湊依附臨戰斷難得力查該提督為湘軍健將必令力足方能展布所請添十營似應准行必可有益且與余虎恩一律鐵營係水陸兼操人數參差現令將五營均足成整營五營先行添募者繼進所需餉由鄂暫墊三箇月以後請部撥的款湘軍遠征應照湘軍營制熊到北防擬請敕歸湘撫吳節制調遣吳撫粵時熊統粵營今又係湘撫屬吳乃熊所願必能盡力且可與余劉魏諸湘軍聯絡請旨遵行請代奏庚

張文襄公全集 卷七十六 電奏四 十

致總署天津李中堂湖北提台吳軍門 光緒二十年九月初九日成

刻發

聞吳提督鳳柱奉旨赴山海關自係關防喫緊查湖南北募調諸軍一時實難趕到現為應急之計擬請旨敕該提督就近募天津勇四營以為所部馬隊之助三日可集本日已匯三箇月餉銀至津并請敕北洋大臣撥給槍械以便迅速馳往請代奏之洞繼洵同肅佳

致總署天津李中堂 光緒二十年九月十五日已刻發

聞倭兵已在旅順後登岸旅順危急此時以保旅順為第一要著無旅順則無船塢我船不能修從此不能海

戰矣有數船能戰則渝關津沽終可無虞旅順礮臺堅而陸兵少添兵已來不及惟有擬請速頒電旨敕旅順諸將竭力戰守優加獎勉激勵如能保旅順水陸各軍不吝封爵之賞該處各營勇丁自本月起月餉比向章加倍並准其酌量添募速解重金犒賞并多解軍火接濟我戰艦計已修好嚴飭海軍以全力夾擊援應或可固守是否可行伏候聖裁請代奏咸一

致總署天津李中堂

光緒二十年九月十五日已刻發

倭事日急我船太少非添船不可水師能戰則關沽無虞旅順可守英德各大國謹守局外無可商購昨令江

張文襄公全集

卷七十六

電奏四

十一

漢關稅司託人與南美洲小國駐美公使密商已接復電巴西有上等水帶甲快船兩艘願售又阿堅廷有次等兵船五艘願售有上等兵船六艘如重價當亦可商購不如擇上等少購兩艘均包送來華然後換旗每艘價須百萬兩以外礮火在內弁兵並可雇募葡萄牙窮窘異常有大鐵甲一艘或亦可購土耳其不守局外有鐵甲多艘可以利餌此款太鉅然權衡緩急欲購戰船惟有借洋款可以速集擬請旨飭出使英美德大臣託人與同駐該國之巴阿葡土各公使密商餌以厚利擇其船身堅固礮火精良者速購數艘即奏借洋款應付

兼募其弁兵投効并請飭赫德一面迅速密辦洋款本非長策惟事急款鉅舍此難籌請敕王大臣暨北洋大臣速議如意見僉同事可立斷早成一日早受一日之益伏候聖裁請代奏咸二

李中堂來電

光緒二十年九月十六日酉刻到

咸兩電能見其大公若入贊樞廷事必有濟智利有快船七艘願售包送內有四隻精堅極速奉旨飭與議價但價必昂前有一隻允給四十五萬磅未購是已需三百餘萬兩矣凡鐵快船上等總須四五十萬磅僅百餘萬似未盡之鴻已電請借洋債添船翁

張文襄公全集

卷七十六

電奏四

十一

謂上不為然未知確否現擬令二赤借千萬矣倭兵向未在旅順後登岸謠言太多不可不防海軍趕修只六船能出巡斷難大戰寒儉可愧鴻諫

致總署

光緒二十年九月二十日巳刻發

山海關喫重現有兵力過單惟鐵字營新添之五營回湘招募到鄂尙早余虎恩振字營新募尤遲到防均約須三箇月竊思洞在鄂設有礮隊營係在各營原勇抽出操練擬將此項礮隊添以新購車礮湊成四營即就鄂省防營中每營各撥勇丁二三百名不敷者加以新募添足旬日即可成軍一面配足槍械十餘日即可啟

行委副將吳元愷統帶名爲愷字營派令赴山海關協防如此辦法成軍北上較速惟日久餉艱昨與湘撫吳電商鄂省籌墊發給三箇月餉以後餉即歸吳撫處領給歸吳調遣吳覆電甚願照辦謹電達請旨如蒙俞允即當趕速派撥北上其鄂省防營仍當照數募補請代奏

致總署 光緒二十年九月二十五日寅刻發

購船最爲急務十五日曾經電奏茲飭江漢關穆和德查得巴西國有帶甲快船二艘可買一係商船改造上年造成載重五千噸艙面鋼板馬力四千匹速率廿二

張文襄公全集 卷七十六 電奏四

十三

海里裝煤三千三百噸有十五寸炸藥礮一尊十二生一尊十生二尊小礮十七尊魚雷管四隨帶魚雷艇二隻三生七機器礮二尊船身長三百八十英尺寬三十英尺呎水二十四英尺一係四年前造快船艙面鋼板馬力二千八百匹速率十八海里載煤六百五十噸有十二生礮二尊七生六礮二尊小礮十二尊魚雷管五船身長二百六十英尺寬三十四英尺呎水十九英尺兩船配件齊全俱有電燈經該稅司託人轉請美國水師官二人查考稱係好船兩船連雷艇及備用子彈甚多共價美國洋銀一百八十五萬六千元美洋每元

約合銀一兩似尙不貴此船礮不甚大而炸藥礮係新式力最猛可敵大礮此船催索復信甚急據云倭人亦擬購不知確否請旨飭使美楊大臣或令赫德迅速設法確加查驗是否合用如可用即與定議至此兩船應購與否伏候聖裁訓示請代奏有一

致總署 光緒二十年九月二十五日辰刻發

從前各省所購之械單響多快槍少倭械甚精非快槍快礮不能制勝現查禮和洋行有現成奧國新造小口徑五連珠快槍二萬枝每槍無煙藥彈一千德國新造小口徑五連珠快槍五千枝每槍無煙藥彈一千包運

張文襄公全集 卷七十六 電奏四

十四

上海竊思此等大批精槍機不可失需款雖鉅有此一批可濟各軍有餘矣謹請朝廷裁度如以爲可望速籌款定購飭上海道與之議價訂立合同并電奧德出使大臣到廠驗貨此項槍彈經鄂省委員在滬面議先付定銀三分之一餘俟貨到再付或墊一年給息五釐亦可近數日接該行電屢有更改云須先付半價起運時付清此由軍火日貴之故且係外省買故須現銀若奏旨定購總署飭上海道經理其墊款緩價決其必可允許即或不墊亦必允貨到再付一半此起槍最精最多其包運又最穩墊款尤善此單到鄂已十餘日此時即

或間有售去者所存必尙不少竊謂速定爲宜軍火市
情日變恐稍遲則數必分散不全矣請代奏請旨遵行
定購與否并祈飭洞知之以免兩歧有二

總署來電 光緒二十年九月二十七日戌刻到

本日奉旨張之洞電購買快槍請旨辦理等語卽著
該督詢明共值若干再議定購并定議後何時可以
運送到華卽電覆欽此

致總署 光緒二十年九月二十七日巳刻發

余虎恩十營現有兩營到餘三營陸續到前奉電旨令
湖北籌撥餉械自應欽遵惟鄂省供給北上諸軍已多

張文襄公全集

卷七十六

電奏四

五

合計本省派往之吳提督鳳字營及鐵字營愷字營馬
步共二十一營加以湘省經過之魏軍劉軍由鄂籌墊
已三十餘萬兩再加定購各路軍火庫款如洗已向票
號暫借銀十數萬約期歸還萬難再借此時籌無可籌
借無可借焦灼萬分現與湘撫吳商余虎恩本係湘營
應由南北兩省分任湖南籌餉湖北籌械現只須銀六
萬其十營卽可北行擬請旨敕湖南王護撫無論何款
速籌銀六萬兩卽日解鄂以應急需湖北軍械已搜羅
一空現將各營收回者及向廣東江南借撥者儘力應
付餘俟外洋購到撥給謹電奏請旨遵行不勝惶悚迫

切之至請代奏之洞繼洵同肅感

致總署 光緒二十年十月初四日巳刻發

購買快槍一事前奉廿七日電旨當卽電囑上海道劉
麒祥就近詢明實價運期茲據覆稱禮和洋行奧槍二
萬已售去一萬二千枝現存八千枝尙不知外洋已賣
否每桿配彈千顆約價七十兩現瑞生洋行有比國連
珠小口毛瑟一萬枝配無煙彈一千萬限六十天到滬
槍價二十兩彈每千價四十七兩共價六十七萬兩須
畫押交半自比開船亦半如有一切險及無貨交皆退
價合同內均定明須從速定可就便輪槍可託龔欽使

張文襄公全集

卷七十六

電奏四

六

驗看又有奧槍萬桿價與比槍同惟無現彈可配等語
查軍火市情日變禮和大批既已售散瑞生奧槍無彈
可配可置勿議惟瑞生比國槍萬枝亦是大批連珠小
口快槍與德奧槍同既保一切險到華又速既運到滬
以後總易設法可否請敕部籌撥的款先飭上海道就
近速與瑞生洋行議定此一萬枝以赴事機而制強敵
並請總署電飭劉道麒祥一面定購一面與商如能將
後半價銀存銀行俟貨到再付清尤善謹候聖裁請代
奏支

致總署 光緒二十年十月初五日午刻發

電旨恭悉前奉旨陸見當即趕緊部署因北上諸軍本省及過境四十餘營需餉需械需輪無一不難尤苦無餉督同司道百計羅掘零星籌措始陸續開行尙未全開事繁款急兼須料理鐵廠槍礮廠諸務自九月初患瘡不能少坐日夜作字飲食皆須站立近日瘡稍愈而濕氣下注右足筋絡痛楚不能行立幸精神如常於籌辦各事無礙力疾趕辦晝夜不息僚屬共見現諸務粗有端緒定初八日起程由清江陸行北上其不能速行之故由於諸事趕辦為難亦非因病無論病體如何初八日必行請代奏歌

張文襄公全集

卷七十六

電奏四

七

總署來電

光緒二十一年十月初四日亥刻到

奉旨前諭張之洞來京陸見日久未接覆電著即迅速啟程北上毋稍延緩欽此紙

致總署

光緒二十一年十月初五日亥刻發

本日電旨恭悉洞既奉旨署理兩江迅赴署任毋庸來京謹當欽遵擬仍於初八日啟行赴江甯俾江督劉得早日北上請代奏歌一

總署來電

光緒二十一年十月初五日戌刻到

本日奉旨劉坤一著即來京陸見兩江總督著張之洞署理迅赴署任毋庸來京欽此歌

致總署

光緒二十一年十月初五日亥刻發

近日所謂湘軍皆不能速一由新募一由隔湖拖渡甚艱時局日急宜早籌備調之事且湘鄂老營調出已多伏莽可慮已咨湖南提督婁雲慶移駐岳州鎮懾岳為南北兩省咽喉距湘鄂均近該提督忠勇樸誠擬令精選健將速募六營即駐岳州上緊訓練備用岳在洞庭湖之北萬一再有徵調到鄂甚便惟兩湖此時別無宿將婁斷不可離且志氣雖壯精力畧遜壯年該軍如須北上可令該提督另選統將率之此舉既為預備北地急用且可防維長江上游但宜寬以時日稍加訓練至

張文襄公全集

卷七十六

電奏四

六

餉需如何籌撥應請旨敕湖南護撫籌酌能於部章捐借項下籌措最善不敷者由部撥一款伏候聖裁請代奏歌二

致總署

光緒二十一年十月初七日戌刻發

初五日奉電旨當即電飭上海道劉麒祥欽遵辦理旋接該道復電瑞生比國槍已售去五千祇存五千彈五百萬惟該行接洋電有奧國五子連珠曼理夏槍二萬枝無煙彈祇五百萬價同比槍從訂購之日起限七十天到滬等語當又電飭該道即定比奧槍各五千枝彈各五百萬合成槍一萬彈千萬之數務准七十天全行

到滬頃據覆稱蒙奏派職道定購槍件現與瑞生訂初九畫押應交規銀三十三萬五千兩求電戶部指撥另地亞士行有德國連珠槍五千桿彈五百萬價與瑞生同應否併購求示遵等語因德國亦係小口徑連珠快槍彈亦係無煙已飭該道將地亞士行之德槍五千彈五百萬一併定購既據稱價與瑞生槍同該價當是二十三萬五千兩合瑞生槍萬枝共槍萬五千枝彈千五百萬共價一百萬零五千兩畫押之日即應付定銀一半計五十萬零二千五百兩謹請飭部速如數撥交該道俾得付定以免他售請代奏陽

張文襄公全集

卷七十六

電奏四

五

致總署

光緒二十年十月十一日午刻發

旅順設有疏虞則山海關可危北上諸軍無論如何催趨到防總須在十一月初旬實因車馬缺極軍火難運並非遲延無械則兵到亦無益查山海關礮臺間止有十五生礮二不能擊大船而關內關外一片平衍百餘里處處可以登岸惟有掘長濠用車礮兩法可以急防舢板登岸之陸兵擬請旨速飭已到諸軍於海濱可登岸處沿海掘濠三道外濠引海水注之內兩濠伏兵用槍伺擊外濠低內濠高即以濠土堆作短牆可以藏兵掘濠築壘一事無論兵勇強弱皆能為之并可多雇民

夫助之晝夜趕辦數日可成再海岸必須有車礮方可隨敵攻擊敵東則東敵西則西北洋車礮素多洞前在粵購車礮一百八尊光緒十一年奏撥畿輔防軍之用又光緒十五年奏購瓊廉海防大車礮數十尊亦經現任粵督李解歸北洋即此兩項已不少請敕北洋大臣速撥礮隊赴山海關內外一帶嚴防或即將車礮撥與湘撫吳配用沿海現有鐵路如關緩而內地急仍可移用詢考洋弁及老練將領惟有此兩策可以應急冒味上陳伏候聖裁速賜施行洞十一日到江甯請代奏真

張文襄公全集

卷七十六

電奏四

三

致總署

光緒二十年十月十一日申刻發

南洋海防緊要備兵籌餉實關大局需才甚急求才甚艱查前任雷瓊道朱采乞病在湖州原籍聞病已愈精力甚健才守堅卓切實可信候選道黃遵憲現充新嘉坡總領事該員才識閱遠熟悉日本情形領事無甚要事仰懇聖恩將一員飭調赴速江南交洞差委必於時局大有裨益并請電敕出使英國大臣電知黃遵憲將總領事關防暫交委員代辦即日迅速回華五六日可到粵一面由臣電知該道速行江南防營北上已多廣東總兵李先義前已奉旨調赴湖北交洞差委洞今

來江擬即令該鎮就近在粵募勇五六營來江設法
上緊訓練以資扼守與洋人戰粵勇較勝並請敕粵督
暫借餉項請旨遵行請代奏真二

致總署 光緒二十年十月十一日亥刻發

江漢關稅務司穆和德老成歷練素習兵事著有成書
洞曾閱過深懷忠悃情殷報効數月來於大局及鄂省
防務屢向洞籌畫陳言臨行時自言若將該洋員調充
鎮江稅司當盡其心力助洞練兵數營等語察其詞意
出於至誠查稅司薪俸各關大略相同鎮江並不優於
漢口且局面以漢口為勝似可允許請旨敕總署飭總

張文襄公全集 卷七十六 電奏四

三

稅務司赫德將穆和德迅即電調鎮江刻日東下以資
臂助實於防務有益請代奏真三

總署來電 光緒二十年十月十三日酉刻到

本日奉旨張之洞電奏調員差委等語朱采黃遵憲
均著准其調用其新加坡總領事即著該督電知龔
照瑗改派所請李先義在粵募勇五六營赴江應需
餉項著電商李瀚章借撥又請調江漢關稅務司穆
和德已飭總理衙門傳知赫德辦理矣欽此元

致總署 光緒二十年十月十一日亥刻發

長江緊要提督係瓜州鎮總兵謝濬畚兼署該員資望

未深兼署日久不甚相宜與諸鎮相處諸多不便查提
督彭楚漢為現在水師宿將之冠戰功久著老成幹練
衆望所歸聞該提督現已到京仰懇天恩可否即令彭
楚漢署理長江提督該提督亦能統帶陸師并可臨時
酌量情形令其督率江陰等處礮臺陸營實於長江全
局有益如蒙俞允請飭速來江南洞與本任江督劉相
商意見相同是否有當伏候聖裁訓示請代奏真四

總署來電 光緒二十年十月十四日亥刻到

本日奉旨張之洞電悉本日已降旨令彭楚漢署理
長江水師提督矣欽此鹽

張文襄公全集 卷七十六 電奏四

三

致總署 光緒二十年十月十五日午刻發

奉初十日電旨飭調陳軍及兵輪當與各將領籌商僉
稱徐州關繫四省伏莽素多陳鳳樓望深地熟此一軍
萬不可調動眾口一詞洞詳加籌度與該鎮電商該鎮
共統馬三營步兩營步營勇夫近年亦有裁減調發需
時現今其派一得力將官統馬隊三營即日馳赴天津
候旨派撥馬隊赴機較速留該鎮在徐州令其照數另
募填防訓練徐防亦可無慮至南洋四輪皆係木殼管
帶既非出色礮手又甚生疎現在正擬設法整頓若出
海攻戰萬難得力徒然委之於敵有損無益洞與北洋

電商北洋亦深知其無用以後南洋各輪必須急加操練方可爲防江守口之用總之兵輪非洋將教之粵將率之斷難得力現正電商北洋酌派洋弁一面設法訪覓極力整頓請代奏咸

總署來電 光緒二十年十月初十日酉刻到

本日奉旨劉坤一奏陳鳳樓一軍難以抽調等語現在京畿防務緊要必須先其所急陳鳳樓一軍著張之洞仍飭令迅速北上徐屬需兵巡緝著該署督另籌調撥近日倭氛逼近旅順北洋戰艦不敷若得南洋四艘前來助勦較爲得力著張之洞酌量情形迅速覆奏欽此

張文襄公全集

卷七十六

電奏四

三

速覆奏欽此

又 光緒二十年十月十六日戌刻到

奉旨張之洞電悉陳鳳樓既須留防徐州卽著毋庸來京其馬隊亦不必另行調撥餘依議欽此

致總署

光緒二十年十月十八日亥刻發

江南名爲財賦之區而江海兼防添營購械修理礮臺整頓兵輪需款浩繁北上數十營每月驟增餉十餘萬洞到任後切加綜核進款日絀急款無措地方捐款尙無眉目焦急萬狀當與運司江人鏡籌商惟有鹽務尙可籌款據該司面稟稱若能仿照光緒十七年籌捐部

餉百萬成案辦法向鹽商助捐照海防例給獎一年之內必可捐足百萬專備江南海防之用等語查既有光緒十七年成案可循所言捐數自屬可信詢考僚屬其勸捐之法款多而商不病此外實難籌此鉅款仰懇聖恩俯准照辦如蒙俞允奉到電旨後卽飭該運司趕速勸辦以濟眉急防務幸甚餉源幸甚請代奏

致總署 光緒二十年十月十九日寅刻發

據探員稱聞英水提言本月十八九日倭兵船遣人至樂亭昌黎一帶測量水道等語寇勢狂悍若窺樂亭已在山海關以內擬請旨飭各防軍於此等處加意嚴防

張文襄公全集

卷七十六

電奏四

三

派營督率民夫趕緊開掘重濠濠內多置絆礙之物或可稍助戰守外洋守礮臺守營壘打行仗皆以掘濠爲先務中國弁勇懶惰每大言不必掘濠此乃飾詞不足信伏懇朝廷切飭方能認真舉辦請代奏效此電並呈督辦軍務處

致總署 光緒二十年十月二十一日未刻發

江陰爲長江第一門戶查該處礮臺大礮皆係前膛舊式其後膛者皆係中等以下斷難攻擊敵船江督劉各處添臺添後膛礮不少此處因原有前膛大礮頗多正擬添購後膛而兵事已起此處設有疏虞關係大局此

時大礮萬萬無從購買訪知福建有前閩督卞購到後膛二十八生四十倍口徑新式長礮二尊礮力極大而極遠為中國各省礮臺所無實為今日至寶本係四尊其二尊已安長門礮臺此二尊原擬安廈門礮臺因礮到閩省起卸後已有海禁不能連往其廈門礮臺並未造成此礮現放船政門外竊思江陰關繫長江數省全局廈門僅此一隅倭未必到即到亦尙無關大利害江陰重廈門輕相去懸絕盡人皆知自在朝廷照鑒之中仰懇聖恩俯念長江全局電旨密飭閩督譚將此礮借與江南應用如蒙俞允洞當設法以重價雇洋船密運一面將臺上地位備妥礮到即行安置以後江南當一面照式定購還閩尤望飭閩督千萬秘密勿稍洩洩此出於萬不得已且閩省現在未用不勝迫切待命之至請代奏馬

致總署 光緒二十年十月二十四日亥刻發

江南防務喫緊需員委用查有廣東在籍前海壇鎮總兵吳奇勳湖北記名總兵俞厚安廣東候補道王秉恩山東候補直隸州徐廣陸廣東副將林保遊擊丁志德陳榮坤都司莫善積守備黃補文廣西遊擊黃守忠均擬調來江南差委均與湖北廣東廣西督撫電商妥協

張文襄公全集

卷七十六

電奏四

五

仰懇聖恩俯准飭俞厚安等十員迅來江南交臣差委俾資臂助實於防務有益請代奏敬

總署來電 光緒二十年十月二十六日亥刻到

本日奉旨張之洞電奏江南防務喫緊需員委用所有廣東在籍前海壇鎮總兵吳奇勳湖北記名總兵俞厚安廣東候補道王秉恩山東候補直隸州徐廣陸廣東副將林保遊擊丁志德陳榮坤都司莫善積守備黃輔文廣西遊擊黃守忠等十員均著准其調赴江南差委即由張之洞電知兩廣湖北山東各督撫分飭各員遵照欽此宥

張文襄公全集

卷七十六

電奏四

五

致總署 光緒二十年十月二十四日亥刻發

吳淞江口與揚子江口均極關緊要上海製造局在租界外倭不允作為局外該局為南數省軍火命脈所關南洋有警必先攻此處南匯川沙寶山一帶海濱延袤百數十里小船皆可登岸不必由吳淞口即可擾製造局此前明倭寇上岸熟路且沿海財賦之區亦宜保衛吳淞口及獅子林兩處向有礮臺惟該處防營太少地闊兵單難資防禦查雲南提督馮子材七月內曾奉旨飭令北上洞深知其忠勇性成精力甚健屢與詢商近接電稱精力未衰尙堪策馬督戰等語忠壯義憤溢於

言表其銳意滅寇所志尤爲遠大仰懇聖恩敕馮子材募舊部粵勇十營速來江南辦理吳淞沿海等處防務洞前已奏明令總兵李先義募粵勇六營現擬令奏調之副將林保等續募六營到後均歸馮提督節制此軍專爲吳淞寶山川沙南匯一帶沿海遊擊之師阻其陸兵登岸兼可督飭吳淞獅林兩處礮臺將士認真扼守兼顧海濱江口粵勇素性强悍若能依西法練熟此一軍屯駐上海將來用處甚多待我之戰艦漸多以洋將率粵勇大出奇東渡雖不敢謂必能辦到然亦宜備此一著請代奏敬

張文襄公全集

卷七十六

電奏四

三

致總署

光緒二十年十一月初六日辰刻發

初五日欽奉寄諭湖北煉鐵織布各局均令洞一手經理督飭前派各員妥辦自當欽遵惟諭旨內未言及槍礮廠事查槍礮廠地基廠屋即包在鐵廠之內本係一事礙難劃分總辦道員蔡錫勇及緊要委員並繙譯機器匠首之類皆係兩廠兼管即總管之洋匠白乃富亦係兩廠通籌工作則互相聯費用款則互相出入且槍礮廠有奏定常年經費約三十五六萬兩鐵廠目前專恃此款爲挹注勉強支持騰挪若將槍礮廠劃出不歸鐵廠則款項早罄目前煉鐵廠即須停工既無鋼鐵則

槍礮廠亦無從開造現在趕催廠屋以便迅速開造各械俾應要需似斷無停緩之理查從前屢次奏案俱經陳明鐵廠槍礮廠織布局三局合爲一事互相協助仰懇天恩仍准查照原案將槍礮廠仍併歸鐵政局華洋各員一手經理庶於諸事有益洞當竭力統籌督飭局員妥速辦理以竟全功伏祈聖裁訓示請代奏語

致總署

光緒二十年十一月十四日辰刻發

張文襄公全集

卷七十六

電奏四

三

茲有外洋運到北洋頭批軍火內有毛瑟一萬枝快槍三百枝乃洞在鄂時訂購奏明供前敵之用現在南洋與緊已奉電旨嚴防日來屢有欲擾長江警信是江南現爲前敵此間向有各營精槍本少局造之械全數搜羅以給北上諸軍且有向各營收回者前督劉新添十營尙無軍械因緊要防所太多原營太少洞又添湘軍十數營及奏募粵軍二十二營皆無械可領恐不久即有戰事徒手何以禦敵江南財賦之區關係甚鉅查此次許使所購之槍本爲前敵其款係出使經費並非北洋自籌北洋現已封河仰懇天恩准留此槍五千枝快槍三百枝於南洋以應急需如蒙恩准將此項槍一萬三百枝全數暫行留於江南尤於南洋全局有益以後洞訂購者尙多到後必當補運北路此一批北洋軍火

甚多且有南洋購馬梯尼五千已飭解赴北路並聞請代奏鹽

總署來電 光緒二十年十一月十五日亥刻到

奉旨張之洞電奏請將外洋運到槍枝留於南洋等語現在倭寇又陷復州意圖北竄前敵兵力尙單添調各軍專待此項洋槍解到方能進發該督反以江南爲前敵輒請截留應用實屬不顧大局著傳旨申飭卽著該督催令迅速運解來京倘有延誤惟張之洞是問欽此刪

致總署 光緒二十年十一月十八日辰刻發

張文襄公全集 卷七十六 電奏四 五

十五十七兩日電旨恭悉曷勝惶悚且聞河冰未封倭寇北竄不勝髮指已轉電漕督常鎮道面告淮揚道飭縣欽遵多備船車迅速運此批軍火洞因慮在滬日久有失疊次急電滬局多雇商輪派兵輪趕運或裝或拖并電北洋轉催十七日始到鎮江現已飭加雇船車不惜重價沿途添派員弁照料催趨惟件數繁重已極到清江日期容卽查詢此事現有糧臺胡臬司燭棻委員暨北洋轉運局經理不患其不上緊趕運惟在船車應手數月來兵差甚多車輛極缺皆在鄰省河南雇來近日益難惟有再向較遠州縣村莊加價雇覓奉旨詢此次

各件實數但知有洞在鄂奏由許使訂購之毛瑟一萬枝快槍三百枝并彈現已令全解北洋又南洋所購令并解赴北路馬梯尼五千七百枝其餘皆北洋所購共約萬餘箱不能詳知爲何物應請飭詢北洋再旬日來消息甚繁倭屢有卽擾長江之信已飭嚴備前電恐涉張皇致塵聖慮未敢上陳南洋原購馬梯尼一萬零四百枝馬槍一千枝前江督劉臨行時與洞議定南北各半前督劉批發李占椿五營一千萬本華五營一千楊文彪五營一千洞批發朱洪章五營一千蘇撫告急電撥五百崇明海外尤緊新募許發五百此各營皆原無

張文襄公全集 卷七十六 電奏四 三

一槍者留半之槍大略已罄此外新添各營尙多或已到或未到皆無械可領只可俟續到再發此次並未敢截留應解北路之槍合併陳明請代奏

致總署 光緒二十年十一月十八日辰刻發

近日洋報洋商各領事皆云倭第三隊兵船日內將擾南洋或由川沙登岸擾製造局或由崇明以北路入長江或踞崇明爲巢穴英水師八艦已入吳淞其兵登岸護商消息極緊風鶴日聞看此情形恐不久卽有戰事已飭各營各臺嚴備惟洞到任止一月籌辦諸務晝夜不遑兵募而未到餉籌而未收械訂而未運大礮無從

購覓礮臺倉卒難改木質兵輪本難得力水師之將尤難急求蘇撫漕督上海道淮運司各鎮將州縣紛請撥營撥械實無以應之新募之營甫成未練甯滬兩局軍械盡給北上諸軍洋購者自造者均搜羅無遺江南地段太廣沿海沿江處處精華防不勝防自應嚴扼江口而江面太寬崇明以南吳淞礮臺係舊式不合法崇明以北入江之路向未設防江陰皆係前膛老礮江陰以外如川沙南匯一帶關繫滬局防營未備崇明孤懸海外倭若踞之扼長江之喉最爲危險倉卒斷無良策南岸泔浦一帶爲入蘇門戶北洋通州一帶爲裏下河門

張文襄公全集

卷七十六

電奏四

三

戶皆無礮臺防營崇明兩營而已現惟力籌築土臺攔江路募土勇用洋弁諸法如戰事在月餘後庶可趕辦地廣餉缺期迫種種棘手惟有督飭將吏竭力籌維相機備禦請代奏嘯二

致總署

光緒二十年十一月十九日卯刻發

新械事十八日夜間已由電覆奏因十八日始接鎮江電知十七日全到鎮始敢覆奏又須查核實數本日酉刻又電奏詢明白鎮抵清江日期計均已上達頃奉本日電旨懍悉一切竊惟軍火一事洞向視爲最急之務在鄂尙屢電奏請急購械豈有械已運到反不速運况

疊奉嚴旨何敢玩視此次新械係北洋所包之洋船洞聞到滬信卽屢電催速運鎮該洋行先云原船運鎮繼云在滬換船剝運又云須俟北洋電後又聞招商局欲在滬起卸驗收再運鎮止用一船往返遞運其時已有倭窺長江之信洞聞之焦急萬狀恐爲倭阻屢次嚴電加雇商輪復派兵輪幫運並云如再延誤卽奏參仍恐洞處呼應不靈復發急電與北洋及盛宣懷轉爲嚴催此十二三四日事也於是數船或運或拖陸續入江十八日接常鎮道電知十七日幸已平安抵鎮始敢覆奏又須遵旨查核實數十八日連夜電奏電文較長比發

張文襄公全集

卷七十六

電奏四

三

出已十九日黎明矣至嚴飭加雇車船派員趨運嘯電已陳明總之此械係北洋包船聞所值一二百萬一聞到滬信北洋卽委員至鎮坐待點收發運洋行承運費本甚鉅招商局係北洋主持兵事方急北洋大臣及駐鎮北洋委員及前江督劉委員及招商局及洋行人人皆利害切身焦急困憊晝夜趕辦斷不慮其遲延無如笨重過甚件數叢雜剝運起卸點收又裝入民船層層周折實爲艱困現所急惟在船事洞已遵旨疊電漕督并嚴飭常鎮淮揚道縣加雇催運重費不惜前數日卽有倭於十四日內擾南洋之信防務緊迫省外文文武

電紛集洞晝夜力疾經營并無喘息之暇惟有竭力催運以冀早濟軍實稍慰宸廬再鎮江點收發運係道員李經湖錢奎元清江轉運局係道員吳世榮徐州接運係道員朱福春皆北洋所委合并上陳請代奏效

致總署 光緒二十年十一月十九日辰刻發

前奏電旨飭郭寶昌迅帶所部卓勝營勇全行北上據該鎮面稱該鎮本係乞養人員已將十年老母年已九旬冬令發病輒劇未敢遠離卓勝營勇僅一千二百人分防皖北七州縣驟調空虛防所地方必留卽此千二百人於事亦無濟且卓勝營部將弁如王鳳鳴邵升堂

張文襄公全集 卷七十六 電奏四

三

李華文劉思忠均爲程提督文炳調去宋朝儒又自帶軍北上其營弁皆卓勝舊人近日有營官王四又爲程調去此外別無舊部無得力營官則無可驅策如從緩物色將才則不濟急如不論何營一概抽調則烏合徒糜帑金與其敷衍貽誤何若先事陳明請代奏准回籍養親等語復據具稟詞意相同旋即回里洞意總欲勸行恐覆奏後或有窒礙多方令人詢勸其意如前謹據情覆奏伏候聖裁請代奏效

致總署 光緒二十年十一月二十一日午刻發

南洋防務洋務需員孔亟擬請調湖北差委之記名提

督劉鶴齡張仲春湖南候補道陳允頤廣西候補道馮相榮來江以資臂助相應請旨飭調該員等迅來江南交洞差委實於防務洋務有裨請代奏馬

致總署 光緒二十年十一月二十一日未刻發

彭提督楚漢已到商定募陸勇十一營防江陰彭請調長江漢陽鎮高光効長江田鎮營副將許雲發爲分統卽令高與長江瓜州鎮謝溶畬互相調署許與長江江陰營副將李全彪互相調署因江陰卽係瓜州鎮所轄江陰又恰有長江水師江陰營如以高許調署卽水陸聯爲一氣洞與護湖督譚電商譚謂所籌極爲周妥謹

張文襄公全集 卷七十六 電奏四

三

合詞電奏請旨遵行請代奏之洞繼詢同肅馬

總署來電 光緒二十年十一月二十二日亥刻到

奉旨張之洞等電奏已悉著照所請准其以漢陽鎮總兵高光効與瓜州鎮總兵謝溶畬田鎮營副將許雲發與江陰副將李全彪互相調署湖北差委之記名提督劉鶴齡張仲春湖南候補道陳允頤廣西候補道馮相榮并准張之洞調赴江南差遣委用欽此

致總署 光緒二十年十一月二十三日戌刻自吳

近日時有倭寇窺長江之謠洞於廿一日出省查閱沿

江海口礮臺布置營伍現到吳淞口約廿五六回省請
代奏漾

致總署 光緒二十年十二月初五日未刻發

奉旨調李占椿楊文彪萬本華十五營陳鳳樓馬隊三
營清淮馬隊兩三營赴山海關當即欽遵分飭速行查
李萬兩軍現在江陰已即日往調請代奏歌

致總署 光緒二十年十二月十一日申刻發

昨奉旨照劉大臣所請調江南省馬步二十一營北上
當已欽遵分飭速行惟江南防務情形不敢不據實陳
明長江爲東南門戶扼要在江陰鎮江兩處川沙至金

張文襄公全集

卷七十六

電奏四

三

山與乍浦接界又爲蘇松沿海門戶爲上海製造局藩
籬若寇擾長江無論財賦之區餉源所繫且外洋軍火
均須入江由江陰鎮江運至清江此外再無他路以後
正盼陸續運到接濟江陰鎮江若爲寇擾從此中國軍
火直無接濟之法戰一日少一日南北諸軍從此束手
豈不可危是江陰鎮江等處非特關繫東南大局實關
繫關內關外前敵諸軍東征之大局也而海口沿江各
礮臺洞帶同洋弁及出洋學習礮臺之員逐一查閱種
種舛謬一地勢低窪失勢受敵一不占山頭敵襲後路
踞高下擊全軍必潰一藥彈房淺露全無庇護中敵一

礮立燬一礮有鐵路本係可擊數面作門束之或前作
土牆遮之不能旋轉多擊一臺外土薄不能禦礮一多

礮密排一處敵擊傷一臺而眾礮廢一兩礮之間相距
較疏者亦不設隔堆一礮口之前有平臺與礮平廣數
丈長數十丈專接敵人礮彈發無不中一後靠山巖敵
彈炸石全落臺中一各臺外多無濠一臺上多修房屋
引火招敵江陰礮臺止有舊前膛大礮四尊造臺尤不
合法洋弁人人非議急圖補救總須得人該臺統領總
兵張景春駐臺二十年既不請添好礮舊臺舛謬又不
稟請修改布置妥善臨事守臺斷不可恃止可移作他

張文襄公全集

卷七十六

電奏四

三

用游擊楊文彪曾在鎮南關征戰尙知礮臺作法正擬
派該遊擊前往接管江陰礮臺趕緊酌量修改並先已
飭會同鎮江守將修改鎮江各礮臺而劉大臣遽將楊
文彪五營調去查外開軍營習氣若非將領自能通曉
自願如何布置雖有洋弁指授他人代謀斷不虛心聽
從即勉強照辦亦必不能切實周到目前江南各將領
實無講求礮臺之人關繫重大實深焦灼查近接上海
道劉麒祥電稟劉大臣電致該道又欲將駐防川沙之
副將張桂林五營調赴錦州此事並未奉旨劉亦並未
電知洞處該將未便照辦竊思楊文彪既通曉礮臺於

江南實為切用張桂林既經劉大臣擬調自必以為得力楊張均係湘軍在劉視之當無區別擬請即派張桂林五營北上而留楊文彪五營在江陰管理礮臺一轉移間則此次所調仍是二十一營並無短少而於江南有益是否有當請旨遵行再總兵丁槐營勇前日甫全到鎮江已派輪送赴揚州該軍亦係五營丁槐亦能通曉礮臺作法如劉大臣不願留楊文彪在江南或即令丁槐五營留江南令管江陰礮臺揚州內河舟行不能速發電調回甚易但丁槐於地營尤熟似仍以北上為尤宜總之於此次所調二十一營之數仍無出入究應

張文襄公集

卷七十六

電奏四

七

如何辦理仰候聖裁訓示洞新募各軍遠在湘粵到防尙早此次奉調多營通省防營除礮臺外寥寥無幾蘇撫上海道江陰徐州地方官及省城各司道將領紛紛電商面商僉擬量為請留請緩擬俟新軍漸到再行洞以奉旨未便請留覆之茲謹擬一轉移兼顧之法實為南北兼籌以顧前敵諸軍餉械來源起見請代奏真

致總署

光緒二十年十二月十六日未刻發

據江南提督譚碧理咨轉據署蘇松鎮本任九江鎮總兵朱淮森文稱現因傷病請假回省調理等語查蘇松鎮缺向係駐劄崇明孤懸海外關繫緊要朱淮森

如果有病早應請假如自揣才力不及夏秋閒亦可早為陳明乃洞到任時該鎮來見尙無疾病因近日南洋防務消息日緊或傳有倭將據崇明之說正在設法布置該鎮遠於此時請假實屬迹近規避若皆紛紛效尤何以激勵將士但該鎮既係意存避敵毫無志氣留在該處亦必無益相應請旨將朱淮森以副將降補以為前敵規避者戒若論軍律本應請予罷黜因念該員係多年老將姑予從輕且因循例摺奏稍遲是以電奏冀早奉諭旨可資激勵合併聲明請代奏諫

總署來電

光緒二十年十二月十八日丑刻到

張文襄公集

卷七十六

電奏四

七

奉旨現在防勦各軍需用槍礮甚繁盡向外洋購運深恐緩不濟急湖北創設槍礮廠有年前降旨仍歸張之洞一手經理并令督飭速辦刻下籌辦情形若何能否及時擴充設法製造以便分撥應用即著張之洞迅籌復奏該督電奏朱淮森規避等情本日已明降諭旨將該員以副將降補矣欽此

致總署

光緒二十年十二月十八日卯刻發

江南奉調北上諸軍共五十餘營皆江南供餉本省前後節次新募共六十餘營北軍新增各費出於餉章之外者甚多轉運費亦鉅本省防軍向係十關餉今因戒

嚴俱發足餉礮臺礮手又酌加至購辦軍械勦須巨款計北軍每月約需二十餘萬本省每月約需二十餘萬合計月需五十萬江甯屬捐借毫無眉目蘇州屬借款尙有捐款甚難目前防務喫緊不敢惜費誤事捐借各法必須緩辦此時先須固結民心若涉急擾亦非所宜司道各局焦急艱難僉謂一時實難籌巨款惟有暫借洋款一法方能應急臺灣唐署撫復多次函電切懇代借極爲迫切惟洋款七八月間甚易數月來北路軍事日急洋款頓起刁難一須論鎊一須多借總須數在一百五十萬鎊以外一利息須七釐以上至八釐一須給

張文襄公全集

卷七十六

電奏四

五

行用或扣五釐或扣九釐且多不願借據上海道劉麒祥臺灣轉運臬司聶緝渠疊次面稟電稟均大率相同現飭委員與洋行籌議得一辦法德國伏爾鏗船廠克虜伯礮廠均係極大富商中國購船礮向係該兩廠若我肯用巨款購該兩廠船礮兩廠即可代借彼亦知中國款紬願墊款代辦船礮給息六釐勻分二十年還清假如我肯訂銀六百萬兩之船礮兩廠即可代借銀六百萬兩再多亦可利息亦六釐亦均分二十年還就提銀之日分別起利逐年利隨本減但均須論磅計船礮墊款現銀借款兩項共約合一百七十萬鎊以內行用

借款扣五釐亦分二十年攤交並不現扣購船礮款無行用船礮允於一年內造成其中船礮較小者只數月竊思此法於中國尙無所損蓋南洋必須練外海水師一枝專用新式快船快礮此事雖十分支絀亦須籌辦萬無游移然現款難籌該兩廠既肯墊辦又代借款專就船礮款核計每年止還數十萬但六百萬金之船尙不能成一枝不敷尙多以後籌定續添若干皆可令其墊辦若軍餉所用不至六百萬有餘者卽全撥爲添購船礮之用毫無虛糜至借款之數江南擬借四百萬兩臺灣擬借二百萬兩俟鎊價核明再商辦臺灣之款唐

張文襄公全集

卷七十六

電奏四

五

署撫電稱臺借臺還願立案據但以臺灣孤危洋行不肯借故託江南代辦附借等語江南之款半爲奉調北軍用半爲本省用且長江關繫數省門戶江南借款似宜由沿江之江蘇安徽江西湖北湖南分別等差歸還至南洋水師可兼顧浙江船礮款似應并令浙江一同攤認應由戶部從容酌量分派目前既有洋款則戰事不致因缺餉而掣肘捐借亦不致以急感而擾民若俟軍事稍定尙可從容設法籌借徐圖抵補此時借洋款甚難若再遲緩恐以後借更難息更重矣此事日來始有眉目外洋周折尙多難免不小有參差謹先擬

辦法大略電奏如蒙俞允再與該行詳議確數辦法奏
陳奉旨後方為定議合併聲明唐署撫屢電囑會銜電
奏謹合詞上陳請代奏張之洞奎俊唐景崧同肅嘯

致總署 光緒二十年十二月二十一日辰刻發

江南要地應防者太多近奉調多營尤須填劄新增各
營除已電奏外江南總兵朱洪章募十營防金山衛金
山與乍浦接距蘇松甚近最為喫重總兵蕭鎮江添募
二營護上海製造局提督王衍慶募五營防崇明奏調
總兵張仲春募五營以備填劄下關楊文彪五營舊壘
奏調之提督劉鶴齡募六營以護清江以北運道奏調

張文襄公全集 卷七十六 電奏四

聖

之總兵俞厚安添募護軍三營除填補劉任調去一營
外餘兩營分紮操練惟各營除朱蕭二軍漸次成軍外
其餘到防尚早謹由電陳明請代奏馬

致總署 光緒二十年十二月二十七日卯刻發

聞倭大隊已在榮成縣登岸此專為攻威海後路山海
關外極寒倭知不能速進故撤大隊攻威海蓋平海城
之倭俱撤退其情可見威海為北洋屏蔽海軍停泊之
所此處不守則北洋出路梗阻矣該處臺堅礮巨礮手
亦好敵船不能攻故襲後路此攻旅順故智也戴宗騫
數營止數守臺山東勇新募無精械不知能得力否若

派兵赴援路遠難致竊思惟有一策較近查陳鳳樓馬
隊三營并率清淮馬隊兩營李占椿五營萬本華五營
張國林五營共二十營奉調北上陳軍廿八九日自徐
州行李萬兩軍近日約到清江張軍現租輪船自滬陸
續分載來鎮江二三日內可到齊隨即渡江北上李萬
張三軍現經劉大臣電派李占椿為總統總兵丁槐四
營將抵沂州此時海蓋既復關東較緩且諸軍尚多此
二十營到關尚早似非急需似可即令陳李兩鎮統此
馬步二十營丁槐統本部四營由沂州府折而東北行
出山東省城之南取道莒州等處直趨煙臺探明威海

張文襄公全集 卷七十六 電奏四

聖

後路相機援剿計程自清江抵煙臺約一千三四百里
軍行二十日可到此路州縣殷實擬請飭東撫飛飭多
備車輛尚可趕辦惟各軍械少李萬兩軍各有馬梯尼
千枝張國林有槍數百洋擡槍二十枝車礮四尊劈山
礮數十尊陳鳳樓因江南無馬槍須到津撥用江南新
購到馬槍千枝已全數解津交劉大臣行營丁槐軍直
無一槍查近數日內有北洋新到快槍四千吳幫辦快
槍數千皆已陸續北運將到清江可否請旨電飭北洋
大臣李幫辦吳商酌各借撥快槍若干分派委員并電
飭沿途照數提出交李軍丁軍分用劉大臣委員并電

飭沿途截留馬槍一千交陳軍用李陳丁均係得力將領軍火若足必能一戰以後外洋若有運到好槍洞仍當隨時運濟補還惟軍係新募每日到站後可略爲操演且天氣嚴寒斷不能兼程速行以致疲病一面電飭威海各營以重賞嚴罰激勵之若能逐倭下岸則威海固倭計窮矣威海保全後仍可再令赴山海關洞爲事機緊急威海重要謹抒管見以備朝廷采擇是否可行統候聖裁非敢越俎妄言不勝惶悚請代奏感寅

張文襄公全集

卷七十六

電奏四

聖

張文襄公全集卷七十六終

吳縣周仰公校

張文襄公全集卷七十七

電奏五

致總署督辦軍務處

光緒二十一年正月初一日亥刻發

威海戴孫兩軍以少擊眾力挫賊鋒洵爲難得惟孤軍恐難持久援軍緩不濟急不得已或有兩策一由東撫李電飭該軍曉諭榮城登州一帶居民各集團練義勇協助官軍擊倭民團雖不能擊其大隊只須晝夜多方擾之伺便截其糧餉軍火亦可稍殺賊勢以待援兵如民團擊倭出力奏免錢糧三年假如賊久踞登州一帶錢糧豈復爲我有哉一請北洋大臣李電飭海軍就現有鐵艦快船四五號疾駛至成山頭一帶頃刻可到襲其運兵運械接濟船及游弋之船得利則進如彼大隊來追收至威海船臺相輔倭必受傷威海得力在礮臺故倭避水路而襲陸路使我礮臺無用若使海軍數船擾之則正可引之使來臺下受我礮耳彼若用水師攻臺賊船雖多半皆是運船不能破我臺也半年來賊船終不敢近威海其情可見或慮戰敗船燬不知威海若失海軍已無老營寥寥數艦然後賊從容圍攻終歸不支趁此時威海礮臺未失趕緊用之猶有萬一之望不然臺亦不能久存矣若彼來攻臺我輔以數艦則是

張文襄公全集

卷七十七

電奏五

一

一臺變為數臺一艦變為數艦也惟懇朝廷以重賞嚴罰激勵各船員弁方能出奇制勝此舉似乎孤注然事機危急斷無束手受攻之理此乃審敵情盡人事實非孤注用此兩法或可緩敵勢以待援兵耳戴孫兩軍勝仗如東撫查確似可即請朝廷優獎以作士氣大局至此憂心如焚謹抒愚昧之見以備采擇是否有當恭候朝廷裁度曷勝惶悚請代奏元旦

此電發後并致天津李中堂煙臺李撫台

李撫台來電

光緒二十一年正月初三日未刻到

電奏兩策理實確鑿可行鐵艦不用以攻敵不知何計以保全可笑可恨近日朝命亦屢飭兵船乘間出

張文襄公全集

卷七十七 電奏五

一

擊如能照憲台所議水陸交攻事必有濟竊慮格不能行耳言之慨然民團協助官軍亦可稍殺賊勢衡已密飭舉辦威海除海軍外陸軍二十營無不離心離德為統領者猶且怯無將略又喜邀功所陳戰事不盡可據當萬難之勢與此等人共事焦憤欲絕刻下強敵壓境不得不委曲調和衡惟感之以誠持之以正引其責於已以期萬一獲勝耳蒙電奏江南李占椿陳鳳樓各軍半月後方能到惟賊勢太眾我軍太單恐難支持半月有負憲台統籌全局之心如何如何舊屬秉衡謹肅冬

致總署來電

光緒二十一年正月初四日卯刻發

湖北銀元局廠屋已成機器已到齊不日安竣即須開鑄因開辦後端緒甚繁尚須籌款銀元銷路以江南安徽等處為多查鄂省創設各廠已奉旨仍令洞督飭經理且江南去年曾經議設銀元局尚未舉辦若鄂局歸南洋經理可免江省另設一局以致相妨將來如有盈餘可酌量津貼鄂省因與護湖廣總督譚電商譚意甚以為然復電稱銀元局歸江南並允協濟餘利於鄂甚有益囑即電奏等語謹請旨遵行請代奏支

致總署

光緒二十一年正月十一日丑刻發

張文襄公全集

卷七十七 電奏五

三

事機日緊用繁餉竭捐借極難江蘇擬借洋款一百萬鎊約合銀七百萬兩供北上諸軍及本省海防糧餉軍火轉運各費因戶部電不令動關稅還只可勉力籌維由鹽課釐金認還或有他項籌捐之款亦可湊補但必須海關出票戶部立案由藩司運司按期撥還此款為北軍用者不止一半將來由戶部核明如係北軍用者酌派沿江各省攤還除江蘇省首先多攤外安徽江西湖北湖南四川五省亦酌分等差協攤江蘇用者江蘇自還惟以後除京餉照舊解足外協餉應請酌減現有英商熾大洋行來議借款息六釐九八扣不另取行用

輕省殊多因戶部電與赫德借款有礙故與德國德華銀行議借先議七釐息九六扣以外別無行用現與議六釐息其扣數須照赫德辦法分二十年還利隨本減惟據英商熾大言該行有現成鉅款無論借多少無須招股與赫德借款無礙等語查熾大較赫德少扣九釐計每百萬鎊省九萬鎊合銀五十餘萬兩如部借三百萬鎊可省一百六七十萬兩既云與赫款無礙自宜擇善而從以免耗費江蘇借款擬先與熾大議并由總署戶部詢之赫德如赫德必以爲不便即與德華定議至借款之數較上年十二月囑電增多者因前電漏未將

張文襄全集

卷七十七

電奏五

四

購外洋槍礮核計再戶部既不准動關稅還未便代臺灣借合併聲明仰懇勅下戶部總署迅即核議電復以濟眉急而維大局不勝翹切待命之至請代奏真

總署來電

正月二十光緒二十一年七日巳刻到

奉旨張之洞前奏擬借熾大洋行之款本日經總理衙門戶部會奏已依議行矣現在關內外各軍需餉甚鉅尙須預爲籌備源源接濟如熾大尙可續借或他行有照此辦法出借者著張之洞設法妥辦湖北槍礮廠何時可以開工每月約可造快槍若干著查明具奏欽此

致總署

光緒二十一年正月十七日卯刻發

中國戰艦幾盡海面全爲倭據彼以數船游行南北毫無顧忌我沿海八省備多力分斷不能處處皆有精兵利械既難制勝餉亦不支南北轉運亦多荊棘即使能遏其深入亦不能斷其接濟彼活便我坐困大局愈危除迅速購船之外再無良策初九日奉電旨飭籌搗敵游弋各事宜仰見聖謨宏遠實深欽服南洋現有之木殼四兵輪船薄行遲礮無新式將弁難求實無大用斷難出洋懇請朝廷迅速決計不惜巨款速購穹甲快船五六艘大雷魚礮船十數艘雇募洋弁洋兵率之來華

張文襄全集

卷七十七

電奏五

五

選中國健將勁卒佐之粵將宜多用并購公司船數號爲運船方能行駛迅速隨戰艦同行公司船每艘可載兵千餘此軍游行海面斷不可專守一處惟此時買船甚難即重價亦難多購查北洋已遣洋人補海斯岱赴美洲購船多隻又聞漢納根在阿堅廷國購定鐵艦快船各一艘此兩船擬請撥歸南洋再由洞添購數艘方可勉成一隊竊謂南洋所購者宜自爲一軍與北洋分爲兩枝督飭整頓方能各專責成如倭船攻北洋則南洋一枝攻長崎各島或截其運船如倭船攻南洋則北洋一枝攻朝鮮等處或截其運船只須我有兵船十數

艘在東洋南洋海面游行無論能戰與否倭必處處顧慮自防其國來華之兵必不能多軍火必不能接濟無阻此費約需銀兩千萬然倭正猖獗必不肯罷兵若再深入所損豈可數計即肯罷兵索費亦必不止數千萬安危所繫斷不宜惜較之徒養陸勇數百營耗費多而不能制敵者勝之多矣至此舉惟有另借大批洋款撥付尤望早為定計伏候聖裁敕遵以便設法覓購或擇其較小可速成者酌量訂造但使大局穩固則中國二十一年每年籌還一百數十萬金實不為難再此後北洋購船等事仰懇可否一併論知南洋既可通籌合力

張文襄公全集

卷七十七

電奏五

六

且免定購兩歧同此增價亦可免互相等待以致遲誤此事洞夙夜焦思舍此實無補救之法疊經電奏想廷議因費鉅未即舉辦今時勢危急不得不披瀝再陳不勝屏營急切待命之至請代奏洽

總署來電

光緒二十一年正月二十九日亥刻到

奉旨張之洞電奏已悉威海被陷北洋戰艦盡失若欲重整海軍自非另購鐵快等船不可惟需費甚鉅即借用大批洋款亦未易集事漢納根所購鐵快各一船現經王大臣議與訂定將來此船到華即可撥歸南洋先行調遣此外購船先須籌有款項著張之

洞即在上海等處洋行商訂借款電知戶部總署奏明辦理如集有成數即設法購船以備海洋禦敵之用欽此效

致總署

光緒二十一年正月二十二日午刻發

洋將郎威理前在北洋兵船教練精勤號令嚴肅各輪技藝皆有可觀因各輪船將領多係閩人結黨排擠辭差回國此事中外人人皆知今欲急練海軍以為遠圖非得力水師大將不可惟該洋將相宜此人現在英國為水師副提督必須許以高官重任方肯舍之而來擬請由總署令赫德速致該員一電召其回華告以當用

張文襄公全集

卷七十七

電奏五

七

為南洋水師提督蓋外洋視水師提督極重或可鼓舞効命中國除北洋外閩粵長江皆有水師提督權位皆不比外洋之重似無所妨請旨遵行請代奏養一

致總署

光緒二十一年正月二十二日未刻發

畿防日緊運道尤危現雖趕籌調募勇營不過補苴尙非長策必須在中原練有重兵一大枝方可以備緩急而維全局查洋將漢納根在津練兵之議早已中止聞德國洋商言該洋將閒任意似無聊當囑該商電詢願來南洋否但南洋局面甚小只能練一萬人此乃為該洋將轉面子之意昨接覆電願照辦查洋將性情既須

量能授權又須示以限制漢納根曾在大東溝苦戰出力自是有用之才因待之甚優所欲遂著今聞住日久遂又請就範圍擬調該洋將來江差委令其在徐州練兵一萬以備北省緩急雖不能即求速效此軍練成後必有大益其練兵營制餉數詳細章程俟該洋將到江後洞再與細商奏明辦理總之欲用洋將必須令歸外省督撫節制鈐束斷不可令徑達總署及督辦軍務處方能聽用如蒙俞允請發交洞處差委當由洞電知北洋遣其來江商辦請代奏養二

總署來電 光緒二十一年正月二十三日戌刻到

張文襄全集

卷七十七 電奏五

八

奉旨張之洞兩電均悉漢納根練兵之議所費不貲是以中止現在尙有經手購辦槍礮船隻等事未便調往琅威理尙在海軍甚得力前經總理衙門飭令赫德函商來華管帶海軍副據覆稱在英已授實職不能前來應毋庸議欽此

致總署 光緒二十一年正月二十三日子刻發

長江提督彭請派已革提督沈茂勝爲分統又記名提督鄧正峯現在粵記名總兵丁大文現在程提督文炳行營洞擬調該二員來江帶勇與粵督李及程提督均商妥相應請旨將沈茂勝鄧正峯丁大文三員均調赴

江南交洞差委實於防務有裨請代奏漾一

致總署 光緒二十一年正月二十三日子刻發

前奏准令湖南婁提督雲慶練湘軍數營備用現因海州喫緊需營甚急已電知婁提督令部將總兵杜嵩齡統五營來江餉由江南出計原有四營新募一營此後擬請旨仍令婁提督於本省防營之外募練五營備用婁本部原有三底營係來省巡防之用湘多伏莽不便撤動此備調之五營應另外計算調出外省時餉由外省發在岳州時餉由湖南發湘省防營餉章每營每月止二千餘金五營爲數無多湘省似尙可籌查南北各

張文襄全集

卷七十七 電奏五

九

省或設防添營或籌協餉械或辦過路兵差需費皆屬浩繁湖南皆無此事若每月僅費一萬餘金以協助大局似亦義所宜然蓋練軍備調既整齊且迅速勝於倉卒烏合者遠矣可否敕下湖南巡撫提督照此辦理之處伏候聖裁請代奏漾二

總署來電 光緒二十一年正月二十四日戌刻到

奉旨張之洞兩電均悉沈茂勝鄧正峯二員著准其調赴江南差委丁大文一員現在程文炳營中此時畿輔防務緊要正在需人之際著毋庸調往婁雲慶所募湘軍現經張之洞飭令杜嵩齡統帶五營前赴

江南仍令婁雲慶募練五營備用者咨商湖南巡撫辦理欽此

致總署 光緒二十一年正月二十三日亥刻發

二十二日電旨恭悉馮提督子材募粵勇十營自欽州由內地行本月十九日抵廣東三水縣計由北江舟行至南雄過庾嶺復舟行至九江再乘輪東下至鎮江須四十日請代奏漾三

致總署 光緒二十一年正月二十四日卯刻發

近畿諸軍雖多其中出色將領固不乏人然恐未必各軍皆是勁旅不無過慮必須速調得力之軍入衛以備

張文襄公全集 卷七十七 電奏五 十

緩急竊查廣西右江鎮總兵現署廣東陸路提督張春發前在鎮南關卓著戰功為王德榜部將之冠洞所深知上年七月洞會電奏請飭募軍北上為粵省奏留查粵防重在虎門黃埔各礮臺尚有水師提督鄭紹忠為粵人所倚倭斷無暇擾粵京畿尤重似可令該提督統原有之四營并添募共成十營率之北上入衛該署提督係帶湘軍順道過湘即可招募又雲南臬司岑毓寶前隨滇督岑征戰多年岑故督深資其力堅定深穩深悉洋戰情形該司部下曾經出關將弁不少熟習地營似可令募勇十餘營迅速東下總之張岑兩軍洋戰皆

有閱歷征倭必能得力距京雖遠若令北來於大局總有裨益敬陳管見是否可行恭候聖裁請代奏敬

總署來電 光緒二十一年正月二十七日巳刻到

奉旨朕欽奉 皇太后懿旨張之洞向來辦事實心近覽迭次電奏於料敵籌備事宜亦多可采軍事方殷張之洞務當不分畛域通籌大局將籌款購械選將籌兵等事設法妥辦俾戰守有資用副朝廷倚任之意欽此

致總署戶部 光緒二十一年正月二十六日亥刻

熾大借款事前接戶部正月十五日咸電熾大借款可

張文襄公全集 卷七十七 電奏五 十一

即定等因當即飭該洋行來江甯定立合同先回滬令上海道蓋印又携來江甯蓋藩司總督印該行請將所奉諭旨寫入合同二十二二十三二十四等日已屢電請戶部速奏請旨今尚未奉到電旨洋行不肯簽字該行今日來云原議六日即須畫押今逾限欲回滬改議并索行用二萬鎊詞氣甚不平現設法婉留竊思此事係遵照戶部咸電議定一切利息期限行用條款早經電奏并電復戶部在案悉照原議似無游移事機萬緊敢請戶部總署即為代奏仰懇聖恩俞允由電諭知以便早定合同提銀如軍務早定此款餘存仍可撥作別

用斷不至率行支用不勝惶悚待命之至請代奏宥

致總署 光緒二十一年二月初一日申刻發

正月二十六日電旨恭悉現與熾大洋行議尙可續借二百萬鎊並允減爲五釐息九四扣此外別無行用等語此與六釐息九八扣者又較輕省惟再借務懇聖恩敕部由各省關認還江蘇實無此力至湖北槍礮廠節奉十二月十七日電旨卽飭確查本議定正月底開工因去年槍礮被火改造鐵房廠屋鐵梁柱等件未造齊去臘中旬拉鐵料之大轉軸忽斷另鑄開槽甚爲費事現趕工限二月底將廠屋作好三月初必可開工初

張文襄公全集 卷七十七 電奏五

三

造人器不相習每月止出五百枝三箇月後可月出千枝請代奏東一

致總署 光緒二十一年二月初一日亥刻發
湖北槍礮廠初造不能多出難應急需戰事方殷惟有向外洋訂購可多可速近接龔使電倭人所購洋軍火除已運外未起運者尙餘價值六十餘萬鎊之貨等語查此數合銀四百數十萬兩倭寇凶悖貪狠不惜巨款購械其意在與中國窮兵苦戰可知斷不肯卽行罷兵洞反覆籌思萬不能不廣備利械以維大局且倭戰皆恃利礮我僅用槍尙難制勝現與各洋行商妥墊辦槍

礮不必現銀或兩年還或六年還酌給息銀或年息六釐或年息六釐半專購德國小口徑毛瑟快槍一種其

他式各國快槍一概不買以免淆雜各行共允每月包出兩萬枝以後可以源源供用不絕八十日包運鎮江貨到付銀其中間有先付價五分之一者快礮就現有者訂購一百餘尊此外亦允每月供新造之輕小快礮數十尊機器快礮數十尊其墊辦緩價亦與快槍辦法同現暫與議定一箇月辦法以後體察事勢如需用再與續訂洞愚昧之見兵多不如械精輕小快礮一分鐘可放三十餘出機器快礮一分鐘可放一千餘出每營

張文襄公全集 卷七十七 電奏五

三

有快礮十尊則一營可抵十營之用兵少易練將少易選械少易檢點修理並可節餉需免騷擾故購快礮尤爲今日戰事要著購械之費雖鉅不能不權其輕重是

否有當伏候聖裁訓示請代奏東二

總署來電 光緒二十一年二月初四日子刻到

奉旨張之洞兩電俱悉熾大續借金磅已令戶部速議具奏快槍快礮實爲行軍利器張之洞現與洋行商妥墊款訂購一切辦法均著照所請卽行訂定爲要欽此江

致總署 光緒二十一年二月初四日辰刻發

現委長江水師千總金滿即黃金滿募陸勇三營水勇一營防通州海門一帶該弁樸質勇往故破格委用惟官階太小擬請聖恩可否賞給都司銜以資彈壓又據長江提督彭咨派已革提督沈茂勝分統四營已蒙恩准惟並無頂戴難資統率懇奏請酌賞頂戴等語擬懇聖恩可否暫行酌量賞給頂戴如軍務完竣並無勞績仍請撤銷恭候聖裁再江西候補道惲祖祁安徽差委總兵王心忠在籍提督金榜均已與江西撫安徽撫商允調來江甯擬請旨准將惲祖祁王心忠金榜三員調來江南差委請旨遵行請代奏支

張文襄全集

卷七十七 電奏五

十四

總署來電

光緒二十一年二月初五日亥刻到

奉旨張之洞電奏已悉長江水師千總金滿著賞加都司銜已革提督沈茂勝著賞五品頂戴江西候補道惲祖祁安徽差委總兵王心忠在籍提督金榜均著准其調赴江南差委欽此歌

致總署天津李中堂

光緒二十一年二月初四日午刻發

前接北洋電云英教士李提摩太自言有救急之法已電總署奏明奉旨不妨一試等因查該教士屢向洞言亦與致北洋電同既奉旨一試當即再約該教士來甯詳問語多閃爍除最謬之語駁斥不論外大意言此時

惟有設法懇英助中國方能支持問如何方肯助李云須多與英國商務利益如准英商在中國開鐵路開鑛興各項化學工作製造等事此皆中國大有利益可致富強之事無如中國拘於積習舊法憚於變法大舉工商拙鈍貧窘不解興利又無資本官亦無大力籌此鉅款以致坐棄大利若與英國議定准其在中國辦二十年每年所出之利酌量分與中國二十年限滿後仍交還中國自辦風氣已開始基已立中國官民工商皆曉其作法知其好處自能擴充接辦從此中華為強國矣當詰以二十年太久答云或十數年又詰以設不交還

張文襄全集

卷七十七 電奏五

十五

奈何答云外國此等辦法條約多有從無不還者又詰以英以何法助中國答云極力勸和不使倭人妄為詰以能助水師陸軍幫我攻倭乎答云不能助兵只能督和並云此係該教士為好之意自出已見至如何辦法如何立約英廷所重者何事究願如何幫助須總署與英公使中國星使與外部自行商辦等語稅務司穆和德來言大意相似惟增入添口岸一條詰以許英利益設各國欲均霑將如何答云英商務最大不患他國分其利等語查兩人所言皆係懸揣之詞總歸於以利益與英則英可助中國督和以洞管見論之無論英俄法

德美何國此時能助我水師攻戰則我必勝倭必感中國自可重許以利益如以上諸條皆無不可國威能振寇讐能殲尙復何所吝惜若能允以勢力脅倭使其和平罷兵不索地不索重費則我酌量許以利益亦無不可若僅空言勸和則何必徒以利益與他國乎惟幫助脅利必須及早趁此時和局尙未開議之時方易爲力若待大局糜爛倭欲愈奢又加各國乘機要求則雖助亦無益矣應否令與總署英使外部商酌之處恭候聖裁遵旨詢問覆陳請代奏

致總署

光緒二十一年二月初四日亥刻發

張文襄公全集

卷七十七 電奏五

六

傳聞倭有索臺灣開鑛十年等語未知確否即使倭真有此意朝廷權衡至當知亦必斷然不允查臺灣極關緊要偏近閩浙若爲敵踞南洋永遠事事掣肘且雖在海外實爲精華地廣物蕃公家進款每年二百餘萬商民所入數十倍於此未開之利更不待言去臘洞託寓居美國之道員容閱借洋款容復電云若肯以臺灣作押可借美國銀元十萬萬元等語查美銀元每元合中國銀一兩餘十萬萬元是值銀一千餘兆又上海英律師丹文來言若中國需銀可以臺灣押與英人可借鉅款等語洞以其語不得體當卽峻詞斥之卽此兩說可

見外洋各國豔羨重視臺灣之至旣知洋情如此不敢不以上陳再近日倭有數輪游弋澎湖顯係意在臺灣甚屬孤危可慮竊謂此時正可就外洋豔羨之意另設一權宜救急之法似可與英公使外部商之卽向英借款二三千萬以臺灣作保臺灣旣以保借款英必不肯任倭人盜踞英必自以兵輪保衛臺灣臺防可紓借款還清英自無從覬覦臺灣其權在我如照此辦法英尙不肯爲我保臺灣則更有一策除借巨款外并許英在臺灣開鑛一二十年此乃於英國國家有大益之事必肯保臺灣矣臺灣內山瘴毒深遠歷年開闢無效是中國

張文襄公全集

卷七十七 電奏五

七

人力斷然不能深入若英人代我開山通道廓清瘴癘暢開地產彼雖獲目前之利至年限滿以後我坐享其利矣我有巨款卽可速購各小國現成兵輪於戰事必有大益而旣許英以鑛利則保臺必所樂從中英之交旣深卽可與英外部密商遇事從中暗助總之英遠倭近英緩倭急英乃強鄰尙存大體倭乃凶盜毫無天理古人所謂遠交近攻此理確然不易惟外間耳食之人恐誤以爲將臺灣押與英國橫生訾議不知歷年借洋款皆寫海關作保我借款已清英國何嘗有據我海關而收稅之事乎大局十分緊急謹陳管見上備采擇不

勝惶悚是否可行伏候聖裁請代奏二另致天津李中堂加致總署電錄呈一覽八字餘同

致總署 光緒二十一年二月初十日辰刻發

軍報最關緊要由京城達外省之電綫設有阻滯必誤事機宜多設一兩條乃為周妥查湖北襄陽老河口久已通電似宜將此綫接通陝西由商州達西安或由襄陽達潼關保定至京似亦宜多設一綫不必繞由天津擬請飭北洋大臣速酌辦請代奏蒸

總署來電 光緒二十一年二月十一日酉刻到

奉旨張之洞電奏由襄陽至京另設電綫等語本日

張文襄公全集 卷七十七 電奏五 六

已據王文韶奏明辦理矣前據張之洞電奏以臺灣作押借用洋款藉資保衛一節經總理衙門詢之總稅務司據稱各國均守局外勢不能行該督所奏究竟有無確實辦法著詳細電復欽此真

致總署 光緒二十一年二月十三日午刻發

押款保臺一節奉旨詢問確實辦法竊思惟有探詢外部方能得其真際洞已電冀許兩使照兩豪電所陳探詢英俄外部意思或保臺或多與利益如開鐵路內地開鑛興商務工作等事肯用勢力助我否和否並探詢英俄另有何欲令其自言作為洞之私見空論如朝廷

以為可商懇電飭冀許兩使籌商方能切實與議是否有當恭候聖裁請代奏元

致督辦軍務處 光緒二十一年二月十三日午刻發

威海倭寇已退惟踞海中之劉公島蓋岸上礮臺已毀彼踞島已足以扼北洋我岸上步隊無如彼何明係盡撤陸兵併力北擾以致關外諸軍皆敗畿防甚急丁槐一軍曾經洋戰自宜令迅速入衛昨電商東撫李所見亦同請代奏元

致督辦軍務處 光緒二十一年二月十三日未刻發

前奉電旨會商擄集殲寇一節往返屢商之洞意擬購

張文襄公全集 卷七十七 電奏五 九

穹甲快艦數艘合漢納根兩艘并趕造極快魚雷礮船十艘再購極快公司船三艘改為運船載兵兩千人載煤數千頓隨之乘虛攻襲步隊登岸或毀其臺礮或殲其守兵或焚其積儲敵內地之兵大至及敵輪還救則移攻他處若海面遇敵船少則攻船多則避遇其運兵運械之船則截奪之我船駛快敵不能追敵若窮追則收入閩之長門浙之鎮海粵之虎門江之吳淞等處皆有礮臺蓋兵少則不能深入煤少則不能在海外久停船少則不能擊其大隊只在乘虛多擾截其運船彼有內顧之憂自不能起傾國之兵深入久擾至造船到華

至速須七八箇月購船到華較早駛行不快極快雷船
必須定造購船多少未定造船已有成議惟選將難得
其人景崧意欲招粵邊悍勇游匪數千先用民船潛往
如有兵輪隨後繼進意在深入攻踞惟募練亦須四箇
月須有巨餉利械兩人所擬辦法不同之洞意總謂民
船難往竊擬分投各自籌辦俟勇齊船到再看情形商
酌臺灣練成此項勇無論攻倭與否總是有用餉械江
南籌濟至購船定船詳細辦法另行電奏謹遵旨覆陳
請代奏之洞景崧同肅元

致總署督辦軍務處

光緒二十一年二月二十一日
午刻發

張文襄公全集

卷七十七 電奏五

三

外洋新運到快礮數十尊擇其輕便行營可用者先儘
關外諸軍前敵而敢戰者撥給以應急需撥馬克遜兩
磅半子快礮六尊格林礮十尊解提督唐仁廉軍撥馬
克遜快礮十尊解將軍依克唐阿軍撥馬克遜快礮十
尊解幫辦宋慶軍又史高德快礮六尊及鄂廠自造快
礮彈二千解幫辦湘撫吳軍各礮皆隨有彈江省專派
員弁押送飭令加價雇車兼程前進惟各彈笨重太甚
車恐不敷此係東征軍械請敕東征轉運局備車隨時
協濟趕運各快礮須有教習方解施放須有機器匠方
能裝潢修理若無教習機匠皆不能用查北洋通曉洋

軍火之人不少威海向設有學堂今想散處并請敕北
洋大臣及東撫迅速選撥訪尋在津等候每營派教習
機匠數名與礮同往尤爲切要請代奏馬一

致總署督辦軍務處

光緒二十一年二月二十一日
申刻發

張文襄公全集

卷七十七 電奏五

三

如北事緊急卽令該提督親統此十營輪載來江配給
餉械亦由清江北上婁現駐岳州有長江水師岳州鎮
張捷書同城張穩練熟習如有急隻可卽行交張暫護
從容再由鄂督選員奏署如蒙俞允當再電商護鄂督
預爲籌計惟馮勛望素高似不便屬他人節制以免爲
難合併聲明再婁練軍事奉旨令與湘撫商查去年洞
原奏准練六營護湘撫王以餉絀只允添練三營今練
營更多若再商必仍以餉絀爲辭徒致延誤現擬除湘
省原案營數餉數外餘新增者俱江南供餉至奉調出
征日十營餉全由江南發給請代奏馬一

總署來電 光緒二十一年二月二十三日戌刻到

奉旨張之洞電奏已悉現在畿輔防軍數已不少遠道徵調需餉浩繁新招之勇亦難得力該督擬令婁慶雲募營入衛著毋庸議馮子材一軍俟到江南後應否令其北上再候諭旨欽此

致總署 光緒二十一年二月二十二日午刻發

奉初七日寄諭以礪豐接壤豫境土匪聚眾劫掠嚴飭捕拏解散查此案係福匪王三去臘在礪山蕭縣邊界行劫拒捕竄至河南永城定期豎旗起事當經洞電飭署徐州鎮程孔德徐州道沈守謙派隊追剿務速撲滅

張文襄公全集 卷七十七 電奏五

三

現據該鎮道電已於本月十一日在蕭縣黃家口將此股撲滅匪首王三已格斃復斃匪數十名生擒多名惟山東濮州鄆城一帶土匪傳帖蠢動半係土匪半係關外逃回勇丁內多有後膛洋槍其為潰勇無疑除飭徐州文武營團嚴防相機剿捕並電東撫迅飭撲滅外謹先由電覆陳請代奏

致督辦軍務處 光緒二十一年二月二十九日卯刻發

奉正月二十六日 上諭欽奉懿旨飭洞務當不分畛域通籌大局將籌款購械選將籌兵等事設法妥辦俾戢守有資等因欽此悚惕莫名洞庸愚迂陋渥荷聖恩

當此大局緊要之時斷不敢存畛域之見惟有欽遵竭力籌辦特是事機緊急廟謨宏遠外間多未知悉竊思籌辦一切必宜及早遲則無及不揣冒昧可否仰懇將朝廷規畫大端遇有飭知北洋大臣之事一併電飭南洋知之俾得殫竭愚慮或豫為籌辦或籌擬上陳冀以仰副恩命是否可行伏候聖裁請代奏

致總署督辦軍務處 光緒二十一年二月二十九日卯刻發

聞倭要挾太甚議恐難成前接龔照瑗王之春電英俄皆云須倭要挾太過時方能發公論此時倭既有要挾條目似宜電龔許兩使令見俄主英主及外部懇其相

張文襄公全集 卷七十七 電奏五

三

助伏候聖裁請代奏

總署來電 光緒二十一年三月初一日亥刻到

奉旨張之洞電奏懇將朝廷規畫大端凡飭知北洋事併飭南洋知之等語前奉懿旨令該督通籌戰守原指餉械兵將而言至機宜重要必須慎密北洋事務自有專司焉能事事飭南洋知之所請著毋庸議又電奏倭人要挾太過請電英俄相助等語兵力資和總署與英俄使臣屢商不允龔照瑗王之春迭次電奏英俄亦但許勸助并無屆時可以發兵之語何以電張之洞有此言著鈔錄原電復奏欽此東

致督辦軍務處

光緒二十一年二月二十九日卯刻發

海州防務喫緊而山東曹濟土匪句結游勇蠢動且正與運道相近目前轉運軍火為最緊要之事大道絡繹日夜不絕運件太多護送兵勇不敷周轉設被土匪劫奪為害非淺且轉運遲滯焦急萬分洞電檄嚴催派員添局百方催趨仍難迅速總由天津與清江南北相距太遠中途無人督察籌辦以致正月半之械至今尚未到津若專派大員亦費周章不揣冒昧竊擬一策查東河總督衙署在濟甯每年本應赴濟甯一行河督許任事有才曾在軍營明習兵事現值黃河水小河工無事

張文襄公全集

卷七十七 電奏五

五

設令許暫赴濟甯以南一帶擇要駐紮暫行兼管轉運事宜應需車馬及護送督催等事隨時督察相機變通轉運自可較速本標原有河兵酌帶若干或撥豫省勇營歸其調度或酌募數營遇有土匪隨時撲滅設倭寇自日照贛榆海州一帶登岸圖截運道有大員駐彼督率各營防剿亦較得力此舉似為一舉兩得即使土匪不熾倭氛不擾於轉運必然有益且濟甯係河督轄境即使有赴濟甯以東防剿之事相去亦不甚遠洞因欽奉正月二十六日上諭懿旨飭令不分畛域通籌大局設法妥辦故敢竭其愚慮上陳以備一說有無可采恭

候聖裁不勝惶悚請代奏

總署來電

光緒二十一年三月初一日亥刻到

奉旨張之洞二十九日電奏已悉海州防務喫緊山東曹濟土匪句結游勇蠢動現值轉運軍火駱驛不絕護送兵勇不敷誠恐運道有阻關繫匪輕張之洞擬請飭許振禕酌帶數營赴濟甯以南駐紮兼管轉運剿匪事宜惟振禕督辦河工責任綦重現在桃汛將屆未便遠離著李秉衡遴派明幹大員酌帶勇營前往濟甯一帶擇要駐紮凡有南來軍火應需車馬及護送督催等事飭令迅速辦理遇有土匪隨時撲滅以清運道并著張之洞松椿督飭局員一律催趨運解俾無遲滯欽此東

張文襄公全集

卷七十七 電奏五

五

致總署戶部督辦軍務處

光緒二十一年三月初一日申刻發

熾大款初次議定百萬鎊立合同後該洋商富因治即回滬已由領事蓋印訖電知適已奉續借二百萬鎊之旨正擬速訂富旋於二月初二日來電須該行自回英辦理當晚即附輪回英有事託代管事人米師麗代為照料發電據米云富因治三十日可到英其人甚可靠到後數日即可提銀並力攬續借二百萬鎊之事仍照前議五釐息九四扣辦法三日前尙來電催立草合同

以初次款尚未著實令暫緩目前富因治向無到英電
信因富行後恐此事不妥又令上海道劉麒祥詢英商
有恆行鹽道胡家楨詢英商麥邊行另委員詢德商德
華行皆云須照戶部在匯豐借款辦法六釐息八九扣
毫無活動意各行一詞目前餉需萬緊北軍催餉甚急
而海州贛榆一帶增兵戒嚴各營正待發餉局存已罄
捐借甚微焦急萬分查熾大之事顯係將合同定後始
回英招股能否招集實不可必惟有暫與他洋行議借
以濟眉急但洋行無論何家息扣斷難比匯豐減少擬
暫與議借二百萬鎊辦法總與戶部所借匯豐之款一

張文襄公全集

卷七十七

電奏五

三

律仰懇聖恩允准迅賜由電諭知洞當相機酌辦如
他行議有眉目而熾大確電已來銀可提到則息扣較
多之款即作罷論若數日後熾大之銀仍不能提則是
事涉懸虛即與此行借定百萬鎊若遲久仍無準信再
與借定一百萬鎊但可稍為減省斷不肯多借息扣較
重之款目前軍情消息不佳若再遲緩恐雖重息亦不
肯借關係大局非輕至洋款合同無論何項認還洋人
俱置之不問總須寫明各口海關認還以後儘可聽戶
部分派外省自當遵照此時戶部似可不必詳細核計
如何攤還以免延誤仰候聖裁訓示不勝迫切請代奏

東

總署來電

光緒二十一年三月初五日已刻到

奉旨張之洞電奏借款一事熾大之議無成著准其
再行商借惟數目不得過多應以數百萬兩為斷其
利息期限均照匯豐辦法已飭戶部電知矣欽此
致總署 光緒二十一年三月初二日卯刻發

奉初一日電旨飭錄龔照瑗等原電復奏等因欽此查
洞原奏只云英俄皆云須倭要挾太過時方能發公論
并無發兵字樣或係傳電訛舛况公字下文有論字若
公字誤為兵字則論字難解矣龔照瑗來電云外部云

張文襄公全集

卷七十七

電奏五

三

究不知倭願何在既派使赴倭俟倭言出再為公論等
語許景澄來電云俄主允如議和時倭索太過可約英
法勸其退讓等語王之春來電云兩浼俄頗怵發難而
憎倭驕允於李議被勒時約鄰力助等語謹遵旨錄電
復奏請代奏

致總署

光緒二十一年三月三日卯刻發

廿九日電旨恭悉海州距清江近關繫運道誠恐倭寇
窺伺洞於正月內即經電奏調岳州婁提督雲慶部將
杜嵩齡帶原有並添募共五營來防海州隨即欽奉寄
諭嚴防海州青口等處又飭總兵王得勝募海州勇五

營防青口飭總兵王心忠募江北勇五營防清江流陽
近日接漕督及海州文武函電倭輪兩隻由山東日照
來到青口灌河口等處探水貼偽示以利誘漁戶令作
嚮導不久必來滋擾查杜嵩齡一軍內有新募一營二
月下旬甫到齊二十六日點驗成軍二十八日即催起
程又楊文彪五營本係派往圖山關礮臺換防正將啟
行江北陸路既急江路當較緩只可先其所急亦派赴
海州并調駐江陰南岸之林保黃守忠兩軍粵勇共七
營一并赴海州合力相機防剿王得勝甫成軍已到防
楊林黃三軍到防均須十日以外王心忠之軍募成到

張文襄公全集

卷七十七

電奏五

三

防須二十日以外已飛催現今官紳嚴查沿海漁戶懸
重賞以緝奸細諭以大義勿爲賊用謹將防守海州清
江情形先電陳請代奏江

總署來電

并致山東李撫台清江松漕台
十一年二月二十九日寅刻到

光緒二

奉旨前據松椿電奏倭船在海州探水電催張之洞
將前調五營又添派二營迅飭到防并暫留山東衡
字一營協防當經降旨允准本日據李秉衡電稱有
倭船二隻在安州海面探詢海州青口沂州路程海
州去清江不遠運道所經餉械皆萃於此必當加意
嚴防著張之洞迅催前派七營剋日到防駐守李秉

衡電稱已抽撥隊伍前往協防并著迅速開拔松椿
前留衡字一營如不敷用即會商張之洞酌量添調
以資分布欽此勘

致總署

光緒二十一年三月初三日申刻發

奉二十七日電旨飭婁雲慶先帶練軍三營起程並委
員添募數營隨後啟行等因欽此當即電知護鄂督譚
並婁提督遵辦惟婁部防軍本止一營半共七百五十
人去冬奏准募練三營備調因海州防務喫緊經洞奏
明調此三營並舊有防軍一營是已練之軍共止三營
又囑新募一營湊成五營來江已於正月濛電聲明在

張文襄公全集

卷七十七

電奏五

无

案因待新募故二月下旬始到江已赴海州是婁部現
已無營可撥二月馬電曾聲明令募十營備調在案目
前須新募成軍方能北上昨接婁電即速募須月餘等
語擬即催其募就迅即起程一面籌餉寄往謹縷晰陳
明請代奏江

致總署

光緒二十一年三月初十日申刻發

庚電奉旨恭悉臺危待濟自應力籌前數日已將上海
存槍儘數撥一千六百餘枝彈一百餘萬交臺輪解往
近又索神機礮彈亦竭力撥解此後如有購到之械當
盡力撥濟臺有二輪最速尙可設法探避此外覓船接

濟之法當設法訪籌至調兵輪一節南洋除最劣之輪外止木質四兵輪船薄行遲每一點鐘止行十海里又無快礮在長江依輔礮臺尙可協助若戰於海上敵船圍攻追擊徒供糜碎有損於江無益於臺而中國從此無一兵輪矣東撫電倭船全赴南洋海州喫緊寇蹤剽忽崇明通州亦甚可慮若兵輪全無更爲棘手臺灣宜救洞夙夜焦思每日通電力之所能毫無吝惜惟實在爲難情形不敢不據實上陳請代奏蒸

總署來電 并致閩粵 光緒二十一年三月初九日

奉旨現在奉天直隸山東倭允停戰二十一日而彼

張文襄公全集 卷七十七 電奏五

方圖攻臺灣不在停戰之內該處孤懸海外如被敵困無法援救尤慮軍火缺乏難資戰守本日據唐景崧電奏請飭粵省撥可用後膛槍五千枝配足子彈另撥毛瑟彈三百萬粒火藥十萬磅交知州唐鏡沅設法運臺著李瀚章速卽撥解以應急需并著張之洞譚鍾麟一併酌量籌撥或用漁船暗渡或雇洋輪保險分起運往趁此敵兵未集之時趕緊辦理俾資接濟至唐景崧請調兵輪赴臺聽用并著張之洞李鴻章酌量調派欽此庚

致總署 光緒二十一年三月十三日卯刻發

王藩司之春暨楊宜治自巴黎來電有西紳行厥允訂新大鋼甲一足比鎮定頭號快船三連魚雷管鋼甲快船二大魚雷船二運兵戰船二共十船礮彈齊水師照額約誓密訂三月內運華決勝商爲墊款收船署券廿年清還兵任我去留統費二百萬鎊此事由宜治與編修宋育仁與紳行密商驗確已電總署春覆查事尙可行紳已晤詢候立合同竊思戰固解懸和亦有用乞酌定電奏再另有德大鋼甲船二戰船三事同俟款議定再電等語竊思購船最爲今日急務數日來百計訪詢總苦於現船難覓且選配水師將弁尤爲難事今王之

張文襄公全集 卷七十七 電奏五

春等所稱既有大批現船又肯配足水師包運資我征戰到華期亦頗速似極妥善正月十九日奉旨重整海軍自非另購鐵快船不可購船先須籌款著卽商訂借款電知戶部總署奏明辦理如集有成數卽行設法購船以備海洋禦敵之用等因欽此王之春等令洋商墊款購船可免另借之周折來電戰固解懸和亦有用二語極爲扼要惟十船止一鐵艦力尙不厚如能再墊款添購來電所云之德大鋼甲二艘魚雷礮船數艘似尤完備倭人如知我購到戰船精械甚多知中國尙能力戰卽和議亦當易於就範如蒙俞允當再電商王之春

委辦是否有當請代奏請旨遵行元

致總署 光緒二十一年三月二十一日子刻發

前奉旨令婁提督雲慶北上江南撥數營帶往當經電鄂轉咨茲護鄂督譚咨接婁咨復已將舊案原有之借調軍三營防軍一營共四營募齊又添募兩營餘正分募撥餉到即啟行等語查江省防軍大枝全赴海州清江一帶上游實無可分撥且江軍亦係新招未久向來將領皆謂自募得力不肯帶他人營竊思婁既自募似可勿庸另撥惟停戰期已將滿和議如何數日即定可否稍緩數日如以後仍有戰事即電催婁統已有之軍

張文襄公全集

卷七十七

電奏五

三

速行如已罷兵即可停止以免徒費餉需是否有當抑

應如何辦理之處請旨遵行請代奏馬

致總署 光緒二十一年三月二十一日亥刻發

馮提督子材統粵軍十營日內到齊暫紮鎮江馮來金陵面商擬即日輕騎由清江馳赴海州察看地勢軍情後仍回鎮江如海州有警即調所部十營親赴海州前敵督勦本日已行竊思此時馮赴海州一看亦甚有益如海州有戰事即令馮總統節制海州及清江一帶諸軍以護運道清江正係北上之路海州距清江三站如論旨別有調派之處隨時遵旨辦理請代奏馬

致總署 光緒二十一年三月二十二日申刻發

購戰船募水師搗倭事前接總署暗電云元電已進呈此事現暫緩辦自當遵照惟本日接王使之春來電云十船皆近年造首號鋼甲三百廿八英尺又鋼甲三百五六十英尺皆堅又快船雷艇皆速必有濟磨價待定泊智利阿根廷海係無約國例不阻統率須大將適前水提琅威理賦閒願自効幫華使並任募招兵官并兵二千密襲倭和成聽用兵費一年及辦事先須銀約三十萬鎊現與英商格林密行訂借三百萬鎊長息五釐六扣此款成允借大款歸并此款故較匯豐為廉船事

張文襄公全集

卷七十七

電奏五

三

不令該行與聞款事已立草約乞速請旨告歐使電該行即交銀聽撥此款匯豐頗嫉已探襲稍遲恐梗等語既據言之確鑿有兵有將有款且一年用費亦不多尤好在琅威理肯效力誠為難得機會不敢不飛速上聞恭候聖裁如朝廷以為事宜緩辦亦懇恩准調琅威理酌帶洋兵弁來華整頓南洋水師借款息扣甚輕所謂六扣當即九四扣無論購船與否尤可先定擬請旨令總署即告歐使速電該行南洋用一百萬鎊即不另借餘二百萬鎊聽候戶部撥用是否有當候旨遵行請代奏養

致總署 光緒二十一年三月二十六日午刻發

聞和議各條不勝焦灼痛憤倭寇狂悖至此種種顯然利害中外諸臣必已懇切陳奏無待洞瀆陳其中如旅順不交還及威海劉公島駐兵天津駐兵各條尤為可駭查旅順威海乃北洋門戶若倭不退還則北洋咽喉從此梗塞以後雖有水師何處停泊何處修理旅順劉公島常駐倭船天津又駐陸兵近在肘腋旅順到津沽山海關皆一日到煙臺尤近彼日肆要挾稍不滿欲朝發夕至且倭約各條貪苛太甚臺灣民悍不甘屬倭必欣然啟衅各省軍民必然痛恨深怒斷不甘心稍有支節彼

張文襄公全集 卷七十七 電奏五

三

即謂不依條約立刻生事彼時戰不及戰守不及守和不及和即欲暫避亦不及避倭性凶狠不比西洋其禍豈堪設想查要挾各條之害聖明豈有不知朝廷所以勉為和議者不過為保全京城根本姑冀目前粗安徐圖補救若照倭索諸條更是自困自危之道雖欲求目前且夕之安亦不可得又洋報有與中國聯合以備戰守一條大略是為中國經理各省機器製造局鐵路等事尤為險詐查購買洋械本難常恃幸各省尚有數局可造槍礮彈藥稍資接濟經此倭事創鉅痛深正須急籌鉅款極力擴充運兵鐵路亦須量力修造今若令倭

干預則內地軍火運道皆在倭掌握之中水師既不能再振陸軍亦不能自主中華何以立國且倭踞威海則自遼陽以至威海榮城周廻二三千裡處處水陸皆須永遠設防所費太鉅當此賠款鉅萬之際經費將從何出至蘇杭織絲綢川楚織紗布則各國亦必效尤改造土貨中國工商生計從此盡矣海軍無歸宿陸兵無利器威旅棄則京畿無屏蔽商民貧則軍餉無來源各國欺陵人民嗟怨外患迭至內變將作恐係大學士李傷重昏迷之際李經方等冒昧應允竊惟遣使議和乃朝廷休兵息民之盛德顧全大局之苦衷洞雖愚蒙亦知

張文襄公全集 卷七十七 電奏五

三

仰體斷不敢為大言迂論以瀆宸聰所慮者京城不能安和議不能成不論遠患先有近憂伏望聖明熟思深察可否敕下王大臣等迅速會議設法補救以候聖裁但此時總須乞援方易措手惟有速向英俄德諸國力懇切商優予利益訂立密約懇其實力相助問其所欲許以重謝絕不吝惜無論英俄德酬謝若何其去中國較遠總較倭患為輕此時先懇各國公同告倭令其停戰議約以便從容籌辦尤為緊要迫切上陳萬分惶悚請代奏宥

致總署戶部 光緒二十一年三月二十六日酉刻發

江省需款緊迫正月二月疊次奉旨准借洋款近於三月內又奉旨准借數百萬兩前經向英德各行籌商已久近接龔使電稱已與英國克薩行借定一百萬鎊周息六釐九零五折外無費用二十年還前五年付利後十五年本利併還龔已簽約准三日內交十萬鎊查江省用繁餉竭捐借之款早罄分防江海陸數千里南北新舊百數十營又有礮臺兵輪洋弁等費以及租買運兵輪船多隻北路分設轉運十三局月需數十餘萬購礮械在外爲數尤鉅支應局款早罄皆係挪借甯蘇兩處各庫各局款及東征糧臺款積欠各營各局及各

張文襄公全集

卷七十七 電奏五

三

洋行者纍纍催領催還日日逼迫洞及司道實無從籌措塘抵士卒嗷嗷洋行責詢令人難堪目前非有洋款萬難支持和議雖有眉目然恐尙有更變防務一時斷難鬆懈即使將來裁撤亦須從容斟酌斷不敢輕率貽患至已欠之款不能不付竊思二十四日奉旨將來南洋需用款項由戶部另行籌議自係指整頓海軍購船等事而言至現在急需前經三次奉旨准借洋款龔使與洋商久已議有成說現已經龔使簽字立約未便失信仰懇天恩將此一百萬鎊准其借用由鹽課釐金籌捐等項歸還不動關稅且匯豐事龔使深知龔在英立

張文襄公電奏 卷五

約自必與匯豐無妨况數止一百萬鎊斷不致礙總稅司所借鉅款洞當督飭司道核實樽節動用如防務早定仍可餘存斷不致糜費耗盡至王之春擬借之款已遵旨電王作爲罷論謹披瀝上陳請代奏宥

總署來電 光緒二十一年三月二十九日午刻到

奉旨張之洞電奏請借款等語南洋需款既經龔照瑗訂定英商克薩行一百萬鎊即著准其借用嗣後

恪遵前旨不得再借欽此勒

致總署 光緒二十一年三月二十六日亥刻發

王使之春來電倭要盟索全臺不應則慮北犯應則粵

張文襄公全集

卷七十七 電奏五

三

閩必譁而臺民亦未必帖然無計可紓宸慮竊采西人公論以普法之戰普索法之阿勒撒士及樓阿來那二省法不得不應惟引西例凡勒佔鄰土必視百姓從違普不能駁至今二省德法兩籍相參財產皆民自主華可接近案商倭等語乞代奏春叩敬等語謹照轉請代奏宥

張文襄公全集卷七十七終

黃陂蕭延年校

五五一

張文襄公全集卷七十八

電奏六

致總署 光緒二十一年四月初二日辰刻發

倭約萬分無理地險商利餉力兵權一朝奪盡神人共憤意在吞噬中國非僅割占數地而已所有棄臺旅之害威海劉島駐兵之害與中國聯合備戰各條之害二十六日電奏已詳陳近聞通商條目賠款限期尤堪駭異各省口岸城邑商業工藝輪船處處任意往來任意製造一網打盡工商生路盡矣倭在華製造土貨亦照洋貨納稅各國效尤如何能拒釐金虧矣賠款二萬萬

張文襄公全集 卷七十八 電奏六

兩六年付清又加五釐利息即借英國洋款轉付分期攤還每年亦須還本息一千數百萬兩各海關洋稅空矣今借款係赫德一手承辦專借英款將來無論如何搜括亦不能還清英國必索我地方作抵是又生一患矣民貧極則生亂釐稅去則無餉陸師海軍永不能練中國外無自強之望內無勦匪之力矣威旅之兵必致永遠不撤京城亦永無安枕之日矣一倭如此各大國援例要挾動以窺伺京城爲詞更不能拒後患不可勝言矣然非藉兵威不能廢約此時欲廢倭約保京城安中國惟有乞援強國一策俄國已邀法德阻倭占地正

可乘機懇之乞援非可空言必須予以界務商務實利竊思威旅乃北洋門戶臺灣乃南洋咽喉今朝廷既肯割此兩處與倭何不即以此賂倭者轉而賂俄英乎所失不及其半即可轉敗爲功惟有懇請敕總署及出使大臣急與俄國商訂立密約如肯助我攻倭脅倭盡廢全約即酌量劃分新疆之地或南路回疆數城或北路數城以酬之並許以推廣商務如英肯助我則酌量劃分西藏之後藏一帶地讓與若干以酬之亦許以推廣商務外洋通例若此兩國有聯盟密約有戰事即可相助不在局外之例俄現有兵艦三十餘艘在中國海面

張文襄公全集 卷七十八 電奏六

英有兵艦二十餘艘在中國海面俄英兩國只須有一國允助其兵船已足制倭而有餘其船或開向橫濱長崎或徑趨廣島或游行南北洋兵船一動倭破立沮倭極畏西洋斷不敢與俄英開戰若俄英有一國相助則兵不血刃而倭約自廢京城自安若倭敢戰則我擊其陸兵英俄截其海道攻其國都倭必滅矣同一棄地而捐荒遠之西域可保緊要之威旅全膏腴之臺灣且可盡廢一切毒害中華之約權其輕重利害顯然且遼東旅順國家根本臺灣歸化康熙初年而西域開拓藏衛大定則在乾隆中葉先後緩急亦自不同譬如人有疾

病臺灣割棄威旅駐兵咽喉之病也內地處處通商賠款力不能還心腹之患也西藏邊遠髀肉之損也蓋俄英本強然歷次條約尚無吞併中國之意即以重利酬之於彼有益於我尚無大損倭專心欲害中國正苦餉力不足若此約允行則從此既強且富是我助以吞噬中國之資矣至倭約各條處處包藏禍心而字句巧黠意圖含混尤望將和議各條發交王大臣等細心閱看自知其險毒之謀矣此因和議已許割地故擬爲此權宜轉移之策冀以救急紓禍憂憤迫切仰候聖裁請代奏冬

張文襄公全集

卷七十八 電奏六

三

致總署

光緒二十一年四月初三日戌刻發

前洋報言法德俄阻倭割地適王使之春抵法特電囑與外部密商探其所欲告以必有酬謝頃接復電云奉豔電屬密商外部春當浼勘界西友往商西以事可商不須酬問奉旨否春以洞意浼再往據復俄法聯集水師兵力已厚自可脅倭減約俄已不許遼東法應續阻臺灣倭未必遽從法俄擬約德合力詰責無慮英人袖手此事至密告華政府勿稍洩漏恐不利於華爲華計先宜以各國不允索地新約未便互換藉此延宕倭有外迫必難持久如此則將來地可歸華若約已換則各

國分地於倭與華無涉以後華患更大云語由私述至外部尙未晤談一切不能盡商須有旨方便登答庶與駐使無礙等語法既如此關切且俄僅阻遼法願阻倭割臺尤爲難得機會王之春機警敏捷亦有決斷長於應對龔使較爲和緩且現不在法國可否請旨密飭王之春就近切託外部囑其力阻倭割臺遼并探其欲許以厚謝一面暫宕力託各國展限換約庶可挽回事關大局安危機不可失伏候聖裁不勝惶悚請代奏江

致總署

光緒二十一年四月初五日亥刻發

張文襄公全集

卷七十八 電奏六

四

初三日電奏計已進呈頃王使之春江電云頃赴外部約言德向助日因俄法牽制復忌其強遂有壓日之舉茲日電稱彼邦屢勝礙難相讓若照所請恐激民變云假如中國臺民粵民變何以處之或足抵制當稱謝因請設法相助隨問奉旨否對未但不便再商若從民變著想當有權衡等語查路透電報倭拒俄法諸國確係以恐激民變爲詞正與法外部之言相同倭既藉民變以拒諸國我更可藉民變懇諸國以拒倭昨臺撫唐江電稱臺民不願歸倭欲劫留崧與劉永福在臺同守僅許送出老母而家具不准行乘機欲亂有劫司庫械局之謀以有備而止廿八砍死中軍槍傷平民旋聞有各

國阻止之信目前稍定儻無轉機各官與良民均無生理矣軍火萬難收回存局者百姓不准提出不知各國究有切實辦法能阻割地否批准期到大亂立起電報驛站人皆逃散必致信息不通等語是臺灣民變其勢已成遼民亦必不服毫無虛假竊思恐激民變一說正合西例可冀西洋各國動聽且措詞最得體仰懇朝廷熟籌全局一面飭總署迅速與各公使商一面電許龔兩使迅與俄德英商電王使迅與法商或有轉機再英袖手不管必有隱情上海傳言倭與英約分與利益情形種種可疑此說如確我更宜與英商倭餌英以利我

張文襄公全集

卷七十八 電奏六

五

亦能為我許英者較厚英自舍倭助我矣即不相助亦免助倭為患似甚緊要英若作梗則大局處處窒礙矣恭候聖裁請代奏歌

致總署戶部

光緒二十一年四月初八日丑刻發

克薩借款係上海麥加利行經手在滬交銀專待總署錄旨照會英使電告該行初三初四等日已電請總署照會英使頃據上海麥加利行稱接駐京英使電未接總署明文不能交款事急餉竭諱潰可慮焦灼萬分仰懇聖恩敕總署速照英使令該行交銀再和戰大局未定竊恐事變正多兵事斷難速了若不急籌餉需禍

變不堪設想不勝惶悚待命之至請代奏庚

致總署

光緒二十一年四月初九日申刻發

初七日奉旨即電王使之春遵旨與法切實商辦頃王使初八日來電云連日商外部伊云倭已有忱陽許減約陰聳逼批以機不可緩言次遂發電調兵輪分布基隆滬尾限日到請唐若法提督就商萬勿疑貳法并約西班牙協助另電詰倭德本勉從英私詐前臺電求英置之不理淡水英領事須防縱令批准法作不算等語謹飛電上陳法既已發兵阻臺仰懇暫緩批准熟察各國大局再定辦法再法外部一經中使與商立即發兵

張文襄公全集

卷七十八 電奏六

六

相助是俄英各國此時仍有可圖俄押遼而喜我以他地易之仍可歸我聞英已調香港兵船赴長崎顯係忌俄得遼大意不外或阻俄取遼或脅倭索臺兩端三國交忌中華若乘此求助當可互相牽制令倭約自廢伏望責成許龔兩使一切實商俄一切實商英予以實惠必為我助務盡力圖之勿狃於局外常談失此機會大局安危不可不爭此數日迫切瀝陳恭候聖裁請代奏

致總署

光緒二十一年四月初十日未刻發

傳聞十四日煙臺換約此舉一定實關大局安危各國現在商辦有已有辦法者有未得確音者但有強國出

爲排解總可挽回幾分伏懇宸衷務加審慎迅飭總署使臣力懇各國切商倭人展限數旬停戰議約以便詳加斟酌從容數旬各國必有真實情形彼此交忌必然相爭庶可因時變通相機補救此時懇各國助戰則難懇各國展期則易若倉卒換約各國皆怨歸咎於我豈不多樹敵鑄成大錯悔不可追謹合詞籲請惶悚迫切請代奏之洞寶泉繼洵德馨秉衡景崧聯桂同肅蒸致總署戶部

光緒二十一年四月十一日己刻發

前因需餉甚急託龔使向英商借款久無定議洋款反覆太多恐致誤事故一面飭上海道劉麒祥向各洋行

張文襄公全集

卷七十八

電奏六

七

商借德商瑞記允借一百五十萬鎊六釐息九六扣此外無行用二十年還先立草約擬俟龔處借款如不成再奏借瑞記之款茲據上海道電稱瑞記洋人李曼屢向該道稱早已備十二萬鎊匯到上海該外國行東在德國住月餘此事匯費電費及該洋東盤費共萬餘金若借款忽作罷論從何取償堅請速奏以便交銀如必退借則將此事用費息銀請該國公使向總署詢問負氣爭辯其意甚堅等語查瑞記之款扣數較輕以一百萬鎊計之較克薩九零五扣可省三十八萬餘兩以百五十萬鎊計之可省五十七萬餘兩出入太多因候龔

使借款準信未敢遽定又恐克薩反覆餉需無著故亦未敢辭退擬俟克薩款不成再議今瑞記既堅欲求借情詞迫切自係可靠扣數輕減甚鉅自未便棄之不用坐令公帑受此多虧且以後需借鉅款此時所借自以輕減爲宜瑞記係德商之款亦免與赫德借款有礙克薩款既爲赫德所不願擬即借用瑞記款相應電奏請旨准將瑞記之款借用一百萬鎊即由總署速告德國駐京公使電知上海該行及德國本行以便即日提銀此款仍係江蘇鹽課釐金及籌捐三項歸還各海關作保上海道藩司俱用印惟瑞記議定須一百五十萬鎊

張文襄公全集

卷七十八

電奏六

八

方肯借江省止借一百萬鎊其餘五十萬鎊既較匯豐減省戶部似可留用如歸部用應由關稅歸還其克薩之款只可作爲罷論仰懇聖裁訓示如蒙俞允并請飭總署速告德使請代奏真一

致總署

光緒二十一年四月十一日未刻發

前奉初七日電旨當已恭錄轉電王使之春欽遵與外部切實商辦在案茲接王電法外部以兩使在法爲疑停議兩日換約期迫一刻難緩請催署知照法國駐京公使轉電外部再參贊慶常駐法廿年深悉機宜并請奏飭龔使令慶常幫春辦事等語查王之春與法外部

商辦頗為切實已議有眉目其辦法肯盡告王並為我畫策立即派兵輪其得力已有明徵仰懇聖恩敕令慶常幫同王使辦事并飭總署速電龔使并知照法公使轉電外部俾得趕緊切實商辦請代奏真二

致總署 光緒二十一年四月十三日申刻發

俄已爭回遼旅可見聖心既定一有展期換約之舉倭即就範法確允保臺惟在朝廷令使臣切託洞保法必肯實力相助總之十四日換約之期務望展緩即以臺灣民變為詞倭已得利斷不肯自敗成約伏懇電旨令許使商俄王使商法一面致謝一面許以界務商務實

張文襄公全集

卷七十八

電奏六

九

惠懇俄始終力助俾得徐議全約若不再切懇則俄除阻遼外不管矣懇法速派兵輪赴臺蓋界務商務乃於彼國家有益必懇助力大國雖不圖錢財斷無不圖土地之理所謂守局外之說乃係門面虛語萬勿為其所愚此時惟英必須聯絡英之袖手明係願倭約得成英可借二萬萬鉅款以為將來押我土地之謀且可需通商之益擬請電龔使速回英與外部商若能助我舊倭廢約我必仍向英借二萬萬以為修鐵路買兵船各項機器等事之用仍多用英弁英工其新添之口准英人通商仍許酬以邊遠土地英必盡力總之朝廷若肯以

回疆數城讓俄以後藏讓英以雲南極邊地讓法三國同助則不惟臺灣可保倭約竟可全廢斷無戰事將來酌予倭數百萬兩除蘇杭不許外並准添數口通商與西洋一律辦法其餘各條概行刪去倭不能不聽三國雖讓以邊地不因此而加強倭之毒計盡窮筋疲力盡不能再為我害此所謂不戰而屈人轉禍為福轉敗為功在此一舉並懇令總署一面與各國公使商一面電許王龔三使速辦參贊慶常甚有才并懇令慶常隨王見外部商辦求英助事若召問赫德必能為中國出力籌畫有數日之堅忍即可固萬年之遠圖安危大計斷

張文襄公全集

卷七十八

電奏六

十

在宸衷不勝急切請代奏元

致總署 光緒二十一年四月十八日戌刻發

十三日奉電旨當即電王使之春與法外部密商慶常幫辦並知照龔使回英嗣接總署諫電亦即電王遵辦茲王使電稱奉旨逾四日龔無行意此事首重神速法既允許當先擬定辦法請旨徒深焦灼等語竊思法確有保臺之意龔在法延宕太甚徒致王掣肘臺民洵洵萬不能棄之不顧惟有請旨令總署電龔遵旨速回英慶常留法令實力助王若僅由洞處轉電恐龔仍不肯行也臺事危迫唐撫屢電催不可再緩再誤激切待命

請代奏嘯

致總署

光緒二十一年四月十九日丑刻發

俄法德已爲我將遼旅爭回令倭換約展限七日已蒙旨暫緩互換乃以伊東一言恫喝倉卒互換伊藤允展限之電到亦已無及憤懣萬狀然事機雖已屢誤尙有補救一二之方蓋我約雖換倭斷不敢占遼旅必另索巨款抵補前議二百兆已足令中國民窮財盡矣豈可再加聞伊藤已向李相示意此乃倭寇窮極狡極之計萬不可又受其毒此時要策惟有堅持定見但託俄議不與倭議聞俄本有擬與倭商立退地約據索償費

張文襄公全集

卷七十八

電奏六

十一

允代調停之說蓋倭不能據遼乃俄之威非倭之讓讓萬不必感費自不必加倭既不敢踞俄又不肯占倭計既窮略爲敷衍即可仍歸於我即使俄不能代我減費倭亦必自圖了事若爲倭所愚開口輕許又耗巨款中國更不支禍患難言矣臺灣情形亦與遼相同惟有請敕龔使速回英救王使速與法切商則臺全而不加鉅費與倭錢財雖輕於土地然譬如人身脂膏耗盡何以自存俄法既經出頭倭必無再戰之理伏望朝廷堅忍力持不勝大幸請代奏效

致總署

光緒二十一年四月二十二日午刻發

頃接臺民二十一日公電云全臺紳民敬電稟者臺灣

屬倭萬眾不服迭請唐撫院代奏臺民下情而事難挽回如赤子之失父母悲慘曷極伏查臺灣已爲朝廷棄地百姓無依惟有死守據爲島國遙戴皇靈爲南洋屏蔽惟須有人統率眾議堅留唐撫暫仍理臺事并留劉鎮永福鎮守臺南一面懇請各國查照割地紳民不服公法從公剖斷臺灣應作何處置再送唐撫入京劉鎮回任臺民此舉無非戀戴皇清圖固守以待轉機情形萬緊伏乞代爲電奏全臺紳民同泣叩等語謹據情轉達請代奏禱

張文襄公全集

卷七十八

電奏六

十二

致總署

光緒二十一年四月二十三日卯刻發

王使之春來電云號電謹悉遵旨令慶常詢外部因何不願接見臺事有無辦法據復前商立約在未批准前華既遲誤三國勸倭展限華不能緩議院謂遼地全力已盡不欲從頭再舉故無可晤商非敢慢使又以恐德佔先步激之彼不爲動即前日法使向署問辦法亦止探詢無他意查立約致緩之由詳前電誠可惜現仍令慶隨時探問一面候輪回華乞代奏春叩箇等語謹照轉請代奏漾

致總署

光緒二十一年五月初四日寅刻發

頃接臺電臺民忠義誓不服倭適唐撫奉旨內渡臺遂
自約為民會之國紳民蜂擁畢集不放唐行強唐撫留
臺唐無可奈何允暫留保民禦敵並云該撫在此則各
官可行該撫一人去則無一人可脫矣等語查臺民不
願屬倭情形屢經電奏前奉旨撥濟臺餉五十萬及軍
火各節已撥三十萬并酌撥舊槍并彈現既自為民會
之國以後餉械等事自未便再為接濟以免枝節謹電
奏陳明請代奏支

總署來電 光緒二十一年五月初五日戌刻到

奉旨張之洞電奏已悉臺事無從過問餉械等自不

張文襄公全集 卷七十八 電奏六

宜再解免生枝節欽此微

又 光緒二十一年五月初十日戌刻到

奉旨現在和約既定而臺民不服據為島國自已無
從過問惟近據英德使臣言上海廣東均有軍械解
往並有勇丁由粵往臺疑為暗中接濟登之洋報或
係臺人自行私運亦未可知而此等謠傳實於和約
大有妨礙著張之洞奎俊譚鍾麟馬丕瑤飭查各海
口究竟有無私運軍械勇丁之事設法禁止免滋口
實欽此蒸

致總署 光緒二十一年五月初五日亥刻發

今日臺撫唐冬電稱以後奏事及行文臺地暨內地各
省均仍用本衙及巡撫印臺儻倖存自仍歸中國其印
旗係為交涉各國結援而設免中國受牽累等語竊思
此節甚關緊要謹代電陳查臺民依戀本朝不願他屬
唐迫於臺民不能內渡唐現在辦法洵屬無可奈何之
苦心事成則國家受其利不成則該撫身受其害諒蒙
聖明鑒察儻能支持數月倭氣已沮當可與倭商贖臺
之法臺若贖回所值甚多請代奏歌

致總署戶部督辦軍務處 光緒二十一年五月十
八日己刻發

戶部真電查詢息借瑞記百萬鎊已否交款此款四月

張文襄公全集 卷七十八 電奏六

十七日奉旨後十九日即提到十二萬鎊適鎊價甚低

九六扣止合實銀七十八萬餘兩除遵旨撥臺餉三十
萬及該行扣去礮價九萬餘兩外餘悉撥充防餉早已
告罄現正陸續催提竊思此次軍務總由中國兵弱械
缺以致受此重傷補牢之計不可再緩查此項洋款陸
續裁撤江南防營餉項約需百餘萬現擬用德國洋將
洋弁趕緊練陸兵一萬人已到德弁十六人一年約需
銀一百餘萬開設大快槍廠一所大快礮廠一所約需
銀二百餘萬創修江省江北之海州清江浦江南之金
山衛濬浦金陵等處并改修鎮江江陰吳淞等處各礮

臺購礮築臺約需一百數十萬已有不敷此項借款仰懇聖恩敕部萬勿撥作他用不勝大幸請代奏嘯

總署來電

光緒二十一年五月二十日午刻到

奉旨張之洞電奏已悉據稱瑞記借款已提用十二萬鎊餘擬留為裁撤勇營及練兵開廠築臺之需請飭部勿撥他用等語現在善後諸事皆應次第辦理惟籌款艱難亦須通籌全局方能舉辦張之洞所擬用洋將練兵萬人開設槍礮全廠修改各處礮臺需款甚鉅著將一切辦法及需用款項詳細聲敘具摺再奏請旨辦理其湖北製造快槍現已造成若干是

張文襄公全集

卷七十八

電奏六

十五

否合用著一併奏聞欽此效

致總署

光緒二十一年五月二十九日卯刻發

去年海防戒嚴長江各口禁米出洋嗣因北路采辦軍米甚多經前督劉於十月內奏明鎮江上海准運米出口蕪湖仍禁以免漏釐而顧餉源部議復准茲值海防解嚴蕪湖關道稟請開禁江甯藩司釐金局鎮江關道均稟請不可開禁查江南運米出口歷來皆係自鎮江關裝輪販運上游蕪湖一帶之米皆用民船運赴鎮江銷售赴蕪湖者寥寥光緒十一年始有粵商多家徑赴蕪湖多開米棧舊房裝輪下運茲查鎮江關自上年九

月十五日起至本年五月十五日止計八箇月鎮江關米稅一項較往年多收四十三萬餘兩而江甯江蘇兩省於鎮江以上有釐金卡三處共多收米釐二十餘萬兩通計一年鎮關米稅約可增多六十餘萬兩甯蘇三釐局米釐約可增多三十餘萬兩兩項共增約一百萬兩於安徽之米穀釐金常稅收數依然如故絲毫無損且由皖至鎮皆用民船裝載於小民生計亦甚有益惟蕪湖洋關米稅無收查歷年蕪湖洋關米稅少者二十餘萬兩至多者三十八萬兩今若准輪船至蕪湖運載則鎮江關米稅頓減而甯蘇米釐三十餘萬金全歸烏

張文襄公全集

卷七十八

電奏六

十六

有當此籌餉萬分艱難之際若棄此不擾商民之鉅款實多窒礙難行特是蕪關既無米稅止有洋藥百貨收數既絀撥餉難籌謹與司道等熟商擬請照蕪湖關米稅最多三十八萬兩之數由鎮江關照數撥補於今年部撥蕪湖京協各餉內由鎮江關照數代解三十八萬兩如此則蕪關稅餉有著而江省釐金無損至蕪湖關稅司及官吏司事巡丁人等辦公經費擬即由江省三釐局查照向來蕪湖關需用之數照案如數提出津貼該關以資辦公擬請照此試辦一年屆時體察情形再行奏明辦理同於蕪鎮兩關同為轄屬毫無偏重派員

分投確查詳加諮訪具悉實在情形不敢不通籌兼顧以期商民無損稅釐有益是否有當請旨遵行再此後江海鎮江九江江漢各關各種米糧應請一律弛禁准其查照定章販運合併陳明請代奏

致總署 光緒二十一年五月二十九日卯刻發

奉鈞署陽電令前護臺撫唐景崧設法脫身即歸以免枝節遵旨轉達等因當即轉達去後茲該前護撫已遵旨內渡於本月二十七日到江甯本日已晤面懇為代奏請旨應否仍行入京陛見候旨遵行請代奏

總署來電 光緒二十一年五月三十日申刻到

張文襄公全集 卷七十八 電奏六 七

奉旨張之洞電奏已悉唐景崧著即休致回籍欽此

卅

致總署 光緒二十一年閏五月十二日辰刻發

奉旨保薦使才當係選擇出使日本人員查川東道黎庶昌老練持重兩次出使東洋熟習情形該道學問素優日本文人從游奉為師範者甚多因此該國大臣亦加敬禮若黎再往藉其舊日聲望尙不致為彼族所輕侮此時姑且以老成雅重者虛與委蛇使其政府不能遽測中國之情實似為合宜又查有奏調江南差委湖南候補道陳允頤會以隨員理事等官到過西洋東洋

朝鮮各國明習洋情才具通達無滯尙能斟酌輕重亦可備使才之選謹舉所知恭候聖裁請代奏文

致總署 光緒二十一年閏五月二十八日午刻發

古州鎮丁槐聞其營即將裁撤查該鎮忠勇果決勤練耐勞曾經洋戰熟習營壘情形且久在邊軍不染腹省將領習氣自去秋以來洞所見將領甚多如該鎮之不避艱苦赴敵迅速者實為罕有古州偏僻平靜無事此次北來糾合舊部得力將弁頗多奔馳八千餘里若將該軍遣散未免可惜該鎮回黔後緣營無事亦不足盡其長竊惟今日可靠將才甚少有用者似宜置之海疆

張文襄公全集 卷七十八 電奏六 六

六

仰懇聖恩可否飭丁槐赴江南差委即率本部弁勇來江如蒙俞允洞當與熟商除裁撤者遣回外酌留數營在江省認真操練擇要屯劄以備緩急徵調必有實用洞當酌裁江省現有之營以抵其數並不添餉洞為籌大局儲將才起見伏候聖裁請代奏

致總署 光緒二十一年六月初五日亥刻發

奉旨飭籌日本新約改造土貨設法補救一節連日正在督飭司道詢訪紳商力籌妥法惟外間並未接到總署頒行條約刊本雖有傳鈔不知字句是否相符商務條約字字皆有狡謀深意仰懇總署將中日新約第

六條及他條有關商務者電示以便速籌覆奏請代表
歌

總署來電 光緒二十一年六月初一日午刻到

奉旨前因日本約內改造土貨一節電諭張之洞等
籌商覆奏現在商約尚未開議其中關繫國計民生
應如何補救之處著張之洞奎俊趙舒翹廖壽豐併
豫爲籌議迅速覆奏欽此

致總署 光緒二十一年六月初九日亥刻發

養庚兩電兩次奉旨飭保興辦鐵路之員并令將清江
一路熟籌具奏查鐵路爲今日要圖富強兼資勢不可

張文襄公全集 卷七十八 電奏六

九

緩惟此等大舉必須通籌全局將此路利益何在需費
若干幾年告成如何籌款如何發端如何推廣籌有成
算始可下手舉辦洞於閏月二十七日有條陳時事一
摺內一條專言鐵路計本月半可到京查鐵路以由漢
口至蘆溝一路爲最要此路四通八達必宜先辦其餘
枝路由此而推如此方有綱領有次第若清江一路諸
多不便查湖口以上外洋大兵艦不能到若海州距清
江二百餘里毫無險隘離海太近易被敵截弊一鄰近
輪船運載罕利弊二路之東餘地無多不能拓枝路之
利弊三鐵路必受運一切深藏難出之物然後有利清

江運道久通蘊藏鮮少弊四蘆漢一路目前可用湘煤

將來可通晉煤磁州一帶皆有煤鑛東路距煤鐵出產
之區太遠不便資用弊五築路以碎石爲第一要料西
路沿途皆有東路取資頗艱弊六一國之內幹路不能
多設創始偏東則近西幹路不能再舉將來引而加長
如南達湘粵西達川陝均遠弊七黃河下游遷徙無定
弊八直隸之津南山東之湖路常被水淹路虞沖損弊
九清江一路仍以天津爲歸宿海口兵衝實不穩便弊
十幹路既成自必多作枝路西通潼關東通濟南濟甯
北通山西南通湘粵由鎮江乘輪至漢口止兩三日若

張文襄公全集

卷七十八

電奏六

三

專辦東路則無大益此皆詢考洋人熟習鐵路者所言
至籌款之法外洋風氣若爲辦鐵路借款既易利息亦
輕可即用鐵路作押不必海關作保尤要者鐵路辦法
必以勘路繪圖爲先宜速募洋工師數人將蘆漢一路
詳切測勘並委員偕往照料估工計費既定再行舉辦
惟此路必須一年方能勘竣初勘詳實則將來或自辦
或包辦皆有成算而且迅速德國鐵路最盛獲利最饒
若託外部向鐵路衙門揀派得力官員來華代我測勘
尤善至承辦此舉之員必須廉潔無私而又通達時務
之員最難其選本日另電奏陳總之此事關係國家大

利害定地用人務宜慎之於始近年習氣凡稱知洋務者大率皆營私漁利之徒斷難專任總宜以廉正者為主主持以敏幹者供策遣庶可無弊聞各國洋人紛紛赴京向其公使處營謀承辦鐵路不下數十人此皆只圖謀利不顧中國全局伏望朝廷詳加權度萬勿輕允其請不勝翹禱洞仰蒙垂詢不敢不竭誠直陳請代奏佳

總署來電

光緒二十一年閏五月二十二日申刻到

奉旨興修鐵路為方今切要之圖亟應舉辦惟責任至重必操守廉潔明幹有為熟諳情形之員方能勝任著張之洞悉心遴選奏保數員以備簡用鐵路支

張文襄公全集

卷七十八

電奏六

王

幹前據張之洞條奏頗為詳晰著專由京至清江一路作何修造之處再行熟籌具奏欽此

又光緒二十一年六月初八日申刻到

奉旨前諭張之洞奏保辦理鐵路之員以備簡用曾否遴選有人著該督即行覆奏欽此

致總署

光緒二十一年六月初九日亥刻發

奉旨命洞奏保辦鐵路人員此事關係大局必須才識兼優操守可信者始克勝任查有前臺灣布政使于蔭霖品行端方才識明決事必核實應變有方又前內閣學士陳寶琛志趣遠大條理精詳究心洋務果銳有為

該兩員若蒙朝廷加以委任必能心存君國絕不藉此牟利營私則皆相同此事任重款鉅凡巧滑好利之流皆不相宜謹舉所知仰候聖明裁擇請代奏佳

致總署

光緒二十一年六月初九日子刻發

外國鐵路要義利商與利兵兩大端並重蘆漢幹路兵商兼利此為中國鐵路大綱此外尚有一路可以興辦查由上海造鐵路以通蘇州而至江甯旁通杭州此路最有利於商貨物蕃行旅多道路平大河少道里近成功易獲利速又可杜外國行小輪之害於江南富民籌餉之道均有益借款亦不難且去年辦防以來蘇杭精

張文襄公全集

卷七十八

電奏六

王

華力籌保衛然各處距海皆不甚遠內河紆遲實難得無數重兵精械分防援應若鐵路既通江甯蘇杭聯為一氣外遠內近可以隨方策應省兵省餉是於兵亦有大益洋商勸開此路營謀代造者甚多其利厚可知朝廷如有意興辦擬派員帶洋匠測勘酌擬籌款辦法再奏明請旨辦理伏候聖裁訓示遵行請代奏佳

總署來電

光緒二十一年六月十一日戌刻到

奉旨張之洞電奏均悉鐵路由蘆至漢該督從前即主是議究竟辦法若何購路造軌一切需費若干諒已籌有大概即著詳晰電覆欽此

致總署督辦軍務處

光緒二十一年六月二十七日未刻發

南洋必需海軍而現在各船皆木質難禦敵仰懇聖恩飭調琅威理來華令先到南洋察看情形籌議應設戰艦幾艘或大或小若何配搭布置然購艦款巨恐一時難集擬令先籌擬教練人才之法就現有兵船擇其較可用者即令該洋將督飭練習嫻熟以備一有新船即可駕駛應用以免倉卒乏才且不致虛糜養船經費實於海防有益伏候聖裁訓示請代奏感

總署來電 光緒二十一年七月初二日酉刻到

奉旨張之洞兩電均悉琅威理已允來華俟該洋將

張文襄公全集

卷七十八 電奏六

三

到後再定辦法欽此

致總署 光緒二十一年七月初七日戌刻發

俄國建造西伯利鐵路意在網羅亞洲東方一帶貿易此路一成凡歐亞相通之英法德三國公司輪船無不大受其損蓋行旅及細貨之取速達者莫不舍舟就陸惟賸重大貨物而又不求速達者尙由船運耳先聞總署允其假黑龍江南岸造鐵路以接於海參崴已成之路可省千里近英文新聞紙又言中國允其沿鴨綠江南而南建造鐵路以江口爲水陸銜接之所查俄國久謀在東方覓一冬凍不久之海口今以鴨綠江口界之此

路一成俄可獨擅亞洲東方貿易轉運之權今中國方謀以鐵路自強查鐵路之利凡分二大項一收本國往來之利一收外國貨物經過之利中國目下力雖未逮日後必須擴充收外國之利而後路愈富國愈強中國居亞洲東方此一帶貿易之利中國應收之俄國不應奪之也且遼東根本重地後患甚大不可不防爲今之計惟有速與議凡自俄境入華境以後無論鴨綠江南岸黑龍江南岸達於海口其鐵路皆由中國修造俄國運貨運兵皆可行用惟運兵須議定章程限制造路之費即以本路作押不須海關其款即託俄代借彼亦可

張文襄公全集

卷七十八 電奏六

三

有需潤我有此路可操縱各國經過貨物之利權運價多少由我酌定其利甚大既可振中國富強大局且防無窮後患不可不竭力爭回不勝急切此舉關係東方海面商務事涉南洋非敢越俎俄人是否允許可否諭知洞處以便另籌辦法伏望聖明鑒察請代奏陽一

總署來電 光緒二十一年七月十一日酉刻到

陽電悉俄假道修路并未來商真

致總署 光緒二十一年七月初七日戌刻發
奉旨籌議倭約第六款補救辦法謹擬十九條一甯波口岸並無租界名目洋商所居地名江北岸即名曰洋

人寄居之地其巡捕一切由浙海關道出費雇募洋人允當今日本新開蘇杭沙市三處口岸係在內地與海口不同應照甯波章程不設租界名目但指定地段縱橫四至名爲通商場其地方人民管轄之權仍歸中國其巡捕緝匪修路一切俱由該地方官出資募人辦理中國官須力任諸事必爲妥辦不准日本人自設巡捕以免侵我轄地之權二製造貨物自係單指通商口岸而言華文有含混內地之意須更正任便兩字太寬宜議定限制三出示曉諭產貨地方須先完坐賈釐捐方准售賣無論洋商華商一律辦理日本人在內地購買

張文襄公全集

卷七十八

電奏六

五

土貨只可暫行租棧存放不准自行開行不准自向散戶收買以免奪我產貨地方坐賈釐稅且杜華商影射洋票漏釐四內地收買土貨准其租棧暫存不准購買房地懸掛招牌所買土貨務須運載出口不得在內地轉售洋貨運入內地須大宗販賣不准零售租棧應給地方公舉費用須照華民房屋一律攤派五日本人在內地製造土貨出廠後即完正稅一道運出通商地界無論行銷內地及運出外洋均須再完半稅一道六通商章程善後條約第二款所載各項器用食物進出通商各口皆准免稅原爲洋商在各口岸自用爲數無多

故邀寬免若作貨物轉售應照值百抽五納稅不得藉口家用雜物蒙混免稅七日本輪船不准販運食鹽八米穀銅錢不准販運出洋九軍火禁販非有官買執照不准進口十日本輪船不准拖帶民船免致影射漏釐十一日本行內河輪船尺寸大小時刻早晚須有限制以免傷礙民船十二日本輪船只准到指定口岸裝卸人貨不准沿途起卸搭載十三內河輪船應收船鈔須較長江加多以備修理河道之費十四日本人入內地辦貨賣貨不准薙髮改爲華裝違者查出即作爲華人照奸細治罪十五雇用華民工作須按日給值聽其自

張文襄公全集

卷七十八

電奏六

五

願不得立約限期抑勒作工更不得鞭撻虐待十六裝運機器製造各物須無傷民命方能照准不得以任便兩字藉口十七船隻非日本商人購置行戶藉日本商資本不得懸挂日本旗若有冒名包庇查出即行充公十八製造各廠如有藏匿犯法華人一面由地方官知照領事一面即派人到廠緝拏廠主不得袒庇如廠主確知爲好人須照洋例存銀作保到審訊日交出候審十九廠內如有華工滋鬧毀傷機器廠屋地方官只能辦犯不能賠償若僅罷工細故應由廠主自行調停官不與聞此外如再有籌思所及之處當再續陳請代奏

陽一

致總署 光緒二十一年七月十八日辰刻發

蘇州通商奉旨籌議招商多設織布織綢等局及內河設小輪就產貨地方先抽釐金三節均為維持國計民生要事必應力籌兼顧謹分爲三電覆陳兩月以來夙夜焦思邀集官紳商董反覆籌議並向蘇滬商買洋人廣爲詢訪均謂空言勸導終恐無益必須官助以本方易集事惟官款無從籌措近始思得一策此次息借商款共二百二十六萬五月已還利一次十一月即應本利併還擬即商明借戶以此款移爲開辦商務局之用

張文襄公全集

卷七十八

電奏六

七

按期將利銀仍給借戶其本銀即轉借與商務局令紳商公同承領出具保結并邀殷實錢莊當店二十家作保凡有願開辦機器仿製洋貨者借給公款至多不得過十萬餘令該商自籌海關票二年半後官款還清其息銀即由商務局認還減爲年息六釐分十年還清此係以本地紳商之款濟本地紳商之用似尙自然公家絲毫不支其願收回本銀不肯借者聽之至商利之事機器繅絲爲一大端其餘如製洋糖洋瓷器洋蠟洋火柴洋水泥洋針洋呢氈洋酒之類銷路皆極旺均可仿造以敵洋貨其繅絲廠擬設於無錫兼開繭行此外各

廠擬設於上海現經上海道黃祖絡籌議查有法租界之南官地甚廣擬修治道路以備各項新設機器工作各廠其願設於蘇州等處亦聽之洞手書章程數千言詢商蘇滬紳富舒翹復加切商昨日得復電以爲可行至機器織綢徧詢洋商土綱應用何機洋綱何式易銷機價若干皆不能確知已令函詢外洋接續酌辦竊查絲爲綢之源若我多設機器繅絲廠已盡擅絲利即與織綢無異矣至織布紡紗每一廠機器廠屋活本約需銀百萬若欲多設鉅資難籌似只可另議謹先覆奏如蒙俞允擬即曉示紳商妥擬章程再行奏明設局開辦

張文襄公全集

卷七十八

電奏六

天

再此事因須籌有切實辦法方敢覆奏合併陳明請代奏之洞舒翹同肅洽一

致總署

光緒二十一年七月十七日戌刻發

內河設小輪一節飭上海道黃祖絡勸辦眾商願者極多現擬分爲六路由滬至蘇爲一路由滬至杭爲一路由蘇至鎮江爲一路由鎮江至清江爲一路由滬至崇明海門通州爲一路由滬至甯波台州爲一路後三路非日本條約所有因商人所願又便於民故一併議辦現據該道稟已有人集股承辦無須發給官款每年除該船經費外願以餘利一半報效充餉惟請目前照完

釐金以後如洋人小輪開行時彼止完一正稅或再完半稅相去懸絕則華輪無人雇用懇比照洋輪章程一律等語竊思果如所請則內河釐金全減為洋稅斷不可行查內河小輪之利全在拖帶民船剝船運貨洋人小輪自應照長江章程不准拖帶民船剝船據稅務司言此必可行但能堅持舊章定約且限制每河止准幾隻則華輪自可照舊完釐不知總署議約如何伏望諭知以便總飭定議趕造請代奏之洞舒翹同肅洽一

致總署 光緒二十一年七月十八日辰刻發

就產貨地方先抽釐金一節查繭絲棉花兩大宗繭及

張文襄公全集 卷七十八 電奏六 五

絲向係於賣出時併抽一道浙絲亦同棉花視運行遠近釐金多少不等現擬飭江北江南通州等產花之處皆責令花行分別發銷何地將經過釐金併一次完納其為數較重者酌予核減蓋如此辦法透漏自無且向來釐卡多係減成招徠今併抽則雖減而實數無損此外各貨屢與甯蘇兩釐局熟商據云類繁路歧一時難得良法且尚非洋人注意只可從緩陸續酌議惟我於花行併抽日本商人若向散戶收買則仍無益查日本新約只云暫租棧存貨並無准其開行字樣惟有詳約切實議明不准設行收買一面密飭地方官賣花皆須

歸行發售彼自不能買之散戶即間有向散戶私收總不甚便本日詢造冊稅司葛顯禮云開行一層必可禁止至林董來詢先抽釐金一節總署似可告以此乃江南因釐卡太多累商故量加核減而併抽之此中國恤民內政與外國無涉蓋此事終不能不使洋人知不如明告較為得體且核減亦是實事請代奏之洞舒翹同肅洽三

總署來電 光緒二十一年七月二十日酉刻到

奉旨張之洞趙舒翹電奏悉江蘇息借商款二百二十六萬著准其借給商務局分十年歸還惟開辦機

張文襄公全集 卷七十八 電奏六 三

器仿製洋貨原為抵制外人起見該廠商人亦須自籌資本不可全用官款致外人藉口於官飭商辦轉生枝節小輪船專走內河崇明甯波兩路則涉外海可不必辦所請完稅免釐金萬不能准棉花就行抽釐甚為扼要著即照行總之此事務在得人該督撫當協力同心於興利之中先籌防弊之法是為至要等因欽此

致總署 光緒二十一年七月十八日辰刻發

江蘇土貨大利在棉花蠶絲兩端電旨令多設織布織網等局最為扼要實深欽服彼族欲盡奪江南商民生

計必須以全力爭之查織綢機價工費一切辦法中國向未辦過已函詢外洋竊思絲爲綢之源紗爲布之源若廣設機器繅絲紡紗廠卽與織布織綢無異上海向有華洋絲廠華商紗廠獲利頗豐絲廠利三分紗廠利二分若有鉅款大舉卽可盡收利權假如設絲廠五所每廠五百盆計三千盆通用繭二萬三千五百擔出絲約五千擔中價值銀三百餘萬兩廠竈繭本工費需二百四十萬兩則江蘇一省之繭可全收盡矣去年售繭八千餘擔本年售繭二萬三千擔全供上海絲廠之用絲賣繭較賣絲省工以後絲廠多則賣繭者必逐年

張文襄公全集

卷七十八

電奏六

三

江之絲多於江蘇數倍焉能盡收不知浙人向不賣繭現聞浙撫廖勳諭丁庸兩紳設繅絲廠兩所各借官本五萬試辦以後售繭之風漸開則浙廠亦可漸增以上辦法共需一千二百四十萬兩第一年絲廠可少設約需銀一千一百萬兩華商力薄上海已稟定各紗廠至今定機器者僅一半空言勸導斷不能成若欲豫杜狡謀非官助商力不可竊擬官代商借七成令商自籌三成或可速成擬由官代借洋款五百萬兩息六釐合之江省息借商款二百萬兩并仰懇將戶部所借克薩洋款撥給一百萬兩共得八百萬餘歸商籌此項洋款可

張文襄公全集

卷七十八

電奏六

三

增多開辦第一年可先設一千盆以後按年視繭數遞增假如設紡紗廠五所每廠八萬一千錠計四十萬五千錠通年出紗二十四萬包值銀一千二百四十萬兩機器廠屋花本工費需銀一千萬兩則每年外洋進口洋紗之數除上海原有各紗廠外此五廠可全敵而拒之矣貿易冊每年洋紗進口值銀一千七百餘萬兩現上海湖北華洋紗廠實有不過二十萬錠約值銀六百萬兩照此辦法日本雖欲在江蘇設機繅絲固已無繭可買雖欲設機紡紗固已無路可銷不獨東洋計且且西洋之紗亦必不來洋商絲廠亦不能再添矣或謂浙

不易辦且人多議洞好借洋款故擬此策而不敢上陳不得已又思得一小辦之法已於本日第一電會奏繼思電旨諄切力保利權既籌有盡據絲紗利權之法爲計雖拙不敢不上陳以備一說有無可采恭候聖裁抑或戶部籌有良法鼓勵眾商無須籌借巨款尤所深願自當遵行請代奏洽四

致總署 光緒二十一年七月十八日戊刻發

奉旨飭籌蘆漢鐵路如何辦法需費若干等因連日悉心籌畫熟商西人及曾出洋人員查造鐵路以勘路繪圖估工爲第一義外洋各國皆專設有鐵路衙門尊如

張文襄公全集 卷七十八 電奏六

三

六部其長官略如尙書鐵路惟德國造最後而工最精利最厚此舉必須電出使大臣商託德國鐵路衙門派精熟誠實之員數人并酌帶驅策之人來華代我勘路除蘆漢一路外如有將來必須接修之幹路必修之枝路亦應趁此一氣勘明以便通籌各路分起四出測勘卽蘆漢一路亦可南北分勘方可迅速大約至速必須一年俟勘畢繪圖後注明道里議定路寬若干鋼軌用若干頓重者估定橋梁車棧及火車貨車客車之數石印數百紙分寄外洋各國工作大廠令其估價限若干日密封寄華彙齊折封擇其價廉而又係著名大廠者

令其承辦包定工料用費若干年限若干不如式者如何議罰外洋卽係如此辦理洋廠只包辦工程其款悉由官籌不必令兼攬借款其買地彈壓等事須有委員經理至工料地價一切平地每里在萬金以內山河每里在萬金以外道里及需費確數須俟洋員勘估方確若籌款一節不外借洋款一法華商集股斷無其事幹路成後其路短而利厚之枝路或有商股願辦外洋惟借款修鐵路最爲樂從款鉅而息輕以爲此債最穩故也卽可以本路作押無須海關作保分還年限宜稍寬以舒氣現詢上海洋行有願息四釐半者惟此款太鉅

張文襄公全集 卷七十八 電奏六

三

應請飭使德大臣許侍郎向外洋銀行議借因許使操守最可信於託辦船械物料各件從不沾染經手之費也總之鐵路爲今日自強首務無論運兵運餉之便卽爲富民籌餉計亦惟鐵路爲最大遠勝開鑛等事德國境內鐵路進款餘利每年四千兆馬克合銀十三萬萬兩是其明證蓋鐵路之餘利尤在載人不僅在運貨近時論者尙多隔膜竊謂朝廷旣決意興辦必宜就此通籌全局將應修各路一齊勘繪估計然後體察緩急審時量力次第舉行免致屢勞籌計外洋見中國有此大志已可隱戢欺陵護鄂督譚已奉旨委員查勘湖北至

江西廣東之路自係朝廷有意將幹路接修至粵此路若能開通則中國氣脉大暢惟大庾嶺須洋匠測勘有何修造之法應以蘆漢一路接至黃梅在九江過江經江西抵廣東省城爲幹路此外應修者尚有數路一由河南幹路孟津以西分修枝路入潼關至陝西省城一由許州以北分修枝路至河南省城以達濟甯清江一由磁州以北分修枝路在臨清州以北作橋跨運河至山東省城以達煙臺威海又一由上海修一路經蘇杭鎮江以達金陵另爲一事此路行人最多故利最旺洋人極羨願承辦此路而於江浙海防調兵運械亦有大

張文襄公全集

卷七十八

電奏六

三

益一由通州造至張家口此路據西人云每年此路出口茶進口羊駝毛牛皮牛乳各貨計車駝價甚巨修成鐵路亦有大利可富蒙古德國洋員應請多募數人將六路一併分投勘估幹路應將河北河南江南嶺兩分爲四段測勘到華後計一年餘即可勘畢再行請旨定議先修何處勘路得人則雖多費十數萬將來所省不止數百萬此費實不能惜蓋勘造鐵路一事中國委員所勘不能爲據高山能否開通陡坡能否直上橋梁能否建造城市若何繞避均須洋員習此者方解其法至黃河能否造橋或即用船過渡均由洋員勘議此時未

勘估興工以前似不必先派修路之員既係包工則修造以洋匠爲主可無須另設專員竊謂宜請欽派總理鐵路大臣一兩員既駐京城必須清正有人望者爲之不在熟習工程與否設一公所令擇數員爲總辦隨同籌畫至明曉鐵路者亦須訪求數員以資詢考官階不必甚大庶免蒙混漁利鐵路所過省分即派該省督撫爲幫辦委員經理買地彈壓保護看守等事但委員不得掣肘至所用鋼軌鐵料自應先儘湖北官局所造給價購用不敷者購之外洋如此辦法工可堅好費無浮糜時不延曠法簡易而有把握此乃國家大政華商斷

張文襄公全集

卷七十八

電奏六

三

無此巨款且亦不可令商操此道路之權若請集股者必係洋商託名附股所有自請集股承辦之官員報效包攬之洋商皆係貪狡妄人務望駁斥不理再洞前奏開鐵路一條原擬令小國商人承辦分餘利與中國細思究有流弊仍以我自籌款只令洋匠包工爲妥謹聲明更正請代奏嘯

致總署

光緒二十一年七月十九日午刻發

日本新約第六款從上海駛進吳淞江及運河至蘇州府杭州府等語此條內運河二字殊未明晰當係指由蘇州至杭州之內河而言抑係指由鎮江至蘇州之運

河竊思上文既承從上海駛進吳淞江之下自當係由蘇入杭之路非鎮江至蘇之運河也洋文只係河渠之意并非專指運河務宜於詳約內指明河道經過地方免致牽混請代奏并祈迅賜電示以便籌畫小輪及釐金事宜切禱效一

致總署 光緒二十一年七月十九日午刻發

蘇州創辦通商諸事繁難此係發端尤關緊要江省熟悉洋務商務之員甚為難得查有前廣東候補道楊樞曾到東洋西洋充當隨員熟習洋務精細老練且通曉洋文洋語該員係廣州駐防現丁憂在廣州擬請旨飭

張文襄公全集 卷七十八 電奏六

毛

調該員迅速前來江南差委以便飭籌辦一切再浙江海甯州知州李圭久在浙海關當差曾經出洋於商務最為究心蘇杭商務事多貫通昨與浙撫廖商調該員來江籌辦通商事宜俟諸事議有端緒即令回浙廖已復允飭其即來蘇州及江甯因李圭係實缺人員合併奏聞請代奏效二

致總署 光緒二十一年七月二十日戌刻發

甘回猖獗蔓延深恐擾動大局必須厚集兵力迅圖撲滅甘督楊護陝撫張疊電告急懇江南協濟軍火已撥毛瑟槍二千枝彈一百萬來福槍二千枝車礮二十尊

格林礮十尊并火藥礮銅帽等分解濟用甘督楊屢電商湖北請撥兵協剿鄂省實無可派撥查昨接欽差劉咨江南徐州鎮陳鳳樓馬隊三營共七百名奉檄回徐州而徐防已募新營填紮吳提督鳳柱馬隊三營共五百名亦奉檄回襄陽鄂省亦因已募馬步新營填紮正以去留為難江楚兩省情形正復相同之洞繼洵往復電商竊思有一策甘省正盼援軍馬隊利於西北遠勝步隊到甘亦迅速陳吳所部皆係江淮以北人西路勦匪正為合用擬請旨即飭徐州襄陽兩軍馬隊六營共一千二百名馳援甘肅聽甘督調遣勿庸回襄回徐

張文襄公全集 卷七十八 電奏六

美

陳軍現尚在天津未啟行可即由津西行吳軍先已拔隊赴襄俟到襄後即令其馳赴西安兩軍會齊惟本日適吳提督過江甯經之洞面商據云兩軍各數百人須合成一軍方有益分為兩軍則力單權分不相統攝恐難得力至該提該鎮應派何員統率前往聽候奏派等語查所言亦甚中理之洞體察陳吳兩員陳鳳樓似尤相宜可否即派陳鳳樓統率前往抑或派吳鳳柱前往統候聖裁其兩軍餉乾月需約共一萬四五千金江南擬認三分之一湖北認三分之一但議定只供六箇月餉六箇月後如回匪尚未平再商甘督奏辦留則甘自

出餉或部撥專餉不留則遣回大約數月後該兩軍剿賊是否有效已經顯著如能殺賊立功則將士均係精銳自應帶回仍飭原防將募填之勇裁汰如並不得力則徑將此兩軍全行遣散免至帶回江南湖北永遠糜餉此舉就現有之馬隊赴甘省之急援藉此亦可考驗兩軍優劣有無用處以定去留似於西北大局不無裨益如蒙俞允陳鳳樓一軍所用間有前膛槍江南去冬解津有新後膛馬槍一千枝北路尙非急需應請敕欽差劉直督王查明撥給七百枝如已發他營卽酌量另配足數其馬匹亦併查明如多有內地馬卽望將他防

張文襄公全集 卷七十八 電奏六

營新買北口馬撥換務令槍馬一律精壯遠征方能得力謹合詞電奏請旨遵行請代奏之洞繼洵同肅號
總署來電 并致鄂督 光緒二十一年七月二十二日
奉旨張之洞譚繼洵電悉甘回煽亂經張之洞籌解槍械具見力顧大局所請將陳鳳樓吳鳳柱兩軍調甘一節陳鳳樓無所表見吳鳳柱屢被參劾且所部在津滋事均無庸調往現派陳湜帶十營并方友升五營援甘當可得力張之洞條陳鐵路辦法語太恢張一時難辦至所云譚繼洵奉旨查勘出鄂至粵等處鐵路則並無其事何緣妄傳著查覆張之洞近來

電奏辭多繁冗嗣後如有電奏非數百字可盡者卽具摺以聞欽此

致總署 光緒二十一年七月二十二日亥刻發

本日奉電旨飭查覆護鄂督奉旨勘由鄂至粵鐵路一節竊查六月二十二日接護鄂督譚電稱延寄準學士奏鐵路由天津至鎮江至漢口過江西而達廣東爲一路湖北已委員自江夏至興國又自漢陽至黃梅過江西界止兩路分投查勘已電咨德中丞派員於交界處會商接勘其信陽樊城鐵路亦已派員往查等語洞因此誤會不勝惶悚再洞前電奏募洋員分勘六路原奏

張文襄公全集 卷七十八 電奏六

聲明體察緩急審時量力次第舉行免致屢勞籌計外洋見中國有此大志已可隱戢欺陵等語各路所費極鉅誠如聖諭一時難辦洞意係請勘繪估工以備籌計非欲同時並舉措詞未能明晰尤深悚惕合併聲明請代奏禱

張文襄公全集卷七十八終 深縣盧詒孫校

張文襄公全集卷七十九

電奏七

致總署 光緒二十一年九月十二日巳刻發

金陵至鎮江蘇杭上海鐵路有益商務籌餉海防三端洞已兩次電奏接蘇撫函蘇紳籌商務節略擬辦由蘇至滬鐵路現擬先委洋弁勘路繪圖俟估工籌款後再請旨辦理大約先自吳淞口達上海自滬達蘇達鎮達甯分枝達杭節節相機辦理辦一節即有一節之利不比他處請代奏文

致總署 光緒二十一年九月十九日亥刻發

張文襄公全集卷七十九 電奏七

恭讀十六日電旨感悚莫名鐵廠槍礮廠現辦情形并籌計經費洞於八月二十八日謹分三摺兩片具奏計已上達洞才庸智淺惟有矢此愚誠尙堪自信敬當懍遵聖諭事事求實不敢妄費不容欺蒙竊思此兩廠事多相連招商總不甚便似仍以籌款官辦爲宜請代奏效

總署來電 光緒二十一年九月十六日亥刻到

奉旨近聞湖北鐵廠採煤合用大爐業已燒通每年可出快槍七八千枝鐵軌尤易鑄造張之洞經理此事歷有年所著將現辦情形切實覆奏如經費不足

亦應確切直陳現在時事多艱中外大臣宜講求一實字總之母妄費毋受欺蒙方有實濟該督其深體此意欽此鈐

致總署 光緒二十一年十月十二日辰刻發

真電奉旨恭悉前奉旨調輪填紮旅順廟謨深遠已飭速備南洋五兵輪一艘擱淺餘均應修方能出海焦急萬狀旬日疊催設法頃據滬局電復四輪分入華洋各局廠修約月內趕修竣前旨三月退還計期尙來得及查閱有兵輪二擬商調併紮旅順如月內未能全修畢擬隨竣隨派往如月內彼即退旅順只可先派閩輪往

張文襄公全集卷七十九 電奏七

我有輪占鴨他國即不能生心并陳明本日滬局始覆到故前未敢冒昧具奏請代奏文

總署來電 光緒二十一年九月二十二日酉刻到

奉旨歸還議定三月退兵旅順地方雖經殘破而形勢扼要頗有他國覬覦著張之洞將南洋所有各船收集查驗一俟彼兵將退調派數艦即日北駛將船塢填紮該督其熟籌利害毋稍拘泥並即電復欽此

養 光緒二十一年十月十一日酉刻到

奉旨前諭張之洞令將南洋各輪預備移泊旅順至

今未覆茲牛莊營口於十四日歸還旅順交期亦即不違若虛而弗守恐啟眈視之端况膠澳已准俄船過冬尤慮各國援爲口實著張之洞速飭帶輪員弁整頓北駛先到煙臺候信再進旅陽毋得耽延并卽電奏欽此真

致總署 光緒二十一年十月十五日申刻發

元電奉旨恭悉遵已調閩輪并趕修江省輪陸續派往不致有誤閩復電福靖一輪先來其建靖前經北洋訂妥赴津現未竣工至南洋各輪往來滬鄂載勇運械行駛不停南琛載勇在皖擱淺沙深水涸百計拖救尙未

張文襄公全集

卷七十九

電奏七

三

出淺現仍設法凡修輪可緩則緩以節經費數輪在長江仍可行用因北洋冬令風浪太大故須修脩看底方能出海滬局陽修費較省洋廠費多故陸續入陽爲節費計今已分廠趕修從前並非廢置海灘謹據實陳明洞連日在江上看魚雷艇及礮臺軍車礮軍事所需尤極經心今輪少用繁極力珍護斷不敢令其閒曠請代奏

咸 總署來電 光緒二十一年十月十三日戊刻到

奉旨張之洞電悉南洋五輪一擱淺而四待修設無移泊之旨豈竟任其廢置海灘耶該督留心軍事何

以疏忽如此現在旅順未交著將四輪勒限趕修并飭將弁整備一切閩輪二艘著准其先行調往欽此元

致總署 光緒二十一年十月十六日亥刻發

本月十一日俄將沃嘎克見問來華何事沃云奉國命駐滬探中國及東洋有關練兵用兵事隨時稟報問來金陵何意沃云該公使命來見因鐵路事答云鐵路總署主持奏明請旨定奪若我等閒談則可但所說乃洞一人意見非朝廷旨沃云中國究修鐵路否答云事勢必修沃云蘆漢路願與俄國鐵路接通否答云願接沃

張文襄公全集

卷七十九

電奏七

四

云籌款借修乎抑令英美等國代修乎答云此款鉅若籌不足擬借款然總是我自修用洋匠督工則可斷不能令他國代修沃云甚是俄國鐵路願與中國接不願與他國接並問洞意擬在何處接答云有兩路一由天津張家口恰克圖出境與俄接一由山海關外奉天吉林黑龍江與俄接克圖一路平坦兼顧西路沃云我意宜在黑龍江接恰圖一路少水少煤不便黑龍江雖有山山脉係南北形緣山可修且有煤有柴有水問何以知有煤答云以山勢論之無煤柴亦可用若修恰圖一路則俄國西畢利之路東一大段太冷落無利矣答云

俄不願華路近西分俄路之利我早知之但修東路於我東三省亦有益洞又問俄路在何處出海沃云擬在大連灣其地終年不凍勝琿春及天津答云大連灣誠好兩國均有大益從此歐洲細貨皆走鐵路速而且穩東海他國輪船之利大半為俄路所奪中國亦有利言至此沃詞色欣快已極洞因問中國路款難籌俄能代借否沃云當可凡於華有益之事於俄即有益故俄助華即是自助問息若干沃云未問本國不敢言然近日俄代華借款非五釐乎答云煩轉致貴公使姑一詢代借款事沃云可一詢臨行復切告以上語皆係閒談次

張文襄公全集

卷七十九

電奏七

五

日即回滬察沃將所見言皆緊要關鍵若關外鐵路擴至大連灣我據此不凍之海口坐收俄國二萬里鐵路之利且俄之援兵易到旅順永遠無患其利宏大但大連灣海口萬不可讓與俄國雖有德於我此處萬不能假借謹撮要密陳以便朝廷籌計事機萬緊情形曲摺擬難刪簡併陳明請代奏諫

總署來電

光緒二十一年十月十八日戌刻到

奉旨張之洞電悉俄路現修至托穆司克本欲橫通海參崴今派員假道勘路則意在大連灣矣與其彼來莫如我接前諭三省將軍一面伴送俄員一面隨

地查勘正是此意惟集股甚難借款亦不易該督所陳豈能遽辦至俄款利息并非五釐該督亦無庸輕與商借也欽此巧

致總署

光緒二十一年十月二十二日亥刻發

奉旨裁撤他省調來勇營自應欽遵現已裁十四營一哨以後仍當斟酌續裁因月來北路遺勇及閩厦散勇絡繹深恐湘鄂壅滯生事不敢不詳慎相機妥辦請代奏養

總署來電

光緒二十一年九月二十七日申刻到

奉旨自昨歲用兵而勇營之積弊畢露北土諸軍除

張文襄公全集

卷七十九

電奏七

六

遣撤外回防之營亦應嚴查空額大加歸併其由他省調至江南者著張之洞速即裁撤毋任虛糜欽此

咸

致總署 光緒二十一年十一月初六日辰刻發

歌電奉旨恭悉南洋寰泰開濟兩輪已修竣料理器具薪糧挑選水勇準於初九日北駛閩福靖一輪初六日自閩北駛餘鏡清南瑞兩輪亦隨後陸續北駛至蘇滬鐵路一節人已分派洋工師借委員兩頭勘繪一自江甯至鎮江而達蘇州一自吳淞至上海而達蘇州再接杭州甯鎮一段洋員已勘畢民情欣悅蘇滬一段勘路

洋員不日即抵蘇查蘇滬一段利益最速已定議興辦
事在必成華商踴躍願辦已飭議詳章及官路商路交
接章程現擬吳淞至上海縣三十里官辦上海至蘇州
二百餘里商辦但商辦仍須官爲督理其蘇州至江甯
一段另行籌議請代奏語

總署來電 光緒二十一年十一月初五日戌刻到

奉旨前據張之洞奏南洋各船計十月底修齊現在
金旅已復船塢尙虛南船何日北駛著電復又由滬
達蘇鐵路有成議否并電聞欽此歌

致總署督辦軍務處天津王制台 光緒二十一年十一月二十六

張文襄公全集

卷七十九 電奏七

七

日丑刻發

江南鏡清南瑞閩省福靖共三輪於二十四日到旅順
連前於十六日到旅之開濟寶泰前後五輪俱到齊請
代奏宥

致總署 光緒二十二年二月二十四日亥刻發

沿江各省錢價奇貴鄂省茶市在卽需錢既多錢價尤
貴商民大困市面惶擾除嚴辦私銷禁止出口兼趕鑄
銀元外亟須多鑄銅錢方足以濟民用而平市價現已
購辦銅鉛寄粵用機器鑄錢運鄂行用查粵局奏案銅
錢每文重八分目下銅鉛價貴錢重則私銷必多旋鑄

旋毀無裨大局詳加核計因時制宜莫若每文改重六
分既可杜絕私銷兼免多虧鑄本經洞電商粵省錢局
試鑄只須圓徑減少半分厚薄仍舊輪廓字體均甚明
顯可否每文改重六分事關奏案急切待鑄懇代奏請
旨遵行之洞繼洵同肅敬

致總署 光緒二十三年正月二十日巳刻發

湖北上年水災甚廣隄潰太多工賑並籌需費甚鉅曾
經奏蒙聖恩准撥地丁等款共銀八萬並蒙俞允展
賑捐以充工賑小民無不感頌鴻慈惟隄工太鉅已勉
力湊發錢三十餘萬串不敷尙多而宜昌施南鄖陽三

張文襄公全集

卷七十九 電奏七

八

府又迭據稟報上年秋霖爲患所種維糧皆爛民食維
艱亦經撥銀數萬賑濟無如該三府皆係山鄉僻遠運
販難到現在餘糧已盡饑寒交迫災象愈顯窮民多食
草根樹皮觀音土慘不忍觀以致餓殍枕藉疊飭司道
及地方官多方籌款拯救奈災廣款微無濟於事奉撥
之地丁現無存款可撥鹽釐兩項京協本省軍餉及洋
款所需不能不顧賑捐久成弩末驟難集成鉅款洞洵
等與司道地方官焦灼萬狀悚疚莫名既須辦安陸荆
州荆門漢陽等處水鄉之工又須籌宜施鄖三府山鄉
之賑需款浩繁羅掘已盡竊思各省曾因災賑奏准截

留漕糧有案湖北去冬採辦漕糧三萬石計米價運費例發銀七萬餘兩雖經採辦尙未起運仰懇天恩俯准截留此項漕米及運費以充工賑之需當責令委員勸諭米商變價照數繳回原款一面委員迅速分赴廣東四川江南等處分勸賑捐以資補苴而活災黎不勝激切惶悚待命之至請代奏之洞繼洵同肅號

致總署 光緒二十三年三月十八日寅刻發

頃奉條電以洋債國家作保慮及代還利害屬會籌電復遵轉電滬磋商總期無弊商妥即速復恐 上垂詢請代奏嘯

張文襄公全集 卷七十九 電奏七 九

總署來電 光緒二十二年三月十七日到

北洋轉盛京卿電與英人恭佩珥議路債草約第三條內載國家作保等語儻屆期公司力難措還勢必要國家代償似無代償之理此中利害不可不預為籌及應如何慎防流弊請貴督就近會商盛京卿妥晰電復葆

致總署 光緒二十三年三月二十五日午刻發

比銀行已到鄂會議兩次亦欲國家作保並須先用中國自有之款再用該國借款暗合造成一段抵押一段之意大約鐵路借款非比關票彼執可以抵完關稅也

故無論議借何國之款皆須如此會摺所請照原議先發部款千萬趕緊開造庶可有路抵借而商股亦可漸致以免虛曠歲月係屬實情洋人勘路由漢至蘆大概已定乞代奏文部之洞宜懷謹肅有

致總署 光緒二十三年三月二十九日辰刻發

有電謹悉蘆漢以拱衛為本商務其末也惟因官款難全籌官事難核寔乃立公司又因商股宜漸集商力宜扶持乃准公司借洋債蓋此路重在備緩急不僅在課盈虛即以盈虛論如此長路收費必盈竊料竣工後每年必有商股陸續可收復有路利盈餘可提寔有把握

張文襄公全集 卷七十九 電奏七 十

但洋債合同既欲列國家作保字樣則鐵路不能不設一國家收回之說未必確有其事也況五年後路本值四千餘萬俟約還洋債一半則以四千餘萬之路僅抵銀一千數百萬矣不妨再借第二款所謂借債還債公司亦已預籌及此公司有人豈甘暴棄國家慮及收回無益亦譬如官款官造而已況路在商手祇有路費可償路在官手更有路稅路釐可償債款有著便無難事事關久遠不憚審思謹再據實詳陳伏祈垂察代奏文部之洞宜懷同肅號

總署來電 光緒二十三年三月二十五日到

箇電悉借款既須國家作保盈虛自當審慎來電所擬攤還出款係有定之數而路利所入尙虛懸之款每年以入抵出有無實在把握至謂公司果不能還路歸國家收回云云公司既無利可圖收回亦屬無益務希再行會同詳細體察電復有

致總署 光緒二十三年四月初三日午刻發

二十九日欽奉電旨鐵路既設公司借款應歸公司擔保何以洋人復索國家作保況此路未成及甫成而未獲利時此項洋息從何取給豈亦由國家代還耶著再分晰電奏等因欽此查前五年路未成時每年止還利

張文襄公全集

卷七十九

電奏七

七

二十萬鎊即在成本內開支所招之商股所借之洋債皆成本也後五年路甫成時並不還本仍止還利二十萬鎊其時商股必已雲集應還洋息即在商股及路利內開支路利雖不甚豐必敷洋息一半十餘萬鎊之數此確有把握者也此路全工約計本不須借洋款四百萬鎊之數所以多借數十萬鎊者正爲此十年內未成甫成之際商股路利設或不敷洋息以此數十萬鎊備湊還之用照此計算可資取給公司既無失信之虞國家自更無代還之事蓋公司係屬認還之人不僅擔保國家但有作保之說決非代還惟洋人以三十年爲日

方長公司之予奪督辦之委任鐵路之利益操縱均在國家此各國議借路款仍須國家保其本息有著之故也近日比國銀行所擬合同原稿國家作保之下尙有公司如不能還應將鐵路由國家收回代還本利字樣因此語不妥特爲力辯將其刪去止云作保可見代還與作保迥不相同現與比行熟商令其併將作保二字刪去比行決意不肯該銀行直言比係小國既無圖占中國鐵路之心又無兵力故不能不仰望國家作保前與各洋商議借雖章程各異作保亦同現已屬比領事請其公使姑且電商彼國意甚爲難允以三日回信大

張文襄公全集

卷七十九

電奏七

七

抵僅給借款之額利則必保若併與承辦管路之全權則不必保權衡輕重似宜循借款抵保之原議未可貽事權屬人之鉅累竊謂蘆漢一路乃中國全路之大綱將來南抵粵海北接吉林中權扼要在此生發根基亦在此氣勢暢通全局自振運載之利猶其末也且俄人造路程工甚急勢必五年之後即催我與之相接否則要求代造我雖欲不接造而不能故蘆漢幹路論近效則聯中國各省之氣脈論遠效則通歐洲各國之轉運但患路工之不速不患路利之不豐若蘆漢借款有所阻礙則官款商股一時力絀無以爲騰挪周轉之資生

發擴充之地其關係事機之得失誠非細故臣等肩茲重任所難惟在謀始時局艱危急須挽救事機易誤歲月如馳若五年之內自強大計尙未立定規模則五年以後中外如何情形實難逆料深慮鉅工未能早成不勝憂懼謹遵旨會議分晰覆陳仰懇朝廷俯念路工關係時局保借毫無流弊恩准維持大局幸甚請代奏文韶之洞宜懷同肅江

致總署 光緒二十三年四月初六日亥刻發

豪電復奏後又與比行切商總公司係奉旨承辦但經國家核准其權利必能歸還借款頃比行面稱彼國復

張文襄全集 卷七十九 電奏七

三

電果能如此即不寫國家作保亦可比使自京復電意亦轉圓惟該行必欲知公司之權利確能措還借款之實際即允此合同只須國家批准刪去擔保字樣當即告以已請朝廷准總公司承辦四五十年並請推廣蘇杭粵漢濟吉南北鐵路日久則自有輾轉孳生之利在專則自有周轉酌劑之權足可放心該行聞此意已釋然當即定議已立草約一二日內即可畫押謹此會同電奏以慰宸厪請代奏文韶之洞宜懷同肅語

致總署

光緒二十三年四月初九日午刻發

初八奉電旨借款草合同底著即電來且勿畫押等因

謹查草合同本係載明會同具摺奏陳候旨批准由總署將批准日期照會比使於兩箇月內再行畫押立為正合同等語並與訂明正合同必候具摺批准如不准仍作廢因各國猜忌新聞紙屢言借款難成或致變卦故擬先立草合同也至條款毫無牽涉權利及推廣辦法惟該行慮本利須三十年還清若須展限則更久欲將總公司承辦年限憑據粘入合同告以無此體制止許其俟奏准後鈔給閱看蓋西例承辦之人可隨時更換而承辦之公司必有年限也彼又慮蘆漢無甚利益則還款亦無把握與朝廷所慮之意相同故告以公司

張文襄全集 卷七十九 電奏七

四

可請推廣生發此僅面告以放其心並未列入合同茲遵將草合同全錄電陳此合同如能照辦不變較之美國包辦分紅股之議權利尙不致失至利息原議五釐不扣現照美國與議四釐九扣另給買料五釐酬勞尙須俟本利數目清單算准再定應否定議伏乞聖裁請代奏文韶之洞宜懷謹肅合同底遵已逕電總署另飭津局鈔呈佳

致總署天津王制台

光緒二十三年十一月三十日未刻發

二十六日電旨恭悉膠事危迫焦憤萬分遵旨擬五條一請電旨速派許景澄為頭等欽差酌加一銜以重之

令自謁德主情悃易通德主真意易測商辦較爲活便
惟國書一時難寄到恐彼不認擬請辦就國書送海使
一閱囑其電告外部一面由總署徑電德外部囑其速
認速見許爲人精密穩慎雖頭等斷不敢專擅可否請
由朝廷發國電徑達德主尤得力一此事以教案爲根
聞德人言山東教士歷年憤鬱此案初出教士徑電德
主言係官兵所殺必有官主使故德主甚怒立電兵船
據膠州接教士續電言係散勇德廷立電水師提督離
開膠州十月二十八日電到滬故水師旋出膠城此時
許使宜先將教案立論言教案已極力速辦可優於所

張文襄公全集

卷七十九

電奏七

五

索即在濟甯發巨款十萬由官代修一新教堂敕賜匾
額仿宣武門教堂故事并酌賞古玩器物一面降明旨
通諭禁薄待教士并詳述教係勸善德雖是藉口占地
然教士之憤稍平則助勢激眾者較少一德有歸還之
功必應酬謝德無屯兵之島必予一地惟膠灣必宜設
法商令退還恐各國效尤俄占旅順倭占威海英占吳
淞法占瓊州海口全失海軍無澳永無自強之望不可
爲國矣只可以福建他島與之以爲酬謝雖或加他項
利益亦可至膠改作商埠多給租界能如署議最妥一
六條中惟山東鐵路一條最毒惡意在吞吸全齊硬駁

彼必不允或以江甯至滬鐵路與之相抵海使會遣德
員來鄂商盛京卿及洞欲攬辦甯滬鐵路借款利息五
釐一毫半本息俱攤在內六十年還清不再還本盛京
卿細核並不喫虧較招商股息尚輕如肯以此路相抵
較勝且路從滬起各國牽掣爲患較輕一各國乘機效
尤紛紛占地各國皆同俄亦自爲並無軒輊惟俄艦已
集旅順無術麾之使去聞俄禁兵登岸囑勿驚疑且告
我極力相助是俄尙有分寸尙有外面較之英來文明
言索地者稍勝只可因而用之密速切懇相助但議定
事成後大連灣萬勿久占以免他國藉口我當別予酬

張文襄公全集

卷七十九

電奏七

六

謝總之三年以來各國蓄謀分占橫暴無理實無善策
惟有熟權利害之輕重遠近緩急但使其害歲月稍緩
距京師津滬稍遠尙容我於數年間趕緊振作補救尙
可免力支持徐觀各國之變若各海口盡爲各國分踞
扼我咽喉斷我南北海道四面困逼富強無資中國直
如印度矣至此事許使與議總以能將了結教案與讓
地屯兵劃分爲兩事最爲緊要讓地是酬謝他不歸教
案如此則以後教案方有辦法否則一教案即占地中
國斷無策以善其後也海使延宕專待彼大隊兵船船
到立逼定議彼時各國勸不及勸援不及援謀不及謀

險毒已極故此時尤以迅速設法為至要事機萬緊痛憤憂灼勉陳管見以備朝廷采擇請代奏卅

致總署 光緒二十三年十二月初五日午刻發

連接上海道及在滬各委員函稱并各種洋報均云英深忌俄如中國子俄以權英必力保長江商務至保江一節或云踞吳淞口或云英擬在吳淞自建礮臺或云踞舟山及吳淞口外各島或云入江直至重慶一帶說雖異意則同據上海蔡道電稱英領事告該道請准其兵船人等每日往游礮臺已婉却之等語是各種傳說却非無因路透電報云聞中國借俄款修旅順礮臺俄

張文襄全集

卷七十九 電奏七

七

人監工俄向中國索諸軍須改用俄人為教習鐵路英工司均須辭去等語憤忌情形迫切已極現在德事既將膠灣劃開另議是所患又不在德而在俄總之俄於此時若不明占旅灣英即無從藉口德不硬踞膠灣俄亦無從藉口在我無論如何將他事遷就受虧總須令俄不擅北洋之權若俄有明利英必不甘大局無從維持矣俄德係通謀英俄係仇敵而其為效尤圖我則一倭將事另電詳陳請代奏微

致總署 光緒二十三年十二月初十日辰刻發

傳聞教案已結復翻英艦亦赴旅順與俄爭泊法六艦

集滬欲藉四明公所舊案生衅種種危險萬分竊揆今日情事必須將英國安頓妥帖善為羈縻不然必有急禍英人擅東方海面商利此時深忌俄德法而聯倭英東方兵船最多彼一面逞忿於俄一面將肆毒於我英水師將向自強軍總辦沈道言欲入長江自吳淞至重慶以護商勢恐不免川楚或未必吳淞鎮江危矣前奉宥電諭旨若僅聯一二國適啟爭局誠為至當不易之論此時既不能拒德又不能逐俄顯有偏重似以兼聯英倭為要策德使詭計乃藉端生波待其大隊兵船彼時各國同時下手我若聯英尚可與商和緩辦法我不

張文襄全集

卷七十九 電奏七

六

聯英彼自用兵力強古矣英船入江將沿江礮臺占踞於口岸處所陸兵登岸屯劄腹心已潰且各省商民驚擾匪徒乘機徧燒教堂大局不可為矣今日急著約有四端首在迅速兼聯英倭英既聯則倭附之至聯英之法英將有中國出費子英艦保護之語又云英政府意伊未能知須中國派專使與英商等語似可切詢總稅司赫德英國意擬如何聯法即可與英公使密商告以專使前往太遲恐來不及即電駐英羅使令速商外部仍懇發國電徑致英主切商一也德事仍望電派許使為頭等欽差見德主面陳并致國電德主好兵而性暴

冀稍緩其敵二也俄既不能阻德占膠又不勸了教案且貽英國口實幫助何在宜切實懇之許以他項利益萬勿占旅三也倭情甚急自欲防害必無奢望落得聯之另電詳陳四也大率俄德法為一黨英倭為一黨彼分黨合謀效尤圖我并無軒輊前卅電已詳陳然羈縻英倭則俄德法稍有所忌結交俄國則英所求亦不能甚奢而尤在先息德主之暴各國互相觀望牽制或可稍戢凶鋒正與前旨不專聯一二國之意相符南洋劉來電亦深願聯英倭事機萬緊遲至臘底恐決裂難補救矣迫切上陳請代奏蒸一

張文襄公全集

卷七十九 電奏七

九

致總署

光緒二十三年十二月初十日巳刻發

倭參謀部副將神尾光臣到鄂洞出省未回江漢關道及洋務委員見之伊深談傾吐大略言前年之戰彼此俱誤今日西洋白人日熾中東日危中東係同種同文同教之國深願與中國聯絡此係其國陸軍二等提督川上操六之意命之前來囑轉告洞等語近日其參謀部員宇都宮太郎又來鄂見洞致其提督川上操六之命送日本地圖及政治書各一部語極殷勤意在兩國聯絡并言今日武備最要囑派人到彼入武備及各種學堂地近費省該國必優待切教等語復密向委員談

倭已與英聯盟倭願助中助有三法一用兵船倭船足能敵俄德現派來之船但恐續到船多一用口說勸解但恐不聽一聯英以助中惟第三法尙易行等語洞因其官階較小令電致神尾光臣令速再來鄂來時問明川上操六及其管陸軍小松王主意伊已發電矣大抵倭見俄日強德日橫法將踵起英亦效尤海口盡占中國固危倭四面皆受強鄰之逼彼亦危矣故今日急欲聯英聯中以抗俄德而圖自保彼既願助我落得用之蓋倭不能抗俄德英水師則能之聯倭者所以為聯英之樞紐也倭肯出力勸英與我聯則英不能非理要求

張文襄公全集

卷七十九 電奏七

十

致總署

而我可藉英之援助矣我不與倭聯則彼將附英以窺長江矣倭人此舉利害甚明於我似甚有益俟神尾來晤後即詳陳請代奏蒸二

致總署

光緒二十三年十二月初十日亥刻發

日本參謀宇都宮今晚又密告伊此來實係奉其內旨而來密商聯交之事語尤切實且勸我聯英力諫聯英之利不聯英之害頗有辦法察其語氣似英人陰謀倭已全知今晨蒸兩電奏想已上達伏懇諭示此事大指以便斟酌相機酬對請代奏蒸亥

致總署

光緒二十三年十二月二十二日申刻發

聞德國租佔膠澳并允承辦山東鐵路英法皆甚豔羨
 香港洋報載英國所當急行者建造鐵路之利理應幹
 營中國中路或廣東建築軌道方不致落他人之後等
 語近有日本人來鄂密稱英國欲借款修路并欲香港
 對岸深水埠地方證之西報英覬覦鐵路從粵東下手
 以達漢口蓄謀必確今春英商屢求承造粵路堅持未
 允現在德與俄法均得路權英若遠向總署要索勢難
 空言拒絕現據湘粵鄂三省紳商公呈總公司籲請會
 奏立案由三省紳商自行承辦仍歸總公司綜其綱領
 除批准一面即日具摺會奏外如果目前各國有以粵
 漢鐵路為請者應即告以三省紳民先已遞呈議定合
 立公司准歸自辦藉杜其口現在沿海沿邊無以自保
 要在保我腹心徐圖補救若使英人佔造粵漢軌道既
 扼我沿海咽喉復貫我內地腹心以後雖有智勇無所
 復施中國不能自立矣事機萬分危迫用敢先行據實
 電陳伏祈飭總署預為防範此事關係大局安危不僅
 鐵路一端也請代奏文韶之洞宣懷謹肅養

樹柙按十
 二月二十
 二日致王制台電云英覬粵漢鐵路其吸大局將危楚
 粵士民均甚惶恐急因與陳有帥電商博采士民公
 議現經湘粵鄂三省紳商公呈總公司請會奏立案除
 敘一摺兩片會列台銜迅速繕發摘要另電外尚恐摺
 遲先擬電奏以備抵制務
 懇迅賜酌定轉發云云

張之洞全集

卷七十九 電奏七

三

致總署 光緒二十三年十二月二十四日未刻發
 各洋報屢言英國國家欲借款與中國利息甚輕已赴
 京商議等語聞之不勝詫異憂慮英廷此時因德事不
 甘正欲效尤要挾何以反肯以輕息借我若議借款必
 索釐金鹽課抵押且必干我利權如令赫德兼管釐金
 等事為害甚烈查目前借款想即係明年五月應付日
 本一萬萬之款竊思此款似可別籌辦法查日本和約
 餘款一萬萬平分六次交納未經交完之款按年加每
 百抽五之息但不論何時或將賠款全數或將幾分先
 期交付均聽中國之便等語是此款若緩還年息不過
 五釐且遲早多少均聽我便此時海疆紛紜大局未定
 無論何國借債皆必居奇要挾息重扣多強索抵押必
 致種種貽害何不即將日本此款暫緩交付按年認息
 息止五釐無扣較之九扣八扣有零者所省甚多一也
 不須別籌抵押不致因此牽動鹽釐等款二也五年之
 內隨時可還大局既定之後相機商借不受抑勒三也
 原議所以急欲付清者欲令早撤威海之兵也然今昔
 情形大有不同德已踞膠俄又駐旅何在威海日本一
 軍耶且俄德南北夾駐日軍間隔其中俄德惡倭倥
 俄德三國正可彼此牽制四也洞前請聯英者欲豫防

張之洞全集

卷七十九 電奏七

三

而羈縻之免其硬占橫行非以英爲可恃也伏望從長計議勿受彼乘危之挾大局幸甚管見謹備采擇請代奏敬一

致總署 光緒二十三年十二月二十四日酉刻發

英人消息甚緊不日必有大舉憂憤萬分此時必須早籌應付之法以備臨時抵制參考各洋報及日本人之言大率一借款一索香港對岸之深水埠及舟山一造粵漢鐵路一入長江至鎮江金陵屯兵共四事保商務者飾詞也粵漢鐵路萬不可許現據楚粵三省紳民公呈請合立公司自造已會同電奏在案四事皆甚險毒

張文襄公全集

卷七十九

電奏七

三

總署如能一概力拒至爲深幸儻彼非得不休竊擬有抵制三條爲患稍輕而在我亦尙有益一借款練海軍中國無海不能立國無海軍即無海矣中國無長江各省立時擾亂英兵屯金陵鎮江中國即無江矣水師惟英最精英若借巨款造戰艦雷艇數十艘船向英造將向英借并派將弁學生數百人赴英學習船造成我將弁亦練成矣募英將如琅威理者統之管帶用中國人船上執事參用英人即與英船在東方者合隊操練英既得造船之利又得多用英人之益又得我海軍爲伊東方兵船助勢各國洋報皆因中國無自強之實故敢

瓜分之議今見我大舉經營海軍氣象頗爲一振自可息其狡謀則海面海口可保商務自無礙彼即不能藉護商之名以入江是中國且藉此舉而自強矣此與借款賠日本不同彼必樂從不至勒索抵押或以西南邊遠地鑛山作押目前船未造成可照英將所言出養船費借英船數艘扼吳淞口外以護商務亦可杜彼藉口入江護商之舉一也一准英借款修山西陝西鐵路即以此路作抵山西路由正定井陘至太原陝西路由黃河南岸榮澤洛陽沿河入潼關至西安并准英與華人合開山西煤鐵鑛餘利與我均分洋報屢言英若不在

張文襄公全集

卷七十九

電奏七

五

中國得鐵路一條心必不甘山陝之路與我蘆漢幹路接不通海口尙無大患彼圖鑛利當易商允英在北省得利彼所尤喜不須別籌抵押而我增此西方枝路兩條益處甚多中國各鑛若無洋人合股代開既無精鑛學之良師又無數百萬之鉅本斷不能開出佳鑛煤鐵暢行亦我之利二也一山陝鐵路鑛產英人視之素重必能款動可抵粵漢但須借款而路由我造如蘆漢用比款例即無他慮其次則准其在雲南邊地與我合開各鑛滇山險遠中國機器不能運入華人自開斷無暢旺之日彼由緬甸鐵路運機甚便三也至索地一節或

舟山或深水埠舟山雖小但聞法國水師訓條英踞舟山法即踞瓊島牽動太多深水埠若屬英則香港北岸陸地與粵省接連若不准英造鐵路較舟山之禍稍緩然占地終不如許以他事耳總之英無妄求甚善設真如前所傳借款押釐金則利權失造粵漢路則腹心潰入長江則各省震擾踞舟山則法效尤必宜峻拒別以他項羈縻全局安危所關較之俄德禍機尤緊洞非敢越俎妄言特恐英猝然發難彼時諸事秘密外省無從聞知敬抒管見豫為上陳以備朝廷采擇此皆抵制下策不過較勝無策廟謨深遠自有權衡儻非萬不得已

張文襄公全集 卷七十九 電奏七

五

即所擬三條亦不如不允之為愈且三條亦非必全許也值此危局宵旰憂勞寢饋難安不揣冒昧密陳迫切惶悚請代奏敬二

致總署

光緒二十三年十二月二十四日酉刻發

文電諭旨恭悉連橫為患誠為可慮中國此時豈能遠以力爭且各國作用雖殊皆是乘機謀我豈敢深信所謂聯者不過設法羈縻免多樹敵耳所謂藉聯倭以聯英者恐英要求太橫可託倭居間婉商減其貪欲凶饒倭實有唇齒之憂深恐中危西強彼必不保情詞惶急我若託之彼當肯助力勸解非為我乃自為也且彼力

言不索酬謝語甚堅明可否由總署往晤日本公使察其意指以備英人發難時居間排解之用似乎有益無損倭將所有深談乃向委員密語洞暗時但以冠冕語答之絲毫未及他事斷不致上勞宸廑惟彼言深悔前年不應與中國戰爭今願我遣人赴東入各種學堂云云則甚嘉許之謝其睦誼厚情耳請代奏敬三

總署來電

光緒二十三年十二月二十九日到

蒸三電敬三電均代呈遞已奉電旨知照本署查敬電英忌俄德占地我不聯英英必自圖占誠確論日英自聯已久歐洲人論東方局勢俄法為一局英日

張文襄公全集 卷七十九 電奏七

五

為一局信不謬德本勢孤近與俄聯甚固膠澳之役日本謂德為俄前驅情詞畢見俄俄日熾各國畏忌日英尤切其欲聯我無非藉我為屏蔽無資於我也既與聯則必有密約日英政出議院斷難久秘一經傳播中俄之交絕德法乘之其禍不可思議俄地接壤且有歸遼之助今又聯日英而拒之前後三年矛盾若此恐環球各國皆不直也憶壬辰癸巳之間英以帕米爾事密議相聯拒俄我如其意不遺餘力詎英自規利益潛與俄盟割什克南羅善兩部落界俄而訂界約曾不告我一言約成而悉其詐此聯英之

前車也日本狃於遠役民志日驕其二三老臣尙以爲懼其於我誠有唇齒之勢馬關約定我亦大度處之非如法德仇怨之狀然中國受害之深實緣日本近以德事各國環伺機局危迫東方太平之局幾不可保日英求聯皆游士兵官之言該使從不稍露端倪聯之一事甚不易言各國風俗通政教同相聯甚便中外事事隔閡難爲密謀祇可遣使各國商保東方太平之局則不聯之聯不致激成東方戰局統俟籌定請旨遵行豔

致總署

光緒二十四年正月初二日申刻發

張文襄公全集

卷七十九

電奏七

三

沁電奉旨英借款俄借灣正在未定已飭總理衙門從長計議等因欽此仰見朝廷深知此兩事關全局利害未肯輕允或疑倭方指款待用未易商緩竊以爲不然和約明載六次交納不論何時均聽中國之便斷無強索速還之理但聞倭人來問此款今年還否以便修理兵房明是聽我之便何必轉借英款受無窮挾制貽全局大患英若由緬甸造路入滇川達漢口漢以上用鐵路漢以下用兵船直貫長江則江以南十二省全爲英有矣西報言此款以長江一帶抵押須認真保守免爲別國所佔云云明是兵船入江占踞險要代我保護蓋

張文襄公全集

卷七十九

電奏七

三

英款借則長江失腹心既潰此即所謂瓜分之局無所謂東方太平之局矣必須先將借英款一事決議謝絕再徐籌措抵此次英索之策如英必強我借則如洞前敬電所奏借款練海軍修山陝路我尙有益且無抵押之害至俄踞大連最爲禍本英必不甘法必效尤然俄防英之隱衷必有以慰之可否與俄密商將大連灣暗借俄爲兵埠許各國爲商埠我即借俄款修吉林至大連灣鐵路密與俄約大連灣准我隨時暫屯兵船多少不限數以避承借名目但禁陸兵登岸插旗我自修極大煤棧數處屯煤以供俄用他國護商兵船限定每國不得過兩艘惟言明此路須用窄軌以便我由關內運煤接濟我允代造窄軌車數百輛於境上專備俄人入境換車之用其運費力從讓減照俄本國公司運載該國官兵官物章程收費是此灣此路俄得屯船運貨之利我得口岸鐵路商稅之利此路西通歐洲商稅既旺必較上海道關稅加多而華路短俄路長俄利亦大俄有屯兵之實英無藉口之資英若不滿則或以附近之海陽島借之該島亦可屯船取淡水或是解圍一法若許俄占灣彼必自造鐵路通吉江之路路成後彼自在灣運貨收稅無論各國爭與不爭我遼東之形勢隔絕

此一路之商稅大利盡棄矣總之兩事皆係大害英借款尤關中華安危必謝絕英款然後有可補救迫切上陳務懇聖明堅持定見詳慎計議萬萬勿借英款大局幸甚請代奏沃一

致總署 光緒二十四年正月初二日申刻發

聞德尚不肯撤兵外部堅欲修山東鐵路開山東鑛方肯息事曷勝焦憤是膠灣占而教案仍不了狡橫極矣洋報載德總領事自言德將以山東鐵路為吸取全東地利深入豫省中原之根其說甚詳計甚毒中外皆見此報明是見英吞長江彼嫌膠州一隅尚小故得步進

張文襄公全集 卷七十九 電奏七 三

步觀我中原萬不可允總以能阻止為善如慮空言峻拒彼恐不甘洞去年十一月卅電奏會擬有一條云德使遣員來商欲攬江甯蘇滬鐵路借款利息五釐二毫八本息均攤在內六十年還清利息尚不喫虧等語如萬不得已似可以此甯滬之路抵換路從滬起為慮較輕但如議此路須令盛京卿與之議章程立合同則是歸入公司商家辦法庶稍有公道且可防弊若總署與議則變為教案條款必奪我路權矣敬陳以備朝廷采擇請代奏沃二

致總署 光緒二十四年正月初四日辰刻發

沃兩電奏因山東若允德干鐵路事北省地利大失引寇入室逼近畿輔故擬以甯滬南路抵換之議查南路據海使遣人送來原議章程係由銀行商請雖亦借款然權歸中國總公司非同東北之俄西南之法強預我事強奪我權不同者一款係由德之德華兼有英之匯豐兩銀行分借願出於商非同彼國家出面強借且款出兩國非同同一國之權擅利專在我尚可施操縱不同者二滬為通商大埠從此起點非一二國所能專主且此亦中國必應造之路非同山東之可以緩造不同者三至息不過重尚是小事總之路可造被迫而權屬他人者不可造款可借被迫而貽害大局者不可借似北路尚不如南路之可允矣但不知議結教案時於鐵路一條總署如何措詞此事可否并論知盛京卿以便籌商挽回沃電於兩國商款各節聲敘未詳兼有未盡之意謹補行聲明以備朝廷采擇請代奏支

張文襄公全集 卷七十九 電奏七 三

致總署 光緒二十四年正月初七日申刻發

洞沃電奏請力阻德造山東鐵路計已上達頃聞容閱呈請造鎮江至天津一路報效百萬不勝惶駭查膠州至京止一千四百里容閱路必經濟南省城德路由膠至濟止六百里容閱來自美國且事前即報效巨款必

係洋股無疑即使間有華商而在美之華商財產多與洋人合夥物業歸洋人保護仍與洋股無異且不僅美商鐵路股票展轉售賣各國洋人皆有雖容閩本無他意但關涉洋股容閩將來亦不能自主容路短而款足不過兩年必成德路直接容路一年必成此路成後德之陸軍長驅而北一日而至永定門矣容路既係洋股將來必與德國句串斷不聽中國指揮一旦猝有變故如強占膠灣故智防不及防戰不及戰避不及避從此京師豈有安枕之日危險萬分本爲催德撤兵而彼要挾造路今允其造路是自召德兵也或謂東境之路我多造則德少造似可限制德路不知容路係洋股路即與洋無異正是爲虎傅翼若欲限制惟有告以山東路我必自造但此路久已議定應歸奏派之總公司承造尙可推緩數年以觀時局急圖補救備禦之法若兩年之內德路已通京城蘆漢之路至速尙須五年且容路在東方自樹一幟占盡路利比款必將翻悔不肯交銀則蘆漢路必因此而廢設有緊急雖欲調兵入衛亦來不及國事真不堪設想矣總之德索山東造路萬無可許之理無論彼如何要挾無論許以何項利益其患皆較緩德路可達京城乃眉睫之禍也若爲抵制德路

張文襄公全集

卷七十九 電奏七

三

起見則以容路爲抵制不如以總公司爲抵制尙有辦法亦無流弊至容閩乃爲洋人所欺容路即係洋路無論德路造與不造容路皆不可准准之必爲全局大害將來總公司蘆漢粵漢鐵路成後並准兼造東路洞必能勸諭公司各商報效巨款萬不宜受飾詞報效之愚事關宗社大計不敢避煩瀆之咎迫切上陳伏望朝廷熟思審處令王大臣及南北洋大臣從長計議力拒德路容路以固根本而安輦轂國事幸甚惶悚瀝陳請代奏陽

致總署

光緒二十四年二月十五日戌刻發

張文襄公全集

卷七十九 電奏七

三

本月初六日間漢口洋商有出賣中國借款股票者係新借匯豐德華兩銀行千六百萬鎊之款四釐半息八三扣當詢之各洋人並飭關道查詢果確且聞洋人傳說以蘇浙江西皖鄂等省沿江釐金作抵或貨釐或鹽釐雖未確知總必有抵扣之款聞之不勝焦灼驚駭馬關約載明後一萬萬兩分六年還是今年第一次止應還一千六百餘萬兩乃係照約辦理彼不能責我全還且日本現與中國有唇齒之憂決不肯過爲催逼何以不欠無折扣無抵押之款而別借有扣有抵之款若謂一次盡還倭款乃可撤威海之兵竊思俄借族大德踞

膠州永遠占我土地奪我事權倭兵雖暫駐威海有何妨礙且俄德橫暴很毒遠勝於倭倭兵在威海梗於俄德之間則俄德不能合勢占盡北洋門戶今日事勢非專以驅倭兵為上策明矣洞於上年十二月廿四日敬電奏會將倭款不宜全還痛切瀝陳在案中國財賦之區蘇浙為上長江次之西人垂涎久思干預今因借款用彼人掌釐務必謂藉西人之整頓杜華官之中飽不知蘇浙長江利權全入其手中國之精華已竭豈僅干預而已且此數處進款京餉洋款協餉本省餉均出其

張文襄公全集 卷七十九 電奏七

三

年四國洋款何從籌還束手自困永無復振之望餉源既盡武備全撤大亂將作內地亦不得安又咸同間與各國議約洋人不得干預鹽務今無端委棄前功亦太可惜如果此事為強敵所迫誠屬無可如何今日日本並不逼我全還一萬萬何必自取禍患洞反覆思之不解其故伏望朝廷與王大臣熟思利害力止借議以救危急或謂外省既已售票必係已成之議然聖心果決必尙可設法罷議倭款照約分期籌還斯為上策如洋人必不肯改議或與之婉商令其今年先交銀一千數百萬兩足敷今年應還倭款而止餘款緩交緩還以便詳

籌辦法即或此款必借只可分派各省分攤籌還如前年分還四國洋款之法有釐金作根蒂尙可稍資騰挪添湊萬不可令洋人代我收鹽釐貨釐自失利權以後諸事束手人心驚疑渙散總之不借為上借而不失東南利權為次失利權以還不索之債為最下或改為他項用款如速練海軍多設槍礮廠之類尙於自強有益日本之款另籌分還之法洞受恩深重職居疆吏此舉關係中國全局安危不敢不披瀝上陳不勝惶悚迫切之至請代奏咸

總署來電 光緒二十四年二月十九日到

張文襄公全集 卷七十九 電奏七

三

咸電悉借款以釐金作抵由稅局代徵誠於地方官不便第自去夏議借以來不如此辦法洋商必不肯信借款終歸無成戶部亦更無他策可以籌此巨款至賠償日期前已電商日本未允展緩若照數分攤各省今春一期斷難湊集以後各期更難設措策總付還益屬無望現在各國從旁環伺以償款之能否清還決中國之能否自立如有愆期貽誤為患何堪設想不僅利息不能扣回威海不能退兵已也兩害相形則取其輕共諒苦心大局幸甚原撥鄂釐協餉戶部當另籌撥候奏明咨會效

張文襄公全集卷八十

電奏八

致總署 光緒二十四年閏三月初九日亥刻發

電旨恭悉奉旨陛見亟應欽遵迅速起程惟湖北現奉新章開辦之事甚多紛紜艱難驟少一百數十萬鉅款眾情惶急減營籌餉兩端尤為棘手必須與撫臣司道等籌酌大概辦法務求地方安帖而洞自冬臘以來即患欬喘不寐頗類怔忡精神疲敝聞城僚屬共見以時勢艱難不敢請假休息現在部署一切尤為艱苦實無一毫欺飾惟有力疾晝夜趕辦將經手事件略為清理

張文襄公全集卷八十 電奏八

致總署 光緒二十四年閏三月十二日亥刻發

電旨恭悉瞻望闕廷亟思趨赴以申瞻覲之忱謹當迅速料理擬於二三日內起程無論病愈與否至遲十七日亦必力疾起程不敢稽延請代奏文

致總署 光緒二十四年閏三月十六日寅刻發 自上海發

昨晚奉到二十四日電旨謹當遵旨即行折回湖北因

吳縣周仰公校

張文襄公全集卷七十九終 電奏七

五

各國領事約期二十七日陸續接晤并須答拜擬二十八日即自滬行再日本派兩兵艦之說詢據總領事云其一名高雄較大不能到沙市本係到漢口游歷者非為沙案其一名愛宕較小未來可函阻之沙市日本領事言語甚和平不至要挾謹附陳以慰宸厯請代奏宥

致總署

光緒二十四年四月十二日亥刻發

洞於初八日抵鄂現已遵旨回任沙市案巡撫譚已飭獲犯嚴辦疊經電奏現惟議賠款事武漢謠言甚多人心不靖洋人異常驚惶現正力籌鎮撫事宜俟地方一律安靜再行請旨請代奏文

張文襄全集

卷八十 電奏八

二

致總署

光緒二十四年七月十八日戌刻發

奉六月十九日寄諭令於上海漢口設商務局飭江督劉與之洞揀選員紳試辦慎選有人即行具奏等因此事乃今日要政上海為沿海總匯漢口為上游要衝鐵路樞紐自應分設兩局上海由兩江委員開辦漢口由鄂省委員開辦湖北擬委道員王秉恩並另電奏調江蘇候補道程儀洛會同總理漢口商務局以鼓舞聯絡上游川陝雲貴湘粵等處工商為要義並選殷實誠信通曉時勢之商董數人為總董會同商酌其商學商報商會及講求工廠製作商貨銷路等事江楚兩局各自

籌辦遇有應行聯絡貫通或應互相協助之處隨時知照會商辦理雖分為兩局仍聯為一氣當隨時與江督劉商籌酌辦再查商務事體所重在商而不在紳緣漢口之商外省人多本省人少但取其熟悉商情勢難拘於本處紳士合併聲明除詳細情形具摺奏陳外請代奏嘯

致總署

光緒二十四年七月十八日戌刻發

查江蘇候補道程儀洛廉正核實不辭勞怨現在請假在原籍浙江紹興府仰懇天恩飭下兩江總督浙江巡撫飭該道迅速來鄂所有商務局及農工各局均可飭

張文襄全集

卷八十 電奏八

三

令籌辦實於新政要務大有裨益除另片具奏外查各局亟須開辦如蒙俞允可否懇降電旨諭知以期迅速不勝惶悚請代奏嘯

總署來電

光緒二十四年七月十五日丑刻到

奉旨張之洞電悉該督遵設漢口商務局辦理迅速籌畫周詳深堪嘉尚江蘇候補道程儀洛著劉坤一廖壽豐飭令速赴湖北交張之洞差遣委用欽此號
致總署 光緒二十四年七月十八日亥刻發
諭旨籌辦學堂查湖北省城前數年即設有自強學堂去年又加擴充分習五國語言文字兼習算學又設武

備學堂均經奏明省城有兩湖書院去年春即改章又有經心書院今年春改章分習經史地理天文外政格致製造繪圖算學諸門日日須兼講四書此係省城兩大書院均略仿學堂章程現擬添設東文教習令一律兼習東文其願兼西文者聽因西文須三年方能粗通東文一年餘即能領解并令兼習體操所有章程須以漸修改方能精密而易行省城又有江漢書院現亦飭令改章至省外各屬湖北通計十府一直隸州現擬先設十一學堂各就該書院原有經費齋舍改爲學堂武昌漢陽德安三府之府書院去年秋今年春均已停課

張文襄公全集 卷八十 電奏八 四

時文分習算學時務現飭全照學堂章程此外八府州一律改章惟一時斷難得教習多人每堂先設教習二員一教中學經書史事一教算學洋文如各該府能自行延訪通曉西學西政之師則多設教習數員尤善須一年後方能漸臻周備此外通省六十七州縣已飭一律就原有書院改爲學堂惟州縣書院經費尤少斷難敷一學堂之用多無肄業生齋舍有者亦止數間尙須籌款充用且州縣小學堂尤須多設每縣一堂亦無大益只可相機董勸總之通省學堂公共簡要章程約有數條一全須住院一住院肄業者必須二十五歲以下

附課者不拘一人人須習算學能兼繪圖尤善一人人須習體操一各府學堂人人須習東文有西文教習者兼習西文縣學堂從緩俟兩年以後通東文教習漸多即分發各屬一律兼習一中國經書中國史事人人尤必須講習一但計分數不考詞章一堂內備火食每月課略有筆墨獎賞不給膏火銀此八條各學堂皆同惟省城學堂所講較深外府較淺縣學堂又較淺外府學堂今年內可略具規模縣學堂今年只能令先變舊習先發粗淺算學書粗淺時務書數種令其閱看籌有學堂屋舍訪有教習方能合學堂章程大縣較易僻縣較難期以明年六月必能一律辦成只能量力經營循序漸進總之科舉既變風氣自改務求實效不在欲速查湖北省城書院兩年來本已漸次改章酌照學堂辦法祇以俗儒迂陋相沿勢難驟變今奉明旨自當竭力推行惟設學堂之難有兩事一延師一籌款而延師尤難其籌款之法容另行奏陳謹先覆奏請代奏之洞繼洵同肅嘯

張文襄公全集 卷八十 電奏八 五

總署來電 光緒二十四年七月初四日酉刻到

奉旨前於五月廿二日降旨諭令各省開辦學堂限兩箇月覆奏現在限期將屆各省籌辦情形若何著

各督撫迅即電奏欽此江

致總署 光緒二十四年八月初二日申刻發

奉旨藩臬道府凡有條陳專摺具奏州縣等官由督撫原封代遞士民上書言事徑由道府代奏等因欽此當即通行司道府州縣一體欽遵謹電奏請代奏沃致總署 光緒二十四年八月初八日午刻發

山海關至牛莊鐵路密邇京都關係最要聞已與英商匯豐議定借款為俄所阻查此路自以我自造為上策路止數百里可枝枝節節而為之官款與借款參用隨造隨押隨押隨借款止數百萬兼借英款及美款則全

張文襄公全集 卷八十 電奏八

六

係我作主路權不失俄自無詞萬不得已則莫若借英款為中策俄已握東三省鐵路之權旅大一帶水陸之兵日增若阻借英款將來必勒我借俄款俄路抵關京城一日不能安枕危險萬分若借英款造此路使俄從中有阻隔彼尚有所顧忌牽制惟與匯豐議借章程亦必要妥善俄沮英者以英人管路也此路自不宜使英人干預路權俄方能允似可與英使及匯豐言明此路係商務借錢還錢且不必將鐵路作押如恐將來借款無著落則由中國國家擔保撥官款代還斷不可使英人管我路權此路借款條約須與從前各路變換面目

迥然不同則我亦有辭以謝俄俄亦不能責我矣以此情與英使婉商庶可聽從至造路兼開鑛一層斷乎不可路與鑛是兩事豈可牽合為一流弊太大近年俄於東三省德於山東鐵路皆兼開鑛者乃係因有交涉事件而起故不免要挾與此商務借款不合何得援例如關外有煤鑛可開將來臨時斟酌另案另議總之交涉乃國家事與商務截然不同不可相混此路借款作為商務不作為交涉路權方可不失聞英俄已有戰事我自宜謹守局外萬不可稍有游移若此路章程妥善則我免大害英可稍慰俄亦不怨然不如我自造為妥謹

張文襄公全集 卷八十 電奏八

七

密電奏伏乞聖裁請代奏庚

致總署 光緒二十四年八月十四日未刻發

鈞署電傳八月初十日 上諭如有精通醫理之人著內外臣工保薦即日馳送來京等因欽此曷勝瞻仰懸系惟查湖北省良醫素少是以之洞十年以來遇有疾病皆只自行調理不敢延醫服藥目前實無精通醫理之人不敢冒昧保薦容各處訪問如得其人即奏明馳送赴京請代奏鹽

致總署 光緒二十四年八月二十五日辰刻發

鈞署電傳二十一日奉旨湖南省城南學會保衛局等

名目應卽一併裁撤會中學約界說剖記答問等書一律銷燬等因欽此當卽電飭湖南藩臬兩司欽遵將南學會保衛局卽日裁撤學約等書飭將版片印本查齊一律銷燬已據該兩司電覆卽日欽遵辦理並據稱南學會自四月底卽已停講現將在事人等卽日裁撤等語謹先由電覆奏請代奏有

致總署

光緒二十四年九月十五日辰刻發

陽電奉旨恭悉鈞署真電亦奉到查今日中國練兵誠爲第一要事惟各國皆思干預我兵權亦是大患大率用洋人爲教習則可用洋人大員爲將領則萬萬不可

張文襄全集

卷八十 電奏八

八

洞前在江南所用德遊擊來春石泰等十餘員練自強軍因係外省疆臣自行商募我出使大臣保薦既不與該國國家相涉又非先經奉旨飭辦之事亦非鈞署飭辦之事故尙可聽調度然期滿遣歸時枝節已多至鄂省所用德都司法勒根漢因係其國家兵部所薦種種桀驁攬權生事公使屢次扛幫幸而遣歸今英國貝思福明言派知兵大員又經奉旨此事萬分難處爲害極大鈞電所言似有深意非尋常教習練兵可比囑探其隱情等語洵爲卓識其情顯係欲攬長江兵權不探可知看此情形全不允必不行惟有切懇鈞署及早與之

議明一官不可大至大不得過守備官大者洞斷不用一到鄂須言明爲洞屬員聽節制一其名只爲教習一諸事與營務處道員商辦一湖北餉絀兵少只能先撥練軍五百人荊州駐防五百人令其分劄教練俟有成效並餉能多籌再酌議能否加增由洞斟酌彼能依此五條方有可商若鈞署不先議定將來該英提督到鄂必以奉旨強勒長江利權今已半歸英人又兼攬長江兵權尾大患深洞實不敢當此重咎并望告該提督彼既係相助好意然來湖北練兵若強洞以所不願弁兵豈能悅服查英欲助我練兵其謀已久漢口稅務司

張文襄全集

卷八十 電奏八

九

自去冬至今夏屢次來勸洞總以人數權力限之今果到京欲以朝命行之其心可見遵示詳籌利害上陳伏望朝廷俯念長江上游重要由鈞署與該提督在京迅速切商示以限制萬勿遽行允定大局所關迫切叩禱請代奏咸

總署來電

光緒二十四年九月初七日戌刻到

奉旨據英國議紳水師提督貝思福以中國練兵爲要與總署王大臣面商願薦將弁教練先從南省辦起著祥亨張之洞早爲預備於駐防營挑選一千名練軍各營挑選一千名務期年力精壯一律整齊俟

所薦洋將到鄂再與詳議章程派員會同督練以觀後效欽此陽

又 光緒二十四年九月十二日子刻到

貝思福與談數次據云欲派一知兵大員助我整頓華軍此非尋常洋教習練兵可比似有深意彼如到鄂議及希探其隱情及此中利害詳籌電復真

致總署 光緒二十四年十月十八日酉刻發

粵漢鐵路美工師已到鄂催同勘路並請切實保護現擬自武昌至長沙由湖南入廣東派員帶同中國總公司所延之美工師往勘路基惟湖南廣東內地少見洋

張文襄公全集 卷八十 電奏八

十一

人深恐莠民造謠妄生疑沮擬請明降諭旨曉以國家特派總公司會同各該省督撫籌造湖北湖南廣東鐵路實於國計民生皆有裨益務須剋期成工不容延緩庶民心開悟地方官保護較易現美工師即日由鄂啟行請代奏之洞宜懷謹肅嘯

致總署 光緒二十四年十一月初一日戌刻發

英議紳貝思福九月十四日來見言湖北練兵二千事開端即云東三省俄勢已盛中國可慮各國皆欲分占地方惟英願助中國練兵以保全中國兼保英國商務詞甚堅悍洞當以英員之權應有限制各條商之貝初

願甚奢隨後語即漸近情理囑其開詳細章程來始可定議貝允即開送洞又詢以練兵既為保全中國起見自應先在北省保京城何以來南省舉辦豈有所畏於俄而出此耶恐英發端於南俄即效尤於北將如何貝云我在京原議乃從湖北練起非僅練此二千第三日來函並不開章程但云必先在京城設軍務處聘英將為參謀籌擬章程整頓中國全國軍務隨時隨同中國大員巡閱各省軍營方能有益若僅在外省練兵反招他國效尤有損無益云云當復以洞在鄂止能言鄂議練鄂兵則可全國軍務不敢置議廿一日又來見詞氣

張文襄公全集 卷八十 電奏八

十二

忽極和平再與言鄂省練兵二千章程彼堅不肯議請作罷論止申京城設軍務處聘英參謀一說即詢以外省練兵尙恐他國效尤全國練兵豈不慮他國干預彼云英員須由英廷薦舉非彼一人能自薦彼止條陳而已昨接英相沙侯信言中國若請英廷薦員練全國兵若別國干預英必竭力相助固知全國之事非外省所能越俎但不知能將此意代達總署否等語答以代達則可行否仍須聽政府核奪各國均屬友邦我若注重一國不知能不招猜疑否且須詢明不損中國權利方可轉達否則仍是不敢即以限制各條詳細詢之一中

國請英國薦員練兵非請英國代為練兵英員到華卽是華官不能藉勢要挾一京中英員名爲參謀歸王大臣統屬止能參謀籌擬章程候王大臣核定各行英員不能行文調度賞罰不能照總稅務司辦法一外省洋員歸督撫統屬與營務處商酌兼用他國人員以免猜忌並不拘定均由彼薦舉兼可由我訪募若中國原有將官練洋操好者不能更換彼均欣然首肯謂與彼意皆相合卽赴金陵並商之江督亦請其轉達總署等語廿二晚已行廿六日已晤江督究不知是否真情如照此說英將止參謀不攬權外省洋員不專用一國人不

張文襄公全集

卷八十 電奏八

十一

拘定由彼薦舉似尙無大弊惟英俄互猜在京聘英員參謀不審有無窒礙似尙須籌一善法但貝既云此事非彼所能作主僅獻條議故姑不拒絕略詢辦法以示羈縻待緩察彼國之意從容酌辦若將來必須舉行而在京城不便或囑英員先來南省先作一省督撫之參謀俟一兩年後由督撫察其果就範圍再行保薦入京似亦推宕之法也再洋人來華無論如何與約無不攬權把持卽如海關三十餘年從不用一華員隨同練習要務以致無人接替永無收還之期可爲前鑑此次與貝議問其幾年後方可不用洋員彼云十年此條最要

將來與議必須訂明十年以內洋員之權雖或稍重十年以後仍全歸我尙有限期然若不趕緊派人出洋學習武備屆期彼將藉口我無人接替必不歸權英人之於印度營官以上均用英人士人只許爲兵弁彼意所在概可見矣竊以爲今日練兵固急而派人出洋練將尤不容稍緩蓋有將不慮無兵有兵無將仍屬虛設此節亦會與貝談及將來總須一面派人赴英學習以免多派英員且可俟學成後陸續抵換英將實爲要著謹遵總署真電詳籌利害瀝陳管見以備朝廷采擇請代奏東

張文襄公全集

卷八十 電奏八

十一

總署來電

并致劉制台 四日丑刻到

光緒二十四年十一月初

奉旨張之洞電悉英議紳貝思福商詢各節京城設軍務處用英參謀一說斷不可行將來如果來京商辦應仍照原議就鄂省先練二千一切薦員教練歸我節制臨時由該督妥慎籌酌務須預防流弊操縱在我貝思福現赴江甯並著劉坤一卽本此意應付以免兩歧欽此江

致總署

光緒二十四年十一月初七日戌刻發

昨奉密寄康有爲梁啟超王照及附和邪說顯爲黨羽之人自當欽遵密緝查康梁王並未在中國前於未

奉廷寄之先十月十七日日本總領事小田切來鄂之洞當與詳言康學種種邪僻悖亂中東兩國現在極敦和好諸事聯絡而康黨得罪中國朝廷聞現逃至貴國東洋距中國太近必至造言煽惑句串我內地奸民變亂是非滋生事端若貴國容留於中東交誼大有不便以後豈敢深信儻能交出或驅逐方顯中東親好實據小田切云日本政府及該總領事並不以康爲然惟彼既逃往西例不能不加容納若中國明行文索取及驅逐該國勢難照辦轉多窒礙該總領事爲中東大局起見當即密電政府商之必可令其去東旋於十月二十

張文襄公全集

卷八十 電奏八

古

四日接該國外部大臣青木密電令其轉告之洞其文云康黨所爲本國政府無所不知伊等現自來庸本國政府並無庇護伊等之意惟因萬國公法有例不便強令伊等去國若強令出洋日本被背法之名而取羣國之笑然既承雅囑本國政府自應相機設法令伊等去國等語當令人密問小田切何法令其去東小田切云令人諷伊自去赴美國日本政府助以川資問其日期小田切云難定近或一兩禮拜遠亦不過兩月此語已十數日當已辦有端倪傳聞康已赴美惟王梁尙在日本不知確否當再函託小田轉致日政府促之竊查康

黨若在日本實爲中國大患若遠離日本雖未能獲似亦較勝至湖北地方經之洞力持切諭向來康說不行凡官紳士民無不深惡康黨痛詆康學者指爲邪教亂賊斷無附和康黨之人謹密電陳請代奏陽

致總署

光緒二十四年十二月十三日申刻發

據署荆宜施道恭劄荆州府舒惠電稱初九日小北門外旗民互鬥民傷七人旗傷一人初十日理事同知鍾福江陵縣劉秉彝到旗營驗傷彼此爭辯傷痕以致哄鬧毆傷縣差鍾丞劉令前赴右都統署旗兵擅入毆傷鍾劉將軍都統在坐彈壓不服現已散餘詳稟等語同

張文襄公全集

卷八十 電奏八

五

日接將軍祥來電則謂係因作報旗傷不實兵心不服未言毆官情事江陵縣來電則謂槍傷民人七名旗兵一名自稱槍傷旗兵爭辯該縣諭令俟將軍另委覆驗不允傷夫役二十三名復將理事同知及該縣毆傷請另委大員驗訊並委縣接署等語情節參差查理事同知乃國家定制專管旗民交涉之官何得不服查驗該同知該縣如果驗傷不實儘可稟請委員覆驗何至入署毆官現經之洞委道員札勒哈哩知府吉爾哈春連捷帶伴作二人於昨日乘輪赴荆會同道府理事同知知縣秉公覆驗查訊確情通稟會商將軍妥辦以免

滋生事端江陵縣現已另委員即日前往接署並商將軍會奏頃接將軍電已先具奏謹由電上陳請代奏元

致總署

光緒二十五年正月二十一日午刻發

近見日本新出清議報乃康黨梁啟超所作大率皆謗議中國時政變亂是非捏造誣罔信口狂吹且載有各國瓜分中國會章程一則種種悖逆令人髮指意在惑亂人心挑動強敵必欲中國立時大亂而後已險惡已極洞已告日本領事不准日本人在漢口分送此報領事已允一面電上海日本總領事小田力阻在滬分送並囑小田力商日本政府速將康黨遣去不可容留查

張文襄公全集

卷八十 電奏八

六

康黨人在日本去中國最近而日本士人通華文者甚多易受其欺此報流傳海內外中國人見之人心易致搖動各國見之必將益啟欺凌煽惑肆毒為禍匪細非迅速驅逐遠去必為大患擬請旨密諭出使日本大臣速與外部婉切相商令其設法將康有為梁啟超王照三人速遣出境以免肘腋之患方足見中東親好之誠若此三人驅至美國此三人不通英文英語彼國亦不好中國文字即不能為大患矣如此辦法是否有當請旨遵行請代奏馬

致總署

光緒二十五年六月十六日己刻發

奉旨查詢各省機器製造等局查湖北奏設製造槍礮廠近年又奏設煉罐子鋼造無煙藥廠情形俱隨時奏報至較準膛口各節及造出械彈數目當另行專案具奏又湖北紡紗織布繅絲等局均經奏明皆係官商合辦因查外洋綢布多係攪麻製成不盡用棉與絲物賤利豐中國南北各省處處產麻湖北麻素佳因又於織布局旁設製麻局以輔助之藉以開中國之風氣各廠工徒數千人此因洋貨日多民生日蹙各廠皆係為塞漏卮養窮民計至湖北去年奉旨設農工商局設有工藝局以教貧民手藝設有農務局以教種植蠶桑畜牧

張文襄公全集

卷八十 電奏八

七

皆聘有洋人為教習即係前年奏設之農工學堂又設有商務局專出商務報以達各省之商情以考土貨之盛衰暢滯去年亦專案奏明此農工商三局皆係教民習藝業救貧困均與機器製造無涉請代奏諫

致總署

光緒二十五年十月二十七日辰刻發

養電奉旨京師創設銀元局特調候補道王秉恩來京開辦一切局務飭令於穿孝百日後迅速來京等因欽此當即轉行該道欽遵據該道稟滿百日後已在臘月內俟正月月底二月初開河即行迅速赴京請代奏沁

致總署

光緒二十五年十二月二十九日卯刻發

十一月洽電奉旨令將關稅鹽課釐金裁去陋規提充公用查覈酌提數目電覆查湖北關稅一項洋關三處江漢宜昌兩關歷年遵照部文於節省解費內歲解加復俸餉共一萬四千本年又遵部文於傾鎔折耗每兩減去六錢每年共約一萬四五千光緒十年江漢關自行詳請歲解節省解費五千宜昌關自行稟請歲解節省關用三千三百餘兩沙市關關用尙且不敷係借宜昌關款應用常關四處新隄竹木關於光緒九年十年十一年疊次節省外銷公費加解額外盈餘每年共六萬一千餘兩武昌船關於光緒十二年節省每年公用

張文襄公全集

卷八十

電奏八

六

銀一萬又加每年口岸節省銀六千荆州道船關民船日少收數日絀荆州府稅關因沙市開關又兼地方蕭索收數亦微鹽課一項光緒二十二年二十四年兩次裁減緝私經費一萬八千釐金一項光緒十一年奏明將外銷一成善後經費裁除歸入正餉並將向來局用經費活支無定者減定爲八分此兩款每年所省約十五六萬元光緒二十三年又奏明提充賞銀六千歸入正餉以上均奏報有案又州縣丁漕平餘一款久經遵照部文提解充餉目前各關各局各署皆無多款盈餘不過免敷辦公現在竭力整頓釐金剔除積弊嚴禁需

索中飽查湖北釐金向係巡撫管理之洞自去秋兼管巡撫事數月正值川楚鬧教擾亂之時釐金收數已較前年加增蔭霖到巡撫任將及一年釐金收數又較去年加增尙未截數但只能於正釐內增多不能另有可提陋規名目蓋委員司事巡丁索取商人陋規或則寬縱賣放暗損於正釐之內或則需索留難誅求於正釐之外二者非病商販即蝕公款皆於正釐有礙故鹽卡之陋規只能禁革不能提取陋規既減正釐自增然正釐乃受無形之益並非別有陋規一項可提計鄂省十數年以來稅釐鹽課各項疊次裁節外銷歸入正餉者

張文襄公全集

卷八十

電奏八

七

爲數甚鉅除部文飭裁各省所同者不計外其由鄂省屢次自行奏請裁提者新隄關六萬一千武昌關一萬六千江漢關五千宜昌關三千三百鹽務緝私經費一萬八千釐金充賞六千釐金外銷一成歸入正餉及局用減定爲八分兩項合計約十五六萬總計裁提外銷每年已在二十六萬以外似與他省未經多裁者微有不同此外裁節鉅款如綠營額兵光緒十一年奏裁一成六分有餘光緒二十三年奏明分年裁汰五成合計將及七成查山東一省亦止裁兵五成各省裁兵未有如湖北之多者歲省亦鉅是內銷用款但有可省亦無

不力求樽節查湖北省自上年鹽釐抵還洋款以後撥補無著之款多至三十餘萬現又准部文加派鑄價及東北邊防經費共二十九萬七千兩合計無著者共六十餘萬而京餉荆州滿餉洋款東北邊防甘餉萬不能誤尤屬萬分爲難夙夜憂灼不知何以爲計雖奏請戶部另籌撥補竊恐戶部斷不能撥補實款如此之多是以前數月以來竭力多方籌餉於部文未到之先即已籌議加抽菸酒糖三項落地捐土藥稅釐及整頓稅契等款另摺具奏冀以湊補若干稍紓戶部籌畫究竟能籌多少未敢預計然總不至全無成數總之能多籌一萬

張文襄公全集

卷八十 電奏八

三

即省戶部撥補一萬能多籌十萬即省戶部撥補十萬而所補之款大率皆係供支京餉荆州滿餉洋款東北邊防甘餉數大端之需實與提解部庫無異方今時勢艱難部庫支絀之洞蔭霖等仰觀宵旰憂勞豈不願多提巨款稍紓宸厯惟湖北情形實與他省不同一由近年裁提歸公之款已多一由目前撥補之款多虛加派之款又鉅奉撥各餉尙多無著正需籌補當早在朝廷鑒照之中實無餘力提款另解惟值此時艱大小臣工受恩深重分應稍效涓埃以盡微忱擬以後每年由督署捐助餉銀二千撫署捐助餉銀一千藩司捐助餉銀

一千鹽道捐助餉銀一千荆宜施道捐助餉銀五百漢陽府捐助餉銀一千二百荆州府捐助餉銀一千共銀七千七百兩按年發交善後局充餉造報聊以添湊撥補不敷之款至現奏整頓稅契一事即係酌提州縣羨餘以資撥補之洞蔭霖惟有督飭司道力杜中飽節省用款嚴核正賦多籌餉源冀以支持窘局免誤要需謹披瀝覆陳不勝惶悚請代奏之洞蔭霖同肅

致總署戶部

光緒二十六年五月初三日亥刻發

欽奉寄諭飭議洋貨稅釐併徵一事竊查此舉若照盛宣懷等原議可歲增二千萬兩但恐各國未必允加至

張文襄公全集

卷八十 電奏八

三

此數然必可歲增一千萬兩內外實爲國家大利若不子免釐恐時值加估及洋酒等物抽稅之說彼未必允至進口土貨冒充斷無其事土貨出口正稅五分再充洋貨進口又完併徵十五分共二十分是百金之貨須先納二十金之稅無此愚商若洋貨易與土貨混淆者儘可指明數十種粘貼印花且加稅之名甚正尤於國體有益不僅籌餉目前中國局面尙可議加稅抵釐若二三年後或各國生枝節或內地有變亂則此舉不能再辦必至稅不能加而勒我免釐矣如慮洋關利權太重請旨飭總署與赫德切商趕緊教習中國員生以微

權之法數年之後漸次參用華人亦可防弊至湖北省洋貨釐數猝難查清事關大局一省盈絀不足深論將來查確據實奏請撥補鉅款充裕戶部必不吝惜此事機不可失伏望聖明斷然行之因開議期近奏到恐逾限謹先由電覆奏請代奏江

致總署榮中堂

光緒二十六年五月二十四日亥刻寄保定廷藩台譯出加封粘釘

專派弁兵飛遞京城同日照錄另由上海海綫寄山海關副都統飛遞京城二十七日又照錄寄濟南袁撫台譯出加封寄京並致慶邸

各國洋電皆以拳匪妄殺開衅我不速勦致動眾怒日本電謂若肯勦匪尚有轉機京城危急北望焦灼查拳

張文襄公全集

卷八十一 電奏八

三

匪符咒惑人傳教煽亂實不能避槍礮嘉慶十三年久經諭禁若真係直隸義民何以陝西人李來中為首是為邪教應勦一也不遵詔旨解散京外亂殺華洋均受其害且要挾欽使請殺新城涑水兩知縣目無法紀是為亂民應勦二也旗書助清滅洋乃各省會匪故套若助朝廷何以抗旨北自京城東至天津西至保定南至河間周圍千餘里均被滋擾勒派供糧其中不盡教民亦濫遭焚殺畿輔災旱民不聊生是為土匪應勦三也毀壞國家所設電綫鐵路值數百萬阻詔奏誤軍行又焚毀京外洋房民房無算是為劫盜應勦四也即不與

各國開衅亦應痛勦況無故戕害洋人洋房殺日本參贊今海口已被占奪都城布滿洋兵增艦日來日多禍在眉睫直不忍言從古無國內亂民橫行慘殺而可以治國者亦未聞一國無故與六七強國一同開衅而可以自全者即英俄強國亦斷不能受各國併力之攻况官軍彈藥有限廩戰日久我無接濟之械彼增數倍之兵江海各口俱封各國分路攻擾全局糜爛如何支持拳匪無械無紀在東在直皆不能敵官兵近日在落伐被洋兵擊斃無數在交民巷又被洋兵擊敗未見其能避槍礮若謂烏合亂匪能與大隊洋兵拒戰斷無

張文襄公全集

卷八十一 電奏八

三

此事仰懇 皇太后 皇上聖斷念宗社之重速持定見勿信妄言明降諭旨力勦邪匪嚴禁暴軍不准滋事速安慰各使館力言決無失和之意告以已召李鴻章李到當與各國妥商辦法聞美國在大沽並未開礮先託美使調停勸令停兵息戰我方好專力勦匪並請速發電旨述 皇太后 皇上之意飭駐各國使臣令向外道謝日本被戕參贊優加撫卹力任以後保護明諭各省保護洋商教士眾怒稍平庶可徐商挽救宗社安危所關間不容髮再過數日大局決裂悔無及矣焦急惶悚秉衡等意見相同謹合詞籲懇聖鑒請代奏李

秉衡劉坤一張之洞鹿傳霖王之春松壽于蔭霖俞廉

三同肅敬

因道路梗阻分遞兩處一呈總署一呈榮中堂以冀必有一路可到併請電覆

會銜電奏

光緒二十六年五月三十日已刻發自江甯發

奉廿四日寄諭欽遵續准袁世凱密電奉二十五日寄諭拳會在津助官軍獲勝降旨嘉獎飭各省招集此義民成團禦侮必能得力辦法迅奏沿江海尤宜急等因欽此竊謂此次大患在與各強國一齊開衅目下大沽已失京都危急拳會僅持邪術各國非比流寇雖幸獲勝仗各國斷不甘心勢必增調重兵報復俄日兩國陸兵最多其來最速現俄用裝茶輪船改赴旅大裝兵英

張文襄全集

卷八十

電奏八

五

調印度兵法調西貢兵美調小呂宋兵日本調廣島兵連德國陸兵當不下八九萬斷非董宋聶諸軍所能抵禦拳會無紀律可勝不可敗敗則四散以京師之重地作孤注之一擲危迫甚矣論兵力一國焉能敵各國不敗不止論大勢各國焉肯輸一國不勝不止豈有拳會可操常勝而無一敗之理塵戰旬日藥彈必竭接濟無從更何能以血肉之軀與礮火相搏一旦兵敗會散各國大隊直入京城宗社乘輿何堪設想此臣等痛哭流涕不忍言而不敢言不得不萬叩以請朝廷亟思變計者也沿江一帶會匪鹽梟安慶道友甚多與拳匪各

自為黨平時專以搶劫為事口號皆悖逆之語並無拳

會之黨可招臣等已將防務密為籌備但就目前計北事已決裂至此東南各省若再遭蹂躪無一片乾淨土餉源立絕全局瓦解不可收拾矣惟有穩住各國或可保存疆土江甯漢口英國領事迭來臣等署中面商欲派兵艦多艘入江保衛商教臣等以力任保護堅辭阻之該領事已允不再派艦上海各領事處並經飭令江海關道密為轉商亦各允許蓋長江商務英國為重各國覬覦已久懼英而不敢先發英亦慮各國干預而不敢強佔以啟各國戎心在我正可就其所忌而羈縻牽

張文襄全集

卷八十

電奏八

五

制之若鼓動一國勢必羣起而攻大沽覆轍可深鑒也此實委曲求全之策現在尙屬安靜自可暫與周旋仍一面嚴密籌備惟沿江防軍甚單精械不能一律雖酌量增募利鈍仍無把握一經宣戰各國封我海口滬局軍火不能運出將士戰守奮勇亦無彈藥接濟沿海各省紛擾可慮防不勝防閩浙廣東兵力亦薄甲午以後存械無多從前法越之戰日本之戰開衅皆止一國軍械彈藥尙可設法分購密運勉支半年故一國尙可力戰若謂可以抵拒各國臣等誠不敢故作矜夸之語以欺君父而誤國家外衅一開內匪四起更難措手總之

能聯絡一日長江以內尙可使外人無從逞志儻各國必欲以干戈從事派大隊兵艦來江攻我營臺實逼處此臣等受恩深重有守土之責自當盡力抵禦存亡與共事機甚緊所關甚鉅謹披瀝上陳再出使各國大臣此時請勿遽行召回若使臣下旗回國即是明言決裂自認攻毀各國人命物產以後更難轉圜似宜仍令暫駐各國爲宜合併瀝陳臣坤一之洞卅

後各奏多係電由東撫袁加緊馳轉

致總署榮中堂 光緒二十六年六月初五日午刻發交保定廷藩台飛遞

奉旨派兵赴京聽用鄂省前聞北警夙夜焦急本擬派

張文襄公全集 卷八十 電奏八 三

前南韶連鎮方友升統軍馳往入衛正在部署間奉寄諭調武功二營愷字四營查鄂省向係底營每營二百五十人此六營止千五百人兵力較單茲將各營湘軍挑選並將愷營凡湖南人嫻習礮法者挑選併入其中共成五整營二千五百人俱作爲武功營由方友升統領概係湘勇湘將並與湘撫俞商定將鄂派五營與湘派五營均派湖南藩司錫良總統兩省十營合軍均係湘軍一氣貫注較爲得力即飭令迅速陸續馳往謹先電陳請代奏之洞蔭霖同肅敬

會銜電奏 光緒二十六年六月十六日未刻發

恭讀華洋電傳六月初三日寄出使各國大臣電諭詳示匪亂肇禍外艦相迫及力保使館情形理直辭正欽服莫名從此各國共知朝廷若非萬不得已不肯輕戰之本意自可忿情頓釋漸就範圍竊謂此時各省自應力籌戰守而朝廷必宜先伐敵謀恭釋此次諭旨之意擬請推行者四事一請明降諭旨飭各省將軍督撫仍照約保護各省洋商教士以示雖已開戰其不預戰事者皆爲國家所保護益彰聖朝如天之仁且中國使臣官員商民在外國者尤多保全尤廣一請明降諭旨將德公使被戕事切實惋惜並致國書與德主以待別國

張文襄公全集 卷八十 電奏八 三

排解並請致美法兩國國書以見中國意在敦睦一視同仁一請明降諭旨飭順天府直隸總督查明除因戰事外此次匪亂被害之洋人教士等所有損失人命物產開具清單請旨撫卹以示朝廷不肯波及無辜之恩義不待外人啟口將來所省實多一請明降諭旨飭直隸境內督撫統兵大員如有亂匪亂兵實係擾害良民焚殺劫掠准其相機勦辦一面奏聞從來安內乃可攘外必先令京畿安謐民心乃固必先能紀律嚴肅兵氣乃揚以上四條均仰懇明降諭旨並飭由各電局飛傳各省尤爲有益數日之間四海徧傳各國自然感頌朝

廷並請於 上諭中提明欽奉 皇太后懿旨字樣令各國感頌 兩宮聖德此旨一降則我國家既自立於情義兼盡之地步各國無可藉詞自然懈其憤鬪之志散其連合之局此正古人所謂用兵攻心之法即使逼至連戰不休更可表明非我開衅之實證合詞敬陳管見伏候聖裁臣李鴻章德壽劉坤一張之洞許應騷善聯劉樹堂奎俊袁世凱王之春端方葉未

會銜電奏

光緒二十六年六月十九日寅刻發
由濟南轉發

竊臣等屢接出使日本大臣李盛鐸電稱據日本政府意見及各國公議謂此時各國專重救使一事必須將

張文襄公全集

卷八十 電奏八

三

各使救出方有排解之法等語聞各洋報及上海領事言若使臣皆殲各國即不以公法待中國竊思殺使無纖毫之益有無窮之害伏讀諭旨屢言保護使館但恐事機危迫防不及防貽禍大局實非淺鮮務懇 皇太后 皇上極力將各國使臣救護可否明降諭旨飭令四川提督宋慶派兵護送各使赴津洵為安危利害之一大關鍵宗社幸甚臣等為力保危局起見謹合詞恭摺由驛六百里加緊密陳再此摺係臣之洞主稿電由臣世凱繕遞合併聲明臣李鴻章劉坤一張之洞奎俊綽哈布善聯盛宣懷端方袁世凱效

會銜電奏

光緒二十六年六月十九日辰刻發
由濟南轉發

近日寄諭各駐使力言保護使館乃聞匪徒並不遵旨仍然圍攻使館意欲聚殲其勢甚危不勝駭異焦急查洋報德使被戕德主已誓師報復矢取北京各駐使來電述外部語均極暴悍各國洋電上海各領事語均謂今日惟以救使為第一重大事中國若可救使將來諸事方有可議若各使多傷則盡其兵力不留餘地不以公法待中國等語竊思僅戕德使各國尚可牽制排解萬一匪徒盡殲各使則是逼令合謀羣強眾憤後患實不可測擬請明降諭旨特派忠實大臣及有紀律之軍

張文襄公全集

卷八十 電奏八

三

保護使館或專派宋慶一軍保護囑各使將國書之意分電本國使知攻使係匪徒所為救使係 兩宮德意各國方有排解之法速辦方能補救緩則無及迫切上陳臣李鴻章劉坤一奎俊張之洞綽哈布善聯王之春袁世凱端方效辰

會銜電奏

光緒二十六年六月二十日辰刻發
由濟南轉發

奉寄諭各省認還洋款著即暫行停解等因欽此目下中外兵端已開臣等惟有欽遵力籌戰守恭釋廷旨之意本因防亟餉絀故俯為各省籌畫移還款以充餉需惟此事於全局軍餉甚有關係現在東南各省尚無兵

事商貨亦尚流通故稅釐得以徵解軍餉得資挹注而風鶴震驚居民遷徙收數已不免短絀各項洋款均以關稅釐金作抵彼貪我通商之利與應還之款牽制顧忌不敢到處逞志今若停還彼無所希冀各國股票驚惶必致聳動該國力據海關分擾沿江沿海沿邊等省臣等均有守土之責自應極力抵拒惟利鈍非所逆觀難免日久曠持從此軍事四起腹地伏莽乘機滋擾外侮內患天下騷然洋貨不能入土貨不能出各省商販裹足不前洋關與沿海常關固涓滴無收內地稅釐亦必因而大絀京外正在籌備戰守餉需不繼為害非輕

張文襄全集

卷八十 電奏八

三

查每年應還各洋款計共二千數百萬兩每年洋稅及洋藥稅計收二千數百萬兩常稅釐金計收二千萬兩左右稅釐兩項歲各收銀四千餘萬兩除還洋款外尙可餘銀二千萬兩之譜若沿江沿海沿邊等省到處用兵洋稅全失內地稅釐收數亦必十去五六通盤核計較之向解洋款轉受虧在千萬兩以外是停還洋款於各省籌餉有損尤於京餉有妨蓋停戰無期則需餉尤鉅既有必戰之志必寬留籌餉之源臣等再四思維擬懇天恩俯念此時保疆以練兵為急務籌餉以商賈釐稅為大宗洋款若停牽動內地釐金亦礙華民生計轉

於餉需有害京餉及北上諸軍餉項無從接濟關繫尤大可不飭下戶部通盤籌計俯准暫行仍照舊案解還以保餉源而維全局俟數月後體察大局情形再行請旨辦理臣等未敢擅便謹據實核計聲明請旨遵行臣李鴻章善聯劉坤一張之洞奎俊丁振鐸袁世凱王之春松壽劉樹堂德壽聶緝規號辰

會銜電奏

光緒二十六年六月二十五日申刻發
由濟南繕發

竊此次戰事由於匪徒藉口仇教肆行燒殺致釀大患各國亦以勦匪救使及保護商民教士為詞調艦增兵合而謀我軍事既起各省自應力籌戰守臣等已將防

張文襄全集

卷八十 電奏八

三

務嚴密籌備儻彼族前來侵犯即當奮力抗拒不敢稍涉疏虞竊維中朝寬大聖澤如天懷柔遠人無不仁至義盡目前辦法總須將朝廷萬不得已之苦衷及並行不悖之德意切實宣諭庶匪徒不敢藉端滋擾為害地方臣等於戰事初起之時即行出示曉諭務各相安不必妄生疑慮并接出洋華民稟電請保護各國洋人以免報復情詞極為迫切臣等遂乘各領事來商保護商教之時會飭江海關道余聯沅與之訂定章程長江一帶及蘇杭內地各國如不侵犯我當照常保護經各領事電商各外部臣等亦電各使臣向各國切實聲明德

因戕使頗持異議嗣因各國牽制遂亦帖然就範恭繹五月二十九日諭旨現在各使館勢甚危迫我仍盡力保護并飭臣等各盡職守所當為相機審勢竭力辦理六月初三日寄諭各使臣現仍嚴飭帶兵官照前保護使館惟力是視各該大臣在各國遇有交涉事件仍照常辦理等論是朝廷於天津犯順之洋人則痛予懲創於未與戰事之洋官商教則曲為保全威德兼施昭如日月臣等屢次奏請保護公使亦以聖慮之所重時局之所繫首在此舉不容稍緩迭准各出使大臣楊儒等來電總以保全公使暨在各省之洋人為第一要義擬

張文襄公全集

卷八十

電奏八

三

懇天恩飭下在京得力各軍保護各國公使正所以自保使臣飭令各督撫保護在華洋人正所以自保在洋華民不勝急迫之至臣劉坤一張之洞奎俊王之春劉樹堂聶緝規有申

張文襄公全集卷八十終

紹興孫家棟校

張文襄公全集卷八十一

電奏九

會銜電奏

光緒二十六年七月初一日寅刻發
由濟南籍發

竊聞津郡不守敵勢益張該處距京僅止二百餘里上念皇太后皇上續承宗社不知如何憂勞臣等遙望神京難安寢饋現聞東西洋續調之兵日本已有萬餘人在大沽登岸其餘各國兵隊啟行已久亦必相繼到津聯各國相約進兵現仍徵調不已事機日緊一日尤深焦急伏念兵端既開在我自無不戰而和之理臣等惟當振刷精神將一切戰守事宜趕緊次第籌備嚴密布置無論何國來犯可盡力遏勦斷不敢稍涉疏懈自弛藩籬惟自古用兵之道本可操縱並行兩次伏讀致俄英日本及美德法六國國書囑令排難解紛仰見朝廷委曲求全苦心調劑仁至義盡薄海同欽現在俄日兩國已有復書詞氣雖尚和平語意究難揣測大學士臣李鴻章周知四國體用兼賅辦理交涉有年為各國所信服現已遵旨北上行抵上海第戰爭方亟航海既難徑達遼陸又慮需時若旬日以後洋兵已逼近京城局勢又變可否籲請天恩授以全權示以機宜飭令就近在上海與各國電商藉探消息察其意向緩其進

兵何國有隙可乘即由何國入手總以間敵謀紆國難
安 兩宮為主此次戰事起於倉猝各路援兵均未齊
集但能使敵氣稍鬆即可多增一日籌備多固一分戰
守庶於援兵之中益便設防之計於大局實有裨益是
否有當謹合詞電陳伏乞聖鑒臣劉坤一張之洞德壽
善聯劉樹堂袁世凱王之春攝緝規魏光燾端方東

會銜電奏

光緒二十六年七月十二日戌刻發
由濟南籍發

為遵旨購米趕運仰祈聖鑒事竊臣等欽奉六月二十
五日寄諭近畿軍糧孔急令臣等飭江漢關道岑春
蓀購米五十萬石趕緊北運當即督同藩司糧道會同該

張之洞全集

卷八十一 電奏九

二

道籌辦即日墊款購買查漢口之米多係來自湖南現
在米價較貴長江下游蕪湖鎮江及江北寶應縣屬之
泇水鎮皆米聚處價廉路近費省運速現時此三處每
米一石合計米價運費較漢口約省銀一兩現已在漢
口買米二萬石并委員分赴蕪湖鎮江泇水三處購買
隨買隨運清江約計十日之內可買米十萬石陸續由
瓜州入內河改裝民船惟河窄船艱接道員惲祖祁電
船隻雇覓不易惟有陸續雇運俟運至清江轉運總局
即交道員惲祖祁接收查清江轉運總局係奉旨由兩
江督臣設立脚費作正開銷以後如何分起北運應由

惲祖祁酌量趕辦鄂省所購之米仍備齊麻袋以便清
江總局臨時的量水陸分運惟漢口米時價每石三兩
數錢下江三處米時價每石二兩數錢約差一兩以米
五十萬石計之由漢口采買再運至清江合計目前米
價運費共需銀將及二百萬兩較由下江購運多費不
下五六十萬兩鄂省餉力萬分支絀此項奉旨飭購之
米斷不敢稍有推諉但隨時零星挪湊借墊猝難得此
巨款萬分焦急竊思蕪湖鎮江泇水皆在江南安徽境
內地處下游米賤運省可否仰懇天恩敕下江南安徽
合力采辦江皖物力較裕道路較近款便則購速路近

張之洞全集

卷八十一 電奏九

三

則到速計每購米十萬石可省銀十餘萬兩運米十萬
石可早到清江二十餘日似此眾擎易舉計程速運庶
於北路軍精實有裨益臣等仍當多方籌款竭力續購
運往以濟要需謹合詞由電奏陳由山東撫臣代為繕
摺馳遞伏祈 皇太后 皇上聖鑒臣張之洞袁世凱
于蔭霖文

電奏

光緒二十六年七月十六日未刻發
由濟南籍發

竊臣奉旨籌撥軍械近日京畿軍情緊急憂心如焚查
湖北存械素少名目亦雜漢陽廠雖能自造槍礮惟因
經費支絀無煙藥廠尙未造成以致有槍礮及彈而無

藥無藥遂與無彈同疊次解京及各營皆係臨時向外洋或滬局購買以無款不能多購預備自五月聞天津有戰事急趕向滬局購運六月始經到鄂除滬局留江南自用外悉數購來設法晝夜趕裝每日至多止能裝成四五萬顆除先解提督張春發營三十萬顆外其餘儘數應付藩司錫良總兵方友升入衛之軍並將鄂省各營已發之彈收回湊解現有應解神機虎神兩營槍彈每營各二十萬又有續解張春華營彈二十萬茲擬即日派輪運赴鎮江由清江陸運惟洋艦窺伺長江聞有軍火必將派艦攔截現擬將此項槍彈七十萬藏於

張文襄公全集

卷八十一

電奏九

四

運米船內運赴瓜洲轉入內河運清江即名爲鄂省運京餘米以後鄂省三四日運一批江南山東隨到隨運惟到瓜洲時須江南轉運局雇民船小輪等候到清江後即由清江轉運總局雇車等候計每批彈十五萬每彈一千裝一箱三套大車每車裝十二箱約八百斤雙套大車十輛裝九箱約六百斤並不過重如沿路換車一晝夜可行二百餘里清江九日可到京每批只用三套大車十三輛或雙套大車十七輛尙未甚難惟運至瓜洲後非鄂省之力所能及擬請旨敕下江督劉坤一東撫袁世凱飭清江轉運總局惲祖祁及沿途州縣籌

備專爲此項槍彈在瓜洲備大民船一隻小輪一艘在清江以北沿路備三套大車十三輛或雙套大車十七輛此項槍彈關繫緊要而分批爲數不多他營餉械需車不得壓擱挪用似此按批趕運可以源源接濟至以後解北槍彈擬大率分爲兩項以期簡速一半運交欽差李秉衡即可轉發張春發一半運交大學士榮祿酌量分撥各營至此後尙有續解神機虎神兩營槍彈共四十萬亦擬請解交大學士榮祿轉交似此分明簡易免致端緒繁多沿途歧誤大率添兵不如添械添械不如添彈臣惟有竭力趕籌運濟仰懇天恩敕下兩江督

張文襄公全集

卷八十一

電奏九

五

臣山東撫臣迅速密飭分別接運以後此項槍彈瓜洲清江即稱爲鄂省餘米以期秘密穩妥謹電由山東撫臣袁世凱繕摺馳遞伏祈 皇太后 皇上聖鑒諫奏此發後并致劉制台更由東省轉咨榮中堂李鑑帥

會銜電奏

光緒二十六年七月二十六日申刻發由濟南繕發

傳聞聖駕於十九日由易州幸晉逃聽之下憂憤莫名竊謂此時救急之策最要者約有三事一日請派親信王大臣速與各國議款上海洋電傳說派慶親王留京議款不知信否如確甚幸如未派務請速派王大臣二人擬請明降諭旨特派議款之王大臣與全權大臣

電商議款諸事先議停戰止兵一面電各國駐使電告外部二日請明降諭旨派人衛各軍統兵大臣勦辦拳匪該匪邪術惑人毫無伎倆並不能避槍礮害國殃民神人共憤種種殘暴橫行屢經明旨嚴禁宮庭為難中外皆知今見敵兵難禦將士多傷相率解帶奔逃竄往保定一帶尤為巧詐情罪毫無可原若再不自行速勦各國必縱兵搜殺洋兵四出畿輔全非我有矣我既痛勦彼自無詞進兵惟諭旨須聲明拳匪字樣方足杜外人之口近日各國進兵不過藉口救使勦匪兩事今各使已獲完全拳匪由我自勦又派重臣議款責以止兵

張文襄公全集

卷八十一

電奏九

六

停戰彼更何詞不然彼藉口匪未實勦必然分兵四路屠滅畿輔數百萬良民同遭慘禍玉石俱焚必為聖心所不忍甚至藉口勦匪派兵向西路追襲後患尤不忍言三日請速頒諭旨飛飭各省將軍督撫言聖駕暫時西幸已派王大臣等與各國議款妥為了結飭各省將軍督撫務須照常辦事鎮靜民心保守疆土仍遵前旨保護各國商教遇有各種匪徒藉端生事嘯聚焚殺意圖乘機作亂立即派兵勦平勿任滋蔓擾動大局各省官民見此明諭人心自靖內地自安以後諸事易於結束免致重貽宵旰之憂臣等北望乘輿憂憤迫切伏責

負罪無地自容竊思惟前二條可以立時止兵從容議約後一條可以鎮定大局轉危為安臣等會商意見相同謹合詞電奏由山東撫臣袁世凱繕摺馳遞伏祈聖鑒迅賜施行臣李鴻章劉坤一張之洞袁世凱奎俊綽哈布魏光燾端方丁振鐸許應駁善聯德壽王之春聶緝棻劉樹堂俞廉三宥

會銜電奏

光緒二十六年八月十二日酉刻發

竊臣等自七月下旬以來北方警信日至惟電綫多斷文報亦梗未得確音暨聞洋兵已入京城雖傳聞有鑿與西幸之說不知是否成行各報又參差互異神魂飛

張文襄公全集

卷八十一

電奏九

七

盪罔知所措臣等不能為國家卻敵捍患以致有此大變憤恨填膺死有餘責昨接大學士李鴻章自上海來電奉到懷來縣所發寄諭並接護陝西撫臣端方來電恭悉 皇太后 皇上確已西巡將抵太原薄海臣民懸望之惘稍為定慰惟六飛所蒞兵食繁多北地歲歉糧艱尤難措辦查湖北遵旨購米早已購齊十萬石分存鎮江蕪湖汜水等處因清江轉運局以時勢瞬息不同恐運道或須改易令暫緩交兌此時自應解赴行在惟查自清江運晉應由淮北溯至朱仙鎮以達開封又由黃河上溯以達陝州皆係水運較便但聖駕幸晉幸

陝未敢豫計若運晉則此項米石在茅津渡過河由解州平陽以達太原若運陝則由靈寶陸運入潼關以達西安皆無窒礙查前奉 上諭令兩江督臣在清江設局轉運派道員惲祖祁總辦運費作正開銷此項米石應請敕下兩江督臣督飭惲祖祁迅速設法起運以應急需若慮水道過遲或酌分數萬石陸運費較多而較速但無論水運陸運皆須取道中州以後各省運餉運米運貢物運軍械輻湊交會豫省歲荒車少一省之力必不能支似惟有由江皖西浙閩川湘鄂廣東山東山西十一省公同協濟運費擬請旨敕下河南撫臣籌備

張文襄公全集

卷八十一

電奏九

八

車船並敕各省迅速妥商分別協濟臣等已一面電商劉坤一裕長趕速籌解但運到總需時日焦思實無善策惟籌解現銀解到較速查湖北所解第三批京餉十九萬餘兩目前計將渡河已電河南撫臣暨委員探明徑解行在現又趕籌第四批京餉十八萬八千兩即日啟程解赴行在除另行具摺專派大員齎呈恭請聖安外謹電致護陝西撫臣端方代繕馳奏以期迅速合併陳明臣張之洞于蔭霖文酉

再臣等接山東撫臣袁世凱電稱頃接尙書徐郵等初一日函開廟社宮闕尙未震動又接出使日本大臣李

盛鐸電初五日聯軍請尙書敬信派人守護禁城又接袁世凱初十日電近日有自京來者述京內外安堵並無蹂躪各等語謹附電具陳以冀稍慰宸廑伏祈聖鑒

案此摺係湖北督撫會奏一摺一片電致西安端撫台代繕并備及銜安摺兩份加緊馳遞

會銜電奏

光緒二十六年八月初九日卯刻由上海發

竊自七月十六日以後臣鴻章遵旨屢向各國電商先行停戰距洋兵入京僅止數日深恨無可挽救七月廿一日以後復以停戰撤兵分電切商各國皆以勦匪弭畔各節中國未能照行 兩宮離京情形迥異設詞推宕未允各派全權議事但事機愈緊豈容坐待迭與各

張文襄公全集

卷八十一

電奏九

九

駐使等再三設法探討冀有轉機仍一面將局勢危變情形於八月初一日專摺馳陳並電由陝西撫臣端方就近代奏恭待後命初六日接駐俄使臣楊儒電稱自聞洋兵內犯車駕蒙塵心膽俱裂連日奔走外戶兩部力籌挽救均稱事已至此實乏良策刻下北京無主各武員便宜行事勢難遙制蓋因屢次代我設謀均未照辦不免怏怏也嗣經迭次懇商並告以我深知中俄邦交有逾歐美無如華洋各報議論均言俄心叵測隱圖中國我甚惡之此次進兵本為救使今已保全俄兵何妨先撤以作榜樣全兩國數百年交誼慰中國數百萬

人心以示實憑而箝眾口反復勸解彼意稍動始允設法轉奏頃據面告俄主已允即日將兵隊公使人民一併撤至天津以示真心見好至東省之事鐵路有公司承當將帥請中國懲辦俄決不據尺寸土地飭詳告貴大臣此係勉副臣鴻章與臣儒再三之請切勿誤爲畏怯一面速請 皇太后 皇上回京或先迅派合例全權議事遲則恐德國統帥到華別有舉動並請臣鴻章與南省督撫之負民望者會奏辦理等語查戶部徵特辦事明決肝膽照人俄主言聽計從外部不稍掣肘此絕大轉機不可再誤儻各國均肯照辦京師必須妥籌

張文襄公全集

卷八十一

電奏九

十一

動是爲目前第一要義臣鴻章前據日本所請奏懇飭令慶親王奕劻大學士榮祿星夜回京會議此實萬不可緩之舉如奉俞允臣鴻章即當借乘俄船航海先赴天津專俟慶親王榮祿回京便可催各國派使會議蓋俄所允撤兵到津恐尙須會商各國而後定就使俄兵首先退至天津市義於我而我若仍以空言搪塞彼兵在津何難再進或稍遲疑不決轉瞬八月杪德帥即統陸兵兩萬而至德既不能空回勢必攪亂各省愈鬧愈壞不可收拾恐德倡而俄隨德俄倡而諸國隨如上年膠州澳爲先旅順大連灣繼之威海衛廣州灣又繼之

張文襄公全集

卷八十一

電奏九

十二

鎮守萬一民變復作子黎更遭塗炭且又予人以可乘之機不可不慮乞轉電臣坤一臣之洞等通籌迅速奏辦等語臣又先接俄戶部徵特七月二十一日二十九日兩電內稱各大員之擾亂大局者應請懲罰不貸而於東三省違旨肇亂各官請嚴查懲辦不可以空言虛語塞責均係忠告之言另單鈔呈御覽臣鴻章即與臣坤一臣之洞往返電商撤兵須有實約議事難託空言查西例國君不在京便是無主之國任敵兵施爲故必有留守便宜行事之全權大臣方能督辦和局今俄國請先迅派合例全權議事遲則恐德統帥到華別有舉

其前鑒也抑臣等又有請者攻使縱匪聯軍所以由天津犯京此各國公同向我理論之事也各使幸已無恙若能如臣鴻章所請剿匪之事實成直隸督臣可示以踐行之漸至毀路開衅俄兵所以佔據東三省諸城此俄國專案向我理論之事也署黑龍江將軍壽山署奉天副都統晉昌該二員一意主戰豈不知三省兵械斷不足以抗大敵乃竟縱匪毀路另構衅端以致矢陷多城殃害人民貽國家無窮之累其肇禍尤屬重大非另簡相當人員前往接替終難停戰擬請聖明以大局爲重即將壽山晉昌先行罷斥治罪以爲開衅債事者戒

庶款局漸可轉圜不致遷延再蹈覆轍臣等爲事機不可再失起見謹合詞據實瀝陳伏乞聖鑒臣李鴻章劉坤一張之洞青

再與各國商議事件全賴電綫靈通臣鴻章行抵上海即查明直隸山西兩省電綫全行被匪拆毀只得暫駐上海尙可與外洋往來通電現已商由盛宣懷設法借款先將上海至天津另設海綫再由天津至上海復設陸綫並將晉綫次第修復中外樞紐方免阻滯惟畿輔千里主持無人拳匪潰兵充斥焚掠主客各軍概形散漫臣坤一之洞電商臣鴻章以各國議和必非旦夕可

張文襄公全集

卷八十一

電奏九

三

結之案既調任直隸必當自認該省之地主冀可杜外人無主之說所關甚大鴻章即已電屬護理督臣廷雍代爲繕札蓋用關防通飭本省地方官及本省外省各統領在直隸境內各軍均宜各守法度遇有土匪潰兵滋事卽行認真剿除一俟到津卽當遵旨一面會同添派之王大臣盡力籌議一面將順直各屬應辦事件勉力自任至鎮守京城尤非慶親王榮祿不能勝任臣鴻章如有可盡之責亦不敢推諉惟斷不能獨任其事但望畿輔稍能安靜兩宮早日回鑾以遂天下臣民之望以慰各國尊敬之誠此臣等所日夜禱祀以求者

也

再各省人心不靖會匪伏莽時有蠢動兼之康有爲黨羽分布各處造言煽惑尤屬可慮臣坤一之洞聯絡各督撫竭力防維總期隨時撲滅擬懇速頒諭旨飛飭各省將軍督撫言聖駕暫時西幸已派王大臣等與各國妥爲議結各省將軍督撫務須照常辦事鎮靜民心勿令擾亂保守疆土勿稍疏虞於交涉事件仍照迭次諭旨按照條約辦理遇有各種匪徒藉端生事嘯聚焚殺意圖乘機作亂卽派兵勦平勿令滋蔓擾動大局各省官民見此明諭人心自靖內患自安免致重貽宵旰

張文襄公全集

卷八十一

電奏九

三

之憂謹再電陳

電奏

光緒二十六年八月二十八日己刻發

竊臣前承准神機營虎神營武衛中軍咨令籌解快礮槍彈等項當於本年七月初九日飭委縣丞毛鴻輝千總李元吉給咨責解神機營小口徑毛瑟快槍彈二十萬虎神營小口徑毛瑟快槍彈二十萬武衛中軍三生七快礮六尊礮彈一千二百顆隨同鄂省派出北上之武功營後隊趨程進發祇因豫省歲荒車少轉運艱難旋聞聖駕西巡卽經臣兩次電咨河南撫臣裕長飛飭該解員毛鴻輝等改道迅速解赴行在交湖南藩司錫

良營次查收分別請示交納昨准直隸護督臣廷雍來咨屬令解往保定同是軍需急用原無畛域可分惟念扈蹕諸軍營數尙多相需尤要究應解往何處庶協緩急之宜復經臣電飭錫良奏明請旨遵行頃接大學士直隸督臣李鴻章二十五日自津來電有屬護督臣廷雍務將庫款挪存河間或定州爲要等語揆度情形似鄂解前項快砲槍彈仍以解赴行在或直隸之正定大營所在較爲穩慎抑或仍解保定相應請旨定奪飭下直隸護督臣廷雍總統湘鄂兩軍湖南藩司錫良等遵照辦理謹電由護陝西撫臣端方繕摺馳陳伏祈聖鑒

張之洞全集

卷八十一 電奏九

十四

訓示勘

案此摺發後併錄各廷護院錫藩司

會銜電奏

光緒二十六年閏八月初十日亥刻發

竊臣等伏讀七月二十六日 上諭有云庶幾不遠而復天心之悔禍可期仰見聖明虛懷克己鑒於前事之失力圖挽救之方曷勝欽悚謹按周易曰不遠復無祇悔元吉又曰迷復凶蓋凡事措置失宜致生灾患早思變計則吉終於不悟則凶此久已在聖諭鑒照之中者也竊維此次肇衅誤國之由董福祥不能辭咎平日大言欺人自謂足以敵洋五月半間首戕洋官六月以後專攻使館其軍半與拳匪句通拳匪焚殺董軍劫掠狼

狽相倚殘毒京城既不聽大學士榮祿節制并不遵諭旨調遣及外患日急大沽天津北倉諸軍苦戰數旬傷亡殆盡河西務諸軍雖然潰敗究屬見敵惟此欺罔跋扈之董軍並未列隊迎截出城後即大掠滿載驅之而西京畿人民言之切齒聞該軍隨扈太原尙有二十餘營又聞車駕因欲幸陝特調馬安良一軍此必董福祥乘國家危急之時妄言回軍能戰冀以廣樹黨羽挾制朝廷查回性很鷙向不馴良董福祥所部半係回兵馬安良所部盡係回兵西安回民素多甘省向係回藪猶憶五月三十日諭旨有禍起肘腋朝廷苦衷等諭臣等

張之洞全集

卷八十一 電奏九

十五

至今思之猶爲痛心今若乘輿幸陝而又多調回軍養虎自衛誠恐乘輿肘腋之間無非回人將來朝廷一切指置皆不能徑行其意是在京爲拳匪所挾制出京又爲回軍所把持誠如八月十五日諭旨所云一誤而再誤矣蓋董福祥自知罪惡多端不僅爲各國所深仇實爲天下臣民所共憤以故增兵自衛便其私圖似此欺罔肇禍始終怙非絕不爲大清之宗社計不爲 兩宮之安危計若不及早慎防誠恐後患難測此臣等所以焦灼急迫不敢不披瀝直陳於 皇太后 皇上之前者也竊謂洋兵未能盡撤則回鑿實爲險著若回軍布

滿左右則幸陝尤屬危機總之無論駐蹕何處扈衛諸軍宜專選忠純篤實之將可否請旨將董福祥交部議處飭回本任罷其兵柄所部各營令宋慶馬玉崑岑春煊錫良四人分統之分爲四軍其勢自戢部署略定以後分別撤留能守軍律者留之桀驁擾民者裁之其馬安良一軍尤懇不再徵調 兩宮旣安則天下臣民之心皆安然後則廟謨默運可以熟計通籌臣等合詞迫切密陳謹電由護陝西撫臣端方繕摺馳遞伏祈聖鑒臣劉坤一張之洞善聯袁世凱卦亥

再董福祥罪惡甚多本應卽予褫職惟此時以罷其兵

張文襄全集

卷八十一

電奏九

七

柄爲先俟該營有人分別接統諸事部署妥帖再請聖明裁奪酌辦以免意外之虞如此時鑾輿在途或有不便應請朝廷體察情形從容辦理是否有當伏候聖裁臣等謹附片密陳伏祈聖鑒

會銜電奏

光緒二十六年閏八月十七日酉刻由西安繕發

竊自拳匪肇亂構衅列邦津京相繼失陷遼東亦多不守以致宗社震動乘輿播遷薄海臣民皇皇失措莫不謂拳黨釀禍貽誤國家疾首痛心同切憂憤迨疊奉明詔車駕暫幸太原勅治匪徒議及親貴仰見我 皇太后皇上前者之苦衷今者之明斷雖外人尙未滿意

然已漸有轉機天下士庶莫不欽仰感動鼓舞歡呼方冀畿輔廓清指日回鑾上慰九廟在天之靈下遂億兆蒼生之望日昨恭讀電傳本月初六日諭旨現定閏八月初八日啟鑾西幸長安等因欽此臣等至愚鯁鯁過慮有不得不直陳於我 皇太后 皇上之前者伏查自古國家多難之時亦有遷都之舉然必須敵人不能懸軍深入卽深入亦不能持久我始能立國圖存今日聯軍謀堅勢眾實與古來不同況陝西地方自宋金元明至同治以來屢經兵燹商稀民瘠古稱天府今非雄都又與甘肅爲鄰素爲回藪較之京師難云完善卽就

張文襄全集

卷八十一

電奏九

七

目前言之各國方以新勝之師聯合圖進我能往寇亦能往不畏數萬里之海豈畏二千里之陸恐山川之險未可憑恃卽偏安之局不可幸成也且京師根本重地四方所拱極而朝宗者也宗廟宮闕 列祖 列宗之神靈所式憑者也二百餘年來邦基固矣一旦棄之不特失臣民之望度亦非聖心所安前聞各國會請退兵回鑾不占土地無論所請果否出於至誠正可藉回鑾之說以速其撤兵之議儻西幸愈遠是拂各國之請而阻就款之忱萬一激變宗旨洋兵不撤京畿從此淪胥矣遼東不復陵寢從此阻隔矣一國變計各國爭先外

而沿江沿海處處侵占內而奸宄生心紛紛擾亂瓜分之勢成糜爛之禍亟人心愈搖餉源愈竭運道愈梗而朝廷徒局促偏安爲閉關自守之計夫以偏僻彫敝之秦隴供萬乘百官之資糧久將不給以屢次挫失之兵械抗合縱連橫之強國勢必難支存亡關鍵實在於此臣等萬死奚足補救伏乞 皇太后 皇上追念 列祖 列宗創垂之艱難俯恤滿洲八旗生齒之蕃衍外順各國迎駕之請內慰臣庶戀闕之心擬請聖裁收回幸陝成命若乘輿已發距陝伊邇勢難折回亦乞明降諭旨布告天下具言此次幸陝亦係暫計俟畿輔稍定

張文襄公全集 卷八十一 電奏九 六

即行回鑾并由京簡派王大臣致祭宗廟恭謁諸陵示天下以朝廷不忘宗廟陵寢之重斷無絕不同鑾之理一面飭令全權大臣等婉告各國使臣果其退兵示以必返庶足以定人心而安大局臣等愚慮所及不敢不昧死瀝陳謹合詞電由護陝撫臣端方繕摺具奏伏乞 皇太后 皇上聖鑒訓示臣劉坤一奎俊綽哈佈許應駉善聯德壽壽蔭張之洞魏光燾劉樹堂袁世凱于蔭霖王之春盛宣懷聶緝規洽

再臣等正會商電奏間續奉本月初七日諭旨太原荒歉供億維艱且電報不通輾轉延誤不得已西幸長安

等因欽此仰見天心仁愛體念民生并以時局急迫深慮要件或有遲誤故爲此不得已之舉是駐蹕長安可暫不可久已在聖明洞鑒之中顧臣等惴惴過慮者則以宗社爲重深恐各國以自棄京城爲言變其宗旨分占要地停戰無日開議無期大局不可收拾仍懇俯如臣等所請明降諭旨以慰臣庶之心以遂各國之望再接使俄大臣楊儒江電述外部之語曰勢必大舉西向恐未定咸陽之居又將稅蘭州之駕等語臣等所聞各國議論大率皆同今日幸陝之舉議者必以爲秦中陝區遠於海口又有黃河潼關爲限險隘可守敵來較

張文襄公全集 卷八十一 電奏九 七

難拒敵較易不知古今兵事實有不同八國環攻與一國構衅又不同今日戰鬪須憑槍力守禦須憑礮力潼關同州等處之黃河僅寬三里愈上愈狹外國陸路行營快礮七生口徑者可擊六七里八九生口徑用七馬拖運者可擊七八里新式長田雞礮可隔山遙擊數里中國皆無之僅憑土礮小洋礮豈能守河守關各省槍少彈缺自造無多假使敵兵深入中原運陝必然梗阻不過數戰彈子卽罄雖有忠義軍民徒手亦難擊敵蓋一國則深入難八國則接濟易此陝省拒敵之難也又查外洋通例凡係有和約之國必駐公使若其國爲公

使所不能駐者即不視為與國不立和約即使遷都陝西各國別無疑議亦必各遣公使來陝駐劄經此次變故以後使館必派洋兵保護距海愈遠護兵愈多且山西河南直隸一路必節節皆駐重兵是無論遷都何處必有使館洋兵徒使中原數千里皆為洋兵盤踞此陝省遷都之難也總之陪都之計全在平日經營若戰敗以後則敵人必有責言矣守險遠海亦禦外之一策若海口既已屬人內地素無守具則險者失其險矣各國併力各省分擾彼有接濟之便我無持久之力腹背受敵跋前疐後則遠者失其遠矣此須俟事定以後從容

張文襄公全集

卷八十一

電奏九

三

籌之遇一國生畔之時必先結援數國移蹕陪都軍械充足礮臺周密再行開戰最為要著然非所論於此時也以上各情恐議者或未詳考不敢不據實上陳以備朝廷裁度

致西安行在軍機處

光緒二十六年閏八月二十八日子刻發

近日疊接使俄楊儒使日李盛鐸電及各洋電奉天吉林齊齊哈爾三省城及甯古塔瑯春三姓伯都訥愛琿遼陽錦州長春皆為俄踞山海關亦為俄踞開平煤礦為俄踞房山縣係西山出煤總口為德踞又接保定探電聯軍萬餘已到保定前隊赴定州新樂將趨正定赴

山西查毓賢已奉旨開缺現在不知是否仍駐固關該撫以招引拳匪圍殺教士數十名為各國深恨聯軍必藉勦匪攻山西可否請明降諭旨將毓賢嚴予處分令其遠離晉省並降明旨令錫良嚴勦山西拳匪以免引敵致礙款局關內外各地被占洋兵西趨各節京城信息阻滯除電全權大臣外謹電聞再坤一之洞屢聞各國洋人言及出使大臣電皆欲得毓賢而甘心所以各洋使屢次並未指名催辦該撫者意欲作為另案藉勦匪為名攻占山西昨美使柔克義言山西煤可供地球四百年之用等語是各國欲藉此占盡中國之利其意

張文襄公全集

卷八十一

電奏九

三

甚險萬不宜再中其計惟洋兵赴新樂京城尙未知若與慶親王李鴻章電商往返必須八九日恐事機已誤不得不急為電陳不勝迫切惶悚之至合併聲明請代奏坤一之洞同肅勦

致西安行在軍機處

光緒二十六年九月十八日申刻發

此次與各國議款首以懲辦釀禍諸臣為請業奉電旨飭令慶親王大學士李鴻章與之磋商密擬具奏該王大臣自必竭力商辦覆奏到日朝廷具有權衡惟現聞直隸一省已經糜爛不堪近日洋兵又陷紫荆關關外即係大同府屬境保定探電洋兵將赴大同屢據李鴻

章來電及各洋人之言罪魁不辦斷不停兵戰既不停
即不開議款議多延一日洋兵多進一步占地愈廣賠
費愈鉅將來和議條款愈苛且各國議論皆以力請回
鑾爲詞計惟有速懲首禍或可以抵制要挾回鑾之詞
坤一等傍徨焦慮有不得不再瀆宸聰者關中歲荒民
困不比漢唐舊都雖有潼關黃河亦須築有礮臺設有
巨礮方能扼守上游處處可渡防不勝防豈能專恃地
險即謂無虞若使聯軍西行斷非董福祥程文炳諸軍
所能抵禦即使諸軍力戰豈能以艱難有限之彈藥敵
八國無窮之槍礮且入陝之路南北歧出備多力分斷

張文襄公全集

卷八十一

電奏九

三

難防禦此地利不足恃也鑾輿駐陝需用浩繁西北力
有難支東南賁無旁貸目前沿江沿海各省暫示羈縻
尙可妥籌運濟一有決裂恐難任我轉輸近接各處電
音備述各國意指有謂宜分攻晉豫者有謂宜進兵襄
樊者甚且欲以留還洋款爲詞禁我運解京餉和局若
變戰艦即來各省專顧籌防關中將成坐困此接濟不
足恃也各省人心懸懸會匪遍布大局未定蠢動時聞
即以沿江而論如湖北漢口安徽大通之案幸經派兵
速勦不致蔓延然現經查訊散出之富有票共已有二
十餘萬張湖南郵政局近查出逆信多件現又密遣悍

匪攜帶重賞決意大舉報復若值敵艦來侵何能兼顧
和議一變各國分路進兵匪徒乘機起事外患內訌天
下騷然將有瓦解之虞適激瓜分之禍此又時局之大
可憂也總之以一國而敵八國強弱異勢眾寡相懸和
戰機宜無待著蔡坤一之洞聞自晉來者歷述 兩宮
西幸在途艱苦情形蕪亭豆粥滹沱麥飯憤恨零涕無
地自容並聞聖駕抵陝後仍復日夜憂焦懸望款議臨
朝輟食還宮霑襟若不早圖定局天下臣子問心何以
自安此次華岬之王公大臣受恩深重日覩鑾輅西巡
遭此困厄自應爲國任咎爲主分憂使諸人反己自思

張文襄公全集

卷八十一

電奏九

三

當不忍以大清二百數十年之社稷因諸人而遂致阽
危 皇太后 皇上之聖躬因諸人而屢受驚險二十
餘省數百萬之人民因諸人而同遭糜爛若再遷延不
決各國宗旨漸變彼執定必須回鑾然後開議更難措
手矣總之各國從前措詞尙云不肯仇視 兩宮故必
懲辦諸臣所以表明朝廷無開岬之意懲辦悍將所以
解釋大學士榮祿無縱兵之疑縱不能盡滿敵人之意
然豈能盡拂六強國主覆書之請即現在帶兵者目
前或有爲難亦應早籌辦法密飭全權大臣告知各國
容我從容妥籌斷不始終庇護不然我雖苦口力辯彼

可置之不答進兵如故大局已潰開議無期此不比尋常議約可以持久磋磨者也古來聖帝明王每遇陽九之厄往往委蛇求濟隱忍圖存上禱宗社存亡下憫生靈塗炭不惜一時之屈但期百世之安詎可復伸衰可復盛史冊昭垂斑斑可考我 皇太后 皇上量同天地澤沛華洋伏願宸衷獨斷早定大計以平各國之憤以聯各國之情庶幾早日開議挽救危局不勝迫切待命之至請代奏劉坤一張之洞同肅嘯

致西安行在軍機處

光緒二十六年九月二十三日丑刻發

近日各國國書皆以懲首禍請回鑾兩事並舉在京各

張文襄全集

卷八十一

電奏九

五

國公使身受困厄自必逞其憤怒要求無厭必待回鑾方肯停兵開議擬請朝廷俟全權擬奏到後議定重辦首禍即速再通發國書力言真心悔過將首禍重懲謙遜委婉切懇各國國主速即飭令停兵開議以復舊好較與各使言尤為得力惟必重懲首禍方足為真心悔過之據若無實據則僅以空言通書亦恐無益然必設法令其本國國主意氣稍平自行鬆勁庶可望其速發訓條告知各使方不致堅持回鑾為挾制聞各國洋人言中國向來驕傲自處太亢待人太卑近日國書尙嫌簡略未肯極言當初諸臣辦理之咎尙非真心悔過即

非真心願和等語竊思聖人之道屈以求伸帝王之略忍乃有濟似此言語文字止屬末節果能保全宗社似不必吝此空文時危事緊仰懇聖裁迅速施行請代奏坤一之洞同肅漾

致西安行在軍機處

光緒二十六年十月初二日江甯發

近日法副提督巴愛美等德提督蓋斯雷總領事克納貝等英領事孫德雅先後來坤一署相見首問回鑾何日總以首禍未經嚴辦毓賢董福祥情罪尤重必須駢誅為言并疑由鄂解陝銀米及軍械均為接濟董軍微露阻截之意經坤一再三辦論諭以親王永遠罔禁無

張文襄全集

卷八十一

電奏九

五

可再加毓賢遠戍苦差處罪已重并告以中國極願速和 兩宮昕夕憂勞懇至痛切之處該洋員等相顧動色愀然不安因即勸其迅速開議撤退聯軍由我肅清京城迎還軍駕該洋員等允即電知公使及外部而於嚴辦毓董始終不肯放鬆近日漢口英領事法磊斯來之洞署問及回鑾日期當告以聯軍未撤京畿未靖如何遽能回鑾臣下亦斷不能請並詰以必請回鑾是何意該領事云回鑾則可離開董軍免其挾制朝廷之洞因告之曰必候回鑾為期較遠未免耽延和議若只為離開董軍此時我若將董軍調至他處能即開議否該

領事詞氣似尚許可答以當即電告公使英領事語意
蓋欲先令董遠離聖駕以便懲辦其餘與坤一所聞大
率相同察看該洋員等詞意參以日來各處電報情形
圍禁四人雖未滿意尚可磋磨其餘降調革留非再行
加重不可毓賢董福祥最為各國切齒堅請必置重典
語氣尤為決絕聞慶親王大學士李鴻章正在商辦各
國已豫備哀的美敦書如所請再不允辦和議必不能
成枝節橫生禍速且烈且八國戰艦廣集吳淞若併力
進攻沿江各省實難抵禦竊思馭外之道非戰即和目
前水盡山窮萬無可戰則和局勢難游移愈久愈不可

張文襄全集 卷八十一 電奏九

去

收拾大清數百年宗社亦萬無因此數人坐致危亡之
理伏願 皇太后 皇上宸衷獨斷立賜施行縱或董
福祥暫難嚴懲亦應設法奪其兵柄遠離輦轂以釋各
國之疑伏候聖裁再英提督西摩於廿日由滬赴鄂俟
接見後再行電陳請代奏坤一之洞同肅沃

致西安行在軍機處

光緒二十六年十月初六日
丑刻發

各國議條款有內地任便通商一條勢在必行查武昌
省城濱江距北門外六七里之江岸即與漢口鐵路馬
頭相對前年美國人勘粵漢鐵路時即擬定此處為粵
漢鐵路馬頭將來商務必然繁盛近年洋行託名華人

私買地甚多各國洋人垂涎已久此處必首先通商無
疑此處若設租界距省太近營壘不能設法令不能行
有礙防守查岳州係自開口岸名通商場不名租界自
設巡捕地方歸我管轄租價甚優年年繳租各口所無
一切章程甚好前三年奉旨令各省查明可開口岸地
方奏辦竊擬趁此條款尚未宣布之時即請旨准將武
昌城北十里外沿江地方作為自開口岸庶不失管轄
地方之權此時先定為十里外若臨時洋人嫌遠再酌
改為七八里統俟體察情形辦理合併聲明奉旨在先
彼自不能侵越事關地方權利省城防衛時勢急迫謹

張文襄全集 卷八十一 電奏九

去

電奏請旨請代奏語

致西安行在軍機處

光緒二十六年十月十一日
申刻

英提督西摩到鄂力言各省運赴陝銀米兵械甚多必
是接濟董軍為拒守計可見朝廷不願和之洞答以聖
駕所在義當接濟并非濟董西摩言擬派小輪入襄河
探水漢口領事言總署前已奏准洋人小輪可行內河
之洞答以時勢不同若和局定乃可又催將董福祥調
開嚴辦過甯亦與坤一晤所言與在鄂同江鄂兩處辯
論甚繁彼之大指不外乎再不和即斷江漢接濟一語
意甚堅很法副提督到鄂前德提督到江甯亦同此意

總之洋艦層聚吳淞三水提同時入江其意可知目前雖經坤一之洞極力攔阻若和議再延必至斷我接濟初七日上海各領事告洋行不准將製造軍火之物料出售查造藥需用鏢水槍礮之機簧零件鑽刀皆需上等洋鋼槍礮彈殼皆需上等洋銅以後江鄂兩局製造亦將束手謹將英提舉動大局緊急情形電陳請代奏坤一之洞同肅真

致西安行在軍機處

光緒二十六年十一月初八日午刻發

昨見議和條款內第五款運進中國之軍火暨專為製造軍火之各種材料仍不准運入中國等語前一日英

張文襄全集

卷八十一

電奏九

天

參贊所交譯漢底本作為專造軍火之器料器自是指造軍火機器用意更深萬分焦灼若全行照允中國永無禦侮之具如何立國所有各省製造槍礮局廠均須停閉不特永無自強之日即會匪潰勇官兵亦不能鎮懾必致內亂四起并不能保護洋商教堂擬請飭下全權與各使婉商將暨為製造軍火之材料一句刪去并商定軍火只暫禁運限定幾年以維大局此條萬分要緊查伍使楊使皆只言暫禁此條必可商改迫切上陳請代奏陽

致西安行在軍機處

光緒二十六年十一月初九日午刻發

數月來各國國書外部公使皆以回鑾為請將來自必回京惟此次第七第八第九款大沽撤礮臺使館駐護兵津沽設兵卡三條其勢不能不允然合計十一國京城護館之兵至少必有千餘津沽沿路之兵至少必有五六千海口兵艦約十餘艘兵數亦在三千內外是洋兵水陸合計必有萬人不啻何時始撤恐是長局此路我既無臺無兵彼又據有鐵路半日可到都下實屬危險合十一款覲見改章觀之以後各使請覲必然頻數動輒於覲見時面加要求必致條款陸續增添日逼日緊從此中國無自主之權不可為國矣必須籌一穩妥

張文襄全集

卷八十一

電奏九

天

平允之策前日英德兩領事來詢洞有何意見昨函致兩領事云京都駐衛隊京至津沽沿途設兵卡大沽撤礮臺護衛使館可謂至周至密是使館永遠安穩惟是中國京城門戶之防全撤不容自衛是朝廷永遠危險似欠平允雖諸大國當不致藉勢橫行然國數既多年月既久諸國未必永遠聯為一氣日後難保不各生意見設有一二國或有意藉端尋隙或因彼此誤會與中國為難中國何以自保將必至無論何國無論何事或於此國有益而於彼國無益之事亦可隨時要挾上則逼勒朝廷下則洋兵四出騷擾百姓中國從此永遠不

能平安各國亦必暗中受損矣必須籌定彼此永遠相安中國不致過危之道方昭平允愚意此項衛隊及沿途卡兵必須聲明專為保護使館之用沿途須定界限不得越界騷擾除中國再激各國公憤此次各聯國均簽字允肯向中國用兵者另當別論外儻一二國與中國偶有齟齬該國公使下旂出京應即將其衛隊及其卡兵帶同回國其津沽至京之暢道為各國護館公共之路須守局外敵國不得借道進兵庶使館安中國朝廷亦安不然明知危險臣下斷不敢勸請朝廷回鑾也等語託其電告英德兩使與之婉商不知各使允否惟

張文襄公全集

卷八十一

電奏九

三

有請旨飭下全權大臣於此節務商善法暫緩回鑾告

以駐兵妥善方能放心回京如一時未有善策而彼又嫌陝省陸路太遠於使館不便似可與各國婉商另擇彼此兩便地方或在長江上游一帶止能行小兵輪之處於江岸向內數十里或百里以作暫時行都俾行都使館俱獲安穩俟京津駐兵議有妥章再行回京亦萬不得已權宜之策此策英領事兩月前曾言之較勝於強兵逼處挾制無窮庶幾國權自主猶可徐圖振興冒昧瀝陳請代奏佳午

盛京堂轉行在軍機處來電

光緒二十六年十一月初十日

奉旨張之洞初九兩電悉所稱回鑾一節甚屬周密不為無見即著將原電電知奕劻李鴻章參酌辦理該督與劉坤一均奉有會同便宜行事之旨但有所見即著徑電該親王等以期妥速奕劻李鴻章現議條款如有應行參酌之處亦隨時電商該督等互相斟酌期臻妥協欽此

同奉謹按初九電奏祇佳午一指上文陽電而言蓋陽電以初八午刻譯發抵陝進呈已在初九日也李中堂電稿刊本自是月十一日電旨可

致西安行在軍機處 光緒二十六年十一月初十日卯刻發

張文襄公全集 卷八十一 電奏九 三

款前總冒四條內第二條有遵奉內廷諭旨一語此數字句中有眼用意難測請鈞處告全權婉商各吏將遵奉內廷諭旨數字刪去萬分緊要此電已轉慶邸李相及江督竊望鈞處有電致全權方能得力請代奏藥

致西安行在軍機處 光緒二十六年十一月二十八日卯刻發

簡電奉旨恭悉修改通商行船條約載在大綱十二條已經奉旨照允畫押若忽生異議不願修改各國將疑我反覆各款均不足信於和局大有妨礙原奏謂戰事止在北方東南通商行船一切照常應與商免修改等語查當日保護東南大局原係奏明遵旨辦理所以宜

布朝廷德意今日議約自未便以朝廷已允之件另起波瀾至補救之方謹當詳思力籌此係善後事宜不比議和總約事機緊迫惟有於商酌紙目時視彼要素何款相機抵制設法保全總以勿礙我商民生計勿侵我自主之權利為主聞各國已令議院商會各抒所見勢將擇其利彼損我者合力挾求更改蓋各國通商自有常法修改條約必期彼此有益中國則舊約本已受虧彼本不以各國通例待我戰敗以後必然愈改愈復勢所必然儻能於和局大定之後即行宣示整頓內政切實辦法使各國咸知我有發憤自強之望力除積弊之

張文襄公全集

卷八十一

電奏九

三

心則籌議修約時尙可容我置詞不致一味聽人指揮受人侵削坤一之洞擬即札飭各關道並分咨轉飭各省關道將關繫通商行船各事宜各具說帖以備參酌一面互商全權大臣一面奏明備考如間有京議阻格之時或由坤一之洞設法轉達各國公使相機調停以爲全權之助或當稍裨裨益宣懷亦飭各商局預籌利弊屆時以便隨同商酌請代奏坤一之洞宣懷勘

致西安行在軍機處

光緒二十六年十二月十一日午刻發

清江轉運局遵旨移駐漢口起運江鄂米石分國樊城老河口專運龍駒寨船少不濟現兼籌陸運潼關寨與

關至西安運費暫由陝撫奏撥樊運分兩路一水運至寨一陸運至關用費極鉅原籌運費用罄江鄂均款絀陝省需米甚急且無倉久國米恐受潮霉變坤一等往復電商不得已擬援河南採辦軍米之案請截過境京餉暫濟急運仍由籌費各原省歸款如蒙俞允江浙委解戶部餉共二十二萬五千兩到鄂懇恩准先行儘數截留飭下電知俾水陸兩運得免貽誤嗣後不敷再隨時截留奏報京餉款目另咨部查照再道員惲祖祁請省親假昨報丁憂現會飭江漢關道岑春萇代辦請代奏坤一之洞蒸

張文襄公全集

卷八十一

電奏九

三

致西安行在軍機處 光緒二十六年十二月十一日戌刻發
英國商務最盛東方英人最多現在商議詳約英人必宜格外聯絡以免妄發議論阻撓大局現英國君主新逝昨已見國書致唁誠足以固邦交本月十四日即出殯若再由 皇太后迅即專電弔唁並請將來於國書致賀嗣位外 皇太后亦加專電致賀則英人必更感戴諸事必更順手裨益大局實非淺鮮請代奏真成

致西安行在軍機處

光緒二十六年十二月三十日亥刻發

暨電旨恭悉坤一之洞遵照樞電疊次函電各公使暨各外部設法解救情形已於昨夜暨電詳達軍機處并

知照全權矣初擬救四繼擬救一外部尚無復電事恐無益聯軍不日南行和局將潰彼挾兵威不講刑律伏候聖裁坤一之洞同肅卅

劉制台來電光緒二十六年十二月三十日戌刻到并致盛大臣

滬五豔電悉救趙英啟徐啟處會婉商駐甯各領允達公使迄無回信嗣又電全權救趙迭閱全權奏英使欲辦之意亦復決絕非特難救且亦不便再延今杏兄既商德領允電穆並有公允語自當再盡人事但樞紐在各使電外部非特無益且慮各使轉存意見甯漢各領處敵處與香帥均屢商不允不復亦難

張文襄公全集

卷八十一

電奏九

語

再託惟有由杏兄託滬各領代達一法並望香帥加

電坤卅

張文襄公全集卷八十一終

新城王樹桂校

張文襄公全集卷八十二

電奏十

致西安行在軍機處光緒二十七年正月初六日未刻發

增祺與俄國擅定暫約事荒謬萬狀果如所約東三省及直晉陝甘沿北邊一帶皆非我有矣兵權利權政權全失所謂交還有名無實幸楊儒力持暫緩批准今見楊使電約稿十二款雖略有刪節大致仍與相仿各國效尤仍是瓜分之局查此事去臘英領事面言力陳此約萬不可允惟有將所索各條布告各國公議近日日本外部屢次來電云日本力勸各國阻止此約英德美

張文襄公全集

卷八十二

電奏十

一

政府意見皆同各國之意皆暗助中國拒絕俄國要求為中國計一切條約必須與各國公同商議纔能保全中國呂使來電德外部亦勸中國勿允此約總之此約萬不可允惟中國獨力則難爭今幸英日德俱助我惟有以衆論公議拒之伏懇朝廷萬勿允許與各國從長密議總可挽回許多此事斷不汲汲於一半月內至如何抵制之法容續籌上陳請代奏語

袁撫台來電

并致劉制台盛大臣光緒二十六年十二月十一日亥刻到

探電俄廷議十二款大致仿旅順條約擬在東三省駐兵政賦官兵均歸俄管轄增祺妄稱全權私定條

約九款始終未奏初七赴旅已議革職云果爾東三省屬俄矣恐各國效尤變其宗旨請三公查明補救一齊動手禍烈如此可痛凱文

劉制合來電

光緒二十六年十一月十六日酉刻到

滬日領初借提督來見嗣復單見云奉公使及外部命將增祺派員赴旅順與俄提所立私約大旨錄送一盛京將軍應須解散一切兵勇並收所帶軍械所有軍械未經俄領者須交俄收用一俄未占之各處礮臺暨俄認爲無用之製造局廠均拆毀一牛莊由俄暫管將來盛京省民情復舊安靜再行歸還

張文襄公全集

卷八十一

電奏十

二

一俄允盛京將軍召募步騎各兵充當巡捕之用額數及准否帶用軍械另商一上款所開巡捕額數單少不足彈壓匪徒即照會俄國營官求其幫助並據云此係暫定條款若簽定後俄尙有永遠條款此事一經允許東三省蒙古新疆直隸山西陝西甘肅各省之事權盡歸俄掌各國亦必效尤馴致瓜分若中國拒而不允俄雖橫各國認彼舉動爲不合例之事是曲在俄爲中國計約款之關疆臣兵馬者只可與各國同商不可與一國分商各國同求利益可曲從一國要求斷不可允俄要求實出情理之外允之則

事大禍重斥之則事小禍輕中國安危之機實繫於此反覆詳論切勸力拒俄請此事關中國安危現已擇要電傳相劾增祺廢私約力圖補救並電榮相主持尙乞我公助力爲禱日領節略等件另抄寄坤諫

盛大臣來電

并致劉制台袁撫台
正月初五日亥刻發

光緒二十七年

邸相支電奏楊使卅電約稿十二款節去開文電陳一俄主願表及如不念滿洲開衅之事允將滿洲全行交還中國吏治一切照舊一東省鐵路合同第六條准該公司設兵保路現因地方未靖該兵不敷須留兵一股至地方平靖及中國將本約末四款辦到

張文襄公全集

卷八十一

電奏十

三

之日爲止三如遇變急留駐之兵全力助中國彈壓四此次與俄攻擊率兵尤甚中國允於路工未竣及開行以前不設兵隊他日設兵與俄商定數目軍火禁入滿洲五中國爲保安地方計凡將軍大員辦事不合邦交經俄聲訴即予革職滿洲凡地可設馬步巡捕與俄商定數目軍械除礮供差不用他國人六照中國前允成議中國北境水陸師不用他國人訓練七爲保安地方計租地約第五款隙地由地方官就近另立專章并將專條第四款金州自治之權廢除八連界各處如滿蒙及新疆之塔爾巴哈台伊犁

喀什噶爾葉爾羌和闐于闐等處鐵路及他項利益非俄允許不得讓與他國或他國人非俄允許中國不得自行造路除牛莊外不准將專租與他國人九此
 次俄兵費各國賠款均應清還俄名下賠款數目期限抵押與各國會同辦理十被毀鐵路暨公司工師被劫產業又遲誤路工賠費均由中國與公司商賠
 十一上項賠款可與公司商定將全數或分出若干以他項利益作抵該利益可酌改舊合同或另讓利益十二照中國前允成議自幹路或枝路向京造一路直達長城照現行路章辦理外部云現因看重貴

張文襄公全集 卷八十一 電奏十

四

國邦交貴大臣切囑經俄主戶兵部一再籌議凡可讓之處淘汰已盡所存者均不可少之款若尚未如貴國意實不知辦法等語細釋款留兵名為保路實注意末四款禁運滿洲軍火禁用外人練兵並及北省水陸蒙滿新疆均有金鑛鑛路利益一網打盡又建入京枝路鐵路賠款用他項利益相抵蓋指關稅路鑛等事隱而未露其侵我兵權利權以圖自便可謂周密深遠凡此均彼牢不可破之成見特乘此時藉此約要求而條訂之也惟據稱六款十二款我早允之禁我設兵指路成以前為時尙暫禁運軍火係

做京約懲換大員不始今日內地彈壓本不須礮長城以北由俄經營英俄早有成約又較戶部口述之款刪去商放將軍派文武員稽察兩節又稍減明索權利之款罷派文武員尤免驟轉至增附暫章之一二四五六七款暨繳軍械等事均未開列此即彼所謂可讓者已盡讓也察彼語氣甚堅各款應如何分別允駁仰祈訓示機宜乞代奏云奕劻李鴻章奏
 行在軍機處來電 并致劉制台 光緒二十七年正月九日亥刻到
 奉旨交還東三省條約十二款各國皆不以為然而俄以此事與各國無涉中國應置之不理詞意甚堅

張文襄公全集 卷八十一 電奏十

五

若竟罷議俄必不允交還各國從此效尤大局何堪設想除電諭奕劻李鴻章楊儒設法辯駁務須妥協外因思各國既紛紛電告劉坤一張之洞即著該督等乘機勸令各國幫助辯阻將中國獨力勢難堅持向爭電告各外部協力向俄說項務得妥善辦法毋徒令我阻難致使進退維谷總期保全大局為要欽此佳

致西安行在軍機處 光緒二十七年正月十一日 卯刻發

佳電旨恭悉此事初九日辰刻已分電英日德美各駐使切商外部告以中國獨力不能拒俄勸各國徑達俄

廷方能有益並詢明中國儻于俄怒各國肯代我力爭
否又電詢駐京英德兩使英德若助中國拒俄可助至
何等地步均尚未復得復即奏看其情形英日甚急德
稍緩其中惟修鐵路一條直達京城并派兵護路一節
最險鑛路聽命俄國最恨中國只准設巡捕不准設兵
最礙政權請代奏蒸亥

致西安行在軍機處光緒二十七年正月二十四日辰刻發

接日本駐滬總領事濛電稱頃奉外部電開准駐俄日
本欽使電駐俄英使向俄政府問俄國此次所索約款
與去年宣布之言何以不同俄外部答云新約內並無

張文襄公全集 卷八十一 電奏十 六

有礙中外條約之款且新約各款不過表明俄國願辦
之事仍可商議刪改中國實願速行簽定在俄國並無
逼求畫押之意何者聯軍未去北京中國政府未能照
舊辦事之前不願交還侵地此間多日不難商辦等語
本大臣會俄外部自言新約不過表明俄國之願所有
條款仍可刪改且言速願簽定此約者並非俄國而在
中國因此觀之俄國並非以決裂為辭迫求定約者某
議和大臣謂中國若望俄國日後交還侵地必須速定
此約是亦誤甚矣總而言之俄國日後交還侵地並非
中國簽定此項條約之故實由俄國屢向各國宣布在

前之故也即專此意密達張制軍堅持力拒斷勿輕允
中國如允此約恐別國亦效其尤馴致瓜分之禍合併
切實聲明等因查來電切實分明是英日均已詰問俄
廷俄國並未立逼畫押且將有礙中外條約之語一概
不認顯係自知理短與八月內俄國官報所載俄皇布
告各國之語不符又云可以商改聯軍未去以前此間
多日不難商辦云云是俄已囑於各國公議情事顯然
至所云係中國願速行簽定固係推賴之辭查李相屢
電皆有俄成見牢不可破之語且於英日勸阻深為不
悅是其意見不無稍偏之處伏懇朝廷堅持定見切諭

張文襄公全集 卷八十一 電奏十 七

全權慶邸李相楊使此約萬勿遽行定議即使略允商
改大致仍謬一與定議瓜分立見悔不可追姑再俟數
日看各國議論情形再為裁酌大約總須將十二條照
錄送各國公閱為妥若中俄兩國私行定議必受鉅害
仍貽各國口實總之草約乃增祺擅定與國家何涉此
次詳約乃俄國自開勒派並非中國所請何為不可布
告各國評論此次奇變巨衅國勢已危支持半年幸而
和局將定若因俄約誤允仍歸瓜分萬分可痛可惜急
迫上陳請代奏敬寅

致西安行在軍機處光緒二十七年正月二十四日辰刻發

謹將俄約效尤之害臚陳俄路駐兵令我供房屋糧食若效尤則蘆漢粵漢鐵路洋兵布滿中國矣一也東三省只准設巡捕不准設兵並繳軍械若效尤則京城及直隸全省皆不准設兵帶械二也東三省撤臺禁礮若效尤則京城及直隸全省皆無一礮三也大綱十二條原有禁軍火一條查敵處前與英德使電商云此條須定年限英德兩使復電均云可以商酌今東三省另立禁軍火一約與內地有礙四也北省沿邊蒙古新疆皆不准中國及他國人開鑛造路須問俄人北邊數萬里已非我有假如各國效尤英於長江德於東日於閩法

張文襄公全集

卷八十一

電奏十

八

於滇皆不許中國自開鑛路中國全國政治土地理財行兵之權皆為人有矣且我於東西北各省准他國人開鑛造路尚是牽制維繫之策亦不能允俄人阻斷他國之請任其壟斷待其吞噬中國一縷生機只在各國牽制一語豈可自行剗斷五也至直修鐵路到京俄有護兵而不准我設兵此其害尤永遠危險不待效尤矣六也瀝陳以備聖裁請代奏敬卯

致西安行在軍機處

光緒二十七年正月二十七日午刻發

聞俄約已經略加刪改慶李已據楊使電具奏限二月初七日畫押不勝焦急查所改雖較前略勝然要緊關

礙處尚多昨日本總領轉外部電代我指駁共六條極扼要中肯如吏治下宜加政權之類江督已電奏不再贅陳此次所刪僅第六款他國人練兵耳然從前究竟有無確實已允成議洞未能知如李相當日曾允則此條刪如不刪事鉅期迫一時輕許百世之害雖不能概行駁改然最要處總須挽救數分竊擬暫時惟有先行商懇展限一法擬請旨電飭楊使告俄言此等大事我國必應詢訪在朝諸大臣及外省各大臣詳慎籌計請旨裁度斷非七日內所能率定懇其展限至二月底並可即抱定羅使電以四國未回信不遽畫押為詞明告

張文襄公全集

卷八十一

電奏十

九

俄人一面電飭駐英德日美法各使臣令其切託外部轉向俄外部代我商懇展限有此數旬功夫方能內籌抵制之策外采各國之謀上則留遼東根本之生機次則免航航各國之眾怒洞尚有管見容即續陳請代奏

致西安行在軍機處

光緒二十七年正月二十九日辰刻發

沁旨敬悉楊使漾電俄約雖經略改皆係無關緊要之處第八條但將蒙古新疆不准他國開鑛修路半段刪去前半段改為滿洲全境內不允他國或他國人造路開鑛及一切工商利益此次添出工商二字包括更寬

用意更甚至第十二條俄另修一路直達長城一節又將來俄路工竣後我設兵數多少須與俄商一節又第二條准俄設兵保路一節又第一條吏治照舊不言政權兵權利權照舊一節俱未刪改至第五條文武大吏不合邦交俄人聲訴即行革職一節僅改革職為調離名異實同又第五條中國巡捕供差不用他國人一節改為只用中國人仍是一樣又北境水陸練兵仍照前議允不用他國人一節既云有前議則刪與不刪同僅金州廢除真刪去耳甘言欺我勒逼畫押此約一允滿洲已全為俄有直與英待印度法待越南無異竊惟我

張文襄公全集

卷八十一

電奏十

十

洞焦思愚見今日救急只有三策一請迅發電旨敕英日美德各駐使切懇各國外部即日電懇俄國代我懇請展限容我詳籌若僅令楊使請俄展限俄必不理我電告各駐使但云俄約雖略改其中關係中國及各國礙難遽允者尚多請代懇俄展限中國之意乃為遵照英瀾侯語不見四國回信不便畫押之說故請代商展限各國斷無不允之理此與俄人秘密之囑無涉決無所妨務望聖明速斷速行萬萬不必顧忌游移此第一步辦法也二中國無利益與各國各國斷不能用實力相助今擬有一辦法於我及各國均有大益莫如將東三省全行開放令地球各國開門任便通商所有鑛務工商雜居各項利益俱准各國人任便公享我收其稅西語謂之開門通商即密告英日美德各國如肯為我切實助力我即以酬之各國必然欣許力駁滿洲不允他國需鑛路工商利益之條查東三省土地荒闕物產最富凡鑛務工商諸利若不招外國人開闢中國資本人才斷難興辦國勢貧困如此而地利坐棄安望富強此條如開於中國與利亦大有益而從此俄人獨吞滿洲之計永遠禁絕矣洞前奏所謂中國一綫生機惟恃各國牽制四字者即指此此第二步辦法也三俄修路

張文襄公全集

卷八十一

電奏十

十

駐兵直達長城一節不駁萬萬不可硬駁萬萬不聽竊擬有一辦法查第六條所謂從前成議北境不用他國人練水陸兵一條此議各省各國不知是否如此措詞各國固難取信即真舊約果有今既另立新約於兩國兵制種種改變進占則此條亦應廢除彼若必欲造專路入關我即於北洋一帶水路山海關奉天等處陸路聘英將練水軍日本將練陸軍以為抵制請電飭楊使與俄明言以此兩條相抵俄必深忌若肯停此路固好如必不肯停有各國練軍相持狡謀尚可稍沮京都或可稍安蓋此時華兵斷不能拒俄若北境無洋將練兵

張文襄公全集 卷八十一 電奏十

雖有華兵亦屬無用所謂中國生機全賴各國牽制四字洋將練兵亦其一端此第三步辦法也至於此外各條利害俄固不肯多改我亦無暇多爭驪珠既失鱗爪安用力既不敵除藉資各國外再無紓禍之策子產存鄭子貢存魯不過藉資強國迎拒得宜而已并請一面電飭楊使姑令懇俄展限即以英瀾侯須候四國回信之語搪之只言中國焉敢抗四國專以情懇一面靜候各國代商展限至不允各國路鑛工商利益一節事關各國中國豈敢不告他事可秘此條斷不能秘務懇俄國原諒情真理直在楊使亦甚有詞此層揭破揣俄人

必又略改字面以圖支飾然東三省開門通商一節乃是永保滿洲上策無論俄人如何恫喝此條必須決計力辦俄數十年來專以甘言詭計吞噬歐亞各國環球皆知此次告楊使甘言又用此術萬勿終為所愚洞愚慮所及勉籌救急三策因限期過緊若與劉盛會商往返多遲兩日謹一面電奏一面照錄電劉盛參酌請代奏豔亥

盛大臣來電 并致劉制台 光緒二十七年正月二十八日已刻到

頃奉軍機處沁電奉旨奕劻李鴻章所轉楊儒漾電

俄約更改各條盛宣懷諒已閱悉著即將楊儒原電

張文襄公全集 卷八十一 電奏十

三

並此次寄全權電旨一併轉電劉坤一張之洞會同盛宣懷悉心籌畫利害輕重總期俄國不致決裂而各國亦不致藉口效尤為妥會商妥後一面電奏一面電告奕劻李鴻章楊儒參酌辦理限期甚迫切勿遲誤為要欽此乞兩帥速即會商會銜電奏似難遲誤宣沁

全權大臣轉楊欽差電 光緒二十七年正月二十六日戊刻到

頃接楊使漾寅電刪改約稿如下四款原文中國允於路工云云至末句止現改中國為保東省路工與開辦鐵路事宜並俄交界無事起見應與俄商定滿

州兵數及駐兵地方禁軍火入滿洲照各國公約辦理目前暫由中國自禁六款全刪七款尾金州自治之權廢除句刪去八款改云中國在滿洲全境內如未與俄先行商明不允他國或他國人造路開鑛及一切工商利益十二款改云九十八年九月廿八號中國向一私家公司借款造山海關牛莊新民廳等處鐵路直至滿洲有背中俄成約現爲酬報此層並爲速令滿洲平靖如常起見中國允東省鐵路公司自幹路或枝路造一路至直隸滿洲交界處之長城爲止照現行合同辦理各節照屢次電旨與陽電

張文襄公全集 卷八十一 電奏十 古

刪改又五款革職字樣現改調離滿洲內地巡捕兵與俄商定數目下加地方未經全行平定以前十字不用他國人現改祇用中國人十款末句現改中國允照各國核准駐京各使擬定賠款意旨與該公司商賠句各節經儒指駁而改接原約共十二款改爲十一款原第七至十二款改爲第六至十一款外部面交改款欣然稱貴大臣迭次之言昨均面奏奉諭此次國書備極懇摯又楊使苦心我均甚感動未便固拒可照該使交來駁款儘力刪改等因戶兵因此不敢堅執竟十允其九實可爲中國賀今改款經我

主批定無可更動於本日起限十四天畫押逾期則交收作罷當告以我 大皇帝與儒均感貴君臣厚意中俄舊好本無事不可和商但恐各國效尤無以應之伊稱此約畫押後當登之官報試問何款可以效尤滿洲我兵力得之誰能援例等語謹按屢次電旨暨陽電各駁款除十一款所商未允外十二款雖未允刪亦改去向京字樣又聲明酬報山海關鐵路可杜異日購買此路之口其餘逐款照改如四款與商駐兵地方即非到處不准駐兵與專指鐵路邊旁之意尙不相背禁軍火照公約亦尙近情六七八等

張文襄公全集 卷八十一 電奏十 主

款一一聽命尤有關繫儒駁各節亦稍爭面子十款尾所改即與公約所訂相埒之意較有限制至效尤一層最要者如七八兩款已改十二款聲明緣由亦難藉口總之視原稿刪改過半不但免各國效尤即古蒙新疆利權已保全不少上賴朝廷之洪福俾儒得稍收唇舌之微效實非初料所及惟十一二款未能就我範圍爲可憾耳二月初七限期迫促外部語氣甚決從違利害有關東省大局乞速請旨裁奪示遵云奕劻李鴻章有

光緒二十七年正月二十八日子刻到

奉旨奕劻李鴻章轉楊儒電悉俄約更改在俄尙敦睦誼楊儒亦頗費磋商惟其中細目尙有窒礙之處恐爲各國藉口如第一款吏治照舊而不及利權兵權應商改爲一切照舊第二款辦到之日止爲日太長應商改爲開辦之日爲止第八款尤關緊要現改仍包括太廣必招各國之忌或於一切工商利益句下添中國自行設法造路開鑛等項利益不在此例似此添改無多當尙不難婉商此外尙有何關礙之處著奕劻李鴻章楊儒再行詳細推敲務臻妥協限期過迫倉卒定議英日美等國尙無回信仍難免藉

張文襄全集

卷八十一 電奏十

去

詞效尤應再婉商展限總之此事關係大局甚重全賴奕劻李鴻章楊儒彼此電商博采周咨熟權利害輕重以定畫押遲速俾免俄國及各國別生枝節致貽巨禍是爲至要奉天交還地方著奕劻等電知增祺妥爲接收欽此

致西安行在軍機處

發後轉劉制台盛大臣袁撫台陶制台岑撫台王撫台端

撫台 光緒二十七年二月初一日已刻發

儉亥電奏想已達昨奏文繁茲再撮要大意謂楊使必不能展限惟有請發電旨託各國代懇展限恐各國不肯出實力故以東三省路鑛工商之利益欲動之英日

美必力助但寬旬日限期我可一面與各國密議開門通商章程一面與俄議刪去第八條不允他國人造路開鑛及工商一切利益等語俄如不允各國必助我爭之但能刪此數句東三省萬年常存俄永遠不能吞踞矣我所以酬報各國卽在此我之所以存遠藩固邦基者亦在此一舉兩得展限卽先爭此一事此策最爲俄人所深畏深忌中西稍明交涉者無不知之伏望朝廷斷在不疑迅速先託各國展限若能展限其鐵路入長城一節或以新疆利益與之通融權其利害輕重根本邊陲有別如各國商展而俄不允再允俄約不遲此一

張文襄全集

卷八十一 電奏十

七

託有益無損何妨迅卽試辦蓋第八條關係各國豈能不告而私允俄人俄不能責我不密總之不刪第八條東省卽非我有不以此條許各國無人肯爲我力爭然許各國路鑛工商仍是於我有益此眞所謂不費之惠至東三省開門通商係我自開口岸與吳淞秦王島相同內地各省不能援例卽使各省多開數口岸今日正可牽制並無妨礙尤望宸斷密速施行若稍遲兩三日此謀必致漏洩爲俄人所知俄必先餌各國陰許與中國立約後再讓各國商鑛諸利則我數千里之遼東不能供我聯絡各國之資反爲俄人結交各國之具矣痛

哭流涕上陳仰祈聖裁宗社疆土幸甚請代表奏東

致西安行在軍機處發後轉劉制台盛大臣陶制台袁撫台王撫台光緒二十七年二月初

四日辰刻發

俄外部拒客還書楊使在彼已無能為力各國代商展限不知肯代商否擬請迅發電旨仍責成李相與格使商一轉圜之法並飭李相一面迅速明告英日美德各使各國若不代商展限中國力弱為俄逼迫畫押後各國所擬效尤者何事各國與俄事情形不同何以大綱久已畫押又欲效尤令其明白告我以便我詳加斟酌若先不說明將來即不得再有異議似亦不失為光明

張文襄公全集

卷八十一 電奏十

六

坦白辦法蓋各國效尤勢所必然然究竟欲援例占奪至何等地步或只渾言或出懸擬且各國意見亦不盡同故欲確知各國效尤實事朝廷方可權其利害輕重以定此事辦法全權大臣詳知其利害輕重自必為國家妥籌善策請代表奏支

致西安行在軍機處光緒二十七年二月初六日午刻發

歌旨雖飭楊使告俄外部請諒俄不見使不收文恐無益仍懇電旨飭李相告格使此語或可達到俄廷並請飭李相將改約十一條宣示各國明問各使此約遼東情形與順直異各國本不應援例乃聞各國有效尤之

說究竟各國擬如何效尤法若各使理屈語塞豈不甚善若各使明言將分裂李相必不敢遽允俄約或能與格使商一轉圜之策或與各使商一息事之方並飭李相確詢格使俄有何策可杜各國援例分裂須確有辦法不得含糊竊思飭李相面詢各使一節似乎有益無損總之李相在京總不詢訪各使情狀亦不言各國萬一分裂有何策阻之實為難解請代表奏麻已

行在軍機處致北京全權大臣及駐俄楊使電此電於光緒二十七年二月初六日由盛大臣轉江甯武昌成都廣州安慶濟南各督撫署

張文襄公全集

卷八十一 電奏十

九

權利害輕重妥籌辦理迄未據切實覆奏昨據各督撫及各駐使紛紛電奏皆以堅持不畫押為害較輕昨又具國書懇俄展限酌改總以不礙公約各國不致藉口為斷亦未據楊儒覆奏朝廷細思不遽畫押僅只激怒於俄畫則羣起效尤分據其禍尤速即著該王大臣等分告在京各使中國不敢遽允俄約畫押請先議公約並著楊儒婉告俄外部中國為各國所迫情形非展限改妥無礙公約不敢遽行畫押請格外見諒欽此歌

致西安行在軍機處光緒二十七年二月初六日申刻發

俄約緊迫楊使支電尙未敢畫押不知接李相豪電後究已畫否竊思有中國先占穩地步之策查各國總以俄約未宣布爲詞明日即是初七此約無論畫否總當宣布擬請即刻迅發電旨飭慶邸李相並江鄂兩督暨各駐使將改約十一條即刻宣布徧告各大國請其公斷聲明我非負俄無如有違公約不便畫押俄不接國書不見楊使無從商懇中國惟有遵照公斷辦理慶李布告北京各國公使江鄂布告滬漢各領事請其轉達各政府各駐使即刻告知外部則俄約不能終闕先以此法穩住各國假如楊使竟已畫押乃係不遵支歌兩

張文襄公全集 卷八十一 電奏十 三

電旨中朝仍可不認且我已宣俄約請公斷各國當可從長計議不至遽行決裂如楊竟未畫押各國必喜且必佩服中國尙有堅忍志氣我既聽從各國毅然不畫請其公斷各國當不能漠然緘口自損國體果有公論俄或不能永遠全據即使俄約難挽公約必不致別起波瀾矣仰祈聖裁請代奏劉坤一張之洞陶模袁世凱王之春同肅語午

致西安行在軍機處 光緒二十七年二月初九日 申刻發 發後轉劉制台盛
大臣袁撫 台王撫台
魚陽庚三電旨宸斷堅明曷勝欽服李相電催畫押務

望朝廷勿許英日德外部皆言公約未定不准立私約正月內德外部覆鄂電亦言中國須守定先定公約不立私約三國又皆云俄約應歸公議至英必取償日必效尤語氣皆斬釘截鐵李相一概不理但云格使付之一笑假如各國效尤分占中國能付之一笑乎至謂俄踞遼東必致各國分裂未免顛倒惟俄約即使再改亦與英日德三國先公約之意不合然則允既不可改亦無用惟有請飭全權與俄婉商暫緩議此約於俄並無所損總俟公約定後再議以便遵照魚旨請各國公議評斷李相如肯與格使切商緩議必可辦到李相如肯

張文襄公全集 卷八十一 電奏十 三

與英日德美各使常晤推誠相商公斷亦必有辦法請代奏佳午
致西安行在軍機處 光緒二十七年二月十一日 亥刻發 發後轉劉制台陶
制台盛大臣袁 撫台王撫台
佳旨敬悉不允畫押不激俄怒此時辦法盡此二語頃日本總領小田切轉外部電述俄答日本電文請洞轉達行在字句與李使佳蒸兩電小異大同故不復陳俄答多詐是其慣技如無損中國主權無礙各國權利顯然欺詐不肯交公議不肯先宣布顯然固執惟不願與日本決裂則情見乎詞若英加一言俄必變計矣但罷

然欺詐不肯交公議不肯先宣布顯然固執惟不願與日本決裂則情見乎詞若英加一言俄必變計矣但罷

議日久恐其因羞成怒現已遵旨詢商英日德美各外
部託其勸俄渾言此事務須與中國和平商辦令俄借
各國勸解得以轉圜不知有濟否得各國復後即奏聞
請代奏之洞肅軫

行在軍機處來電

致上海盛大臣轉江甯武昌福州
廣州安慶濟南各督撫署 光緒

二十七年二月初十日未刻到

奉旨俄約關係甚重該督撫皆力請不可畫押謂一
押則各國羣起分裂不畫各國尚可以公論助我詰
俄東三省俄雖強踞朝廷已堅持非改至不背公約
不允畫押今李鴻章電奏謂不畫押俄必決裂永不

張文襄公全集

卷八十一

電奏十

三

還東三省各國亦必效尤瓜分楊儒又跌傷不能辦
事限期已逾俄怒而決裂即在目前且必致公約不
定聯軍不撤各國又增索兵費該督撫等務即妥籌
如何辦理並速及此時分向各國外部電詢辦法勿
徒激俄怒又貽事後之悔欽此佳

致西安行在軍機處

光緒二十七年二月十四日
午刻發

此時自不宜激俄怒但逾限不畫押俄已怒矣然參贊
胡惟德真電珍田尙遣人密告暫約請勿疑應逕向中
國商云云微德電忱李相以絕交吳王電又歆李相以
修好俄所以不能逕逞其怒者徒以顧忌各國之故也

此時宜速爲俄開轉圜之路惟有仰懇朝廷速撰國書
一道先申感謝切言俄主厚德極深銘感俄國威力久
知遠震無如中國力量太弱四國勸阻迫令應交公議
不敢強違致擾衆怒而壞全局懇其鑒諒中國進退爲
難稍從緩議請俄與各國公商保全中國顧念舊交此
乃請各國公斷並非併入公約等語其刪改前約各條
一字不提但懇其勿催畫勿決裂耳即速電慶邸李相
託格使轉電俄廷如格使不肯轉即切飭李相於覆吳
王電中務將國書照原文敘入自能達到俄廷并請一
面發國書電飭羅李伍三使速商英日美外部述俄戶

張文襄公全集

卷八十一

電奏十

三

電有絕交永踞之言謂中國已聽從各國之勸逾限堅
不畫押俄怒已出諸口懇其踐以公論相助之言電致
俄國但懇其和平緩商萬勿與中國決裂永踞我根本
之地不必提及刪改約款等事並告各外部將來各國
公斷中國無不聽從俄有吳王轉電又有三國居間亦
可藉以自解英國尤要日本一言俄自展限得英一言
當有轉機東三省俄約條款各國實已盡知若歸公商
則從前十一條竟可不提聽憑各國酌量公斷總較原
約爲勝目前即不宣布亦可總之此時分發國書懇俄
勿決裂懇各國踐言以公論相助有益無損似亦應有

之義伏祈聖裁速行請代奏鹽

致西安行在軍機處光緒二十七年二月十七日 戊刻發

頃聞各國請續辦各員單有湘撫俞廉三請革職永不敘用查湖南教案英國前已議結惟法國教案內戕斃教士三名糾纏特甚法教士任德高親赴衡州永州等處查辦與地方官妥議待之甚優忿恨已釋續拏辦真犯四名議定賠款三十餘萬并建坊賜額等事教士甚為欣愜深願從此了結屢向俞撫道謝函致領事已甚滿意現已回漢口商辦畫押等事議定明日畫押忽聞法使於湘撫欲加重處該教士甚以為不必代為惋惜

張文襄公全集

卷八十一 電奏十

三

願致函電與該公使代為剖辨挽留等情查俞撫於教案僅止獲犯稍遲然實極力彈壓湘省士囂民浮措置不易現已得其竅要獲犯賠款調和民教保護周密若再易生手斷不能如俞撫之保護得力此為教案計也至俞撫於地方政務廉潔公明精勤老練嚴緝富有稟匪頭目最多幸得弭亂不徇情面不畏謠詠又須保教緝犯兩事皆力排眾議獨為其難洞知之最悉此為地方計也此時別選湘撫如俞者實不易得無論其他票匪目湘中文人最多現仍蠢動斷無人能如俞之查緝票匪不避嫌怨地方治亂所關不敢不言伏望朝廷萬

勿許各使所請或薄予處分總須留任稍緩數日該教士函電必已到京當可轉圜再明日必畫押并聞請代奏洽

致西安行在軍機處光緒二十七年二月三十日 卯刻發

俄約為各國牽制英日力助幸已罷議並未決裂俄既云照前宣布之言信實辦事東三省終不能不還乃李相條奏謂十二日已復吳王請其勸俄皇仍守不佔中國土地原議俟公約定後再行畫押等語不勝詫異查四國勸阻俄約僉謂宜歸公議我自宜專候公斷將前約置之不議斷無糾纏舊約再行畫押之理即略有刪

張文襄公全集

卷八十一 電奏十

三

改仍難出其圈套十五日翰旨明有宜在北京公議之諭並未令全權畫押何以李相復吳王電竟允其公約定後畫押且李相佳奏既云吳王之語未便答復何以奉翰旨後之條電竟云前三日已復吳王實不可解今各國皆知中國不允俄約願聽公斷同聲欣慕英日領事轉外部來電於中國此舉皆深為佩服若將來忽云李相已允吳王畫押則是前功盡棄各國必怒我之不納善言欺瞞暗允羣起分據德領現於廿二日索山東鑛地沂諸灘煙包括太廣法兵堅欲晉兵退至固關大意不過直隸境內不准留兵萬一俄約邀允則直境效

尤蘆漢鐵路皆設法兵近路之鑛皆爲法有矣法最親俄德亦聯俄明係德法偵知俄約有人主持必歸於畫趁此安根坤一之洞往返籌商萬分焦慮相應請旨切飭李相務將復吳王之電設法斡旋更正事事遵旨而行免貽無窮之禍再江鄂皆係奉會商和議數月以來全權從無相商之事或於電奏數日後始得聞知或竟不知雖欲獻其芻蕘亦苦於後時不及以後遇有俄事來往各電可否皆令知照江鄂以便照李使號電辦法與英日密商妥協再答俾免墮其狡謀並請樞廷密電慶邸遇俄事亦密商英日各使至現議賠款情形及有

張文襄公全集 卷八十一 電奏十
三

關全局重要事件亦請飭下全權電知江鄂或可稍效患者之慮言有可采則采之無可采則置之似於全權辦事並無妨礙亦不至周折遲誤請代奏坤一之洞同肅

行在軍機處來電 并致劉制台 光緒二十七年三月初二日申刻到

電已進呈賠款及禁運軍火各事昨已奉旨電諭全權嗣後應行籌議事宜隨時電知貴督等互相參酌以期妥協至合肥復吳王電並非奉旨允准此時暫可不提俟公約定後再商樞廷

致西安行在軍機處 光緒二十七年三月初一日卯刻發

湘撫俞事法使雖告全權委員可免議近日英薩使屢電領事云法使未來商處分不便全免莫如由中國朝廷自辦酌予處分如革職留任即可不必歸入續辦一單內既全中國國體亦省各國饒舌等語英領事又云革留處分數月後無妨開復查英使英領所言似亦有理擬請朝廷可否即日先降明旨將俞撫酌予處分略言衡州教案雖已議結惟俞某於此事辦理稍形遲緩仍著交部議處將來部議或革留或降三級留任似均無不可惟議處之旨望速下部議亦望於日內速行議奏明降諭旨總之議處在續辦單以前不由各國照會

張文襄公全集 卷八十一 電奏十
三

不因全權奏請數月後仍可開復則於國體似覺稍好并可令外人佩服是否有當伏候聖裁請代奏卅

致西安行在軍機處 光緒二十七年三月初八日巳刻發

英薩使電此次賠款各國索銀四百五十兆兩中國借票止能售六七折須向銀行借六百兆方得此數現銀分三十年還每年須還本利約三十兆等語接他處電報總數年限亦同是統共須還九百兆原數已鉅一經銀行又從而倍之中國民力竭盡何能籌措必致各國借端干預財政自主之權全失中國永無生機萬萬不可照允必須從緩妥商查大綱第六款云中國須籌定

各國所能允從理財辦法以為擔保云云明係指賠款分年攤還故中國所籌定之理財辦法必須適各國之意以為擔保若中國已將現銀還清則我自籌理財辦法又何必各國允從耶但恐赫德受銀行囑託從中聳惠儻全權遽然許之便難挽回查去年九月京電各省二赤預計此後中國每年須籌三千萬今果不出所料絲毫不差一赤何以能預卜各國兵費并折扣利息全能預算清楚耶實屬可怪惟有仰懇朝廷迅飭全權務須極力磋商尤望勿允現銀切商分年攤還天下幸甚請代奏壽

張文襄公全集 卷八十一 電奏十

天

致西安行在軍機處 光緒二十七年三月初十日 丑刻發 發後照錄致劉制

台袁 撫台

佳青兩電計均達洋貨加稅則洋貨內地釐金必免前電漏未聲明約計洋貨釐金江海不過三成腹省較少應減去四百萬覆查洋關稅洋藥稅土藥稅常關稅百貨釐鹽課鹽釐總計稅釐鹽三項再加洋人自用各物稅每年約共收五千三百萬較前電所計尚略多即減去洋貨內地釐金四百餘萬尚有四千八百餘萬如各國肯將賠數略減至四百兆年息二釐則此三項足敷攤還十年可畢即或不敷亦必無多聞有開擬節略欲

將現有之鹽課常稅折漕并另由部撥湊足三千萬以抵洋債而另籌新法以補國用十分可駭萬不可行新欸豈能多籌即能籌亦無速效現欸全空內外束手搜括騷擾則病民餉需匱竭則病兵民擾兵譁未被外吞先起內亂國事不可為矣伏望朝廷詳慎籌度飭全權大臣與各國切商先定分年攤還之議此議洞不敢即謂悉當而節略所擬則萬不可行可否發交全權大臣以備采擇仰候聖裁請代奏佳青兩電併請進呈為禱 奏西

致西安行在軍機處 光緒二十七年三月十五日 辰刻發

張文襄公全集 卷八十一 電奏十

天

頃駐鄂領事來見云彼國聞鄂撫用錫良最不妥當各國必來商阻不如由中國先行措置方於國體無損云云查錫良前在山西布政使任上承毓賢指意不無與教士略有齟齬之處又此時長江上下回天票匪徒黨暗中勾結防不勝防若另簡鄂撫萬不可用湘人恐彼等因撫台係同鄉藉此扇惑親丁門口勾結為難又西人擬保數人端方居首可否於其未送照會以前先行位置庶免外人干預痕迹請代奏聞翰

致西安行在軍機處 光緒二十七年三月十六日 辰刻發

奉元電旨垂詢鄉試事謹即詳加體察查時局尚未大

定長江一帶匪謀未息連接各路函電票匪渠魁現聚上海挾有巨貲廣行煽誘鄂省尤所專注之處昨接江督電英領函告確聞票匪鹽梟游勇及各會在長江合夥定期起事等語與鄂省所聞同現正通飭嚴備密緝若開鄉闈驟添文武生商民數萬人必致奸宄紛乘無從防察文武員弁精神不能兼顧且恐考生別滋事端實屬可慮詢商司道均謂展緩為妥且順天貢院折毀已盡粹難修復明春斷不能舉行會試似展緩一年於士林登進之階亦尙無妨謹據實覆陳可否將本年鄉試展期至明年秋間舉行伏候聖裁請代奏之洞肅翰

張文襄公全集

卷八十二

三

電奏十一

行在軍機處來電

光緒二十七年三月十七日戌刻到

奉旨張之洞電悉湖北鄉試著准其展至明年秋間舉行欽此

致西安行在軍機處

光緒二十七年三月二十七日發

昨伍使晤美外部云賠款一事可與各使商減已電美使設法然必須全權致使屬出頭緩商之文方可據以關說且云我美當減四分之一云云美主既有此盛意可否電告全權聯絡美使屬向各國關說然不可說美主授意請代奏沁

張文襄公全集卷八十二終

崇仁黃維翰校

張文襄公全集卷八十三

電奏十一

致西安行在軍機處江甯劉制台濟南袁撫台上

海盛大臣轉全權大臣

光緒二十七年四月初七日午刻發

英參贊傑爾遜奉其薩使命自京來見兩次傑商賠款事問鄂省意見答以中國力竭須減數減息寬期傑云英深知中國情形不願竭盡中國財力商辯語甚多昨日接薩使復電云按原數四百五十兆四釐息不能減亦不索現銀改為三十年攤還每年應攤還二千六百萬兩洞查西人計算本息表內數目相符懇其照薩使前說減息為三釐三毫或三釐半傑云英輕息可借他國不能借英當勸各國或能略減然不能定又商加稅事傑述薩使云除洋藥不加外可加至值百抽十按貨本運費鎊價核實合成銀數並云有數種物向無稅今可納稅蓋指洋人自用物而言但須進口洋貨出口土貨釐金全免問鄂省意以為可行否答以鄂省一人私見以為可行蓋約計洋關稅加至抽十歲可增一千六百萬兩以外進口洋釐出口土釐約計六七百萬兩兩釐均免關稅必旺必可歲增一千萬至出口土貨免釐乃富民勸工之本原與外國通商之要義各國出口土

張文襄公全集

卷八十三

電奏十一

一

貨大率無稅在我本當舉行今藉以增加關稅更為有益傑又問抵款事歷舉鹽漕常稅等項答以加稅約抵一千萬鹽課釐約一千一百萬如息略減所差不多當另籌惟鹽務只可作抵斷不能交外國人代辦此乃干預我財政傑述薩使云不必交外人代辦英不願干預中國財政言之再三語甚明確傑又云加稅事牽涉釐金且關涉通商行船新章粹難議定此時不能以此作抵答以只須查明確係進口洋貨出口土貨即抽免釐一言可決有何難議傑又云常稅可交海關代辦否答以常稅亦只可作抵不能交海關代收蓋各關常稅船

張謇奏全集

卷八十三

電奏十一

二

鈔子口分卡甚多皆在內地遠者或至數十里外若稅司代收多與民人交涉局卡紛繁即是干預我內政湖北三洋關皆無常稅此乃為大局計傑力辯乃為我謀生財非干預洞仍堅持問各節已告全權否傑云渠出京時未告全權此時不知已託傑將各節電復薩使并懇減息傑今日東下見江督竊謂總數四百五十兆一節恐難商減然較前說九百兆之數已省一百二十兆利息一節若能減息半釐歲可省二百餘萬薩使既略有活動語氣只可姑與一商并託美國調停洋關抽十免釐一節管見以為此是善政彼此有益但不知各省

意見如何加稅作抵一節如能再與切商照允庶免羅抽無術鹽務作抵一節既言明由我自辦似可作抵至常稅交海關代收一節萬不可行惟必當認真整頓薩使來詢故就管見答之應請樞廷與全權裁奪商請代奏遇辰

致西安行在軍機處

光緒二十七年四月初七日 午刻發

再傑彌遜力爭常關歸洋關兼辦敝處已力阻防其干預內政并言湖北三洋關皆無常稅荆宜施道常關僅收民船鈔為數無多亦與沙市關無涉傑言湖北有木稅可歸海關代收否答以新隄關竹木稅係漢陽府收

張謇奏全集

卷八十三

電奏十一

三

與各關道無涉且去年春鄂省將竹木釐金改為統捐裁併分局十七處減輕收數商便釐增確有成效今年正擬奏明將新隄關裁除其竹木稅歸併鸚鵡洲竹木釐局統收此後湖北並無木稅矣傑又欲將荆關船鈔歸洋關代收答以各口散漫皆在內地動與小民交涉實多窒礙未便洋關代收等語如稅司必欲干預常關鄂省即當奏明裁新隄關木稅歸併鸚鵡洲木釐局統收恤商裕課均有裨益荆州船關亦不能交稅司致妨內政謹先密行陳明請代奏遇午

致西安行在軍機處

光緒二十七年四月初八日 寅刻發

初三日德領來云該國穆使電詢鄂省德願撤兵惟正定順德一帶尙有匪徒仇教恐撤兵後拳匪必熾若中國能擔保拳匪不再起并能擔保中國兵力必能平匪則德兵可撤洞答以直境雜匪不能遽絕此係潰勇劫盜土匪斷無大夥拳匪卽有零匪兵力必能勦平國家必能擔保又問鄂省能擔保否答以鄂省能擔保德領又問董福祥有帶兵東來之說確否答以斷無此事此乃津報訛傳董帶兵十營撥餉一兆皆係謠言蓋因首撫岑帶本部十營自陝來又聞請餉百萬准撥數十萬故有此誤董已罷職家居安得有兵安得有餉各報最好造謠挑衅萬不可信至邊外蒙民大率愚魯不能生大事且恪遵朝命傳言四子部落仇教之說亦不可信囑其電復穆使切勸瓦帥勿再派兵至張家口外等語德領允轉達竊惟洞與外人應答只能如此一力洗刷擔承惟直境遠近盜匪猖獗多有快槍皆係潰勇合土匪爲之雖發端本非拳匪本意亦非仇教然藉仇教以煽愚民則勢所必有望朝廷速派幹員重兵迅速勦捕解散方免藉口蒙部愚拙不曉時勢或有仇教之空談亦懇朝廷剴切諭飭免致召敵西行若直匪不平蒙地不靖後患難測非全權口舌所能勸阻至各報造謠

張文襄公全集

卷八十三

電奏十一

四

釀禍最爲可惡可憂但此事無從禁阻尙須另思善策容再籌之請代奏虞

致西安行在軍機處江甯劉制台濟南袁撫合上

海盛大臣轉全權大臣光緒二十七年四月初八日未刻發

遇辰電奏想達加稅一節英參贊傑彌遜云進口洋貨加足抽十出口土貨加足抽五當年定稅則時土貨價賤今物價貴所抽實不及百分之五可按時價加爲抽五等語查洋貨稅六百餘萬加洋人自用物稅約百萬共七百餘萬洋貨實止抽三若按鎊價折銀抽十是加七成可歲增一千四百七十萬兩土貨稅約九百萬按今日物價實止抽四或僅抽三若加足抽五是加二成有奇可歲增二百三十餘萬兩兩項所加併計可增一千七百餘萬兩除抵免進口出口釐金六七百萬外實可歲增一千餘萬前電只係統計未將洋貨抽十土貨抽五分析言之茲再照傑參贊言語詳陳以備據此核議查土貨稅輕乃於中國最有益之事請代奏霽

張文襄公全集

卷八十三

電奏十一

五

致西安行在軍機處光緒二十七年四月十一日

昨奉寄諭恭悉但可開科亟願舉辦連日與司道及各紳籌商查長江票匪勾結鹽梟意圖大舉報復屢接江督電該匪勾引外國流氓及前數年洋人美生案內之

匪黨私運炸藥人江亂黨注意尤在湖北已經屢電上陳消息至今未鬆現正治軍購綫嚴防密拏接上海函電云各國兵船欲入江保護商教江督力阻甚費唇舌蓋票匪蹤跡全在上海租界各領事知之最真英法德新來漢兵船今尚未去今日又有奧船三艘來漢共泊兵船十艘從來所無各處遣撤營勇紛紛過漢極力防查深為懸心以後散勇過者必更加多看此情形今秋勢難舉行鄉闈詢據省城各紳皆云先保身家性命而後可講功名官紳眾論皆同可見情形喫緊且英參贊來言欲阻京城明年會試廷試當經電奏尙不知全權

張文襄全集

卷八十三

電奏十一

六

如何開導籌議設會試尙未定議今年新中舉人明春仍無會場可進然則明秋鄉試與今秋鄉試相同遲早似不爭一年仰懇朝廷俯鑒鄂省江防緊要情形仍准展至明秋鄉試請代奏真

致西安行在軍機處

光緒二十七年四月十六日亥刻發

江鄂今秋鄉試萬難舉辦已由電覆奏聞山東湖南亦請展緩順天山西尤多阻格竊思科舉一事為自強求才之首務時局艱危至此斷不能不酌量變通半年來諮訪官紳人士眾論僉同粵督陶東撫袁咨來奏稿言之甚為懇切改章大指總以講求有用之學永遠不廢

經書為宗旨坤一等覆奏即日詳陳擬即照光緒二十四年之洞所奏變通科舉奉旨允准之案酌辦原奏乃係參酌古今求實崇正力駁侈談新學者之謬論不過原本舊章力求核實而已大略係三場各有去取以期由粗入精頭場試中國政治史事二場試各國政治地理武備農工算法之類三場試四書五經經義經義即論說也原奏經禮部通行陝西有案可查惟聲光化電等學場內不能試驗擬請刪去此事究應如何酌改自應聽候朝廷飭議裁定總之今日中外大勢科舉不改章勢有不能然改章之始士林必須寬期肄習擬請旨

張文襄全集

卷八十三

電奏十一

七

先行宣諭現正議科舉改章講求有用之學仍必崇尙五經四書所有展緩鄉試省分各士子正可藉此一年之暇精心講求俾臨試時得以盡其所長則多士知所嚮往益可安心肄業不致懸盼疑阻惟科舉要政當必俟各省奏到詳核妥議此次諭旨可否渾言大略但將講求實學不廢經書之宗旨揭明其詳細章程俟定議後再行頒諭通行則諸事皆無窒礙愚昧之見是否有當伏俟聖裁請代奏劉坤一張之洞同肅諫

致西安行在軍機處

光緒二十七年四月二十二日丑刻發

和局漸已定晉防無事提督程文炳所統各軍已奉旨

飭回原省湖北所派總兵方友升統帶之武功營自應一律調回鄂省分別撤留以節餉需請代奏等

致西安行在軍機處

發後轉劉制台 光緒二十七年五月初五日辰刻發

全權議賠款分十四年共一千零七十五兆前十四年數雖少第十五年起至第三十年每年二十一兆四十五萬零數已不少第三十一年至四十四年每年三十三兆七十四萬零為數太多其故由前四年全不還本欠十年還本太少故受此虧竊思籌款固難然能籌一千八百七十餘萬何在二三百萬乎總之每年及早帶還本銀若干方為合算此時洋兵已漸撤議賠款之

張文襄公全集

卷八十三 電奏十一

八

年限並不甚急務請暫勿復允但催其將抵款商定電聞看其擬以何款作抵方可籌酌此數日內咨江鄂詳加核算有何稍為輕減之法再請鈞處統籌核定全權見表後十八日始電奏可見遲早不爭數日望勿急遽至禱請代奏歌

致西安行在軍機處

光緒二十七年五月初八日辰刻發

賠款事薩使每年二十六兆之議全權既以多籌八兆為難竊擬有酌中籌還一法目前每年約只多籌四兆共分三十六年還前十四年每年還二千二百萬第五年至第三十五年每年還二千六百萬第三十六年

還一千一百九十六萬四千一百三十兩總數共八萬

六千五百九十六萬四千一百三十兩核算無誤較全

權議還完早八年半除前二十九年多還本銀之數抵

除外所省約二萬二千萬查前二十九年雖較全權所

議略增然前十四年僅多或四百萬或三百二十二萬

後十五年雖多四百五十四萬零而舊債表為數漸輕

海關已盈餘一百二十七萬零實仍只籌三百二十六

萬零第三十年至三十五年則每年少還七百七十四

萬零第三十六年則少還二千一百萬矣第三十七年

至第四十四年既已還清則每年省三千三百萬矣竊

張文襄公全集

卷八十三 電奏十一

九

思每年最少需還十八兆亦必須中外合力另籌大宗鉅款方能應付即多籌三四兆似尚有策而總數所省實多免致三十年後忽增鉅累嘗考法為德破賠款極鉅其國民同心努力趕先籌措於未滿年限之先即行清還各國驚異謂其志堅氣壯不數年法國復強蓋謀國之道當計久遠微弱時尤甚若目前不避艱難早圖自振是為生機若苟圖一時輕省不計久長是為敗氣強弱進退之消息實在於此至撤兵一節久經各使言明利息議定即允撤兵斷不至因籌商年限另思變計即使全權所議已告各國而此次所擬辦法乃係提前

還本當必更願臣等非與全權立異同特為國家億萬
年計不敢不言仰懇聖明裁奪請代奏劉坤一張之洞
同叩庚

致西安行在軍機處 光緒二十七年五月十四日
申刻發

閱全權電奏稿各使欲乘黃轎在乾清宮前降輿實堪
駭異公使雖待以客卿究是人臣若國君遊歷來華又
將何以待之且各使與各國太子親王禮節亦有等差
即黃轎亦不應乘坐各使不顧中國儀注獨不為本國
留體制乎此節無論如何萬不可許竊思各使力從驕
倨不過欲洩其攻館之忿查外國之待公使遇有大典

張文襄公全集 卷八十三 電奏十一 十一

禮則國君必遣其自坐之車前往迎迓此各使所以藉
口也然各國君向無黃轎故其國臣民不以為異行之
中國實駭物聽恐因此或生事端此時似宜籌一抵制
之法或令上駟院備良馬數匹即稱為御用之馬遇各
使有大典禮親見之時即用此項馬匹前往迎迓平日
則否抑或別予優異總以阻其黃轎詣宮為斷懇飭全
權設法婉商以存國體再各國使館留兵之數亦請飭
全權查明據實奏聞請代奏劉坤一張之洞同肅鹽

致西安行在軍機處 光緒二十七年六月十一日
午刻發 發後轉劉制台
箇電悉俄約責我以東三省吏治而盡將兵權利權政

權奪去專令我壓制華民以供俄人之役使而已利則
歸俄害則屬我名為俄還東三省於我之約實則我讓
東三省於俄之約也從前疊次電奏屢經痛切瀝陳此
約若成不獨失關東各國必將效尤瓜分內地各省亦
不能安全矣俄鐵路到京駐兵護之則法亦必以護路
為名駐兵直抵京外他國皆沿鐵路駐兵豈止各省不
安京師亦不能安矣各國聞之尙為我危苦口勸阻中
國稍有忠君愛國之心者亦皆痛心疾首請勿畫押豈
得謂為謬論李相偏執已見幸聖明在上燭照堅持俄
謀遂爾暫沮然俄人垂涎已久早視東三省為己有貪

張文襄公全集 卷八十三 電奏十一 十二

心未息若不趁此藉各國公議令其撤兵斷無甘自退
讓之理暫踞終成永踞矣數月來江鄂往返籌商並探
詢各國外部惟有趁此公議之時請各國公斷一策將
俄人自立之約不論庶俄在各國之前不敢遽食前言
明居不義之名屢經電奏在案江鄂惟知為國家社稷
計孰謬孰是朝廷自有明察天下自有公論江督昨電
樞廷轉電全權照會領袖公使詰俄退兵之期以觀俄
人動靜方可籌措置之方此照會無論有益與否有何
妨礙況此辦法本係日本外部之意而英美德三國外
部均會勸我交北京公使公斷四國公使一見照會定

必從中以公論相助李相前勸畫押或者因恐決裂爲俄所愚今逾期不畫俄國竟無動靜自當悔悟急救乃堅執不肯照會豈始終爲俄所愚耶抑別有成見耶不顧國家之安危而專與同僚爲水火大臣舉動不當如此查萬國公法戰後立約約未提明者悉照戰後情形今北京公約俄在其內賠款數目俄國最鉅東三省兵費路費亦在其內李相與各使屢次會議照會於東三省撤兵從未提及必然永照現在情形矣一失此機以後無法補救近聞各國公使一俟大綱十二款全數議定即行各自回國若此時不議各使回國後再不能議

張文襄公全集

卷八十三

電奏十一

十一

悔不可追矣伏祈迅賜電飭全權務即日照會領袖公使詰俄撤退東三省兵隊日期並請各國爲我將東三省善後諸事秉公公斷各國若肯公斷或竟可不立專約至美日兩國所請將東三省開門通商辦法最爲善策欲永保東三省不爲俄佔非藉各國牽制不可亦望飭令全權照會各國言俄已言明不占我土地一俟俄將三省還我時即行開門通商許各國以居住通商開鑛製造一切利益等語則各國均冀中國永保東三省自主之權不願別國來侵且似此措詞亦甚虛活俄心雖不悅而無詞以責我庶幾祖宗根本之地可望收

回中國全局不至自取分裂天下幸甚請代奏軫

行在軍機處來電

并致全權大臣及劉制台
光緒二十七年六月十五日申刻到

奉旨諭奕劻李鴻章劉坤一張之洞等前後論俄事各電均覽悉二月初間中外諸臣僉言俄約一成即啟瓜分之禍朝廷熟思利害不得不爲停畫此事勢之當然本無所容其成見乃自是之後李鴻章誤以畫約爲劉坤一張之洞所阻至有江鄂爲日人所愚之言劉坤一張之洞又以李鴻章爲偏執已見亦有全權爲俄人所愚之言彼此積疑負氣爭論究於國事何補該大臣等受恩深重上年共扶危局各著勤

張文襄公全集

卷八十三

電奏十一

十一

勞方深倚賴國步至此同心戮力猶懼不濟何忍自相水火詒憂君父見笑外人平心而論李鴻章身處其難原多委曲然時有不受商量之失劉坤一張之洞慮事固深而發言太易亦未免責人無己要之俄約自難全廢終當設法改訂俄人交還東三省若仍奪我兵權利權名還而實不還害豈可言且各國起而效尤則內地之禍何堪設想必須乘公約既成之際向俄使商定前約婉與磋磨並即照會各國公使請爲公議便可詢問關東撤兵日期以觀動靜若能將東三省許各國通商得互相牽制之益庶幾根本

之地可保全局亦安應如何辦理之處著責成奕劻李鴻章趕緊籌商務臻妥善速行具奏劉坤一張之洞有會辦之責亦不准置身事外特此開誠申諭該大臣等同一竭忠謀國務各互除意見和衷經畫挽回氣數共濟艱難實有厚望爾爾過不能逃朝廷洞鑒也欽此願

致西安行在軍機處

光緒二十七年七月初九日午刻發

前聞直晉全省停考做處於四月內電致英薩使德穆使以直晉滋事之處雖多而安靜地方亦復不少若鄉試全停波及無辜士心定然不服於將來民教相慮大

張文襄公全集

卷八十三

電奏十一

十四

有妨礙與大綱內滋事城鎮停考一語亦不相符應仍照原議查明何處滋事停何處之考即多停一二十處亦無不可但不應全省停考各國意以北京太原兩處滋鬧最重不允在該兩處開科惟有借闈考試之法擬直隸借山申闈山西借河南闈將滋事各處剔出不准赴考懇其轉商各國以免累及無辜並告以滋事地方生監斷不能混往應試蓋學院咨送監臨收考主考出榜皆須查照學冊填明籍貫不容假冒亦非臨時所能更改旋接英薩使復電直晉不滋事地方可借闈鄉試德使復電云彼甚願照辦惟有人不以爲然至爲抱歉

各等語復又電詢英使乃合渾復云遵照四月廿五日上諭辦理又查江督劉來電云借闈鄉試事商英德兩領事均允電商公使據云必可照准過數日德領函稱做國欽差來電將與各國商議做國欽差之意以爲此事必可照辦嗣又接德使電謂各國有窒礙等語可見英德兩使於此事毫無成見且甚願通融又湘撫電云全權電告衡州府清泉縣可免停考又全權電云江西鄱陽縣法使允免停考查衡州清泉乃滋事甚重地方然則法使亦非苛求者英德法三大國皆不固執切實與商當能就範茲和約不日畫押停考事各國再請明

張文襄公全集

卷八十三

電奏十一

十五

降諭旨伏懇朝廷飭令全權趁此務與各國切商直晉兩省不滋事各州縣准其借闈鄉試俾免無辜向隅以期民情帖服幸甚請代表奏佳

劉制台

陶制台

致西安行在軍機處戶部

光緒二十七年八月初六日丑刻發 發後轉

恭讀電傳邸鈔七月十三日諭旨推廣暢行銀元專令湖北廣東兩省鑄造竊思銀元一事乃整飭銀幣大政自以多鑄廣行多收多發爲要風氣方能轉移官民方覺便利積弊方能早除且認真辦理盈餘甚微必鑄數甚多方有餘盈可計計各省應解應放之款即按三成

計已在二千萬以外鄂局機器不大現正添機擴充粵局機亦小洞所深知鄂粵兩局所出不多不足供各省解款發款之用添機尙需時日江南銀元局機器甚大閒廢不用亦甚可惜似以江鄂粵三局並造爲宜若慮製造未精儘可嚴飭該局認真化驗製造務令三局一律惟向來各省辦事往往各分畛域章程參差以致互相妨礙不能通行此次必須三局事事畫一至鑄本最爲難籌除本省外必須將某省附於某局代鑄豫先議定一公平辦法務令其將本省自用之數與外省附鑄之數合計三局大率相等庶鑄本多少不致偏枯以免

張文襄公全集

卷八十三

電奏十一

六

畸輕畸重自相擠壓暢滯不一不然江南財力數倍於鄂鄂局不能支矣此節如蒙俞允三局並鑄再當與江粵電商會同奏辦再收放俱搭三成一節似尙應稍加變通竊謂不如改爲收放俱搭一半較爲簡易蓋各款多有畸零若三成則核算甚繁仍多不便若一半則易於折算罕有錯誤可否由各省酌量試辦並懇請旨裁定以便速籌舉辦未盡事宜尙多容會商續陳請代奏

歌

致西安行在軍機處

光緒二十七年八月初七日未刻發 發後知照劉制台

傳聞英人於六月杪照會全權言長江一帶通商口岸

直抵四川重慶府爲止均須由彼駐兵防衛又照會問東三省俄約是否另議或仍前說作何歸束所得利益是否各國一律均霑約期索覆等語雖未敢遽信爲實然傳聞藉藉恐未必盡屬無因如果屬實顯係效尤發端未知全權會否奏明如未奏擬請旨飭詢全權英使是否有此照會果確如何答復速令據實電奏如並無此照會更所深幸一詢似亦無妨事關全局坤一等既有所聞不敢緘默請代奏坤一之洞同叩陽

行在軍機處來電

并致劉制台 光緒二十七年八月十二日午刻到

陽電當即轉詢全權頃據電復六月杪以後英使不

張文襄公全集

卷八十三

電奏十一

七

但無照會長江一帶駐兵之說并未面有此議不知江鄂從何處傳聞至英俄猜忌素深東三省俄約英未必不關懷然從無一語詢及豈能遽動照會自冬及春各處皆以效尤二字聳動 上聽究竟所欲效尤者何事請隨時確實考證勿使浮言徒亂人意云云特此奉達樞蒸

致陝州行在軍機處

光緒二十七年九月十一日寅刻發

籌款爲今日急務數月以來屢與鄂撫及司道詳議不獨賠款過鉅憂焦無策而鄂省舊款洋款撥補鹽釐無著之款約四十餘萬新增撥無著之款約四十餘萬

去年防務鐵路新增之款除極力裁汰外不敷尚多且自強要政如興學製械練兵游歷諸大端其勢不能不趕緊舉辦武漢乃各國屬目之區斷不能因循停緩致起外人輕侮之心但鄂省枯窘萬分籌款亦非一項所能集事惟有先辦鹽釐加價一事較為平允易行擬就鄂省境內籌計無論淮鹽川鹽凡行銷湖北境內者一律加抽四文以為湊補各項要款之需於未接部文之前早經議定前於八月內已與江督疊次商妥江省加釐三文歸產鹽之江省用鄂省加價四文歸銷鹽之鄂省用做處井同時電商川督奎言明當經劉電奏告鄂

張文襄公全集

卷八十三

電奏十一

六

頃准戶部咨因江督奏加淮釐三文行知各省照四文加增查江督原奏聲明請旨飭產鹽省分一律加增所謂產鹽省分係指川粵閩浙等省而言與湖北無涉湖北并不產鹽只能銷鹽加價係取之於鄂省食戶即江省加釐雖令運商交納亦仍係取之於銷鹽省分之食戶江省為江籌款而加釐鄂固不便阻止鄂省為鄂籌款而加價出之鄂民自與江省無涉日內本擬即行具奏因准部咨恐奏到後部中或未能分晰故特電奏聲明鄂省加價四文仍當即日速行舉辦至江督所指產鹽省分之加釐三文能否酌加應由產鹽省分籌議與

鄂省加價另為一事免致以鄂民多出之錢徒供他省之用庶幾新案賠款及舊日洋債抵補無著之款稍資補苴而自強新政亦可實力奉行不勝切禱至賠款大宗當與鄂撫及司道籌有辦法再行會奏請代奏真

致洛陽行在軍機處戶部

光緒二十七年九月二十日酉刻發

刪電謹悉川淮鹽行銷湖北境內者自十月初一日為始一律加抽四文毫無偏重歸湖北省自用與江省川省令運商交納者無涉已與江督川督商定除飭鹽道及宜昌川鹽局淮鹽督銷局照辦外謹電陳請代奏之洞端方同叩寄

張文襄公全集

卷八十三

電奏十一

七

致洛陽行在軍機處外務部戶部

光緒二十七年九月二十一日辰刻發

賠款緊急現擬在宜昌關土藥稅加抽二成本省各局土藥稅釐亦加抽二成自十月初一日開辦亦稍資補苴之一端查湖北土藥稅釐上年已加抽三成今又加抽二成並不病民此款專為湊還新賠款而設不與他項稅釐相涉合併聲明除飛飭該關局迅速照辦外請代奏懇速示復切禱之洞端方同叩箇

致鄭州行在軍機處

光緒二十七年九月三十日午刻發

各省設立學堂已遵旨竭力籌辦惟前奉諭旨但言選

舉鼓勵酌議具奏未蒙明諭作何項出身查坤一之洞原奏聲明州縣設小學堂畢業者作爲附生府設中學堂畢業者作爲廩生省城設高等中學堂畢業者作爲優貢欽派主考會同督撫學政考中者作爲舉人京城大學堂總裁考中者作爲進士誠以必須朝廷明示以登進之階科目之榮則士心自奮人才自多足爲國用其自外洋遊學畢業得有憑照者已奉旨准作舉人進士則內地學成欽派考官取中者自應一律登用方爲允協且天下各府州縣偏設學堂經費極鉅止能於省城創設數處以爲提倡而示規模若全省均由官籌款

張文襄公全集

卷八十三

電奏十一

三

斷無此力東西各國均無此辦法若舊日書院經費甚微就地勸捐微末無濟是學堂終不能多人才終不能出惟有明旨准作爲進士舉貢生員則民間自然集費興辦不待官籌最爲善策時艱需才不宜再緩仰懇明旨速行大局幸甚若詳細章程不能遽定似可渾言准其分別等差作爲進士舉貢生員則詳章仍可候禮部細酌毫無窒礙再改科舉一事已奉旨允行惟坤一之洞原奏係請三場分場發榜可以防考官草率偏重三場仍如一場此宋名臣歐陽修之策本朝通儒錢大昕之論似屬妥善蓋偏重前兩場則恐涉駁雜偏重末場

則仍患空疎雖廢八股與不廢等恐不足以仰副朝廷求才自強之至意惟有分場發榜則場場認真互相維持有實濟而無流弊且鄉試人數由萬餘人至二萬人發榜中省約須一月大省加多寒士候榜日久資斧艱難至場內膳錄場外遊民動滋事端極費彈壓坤一之洞皆屢充鄉闈監臨深知寒士之苦彈壓之難校閱者爲多卷所困房官草率主考疲勞於甄拔真才之道種種有妨若分場發榜寒士免久候內外兼各官免昏疲地方少事端假如中省頭場八月二十五日發榜二場九月初七八日發榜三場九月十五日發榜僅多五

張文襄公全集

卷八十三

電奏十一

三

日而人數既少事簡弊清經費轉可節省洵爲一舉數善其頭二場之榜或卽照學政歲科考先發紅號尤爲簡速至膳錄一項實可刪除訛脫燬失作弊改竄大省尤甚試思萬卷筆蹟考官豈能辨識若欲舞弊仍可藏關節於字句之中防弊實不在此似以省之爲便坤一等因學堂必須急辦然非民間自辦不可欲三場有實濟而無流弊非分場發榜不可各省情形皆同若待各省議覆禮部核奏爲期太遲士心游移觀望鼓勵難期謹先電陳伏候聖裁請代奏坤一之洞同叩卅

致鄭州行在軍機處

光緒二十七年九月二十日

午刻發

兩月以來連接李使轉日本外部各電力勸勿遽允俄約事日外部皆紛致江鄂因江督均已電奏故未復陳現在李相已故俄約尤宜從緩查日本屢電要義在中國若緩允俄約必有好結局若欲定俄約必先商日本數語李相所電俄人新擬數條僅止不提鐵路造至關內而已其於侵我主權止准設巡捕兵不准設礮兵及獨占鑛路工商一切利益絲毫未改退還年限亦甚含糊閃爍包藏愚我實甚日本如此助力若倉卒定約日本必怒首先效尤英德意各國繼之不惟遼不能復大局危矣務望朝廷從緩再議熟思審處詳考各國情形

張文襄公全集

卷八十三

電奏十一

三

以俟機會不勝悚切請代奏卅

李欽差來電

并致劉制台

光緒二十七年九月二十二日午刻到

頃外部言聞俄廷以新約底五款交全權一前次議約及一切議論概行作罷從新訂款二東三省全境並牛莊交還惟榆關至牛莊鐵路限畫押之本年內交還三畫押之本年內奉省俄兵全撤四定約日起兩年後吉林黑龍江俄兵陸續撤退五中國派兵應由盛京將軍與俄武官商定惟不得用礮隊以上各款如果確實中國仍未可盡允數日前日本已電駐京署使面告慶邸大致謂此次俄約較前已輕惟所

開條款不但中國未能滿意即在俄亦不能算讓盡現未見全約固難逐款議駁惟四五兩款則深知不妥必須駁改第四款撤兵之期語涉含糊第五款侵奪中國主權凡兩國訂約語意含糊者弱國多受虧因強國每將含糊之語自作解說逼令照認如第四款照允撤兵之期由俄自定勢必遷延與永踞何異須改爲吉林黑龍江俄兵限定約後一年內陸續撤退如第五款亦照允則邊防永弛日後設有內亂亦難彈壓俄必藉口再據其地此款應添改俄兵撤完之日此款即行刪除一語以上兩款儻俄不肯改應

張文襄公全集

卷八十三

電奏十一

三

即緩商極於中國有益俄前布告各國語太結實因亟思訂約以銷前案其情甚急設不得已仍當減輕日本前因俄約屢勸全權並電鈞處一面並勸俄廷此次復告皆爲東亞大局起見幫助中國實出至情聞新約日內將定雖難遽信但事關重大深望鈞處此時格外留意體察情形奏懇朝廷慎重勿信一面之詞免誤大局設有疑難務希垂詢日本政府俾從速代籌勿誤機會爲盼並請鈞處將日使告慶邸各節轉達政府等語囑電陳乞鈞奪鐸號

光緒二十七年九月二十五日申刻到

頃外部言俄約新稿應駁應允之處前已詳陳頃得
確電五款之外尚有東三省鑛務專歸俄人辦理一
條似此實於中國與各國現約大有妨礙萬一照允
恐東三省之外各國不免效尤爲害甚大深盼鈞處
奏懇朝廷堅執勿允以保大局等語囑電陳乞鈞奪
鐸迴

致開封行在軍機處

光緒二十七年十月初二日
丑刻發

頃英總領事法磊斯函云昨夜接奉本國國家來電指
摘近日俄約各款其尤爲窒礙者三條一所有一切賠
償已包在總賠款內俄國鐵路亦應在內不應另索賠

張文襄公全集

卷八十二

電奏十一

五

償二俄人欲專攬鑛利有違條約恐各國將與中國爲
難三中國在東三省行政應有自主之權禁用礮隊便
有礙此權等語本領事意見照此約俄人并非交還東
三省若中國允照此約則中國名爲收回東三省實則
允俄永佔自棄主權且開效尤之端若中國不允照辦
而俄仍自佔踞則俄爲公論所責自食前言結仇日本
蓋此時不允將來猶可議及若允之則案已結不能再
議矣英人因去年北方之事未免與中國略有意見若
中國能堅持力爭東三省應有權利且於中國政事真
心變法則英國國家以及人民自必樂於勸助也等語

英政府明言俄專遼東之利則各國將與中國爲難是
俄約萬萬不宜輕定所謂效尤爲難者各國分佔中國
鑛利內地鐵路皆駐洋兵保護之謂也長江則事事須
問英山東江北則事事須問德福建江西則事事須問
日廣東西雲南則事事須問法蘇浙則英意合謀權利
盡矣不可爲國矣謹飛電上陳請代奏東

致開封行在軍機處

光緒二十七年十月十六日
酉刻發

各省分派賠款爲數過鉅籌措萬難方今民生困窮商
業彫敝經去年之變各省商民元氣大傷種種籌款之
法歷年皆經辦過久已竭澤而漁若再痛加搜括民力

張文襄公全集

卷八十二

電奏十一

五

既不能堪賠款仍必貽誤且沿江沿海五省鹽釐貨釐
久已抵還舊案洋債撥補大半無著近年加撥各款多
係有名無實無法籌解而自去年以來南北各省開教
賠款多者二三百萬少者數十萬卽不關教省分攤派
直隸教案賠款亦二三十萬至十數萬此又出於各項
餉需之外民怨已深正苦無從設法自新案大賠款經
全權定議後數月以來屢與司道各局籌商無不焦思
束手雖勉強蒐羅斷難如數且卽所擬議奏明籌捐加
收之數將來亦恐難收足實無把握間有議加貨釐者
乃是無聊之極思竊恐驅魚驅爵徒歸洋旗子口收數

轉不能多若按糧捐輸少則無益多則必然扞格房捐雖有辦者亦不能多各種籌款之法無一易辦者總之無論如何籌加籌捐無非取之於民當此時勢民心爲國家第一根本以民窮財盡之時儻再儘力搜括追呼以供外國賠款必然內怨苛政外憤洋人爲患不堪設想否則商挂洋旗民入教堂國勢何由固結臣等渥受厚恩分膺疆寄若因籌賠款之故以致稍生事端罪戾滋重若百事俱廢專湊賠款將興學練兵農工商務一切養民治民衛民之自強要政概行擱置不辦則民心日渙士心日離國勢日微外侮日甚內亂將作大局亦

張文襄公全集

卷八十三

電奏十一

三

必難支惟賠款豈能失信竊擬一稍紓民力之法蓋各省賠款數鉅籌足固難而尤以明年上半年一期爲更難籌款甫經試辦尙無端緒期限已迫必然貽誤查十月初一日起洋貨加足值百抽五一條據上年二月總署咨赫德條議每年可增加三百萬以內卽按九成核計亦可歲增三百七十萬向來免稅洋貨亦按抽五納稅一條據稅司賀璧理現開節略照二十四年免稅各物計每年可收三十二萬據盛京卿宣懷條議爲數更多常關歸稅司代收一條據德國穆使自天津來與之洞面言津海一關稅司代收每年可多收三十萬準此

類推除粵海關不歸稅司外赫德初次指定之十四關及外務部咨赫德二次添指之十關局合之天津關共二十五關局每年必可多收一百五十萬有盈無絀折漕一事現經漕督張奏請以二兩折放九十餘萬石令浙江購米五十萬石備用折解折放者每石省運費一兩三四錢每年可省一百三十餘萬卽照倉場文令江浙運米一百萬石每年亦可省約七十萬合之山東折漕省出運費約二十萬省挑挖運河等費約十萬南北各省折漕合計總可省一百萬以上四項統計或增收或裁省共得五百五十萬就每年各省賠款一千八百

張文襄公全集

卷八十三

電奏十一

三

萬之數核計正得三成有奇伏思洋貨加足抽五免稅之貨完稅常關稅司兼辦全漕改折四款乃各國公使及全權所指定者本議明專爲賠款而設戶部咨亦有關稅增數專爲賠款各省攤數尙可酌減之語具徵體恤擬懇天恩俯念民生困苦鉅款難籌准將各省賠款減免三成卽將上項所指加增裁省之款湊足各省上半年止解二成下半年解五成以紓民力而免貽誤此減贖七成自必如期籌解不敢延欠惟所指抵湊三成之款必須明年十一月方能收齊而明年上半年五月還期萬不能緩擬請敕下戶部盛宣懷及上海道向

外國銀行如匯豐德華之類商借五百四十萬約定明年五月半交銀一年歸還酌給利息能止借八箇月尤善國家止借此數並不爲難年限既少卽利息稍重亦屬有限俟明年十二月間核計所指增收裁省各款實得若干如足敷三成及息銀卽請於光緒二十九年令各省以後卽照此七成之數籌解如洋常兩稅於抵足三成外能再多收一成一百八十萬各省卽再減一成能再多收半成卽再減半成如尙不敷三成及息銀則請由各省照數分攤解部補還限後年二月解足蓋減少三成薄海商民固感朝廷寬恤之恩且展至下半

張文襄公全集

卷八十三

電奏十一

天

年始解鉅款亦可從容妥籌免致操切生事此外北方各省尤爲瘠苦情形亦必相同臣等爲仰體皇仁紓民力固邦基起見不得已勉籌此策仰懇聖裁施行不勝惶迫待命之至請代奏臣劉坤一袁世凱張之洞陶模德壽許應駉奎俊魏光燾李經羲王之春李興銳聶緝規張仁駿岑春萱丁振鐸鄧華熙俞廉三盛宣懷任道鎔諫

按此奏於十月十八日奉旨允准參看電牘便知

致開封行在軍機處

光緒二十七年十月二十五日寅刻發

前數日英使薩託自京來見密談云聞俄人新改之約仍係欲專東三省礦務工商等利顯違各國條約虧損

各國利權中國若許各國必向中國索償聞俄已派人往吉林黑龍江另立礦務專約如果許之各國必與中國爲難論理各省礦務應歸朝廷主持各省將軍督撫不應擅許一國專利至此約侵奪中國自主之權如兵數及駐兵處所須商俄官華兵充巡捕不能用礮各條盡奪中國兵權中國直是無兵且此數條未言年限是中國永遠自棄兵權政權尤慮他國藉口但東三省既有去年之亂中國若不暫爲稍事遷就亦難望俄人甘心退還卽普法戰後法人未清還賠款以前亦受普人種種箝制應於各條下明訂年限只可作爲暫時辦法

張文襄公全集

卷八十三

電奏十一

天

如俄人未退兵前則兵數及駐兵處所與俄商明巡捕兵亦暫不用礮俄兵退清後則一切悉仍舊由中國自主中國前數年既准俄人在東三省造路俄人自得以沿路駐兵保護但除保路外俄人斷不應索中國亦斷不可讓俄項利權如遼河不准造橋及他處造路之類不然他國亦恐在他處效尤也總之此約萬不可照許如中國自與俄議不能得公平之約則可請英美日德法五大國公斷其事其餘小國不必請其與議又云恐中國全權大臣或不知其中詳細利害以爲此只係中俄兩國之約與各國無關倉卒卽行定議實於中國大

有妨礙囑洞轉為上達朝廷等語次日來函大意略同該使之意最注重鑛路工商等利切實屢言中國若許俄人專各種之權利英日等國必怒必在各省效尤洞九月卅電十月東電兩奏一據日電一據英電已經痛切瀝陳今薩使當面直言無忌不敢不以上聞至其勸我不可永棄主權必須明訂暫時年限一節尙屬持平至將來總以請五國公斷為妥朝廷如以未定之約不便宣布或即不必明列中俄現在所議之條款只云此事兩國意見多有不同日久未能議妥請各國代為持平公斷各國即可出為調停於俄亦尙無妨礙總之俄

張文襄公全集

卷八十三

電奏十一

三

約宜詳詢妥商不可貿然遽定謹據情密陳請代奏敬

張文襄公全集卷八十三終

紹興孫家棟校

張文襄公全集卷八十四

電奏十二

致軍機處外務部戶部

光緒二十八年四月初七日戊刻發 發後併致袁

台制

滬探報美康使到滬會密告人云加稅免釐係英國思攬中國財政大權以後可擴展勢利加稅至十五康不甚願免釐一節中國可自主云云查鄂省去臘電云不得侵我損益財政之權寢電云限我主權為害無窮產地稅地方稅萬不可免今察各國情形美使所言定為謬論頃呂盛兩大臣兩支電開送馬使免釐新章竟將一切稅釐捐款概不徵收含渾包括是所有產地地方營業印花各稅皆不能辦萬分駭異其言加增之數及外省似釐非釐各項捐款之數所計均無確據此舉與中國主權財政關係非輕若無權無政為洋關所束縛安能立國務懇請旨飭呂盛兩大臣萬不可遽與定議千萬叩禱總之產地稅萬不可盡免即地方稅營業稅印花稅若不趁此時議定將來外人必不准抽盛電所謂一切捐款概不徵收各路均已杜絕淨盡為我國計不如過境釐全免進口稅少加而堅留產地地方營業印花各稅利害方足相抵於恤商保權庶可兼顧不勝

張文襄公全集

卷八十四

電奏十二

一

惶迫待命之至請代表陽西

呂大臣盛大臣來電 并致外務部戶部劉制台袁制台 光緒二十八年四月初五日申

刻到

廿八日仍會議免釐加稅一節馬凱謂英國近日來電一商民不願加足十五分之多二恐加稅後內地釐金仍有影射之弊須約中國切實擔保告以擔保非難惟欲全免釐金即加至十五尙不償免釐所失故擬將出口稅稍增以爲抵補馬謂加出口稅與富國之策相背天下無此辦法爲中國計免釐爲上策加出口稅又爲下策不啻自扼其口且加稅後出口

張文襄公全集 卷八十四 電奏十二

二

貿易退減銀價低落所得不償所失將來財政轉困洋債不能清還更啟紛爭之害告以中國亦知此理但無法以補目前之不足裴稅司乃云如英國商民不願將進口稅加至十五此議一散深爲可惜或將進口稅加至值百抽十二五再將出口稅估價後加至值百抽七五併將出口稅所加之二五廿年後遞年減除按裴稅司所擬辦法除新約估價所餘約三百萬不計外照前四年進出口貨本通扯約算每年洋貨進口加稅多收一千三百五十萬土貨出洋加稅多收七百四十五萬土貨此口運至彼口及復進

口多收二百九十萬常關多收民船加稅約一百萬扣除原收進出口稅七十八萬每年約共多收二千四百萬以之抵補報部行坐各項釐金一千七百萬尙多七百萬前年戶部屢欲電查各省釐金外銷數目回電或云別無外銷或報數目極微宣懷面詢聶仲帥王爵帥蘇皖不過各十萬兩直隸山東曾服官該省更屬無多即使別省或有不實便將所餘七百萬儘數抵補亦必有盈無絀況釐卡全撤商民如釋重負歡抃之餘另撥新稅如營業稅鋪戶稅印花稅戶部與各省商定新章切實開辦由數百萬以至

張文襄公全集 卷八十四 電奏十二

三

數千萬似不難得此皆仿照各國均歸內政洋人不能過問或進一說加稅如稍不足亦應掃除釐金弊政方能力行理財新政況有餘乎江箇電釐免物值輕減不獨民困可紓即土貨亦可暢銷則金價可平償款可少喫虧反是則稅不能加進口貨日盛釐不能免出口貨日衰金必愈貴銀必愈賤一弊也華民坐受釐金之害百貨滯銷生機日蹙欲行新政處處掣肘二弊也洋商日促其國家推廣聯票擴充租界竭力損我釐金以便其私三弊也馬凱初議口氣尙鬆近則內爲洋商訕謗外被與國譏阻是以願將第

十條第廿一條註銷告我以英國重商訓條順與情
 為主鄂威電謂小田切談商約謂美使不願加稅日
 本意與美同裴式楷謂加十五斷做不到所言加十
 二五僅少四百五十萬擬以出口加稅並留復進口
 補之亦可敷足海寰宣懷按度情勢亦深慮十五難
 成現已相持三禮拜到限若我無新章則加稅事必
 擱置仍偏議捐釐諸款但此時開送仍宜提高一層
 先與商值百抽十五再聽續議謹擬四條另電奉呈
 海寰宣懷支

又 光緒二十八年四月初五日未刻到

張文襄公全集 卷八十四 電奏十三

四

謹擬開送馬使加稅免釐新章四條如下一英國允
 准進口洋貨按稅則估價值百抽五正稅及入內地
 二釐五子口半稅一併加倍完納中國允准進口貨
 併納加倍之稅後無論運赴遠近何處或轉動或囤
 儲一切稅釐捐款概不徵收一英國允准華洋商持
 有運照販運出口土貨按稅則估價值百抽五正稅
 及二釐五子口半稅完納中國允准出口土貨無論
 經過遠近何處一切稅釐捐款概不徵收一除以上
 兩項之外中國國家有權將華商販運土貨行銷中
 國內地者應在銷場處徵稅但此項土貨在途一切

張文襄公全集 卷八十四 電奏十三

五

釐捐亦概行裁除免致有影射以上兩項貨物重徵
 之弊一中國允以上各款辦到後即將各省釐捐局
 卡全行裁撤如裁撤後有未能實在奉行或改換名
 目暗徵進口出口貨物一經報到中國與英國政府
 即行派人會同查察如有私行徵收情事即惟該地
 方官是問此四款如不能議辦則所有貴大臣交來
 之第四款第九款第十款及二十三款第十四款第
 十七款第十九款第廿四款均屬有損釐金自應一
 併作為罷議云以上所擬新章如果應允則第一端
 可得壹千八百萬第二端可得壹千萬第三端可得
 伍百萬三共三千三百萬揣度情勢斷做不到初五
 限滿擬先面交馬使聲明姑就本大臣臆見先行開
 送如貴大臣可允商議再當奏咨請旨庶免停議仍
 屬活筆乞速賜鈞裁電復以便相機因應海寰宣懷
 支

致軍機處外務部戶部保定袁制台江甯劉制台
 光緒二十八年四月初七日丑刻發

上年有法國西貢稅司某人來鄂求見商辦熬膏事據
 云已託法使在京代謀擬請包辦中國十八省煙膏大
 略將天下洋藥土藥均由該洋人熬膏發賣禁止民間

私自熬膏洋商出資獲利與中國均分謂一年可得兩千餘萬以代籌賠款為詞實則攬我全國利權並報效鉅款以為餌鄂省未允又託函告江省江省已力駁之前月德商瑞記洋行蘭格踵法人之後亦擬赴京攬辦熬膏并願借巨款數千萬墊辦又來鄂與洞力商據云當託其公使要求并願報效銀一百萬兩志在必成查此事豈可令洋人出資包辦且土藥牽涉民事尤多當已極力駁阻不聽即日東下由滬赴京并據云法人已將有成說故德商甚急頃聞業已到京百計巧說圖謀萬一墮其術中無論德法是於二赤外又添一國把持

張文襄公全集

卷八十四 電奏十二

六

我財政大權加以借伊巨款是永遠在該洋商圈套之中不能擺脫權利兼失如何立國且必於十八省腹地徧布洋員查禁私膏私土家家戶戶無論官民男女皆可藉詞查搜騷擾滋事為害何窮儻日後民不堪命殺斃洋人須賠巨款則更得不償失矣昨經電告江督劉直督袁皆以為萬不可行此事上關國家安危下關萬民生命不敢緘默謹飛電瀝陳儻該商嗾其公使代求務懇朝廷堅持飭下外務部婉拒天下幸甚請代奏麻

致軍機處外務部戶部

光緒二十八年四月初八日已刻發

魚電謹悉滬支電四條危險已極稅雖加彼有能廢之

權釐一免我無再復之望一也產地稅州縣地方稅紳董鄉約局稅營業稅印花稅均未言明准抽皆可以改換名目四字阻我二也裴式楷所算增數萬萬不確三也即使稅釐相抵亦僅抵舊日之釐斷不能補近日新籌及將來救急可籌之款四也除洋人所管洋關常關外不能抽收全國財政聽命洋人不成為國五也干預財政即是干預民政不惟失理財之權直是失治民之權六也此佛經所謂刀上之蜜甘有限而苦無窮也自得滬電後焦急萬狀洞麻電諒已代陳惟懇詳審利害萬勿遽允大局幸甚請代奏齊

張文襄公全集

卷八十四 電奏十二

七

未改望兩公詳審利害籌示大旨萬勿遽復樞廷允定云云

軍機處來電 并致劉制台呂大臣盛大臣 光緒二十八年四月初七日刻到

支電並擬加稅免釐四條想已得悉此事關繫出入至鉅如全免內地釐金究竟加稅至十五每年果足相抵否希即通籌熟酌妥議電復樞魚

致軍機處外務部戶部

光緒二十八年四月初十日丑刻發

初四日始准呂盛兩大臣咨送奏減茶稅摺稿每擔向徵二兩五錢今只徵稅八錢旋據江漢關道稟稅司已奉總稅司電飭令知照茶商此後出口茶稅不得過實本百分之五等語鄂省既未奉旨亦未接外務部戶部

南洋大臣電咨經由赫德電各稅司減稅殊為疑惑茶
務日壞做處屢電深以減茶稅為然但必須籌有抵補
方可酌減今進口稅未加抵款未籌遠請改茶稅似有
未妥頃接江督劉咨論減茶稅事亦謂如須減稅先籌
抵補就江漢一關而論稅收約二百萬茶稅居其半若
照所議減收以後每年約少七十萬兩所有京餉洋款
何從湊足推之閩浙廣東江海各關皆有茶稅綜計短
收之數亦必有百餘萬惟有仰懇聖恩可否將減定
茶稅明白宣諭緩至明年開辦各茶商知明年起便可
脫去重累已足歡動鼓舞俾各省關得以早籌抵款若

張之洞全集 卷八十四 電奏十三

八

必不能更改則江漢關短徵七十萬之數應請戶部將
京餉洋款如數核減改撥並請旨切飭呂盛兩大臣會
商赫德總稅司迅速另籌抵補的款以免貽誤請代奏佳
戶部來電 光緒二十八年四月十三日申刻到

佳電悉商約大臣奏請減輕茶稅外務部戶部會同
覆奏奉旨允准即行總稅司將出口茶稅改為按
照時價值百抽五並電飭各關稅司遵辦自難緩至
明年開辦惟茶稅既減茶葉自當暢銷且原奏聲明
於別項出口貨稅加增抵補業經本部電催迅速籌
定尊處亦可電詢由何項加增是茶稅減征尙不至

無著究竟能否相抵應俟核明再議辦法戶部文

致外務部 光緒二十八年六月十二日發 盛大
且此為盛大臣主稿本可從略惟下文往來諸電
俱就條款立論是此電實為下文諸電之根又條
款字句亦與定本微有不同故錄此電以見其中
曲折至最後畫押條文雖會銜電奏自可不錄此
外四銜會電之稿非公主稿者
亦不備載附識於此餘可例推

免釐加稅條款如下總綱第八款茲中國國家認定若
在出產處或於轉運時或在指運處向貨物征收釐金
以及別項稅捐辦法係阻礙貨物不能流通及傷害貿
易之利是以允願除第八節所載之限制外盡裁此項
籌餉之法英國國家允許照現行之通商稅則外添加

張之洞全集 卷八十四 電奏十三

九

一稅餉於英國商民運進洋貨之時及定運出口之上
貨時征繳以為酬補中英兩國彼此訂明所有征抽行
貨釐卡及別項關卡裁撤後不得改名或藉詞將此項
關卡復行設立進口洋貨所加之稅須按一千九百零
一年九月七號中國與各國簽押之和議總綱所載之
進口正稅加一倍半之數即值百抽十二五不得有逾
此項進口正稅及添加之稅一經完納其洋貨無論在
華人之手或在洋人之手該貨物無論原件或分裝均
得全免重征各項稅捐以及查驗或留難情事出口土
貨所輸納之稅其總數無論如何總不得逾值百抽七

五之數中英兩國心存以上所定之宗旨故允願辦法如下第一節中國國家允將十八省及東三省陸路鐵路及河道向設各釐卡及類似抽釐之關卡概予裁撤惟在沿江沿海通商口岸及內地之河道陸路或邊界現有各常關不在此例第二節英國國家允願洋貨於進口時除按一千九百零一年所訂和約內載貨稅增至切實值百抽五外再加額外稅照切實值百抽五增至一倍半之數以抵裁撤釐金子口稅及洋貨各項征收並酬此款所載各項整頓之事惟不得有礙第三節常關第五節土藥第六節鹽斤各項土貨可於銷售處

張文襄公全集

卷八十四 電奏十一

十

加稅之總數土貨由此處運彼處自產處起運到內地第一常關只准照洋關稅則征收第七節所載之出口加稅給予憑單載明貨色件數斤重若干並指銷之處及所征稅數報貨出口限期至少一年持此單據無論經內地何關均不得再征稅項及查貨留難阻滯如該土貨不在租界以內銷售應照征銷場稅如運至通商口岸出口准將該單據交該管之關驗明抵納應加之出口稅又第三節凡民船民艇及車輛除應抽公道捐輸定為每年若干按時征收外不再另有捐抽惟現在所抽船鈔船料不在此列第四節洋藥現在併征之稅

張文襄公全集

卷八十四 電奏十二

十一

捐加入課稅之內此項稅課或在產鹽地方抽收或在銷鹽省分進境第一局抽收並可任便設立各項報驗公所凡船隻按照鹽引運載鹽者須在該公所停船候驗蓋截放行但不得征收釐金或別項征捐並建設各項卡欄阻礙之具第七節現在出口稅則應從新整頓無論何項土貨或出洋或由中國此口運至彼口可增收至切實值百抽五惟須預先六箇月通知商人如現在稅則有逾值百抽五之數者亦須裁減無逾至於絲斤一項不得征抽加稅亦不得在蠶繭或蠶種所過之常關征收正稅惟中國可按逐件切實估價定稅之

張文襄公全集 卷八十四 電奏十二 三

法抽一出口正稅不得逾值百抽五之數目又第七節因裁撤釐金之故所有土貨出洋或此口運彼口之出口諸稅除前款除值百抽五外再照加收半稅以抵裁釐所失第八節中國既裁釐捐以及向有內地征收洋貨別項稅捐實於進款大有所失今進口洋貨出洋土貨及由此口至彼口出口貨所加之稅冀可稍補內地貿易釐金進款之所失惟內地貿易釐金之所失仍須籌補是以彼此訂明中國國家可任便向不出洋之士貨征收一銷場稅但不得於貨物轉運時征抽只可於銷售處征抽中國國家言明此項銷場稅之辦法

不得於洋貨有所妨礙凡貨物既屬洋貨一經洋關驗放之後即可免一切稅捐及留難阻滯之事凡洋貨與土貨相類者若貨主完納進口正稅及所加之稅後向稅關按照每包請給憑單免致內地有爭執之虞其單洋關亦須照給凡民船運至通商口岸之土貨其在本地銷售者無論貨主是何國之人應報明常關以便征收銷場稅又第八節此項銷場稅數目多寡可任由中國自定視貨物種類斟酌即視其貨或係民生日用所必須及僅止富貴家所用貴重之物而定征收多寡惟同類之貨無論是民船帆船或輪船裝載須一律征收

張文襄公全集 卷八十四 電奏十二 三

但此項銷場稅應按照第二節不得在租界內征收第九節凡洋商在中國通商口岸或華商在中國各處用機器織成之綿紗及造成之棉布須完一出廠稅其數係倍於一千九百零一年和議總綱所載之進口正稅即值百抽十凡外洋進口之棉花如為織布紡紗局購用中國須退回所抽之進口正稅全數及所抽之進口加稅三分之二即按照所收進口正加各稅值百十二分五退還值百之十分如各織布紡紗局係購用土貨則須將所征之各稅及銷場稅全數退還凡在中國用機器織成之棉紗或造成之棉布既完出廠稅後所有

復進口稅出口正稅出口加稅以及銷場稅概行豁免此項出廠稅須由洋關征收凡別項貨物與洋貨同者若洋商在中國通商口岸或華商在中國各處用機器造成亦須按照以上辦法及章程辦理湖北鐵廠及中國國家現有免稅各廠以及嗣後設立之製造局船澳等廠所出之貨物不在此款所言出廠稅之列第十節由各省督撫自行在海關人員中選定一人或數人商明總稅務司派充監察常關銷場稅鹽務土藥各事宜第十一節凡貨物轉運之時或有不合例之需索及留難情事一經商人告發即由中國國家派華官一員會同英國官員一名及海關人員一名彼此職任均須相稱以查其事如查出實有留難受虧確情則由洋關從所加之稅項下撥款賠還至查出該舞弊之員應由該省大吏將該員從嚴參辦開去其缺儻查出實係誣告原告商人應罰還查辦一切費用第十二節中國國家允願若此款允准全款照行按照南京及天津條約所開各通商地方將下列各地開為通商口岸即湖北之長沙四川之萬縣安徽之安慶廣東之惠州及江門凡洋人在該通商口岸居住者須遵守該處工部局及巡捕局章程與中國居民一律洋人非得洋官允准不能

張文襄公全集

卷八十四

電奏十二

古

在該通商口岸之界內自設工部局及巡捕英國國家若不允照此次全款各節則不得索開以上所言之通商口岸惟江門一處另載第十款內不在此列第十三節按下列第十四節所載明者若能遵依則此項辦法可由一千九百零四年正月初一日舉行屆時所有釐卡須盡裁撤凡經收約內所禁止稅項之人員亦均須辭差第十四節凡在中國應享優待均沾之國亦須與中國立約允照英國所定英商完納加增各稅中國國家方能允照此條所載各節辦理凡各國與中國現在及以後所立之條約其有優待均沾之條者須一律照

張文襄公全集

卷八十四

電奏十三

十五

諭亦須載明如有背約之員即責成該省大吏從嚴懲辦開去其缺馬凱並議及此項加稅原為抵補所裁各省釐金應由海關提出按照各省報部或名釐或不名釐金而等於釐金數目每月徑解各省藩庫給同地方之用免各省裁釐不實暗中阻撓請載入約俾此事切實可靠經坤一等再三辯論此係我之內政不便照允馬凱疑終不釋堅請將來須備照會作為約中附件以昭信守未便過於爭執祇可姑允照辦併以附聞乞代奏坤一等之洞海寰宣懷軫二同莘按是日尚有軫一電稿一件詳陳在鄂會議情形

張文襄公全集

卷八十四 電奏十三

七

外務部來電

并致劉制台 六日午刻到

光緒二十八年六月十日

奉旨劉坤一等十一日會奏電何以遲至十四日始到所陳各節究竟加稅之數與免釐之數是否確足相抵據稱連報部而不名釐金之款二千三四百萬兩而呂海寰盛宣懷前奏加稅所入係二千一百餘萬兩即此已難抵補銷場稅一項究竟各省分計可得若干總之此事於財政出入關係甚鉅不可不深謀遠慮若倉猝定議宜防後患著責成劉坤一張之洞切實通籌從長酌議迅即單銜分別電奏欽此外務部咸

致軍機處外務部戶部江甯劉制台
光緒二十八年六月十七日
刻發

咸電旨謹悉加稅免釐自應籌足抵補已於願電會江督電復戶部矣茲奉旨通籌酌議用敢詳陳查馬使在滬議加稅之數於報部名為釐金者實已抵補有餘惟所擬銷場稅辦法則他款似略有不敷今照鄂議增多三款必無不敷之慮一常關辦法可增鉅款也徧查戶部稅則舊章最輕因承平物價賤之故今日估本每值百者不過抽一釐半釐從無至一分者人工絲稅每百斤不過征銀二三錢至二兩餘布稅每匹不過征銀二三釐芝麻每一石一百五十斤不過征銀二三分銅器每擔不過征銀二三錢至四五錢舉數大端可例其餘今議定由總稅司按今日時價確估稅則刊布天下抽足七五稅第一道內地常關止收二分五釐至出洋及轉口之洋關或洋關兼管之常關再抽五分若仍銷內地者再抽復進口二分五合內地常關所抽之二分五轉口常關所抽之五分復進口之常關所抽之二分五統計較舊額加至十倍上下不等蓋舊日常關正稅少而需索多新定常關辦法正稅增而中飽絕故國民均利必可歲增四五百萬馬使在滬議除稅司兼辦之常

張文襄公全集

卷八十四 電奏十三

七

關外概須裁撤到鄂後與之力商先允留水路常關陸關全撤次允留陸關又次允有洋關處添設常關又次允於沿邊沿海非口岸處酌添常關此事無可再爭矣一新議銷場稅其數鉅而活也查滬議銷場稅指明開出貨色若干種且係只能在內地非通商口岸之處貨到零售店舖始能按店抽收不能在上岸處按貨抽收為數甚屬有限且自占營業稅地步到鄂後洞另與馬議但係租界之外無論口岸內地皆可抽收不必貨到店舖之手即於登岸或到地處設關抽收貨色亦不必開單但非出洋之貨即可其抽數多少由我隨時自定

張文襄全集

卷八十四

電奏十三

六

與今日之落地釐無異各省合計為數尤鉅其實止是免行釐留坐釐六字但洋人總不允存釐金之名耳若各省分計雖難知其確數大約較該省原有釐金數目至少可抵一半應由各該省體察情形若欲恤商恤民則可減至一半之內民更樂從若餉需緊急則加至一半以外亦無不可其間伸縮寬嚴其權全在於我蓋洋人主見總是嚴於國用而寬於民用故洞與議銷場稅謂此為辦地方之事若自強諸要政之類因之彼不甚阻然假使常關等項增收不多即由各省酌以銷場稅補之亦有何難蓋銷場稅一項彼既不阻我財政之權

我即有籌抵足敷之法矣一出廠稅已加增也查滬議洋商在中國口岸製造已定為出廠稅抽七五所用洋棉花稅全退還到鄂後改為出廠抽十用洋花則退還十分仍征二五用土花則全退還此抑洋料銷土料之微意也至於鹽土兩卡馬皆欲撤今與議定土藥征稅仍舊但改卡名鹽則甯與議妥產鹽省分收課稅辦法在鄂又與議妥銷鹽省分抽稅辦法俱於舊額尚無大礙此外力爭挽回之事尚多另電續陳實不能再索他項抵補蓋馬使人居印度係該處富商總董尚不染駐華洋人習氣故詞氣雖強硬性情尚爽直我以至誠相

張文襄全集

卷八十四

電奏十三

十九

待尚可商量洞會議八次屢次欲裂復合此次惟有先定英約則日本法德皆有比例關係各國商約之樞紐即在於此英議既不日即散若此機一失英變前議各國交乘悔不可追矣竊思外省疆臣斷無不思多留進款之理惟此約反覆籌計中國實不喫虧在我已爭無可爭在彼亦讓無可讓惟望早賜宸斷核准不勝迫切待命之至請代奏鈺

外務部來電

光緒二十八年六月十八日子刻到

奉旨劉坤一張之洞呂海寰盛宣懷等先後電奏加稅免釐請旨即行定議等語既據該大臣等通盤籌

計均稱足敷抵補著即照所議辦理惟所陳各條內
尚恐有侵我利權之處流弊不可不防仍著悉心籌
慮妥定一切儻有後患惟該大臣等是問欽此外務
部

致軍機處外務部戶部江甯劉制台
光緒二十八年六月十七日亥
刻發

前數日馬使索議修改鑛章添開口岸推廣口岸權利
推廣內河小輪等事總以此四事與加稅併為一案成
則俱成散則俱散為言洞因告馬使曰到鄂後數日內
議定之條款甚多今又將無關加稅之事索我與議皆
張交襄公全集 卷八十四 電奏上

是英國所要素於中國者中國亦應向英國要素數端
方為公平若不肯商我便不與議今日不開談矣馬使
初以為甚難謂此約只應英向中索不應中向英索力
爭始允因與商索兩條一中國改修法律後英人歸我
管轄一請各國派員會同中國官員考查各省教務安
籌辦法因與定議入約法律列為第十二款其文曰中
國深願整頓本國律例以期與各西國律例改同一律
英國允願盡力幫助中國以成此舉一俟查悉中國律
例情形及其審斷辦法與別等相關之事皆臻妥善英
國可無妨棄其治外法權之時英國即允棄其治外法

權等語教案列為第十三款其文曰中國之意教事必
須詳細商酌以免從前嫌釁滋事將來復萌儻中國與
各國派員會查此事妥籌辦法英國允願會同派員查
議妥籌以期民教永遠相安等語查日本三十年前始
創修改法律管轄西人之謀商之於英頓英首允其議
彼國君臣從此極力明法修政有志竟成至今西人竟
皆遵其法令日本遂與歐美大國抗衡以中國今日國
勢馬使竟允此條立自強之根壯中華之氣實為意料
所不及馬云此事英政府有無挑剔尚不可知當發電
力勸等語其教案一條馬在滬曾經深拒不與我議在
長交襄公全集 卷八十四 電奏上

鄂又推諉事關各國且伊不諳教務等語亦係強而後
可查此後教案必須商明各國妥籌補救之法法國專
主祖教不肯和商他國雖或間有持平之論亦不肯明
言會查今由英開其端以後再商美商德若英美德皆
允查辦法自不能獨橫民教果能相安關係大局安危
實非淺鮮且與馬使議明此兩條如英廷照允即當與
加稅免釐全約同時畫押所代奏請旨核准電復至禱
洞海宣同叩洽
外務部來電 光緒二十八年六月二十日辰刻到
奉旨張之洞呂海寰盛宣懷等十七日電奏各節具

悉加稅免釐一事昨據劉坤一等會奏已有旨允准并責成該大臣等悉心籌慮妥定一切茲據奏擬以修改法律及各國派員考查教務兩條一併入約自可照行惟據陳索議四條何以前次會奏電內並未提及至推廣口岸權利語尤含混其詳細節目究竟如何仍著該大臣等詳慎妥議慎遵前旨切勿稍貽後患欽此效

致外務部江甯劉制台

盛大臣主稿 光緒二十八年六月十九日刻發

馬凱所請推廣內港行輪章程推廣通商口岸利權擬列作第十第十一款查內港輪船一節係在通商口岸

張文襄公全集

卷八十四

電奏十二

三

之外行駛實慮漫無限制惟馬凱以光緒廿四年總署與各國訂定章程本已准其任便專作內港貿易並拖帶船隻裝載貨物行駛內港但凡內地河道皆准其行駛當以內港二字應作通海通江之港論其不通海不通江之內河應不在內馬使以原定章程指明內港二字即與煙臺條約內所論內地二字相同查煙臺第三端第一節係指不通商口岸而起卸貨物之內地尙有限制第四節係指洋貨運入內地及內地置買土貨沿海沿江沿河及陸路皆屬內地實與馬凱原索之僑居貿易之內地無甚區別不過所爭者沿河不沿河而已

復告以各國並無他國輪船可駛不通商之事馬凱云中國已經允准斷難翻悔又告以凡華商輪船駛往之處方准洋商輪船駛往如華輪不准行者洋輪自不能准馬凱云此無非欲借華輪爲限制洋輪之計亦爲原議所無辨論數次僅允小河向築閘壩有礙水利者輪船不往此款日本亦必力爭於內地權利實有關係已電請外務部詳詢赫德內港二字究應作何解釋若無限制只能於修改章程中極力挽救故條款內訂明彼此允願修改附載此約之後彼請比照日本舊約准其租棧辦法駕而上之請於駛行之處設立棧房馬頭雖

張文襄公全集

卷八十四

電奏十二

三

再三駁拒彼仍堅執現允其租用棧房馬頭而不准洋商居住並須照華人輪納稅捐且仿照日本辦法只准租二十五年暗中將向來承租九十九年之害打破聊以補救萬一馬凱又以第八款載明英廷若不允照加稅則不得索開各口岸惟江門另第十款內不在此例議款如下茲因一千八百九十八年內地水道已許凡特准註冊之中外輪船行駛以利便各通商口岸之貿易又因是年七月二十八號所定之章程及是年九月所續定之章程間有於行輪未便茲將章程彼此允願修改附載此約之後按照遵行直至日後彼此允願更

改爲止凡在中國內港行駛之輪船如有損傷隄岸開壩或各項工程應責成該輪船將該隄岸工程損傷以及他項因傷受虧一切賠償業主如有淺水河道恐因行輪致傷隄岸開壩以及相連之地中國欲禁小輪行駛者知會英國官員查明實有妨礙即行禁止英輪行駛該河但華輪亦須一律禁止英國輪船東可向中國人民在河道兩岸租棧房及馬頭不逾二十五年租期期滿如彼此兩願續租亦可從新再議章程儻英國輪船東不能以公道之價向中國人民租得棧房及馬頭者則可租地建立棧房及馬頭其租期亦以二十五

張文襄公全集

卷八十四 電奏十二

五

年爲期如期滿兩願續租彼此亦可從新再議租約惟議租時須報明地方官存案英國商民所租棧房及馬頭須納稅捐所租之地亦照納稅捐如同中國人民左近相類之房產一樣英國商人只能用中國代理人及辦事等人在該內河行輪處所居住貿易英商亦可隨時前往察視其生意情形又中英兩國議定將江門開爲通商口岸又議定除緬甸條約專款所載各地方外准英國輪船在下列各地按照長江輪船停泊處所章程起卸貨物及搭客即北山口羅定口都城又議定英國輪船准在下列東西江十處起落搭客即容奇馬甯

九江古勞窪永安後灘祿步悅城六都封川至章程應須修改之處即請外務部仍交總稅務司詳細從速核議以免疏誤又馬使所索通商口岸應有利權一節按馬使前此抄送光緒二十四年各駐使照會總署文稿辯論城口二字甚詳即請大部查示旋奉電復作爲城邑之口辯駁道即照辦馬使謂當時總署並未照復西例應作爲默許況係舊約載明以口岸起訖界址迄今未定常有爭論是以必欲聲請檢查江甯條約雖載城邑爲領事等居住港口爲民人等居住貿易而天津條約則已併城口爲一准其任便居住貿易況馬使謂華

張文襄公全集

卷八十四 電奏十二

五

英文不符英文則並未區別令繙譯等細核馬使所言尙實際此時局斷不能強令將舊約已許者刪改既無此權力更難措詞抵制然又不能不設法挽回一二且日本馬關條約直載明城鎮字樣較英約更爲寬廣將來與之議約更無法關關因與馬使推誠相告極力商籌始允含渾聲敘如派員會定界址按照地方情形及條約定立將來英必可事通融若此時欲將城邑等字明爲抹去馬使斷做不到亦理所必然並與商允如在租界外居住洋人須遵守該處章程即在租界內居住華人亦不准免繳各項稅捐稍可挽回治權利權藉償

舊約所失議款如下英國人民按照條約應享通商口岸利權因界限不清隨時常有爭辯茲已議定如英國或中國國家欲派員會同定立界址即當就地會同派員按照地方情形及按照條約定立口岸界址以免爭論外國人民在租界之外居住須守該處地方上現有工部巡捕之章程與中國人民一律遵守無異非先商准中國官員不能自行設立工部局巡捕局中國人民無論在租界內或他處居住者應繳納各項稅捐不准假用英人之名希圖免繳以上兩節馬使力請核定方允將第八款加稅一起電致英廷加以到鄂後馬使允

張文襄公全集

卷八十四 電奏十二

三

我管轄之權及商議教案兩條共成十三款英約已完俟英廷核准即可具摺陳奏定期簽押請代奏迅即電

示洞海宜效

是日尙有致外務部效電一件今缺

外務部來電

光緒二十八年六月二十五日丑刻到

奉旨張之洞呂海寰盛宣懷等電奏所議內港行輪章程及推廣口岸權利兩款請迅即電示等語核閱各節於治權利權皆被侵損流弊甚多著責成劉坤一張之洞等再行詳慎籌商妥議具奏欽此外務部敬

劉制台來電

并致外務部及上海呂大臣盛大臣光緒二十八年六月二十五日丑刻到

養晚接鄂發兩會效電詢係綫阻故遲到河內行輪本係干以約外利益廿四年先後定章定有限制祇准由口岸至內地并由所至內地回口岸並非准其內地到處任意行駛既有定章在先誠難翻異第事本約通融官民已受累不淺若再不抱定原限受累更無底止無論如何要挾必當萬變不離其宗斷不能於原章限制稍有放鬆至內港二字照煙臺約第三端第四節所論內地二字相同實係定章之初為赫等欺朦所誤今已無可補救惟有執定原章行駛為限庶免再受虧損此事與正經貿易之英商實無

張文襄公全集

卷八十四 電奏十二

三

利益徒使中國受無窮之害不知馬使何以要求及此即赫議廿四條內亦謂小輪章關係不小惟所云察看各省損益隨地議定亦非妥善辦法事不可行幸鏡杏翁堅爭之際并切向開解不必使人損我又不能以公道之價租得棧房准其租地自造此亦萬萬不可蓋租賃民房租價高下雖同在一處亦難有定我以為公彼謂不公必欲自建即難阻止若小輪到處可以行駛所至內地又可建造棧房是水鄉各處與全行開通無異煙臺約沿江六處上下大輪之貨尚不准其設棧豈有內地小輪運貨轉許建棧之

理況小輪從無裝運貨物即拖帶貨船亦復罕有之事此其意實不在儲貨之棧直注意在到處開通使我不獲開通之益實受暗為開通之累如彼必欲議立此款必當切實聲明祇准由口岸至內地并由該內地處回口岸斷不能由此內地至彼內地任意行駛并不准自建棧房此為扼要之著至口岸一節中國通商始於道光年間江甯條約第二款載明上海等五處港口貿易通商此為開口之始通商之處所以名口岸者以其在口之濱岸地方便於泊船貨物上下也天津約雖有城口岸字樣城口岸既不能作為城

張文襄公全集

卷八十四

電奏上

三

內大凡通商之區多係近有城邑所謂城口岸即係城外之口岸之謂亦指買賣往來而言至於聽便居住賃屋租地等事本款下文即載明悉照已通商五口無異無論英文如何第既與五口無異是仍祇能在港口居住貿易尤為鐵板住脚是以煙臺約第三端第二節載明新舊各口岸除已定有各國租界應毋庸議其租界未定各處應會商各國將洋人居住處劃定界址云云中國已開新舊各口岸租界無論已定未定而通商之區要均在江河濱岸之地照煙臺約已劃定者固無庸議未劃定者亦不過將居住地段廣

狹酌量商定而已此不獨有各約可證更有實事可憑通商開口已歷數十年久有成約成法何能至今日由馬使強詞爭辯希圖翻異至馬關約第六款第一節所云添設口岸均照向開通商海口或向開內地鎮市一體辦理此指馬關約索添各口應照已開各口辦理而言故商約解義謂日約以西約為本比英美等約字句雖有不同施行要歸一律西人應得之利益日本無不從同西人未得之利益日本亦未嘗特異各省解說當知此意云云今馬使議款雖於城鎮等字蓋而不露然照所議不獨未定租界之處

張文襄公全集

卷八十四

電奏上

三

將來會定必致於城內外任意擴充即已定之處欲為翻異亦可執後約爭擴勢必將口岸繁盛之處為其併入界內於口岸事權利權盡失銷場之稅亦無可抽收此實萬不可允彼如必欲立款祇能照煙臺約聲明已定有租界者無庸議未定有界限者仿已定辦法量商務衰旺酌定廣狹會商界址庶得援已定之辦法範未定之界限不致將城鎮一併牽入此亦為至要關鍵未可稍有退讓者總之馬使前議加稅必欲中國政府允准照會該使方能轉送英政府勸請依辦今又謂須前兩款核准方允將加稅一起

電致英廷得步進步無非任意要挾加稅以免釐相
抵并非別有利益斷不能與稅釐毫無干涉之事因
此牽連強我受虧惟在鏡杏翁有以力折其非外部
主持於內大局幸甚坤漾

致軍機處外務部戶部江甯劉制台呂大臣盛大
臣 光緒二十八年六月二十一日未刻發

效電旨謹悉馬使議四條乃久已在滬向呂盛兩大臣
索議之事非到鄂始索議也其一條為添開四口岸已
於會奏第八款內奏明其二為修改釐章已於十四日
電達外務部並接外務部復電茲謹於本日另電奏明

張文襄公全集

卷八十四 電奏上

三

其三為口岸權利其四為內河小輪已於十八日將擬
立約文及利弊原委詳晰會電外務部據呂盛兩大臣
云惟第八款關涉加稅免釐者應歸入會奏此外電外
務部即可應請旨飭令呂盛兩大臣補行電奏抑或飭
令外務部照錄原電進呈以期迅速恭候聖裁查口岸
權利一條十七日電奏謂之推廣者乃揣度馬使來意
所圖謀者如此故揭明其隱以見必須力辯嚴防至議
定立約時其文內並無推廣字樣有十八日會致外務
部電可查馬使注意專在城邑二字以江甯天津煙臺
馬關各條約有城邑城口城鎮等字樣在滬及長江同

船爭論不知若干次到鄂復議因多方設法開悟馬使
令其不必專爭此條於英並無大益馬忽領悟遂不指
定城邑並將原款全境及城內城外等字刪去自願以
請定口岸界址了事並自願加入就本地情形之語洞
又加入住租界外者須守中國工部局巡捕局章程彼
亦允許是此次約文於此節只有就舊日條約所有者
加以限制並未允其推廣況近年洋人在各處口岸之
外任意購買地基愈趨愈遠漫無限制正宜趁此將各
處口岸界址各就各處情形會同永遠訂定勿令逾越
今馬使自願改為此等字樣實屬於我有益此一事也

張文襄公全集

卷八十四 電奏上

三

至內河小輪一條流弊誠多彼執光緒二十四年總署
已許內港小輪之案力欲推廣查核各關通行二十四
年章程洋文內港二字即是內地二字故此條駁阻極
難此次約文僅止大略皆係設法酌加限制考察之意
如馬頭行棧不用洋人租限二十五年不得承租之類
至其緊要全在詳細行輪章程馬使欲令奏賀兩稅司
往與伊議議兩三日後閱兩稅司所擬仍未妥帖故章
程堅持不肯與定會見赫德三月內致盛函言內河行
輪要端四條語語扼要因與呂盛商莫如歸赫議為妥
十八日馬使將行來晤力催小輪事洞告以此事乃赫

總稅司專責須由赫酌定我與呂盛兩大臣於行船細章皆不甚解裴賀兩稅司權力不足只可送交赫詳酌矣馬甚不願而無可如何相持久之馬遂以可允到滬斟酌一語自行轉圜而罷此二事也至新開四口岸一條與之約明洋人不能設工部局巡捕局已載入約嗣後並允不設租界亦經照會存案此雖名為通商口岸實與自開口岸無異此三事也覆核前次電奏實不敢稍有含混總計馬使索議各條皆係在滬屢向呂盛爭論者呂盛皆有電達各省從無到鄂創索開議之事至在鄂所允者皆較在滬所議爭加甚多從無較滬議減

張文襄全集 卷八十四 電奏上

三

讓之事因奉嚴旨不勝惶悚不敢不據實陳明除由呂盛兩大臣自行覆奏外謹先釋宸厪請代奏箇

致軍機處外務部戶部江甯劉制台 光緒二十八年六月二十

一日申 刻發

前接外務部真電以馬使必欲在鄂議鑛務查鑛務一款馬使抵鄂即以爲言洞照滬議力駁以此事不應列入商約且路鑛設有專管章程已照會各駐使即有應行修改須向部商辦馬使堅以鑛事有關商務修改係屬兩益此次加稅本非英商所願故必須列入商約以慰英商之望俾英議院不致有所扞格若不議鑛務則

一切罷議相持許久洞等再四密商馬使交來之款係欲中國允照英國指出之意修改章程如此自然不可與議莫若由我自出一辦法與之商訂須由我采取各國通行章程酌量仿照修改改定後令各國開鑛洋商一律照辦則於我主權利權必無所損且不致爲一國獨擅其利蓋西國與中國立約不免恃強攘利若西國與西國通行之約必是公平斷不肯令本國自損權利是照各國通行章程已將馬使照英國之意一語全行化去蓋照外國指出之款修改則人爲政而利在人矣我采各國章程改定後令洋商照辦則我爲政而利在

張文襄全集 卷八十四 電奏上

三

我矣幸彼無詞可駁居然照允此次美國開來應議條款有美國人應得在中國無論何處購租鑛地開辦各鑛一條漫無限制必應駁阻且將來法必爭川滇鑛德必爭山東鑛若藉英約議有限制以後即可爲駁阻美法德之根且可將從前鑛章未經想到防到者補訂周密此乃將彼所索有益於彼之款變爲我所索有益於我之款實於中國有利無害事機可謂湊巧嗣接外務部洽電章由我改不失自主之權惟另議不入商約更妥希詳核辦理洞等公同商酌此舉既於中國有益無損莫若入約爲妙恐狡黠洋商不願受我範圍甘守公

道挑播馬使將有翻悔他國更難繩削馬使又請議立
期限慮我允而不行因與訂爲第九款其文曰中國國
家因知振興鑛務於國有益應招徠中國及外洋資本
興辦鑛業是以由簽立此約之日起允於一年內自行
將現行章程修改妥定中國應即認真迅速考究鑛務
采擇英國印度及各國通行鑛務章程中之於中國情
形相宜者將現在之鑛務章程從新修改以期一面於
中國主權毫無妨礙於中國利權有益無損一面於招
致外國資財無礙比較外國通行章程於鑛商亦不致
有虧俟中國所定之鑛務新章一經頒行凡承辦鑛務

張文襄公全集

卷八十四

電奏十一

雷

者即須照新章辦理等語查印度開鑛章程乃英國自
爲印度主人定此鑛章以待各國來開是印度之鑛即
英鑛也其章程已經譯出地主之權甚重限制甚多分
利甚優并聞他國鑛章各有佳處儘可由我博采當即
分投訪尋會與馬使切實聲明須採用各國通行章程
不能專采一國馬已應允請代奏之洞海寰宣懷同叩
箇再此電十九日洞已與呂盛兩大臣面商定稿因洞
連日患病至今未愈是以今日始發合併聲明

致外務部

盛大臣主稿
九日發

光緒二十八年七月十

准英使馬凱照稱現奉英政府訓條謂應議定所加之

進出口稅須留爲各省督撫以抵向來所收百貨釐捐
之用不得將此進款歸入海關正款亦不得抵押新借
洋債請將此事奏陳並請明降諭旨即與條約一併宣
布等因查此事雖經於會奏第八款時陳明在案惟究
係內政不便據馬使照會入告致啟外人干預之漸應
作爲坤一等陳請奉旨後將此原奏及所奉諭旨照會
英使作爲約中附件較爲得體謹擬會奏電陳文曰竊
查各省所收各項釐金款內以撥還息借洋款爲一宗
撥解京協各餉又爲一宗其餘留供本省度支現與英
國修改商約彼此議定加稅以補第八款所載應裁各
項百貨釐捐除還現在洋債抵押本息外自應分別撥
補抵解免致各省爲難並不得挪作別項之用及將此
款抵押新借洋債亦不得歸入海關正稅項內以符加
稅抵補百貨釐捐之原議相應懇請將上列各節明降
諭旨飭下戶部查明各省裁免各項釐金向來應解應
留各數目俟加稅免釐條款舉行開辦之日分別派撥
各省俾資應付而昭允協請代奏坤一之洞海寰宣懷
效

張文襄公全集

卷八十四

電奏十一

雷

軍機處來電 并致劉制台呂大臣盛大臣 光緒二
十八年七月二十九日亥刻到
奉旨劉坤一呂海寰等電奏悉所有十九日電請旨

一節仍著責成劉坤一張之洞妥酌如果別無用意確無流弊即行傳旨著照所請欽此

致軍機處外務部 光緒二十八年七月二十八日 寅刻發

恭讀有電飭令畫押諭旨內云仍將各條詳核務臻妥善儻有後患惟該督等是問等因曷勝欽悚查內港郵政一款係外務部據赫德所擬辦法令添入約甚為周妥今馬凱兩次所改約文與部電之意大不相合部電係除中國郵政局信外概不准帶其意蓋謂不准帶外國信也方今沿海長江各國已設郵局不易收回惟有內地水陸各路赫德正在分設尙可略存中國權利今

張文襄公全集 卷八十四 電奏十一 奏

內河洋輪准帶洋信列入約章從此內河郵權亦不能自主矣如不入約以後尙可徐商故洞三次電請外務部詢赫德此款馬改之文或應刪或應留以便遵辦迄未蒙電復今雖奉旨畫押聞呂盛大臣尙以加稅撥款字義不足馬使未肯畫押電奏請旨又接呂盛有申致外務部電郵政節內有云此節如須刪去即毋庸議是此條現在尙可刪除蓋鄂請詢赫酌刪者乃刪馬使所改之文非刪外部電令增入之文也若照部電赫擬原文則極為周密妥善豈肯刪之呂盛電謂郵政一條部令增入江鄂請刪實屬誤會竊思此時如已詢赫德以

爲不必刪則毋庸議如尙未詢赫可否請旨電飭呂盛大臣如尙未畫押即將此條刪去以待將來妥籌如已畫押則只可飭赫德另籌救補之法洞爲恪守部電原文遵旨慎防後患起見不敢不據實陳明恭候聖裁請代奏感玄

張文襄公全集 卷八十四 電奏十一 奏

張文襄公全集卷八十四終 新城王樹樸校

子貢參日軍全書第 3 版又小

張文襄公全集卷八十五

電奏十三

致軍機處外務部江甯劉制台上海呂大臣盛大
臣光緒二十八年八月初六日巳刻發

樞東電悉俄使所言約內只許口岸製造乃日本約所
許此次並無許內地製造之事出厥稅力爭始允抽十
似不為輕口岸設洋廠利歸洋東者二利歸土貨華工
者八較之洋貨全自外來尙可稍塞漏卮洋員監察常
關鹽土稅議定由督撫選派不過杜絕苛擾重征百貨
諸弊以釋英商之疑洋員僅止查弊抽收增減之權仍
張文襄公全集卷八十五 電奏十三

在華官所言似均無足慮惟用洋員慮失自主權一節
若專指監察之洋員則未確若統論各海關稅司則不
為無見俄人既言及此我正可藉此與赫德商即以俄
人挑剔為詞蓋海關稅司及幫辦各國人皆用獨不用
中國人華人只充書手及賤役耳總稅司此舉太不公
平自當訂明兼用中國人應令總稅司選中國上等入
至海關學習數年即可勝任以便將來參用若我國勢
漸強則海關洋人可漸減蓋俄最忌英此乃絕好機會
趁俄人此次挑駁望即速與赫商漸漸收回關稅自主
之權實有大益事雖不能驟辦必須趁此安根東三省

郵政俄不應阻我用外國人江督劉所言真灼見俄人
肺腑管見則謂亦宜趁此與赫德議定東三省及各省
皆中國外國人兼用惟內地各省或暫由稅司試辦將
來仍歸中國官辦則郵權不致旁落而俄人亦無詞矣
去年遼約藉英以阻俄此次海關郵政正可藉俄以馭
赫鵠蚌相持中國之利機不可失遵旨通籌覆陳請代
奏昧

軍機處來電 并致劉制台 光緒二十八年八月初
一日亥刻到

俄使昨至外務部言與英所定商約常關鹽土等稅
皆歸海關洋員監察及內地製造均失中國自主權
張文襄公全集卷八十五 電奏十三

利出厥稅亦太輕殊不合算又言東三省郵政祇當
中國人自辦不能派各國人等語奉旨知照務即通
籌妥酌作速分別商辦勿致藉生枝節為要樞東
致軍機處 光緒二十八年九月初八日酉刻發

奉旨署理江督蒙恩感悚本應趕速赴江惟鄂省經手
要件太多必須略為清理洞近來多病今年尤甚以時
局多艱事機緊急不敢請假遇公事稍繁輒發頭暈舌
燥股足軟弱夜不能寐諸證僚屬共見故諸事只能量
力趕辦大約必須十數日方能啟程本月下旬必到江
甯萬不敢稍事耽延現已電致江甯藩司揚州運司上

海道洋務局及各統領如目前有十分緊要重大事件隨時電知即可電復商辦不至貽誤除啟程日再行電奏外請代奏庚

軍機處來電 光緒二十八年九月初六日亥刻到

光緒二十八年九月初六日內閣奉 上諭兩江總

督著張之洞署理迅速赴任湖廣總督著端方暫行

兼署欽此奉到電旨即欽遵辦理樞魚

致軍機處外務部 光緒二十八年九月二十三日亥刻發

頃接滬電盛大臣現丁父憂無論如何想百日內斷不能出而治事美日商約正在相持喫緊之際呂大臣一

張文襄公全集 卷八十五 電奏十三

三

人恐難獨肩其責查使美伍大臣熟諳外國律法深通交涉與美廷相交甚洽若令任議約之事必能得力擬請鈞處裁酌代奏可否請旨電飭伍大臣刻日東裝回國界以議約之任實於商約有益計由美取道東洋至滬不過一月之程美館現無要事使務暫令參贊代辦可無貽誤再商約重要細密全賴集思廣益協力堅持前議英約多賴前江督劉同心匡持之力此時美日兩國之約日本要素更多美所索亦有難行者至加稅一節則美日均不願照英約所加之數持之甚堅辯駁非易洞才短多病精神思慮不能周到美國商務尤重北

洋擬請添派北洋袁大臣會議各國商約諸事得以共相討論商酌辨駁袁大臣辦事素有識力深諳交涉操縱多一人籌畫或可多保一分權利必於大局有神洞為商約緊要急須得人起見旬日以來籌計焦思不敢不敬陳管見以備朝廷采擇是否有當不勝惶悚之至請代奏濛

致軍機處外務部 光緒二十八年九月二十九日午刻發

奉旨派候補四品京堂伍廷芳會議商約事宜深幸得人可以共資商酌惟美日開議已久尙無眉目擬請旨電飭該大臣迅速回華美館使務暫交參贊代辦無庸

張文襄公全集 卷八十五 電奏十三

四

候梁誠到洋接替以期伍廷芳早日到滬開議免致外人催促請代奏世凱之洞同叩豔再此電係袁大臣自正定來電商明會奏並陳

致外務部 光緒二十八年十月十一日子刻發

初十日 皇太后萬壽洞偕同城文武在水師學堂設筵慶賀各國領事兵船官主教習等四十餘人咸來慶祝如禮皆以永敦睦誼為喜賓主歡洽聞各領事皆將電告其政府謹電聞請代奏真

致軍機處外務部 光緒二十八年十一月十三日辰刻發

英泰晤士報館來告曰聞現在東三省邊界設立稅關

係歸前在旅順管理財政之俄人名博羅達夫者辦理現已由其招募俄人多名不歸總稅務司節制所收稅項除清費用外交還中國如此辦法一經中國照允則德於膠州法於越南邊界英於緬甸邊界香港等處定必援請照辦或各國竟於北京各舉總稅司一人共管中國關稅等語查英人所重者其意蓋不願分赫德之權而我中國則以自守主權為主既名中國稅關則事權應由我自操無論歸赫德與否若事事由我自主則他人自無可藉口其關稅出入各關經費必須由我稽查酌定不能由俄人作主支除交還稅司等員應由中國自派或由俄人薦舉者亦應多舉數人由我選定如有不妥我隨時有辭退之權必須議明參用中國人並須兼用各國之人藉以牽制俄權上也不然必須中俄並用斷不能專用俄人次也萬不得已或暫由俄人代辦亦必須訂定歸還中國自辦年限以速為佳免致永為所踞又其次也前議英約時俄使曾向鈞處言常關鹽土等稅歸海關洋員監察失中國自主之權今東三省稅關竟專歸俄人辦理我不能過問豈不更傷主權乎似可卽以此語反詰之彼將何說赫德把持中國海關久為各國猜忌輒欲公共管理奈無隙可乘此時稍

張文襄全集

卷八十五

電奏十二

五

不檢點略失主權不惟東三省利權盡歸俄人且恐他國藉口各省關皆將效尤至赫德所攬之權更無收回之望竊謂急宜趁此機會一面與俄人妥定章程以為日後陸續收回赫德利權之根一面即豫籌漸收赫權之法此事所關至鉅有聞不敢不陳伏祈聖明裁斷力保主權東三省幸甚天下關稅全局幸甚請代奏元

致軍機處

光緒二十九年正月初九日已刻發

淮鹽釐課每年六百餘萬新案賠款及舊案洋債京甘各要餉大宗皆取給於此近數年來委辦淮南北鹽局各員大率皆營私害公賢者十不獲一私囊日飽銷數日虧私梟日熾商人日困淮綱大局殆將不支自運司程儀洛到任後廉介率屬精心實力事事整頓不避嫌怨各員稍有忌憚現正籌辦大舉緝私除弊恤商諸事年前已具奏數日內當可上達其餘各事正在陸續籌辦該運司操守才能實為數十年運司之冠其才具可及其破除情面今日司道中斷斷無人能及頃該運司已升廣東臬司恐該運司兩年心血盡付東流實為可惜伏念淮綱盈絀關係極鉅江南籌款大宗惟恃鹽務鹽務理則歲增數十萬並不為難鹽務壞則歲減數十萬耗於不覺江南賠款用款立即束手至其盈絀之故

張文襄全集

卷八十五

電奏十二

六

實由辦鹽務者之賢否為之合無仰懇天恩俯念淮網緊要准將運司程儀洛暫行留署運司一年再赴升任實於江南財政大有裨益洞深知淮綱日見頹敝江南財用難支不敢緘默不言是否有當仰候聖裁不勝惶悚待命之至請代奏佳

致軍機處 光緒二十九年正月二十一日亥刻發

頃恭閱電傳邸鈔奉 上諭岑春煢奏川省商務鑛務請派大員督辦一摺四川商鑛各務關係重要仍著責成岑春煢督辦江蘇候補道鄭孝胥著發往四川隨同辦理欽此查道員鄭孝胥平日究心武備素以練兵為

張文襄公全集 卷八十五 電奏十三 七

急故於新式槍礮製造之法有志講求從前隨使日本三年有餘親歷其礮兵工廠考究製造理法致力甚勤上年臘月因辦理上海製造局道員毛慶蕃經北洋袁大臣奏調赴津委辦銀行事務當經遴委該道鄭孝胥馳往上海接辦製造局務責成其裁節冗費整頓廠務於十二月十二日奏明在案現正籌議節省巨款另購新機由江省以次批及外省令各營軍械皆歸畫一籌議已有規模日內即當具奏誠令久於其事成效必有可觀若鑛務本非該道所長用違其才難期有濟況當今急務莫要於行軍利器而上海製造局為天下第一

重要關大之局若辦理不得其人徒致百餘萬巨款半屬虛糜製械草率臨用誤事目前江省道員中如鄭孝胥之守潔才長能勝此局之任者實難其選合無仰懇天恩免其發往四川仍准留辦上海製造局實於軍實有裨不勝急切待命之至請代奏箇

致軍機處外務部天津袁宮保 光緒二十九年正月二十五日子刻發

准外務部號電修濬黃浦江奏請由南洋派員奉旨依議本應遵辦惟此事為害中國太鉅萬不敢輕率派員不得不為朝廷瀝陳之按公約附件中國國家出費一半與各國干涉者出費一半所謂與各國干涉者指各

張文襄公全集 卷八十五 電奏十三 八

國租界產業江口一帶田地產業以及進出江口洋式船隻而言其中業主船主華民居多是中國官民共出費十之七八各國祇出十之二三而該局人員中國祇有三員英國人須有八員其權實為外國所操查上海舊日各租界名為中國境內實已與各國土地無異今照公約所有自製造局起至揚子江中以及各河道港口往上一二邁勒之遠又歸該局管轄徵收課稅是自吳淞口起又深入五十餘里至製造局下界之灤華港止無論水陸全行劃歸各國管轄將來官民船隻往來行止停泊皆聽命於洋人即兵輪赴製造局裝運兵械皆

受挾制稍有波瀾立即禁阻是一舉而將此等大局衝要水陸守險治理之權全行屬之外人爲害何堪設想查北方拳匪滋擾各國商務受虧然天津開濬北河所有河道仍歸中國管轄條約並未奪我主權請查詢北洋大臣自悉而東南極力保護商務各國洋商安堵如常乃修濬浦江反欲攘奪主權於情理尤不平允查各國求修濬浦江無非爲便益商務起見乃乘我急迫不暇計較之際朦混入約議約之時前督劉會剴切電達全權大臣李據理力爭全權大臣李即據以照會各使而各使照覆亦曾應允不侵我主權有案可查比及約

張文襄公全集

卷八十五

電奏十二

九

查此約以三年爲期三年後即可商酌改章前督劉廷岩一年有餘實非無故聞上海法總領事頗不以此約爲然允暗中請其公使設法助我德領事亦允決不助英催我去冬今正上海道袁樹勳二次來省專爲籌商此事反覆籌思並密訪之外國人惟有自認全費一策或尙可希冀挽救現查若照原約中國國家出費一半每年須費廿三萬又華民業主船主出費二三成計亦十萬上下中國已出三十三萬孰若多出二三成每年自籌全費無庸各國設局代謀使彼不能藉口干預或可保我主權若一經派員各國設局即無挽救之策擬

張文襄公全集

卷八十五

電奏十二

十

法我理甚長况各使前既應允不侵我主權我今日自宜執彼已允之語與之堅持且各國商人免籌經費於彼亦屬有益或可允從抑或別有保權良法推宕機宜務祈外務部切商各國公使並電我各國駐使徑與各國外部理論冀可挽回並請敕下北洋大臣袁會同籌議阻止防患良策以期集思廣益共保主權不勝憂焦迫切待命之至謹密切瀝陳請代奏有

軍機處來電 光緒二十九年正月二十九日寅刻到

電旨張之洞電奏悉修濬黃浦江一節認籌全費自行設局辦理所陳不為無見著外務部切實妥商並

張之洞全集 卷八十五 電奏十二

十一

會同袁世凱張之洞籌議具奏欽此儉

致軍機處 光緒二十九年二月十二日子刻發

前電奏請留道員鄭孝胥仍辦上海製造局奉旨四川商務鑛務緊要道員鄭孝胥著仍遵前旨發往該省隨同辦理上海製造局亦關緊要著張之洞遴派妥員認真經理欽此自應欽遵遵員接辦查該局乃東南武備根本誠如聖諭亦關緊要且每年開支甚鉅人皆視為利藪紛紛營謀非廉幹任怨之員斷難勝任江蘇道員中除現有要差外實難其選前經電奏陳明在案查有湖北候補道趙濱彥操守清廉風骨剛鯁辦事認真不

避嫌怨以之接辦上海製造局務必能考工節費裨益軍儲相應請旨電飭兼署湖廣督臣端方迅飭該員刻日來甯以便派赴上海接辦局務神鄭孝胥早日交卸赴川以副宸厯請代奏文

外務部來電 光緒二十九年二月十四日到

文電已進呈奉旨著照所請欽此外務部寒

致軍機處 光緒三十年二月十五日戌刻發

十三抵鄂十四接篆請代奏咸

致軍機處 光緒三十年三月十二日亥刻發

江南製造局移建槍礮新廠一事之洞陛辭時面奉懿旨飭赴江南查考會商妥辦回任後諸務紛雜不得不

張之洞全集 卷八十五 電奏十三

十二

略為部署茲定十三日乘輪前往江南先至蕪湖勘視灣沚地方形勢再赴江甯與兩江督臣妥商辦法請代奏文

致軍機處 光緒三十年四月二十三日亥刻發

洞於二十三日回鄂除奏報外請代奏彙

致軍機處 光緒三十年六月十五日午刻發

前奉感電旨湖北新軍尙稱精練能否調赴廣西合力援剿著張之洞即行電奏等因欽此當因湖北新軍武建八營前已調赴廣西駐紮龍州辦理邊防常備左翼

八營續又奉調赴北駐紮通州協防畿輔現在省城兵力無多添募之營尙須訓練不得不抽調省外防軍以資派遣正在籌辦調撥間續奉江電旨著卽毋庸前往等因欽此並接桂撫柯電謂三陞收復人心稍定鄂軍毋須再撥以免勞費等語自應欽遵諭旨鄂軍毋庸前往惟近接湖南護撫張電知桂林匪警又逼湘邊異常喫緊黃忠浩一軍由湘西赴桂取道不免紆曲其由全州至永州大道乃當年髮逆由桂出湘熟路最關重要湖南僅有張嘉鈺一軍駐紮黃沙河一帶兵力既單其軍亦不足以當強敵江蘇道員杜俞一軍到防未知何

張文襄公全集

卷八十五 電奏十二

三

時永州防務較靖州尤爲喫緊私衷萬分懸系必須有宿將重兵出境力遏其衝方爲正辦查提督劉光才膽識過人戎行老練之洞所深知近日廣西匪情尤爲熟悉前聞已由廣西回寶慶原籍經晉撫奏署大同鎮奉旨令來京陛見該提督現尙在湘其部下驍弁精卒亦尙未散擬令就地迅速招募精壯八營一切照湖北軍營規制選派得力營哨官弁管帶操練歸劉光才統領成軍後刻日馳赴湖南道州邊境以外在廣西全州一帶扼要防截相機迎剿總之桂林省城以北爲止所有餉項軍械均由鄂省籌撥俟半年以後察看湘省沿邊

及桂林以北匪情或留或撤再行酌量奏明辦理除電湖南護撫張錄電飛咨劉光才迅速查照辦理外合無仰懇天恩俯念湖南邊防緊要准令劉光才暫緩赴京陛見留於湖南由鄂派委統領新軍前往全州一帶駐紮防剿桂匪以固湘邊湖南大局幸甚再此事因與湘省往復詢商是以覆奏稍遲合併陳明請代奏咸

致外務部

光緒三十年六月十八日午刻發

篠電悉施南教案據該府縣查明電稟係因天主教會主教德希聖率帶多人前往沙子地游覽路經花背有福音教民向元新欲看德主教被德主教隨行教友買

張文襄公全集

卷八十五 電奏十二

四

澄清喝攔掌嘴彼此爭吵經向光錫向德主教求情德主教令向姓於初六日在沙子地教友李家炳家備酒八桌放鞭六萬服禮寢事初七日德主教等將要起身觀看人衆賈澄清稱前所放鞭尙未足數勒令向姓將鞭補足沿途燃放以致激成衆怒紛紛喧嚷匪徒乘間將德主教德神甫董神甫三人殺斃並斃華教友四人燒毀李家炳蔡賢欽陳漢科之屋隨即解散並無另有一洋教士被捉亦無鬧教堂之事已將德主教等屍骸妥爲棺殮派人看守一面速拏首要各犯訊明懲辦等語迭經飛電嚴催該地方文武懸賞勒限捕犯嚴辦並

飭宜昌鎮陸續添撥勇隊二百餘名又由省城特派常
備軍一營先後馳往彈壓保護協緝要犯前派查辦道
員左元麟已抵宜昌現借法領事所派荷國田教士同
往確查詳報妥議辦法昨又據施南府縣電稟已獲犯
二三名研訊尚無端倪等語該地方文武疏於防範首
要各犯尚無弋獲應請旨先將代理施南府知府湖北
候補同知何錫章署施南協副將吳友貴摘去頂戴本
任恩施縣知縣王鴻賓暫行革職留緝勒催擊犯俟獲
犯再行開復再被殺三教士均係比國人並聞除俟獲
到正犯再行電聞外請代奏示復嘯

張文襄公全集

卷八十五

電奏十三

十五

致軍機處

光緒三十年七月十二日亥刻發

之洞前奏請留提督劉光才統領湖北新軍八營前赴
全州扼防湘南大路奉旨允准續經元鼎以湘西喫緊
奏請截留劉光才所部馳赴寶慶靖州一帶防守西路
奉旨令與之洞會商辦理遵經往復電商當因桂匪悍
股屯踞老堡口近又分竄梅寨古宜岌岌可危並聞有
零匪竄入貴州永從縣之大年河該處與靖州接壤論
現在情形湘西防務實較湘南為重已定議飭劉光才
親率所部兩營營馳赴寶靖一帶擇要扼紮以重西防
惟兵力尙單已照湘省營制由湘添募四旗撥交劉光

才統轄此後劉光才一軍即歸湘省調遣如湘南大路
有警鄂省擬即由所練常備軍內抽調數營派令原帶
之員統率前往仍照原議出湘境赴全州一帶相機防
剿以顧南路現已密為部署聞警即行俟開拔時再行
奏報似此西南兩路分籌防剿較為周密所有劉光才
一軍遵旨會商辦理情形請代奏之洞元鼎同肅文

致外務部

光緒三十年八月二十五日子刻發

施南教案疊飭刑宜施道余肇康湖北試用道左元麟
在宜昌與法參贊買紗納切實磋商茲已定議第一款
懲辦兇犯已將獲案訊實起意下手之正兇向燮堂向

張文襄公全集

卷八十五

電奏十三

十六

元新向爵臣黃平山崔光熙黃玉階黃觀連黎登甲八
犯在施南正法梟示黃成宜黃鏡亭二犯解赴宜昌正
法梟示已死之崔春生一犯亦已戮屍梟示此外已獲
未獲各犯如訊有實係在場下手殺害主教等之犯仍
應按律懲辦第二款優予撫卹計一主教兩司鐸被害
共賠銀十萬兩造主教司鐸墓廬及撫卹被搶被燒之
各教民房產等項給銀二萬兩另幫助建造醫院善舉
銀二萬五千兩通共十四萬五千兩分五期交付至明
年臘月付清第三款酌給基地計在荊州城內代寬寬
長各二十丈之地基一塊為建造醫院之用在施南城

內代覓寬長各十丈之地基一塊爲建造教堂之用地
價及工程用費均在前項賠卹款內動支官不另給惟
所建荊州醫院及施南李子槽兩處教堂均須奏明給
予敕建字樣并飭地方文武妥爲照料第四款各官處
分議定本任恩施縣知縣王鴻賓卽行革職代理施南
府知府何錫章摘去頂戴三箇月現署恩施縣知縣王
祐記大過四次俟補官日罰俸三年署巴東縣知縣田
芸生記大過三次俟補官日罰俸二年署施南協副將
吳友貴獲犯甚多請開復摘頂處分第五款係稱謝湖
北辦犯迅速之意此外別無枝節業於二十一日彼此
張文襄公全集 卷八十五 電奏十三 七

畫押此案各教士極力鼓煽挑別謂主教品級甚尊所
欲甚奢意欲大興波瀾勢甚洶洶幸法參贊明白近情
尙受商量法公使不爲教士所搖動得以和平速結稍
堪仰慰宸厯除專案具奏外謹先電陳請代奏有

致外務部 光緒三十年十月十一日亥刻發

初十日恭逢 皇太后七旬萬壽各國領事借水師將
校隨員遊歷人員並稅務司鐵路員董工師文武各教
習洋員等均來慶賀設讌相待歡欣頌禱出於至誠總
領事等囑之洞代爲電奏恭祝 皇太后萬壽無疆強
泰安樂謹據情上聞請代奏真

致軍機處陸軍部 光緒三十年十二月二十二日
未刻發

湘省前奉電旨杜俞一軍著卽撤回江南分起妥爲遣
散等因欽此其時方在兩江署任一再與署湘撫陸往
復電商以湘防正在喫緊深慮撤遣或有他虞並因該
軍本係湘人擬責成杜俞在湘汰三留七帶回江南分
別留遣奏蒙俞允在案嗣之洞准粵督岑桂林來電以
兩江故署督李訪聞杜俞一軍聲名太壞屬舉員接統
事關大局不敢不告等語洞乃電詢湘省始知此事原
委維時適值滇軍遣勇在黔邊叛變長江一帶華興會
革命票匪正在武漢地方勾結亂黨消息甚緊當以杜
張文襄公全集 卷八十五 電奏十三 六

軍本張春發舊部素無紀律設聞遣撤之信中途譁潰
另生事端斷非杜俞所能約束岳州漢口皆通商口岸
華洋雜處稍有騷擾立構衅端巨患不可不防與其撤
軍不如易將電商甯桂湘三省擬令劉光才前往接統
仍令杜俞爲幫統嚴申軍律力加整頓去其敗羣者百
數十人全軍便可改觀俟桂事大定再定留遣旋接粵
督岑桂撫李覆電深以此策爲然時稷適到兩江署任
會同方詳加斟酌電鄂云撤勇比招勇難杜道平時旣
不能約束臨撤必難鎮壓且永州非撤勇之地儻有變
故非附桂匪卽成湘寇此時只有換將整理之一法亦

與之洞意見相同因即電致湘撫陸函詢劉光才令其酌量情形能否前往接統迅速具覆湘西電報不通近始據劉光才覆稱張慶雲近在黃沙河似可飭令接統若必須渠來則當帶原來之忠毅三營同往等語是劉意必移軍駐永方能接統杜軍以資控制然湘西又須另派他軍填紮則添營增餉湘力亦屬為難自不如仍令劉軍留防西路既免跋涉亦較熟悉情形查提督張慶雲本湘中宿將歷練甚深所部之在黃沙河永州一帶者尚有六旗黃沙河距永州僅九十里飭令就近兼統杜軍足資鈐束於事亦便此次方奉調撫湘道出武

張文襄公全集 卷八十五 電奏十三 九

昌與之洞面商定議復電商馥所見亦同體察情形儻令張慶雲接統該軍仍以杜俞為幫統約束整頓必能悉臻妥協所有該軍餉械仍由江南照案撥解謹合詞縷晰具陳請代奏周馥張之洞端方同肅養

致軍機處 光緒三十一年三月二十五日發

恭讀敬電諭旨以微臣染疴仰勞聖懷屢系天語垂詢惶悚感激莫可名言之洞所患係口瘡將及一年中醫云係心勞肝火病在內東醫云係胃熱牙蟲病在外竊自揣察中醫東醫之言均有所見大率數日內公事順暢睡時較多則痛止公事拂逆睡時過少則痛劇七月

以來延東醫診視並於飲食起居留意消息內外兼治已愈六七分謹當遵旨善為調攝早日就痊以慰宸厪謹由電復陳叩謝天恩請代奏有

軍機處來電 光緒三十一年三月二十四日戌刻到

電旨聞張之洞現在患病該督係屬重臣著即妥為調攝並將患病情形據實電奏以慰廑系欽此樞敬

致軍機處 光緒三十一年六月二十二日戌刻發

兩奉電旨因日俄直接議和令將現在因應及將來善後通籌電奏以備采擇曷勝欽悚查日俄議和俄必願我與聞日則斷不容我與聞俄願中國與聞者欲借

張文襄公全集 卷八十五 電奏十三 三

中國地主為題從中攔阻一二免使日本將東三省權力多占則俄以後尚可乘機窺伺也日本不願中國與聞者我若與議則彼所欲得者我使臣必矜慎願惜多煩辯論彼所讓還者中國視為力爭收回不見彼之人情且恐中國與聞西國亦必干預則日本所得利益無幾矣且日本君民上下之意皆須俟攻克哈爾濱海參崴以後方能制俄之要害勒索極鉅兵費盡奪俄人遠東權力此乃一定宗旨總之視其兵威之所極以為和約之範圍然則日之要素於俄究竟能至如何分際此時日人亦不能豫定不肯自限現在庫頁島已為日得

海參崴後路已有日兵登岸俄之內亂日熾其東方人心兵力益不能支日之待俄不能定則其待我亦不能定故此時即中國有員與議亦無益況彼不允乎各報言外務部照會日俄謂關涉中國之事若中國不與聞者中國將來斷不承認聞日本復文不肯許可要之此照會乃應有之義自不可少無論彼認與否將來可執此照會爲爭論之根據然只此已足強聒無益惟有俟其與俄定議後我方與之開議大抵抱定日本宣布許我之完全主權爲定盤鍼以東三省鐵路中國亦須酌分權利爲實際以俄人震驚陵寢荼毒人民與日兵

張文襄公全集

卷八十五

電奏十二

三

官可東西洋人參用而日本人無妨稍多三日中日兵合力駐守聞日本人言該國之意擬留兵二十萬人駐守亦知需餉過鉅中國難籌當於東三省就地籌餉查日俄定約後若無日兵斷難杜俄之侵軼日本固斷不放心我尤不能安枕且日索取俄之賠款亦必留兵或婉商日本彼暫駐兵十萬分數年次遞減撤我即在東省速練新兵用日本將弁教練統帶分年遞增至十萬總以華兵添足日兵撤盡爲度此項華日兩軍之餉應由東省就地自籌但將來無論華兵如何精強於哈爾濱及邊界尼布楚兩處日本斷不能全不駐兵若能主

張文襄公全集

卷八十五

電奏十二

三

近年來情形爲比較以結近援禦遠患爲歸宿所有節目只可臨機操縱似難豫擬此因應之大要也至於善後之法約有五條一曰徧地開放查從前俄據東三省時日本人卽力勸我以徧地開放爲抵制俄人之策今日俄去日來在我仍無以易此蓋非此無以慰各國均嚮之望亦無以杜強鄰吞併之謀惟徧地開放辦法其中條目差別不同應請飭令此次遊歷大臣至外國詳細考查期於中國情形行之無弊二曰變法此後東三省官制政法必須掃除舊習因時制宜方能保安且各國雜居非采用西法參用外國顧問官斷難控馭顧問

省界外方能議和俄不甘心必致由恰克圖庫倫窺伺
張家口以抵補其東隅之失此事中國固須嚴兵以待
然斷非中國獨力所能抵禦惟有俟日俄定約後與日
本熟商辦法彼慮俄由庫倫北來橫穿蒙境遼西截其
後路必助我設法防備總之此次日本若於東三省不
占最優權利慨然送還中國斷無此事然所得過奢則
既食前言又招歐忌彼亦不為日本為中國正所以自
為然欲強日本則不能不存中國俄專欲愚中國吞中
國純乎損我益彼日本既擅北海之權則不惟阻俄人
之橫行並可抑膠澳之恣肆故無論如何定議日本在

張文襄公全集 卷八十五 電奏十二

三

東方得何權利皆勝於俄人遠甚日俄待中國之情勢
孰暴孰和兩國之強弱於中國孰利孰害互較自明權
衡既審因應自易但日俄和議之成尙早總在三箇月
以後此時應請電旨密飭東三省將軍都統文武各官
體察目前情形各抒己見以備參酌以上因應一條善
後五條日俄比較一條皆專為東事計至於修明內政
力變舊習以免外人乘機要挾效尤染指此乃治本定
法自強通義累牘難盡謹專就東事密抒其管見備采
上年九月十六日洞遵旨密籌東三省事宜一摺大意
略同再此事因體察日本近日情狀是以覆奏稍遲合

併聲明請代密奏養

致軍機處外務部光緒三十一年七月十二日亥刻發

奉齊電旨敬悉查粵漢鐵路議與合與廢約一事疊奉
寄諭責成之洞妥籌辦理以挽利權遵經電商盛宣懷
會電駐美使臣梁誠照會美外部聲明合與違背合同
三省紳民萬口一詞力持廢約朝廷俯順輿情不能強
數千萬人遷就壞局自蹙生路等語美外部自接此照
會口氣始鬆嗣因盛宣懷與湘紳意見不洽旋復患病
之洞屢次去電皆不能復三省紳民及在東西洋各國
之中國留學生紛紛電致之洞情詞迫切萬口沸騰力

張文襄公全集 卷八十五 電奏十三

三

請之洞為三省紳民代表獨力擔承之洞不得不慨然
肩任許三省以必能收回始稍帖然乃徑電梁使切商
辦法自之洞與梁使直接商辦不攙雜他人以後宗旨
始歸畫一惟合與股東要挾刁難屢議屢悔相持半載
有餘之洞堅持定見相機操縱費盡苦心始克磋商就
範五月初經梁使聘用之美前外部大臣福士達與合
興聘用之美前兵部大臣路提美前按察使英格蘭等
商定節略文曰茲因中國政府將建築鐵路之特權及
合同注銷作廢又不准合與續辦路工惟情願給以公
道償費此項償費訂定總數計美金六百七十五萬元

中國政府可將合興在中國所有產業已成鐵路鐵路材料測量圖表開鑛特權以及在中國所有權利無論明指暗包一概全行收管所有合興已提之中國政府借票除已售之二百二十二萬二千元外一概交還中國政府查收至此項已售之二百二十二萬二千元或交還或收存仍聽買主自便如買主願意收存或全數或少數每百元應按九十元計由總數六百七十五萬元之內扣抵惟不論如何辦法此項二百二十二萬二千元借票在西一千九百五年五月一號並付息銀五萬五千五百五十元中國政府須至本日起於三箇月內照數付給又總共六百七十五萬元內中國政府須至本日起於三箇月先交二百萬元所餘之數須自本日起限六箇月內一律清付合興照收所有交款訂明由中國政府安速籌辦中國政府所交之款須至一千九百五年五月一號起至交款日止按年息五元計加付利息以上辦法應由中國政府及合興股東批准方作定議一千九百五年六月一號福士達路提英格瀾簽押此粵漢鐵路爭回自辦之實在情形也彼時因此約尙是草議須得比股東約期會議後方能作准又須將鄂湘粵三省應攤此項償費安商籌備始有把握是

張文襄公全集

卷八十五

電奏十三

三

以未敢輕率瀆陳現在此項贖路之款三省紳民以急切難得現款必須先借外債再行陸續籌還又以償費數鉅難認不無爲難堅屬之洞統籌合借再爲酌數分派當向英國商妥暫借英金一百十萬鎊約合華銀八百萬兩以十年清還年息四釐半不折不扣並不須以鐵路作抵已由英領事將草合同送來准可作數正在電致梁使轉催合興股東從速定議茲接梁使電稱合興股東摩根受比王唆使意圖翻悔美總統亦接到駐京美使柔克義電稱中國政府無意廢約且甚願美國接辦等語查此事屢奉諭旨飭籌廢約力保路權三省紳民爲大局起見志堅意決僉謂此路舍贖回自辦更無第二層辦法湘紳已呈明設立湖南鐵路籌款購地公司粵亦派定正紳來鄂會議開辦路工事宜並議定國民贖路股票辦法分投勸辦鄂士鄂民尤急盼觀成若仍令美國接辦比股必不能退比股即是法股法與俄合是此路仍在俄法掌握之中危險不可思議非但英國必有責言即三省紳民及中國在東西洋留學生亦必羣起譁噪竭力憤爭不成不休勢將橫生枝節別釀事端之洞固不能當此重咎且於國體大有妨礙仰懇聖明鑒察此路所爭者乃三省鐵路之主權非爭三

張文襄公全集

卷八十五

電奏十三

三

省鐵路之商利敕下外務部將朝廷俯察三省輿情決定除此辦法別無通融之意照會駐京美使並由外務部電知駐美梁使照會美政府俾得堅持前說不致功敗垂成爲外交笑柄國家大局幸甚三省士民幸甚除俟美股東定再行奏明請旨畫押暨粵督請派張振勳出洋招股一事容商妥另奏外請代奏文

軍機處來電 并致岑制台 光緒三十一年七月初九日辰刻到

電旨岑春煊電奏悉據稱粵漢鐵路爭回自辦贖路約需銀七百餘萬兩廣東分認三百萬兩已託張督代借洋債應急惟洋債還款粵力斷無可籌擬請特

張文襄公全集 卷八十五 電奏十二 三

派太僕寺卿張振勳出洋集款廣招內外華商不令暗附洋股等語此路贖回自辦實於全局有益出洋招集華股能否不至暗中攙雜別無流弊著會同張之洞妥籌辦理欽此樞齋

致軍機處外務部 光緒三十一年八月初四日申刻發

頃接駐美梁使電稱合興股東批准草約現由英格瀾福士達公擬售讓合同全以草約爲底本聲明中國大皇帝諭旨批准及合興議定將草約辦法施行等語誠細核此稿款式均尙合例詞意亦無出入已與合興議定西九月六號即中歷八月初八日會同簽字可否奏

明請旨照稿簽押乞鈞裁等語查此項草約前已由電奏陳詳核條款均尙妥協擬請旨准予畫押以期早日收回路權由三省自籌開辦實與大局有裨此約應洞與梁使兩人簽押洞即託梁使一併代押合併聲明除俟正合同由梁使寄到再行繕錄奏陳外謹先電達請代奏質

致軍機處 光緒三十二年四月初四日子刻發

奉三月二十一日電旨著將江召棠在教堂因傷致死情節先行查明迅即詳晰電奏欽此查此案前據江西撫臬照印出江令召棠受重傷後手書五紙洞三次委

張文襄公全集 卷八十五 電奏十二 三

員到贛明查暗訪又向江令家屬索得手書四紙筆跡相符語尤明顯江西前照出之各紙內緊要語云王安之逼令自割一刀復有兩人捉手用剪刀加截兩下等語新查出之手書各紙內緊要語云意是逼我自刎我怕痛不致死他有三人兩拉手腕一在頸上割有兩下又小字云痛二次方知割兩次欲我死無對證等語又云爲新昌案辯爭威逼立放犯事教民以致決裂被殺等語又云作驗即明白填傷單存案並要劉先生眼見相驗爲是等語此外大率皆言王安之威逼情形及代百姓向王安之乞恩並囑派人保護教堂催作作速

趁該令未死相驗各等語竊思中國醫件所供皆云被殺而非自刎法人斷不憑信姑置不論據江西咨送美國醫賈爾思證書云整齊的橫傷在咽喉靠喉結之上又一傷傷口參差不齊將喉結前面從中一直分開美醫證書又云整齊的橫傷是用利器割的其餘之傷非用利器美醫證書又云第一傷用力氣輕些第二傷刺用力氣重些等語此爲以刀自刎以後又受他人以剪截傷之確據蓋剪利於刺不利於割故傷口參差不齊自割故力輕人截故力重也又據江西咨送法兵船醫福庚貝畫押憑單云傷口係在喉核之上開作扁形均

張文襄公全集

卷八十五

電奏十三

五

橫寬三寸係用利器所割法官醫憑單又云有一第二傷口係直式與第一傷口作縱橫式亦係用利器所刺此口亦可容指等語此爲刀傷之後又受剪傷之確據也法官醫憑單又云至於兩傷是否同時似雖非同時亦相距不多時耳等語此爲直傷亦係在教堂所受之確證也法官醫憑單又云此傷能致死乎曰可內面腫潰流血過多欲不死其可得乎等語此江令死由教堂受傷之確據也查江令自書者中國醫件所言者法使固未必肯信豈美國醫所云甚至法國兵船官醫所言亦不足信乎總之兩洋醫皆謂係兩種傷一橫傷一

直傷美醫則云直傷重既係橫直兩傷後傷又重是江令實死於加功不僅由於自割實無疑義再法官醫憑單又云似此情形可斷爲自刎乎不能也又云頗似本人自刎之勢則又不能斷爲被殺也明係該官醫既不肯坐法國教堂之罪又不肯自受醫學不精驗傷不實之名故爲此騎牆之語然而實蹟難混公理難誣故法官醫亦只能作爲兩歧之語存疑之案法醫之語意蓋謂自刎被殺兼而有之明矣法官醫尙不能徑斷爲自刎中國何據而反斷爲自刎乎至英國醫生達歲所驗傷單在贛時堅索不肯呈出洞未見其全文但聞英醫

張文襄公全集

卷八十五

電奏十三

三

告江西各官云傷係一橫一直而不肯言自戕人戕與美醫法醫之言似亦無大歧異即云先有自刎一傷然江令書已屢云由王安之威逼總之傷憑醫定案憑證定洋醫既斷爲橫直兩種傷後傷較重然則後傷係何人所爲前傷因何事起衅自應一一研究方成信讞惟江令王安之均已死當時江令家丁茶房欲入內室均被教堂人力阻無人在旁目擊其教堂內要證劉宗堯艾老三胡宗賜三名前雖由法參贊白帶到贛一訊並未傳集多人質訊供詞一味推諉支離法主教動以兵船恫喝不肯交出覆訊然則加功究係何人自刎係如

何相逼抑或並無人加功無人相逼兩造均無質訊之人不能不憑兩洋醫傷單江令手書以為證據大約江西省城教民則皆曰自刎平民則皆曰被殺然詢訪在江西之英美各教士多有歸咎於王安之者足見公道在人法人欲保該國教堂名譽故以全力爭此一節事關交涉固難澈究然而國體所關民心所繫彼縱不認加功我亦決不能斷為自刎即至萬不得已之時存疑猶勝武斷至於威逼情節亦斷斷不能抹煞或謂江令傷本不可死因焚殺教堂後有人逼之自死尤屬秀民誣罔之言洞委多員徧訪實無此事查江令才具素優

張文襄公全集

卷八十五

電奏十三

三

官聲最好其新昌教案保全一縣民命弭禍定亂其功不小此次被害亦由於為民力爭雖重傷慘痛之際各紙手書皆諄諄以救民保民為念故江令死後江西士民同聲悲痛憤不可遏新昌上高兩縣百姓來省痛哭弔祭者絡繹不絕何止數萬人在法人恃強偏執外務部辦理自不免棘手惟洞奉旨確查詳奏不敢不據實上聞至於此案應如何議辦之處伏候朝廷裁度敕下外務部妥籌辦理總之江西教案無論與法人如何議結總不能歸咎江令雖不能責抵償於外人尚可存公論於中國俾日後可為江令奏請優給卹典以勵愛民

捐軀之良吏庶足以存國體而服民心且免教燄日張日後更難保護洞區區愚慮不敢不言仰祈聖明鑒察密電上陳請代奏支

致軍機處

光緒三十二年五月十九日丑刻發

粵漢鐵路收回後三省亟應籌定辦法集款興工以免虛曠歲月徒耗贖路款本息及小票月息此時廣東路已定議歸商辦湖北路最短已定議歸官督商辦湖南情形係官率紳辦湘路最長需款最鉅諸紳集議年餘尚無切實辦法良由議紳衆多意見紛歧必須有人總理方免推諉延誤查有新授順天府尹袁樹勛才具恢

張文襄公全集

卷八十五

電奏十三

三

閱識力堅定能聲素著衆論交爭又查有前國子監祭酒王先謙品學兼優資望老成主持正論不詢流俗前年初創收回粵漢路之議湘紳公舉侍郎龍湛霖及王先謙為總理經洞與前湘撫照會該祭酒在案龍尋即病故即王獨任路事於爭索路權一切深得贊助之力又查有前江西臬司余肇康心精力果綜核詳明勇於任事不避嫌怨湘省衆紳公議擬舉袁樹勛王先謙余肇康均為總理俾得倡率鄉黨各效其長籌款興工早著成績並擬請旨飭袁樹勛迅速回湘查勘路綫險易酌議籌款辦法布置略有端倪再行到任實於湘省路

事大有裨益此時回湘固可籌辦即他日入都亦可遙領毫無窒礙其以次任事各員容再博采衆議遴選分派請代奏效

致軍機處 光緒三十一年十月二十四日午刻發

昨接萍礦道員林志熙上海盛大臣來電稱江西萍鄉有會匪四起搶劫占踞上栗市聲勢浩大湖南之瀏陽亦拏獲會匪多名醴陵亦報起匪二股該匪等並有革命軍先鋒字樣懇請派兵越境會剿查該匪悖逆顯著夥黨繁滋到處響應萍礦及路已值銀數百萬若成燎原爲患更大不止鑛路而已湘撫來電已派兵往剿茲

張文襄公全集 卷八十五 電奏十三

由鄂派第八鎮十五協協統參將王得勝二十九標標統李襄鄰等率帶步隊全標三營礮隊二隊已於本日啟行惟湘水甚涸大輪難進現設法廣覓小輪拖至靖港舟行至沱洲乘鑛局鐵路車運到萍鄉會合湘贛各軍相機分赴萍醴一帶實力剿辦務期及時撲滅免致蔓延請代奏敬

致軍機處 光緒三十一年十月二十九日子刻發

兩次電旨恭悉疊接湘撫及萍醴來電匪勢尙熾已續派三十二標統帶白壽銘率領所部全標三營暨礮隊一隊馳往瀏陽會剿本日已啟行惟大輪並不能抵岳

州內河行甚艱滯又因湘軍多派赴瀏醴岳州空虛另派營官戴壽山帶一營四隊馳赴岳州填紮本日已到防矣請代奏豔

致軍機處 光緒三十一年十一月十三日辰刻發

據萍礦道員林志熙及鄂軍協統王得勝電疊接湘撫陽庚兩電匪目曾廣鏗供安源總頭目係蕭克昌匪衆約六千人均與會內通氣約定會合接應瀏股往江西一帶長驅直入密請防拏查蕭克昌係北洋大臣來函所指之內部頭目等語旋經該協統王得勝標統李襄鄰督軍會同贛省防營胡應龍於初十日拏獲正法該

張文襄公全集 卷八十五 電奏十三

匪黨羽蠢然欲動堅留鄂軍仍駐安源保厥等語頃奉十二日電旨飭拏蕭克昌謹以上聞再前數日湘撫電匪勢注重長沙又岳州鎮府縣電稟平江之匪將趨岳州出長江請兵甚急因又趕派標統吳元澤率楊續緒一營星夜赴岳填紮防剿早已到防此時湘匪已無大股惟有合力搜剿匪目以防復熾請代奏元

致軍機處 光緒三十三年三月初四日辰刻發

湖北去年水災收歉糧貴鄰省湖南江西久已閉糴四川止允運出五萬石武漢商民百餘萬不勝憂懼外縣均漸有惶急之象茲特飭關局各員勸諭日本商人及

香港華商采運南洋西貢暹羅等處米三十萬石來鄂平糶入口及沿江應請免徵稅釐相應電奏請旨飭下沿海沿江各省關均免稅釐鄂民幸甚且洋米連橋入口不獨於鄂省有益於沿海沿江各省均有益洞為安定長江各省人心起見仰懇聖恩速賜施行請代奏覺

致軍機處陸軍部光緒三十三年五月二十七日戌刻發

本日已刻接安徽司道聯銜電稱恩撫念六早赴巡警學堂大考會辦徐錫麟持槍亂擊恩撫身受數傷勢甚沈重餘人亦有受傷徐錫麟帶學生圍軍械所合城驚惶請派得力兵隊帶槍械子彈附輪速來等語查此

張文襄公全集 卷八十五 電奏十二

事非常之變實堪駭異皖省驚擾可知匪黨必當不少難保伏莽不乘機四起為亂當即派令第八鎮統制張彪湖北候補道李孺率新軍兩營礮隊一隊並兵輪兩艘即日星夜馳往皖省會商該省文武相機拏辦彈壓謹由電馳陳請代奏感

軍機處來電并致沿江沿海各督撫 光緒三十三年五月二十九日子刻到

電旨安徽匪黨滋事巡撫被戕殊堪駭異沿江各省匪徒素多亟應嚴密防範著各該督撫妥為布置勿任勾結以弭隱患而定人心欽此樞廿八日

致軍機處光緒三十三年六月二十九日亥刻發

近接外務部函電以日法協約有礙中國主權令籌抵制之策及整理內政之方外患日亟曷勝憂憤除專屬交涉各事已經覆外務部外查整理內政乃抵制之實際欲固邊防先定內亂方今革命黨各處橫行人心惶擾前奉明詔令內外臣工條陳時政竊思要政多端豈能數日間全行舉辦必須探源扼要方能靖人心而伐逆謀惟有仰懇聖明特頒諭旨布告天下化除滿漢畛域令內外各衙門詳議切實辦法迅速奏請核定施行此旨一頒人心自定亂黨秀民無可藉口所有立憲議會等事俱以此為基址自然推行無滯其他各要政儘

張文襄公全集 卷八十五 電奏十二

可詳審斟酌次第舉行切懇朝廷處以鎮靜固不宜為因循舊習所誤尤望勿為浮言張皇所搖宗社幸甚天下幸甚不勝惶悚迫切之至請代奏豔
外務部來電光緒三十三年六月二十日到
軍機處鈔交御史史履晉奏日法協約事機危迫請飭議抵拒之策一摺奉旨外務部知道欽此查日法協約約文前據日本阿部代使送部大略謂日法政府尊重中國獨立自主及其土地之保全在日法兩國得有主權保護權占有權之疆域相接中國各地確保秩序平和互相協助以保兩國在亞洲大陸地

位及領土之權等語法巴使亦來部面述本部以此
事關係重大亟圖補救擬告日法兩國以中國地面
中國自有保護和平維持秩序之責所有接近日法
兩國領地之中國各地方自應由中國自行確保秩
序及和平云因電劉使查取法文未到照會未發茲
史御史奏請自應公同籌議務希執事深思至計及
早圖維必在我能以實事見之施行庶免彼將來干
涉特先電商餘函達外務部二十日

致軍機處光緒三十三年八月初四日在駐馬店發

洞因趕辦交卸緊要諸政病體未能調治眩暈怔忡氣

張文襄公全集 卷八十五 電奏十三

喘舌乾諸症均未見愈因奉命日久不敢再延力疾於
初二日晚間起程初三日乘火車北上頃抵河南確山
縣屬之駐馬店扶病趕程支持甚覺艱苦恐奏報之摺
到京較遲謹先由電馳陳請代奏蒙

張文襄公全集卷八十五終 紹興孫家棟校

辛亥五月印行

戊戌奏藁

戊戌奏稿 序

序

起海濱疎賤之儒處百日至促之期冒盈廷守舊之怒當此
索專制之焰而開天下不敢開之口掃數千年叢積之弊開
中國維新之局雷霆霹靂民物昭蘇萬國震驚改視易聽自
古以來未之有聞也而吾師南海先生以之吾師雖通籍于
朝而歸講學于粵未嘗一日服官也及丁酉戊戌之間膠旅
之割常熟翁相國進賢于下

德宗景皇帝倚聽于上先生一旦起芒屨整冠裾明良相得
魚水君臣蓋自宋世來人士以經術文學爲人主敬信諫行
言聽大變舊法者自王安石以後未有其比也蓋自王安石
創經義試士之制行之千年武后行弓刀步石武科之制行

戊戌奏稿序

之千餘年肅何行漕運之制行之二千年皆至先生而後廢
之定國是請立憲大譯書派游學獎創新裁綠營放旂兵易
官制及後此百凡新制甚至剪髮易服皆自先生而始開之
繫中國數千年政治之變得失存亡之局二千年來未有若
先生關係之大者也嗟夫隱居以求其志行義以達其道古
未見其人則于先生見之雖然非有神武聖明之主推心置
腹先生又安能進盡忠言哉從古國家之盛治必聖主賢臣
之遇合而後成之在吾國則湯之于伊尹桓公之于管仲劉
先主之于諸葛周世宗之于王朴是也其在歐土則德威廉
第一之于俾士麥意伊曼奴核之于嘉窩是也
德宗與先生之詔曰他日更效馳驅共建大業若天祐之竟

其設施積至今日中國之強盛豈有比哉故夫聖主賢臣之
遇曠千載而難逢若既逢之且成功大效彰彰矣而歷于呂
武君臣同禍致使大業不就成功盡廢

德宗既升遐而先生亦永棄愍遺一老長流絕海中國岌岌
危于累卵及資政院既開議員群請開黨禁而未獲豈天之
不祐中國耶讀斯文者念天地之悠悠能不愴然而淚下也
宣統三年三月弟子三水徐勳敢書簡端以告國人

戊戌奏稿序

南海先生戊戌奏稿凡例

- 一 戊戌數月間 先生手撰 奏摺都六十三首 一代變法
之大略在焉 亦有代作者 戊戌抄沒多所散佚 即篇目亦
不能憶內子同薇文備先生女也 累年搜輯 鈔存得二十
篇 遲遲久待 終無由搜全 懼久而彌佚 先印之以應天下
之望 餘俟搜得陸續補印
- 一 存目十三篇 先附於此 搜得補印
- 一 各篇先後按月為次
- 一 先生進呈編書亦在此時 今將其序文五篇 附刻于後

宣統三年三月

編者弟子麥仲華謹識

戊戌奏稿凡例

南海先生戊戌奏稿
請告 天 祖誓羣臣以變法定國是摺 四月
請廢八股試帖楷法試士改用策論摺 四月
請停弓刀石武試改設兵校摺 四月
請開學校摺 五月
請廣譯日本書派遊學摺 五月
請勸工藝獎創新摺 五月
請裁綠營放旗兵改營勇爲巡警仿德日而練兵摺 五月
請尊 孔子爲國教立教部教會以 孔子紀年而廢淫祀摺 六月
請定立意開國會摺代 內閣學士潘普通武 六月
戊戌奏稿目錄
請君民合治滿漢不分摺 六月
謝 賞編書銀兩乞預定開國會期並先選才議政許民上言事摺 六月
請禁婦女纏足摺 六月
請開制度局議行新政摺 七月
請廢漕運改以漕款築鐵路摺 七月
請計全局籌巨款以行新政築鐵路起海陸軍摺 七月
請設新京摺 七月廿日後
請斷髮易服改元摺 七月廿日後
爭割旅順摺 以下暫闕
請勸農摺

請重商摺
請飭查盛宣懷借戶部款歲息六十萬撥充大學堂經費片
請裁釐金摺
請召用馮子材充京營摺 附保薦華軍畫片
請保護華僑摺
請改定法律摺
請改官制摺
請安外教摺
薦袁世凱摺
派督辦官報局謝 恩摺
遵 旨出京報啓行日期摺
戊戌奏稿目錄
進呈編書序目附
進呈俄大彼得變法考序 正月
進呈日本明治變政考序 正月
進呈突厥削弱記序 五月
進呈法國革命記序 六月
進呈波蘭分滅記序 七月
補錄
應詔統籌全局摺 正月
呈請代奏皇帝第七疏 正月
敬謝天恩並統籌全局摺 五月

請告 天祖 督羣臣以變法定國是



奏為決行變法請上告

天 祖。大督羣臣。以定國是而一人心。恭摺仰祈 聖鑒事。竊自東事敗後。近者膠旅繼割。國勢凌夷。瓜分日聞。幾不國矣。所以至于此者。一統閉關之治。與列國競爭之治。若冬夏冰炭之相反。水陸舟車之異宜也。今我國處競爭之新世。而行閉關之舊法。安得不危敗乎。夫秋扇必捐。堂簞無用。五月之裘難披。岸上之船不住。物之公理也。禮以時為大。而孔子時聖。逆天不祥。違時必敗。若當變不變。必有代變之者矣。與其人為變之。何如已自變之之。為安適。夫印度者人

戊戌奏稿

代變者也。日本者已自變者也。得失之故。可以鑒矣。

皇上聖明神武。奉天審時。知時變之宜民。親會通而行禮。審得失成敗之故。決維新更始之謀。誠為不世出而膺昌期者矣。然非常之原。黎民所懼。變易之始。守舊所疑。蓋變者無以定韶武鄭衛之聲。替者無以辨采色文章之美。蜀犬見日而吠之。愚聞閉塞之夫。安其所習。毀所未見。昔滕文公趙武靈王。魏文帝變法之時。父兄百官。蓋皆不欲。極力阻撓。俄大彼得之變法。羣臣陰欲廢之。惟賴諸主剛斷。不惑羣言。故能致治。強光烈昭著。比年以來。皇上有意變法。而盈朝洶洶。不可嚮邇。親貴抗違。耆舊力諍。羣僚面從而後言。舉政始行而中廢。乃至奉

旨發議乃推延而不議

明詔施行。乃束閣而不行。人心衆論。緝緝倏倏。譬行船駕駛。宜定方針。乃船主指之于南。而舵手推之于北。以此而求登彼岸。不亦難哉。臣愚竊竊憂之。又竊反覆為

皇上計之。若令守舊不變而土地可保。

宗社無恙。可長此終古也。則臣愚亦謂勿變也。然守舊不變之危敗成事。已見矣。故拘守舊親貴之意。則

宗社土地不保。試問守舊親貴與

宗社國土孰重乎。

皇上受

祖宗之付託。為國民所託命。愛

戊戌奏稿

宗社土地而保之乎。抑愛守舊親貴而保之乎。但以此比較

皇上今之行政。若何可以立斷矣。故今茲大變百度。非

皇上乾剛奮斷。不可即

皇上能奮乾剛而非大舉。誓禮明定。國是昭示。

聖意。俾萬衆回首。改視易聽。不足以一人之心而定步趨也。日本明治之初。決行變法。大集羣臣。以五事誓于太廟。蓋變法者必行之途徑階級也。

皇上上法滕文公魏文帝之英明。外探俄彼得日本明治之政術。乞明詔天下。擇日齋沐。大集羣臣。無小無大。誓于

天壇

太廟。亦如日本以五事上告

天
祖。採萬國之良規。行憲法之公議。御門警衆。決定國是。以變
法維新。爲行政方針。有違此誓。罰茲無赦。若行此乎。雷霆震
厲。萬物昭蘇。人心乃一。羣疑乃釋。然後羣臣恪恭震動。同奉
聖意。力行維新。天下更始。新政之行。當如流水。惟
皇上留意幸察。伏惟
皇上聖鑒。謹奏。

戊戌奏稿

請廢八股試帖楷法試士改用策論摺 四月

奏爲恭謝

天恩。特許專摺奏事。請罷棄八股試帖楷法取士。復用策論。
冀養人才。以爲國用。恭摺仰祈

聖鑒事。竊臣以疎賤。荷蒙

召對。詢臣以中外之事。救國之謨。對逾二時。皆承嘉納。
天顏有喜。並問取所著各書。咸令寫進。又令隨時上陳。特許
專摺奏事。殊恩異數。非臣之賤。所當被蒙。粉骨碎身。非臣之
愚。所能上報。臣竊惟今變法之道。萬千而莫急于得人。才得
才之道。多端而莫先于改科舉。今學校未成。科舉之法。未能
驟廢。則莫先于廢棄八股矣。夫八股之無用。臣即棄八股以

竊科第者也。從其業之既久。知其害之尤深。面對未詳。敢爲
我

皇上先陳之。夫自春秋譏世卿而選郊野。漢世舉孝秀而考
經行。六朝至唐宋。詞章與帖括並用。元明及國朝。經義與試
帖俱行。自周與宋。曾取士于學校。經漢迄今。多試士以策論。
雖立法各殊。科要較之萬國。比之歐土。皆用貴族。尤爲非才。
則選秀于郊。吾爲美矣。任官先試。我莫先焉。美國行之。實師
于我。夫若漢之光祿四行。宋臣司馬光之十科試士。朱子之
學校貢舉法。皆爲良法。惜不見行。且凡法。雖美。經久。必弊。及
其弊已著。時會大非。而不與時消息。改絃更張。則陷溺人才。
不周。時用。更非立法。求才之初意矣。惟宋王安石之以經義

戊戌奏稿

試士也。蓋鑒于詩賦之浮華。策實。帖括之迂腐。無用。故欲藉
先聖深博之經。文令學者發精微之大義。以爲諸經包括人
天。兼該治教。經世宰物。利用前民。苟能發明其大義。微言。自
可深信其通經致用。立法之始。意美法良。迨至明與國初。人
士漸陋。然挾經心而明義理。扶人倫而闡心性。當閉關之世。
雖未盡足以育才。興學。猶幸以正世道。人心。焉。惟垂爲科舉。
立法過嚴。以爲代理立言。體裁宜正。不能旁稱諸子。而雜其
說。不能述引後世。而謬其時。故非三代之書。不得讀。非諸經
之說。不得覽。于是漢後羣書。禁不得用。乃至先秦諸子。戒不
得觀。其博學方聞之士。文章爾雅。援引今故。間徵子緯。旁及
異域。則以爲犯功令。而黜落之。若章句。啓儒。學問止于論語。

經義未聞漢書。讀禮記則嚴劄國恤。學春秋則束閣三傳。若夫周禮以經國家。儀禮以範人倫。以試題不及無人讀。誦乃至詩書易禮之本。經亦復束漢注唐疏而不觀。甚乃學庸論孟之微言。亦只守兎園坊本之陋說。蓋以功令所垂。解義只尊朱子。而有司苟簡。三場只重首場。故令諸生荒棄羣經。惟讀四書。謝絕學問。惟事八股。于是二千年之文學。掃地無用。束閣不讀矣。漸乃忘爲經義。惟以聲調爲高歌。豈知聖言。幾類俳優之曲本。東塗西抹。自童年而伊唔華。仿妃青儂白。迄白首而按節吟哦。既因陋而就簡。咸閉聽而黜明。試官妄取謬種。展轉以相傳。學子循聲沒字。空疏而登第。雖有經文五義。皆以短篇虛衍。雖有問策五道。皆依題字空對。但八股清

戊戌奏稿

通。楷法圓美。即可爲巍科進士。翰苑清才。而竟有不知司馬遷范仲淹爲何代人。漢祖唐宗爲何朝帝者。若問以亞非之輿地。歐美之政學。張口瞠目。不知何語矣。既流爲笑話。復兼文衡。則其展轉引收。爲若何才俊乎。然凡此所譏。尙屬進士舉貢生員以上者也。若夫童試。惡習尤苛。斷剪經文。割截聖語。其小題有枯困縮脚之異。其搭題有截上截下之奇。其行文有釣伏渡挽之法。譬如中庸及其廣大草木生之。則上去及其廣三字。下去木生之三字。但以大草二字爲題。如此之例。不可殫書。無理無情。以難學者。不止上侮聖言。試問工之何益。而上自嘉道。下迄同光。舉國人士。伏案揣摩。皆不出此大草之文法也。夫人士之才。否國命之所寄託也。舉貢諸生。

爲數無幾。若重生者。士之初基。吾國凡爲縣千五百。大縣重生數千。小縣亦復數百。但每縣通以七百計之。幾近百萬人矣。夫各國試皆無額。惟通是求。而吾國學額寡少。率百數十額。乃錄一人。故錄取者百之一。而新試者不止百之一。故多有總角應試。耄耋猶未青其衿者。或十年就試。已乃易業。假三十年之通。則爲三百萬人矣。故有人士終身。未及作一大題。以發聖經大義者。夫以總角。至壯至老。實爲最有用之年華。最可用之精力。假以從事科學。講求政藝。則三百萬之人。才足以當荷蘭瑞典丹墨瑞士之民數矣。以爲國用。何求不得。何欲不成。乃以三百萬可用之精力。人才月日鈎心。圖角散精。費神舉而投之。枯困搭截。文法之中。以言聖經之大義。皆不與之以發明也。徒令其不識不知。無才無用。盲聾老死。是比白起之坑。長平趙卒四十萬。尙十倍之。其立法之謬。異流弊之奇。駭誠古今所未聞。而外人所尤怪詫者矣。即以臣論。卯角學文。于小題搭截。尤畏苦之。其文法嚴苛。過于鉗網。觸處皆犯。束書不讀。稍能習熟。若復涉羣書。置而不事。即復犯文法。故六應重試。見擴以此。知其于學問。最相阻相反也。且童生者。全國人之蒙師也。師之愚陋。盲聾。既極。則全國人之閉塞。愚盲。益甚。是投全國人于盲聾也。何以爲國。昔在一統閉關之世。前朝以之愚民。則可矣。若夫今者。萬國交通。以文學政藝相競。少不若人。敗亡隨之。當此綢繆未雨之時。爲興學育才之事。若追亡救火之急。猶恐其不能以立國也。而

戊戌奏稿

乃以八股試多士。以小題枯困。截搭縛人才。投擧國才智于
盲瞽。惟恐其稍爲有用之學。以爲救時之才也。不亦反乎。然
則中國之割地敗兵也。非他爲之。而八股致之也。故臣生平
論政。尤痛恨之。即日面奏。

荷蒙

聖訓。以八股爲學非所用。仰見

聖明。洞見積弊。夫

皇上既深知其無用矣。何不立行廢棄之乎。此在

明詔。一轉移間耳。而舉國數百萬人士。立可掃雲霧而見青

天矣。從此內講中國文學。以研經義。國聞事。故名物則爲有

用之才。外求各國科學。以研工藝。物理。政教法。律則爲通方

成敗。奏稿

之學。以中國之大。求人才之多。在反掌間耳。尙慮羣臣守舊

或有阻撓。

皇上睿慮。內斷于心。請勿下部議。特發

明詔。立廢八股。其今鄉會童試。請改試策論。以其體裁。能通

古証今。會文切理。本經原史。明中通外。猶可救空疏之宿弊。

專有用之問學。然後宏開校舍。教以科學。俟學校盡開。徐廢

科學。其試帖風雲月露之詞。亦皆無用。其措法方光烏之尙

尤爲費時。昔在閉關之世。或以粉飾夫承平。今當多難之秋。

不必敝精于無用。應請定例。並罷試帖。嚴戒考官。勿尙措法。

庶幾人士專研有用之學。其于立國育才。所關至大。臣愚願

顛首以是請。

恭摺叩謝

天恩。伏惟

皇上聖鑒。謹奏

戊戌奏稿

請停弓刀石武試。改設兵校。摺四

奏爲請停止弓刀石武試。改設兵校。以整武備。養人才。恭摺

仰祈

聖鑒事。竊維中國武備不修久矣。頃者東事之敗。割遼臺。賠

巨款。舉國痛心。弱形暴露。各國輕視。瓜分日聞。禍至無日。戒

懼難忘。而猶有守舊最奇之制。實爲敗軍割地之由。東敗已

閱三年。至今尙不改革。臣工盈朝。竟無人爲

皇上力言者。臣誠痛異。謹爲我

皇上陳之。自嘉道以來。汽船飛渡。萬國棣通。歐美列強。偪壓

隣集。鴉片戰敗。而香港割。熱河遠幸。而京師破。諸口通商。形

見勢逼。未幾而安南緬甸琉球交失矣。乃者會盟聘問。列國

交通亦復以強弱得失。互相比較。稍不如人。滅亡隨之。波蘭印度。尚爲遠跡。突尼斯馬達加斯加之亡。乃其近者。則吾中國今日。已非一統閉關之舊。而爲武備政治比較之列國矣。試問列國之武備何如乎。自普國以小勝法。自是各國效之。舉國民皆爲兵。其兵皆入校。礮兵馬兵步兵工醫輜重各習其科。皆有文學算數地圖兵法之學。不止步伐營陣之法。跳澗逾壘之粗也。自小校至大學。與專門各異科程。其法精密。將帥必自大學出。裨校亦自專校來。未入校者雖有奇才大功。不得爲裨校。若其講求鎗砲。非止堅輕遠準速而已也。製造之法。精益求精。隔山砲大徑尺許。乃可人携一段。以逾山越澗。若其大砲長逾十丈。彈大徑尺。長逾三尺。中藏小彈千

戊戌奏稿

數。觸物開花。遠擊三十里。震燒二丈。深入八尺。其急砲可携者一分鐘而數百響。密如跳雨。製槍日精。亦復連響數十。國無大小。皆有自製槍砲。務足其國兵額數。足戰若干年月。舉國一律同式。猶復互校爭勝。舍舊從新。日異月不同。不惜敝一國之力而爲之。蓋自普以得賚賜後。膛鎗勝奧。以克虜伯砲勝法後。各國之練兵製器。講求日精。而後相持莫敢發。此誠亘古所無。而亦先爲不可勝以待敵之可勝也。而迴視吾國之兵乎。舉國既無兵校。亦無練卒。更無可比東西國者。東事之徵兵也。各省驅乞丐應之。其至奉天。持槍寒慄。其槍皆鑄舊朽敗。事急購于外國。則得人廢棄之鎗。不堅不輕。不遠不速。即能準何益。增敗而已。或至用舊製槍。至可怪笑。然

猶是火器也。乃者

皇上大閱。群臣並侍。戎衛至肅。外人亦持影鏡自遠而來。窺臣嘗竊陪觀。則走馬而前者。乃左挾腰弓而右加羽矢。鉦鼓一鳴。正鵠命中。銀牌賞下。大衆懽呼。外人拓影。傳徧萬國。不知。

皇上以爲遊戲乎。抑以爲整武備也。若以爲遊戲。豈可儼御容集千官。羅萬騎。陳十萬士卒。而爲之。若以爲整武也。則挾歐人六百年前之軍械博物院之古玩。以與今之克虜伯礮開花彈。敵也。臣未知所爲言也。若夫京師旂兵數十萬。講武日習。則皆張鷟于巷。挾矢于野。歐美人亦時旁觀之。臣竊旁視。未嘗不痛心。各省綠營大閱。亦若此矣。歲糜千萬之餉以

戊戌奏稿

養此爲國防。然乃若是不重。可怪笑哉。又試徧觀武鄉會試。及各省府州縣生童試。此武舉人生童皆一國壯佼膂力之勇夫也。以千五百縣合計之。殆百萬人矣。而所日夕習練。敝精費日。師教弟學。破家產。費十數年歲而爲之。以爭此進士舉。人生員之上賞。得之則仕爲將校。總詰兵戎者。則拉弓舉刀。抱石之技也。夫武試之制。始于唐之武后。于今千二百年矣。乃在德意志初祖沙立曼未出世之前。此真博物院之古物。足供考古者。豈今猶可抱巨石以投人。舞大刀而相鬪。鳴長鑼以相擊乎。以此弓刀石而與數十響之後膛鎗開花彈之克虜伯礮相校乎。既必無是理矣。雖今練軍。皆用洋鎗。無用弓刀石者。既知不可用。而令數十萬之旂兵。百萬之武舉

人生員童生方當壯佼武勇之年而斂精力破身家糜祿食于弓刀石至古舊無用之物果何爲乎或謂將以收撫武健無賴之徒無論金田之亂不能收也國家有民而教之豈有收撫無賴之法哉今舉國上下莫不知其無用然因仍不請改朝廷亦聽之坐棄百餘萬武士之勇力年華歲糜百餘萬人之祿食餉精雖或出于國或出于民要合計之其爲暴棄百萬之兵歲棄萬萬之費乃實事矣以言兵事等千古玩兒戲以言國計則大爲棄民傷財雖在閉關承平然猶不可況當列國競爭之世東敗償割之後而仍不肯變計乎以此爲政不知執政何心而舉朝卿大夫何事也竊怪惑之伏惟皇上受祖宗付託之重憂國家土地之割起臥薪嘗胆之發

戊戌奏稿

憤重整軍經武之遠謀乞立下

明詔停止弓刀步石之武試及旂兵習弓矢者並廣設武備學校先于京津徧于各省小校大學次第備置科程功課仿德國日本例必令入學乃爲將校下令所司議行其舊武舉人生員咸聽入校其生童願補練兵者聽仍多派強健才武有志之學生就學德日兵校親與德日兵士習驗然後歸教兵學且統戎旅兵事乃可得而整理也伏乞

皇上聖鑒謹奏

戊戌奏稿

請開學校摺 戊戌五月

奏爲請廣開學校以養人才恭摺仰祈

聖鑒事竊臣以狂愚請廢八股荷蒙

聖明嘉納立下

明詔施行薄海迴風洗濯固陋咸更新厲學以贊休明夫以千年之弊俗而一旦掃除之非

皇上之神武英斷何能致此豈愚臣之夢寐寤思所能及也

天下回首面內想望更化之善治肇應千載之昌期在我

皇上矣其鼓盪國民振厲維新精神至大豈止區區科舉一

事已哉雖然譬諸治病既以吐下而去其宿疴即宜急補養

以培其中氣則今者廣開學校爲最要矣吾國周時國有大

戊戌奏稿

學國學小學之等鄉有黨庠州序里塾之分教法有詩書禮

樂戈版羽籥言說射御書數方名之繁人自八歲至十五歲

皆入大小學萬國立學莫我之先且備矣詩曰周王壽考遐

不作人言文王于人才作而致之非賴自然生而有之也故

兔置野人可爲干城腹心介冑武夫能說詩書禮樂人才既

多則國命延洪故作人則能壽考也後世不立學校但設科

舉是徒因其生而有之非有以作而致之故人才鮮少不周

于用也臣不引遠古請近校于今歐美各國而知其故矣歐

美之作其國民爲人才也當吾明世乃始立學僅從僧侶但

教貴族至不足道及近百年間文學大興普之先王大非特

力館法名士窩多于其生蘇詩宮而師之聘栢羅斯其于瑞

六九九

士而創國民學。令鄉皆立小學。限學國之民。自七歲以上必入之。教以文史算數與地物理歌樂。八年而卒業。其不入學者。罰其父母。縣立中學。十四歲而入。增教諸科尤深。兼各國文。務爲應用之學。其初等科二年。高等科二年。初等二年者。中學必應卒業者也。自是而入專門學者聽之。專門者。凡農商礦林機器工程駕駛。凡人間一事一藝者。皆有學。皆爲專門也。凡中學專門學卒業者皆可入大學。其教。凡經學哲學律學醫學四科。自是各國。以普之國民學爲師。皆效法焉。英大學分文史算印度學阿喇伯學遠東學。于哲學中別自爲科。美則加農工商于大學。日本從之。夫學至于專門止矣。其所謂大學者。不適合各專門之高等學多數爲之。大聚天下。

戊戌奏稿

三

之。書圖儀器。以博其見聞。廣延各國之鴻博碩學。專門名家。以得其指導。而羣一國之學者。優游漸漬。講求激厲。而自得之。凡各州能備此者。皆可謂爲大學。非徒在國都而已。總而言之。小學中學者。教所以爲國民。以爲己國之用。皆人民之普通學也。高等專門學者。教人民之應用。以爲執業者也。大學者。猶高等學也。磨之礪之。精之深之。以爲長爲師。爲士大夫者也。其條理至詳。科學至繁。荷蘭比利時瑞典丹麥以兼爾國而能獨立者。以諸學並立。大學巋然。人才不可勝用。故也。普勝法後。俾士麥指學生語之曰。我之勝法。在學生而不在于兵。以百業千器萬技。皆出于學。作而成之。故也。彼分途教成國民之才。如此其繁詳也。我乃擬一國之民。以從事于八

股枯困搭截之題。斷人才而絕之。故以萬里之大國。四萬萬之人民。而才不足立國也。近者日本勝我。亦非其將相兵士能勝我也。其國徧設各學。才藝足用。實能勝我也。吾國任舉一政一藝。無人通之。蓋先未嘗教養以作成之。天下豈有石田而能慶多稼者哉。今其害大見矣。不可不亟設學以育成之矣。今各國之學。莫精于德。國民之義。亦倡于德。日本同文比隣。亦可採擇。請遠法德國。近採日本。以定學制。乞下明詔。徧令省府縣鄉興學。鄉立小學。令民七歲以上皆入學。縣立中學。其省府能立專門高等學大學。各量其力皆立圖書儀器館。京師議立大學數年矣。宜督促早成之。以建首善而觀萬國。夫養人才猶種樹也。築室可不月而就。種樹非數年不

戊戌奏稿

十四

陰。今變法百事可急就。而興學養才。不可以一日致也。故臣請立學。亟亟也。若其設師範。分科學。撰課本。定章程。其事至繁。非專立學部。妙選人才。不能致效也。惟

聖明留意幸督伏乞

皇上聖鑒謹奏

請廣譯日本書派游學摺五月

奏爲請廣譯日本書。大派游學。以通世界之識。養有用之才。恭摺仰祈

聖鑒事。竊頃東事大敗。割臺灣。賠巨萬。舉國痛之。臣以爲此非日本之勝我也。乃吾閉關之自敗。而人才之不足用也。夫中國萬里之廣土。五千年文明之古國。以文學教化。自尊高于大地者也。以夙昔環我皆諸番野蠻。未開化者。故鄙爲夷狄。又皆遺學于我。而日本政法文學。亦自我出。故足已無待。輕視一切。此中國人數千年之積習。非一日矣。其學者所事。學八股試帖。讀四書五經而外。無他學矣。其號稱博學方聞之士。則有義理考據。掌故詞章。輿地金石諸學。通之者郡縣

戊戌奏稿

十五

寡得其人。然問以新世五洲之輿地國土政教藝俗。蓋皆茫然無睹。瞪目搖舌。若罔聞知。猝以投之大地交通萬國之世。以當各國之新法新學新器。安有不敗者哉。蓋人才之盲瞽不足用也。數千年閉關自足。使然也。吾永永閉關。以爲今之世。猶古之世也。而不意自嘉慶之世。汽船驟出。道光之世。電線忽成。咸豐之代。鐵艦創行。同治之朝。鐵路交通。近乃電話四達。于是諸歐挾其異器。橫行宇內。窺突全球。若天上諸星之忽下于地也。遂破吾數千年久閉之重關。驚吾久睡之大夢。入吾之門。登吾之堂。處吾之室矣。自爾之後。吾中國爲列國競爭之世。而非一統閉關之時矣。列國競爭者。政治工藝文學知識一切相通。相比始能並立。稍有不若。即在淘汰。敗

戊戌奏稿

亡之列。而吾乃以宿昔閉關之俗。對待之。天已大雪。不覺燠

裘而尙葛。履霜前橫。大河不具。舟航而以方車渡水。其有不寒斃而溺死者乎。我國今勢。何以異此。日本昔亦閉關也。而早變法。早派游學。以學諸歐之政治工藝文學。知識早譯其書。而善其治。是以有今日之強。而勝我也。吾今自教之。豈有異術哉。亦亟變法。亟派游學。以學歐美之政治工藝文學。知識。大譯其書。以善其治。則以吾國之大。人民之多。其易致治。強可倍速。過于日本也。今以吾國人士至卿大夫。此一國之託命者也。其聰明才智。豈爲乏人。其欲講求外國之政治文學工藝知識。亦夥矣。然苦于欲通之。而無其道也。以無各國之書。故也。昔者大學士曾國藩嘗開製造局于上海。以

戊戌奏稿

十六

譯書。于今四十年矣。其天津福建廣州亦時有所譯。然皆譯歐美之書。其途至難。成書至少。既無通學以主持之。皆譯農工兵至蕪非要之書。不足以發人士之通識也。徒費歲月糜巨款而已。臣愚顛顛思之。以爲日本與我同文也。其變法至今三十年。凡歐美政治文學武備新識之佳書。咸譯矣。但工藝少闕。不如歐美耳。譯日本之書。爲我文字者十之八。其成事至少。其費日無多也。請在京師設譯書局。妙選通人主之。聽其延辟通學。專選日本政治書之佳者。先分科程並譯之。不歲月後。日本佳書。可大畧皆譯也。雖然日本新書無數。專恃官局爲人有幾。又佳書日出。終不能盡譯也。即令各省皆立譯局。亦有限矣。竊計中國人多。最重科第。退以榮于鄉。進

七〇一

仕于朝其額至窄其得至難也。諸生有視科第得失爲性命者。僅以策論取之。亦奚益哉。臣愚請下令。士人能譯日本書者。皆大賚之。若童生譯日本書一種五萬字以上者。若試其學論通者。給附生。附生增生譯日本書三萬字以上者。試論通。皆給廩生。廩生則給貢生。凡諸生譯日本書過十萬字以上者。試其學論通者。給舉人。舉人給進士。進士給翰林。庶官皆晉一秩。應譯之書。月由京師譯書局。分科布告書目。以省重複。其譯成之書。皆呈于譯書局。譯局驗其文可。乃發于各省學政。試可而給第。舉人以上至庶官。則譯局每月彙奏。而請旨考試給之。若行此乎。以吾國百萬之童生。二十萬之諸生。一萬之舉人。數千之散僚。必皆竭力從事于譯日本書矣。

戊戌奏稿

若此則不費國帑而日本羣書可二三年而畢譯于中國。吾人士各因其性之所近而研究之。以成通才。何可量數。故臣之請譯日本書便也。若夫派游學乎。則宜多在歐美。書者空言也。實行之事非深久游入其學校。尙虛不能深明。且歐美近今之盛實以物質。故汽力之爲用。倍人力者三十。而國勢之富。盛強亦三十倍。夫物質之學。又非可以譯書得也。請大籌學費。或令各縣分籌之。大縣三人。中縣二人。小縣一人。皆舉其縣之秀才。令其縣自籌供其費。吾以千五百縣通計。縣二人。驟得三千游學生矣。律醫二者。我宜緩學。自哲學海陸軍化電光重農工商礦工程機器。皆我所無。亟宜分學。每科有二三百人矣。其後歲歲議增。及理財既成。增派無數。

六年之後。立國之才。庶幾有恃。若派學生于諸歐。以德爲宜。以德之國體同我。而文學最精也。若法民主于歐東多變。覆車可鑒。吾國體不宜。惟日本道近。而費省。廣厲東游。速成尤易。聽人士負笈。自往游學。但優其獎導。東遊自衆。不必多煩官費。但師範及速成之學。今急于須才。則不得已。妙選成學之士。就學于東。則收新學之益。而無異說之害。昔日本變法之始。派游學生于歐美。至于萬數千人。歸而執一國之政。爲百業之師。其成效也。此臣所以請派游學也。我皇上憂國如惜。歎念人才。乞下

明詔。亟開譯書局。並籌遣游學。其于作人成才。以供國用。至大計也。伏惟

戊戌奏稿

皇上聖鑒謹奏

請厲工藝獎創新摺五月

奏為請勸厲工藝。獎募創新。以智民富國。恭摺仰祈

聖鑒事。竊臣深維立國政治之故。當審時變消息之宜。孔子時聖。以其知新。故新民為先。禮時為大。吾中國之政教風俗。數千年如一揆也。只有保守。而絕無進化者。蓋尊古守舊為之也。夫中國何為尊古守舊。蓋一統閉關。無所求望。但君主寡欲。國無兵爭。大亂小民。不飢不寒。仰事俯畜。養生送死。無憾。教化既行。則號稱太平。登封行而頌聲作。以為邦治之極矣。故中國人語稱天下。印度羅馬人亦語稱天下。蓋皆限于地域。聞見使然也。夫人之願欲無窮。而治之進化無盡。雖使黃金鋪地。極樂為國。終有愁怨。未盡美善。但使永永閉關。則

戊戌奏稿

昔一統之治。法使民無智無欲。質朴。惡禮節。廉恥。孝弟。忠信。相安。相樂。亦復何加焉。無如數十年間。汽船。自絕海而駛來。鐵路。由異域而通。至電線。電話。可萬千里。而通語文。甚且汽球。翔舞于空中。雖有高城峻天。亦復無關可閉矣。臣竊怪諸歐小國。僅如吾一府一縣。大如英德法奧意。亦不過吾一二省。其民大國。僅得吾十之一。小國得吾百之一。而大國富強。乃十倍于我。小國亦與我。等。其理何哉。深考其由。則以諸歐政俗。學藝競尚。日新若其工藝。精奇。則以講求物質。故自乾隆末華式新創汽機。英人以為地球復生日。自嘉慶元年拿破侖募獎新器新書。而精器日出。至今百年。創新器者凡十九萬餘。于是諸歐強國。遂以橫行大地。搜括五洲。夷殄列

戊戌奏稿

國。餘波震蕩。遂及于我。我自是改易數萬千年之舊世界為新世界矣。近者電學新發。益難思議。但就往者汽機所成。倍人力者三十。故其國富強之力。亦倍三十。是故安南緬甸突尼斯馬尼達斯加土地。人民與英法比者。英法力寔三十倍之。故如巨象之壓貓。犬曾不一蹴矣。吾國土地。人民十倍于彼。而富強力三十倍。則亦三倍于我。故吾幸未滅。而為彼所弱。可比較而得之矣。方今萬國交通。政俗學藝。日月互校。優勝劣敗。淘汰隨之。置我守舊閉塞。無知無欲之國民。投于列國競爭。日新又新之世。必不能苟延性命矣。臣每思之。恐懼無已。雖然。以中國之廣土眾民。發明新民之義。以知新為學。識以日新為事業。奉我聖訓。採彼良規。獎導新機。講求物質。一

戊戌奏稿

轉移間。而吾富強加三十倍。無敵于天下矣。夫士農工商。國之石民。而世有輕重。吾國古者首去漁獵。則以農立國。是故分田制祿之經。重農貴粟之論。布滿經史。甚至天子躬耕以勸導之。以重農。故則輕工藝。故詆奇技。為淫巧。斥機器為害心。錦繡纂組。則以為害。女紅。乃至欲驅末業。而緣南畝。此誠閉關無知無欲之至論矣。若夫今者汽船鐵路。電線飛球。一器之出。震驚萬國。破變教義。一廠之大。人十數萬。有如小國。若夫德有得賚。賜後膛鎗而勝奧。有克虜伯砲而破法。工業所關。劇大如此。夫工者。因物質。生化之自然。而變化妙用之。及至講求日新。精妙入神。則人代天工矣。夫天稱造物神。曰造化。曰造云者。工之謂耳。故國尚農。則守舊。日愚。國尚工。則

日新日智乃理之相尋視其所導而已今美國人士晝夜研精皆日以思創新器為事若吾國人之事八股舉業然若愛的森一創電燈一創留聲器不數月而行徧萬國但彼率舉國人為有用日新日智之業吾率舉國人為無用守舊日愚之業所行所趨之道相反故致富致強之道亦適相反而成正比例也夫今已入工業之世界矣已為日新尚智之宇宙矣而吾國尚以其農國守舊愚民之治與之競不亦悞乎皇上誠講萬國之大勢審古今之時變知非講明國是移易民心去愚尚智棄守舊尚日新定為工國而講求物質不能為國則所以導民為治自有在矣乞下

明詔獎勵工藝導以日新令部臣議獎勵創造新器著作新書

成成奏稿

尋發新地啓發新俗者著新書者查無抄襲酌量其精粗長短與以高科並許專賣創新器者酌其效用之大小小者許以專賣限若干年大者加以爵祿未成者出帑助成其有尋新地而定邊界啓新俗而教苗蠻成大工廠以興實業開專門學以育人才者皆優與獎給則舉國移風爭講工藝日事新法日發新議民智大開物質大進庶幾立國新世有恃無恐伏乞

皇上聖鑒謹奏

請裁綠營放旗兵改營勇為巡警仿德日而練兵摺五月
奏為請裁汰綠營選改營勇為巡警更仿照東西國兵制大練新軍以修武備恭摺仰祈

聖鑒事竊以近者東事敗辱割遼台償巨款舉國痛心外人輕視瓜分之議日騰于報邊警之告時聞于耳而三年以來武備廢弛如故綠營不改如故于是膠旅之割繼起列強耽逐臣竊憂之夫治國之道固多而足兵為最急切之務此固萬國之同軌尤中國之聖誠也家有千金不置于路慢藏誨盜狡焉思啓此不能咎敵之無良而應自審其守備也傳曰不備不虞不可以師故楚莊王憂民生之不易禍至之無日戒懼之不可以怠乃者膠旅迫割猶在夢寐舉國倉皇無以

成成奏稿

應敵

皇上憂之用是發憤詩曰無衣無褐何以卒歲今無兵無將何以為國防乎方今列國以兵爭長自昔以小國勝法舉國為兵德遂以陸軍霸其人民二千五百萬備兵至六百萬其分以馬步砲工輜重醫護其士卒皆從學校皆識文字算法圖繪其兵伍之榮異者如諸生為國人所教其愛國之心自小學講誦而已屬之其操兵則登山跳澗橫野渡河遇伏遭傷無不備其練兵為兩甄如真戰深夜調千數百里國主夜親臨或命大將赴校之其裨校之尊榮皆如大臣其兵立如山其兵行如水萬國遠皆畏而效之並練其兵數百萬日治其槍砲精益求精相視莫敢發則惟有于歐美而外求弱者

之肉而食焉。亦勢之必至矣。非洲既分割盡矣。大地無餘矣。列強四顧。不于吾逐。而何規焉。而吾號稱國防者。九十餘萬之大兵。猶是綠營之舊制也。其械則抬槍鳥鎗也。其餉則九錢六分也。其業則農工徒役也。其服則寬袍大袖也。然且其額皆虛名而無人也。盡爲將弁所飽。十取其五六。或七八。焉至大吏。隨操則募市丐以應之。以此而與列強學校百練之兵。克虜伯砲開花之彈。戰不猶剪紙而禦猛虎哉。誠孔子所謂以不教民戰。是棄民也。以此守國。何異閉門而揖敵之來也。經國若此。難贊一詞。臣不審執政諸臣。卿士滿列。何以謀國也。臣竊懷懔痛之。

皇上知此。能無憂乎。能無危乎。此不止今海道大通。列強迫

戊戌奏稿

歷爲不可也。昔在道咸之時。金田起亂。亦竟窺綠營虛名。一無所用。故乘虛竊發。一呼而十三省大亂。幾失。曾國藩駱秉章左宗棠胡林翼諸臣。深知綠營之無可用。乃創練營勇。以救之。以諸臣之忠義。賴以肅靖醜孽。安定邦家。然營勇之用。止于靖內亂而已。至于禦外。則東事之敗。得失具見。與綠營雖少異。而不足以爲國防。亦至明矣。夫治兵之爲法。無定。猶築隄防水之無定也。水愈漲。則隄愈高。不能以舊昔之尺寸。限之。兵者與強敵爲戰者也。亦校之敵國。若何而已。中國數千年之兵制。列國則秦之蒼頭。齊之奮騎。魏之武士。荆楚之奇材劍客。後世則後周之二十四軍。唐之府兵。號稱精強。然較以今之列強。則皆無以爲比。故盡中國古今之兵。無足以

戊戌奏稿

敵今泰西之強國者。然則湘楚營勇之制。同于無用不足爲言也。若八旗禁旅。只挾弓矢。猶昔者綠營。抑更練勇之不如。夫在昔從龍。其猛如虎。今則懷衣靡食。筋脆骨柔。亦不足以拱衛神京矣。故統吾國兵。號百餘萬。乃無一可用者。靜言思之。骨折心驚。臣不審執政在朝。卿士滿列。何以謀國。至于如此也。臣又懷懔痛之。此真詩人所罵。無衣無褐者乎。大雪壓庭。赤身裸體。應指裂膚。奇寒中心。其何能免耶。

皇上聞此。豈不憂驚。豈不危懼。有不且夕難安。青襟靡成者乎。竊惟救國之大略。必在改革。之剛斷。凡此百餘萬無用之兵。歲糜民脂數千萬之餉。惟在

皇上摧陷廓清之改絃更張之。其綠營虛名爲兵。寔皆有業

戊戌奏稿

之民。假名之丐。宜盡裁汰。無憂變生。請下

明詔。一朝除之。可留千數百萬之餉。以養新練之軍。其營勇或有健兒。或有無賴。令所在地方官分成裁汰。今新軍未練。其盜賊出沒繁多之地。酌量暫留管隊。以資彈壓。其識字明敏。通解事理者。改充巡警。以資縣鄉之防虞。查各國爲治。先整巡警。吾國無兵。只得號爲巡警。因而教之。改之。亦事宜也。其武弁識字通敏解事理者。改爲巡警官。其餘酌量裁汰。遣歸鄉里。務使得宜。若夫八旗禁旅數十萬。雖厚予廩祿。寔困苦之。以不得從事工商。反不如齊民之營生致富也。是聖朝所以優恤從龍之旅。反非所以安阜之。法久弊生。事宜通變。今亦不能不議改矣。乞令各省駐防滿漢各兵。聽其所

七〇五

好。擇業而從。優給三年之糧。聽其改附所在民籍。其有武勁可用。矢于報國者。改充新軍。一律養練。其京師禁旅。一律從同。于特予三年糧外。或優給莊田。聽其屯墾。其武勁可用。情深報國者。專練成軍。留衛禁閱。然後以歲糜數千萬之兵餉。改養新軍。皆令仿照德日兵制。分馬步工礮輻重之隊。設學校。精軍械。牧良馬。募良家。重榮名。厚餉精。更教以愛國。厲其精神。庶幾有勇知方。然後可捍疆圉而振威稜也。竊查新建軍。今號勁旅。而每軍七千。歲需百萬。今行臣改省爲道之策。令每道練一軍。則全國百道。可得百軍。有七十萬之兵。而歲增練之。可以立國而無虞矣。臣前請遼蒙準藏。皆改大藩。設總督。宿重兵。臣聞德法之對守。來因河東奧斯鹿林涉羅親

戊戌奏稿

之境也。地僅數百里。而各宿兵三十萬。吾遼東爲俄日所窺。重要極矣。雖不能如德法。亦應以內地二十軍。輪防之。蒙回綠邊萬里。長袤難寸寸而守之。非趕築鐵路。無以爲防。今鐵路未築。自庫倫伊犁亦應宿重兵十軍。以鎮之。西藏難運。可先宿兵四軍。桂滇二邊各宿六軍。皆調于各省。輪爲駐防。以資熟習。夫與其兵敗輸數万万。于強敵。孰若統籌武備。大振兵威。以先爲不可勝乎。以

皇上之神武。受祖宗之付託。思患預防。修武備邊。請詔下羣臣議行。國防幸甚。伏惟

皇上聖鑒謹奏

請尊 孔聖爲國教。立教部。教會以 孔子紀年。而廢淫祀。摺六月

奏爲進呈孔子改制考。新學僞經考。董子春秋學。敬備宸覽。乞設立教部。教會。並以孔聖紀年。聽民間廟祀先聖。而罷廢淫祀。以重國教。恭摺仰祈

聖鑒事。竊臣昔面對。蒙荷

聖慈。令進所著羣書。又承

天恩。特令軍機大臣廖壽恒迭次傳問。催將所著書速寫進呈。以臣愚陋。粗事撰述。奚足以仰承天鑒。乃蒙眷問稠疊。自非大聖人虛懷下問。垂采芻蕘。安得有此。經晝夜寫黃。將臣所編日本明治變法考。俄大波得變政致強考。突厥守舊削

戊戌奏稿

弱記。波蘭分滅記。法國革命記。進呈

御覽。聊備法戒。然凡此只言治術。未及教旨。未足以上酬

聖意也。今並將臣所著孔子改制考。新學僞經考。董子春秋

學進呈。以卷帙繁重。日月遷速。未及寫黃。謹以刻本上呈。惶

恐萬罪。竊惟孔子之聖。光並日月。孔子之經。流亘江河。豈待

臣愚有所贊發。惟中國尙爲多神之俗。未知專奉教主。以發

德心。祈子則奉張仙。求財則供財神。工匠則奉魯般。甚至士

人通學。乃拜跳舞之鬼。號爲魁星。所在學宮。巍樓高高。坐鎮

胷子士夫。齊祈膜拜。不知羞恥。幾忘其所學爲何學也。即稱

爲城隍。列爲正祀。而號爲陰官。多列鬼判。雖神惡足警。亦非

經典所昭垂。其里祀土地。亦猶是矯誣也。其他龍王牛王猴

王之祀。以人祀獸。尤爲反異。若夫木居士之一株。石敢當之一片。亦有無窮求福之人。夫神道設教。聖人所許。鄉曲必廟。禱賽是資。而牛神蛇鬼。日窃香火。山精木魅。謬設廟祀。于人心無所激。屬于俗尙無所風。導徒令妖。巫欺惑神。怪驚人。虛糜性醴之資。日竭香燭之費。而歐美游者。視爲野蠻。拍像傳觀。以爲笑柄。等中國于瓜哇印度非洲之蠻俗而已。于國爲大恥于民無少益。夫教民正俗。修禮重教。此豈細故哉。中國數千年來。敬教正學。凡歷代儒先所論。我朝

聖訓所垂。罔不迪于正典。力闢怪邪。而坐聽妖巫神怪不經之事。大供奉于民間。積久尊崇。或光列夫祀典。豈不異哉。歷朝間有剛正之大臣。時請爲淫祀之嚴禁。明主在上。亦或採

戊戌奏稿

二十七

行。乃不旋踵而淫祀復興。徧于民間。推原其故。蓋朝廷雖言敬教正學。只等具文。而未令天下人民專祀先聖。故也。今自學宮尊祀孔子。許教官諸生歲時祠謁外。其餘諸色人等。及婦女皆不許祀謁。民心無所歸。則必有施敬之所。地方必有廟。則必有所奉之神。以茲大事。功令又不爲正定。奉祀何神。朝廷既聽民立廟。不加禁止。一任人民自由。舉措夫小民智者少而愚者多。勢必巫覡爲政。妄立淫祀。崇拜神怪。乃自然之數矣。積勢既久。方將敬奉之不暇。孰敢與爭。于是淫祠遍地。餘波普蕩。妖廟繁立于海外。重爲歐美所怪笑。以爲無教之國民。豈不恥哉。然旋觀歐美之民。祈禱必于天神。廟祀只于教主。七日齋潔。膜拜誦其教經。稱于神名。起立恭默。雅琴

戊戌奏稿

合歌一唱三歎。誓其天良。起其齋肅。此真得神教之意。而又不失尊教之心。遍視吾國民。惟童幼入學。讀經拜聖。自稱長出學。至于老死。何嘗一日有尊祀教主之事。有誦讀遺經之文。而欲警其天良。起其齋肅。何可得哉。其所耳濡目染。膜拜尊奉。皆妖巫神怪者。風俗何由而善。正學何由而興。大教何由而一。臣每有親聞。不能不爲我數千年之儒先怪也。即祀文昌。或謂一星。或謂張亞子。何功何德。而妄祀之。即觀晉慈悲可奉。乃一印度之僧尼。闢帝忠義可尊。不過奉春秋之遺教。而今家家祭祀。地地崇奉。則吾國自有教主。春秋作自先聖。何不直祀孔子。同奉教主。不更足以感動人之仁慈忠信哉。聞昔在明世。民間尙有祠祀孔子者。至康熙時。御史吳培

戊戌奏稿

二十八

乃始奏禁婦女入孔廟燒香。自是禁民間廟祀孔子。以爲尊崇先聖。豈知聖教從此不及于民矣。聖教日微。而淫祀日盛。吳培不知大理。其罪可勝誅哉。臣竊謂中國祀法。有過尊之弊。而大害生焉。穀梁傳述孔子之大義。曰人非天不生。非父不生。非母不生。故謂天之子也可。謂之母之子也可。尊者取尊稱焉。卑者取卑稱焉。故王者稱爲天子。不過取尊稱云爾。實則凡人皆天之子也。易曰。天地絪縕。萬物化醇。董仲舒述孔子大義亦曰。天者人之祖父也。人既不忘所生。祀其祖父。又豈可忘所自出。而不祀天哉。王者至尊。爲天之子。宜祀天。人民雖卑。亦天之子也。亦宜祀天也。不過古者尊卑過分。故殊其祀典。以爲禮秩。豈所論于今升平之世哉。論語子路請

七〇七

禱于天。孟子曰。雖有惡人。齊戒沐浴。可以祀上帝。然則孔孟大義。許人人禱祀天帝矣。且今功令即不定。人民祀天。而民間歲時向空。無不祀天者。既久。聽之而不禁。何不因而正定其禮乎。即今欲禁之。則基督之教人。皆日膜拜上帝矣。信教自由。爲憲法大義。萬無禁理。若實與而文不與。于民教既大損。于國秩又何益哉。孔子爲聖之時。禮以時爲大。易曰。觀其會通。以行其典禮。今尤通變之時矣。臣竊考孔子實爲中國之教主。而非謂學行高深之聖者也。昔周末大亂。諸子並興。皆創新教。孔子應天受命。以主人倫。集成三代之文。選定六經之義。其詩書禮樂。因藉先王之舊而正定之。其易以通陰陽。春秋以張三世。繼周改制。號爲素王。蒼帝降精。實爲教主。

成政奏稿

莊子以爲本天地。育萬物。小大精粗本末。四通六闢。無乎不在。推爲神明聖王。子貢有子。以爲生民未有。其弟子三千。徒侶六萬。分傳其教。徧于中國。皆信行之。當其時。諸子爭爲教主者十數。而老墨尤大。老爲虛無。爲我刑法之祖。其流爲神仙符籙。墨爲尊天尙同兼愛之宗。其短在非樂儉殺。二大教亦徧行中國。而不若孔子之宏大。周徧又不若孔子之近人。中庸故至。漢武時。儒學一統。二教敗亡。孔子爲中國教主。乃定一尊。夫大地教主。未有不託神道以令人尊信者。時地爲之。若不假神道而能爲教主者。惟有孔子真文明世之教主。大地所無也。及劉歆起。僞作古文經。託于周公。于是以六經爲非孔子所作。但爲述者。唐世遂尊周公爲先聖。抑孔子爲

先師。于是僅以孔子爲純德懿行之聖人。而不知爲教主矣。近人遂妄稱孔子爲哲學政治教育家。妄言誕稱。皆緣是起。遂令中國誕育大教主而失之。豈不痛哉。臣今所編撰。特發明孔子爲改制教主。六經皆孔子所作。俾國人知教主共尊信之。

皇上乙夜覽觀。知大聖之改制。審通變之宜民。所以訓諭國人。尊崇教主。必有在矣。夫孔子之道。博大普徧。兼該人神。包羅治教。固爲至矣。然因立君臣夫婦之義。則婚宦無殊。通飲食衣服之常。則齊民無異。因此之故。治教合一。奉其教者。不爲僧道。只爲人民。在昔一統閉關之世也。立義甚高。厲行甚嚴。固至美也。若在今世。列國縱橫。古今異宜。亦少有不盡

成政奏稿

行者。其條頗多。舉其大者。蓋孔子立天下義。立宗族義。而今則純爲國民義。此則禮律不能無少異。所謂時也。孔子自有平世之義。臣所編春秋筆削大義微言考。畧發明之。但今未明。若盡以據亂舊道繩人。則時義事勢不能行。若不以孔子大教爲尊。則人心世道不可問。故今莫若令治教分途。則實政無礙。而人心有補焉。夫舉中國人皆孔教也。將欲令治教分途。莫若專職業以保守之。令官立教部。而地方立教會焉。首宜定制。令舉國罷棄淫祀。自京師城野。省府縣鄉。皆獨立孔子廟。以孔子配天。聽人民男女。皆祠謁之。釋菜奉花。必默誦聖經。所在鄉市。皆立孔教會。公舉士人通六經四書者爲講生。以七日休息。宜講聖經。男女皆聽。講生兼爲奉祀生。掌

聖廟之祭祀。灑掃。鄉千百人必一廟。每廟一生。多者聽之一。司數十鄉。公舉講師若干。自講生選焉。一縣公舉大講師若干。由講師選焉。以經明行修者充之。並掌其縣司之祀。以教人士。或領學校。教經學之席。一府一省。遞公舉而益高尊。府位曰宗師。省曰大宗師。其教學校之經學亦同。此則于明經之外。爲通才博學者矣。合各省大宗師公舉祭酒。老師者碩明德。爲全國教會之長。朝命即以爲教部尙書。或曰大長可也。各國學校。皆隸于教。學生日必頂禮。况我孔子。向專爲學校所奉哉。應密其儀節矣。至凡爲傳教。奉職講業之人。學業言行。悉以後漢宋明之儒。先爲法矩。禮法不得少踰。執持大義。匡弼時風。雖或極迂。非政客士流所堪難從。難受而廉。

戊戌奏稿

恥節義有所扶。賴政教各立。雙輪並馳。既並行而不悖。亦相反而相成。國勢可張。聖教日盛。其于教。教勸學。匡謬正俗。豈少補哉。抑臣更有請者。大地各國。皆以教主紀年。一以省人記憶之力。便于考。据。一以起人信仰之心。易于尊。行。日本無教主。亦以開國二千五百年紀元。與其時王明治年號並行。一以貴當王。一以便考古。若吾國歷朝數十。閱帝數百。年號幾千。記述既艱。考据不便。苟非通博專門。令人不知何世。既爲前代。無關尊王。不若以教主紀年。更于教教有補。伏惟皇上聖明。傳心先聖。敬教審時。洞達中外。乞明詔設立教部。令行省設立教會。講生。令民間有廟。皆專祀孔子以配天。並行孔子祀年以崇國教。其祀典舊多誣。或人神雜揉。妖怪

戊戌奏稿

邪奇。或無功德。應令禮官。考据經典。嚴議裁汰。除各教流行久遠。聽民奉教自由。及祀典昭垂者外。所有淫祀。乞命所在有司。立行罷廢。皆以改充孔廟。或作學校。以省妄費。而正教俗。所關至大。伏乞

皇上聖鑒謹奏

按淫祀與教有異。然淫上。禮後有司奉行不善。寺觀多毀。此胥吏訛索所致。非上意也。此摺可證。仲華注

戊戌奏稿

請定立憲開國會摺代六月

奏爲請定立憲開國會。以安中國。恭摺仰祈

聖鑒事。竊頃者。東敗于日。遼臺既割。膠旅繼踵。臣每憂國危。未嘗不仰天而歎也。及聞

皇上聖武發憤。變法維新。臣不禁軒鼓舞。歡欣忭躍。以爲堯舜復出也。方今變法。可陳之事萬千。臣生逢堯舜之世。安敢以枝節瑣末之言。上瀆堯舜之

君哉。臣竊聞東西各國之強。皆以立憲法開國會之故。國會者。君與國民共議一國之政法也。蓋自三權鼎立之說出。以國會立法。以法官司法。以政府行政。而人主總之。立定憲法。同受治焉。人主尊爲神聖。不受責任。而政府代之。東西各國。

皆行此政體。故人君與千百萬之國民。合為一體。國安得不強。吾國行專制政體。一君與大臣數人共治其國。國安得弱。蓋千百萬之人。勝于數人者。自然之數矣。其在吾國之義。則曰天視自我民視。天聽自我民聽。故民之所好好之。民之所惡惡之。是故黃帝清問下民。則有合宮。堯舜詢于芻蕘。則有總章。盤庚命衆至庭。周禮詢國危疑。洪範稱謀及卿士。謀及庶人。孟子稱大夫皆曰。國人皆曰。蓋皆為國會之前型。而分上下議院之意焉。春秋改制。即立憲法。後王奉之。以至于今。蓋吾國君民久皆在法治之中。惜無國會以維持之耳。今各國所行。寔得吾先聖之經義。故以致強。吾有經義存空文。而不行。故以致弱。然此寔治國之大經。為政之公理。不可易。

以成奏稿

三十三

矣。今變行新法。固為治強之計。然臣竊謂政有本末。不先定其本。而徒從事于其末。無當也。春秋之義。據亂之後。進以升平。上有堯舜之君。下乃有堯舜之民。伏惟

皇上聖明神武。撥亂反正。真堯舜之君也。伏乞上師堯舜三代。外探東西強國。立行憲法。大開國會。以庶政與國民共之。行三權鼎立之制。則中國之治強。可計日待也。若臣言可採。乞下廷議施行。若其憲法綱目。議院條例。選舉章程。東西各國。成規具存。在一探酌行之耳。則

皇上之聖治。駕漢軼唐。超宋邁明而上之。豈止治強中國而已哉。孟子曰。非堯舜之道。不敢以陳。臣愚冒昧上聞。不勝恐

懼屏營之至。伏乞

皇上聖鑒。謹奏

以成奏稿

三十四

請君民合治。滿漢不分。摺六月

奏為請君民合治。滿漢不分。以定國是。而一人心。強中國。恭摺仰祈

聖鑒事。竊臣頃聞內閣學士潤普通武奏請行憲法而開國會。廷議不以為然。

皇上決欲行之。大學士孫家鼐諫曰。若開議院。民有權而君無權矣。

皇上曰。朕但欲救中國耳。若能救民。則朕雖無權。何礙。大哉

王言。臣聞而感泣曰。非堯舜之大聖。真有公天下之心者。安得有此哉。臣幸生逢堯舜之君。受非常之遇。安得不以死報。

臣誠惶誠恐。願竭忠愚。不敢愛死。冒犯非常。為我

皇上陳之。竊惟東西各國之所以致強者。非其政治之善。軍
兵砲械之精也。在其舉國君民合爲一體。無有二心也。夫合
數千百萬之人爲一身。合數千百萬人心爲一心。其强大至
矣。不必大國。雖比利時。荷蘭。丹麥。瑞典之小。而亦治強也。近
者歐美尤留意於民族之治。凡語言政俗同爲國民務合一
之。近者日本以之。日本地與民數。僅比吾四川一省。而今強
盛若彼矣。蓋民合于一。而立憲法以同受其治。有國會以會
合其議。有司法以保護其民。有責任政府以推行其政。故也。
吾國人主。撫有其國。僅與數大臣共治之。或十數疆臣分治
之。雖有多民。僅供租稅。不得預政事焉。其視國家國土。若秦
越人相視之肥瘠也。苟不及其鄉土。親受奴虐。皆無關焉。甚

戊戌奏稿

三十五

且民既不預國事。惟知身家親族而已。餘皆外視。故其甚者
姓與姓分。鄉與鄉分。縣與縣分。省與省分。國朝龍興東土。奄
有中夏。兼定蒙古。準回。衛藏。爲大一統。皆因其舊俗而治之。
仁恩汪濊。咸戴
聖朝矣。而列聖尙慮有金元之弊。服官執政。多屬色目之人。
故不得已仍別滿漢。以分官缺。乃開國時之苦心也。故康乾
之時。廷臣有請去滿漢者。

聖祖仁皇帝

高宗純皇帝以此意喻之。乃咸仰

聖意之高深。今閱二百餘年。久安長治。戴白之老。服膺涯澤。
率土民氓。咸戴

戊戌奏稿

聖清。非復開國時之比矣。方今絕海隸通。列強鄰迫。宜合舉
國之民心。以爲對外之政策。不宜于一國民之內。示有異同。
若疆界既分。即生彼此。屬當國家危難。反側生心。扇動搖惑。
甚非所以置國家于磐石之安也。夫分則弱。合則強。治法之
公理也。武王有臣三千人。爲一心。故勝紂。臣萬億。爲萬億心。
故亡。然則國無小。大人無多。寡視其分。合如何而已。今吾國
有四萬萬之民衆。大地莫多焉。而不開國會。雖有四萬萬人。
而不預政事。視國事如秦越。是有衆民而棄之。然且令省與
省分界。滿與漢異名。務在削大使小。汰多使寡。多立彼疆此
界之名。以薄其扶助親愛之意。但一君主與數大臣爲政。尊
則尊矣。制則制矣。然孤寡若此。而與列強合數千百萬人爲

戊戌奏稿

三十六

一者相校相遇。安得不敗。不然。安有以萬里之大國。四萬萬
之衆民。而敗于日本者哉。論者不深察本末。而妄言治體。繁
爲條陳。夫天下豈有本不立而能舉。其未者哉。即未治能舉
亦何益矣。易曰。正其本。萬事理。臣昧昧思之。早夜籌之。爲中
國計。而求其治本。惟有君民合治。滿漢不分而已。定其治本。
以爲國。是乃可以一人心。而求治理。昔魏文帝撫有華夏。慕
其文明。以爲非令國人全用華風。不能致一統也。又以父兄
百官。安于舊習。而不肯更新也。乃令皇族改拓拔爲元氏。獻
帝兄紇骨氏改爲胡氏。次兄普氏改爲周氏。次兄拓拔氏改
爲長孫氏。次弟丘敦氏改爲丘氏。更令功臣九十九大姓。咸
改漢姓。若侯莫陳之改姓陳。勿忸于之改姓于。出大汗之改

七一一

姓韓。步六孤之改姓陸。破多羅之改姓潘。丘林之改姓林。賀拔之改姓何。叱呂之改姓呂。是樓之改姓高。獨孤之改姓劉。拔列之改姓梁。叱羅之改姓羅。素黎之改姓黎。嚙盆之改姓溫。叱干之改姓薛。賀葛之改姓葛。庫狄之改姓狄。吐奚之改姓古。出連之改姓畢。阿單之改姓單。阿鹿桓之改姓鹿。俟力伐之改姓鮑。吐伏盧之改姓盧。嚙石蘭之改姓石。獨孤渾之改姓杜。胡古口引之改姓侯。其後周隋終復混一。寔皆出于魏文之政俗族姓。而元氏及周胡長孫氏入唐。卿相如鱗。功臣遺裔。綿被中國。今之大姓。十九魏裔。其齊周隋唐王侯貴族改漢姓者。不可悉數。無能別也。則皆魏文帝長慮遠算致之。以

戊戌奏稿

皇上之明。試覽北魏書魏文帝紀及官氏志。

聖心神悟。必有宏謨。臣聞疎不聞親。遠不聞近。賤不聞貴。臣寔竇萌。疎賤至極。猥受

皇上非常之知。有非常之慮。不敢自隱避。敢進盡忠言願皇上垂察。君民合體。滿漢不分之言。念茲在茲。釋茲在茲。所以發為治本者。必有以超絕前古。垂範後世。為中國數千年未有之聖。以上繼堯舜。軼駕歐日者。非臣之愚所能頌發休美矣。若

聖意既定。立裁滿漢之名。行同民之寔。則所以考定立憲國會之法。三權鼎立之義。凡司法獨立。責任政府之例。議院選舉之法。各國通例具存。但命議官徧採而慎擇之。在

皇上一轉移間耳。合舉國四萬萬人之身為一體。合四萬萬人之心為一心。其誰與吾敵。而豈復四顧旁皇。瞻畏鄰敵哉。抑臣更有請者。中國向用朝號。乃以易姓改物。對于前代耳。若其對外交鄰。自古皆稱中國。今東西國稱我。皆曰支那。而我經典無此二文。臣細釋音義。支那蓋即諸夏之音。或即中華之轉也。古稱諸夏。或曰諸華。頗見傳記。蓋華夏音近而中華音轉。其蒙回衛藏。咸令設校。教以經書文字語言風俗。悉合同于中。土免有歧趨伏。惟今定國號。因于外稱。順乎文史。莫若用中華二字。

皇上維新尙統一而行大同。乞留

聖意幸察。謹將北魏書文帝紀官氏志進呈。伏惟乞

戊戌奏稿

皇上聖鑒。謹奏

謝賞編書銀兩乞預定開國會期並先選才議政許民上書

事摺 六月

奏為恭謝

天恩賞給編書銀兩。乞定開國會期。先開懇勳殿。選才議政。並許天下人上書言事。以公

民議。恭摺仰祈

聖鑒事。竊頃承恩命。以臣進呈所著各書。編寫有勞。特賞給銀貳千兩。微臣拜受。誠恐誠惶。竊念臣海濱鄙人。竊經末學。屬當世難。上貢芻蕘。猥以竊啓寡聞。塵上天聽。自維愚妄。待罪屏營。豈意乙覽不遺。重加懇賞。嘉其獻替之誠意。酬其鉛槧之微勞。白銕光燦于草廬。黃封列塞于香案。非臣散賤末

戊戌奏稿

吏。所當被蒙。惟臣感激。恩知。冀酬高厚。乃者竊聞臣進呈

所撰波蘭分滅記。

皇上立垂披覽。淚承于睫。沈瀾濕紙。豈非睹亡國之慘酷。悼中國之危難。以憂思之至切。故感引之最深哉。從古殷憂乃以啓聖。多難用以興邦。孟子曰。不有敵國外患者。國恒亡。易曰。其亡其亡。繫于苞桑。楚莊王憂民生之不易。禍至之無日。戒懼不忘。遂霸中原。越王勾踐棲于會稽。臥薪嘗膽。以治其國。卒以沼吳。今中國雖弱。然猶幅輳萬里。金甌無缺。人民忠憤。同心望治。所慮患者朝廷驕侈縱虐。軒睡苟安耳。今皇上有楚莊憂禍之心。勾踐發憤之志。但此感波。而屑涕之一事。即可為救中國而治強之前徵。臣誠為中國汴蹈懼

戊戌奏稿

欣無已也。昔管仲請齊桓公無忘在莒。吳夫差使人日呼于庭。臣伏願

皇上兢兢業業。日夕不忘。波蘭之覆轍。有發憤為雄之思。有雷霆震厲之象。勿牽于盈廷守舊之談。勿狃于祖宗閉關之法。審時通變。與民更始。唐臣韓愈謂凡此武功。惟斷乃成。乾綱神武。會朝清明。以

皇上之聖武行之。中國之強。可計日而待也。臣竊聞禮部侍郎潤普通武奏請開國會。

皇上欲毅然行之。大學士孫家鼐諫曰。若開國會。則民有權而君無權矣。

皇上曰。朕但欲拯中國耳。若能有益于國民。則無權何害。臣

伏聞之。流涕感泣曰。大哉聖人之言也。非有堯舜公天下之心。禹湯救民之意。安得有此。臣幸躬遇

大聖

堯舜之君。敢不竭股肱心膂以死報乎。蓋自黃帝有合宮。堯舜開四

門。殷有總章。周有明堂。齊桓公有噴室。洪範謀及卿士。庶人

盤庚命衆至庭。論語曰。舜何為哉。恭己正南面而已。今歐日

之強。皆以開國會行立憲之故。皇上翁受嘉謨。毅然斷行。此中國之福也。生民之幸也。請即

立憲為國體。預定國會之期。

七二三

明詔布告天下。然憲法國會條例至繁。尙待選集。取資各國。今未開國會之先。請採用國會之意。一曰。集一國人才。而與之議定。政制一曰。聽天下人民。而許其上書言事。臣今敢以報

堯舜之君者。在此二者而已。國朝官制。資格太分。召對者只限堂官。上奏者只許御史。外官司道以下。朝官京卿以下。不得上言。而尙侍督撫。非資深年耆。不得至。政繁事劇。精疲力頹。其于世界新學。各國新政。繙譯新書。皆未暇講讀。遂至瞭然罔知。無可如何。其所謂才練公忠者。皆不出閉關之舊法。投之今日。若以車渡水。而以扇禦寒也。

皇上欲更新百度。而左右顧視。謀謨贊襄者。誰與應

戊戌奏稿

清問哉。然則居今而明揚側陋。旁求俊乂。詢于芻蕘。非止爲謀及庶人。實以爲達聰明目也。日本未開國會之先。亦先徵一國之人才。以議政事。于是大久保利通。木戶孝允等出。臣所寫進日本變法考。已發明之。伏乞

皇上特下

明詔。令羣臣各薦才俊。府必一人。不問己仕未仕。概行徵集。闕下大開。懇勸殿令入。直行走。懸百國之圖。備中外之籍。分列百政。各設專科。派以鳩集。東西斟酌。今古編纂。政法以備施行。日輪二十人。置之左右。以備顧問。或賜茶果。優假顏色。其有大政。或其近地。或其專科。與之商略。或發與議。定既可。覘其才識。亦以贊助。

聖謨。其有才者。即權充內外使。任其外僚。徵末士。庶專門。各有專長。各有聞見。吾國地大物庶。俗變民情。皆非君門萬里。所能具知也。故各國議院。學校。農工商礦之人。皆預選焉。今未開國會。一時難集。請

明詔。特下。許令天下人民。上書聽其所言。所在有司。長官。必當代遞。無得抑壓。有阻遏者。以違制論。如此。則國才咸集。下情無壅。舉國人士。必回首面內。懽欣踴躍。以贊新政。其于維新致治。必有大益。恭摺仰謝天恩。伏惟

皇上聖鑒謹奏

戊戌奏稿

請禁婦女裹足摺 六月

奏為請禁婦女裹足。以全肌膚。而維俗化。恭摺仰祈
聖鑒事。竊惟漢臣賈誼上治安策。謂大臣以簿書期會為大
故。至俗流失。世敗壞。則不知怪。此誠知治亂之體要者也。夫
為政之道。本末兼該。而莫大于保民。聖化之隆。纖悉備舉。而
莫先于正俗。方今萬國交通。政俗互校。稍有失敗。輒生譏輕。
非復一統閉關之時矣。吾中國蓬蓽比戶。藍縷相望。加復鴉
片熏纏。乞丐接道。外人拍影傳笑。譏為野蠻久矣。而最駭笑
取辱者。莫如婦女裹足一事。臣竊深恥之。夫則足者。為古肉
刑之一刑者。成也。一成不變。後王恐波及無辜。猶為廢之。史
稱其美。女子何罪。而自童幼。加以刑。終身痛楚。一成不變。

戊戌奏稿

此真萬國所無。而尤為聖王所不容者也。夫父母撫子。以慈
為義。女子體弱。尤宜愛護。乃乳哺甫離。髮未燥。肌肉未長。
骨節未堅。而橫繫弱足。嚴與裹纏。三尺之布。七尺之帶。屈指
使行。拗骨使折。拳拳踳踳。踳踳地。躑躅天。童女苦之。且且啼哭。或
加藥水。日夕熏然。窄袖小鞋。夜宿不解。務令屈而不伸。纖而
不壯。扶床乃起。倚壁而行。富人苦之。貧家尤甚。親操井臼。兼
持饋。浣下。撫弱息。上事病姑。跋往報來。走無停趾。臨深登高。
日事征行。皆捫足歎。嗟。愁眉掩泣。或因登梯而墜。命。或因楚
病而傷。生。若夫水火不時。亂離奔命。扶夫抱子。挾物携衣。絕
澗。莫逾。高峯。難上。亂石。阻道。荆棘。鈎衣。多有。縊樹。而棄。生。墜
樓。而絕。命者。不可勝數也。即使治世。承平。富家。大吉。婢媪。盈

戊戌奏稿

前安坐而食。而人倫有禮。疾病不時。仰事俯畜。接親應友。能
無勞苦乎。且勞苦即不足道。而衛生寔有所傷。血氣不流。氣
息污穢。足疾易作。上傳身體。或流傳孫子。奕世體弱。是皆國
民也。羸弱流傳。何以為兵乎。試觀歐美之人。體直氣壯。為其
母不裹足。傳種易強也。迺觀吾國之民。羸弱纖儂。為其母裹
足。故傳種易弱也。今當舉國徵兵之世。與萬國競。而留此弱
種。尤可憂危矣。夫父母之仁愛。豈樂施此無道之虐。刑于其
小兒女哉。徒以惡俗流傳。非此不貴。苟不纏足。則良家不娶。
妾婢是輕。故奪傷損其一體。而免擯棄其終身。此為一人一
家之事。誠有茹苦含辛。而無如何者。若

戊戌奏稿

聖世懷保小民。一夫之有失時。以為予辜。一物不得。所引以
為己罪。而令中國二萬萬女子。世世永永嬰此刑。中國四
萬萬人民。世世永永傳此弱種。于保民非榮。于仁政大傷。
皇上能無惻然矜之。惻然憂之乎。臣嘗考裹足惡俗。未知所
自。史記利展。不過尖頭。唐人詩歌。尙未詠及。宋世奄被。遂至
方今。或謂李後主創之。恐但惡風所扇耳。宋人稱只有程頤
一家不裹足。則餘風可知。古今中外。未有惡俗苦體。非關功
令。乃能淹被天下。流傳千年。若斯之甚也。其可駭莫甚焉。以
國之政法。論則濫無辜之非刑。以家之慈恩。論則傷父母之
仁愛。以人之衛生。論則折骨無用之致疾。以兵之競強。論則
弱種展轉之謬傳。以俗之美觀。論則野蠻貽誚于鄰國。是可
忍也。孰不可忍。且國朝龍興。嚴禁裹足。故滿洲婦女皆尚天

足。凡在國民同種。覆轉率土婦女。尤宜哀矜。且法律宜一。風俗宜同。

皇上憐此弱女。拯此無辜。亟宜禁此非刑。改茲惡俗。乞特下明詔。嚴禁婦女。裹足其已裹者。一律寬解。若有違抗其夫。若子。有官不得受封。無官者其夫亦科。緩罰其十二歲以下幼女。若有裹足者。重罰其父母。如此則風行草偃。惡俗自革。舉國弱女皆能全體。中國傳種漸可致強。外人野蠻之譏。可以銷釋其神。聖化豈為小補。伏惟。

皇上聖鑒謹奏

戊戌奏稿

請開制度局議行新政摺 七月

奏為請速開制度局以議行新政恭摺仰祈

聖鑒事。竊臣自去年上書條陳變法。其首重要即在制度局。

請設制度局。蒙 皇上發交王大臣會議。近者面對再詳奏

請荷蒙

聖明嘉許。及進呈日本明治變法考。于明治變法時。先開制

度局一事。剴切詳明。言之切至。迭聞

聖明垂注。頻咨議臣。累經催問。乃至今累月。未聞議定施行。

雖

雷霆震厲。而羣臣置若罔聞。臣竊異之。今者渙汗大號。新政

日頒。我

皇上急于求治。勇于求言。雖大舜聞善。若決江河。不足數也。

故有嘉謨則必行。有芻蕘而必採。比之昔者。若盲瞽之獲明

目。若白骨之忽昭蘇。天下欣喜。想望自強。雖然臣竊有憂

之。顛顛不能不言之。則以醫多而藥雜。方亂而病生也。臣雖

至愚。然嘗講求古今之治迹。斟酌中外之政法矣。凡治病之

方。有先後緩急之宜。輕重表裏之別。醫病既爾。治國亦然。其

次序有先後者。必不可少亂其條理。宜繁詳者。必不可闕一

譬若工程家之營大宮室也。先有大匠繪定圖說。基址若干。

高下若干。堂室階庭廊窗門柱若何。磚石土木灰釘漆鐵若

干。用何國之新式。參何國之異樣。估價需金若干。然後鳩工

庇材劃界。行基立門。構堂乃可次第舉也。若夫繪圖未定。則

基界未劃。堂室門庭。廊窗門柱。未定。樣磚石。土木灰釘。漆鐵。未知。數用何國。式皆未商。定但貿貿。然日鳩工。庇材督其營。築。或言某堂室宜。構則聽其言。而構之。或言某門庭宜。築又聽其言。而築之。或言某窗柱宜。如何式。又聽其言。而製之。或言某土木鐵石宜。若何備也。又聽其言。而購之。及其全功落成。則必門窗不通。堂庭相背。瓦縫不能。交合木筍不能。互入必至。天光不蔽。道路不通。牆壁遮塞。豈徒貽笑。隣里亦且糜費。失時及乎。猝有巨風淫雨之交。侵終至。感寒而無所依。蔽也。豈惟經營一工程。哉。即製一衣事。至微小。若不預計。身度之長短。肥瘦寬狹。須料若干。若者爲領。爲袖。若者上衣。下裳而漫聽人言。謬執刀尺。隨意剪裁。應手零碎。縫以針線。緝而成。工被而衣之。必難蔽體。或障左肩。而露右肘。或掩手足。而失胸背。既失笑爲狂疾。且難禦夫風寒。今頻頒新政。而不先開法度局。以總裁之。定其千條萬理之宜。明其先後緩急之序。而漫聽羣臣之條陳。遽爲渙汗。而頒下。枝枝節節。不相湊合。亂次而濟。散無友紀。何以異于所笑。營室裁衣者之所爲也。

戊戌奏稿

臣愚過慮。恐行之久而鮮效。必將爲守舊者所藉口。而反之也。且歐美之新法。固中國所未有。人士未習也。驟取法之推行之初。必多致誤。即使考求極詳。施行極細。猶恐以生疎失。敗。遽地難良。故在彼爲良法者。在我或爲苛政。此又非審慎至詳。推勘至極。不易實施也。况守舊諸臣。憂疑驚懼。陽爲奉

戊戌奏稿

令陰實阻撓

皇上日月。至明。雷霆。至厲。而助舊親。貴偏于當路。似宜思有以位。置安全之。免其怨望。以生危殆。此亦爲政之畧。宜兼籌並顧者也。伏乞

皇上躬乘。乾斷。立開。制度局。選一國之才。而公議定之。統籌全局。乃次第施行。其于變法。庶能少弊。若夫吾國法律。與萬國異。故治外法權。不能收復。且吾舊律。民法。與刑法。不分。商律。與海律。未備。尤非所以與萬國交通也。今國會未開。宜早派大臣。及專門之士。妥爲輯定。臣前所亟亟。請開。法律局。爲此也。請附于。制度局。並設之。臣懼。懼之。愚長慮。過計。極言。上

陳惟

戊戌奏稿

皇上留意。幸察。伏惟

皇上聖鑒。謹奏

請廢漕運改以漕款築鐵路摺 七月

奏爲請停廢漕運。改以漕款。廣築鐵路以通運輸。恭摺仰祈聖鑒事。竊漕運之制。爲中國大政。所以充太倉而供玉食。實京師而備不虞。自京城之東。遠延通州。倉廩連百。高橋柳比。運夫相屬。肩背比接。其自通州。至于江淮。通以運河。迢遞數千里。開官開夫相望。高橋大舸相繼。運船以數千計。船丁運夫以數萬計。設衛所官數百以守之。各省置糧道坐糧廳以司之。南置漕運總督。北置倉場總督兩大臣以統之。其漕米則民納于縣。縣上于糧道。乃船通于運河。而後連橋繼進。循河而上。累時費月。乃達通州。搬丁二萬人。背置倉中。然後次第運至京師。在昔歲四百萬石。近用海運。乃減至百餘萬石。

戊戌奏稿

道成時馮桂芬考之。謂米每石。運至京師者。費凡二十一兩。而歲時頒發臣工兵丁俸餉。積年久遠。米率朽腐不可食。京朝官僚。皆另糴新米以供朝夕。所領俸米。付之米商。每石僅易銀三錢。推

聖朝之厚意。所以惠臣工兵士者。至優渥矣。然寡食之者。亦以年年積運。藏之有餘。太倉之粟。既多且久。遂至碎朽散敗。不可食也。此其弊政。不自今日。上自漢之蕭何。迄今二千年矣。在當時爲積粟備患。轉運之良方。在今日爲萬國騰笑。奇謬之弊政。中國政治之失固多。而未有若漕運之甚者矣。方今四海交通。萬國轉運。但能通商。善其交易。則民食所重。商賈自趨。不勞官之自爲轉運也。故各國人日食麥麵牛羊雞

卵糖而萬國都會城邑未聞千倉萬箱。官畜食品者雖其國主。皆購于市。其官俸兵餉。皆發金錢。而不必爲思患預防之計也。古者城守。預計糧食。故吾國有積粟之大政。不止京邑也。凡各省府縣。皆重倉儲。夫各國豈無兵患。以定事算。比吾尤多。然不爲積粟之計者。以方今兵爭至劇。取決于一月數日間。非如古者可嬰城爲累年守也。故積之而無用也。積粟者預算難定。不足則非儲備之本。義有餘則朽腐爲大。患徒暴天物。而鮮民食。甚無謂也。况乃漕運張大官。置羣吏。如此其重也。築數千之倉。修千里之河。置數千之船。如此其繁且巨也。衛兵船夫倉丁運夫各數萬人。及其婦女子孫十數萬人。如此其多且冗也。而其寔不過京師一米店之事耳。倉場

戊戌奏稿

漕運兩總督。不過南北兩支店司事耳。何足以煩聖朝大政哉。萬國每聞漕政。既驚且笑。或者不解。以爲地球絕怪之事。騰其嘲謔。畫爲圖畫。不可聽視。竊思之。亦不怪外人之嗤點也。然吏事繁冗。外人譏嘲。猶不足計。若夫理財之要。最忌虛糜。方今上下交困之時。尤不宜以有用之巨款。銷之無用之地。試以馮桂芬所計漕運。每米一石。費民二十一兩。則四百萬石。應八千四百萬兩。未官戶部。難得實數。近多折省。姑以半計。亦應二百萬石。須四千二百萬兩。以京師現今米價計之。最精之米。不過五兩。以總計之。僅三兩餘。以百官兵丁所應發俸餉。不過百萬石。每石折給四兩。比之俸米發交米店者。石易銀三錢。過十餘倍矣。羣臣既得厚祿。可養廉

恥。感激天恩。其曷有極。此外應歲餘三千八百萬兩。以十年之通。應有三萬萬八千萬兩。專用以興築鐵路。同爲運輸之政。而得失相去遠矣。夫鐵路縮萬里爲咫尺。循山川如圖畫。收遠邊爲比隣。以開民智。富民生。開地利。通商。業起。工藝。省兵。驛固邊防。莫不由之。凡各國文化。富厚。兵力之所及。皆視鐵路之所通。達以爲衡。況吾中國地大物博。比于全歐。地大而無鐵路。通之則荒物博。而無鐵路。發之則棄。若皆開鐵路。使地利皆通。關物產皆發。揚以吾國之廣土。衆民。大地。莫強焉。豈待城下之盟。設京師之備。爲積粟十年之儲哉。今蘆漢津鎮之路。皆已議築。以臣統計之。南自江浙閩粵。而通桂滇川蜀。北自燕晉秦隴。而至蜀。乃入藏焉。北自遼蒙。直抵伊犁。

戊戌奏稿

五十一

而內達于隴。凡三大道皆國築之。若自居庸出張家口。北至庫倫。南接蘆漢。乃經道矣。即以漕運之款。通十年之期。可築成矣。蓋款雖不足。以其築成之半。可押數萬萬以成之。且內地各道人烟輻輳。必有餘資。可以補邊道之不及。則十年之內。全國交通。運于咫尺。地利大開。物產繁滋。比之空運數百萬石之米。徒全糜而無溢利。其相去之道里。何啻萬億。況強敵比鄰。狡焉思啓。既鐵道四達。調兵運餉。且夕可至。自有以建威鎖萌。所關尤大。體國經野。百年之計。未有過此。若垂俞允。即以漕運總督缺。爲鐵路總督。運丁倉丁船夫衛兵充車路工。在一轉移間耳。以

皇上之明。較其得失。當不俟再計矣。乞立下

明詔停廢漕運。盡裁漕官。其衛所官兵。或改充巡警。或改充屯田。下所司議行。伏惟
皇上聖鑒謹奏

戊戌奏稿

五十二

請計全局籌巨款以行新政築鐵路起海陸軍摺 七月二十日
奏爲請統計全局大籌巨款以舉行新政築全國鐵路起海
陸軍而強中國恭摺仰祈
聖鑒事竊臣以賤愚上辱

皇上非常之知下念中國貧弱之患三月之中上章數十荷
皇上聖明神武立予施行舉國喁喁側首望治然昔者所言
不過去舊弊之太甚發新政之精神耳于立國之實力猶未
及之臣非敢不竭也以有所待也夫政有緩急事有先後權
有得爲與不得爲苟紊其序失其宜恐流弊發生將有大害
夫理財衛兵二者立國之要也人所共知臣甯不言之而終
遂巡不敢妄發者誠有所長慮而卻顧也然臣每念國勢至

戊戌奏稿

危中夜不寐未嘗不以統籌全局大籌巨款爲念至今不得
不爲我

皇上陳之今何時乎列國交通競爭互校優勝劣敗之時也
舉其重要莫若國防與民治矣若稍疎闕敗亡隨之臣尤兢
兢夫新政之初莫先民治若設巡警整土田行自治舉郵政
開學校定法律改判獄皆一日不可緩者也非設巡警則盜
賊不戢情僞不知故各國改良政治者莫先焉吾國土疆大
鄉縣至疎應用巡警幾何需費若干孟子言民治先定經界
今吾國土田幾成空籍上承元明莫之修也寔數莫知真圖
不審若不考明圖籍則統計難辦亦理財無從若能實測新
圖以成新冊貨政大增統計可算是非各縣開局派員測繪

不可則所費甚繁矣夫治國雖大自織悉始孔子言治必先
自鄉地方自治者古鄉政也凡道路學校醫學衛生戶籍皆
賴鄉治乃舉否則地廣而荒雖有萬里廣土不啻棄之然全
國之鄉不啻十萬皆舉自治需費若干夫人之患病血不通
也夫郵政以通喉舌血脈者也各國以收郵政印花之稅或
十倍于地租但初辦之始全國之大縣鄉之多並設郵局其
費幾何吾國法律太苛監獄污穢外人驚惡故不能收治外
法權國恥未有若是之甚也臣迭次請改法律審判監獄之
法聖明深以爲然然全國之大府縣之多改審判監獄之
費應若干若全國大中小校及夫專門皆應次第舉辦並須
巨款此事皆待財政當預統計不能曰吾欲爲之而可成也

戊戌奏稿

以計內政辦成略需一萬萬兩若夫國防至重則各國皆
以全力經營海陸軍矣詩曰無衣無褐何以卒歲安有無兵
而能立于列國競爭之世乎夫兵無定式水愈漲則隄愈高
矛愈銳則盾愈厚互相比視以爲抵焉今以德國之小而陸
兵常備者六十萬後備者六百萬況我廣土萬里遼蒙華藏
滇桂諸邊延袤皆接強敵防不勝防我亦宜行舉國爲兵之
制矣若陸軍常備之數我隣俄日至近當校視俄日之數臣
前請改省爲道每道練一軍每軍七千人百道爲百軍凡七
十萬人以二十軍防遼十軍防蒙十軍防新疆四軍防藏六
軍防滇桂乃足以建威銷萌每成軍須百萬則須萬萬矣其
各地陸軍校及大校皆當次第營辦雖至樽節陸軍須一萬

萬兩。方今海水大通。窮地無界。凡軍艦所達之處。即爲國力所到之處。英爲海王。賴海軍也。故國無海軍。猶鳥之無翼。魚之無翅。人之無足也。吾國民所在受凌辱。而商務不能保護。以無海軍故也。吾東西際海。環七千里。海軍國也。甲午之役。海軍盡殲。今不可不亟圖恢復之。若以費巨難籌。則取而賠款。不更巨乎。若海艦太少。雖有如無。不如勿興。近者德之興雙艦隊也。以十七年爲期。費二萬萬餘鎊。畧當吾萬萬兩之數。今吾欲興海軍。悉照德國雙艦隊之制可也。并營各海港。與海軍校之營辦。計海軍略須一萬萬兩。夫開地利。開民智。通商業。廣郵政。起農工林礦之業。達遼蒙準藏滇桂之防。皆非鐵路不爲功矣。凡鐵路所到之地。即爲文明繁盛。鐵路未

戊戌奏稿

五十五

之則中國永永貧弱。且至淪亡。中國今舉國困窮。誠難籌此大款矣。昔者頗借外款。惜枝枝節節而爲之。非統籌全局。無關治道也。且支出者多兵費賠款。皆非生利。尤忌借債。夫于生利無關。則一出永無所入。于興治無關。則債款續起賠款。而內外大臣。莫不頭痛願頭。爲目前粉飾苟安之計。無一統籌大局。爲萬年起衰掙病之方。臣竊不能爲前後諸大臣解矣。

皇上若用臣之策。統籌全局。獨舉百度。則可大借公債。以六萬萬兩爲額。吾國先辦國家銀行以募之。分立銀行于紐約倫敦而募于美國爲尤易。江蘇補用道容閔。曾使美國可用募入既得如額。海陸軍鐵路民政。刻期舉辦。限定歲月。應支之額款各萬萬計。皆未即盡需也。可以分立舉國各地銀行。及勸業銀行。以惠農工焉。以此六萬萬存貯于總銀行。而收定金幣發行公債紙鈔。增其倍數。聽民間銀行以寔業押款。則國有幣十萬萬。常行流通。其昔者借款。以償日賠款。皆可籌還。以輕債息。而民間得十萬萬。灌輸。則工業盛而商業榮。農林礦漁墾殖隨之而興。中國之富強。可計日致也。三年而規模起。六年而人才成。政治立。十年而霸。惟

戊戌奏稿

五十六

聖意幸察伏惟
皇上聖鑒謹奏

請設新京摺 七月二十後

奏為請建設新都。控帶江海。並多置陪京。以備時巡。而阜民物。恭摺仰祈

聖鑒事。竊維王者建都。必宅中圖大。為民所止。以廣招徠。而觀萬國。或因設險守國。欲資控御。自堯都平陽。舜都蒲阪。禹都安邑。皆因洪水。處于高原。殷則宅河頻徙。周自豐鎬東遷。自秦漢一統以來。凡二千年。則有長安汴洛燕京三大都。帝者迭處之。金陵武昌臨安則為南渡所都。而燕京最久矣。繼始于唐之朱滔王鐸劉守光諸藩。適遼金元 國朝。起自朔方。入主中夏。中更明世。又適成祖起燕受命。北控諸戎。是以千年。長為帝京。皆以握遼漢華夏之中。便于駕馭故也。法都

戊戌奏稿

巴黎。班都馬得理奧都維也納。皆近北邊。以爭中原。突爾丹都臨海。英倫埃及開羅。亦臨海不遠。日本與俄大彼得。特由陸遷都以臨海。皆爭海利也。若意都羅馬故都。則羅馬昔霸全歐。而以地中海為其池。而南臨撫之者。印度昔都舍衛。臨恆河。今亦遷加拉吉打以臨海矣。大率陸爭之世。則以表裏山河。中開天府為固。海通之世。則以據江河之盡。流臨溟海之形。勢交通便利。朕壤饒沃。開戶闢以納天下。以進取為勢。蓋各國之已事。公理之自然矣。不然俄大彼得得何以遠羣議而創霸業哉。由此論之。我 京師之地。與今時勢未宜也。昔者縮轂山海。為控遼蒙。今者遼蒙已同內地。而俄日深入堂奧。且遼路一日可東來。而蒙人已多為俄誘。山海無關。瀚海

非塞。千年形便。于今大反。既無所用。且阡瀕危。若由夏暑而冬寒。譬遷舟而陸住。時地已移。利用皆變矣。芻狗土直。過時則棄。蓋不能不示民以利用遷矣。殷周河洛。寔擇土中。東漢北宋。亦居洛汴。俾貢賦適均。人民輻湊。今諸歐京邑。皆吸集全國之精華。萃聚全國之民物。倫敦巴黎柏林維也納羅馬彼之五都市也。而德之聯邦巴威薩遜。小國之京。亦復聚民百萬。殷賑繁闐。工商借來。官館日築。富盛日進。文物增華。若巴黎倫敦一都。歲之出入。幾比其國之半數。然則京邑所關亦大矣。故必擇土中腴壤。江河貫徹。氣候適宜。物產繁庶。人居富盛之地。而後都焉。乃足以宏上京而容兆庶。今之京師。乃皆反是。地勢偏北。遠于土中。人民難于走集。一也。氣候近

戊戌奏稿

寒。朔風凜冽。飛沙障目。于養生不宜。于興事艱。阻于炭炭多。費。二也。入冬冰凝。海道不通。交易皆頓。三月廢業。貨物折閱。商賈難盛。或以今京師近海。如冰凍何。三也。土產鮮少。人工鈍。黍麥梨棗之外。更無他物。一切百貨。皆運自南方。甚至漕米數百萬石。歲費數千萬。皆以重臣。導以運河。內勞而妄費。細商業而阻生。計。四也。地既寒瘠。民少蓋藏。徒以帝者所居士夫走集。奉官則來。移官則去。無顧家者。故以千年之京邑。數百年之治安。過彼巴黎維也納之亂。爭頻仍。多矣。然自八旗外。無有世家大族。巨富大商。居于京師者。夫世家大族。巨富大商。不居。視為旅舍。無竭力經營之者。則蕭索寒陋。文物不盛。何以隆帝京而觀萬國哉。五也。推所由來。蓋吾之建

都專爲設險控馭而來。不爲阜民觀德而設。故也。故普魯士之都伯林也。當道光十年。人民七萬。今乃三百萬矣。吾順天之爲都也。在唐末代。彼英德法草昧榛莽之時也。而今尙蕭條荒陋。若是也。相反至此。其故不可不深思也。若夫京師溝渠。開自元代郭守敬。今歷歲久。塞淤不通。又無排洩。踈其穢惡。故道路高于人家。塵眯于衢巷。臭穢鬱蒸。積爲疾疫。兆民之衛生大礙。外人之非笑難堪。他日干預。尤可憂危。若欲洗滌掃除。疎通變易。則或神聖之廟壇。嚴重或王侯之第宅。崇高非一吏奉命所能驟易。六也。是故以之設險。則今時已無可守以之阜民。則地宜最爲相反。然而尙以爲京師者。豈非因循守舊。蔽所未見。重于改作之故哉。夫中國土廣萬里。地

戊戌奏稿

五十九

此豈非吾大國之氣象哉。以巨籌之。東自上海至蘇。北起江陰至湖。方地二百里。東臨大海。北枕長江。南孕太湖。西枕吳蘇。山川秀靈。河渠脈縷。田野肥繙。桑穀鋪棻。有三江五湖以疎其穢。有太平洋以廣其廷。氣候溫和。物產繁美。人民饒庶。文藝華盛。誠所謂奧區神阜也。蓋長江貫流七省。巨萬餘里。大地之水莫長焉。東瀆盡流。南化澤。湖中國之壤莫腴焉。今盡收之。西域隴藏。可由蜀江而下流。滇黔楚桂。可由江湖而上達。北土則漢鐵鐵路。一二日長驅而直至。若夫萬國汽船。咸泊上海。裕戶庭而容之。交通之路莫便焉。且夫橫覽天下。今何勢哉。美人之開巴拿馬河渠也。將大溝通歐美于亞洲也。英撫有印度澳洲加拿大。法有安南。德據膠州。俄日雄飛勃起于東海。今天下大勢不在歐而在亞。不在地中海大西洋。已移而來太平洋矣。夫以波羅的海之區。區弱俄之未開化。而大彼得猶遷都于勝彼得堡。自稱開闢。以見天下。況今太平洋之巨浸。湯湯而我中國之大國。決決哉。臣以爲爲今中國謀新都。未有若此地者。

戊戌奏稿

六十

皇上若採行之。先派重臣經營。畫圖定界。開十二之鐵軌馬路。疏萬千之通道廣門。以太湖爲池。以松江爲渠。營行宮于虎邱。拓公園于君山。凡國有物。次第建設。

皇上簡其徒御。先爲巡幸。及文物咸備。乃定爲京邑。遷渙王居。其今京師。以爲北京。置留守焉。略同唐東都宋南京之制。其于控新世之形勢。阜中原之民物。盛中國之文明。豈曰小

補載。

昔世祖章皇帝自盛京遷于燕京。今我

皇上自燕京遷于新京。先聖後聖。其授為一。豈有他哉。時宜

故也。抑更有請焉。凡古今都畿所在。民物必盛。商賈必溥。

文明必起。富庶必興。遠觀于德。以多聯邦。多京都而繁。盛法

無聯邦。無多京。而不盛。至易見也。吾國唐宋有東都。明有南

京。帝者未嘗居也。姑以為名。而文物猶輻輳焉。上考北宋士

夫之流風美俗。文章服物。亦東都尤盛。唐東都明南京亦然。

日本多設西京。文物輻輳。亦勝他市。日主或歲時臨幸。商賈

輻輳焉。以此知阜民萌。繁商富之道也。且愚欲拓此宏規。為

中國建十都焉。自新京及北京盛京興京外。請建武昌為中

戊戌奏稿

京。以便交通。立成都為西京。以撫隴藏。建廣州為南京。以拱

南海。立蘭州或長安為西北京。以奠朔方。其拉薩或建為藏

京。皇上他日時巡。或遣親王代狩焉。其伊犁或迪化建為西

城京。亦遣親王代巡焉。凡諸京皆粗備國有文物。以開民智。

而導文明。其所收效甚遠也。德主北封山于那威之那。岌南

築宮于希臘之可孚。東營宮于突厥之君士但丁那。蓋將

以遠撫長駕也。况吾率土之內。普天之下。廣土衆民。豈可不

使見王者之跡哉。惟

皇上留意幸察伏惟

皇上聖鑒謹奏

請斷髮易服改元摺 七月二十日 謹

奏為請斷髮易服改元以與國民更始恭摺仰祈聖鑒事。窃

維非常之原。黎民所懼。易舊之事。人情所難。自古大有為之

君。必善審時勢之宜。非通變不足以宜民。非更新不足以救

國。且非改視易聽。不足以一國民之趨向。振國民之精神。故

孔子于禮通三統之義。于春秋立三世之法。當新朝必改正

朔。易服色。殊徽號。異器械。而漢武帝當守文之中世。定禮樂

而改曆服。魏文帝承祖宗之強威。遷都邑而易服色。皆以更

新善治。為法後世。若夫當列國爭強之世。尤重尚武。欲舉中

國儒緩之俗。一變致強。其道尤難。故趙武靈王將有事于滅

胡。則變服而騎。齊桓公將欲有事于中原。則易短衣而鞞。而

戊戌奏稿

魏文帝趙主父變其國俗。易其祖舊。父兄羣臣。守舊之彥。諱

言力爭。而二主終獨斷行之。遂致治強。英風霸烈。焜燿無盡

豈非善得通變之宜哉。然是四主者。所遇之世。尚非迫于必

變之時也。今則萬國交通。一切趨于尚同。而吾以一國。衣服

獨異。則情意不親。邦交不結矣。且今物質修明。尤尚機器。辨

髮長垂。行動搖舞。誤纏機器。可以立死。今為機器之世。多機

器則強。少機器則弱。辨髮與機器。不相容者也。且兵爭之世。

執戈跨馬。辨尤不便。其勢不能不去之。歐美百數十年前。人

皆辨髮也。至近數十年。機器日新。兵事日精。乃盡剪之。今既

舉國皆兵。斷髮之俗。萬國同風矣。且垂辨既易汚衣。而蓄髮

尤增多垢。衣汚則觀瞻不美。沐難則衛生非宜。梳刮則費時

甚多。若在外國。爲外人指笑。兒童牽弄。既緣國弱。尤遭戲侮。斥爲豚尾。出入不便。去之無損。留之反勞。斷髮雖始于熱地之印度。創于尙武之羅馬。而秦伯至。德端委治。吳何嘗不先行斷髮哉。夫五帝不沿禮。三王不襲樂。但在通時變以宜民耳。故俄彼得游歷而歸。日明治變法伊始。皆先行斷髮易服之制。豈不長矯舊易俗之難哉。蓋欲以改民視聽。導民尙武。與歐美同俗。而習忘之。以爲親好。故不憚專制強力以易之也。且夫立國之得失。在乎治法。在乎人心。誠不在乎服制也。然以數千年一統儒經之中國。衷衣博帶。長裾雅步。而施之萬國競爭之世。亦猶佩玉鳴琚。以走趨救火也。誠非所宜矣。窃聞德之青子。以拔刀爲戲。以面癢爲榮。雖好勇鬪狠。不足

戊戌奏稿

爲訓。然其尙武至于如是也。夫是以強。然吾兵服。亦復寬衣博袖。懸于各國博物院。與金甲相比較。豈不重可怪笑哉。夫西服未文。然衣制嚴肅。領袖白潔。衣長後衽。乃孔子三統之一。大冠似箕。爲漢世士夫之遺。革烏爲楚靈王之製。短衣爲齊桓之服。故發尙武之風。趨尙同之俗。上法秦伯。主父齊桓。魏文之英風。外取俄彼得。日明治之變法。皇上身先斷髮易服。詔天下同時斷髮。與民更始。令百官易服而朝。其小民一聽其便。則舉國尙武之風。躍躍欲振。更新之氣。光徹大新。雖守舊固蔽之夫。覽鏡顧影。亦不得不俛。徇維新之令。而無復敢爲公孫成等之阻撓矣。其于推行維新之政。猶順風而披。偃草也。抑臣更有請者。將行實政。尤在先播聲靈。元曆何關

戊戌奏稿

實事。而人心尤多繫之。昔日本明治元年大嘗維新。定布五條。

今皇上決行維新。亦宜大嘗改元。以昭國是。定民志。伏乞大

集羣臣誓于

天壇

太廟。上告

天祖。下告臣民。亦若日本布告五事。即以今年改元爲維新元年。與天下更始。俾舉國臣民。翹首面內。改觀易聽。同奉

聖意。咸與維新。其于振動舉國之精神。必有大效。伏惟

聖意裁察。維新幸甚。中國幸甚。伏乞

皇上聖鑒謹奏

戊戌奏稿

按吾此摺上于光緒戊戌七月廿間。先皇神武。決欲舉行。大臣剛毅等力爭。太后不悅。未幾而政變事起。今十四年矣。吾久遊歐美。閱歷日深。則甚悔于前議之過勇。而未盡當也。夫斷髮固在必行。而易服則實有未可。吾遊紐約病。延美國醫生有盛名者某診疾。醫語我曰。他日君變法。一切皆可變。惟服制萬不可變。以中國服。最適于萬國也。紐約嘗有大會。集衆者千人。風寒驟起。人咸感疾。惟中國公使不感。此爲實驗也。吾甚異其詞。歐美人以勿易服語我者至夥。婦人尤甚。時方夏日。從吾之美人歐人。皆喜中國服。屢乞于吾。因給中國衫袴及履。皆日服之。樂其輕便簡易。不畏暑也。皆不願歐服。皆曰歐服必三四。和服外必衣補襦。

七二五

乃能加外袪。三者不能減一。若稍可見人。或出門。則袪服上必加帶領之白袷。而袴必裹之。包裹重袪。熱汗如雨。美墨人近于暑時。多去補襠。逕加外袪。而無如外袪必用絨織。或用羽紗。皆羊毛物也。熱不可任。意奧之南。及歐東阿連五國。苦熱甚則改用綢。而不能北越阿爾頻山也。蓋歐北無用綢者。自埃及至南洋。則于袪服上。以加白洋布衣袴。稍善矣。而美南歐南。不能用之。惟至晚食及大宴會。大聚集觀劇。則無論美南歐南。及南洋。必黑絨袪袴。襪絨絨襪。內爲白領。袖之白袷。加袷衣和禪上。凡四褶。俗之所尚絨。細毛淨潔。皆用歐人通行禮服。亦時有厚絨焉。或自歐携來不及改者耶。在歐美南及南洋見此。皆汗如雨下。而限于通俗。人無如何。吾在意

戊戌奏稿

六十五

大利遇一議員。生于汽車頭等車中。衣厚絨汗出若漿。頻以巾拭。羨吾衣紗之涼。吾謂君解衛生苦熱。何必衣此。醫笑謝曰。國制所限無如何。吾謂議員曰。君亦苦之。何不提出于議院易之。答曰。此禮俗之舊。非議院所及也。其他衛兵工人之衣絨。拭汗苦熱。不可勝數。而熱帶人極苦之。尤不可勝記也。然且衣四襲。熱難減少。而祁寒又不能稍有增多。若加外套。只爲出門之服。而居室則爲無禮不恭。若大會聚間。尤無加外套之事。故猝有大風寒雨雪。未有不中寒感疾者。昔吾言易服時。譚復生即期期言感寒不可。而紐約醫生。即因此而稱中國服制之善。以中國袍袪之外。可加多袪。而未嘗以爲失禮也。且中國欲解長衣加服。亦復易易。而西服非盡解

戊戌奏稿

六十六

厚絨外套。吾亦重棉。倫敦時有暑時。而絨衣四襲無苦。一日之中。風涼煖暖。四變。風涼襲時。須加重綿。乃知羊毛絨。絨之衣。爲歐北氣候適宜之服也。吾盛暑過加拿大。自曼梯阿至溫高華。已而過夏。皆衣夾衣。無少苦暑熱者。蓋加拿大與伯林倫敦。皆在緯度五十度間。故氣候相合也。若夫意大利與君士但丁那部。則四十餘度。苦熱不堪。歐服希臘之雅典。熱甚如炙。日午道絕行人。爲中國土地所未見矣。故觀希臘羅馬圖畫刻像。皆披衣疎散。時露肉體。幾類印度。亞力山大之衣。愷撒奧古士都及羅馬諸王像。至證據矣。今歐服之制。起于德意志。即條頓族也。自沙立曼起于佛蘭覲。南收法境。而國勢實偏在歐北。雖滅倫巴。而羅馬地屬教皇。歐北人自朝

教皇外。未踰阿爾頗山一步。若今阿連五國。地爲東羅馬所
有。即法南亦爲諾曼人所據。故其千年封建。及歐土各國。皆
在寒帶四十五度以北之地。會盟皆在歐北。以祁寒故。服皆
嚴緊。歐北地宜畜牧。羊大毛柔長。及荷蘭創羊毛織。英人師
之。適當機器創行。兵爭益甚。而絨服不畏雨塵。不須多衣。其
于歐北寒帶四十五度以北之地。氣候適宜。故二百年間。偏
行于全歐。推行于全美也。然而歐南美南。已甚不適。乃當歐
力四漲。波浸于熱帶至相反之地。此則以國力行之。非爲其
土宜與氣候之適也。又非爲其服制之盡善盡美也。嗟夫希
臘羅馬埃及阿喇伯突厥印度之文明。干今其舊服制已盡
滅。而改爲歐服矣。夫天下有公理焉。一日適宜。一日美善。協

戊戌奏稿

乎適宜與美善者。未有不行者也。不協乎適宜。未得乎美善
者。僅以強力行之。雖可行。未有能久大者也。穆護之教。挾兵
力以行之。既得印度。盡毀佛廟。焚其書而廬其居。至今全印
無佛廟無僧。其力可謂大矣。而東方佛教。終不能滅。今且萌
芽于歐土矣。以兵力行教猶如此。况服制乎。大凡各國之服
制。皆必發生于其地。宜故熱帶之衣。無不疎散者。埃及印度
阿喇伯南洋可見也。溫帶之衣。不疎不緊。故波斯之服。雅與
吾國爲近。寒帶之衣。無不緊嚴。吾國北方之服。近之。惟吾國
廣土萬里。地兼三帶。重裘厚呢。產自北方。綢葛紗羅。織于南
土。其制則或寬或緊。適其宜。其製則可多可少。聽其便。蓋皆
適乎氣候。順其地。宜蓋大地萬國。無有一地兼三帶者。故無

戊戌奏稿

論文明與否。其爲衣製無有一能適三帶寒溫之候者。此非
萬國衣製之不善也。又非吾國衣製之能獨善也。以地適爲
之也。雖有聖者。不能創逆于時地之服制。然則雖有強力者
豈能永行反于時地之服制哉。蓋凡強力可暫勝一時而不
能行之。永久者也。試問他日大地合一之時。無有種族國土
之界。于時議定服制。欲以適于寒帶之服行之乎。抑以並適
于三帶之服行之乎。

戊戌奏稿

夫合今大地人類所居。南半球可居之地。溫帶無幾。幾全熱
帶矣。若北半球。自加拿大西伯利亞外蒙古至俄屬地。人民
不過萬萬。惟歐北獨盛。而除法奧意班葡阿連五國外。人民
亦不過一萬萬餘。合共宜于嚴緊之寒帶服者。二萬萬餘人
耳。餘則皆溫熱帶者也。人民占十之八九矣。雖舊制久習。則
可戀。風俗已成。則難改。而此十八九不適宜之制。人人樂行
乎。有以知其必不然也。且今論衛生者。皆以冷地不宜。有疾
者多。令遷居溫暖之地。無疾者亦復樂居溫土。吾聞歐人言
皆樂居溫熱帶地。夫以那威山水之美。海山五千里。綠野青
山。冠絕大地。而人民僅百餘萬。無樂久居者。皆遷居美國。瑞
典亦然。俄與芬蘭亦然。然則今之冷帶人。他日必皆奔走南
遷。可斷斷也。今歐北人之樂于歐北者。以其都會之文美。游
樂之多端。足以懽娛。而他方無之耳。若他日溫熱帶之都邑。
文美游樂。足供懽娛。過今歐北也。則寡有樂居寒帶之地者
矣。惟歐北環有熱泉。冬候不甚祁寒。尚可居處。然土產甚少。

七二七

惟恃精工。然他日溫帶工巧並作。則歐北一隅。不能獨擅。居人無恃。以為生計。居者更少。大勢所趨。必居溫帶矣。至是時也。溫熱帶之人。豈猶墨守苦熱不堪之舊服。而不思改良乎。又有以知其不然也。

至是時而溫熱帶人。咸思改服。必思得通三帶之宜者。則非用中國之服制。而何用焉。人非從中國也。從得三帶之適宜也。且文美者人道所尚也。世號尚文明。而輕野蠻者。以美不美別之。云耳。吾中國為絲之天產。國自禹貢重蠶桑。絲染堯舜作服制。乃定日月山龍華虫藻火粉米之繡繪。分飾五采之色。以為袞冕衣裳之服。至為文明矣。夫服制之尚五色文繡。萬國同之。試考古今萬國貴人。若諸歐王侯。有不五色文

成成奏稿

九十九

繡者乎。自美之創業。鑒于諸歐貴族之害。禁廢封爵。並廢繡章。一律緇衣。並為齊民。暨歐土革命。民惡貴族。見則殺害。貴族畏避。乃並為齊民之黑衣。遂師美國。盡為玄黑之服。而貴族與王大臣之朝服金繡。未能盡去也。近則德英二王之閒。居多衣紅綠。于是士民夕燕服。亦漸尚紅綠者。此亦其變端矣。若夫絲之為美。柔軟光妙。產自中國。歲出數萬萬。獨于十數省。所養數千萬人。國人既妙美其服。而通商易貨。尤為大宗。意人自明末。先通中國。最先移蠶絲。今阿爾頻山下可磨湖水。深綠浸漬。為染蠶絲之大宗矣。法當路易十四時。豪華文美。為今歐文俗之祖。師法之。里昂蠶絲最先亦至大。自是而後。各國移風。皆養蠶植桑。術日精。蠶日大。絲日勻美。出產

日多。歐美婦女皆競麗服。必衣色絲。五采日華。而尤愛中國之絲繡。以中國化學之未講。而蠶織學之守舊也。今最衰微矣。然絲性之極。與繡疋之精。萬國尚未能加也。歲銷于外。尚數千萬也。假令吾國能講化學。更精求蠶桑織繡之事。雖以意法日本。必不能純以人事勝天產也。今歐美人皆喜好服絲。徒以絲價昂而絨價賤。又國制所在。未改絲服。此亦歐美人善于保全其天產羊毛絨織耳。若國風一易。則貴富之人。殆未有不盡棄絨而衣絲者。其在數十年之後乎。今固未及也。昔吾遊于美。美之人多羨吾服之美。吾聞易歐服。其貴婦皆謂今日相見不美。皆謂宜服國服。他日切不可改也。可見人情之公尚矣。夫吾國之服絲繡五色。大地未有媲美者也。

成成奏稿

七十

波斯突厥能金繡。而絲不若我也。法意能紗織。而絲不若我也。吾國織成之綢緞紗羅。專銷于吾國人者。歲值將三萬萬。而出外者不預焉。產絲額歲出亦相若。其養蠶種桑之夫。與其織工數千萬。絲乎服乎。殆可謂為中國之命也。不止衣服之文美。與其適宜也。今若易服乎。則人情所尚。必將盡衣乎絨。且必尚歐美之絨改服之。姑以人衣四襲計之。西服價昂。每人襲須二十金。合絨冠革履計之。人須百圓。吾國男子二萬萬人。是一歲輸出購絨之費。已二百萬萬矣。即折從少計。人民有四分之一。易服者尚須歲出五十萬萬。而本國所有織成之綢緞紗羅。歲值三萬萬者。一旦盡棄。且舉國養蠶種桑之夫。織繡之工。除年售數千萬于外國者。可僅延殘喘。餘

失業而餓斃。殆將數千萬人矣。若謂故業乎。則蠶桑絲織者。中國之天產。朕壤。人民之上業。然且棄而無用。而何改哉。或謂雖易服乎。而國制限用絲綢。即用絨呢。亦可自織。何嘗不能保全大利乎。此大未閱歷之言也。以今歐風之盛行也。雪茄之烟。葡萄之酒。奇妙之器。殆爲士夫富貴者所篤嗜。甚至以中國烹饌調和之美。亦咸舍而食西餐矣。今何以易歐服哉。豈非謂歐文之可尙哉。既願舍中國數千年文明。色織適宜之服制。而從歐制矣。凡從人者。摹仿惟恐其不肖也。既服歐服。必用歐絨。士夫富者。必爭趨焉。突厥其已事矣。其服本國之物。必以爲賤貧。鄉曲不識時者。供輕晒而已。而安能復用緞綢紗羅哉。若謂中國自織呢絨乎。則中國羊毛小毛淺。而

戊戌奏稿

纖維不柔美。不能織精細之呢絨。天產已非。無能與歐人爭勝。聞京師呢廠。有名溥利者。織成之呢。堆積如山。無人過問。以其爲中國羊毛所織。故粗惡不堪。而吾國之軍警學人。無與購者。若用外國羊毛而自織之。則運遠而成本太貴。且關稅之權。由外人低昂之。故上海諸呢廠。購外國羊毛者。無不虧敗。而吾國今軍警學校已改服者。必購洋呢而服焉。其已事可鑒矣。然則謂易服吾亦製呢絨焉。其必不可行。又不可待言也。

且人間事理之常。亦安有舍數千年天產之利。十數省土地之宜。氣候至合。農業至習。工藝至熟。商業至通。色織至美。數萬萬人情所愛好。數千萬人民所託命之物。而改習天產不

戊戌奏稿

宜人工不習。土物所無。色織不美。關稅無權。成本太重。盡資于外之物哉。其爲得失是非。不待言也。且衣服者。與飲食宮室同。人人日用之者也。非玩好奇巧。可用可不用之物也。凡人生日用之物。必當己國自產自有之。萬不可待于人國者也。若必一一待于外國。則數萬萬人無衣。而待衣于人。也其爲險事。豈可言哉。況舉己國所自有。乃一舉而盡棄之乎。假令吾國不產絲織。只有綿葛之布。猶當保守之。不可易服。況吾有此數千年天產文美之物。爲大地所無。爲吾民所託命者乎。頃者易服之議風起。各省絲店。停歇已多。甚至有不敢積貯絲貨者。爲害已劇甚矣。若真誤易服乎。是舉全國歲出數萬萬之絲。與織成之緞綢紗羅而盡棄之。數千萬之桑工

戊戌奏稿

織工盡餓斃。之尙須歲出數十萬萬。購呢絨之料于外。又當舉國破產之時。而行此自盡之術。是恐吾國民壽命之太長。而自促而急。之也。其事關於國命至重。奈何以媚外之故而妄言妄行哉。

或謂日本亦絲產國也。何以易服而無礙也。應之曰。日本易服于其明治元年。其時絲業未盛也。蓋絲產自中國移殖日本。然實明治變法。乃始獎勵之。然考明治十一年全國絲產。乃始三十六萬二千六百零七貫。折計中國二百二十六萬六千三百斤。若溯明治元年時。殆不能得三之一也。計值銀不過三百萬。比吾國絲產。不得百之一。似此區區。何關國計民生之大。豈可與吾國以絲爲命者比乎。且吾聞日本易服

之始。一帽之費。損失已及百萬。凡事不考情實。而以空名相比。不切不類。殆無足議也。

吾戊戌上書之言。實為巨謬。時未游外國。閱歷太淺。徒以守舊。阻撓維新者太甚。欲藉斷髮易服之大舉。以易其耳目。而易其心志。俾阻撓不甚。新政易行耳。乃不得已之術也。亦自知絲為中國天產。萬不可棄。冀一轉移後。乃補救之。然亦幸未遽行耳。否則後雖補救。為害已多矣。若今者舉國人情。咸樂變新。無守舊者。不須設法強迫之。則易服致害。萬不可妄嘗試矣。今之志士好言易服。亦若吾曠昔。矯激太甚。尚同太急之故。經久游于外。閱歷既深。當亦如伯玉之知非。不敢妄言易服矣。凡人多動於感情。而寡推求乎事理之極。非經久

戊戌奏稿

七十三

驗。不能深明之。今國人亦多言剪髮不易服者。事理漸明。至為幸事。吾在舉國。為創言剪髮易服之人。附議於此。以自艾自責。然歐服豈無善於中國者。中國服豈無遜于歐美者。今茲變法。擇善而從。斟酌中外。宜得其至善者。若歐人之大冠如箕。充冠而圓以象天。實吾古制。且有帽簷。足以障日光而保目力。實勝吾之瓜皮小帽也。但從其制。必將依其免冠之禮。則不可從。吾國冬冠用絨。宜若放下之。夏冠用縵絲胎與玉草。宜若崇平之。則障日保目。且觀美矣。歐人白領袖。日濯而易之。去汗而至潔。比吾藍領皮領。不易不潔。實為過之。白領袖宜改從之。白袖宜增設之。袴禪增袋。以便置物。此則可採歐制。以補吾所不及者歟。

進呈俄羅斯大彼得變政記序 戊戌正月

臣聞一姓之霸有天下者。刻齒其鐘。鼎摩呵其靈廟。徘徊其冊府。皆有神謨。遠算深計。長慮以為子孫。萬世之業。然類皆數百年而斷滅。或數十年而斷滅。其祖宗之經文。緯武。皆廢弛敗壞。而不可用。子孫墨守其陳迹。而失其精意。遂相以尋於禍敗。謂一姓不再興。覽四千年青史。氏之載。歷朝興亡之迹。豈不哀哉。詩緯曰。王者三百年一變政。蓋變者天道也。天不能有晝而無夜。有寒而無暑。天以善變而能久。火山流金。滄海成田。歷陽成湖。地以善變而能久。人自童幼而壯老。形體顏色。氣貌無一不變。無刻不變。傳曰。逝者如斯。故孔子繫易。以變易為義。又曰。時為義大。時者寒暑。裘葛。後天而奉天。

戊戌奏稿

時此先聖大聲疾呼。以仁後王者。耶泰西之國。一姓累敗而累興。蓋善變以應天也。中國一姓不再興者。不變而逆天也。夫新朝必變前朝之法。與民更始。蓋應三百年之運。順天者興。與其變而順天。非與其一姓也。逆天者亡。亡其不變而逆天。非亡其一姓也。一姓不自變。人將順天。代變之而一姓亡矣。一姓能順天。時時自變。則一姓雖萬世存可也。夫創業中興之人。能變政者。其才武。其志深。其力雄。其氣猛。推移旋運。舉重若輕。故治天下如弄丸。椎拍宛轉。寬綽有餘。晚季中葉。不能變政。其才文。其志淺。其力薄。其氣弱。故因循苟且。畏難偷安。故治天下如患瘰癧。木不能自知自舉。而國之大小存亡。強弱興敗。視之今地球。萬國俄地三萬里。為大俄兵八

百萬爲強。割遼之事。俄一言而日歸之。吾乃以銀行鐵路與之。爲德雖然。乃考俄之始。乃以八萬兵敗於瑞典萬人。乃割邊地於瑞國。無學校。無練兵。無通商。無製造良工。愚冥狂狃。既靈既頑。味塞小弱。岌岌殆亡。固有甚於我中國者。大彼得得知時從變。應天而作。奮其武勇。破棄千年自尊自愚之習。排却群臣。沮撓大計。之說。微服作隸。學工於荷英。徧歷諸國。不恥師學。雷動震萬法。並興昔術。文大布衣冠。務材訓農。通商惠工。敬教勸學。授材任能。是以興術勾踐。臥薪嘗膽。躬耕夫人。織下賢厚。容振貧弔。死同營。百姓用以沼吳。彼得集而兼之。舉動非常。神功超越。用是數十年而文明大開。開地萬里。爲霸地球。嗚呼。雷動而草木圻其變力。大者其治功大。蒼萌億億。皆草木也。待雷而圻。於以榮華。於以參天。彼得之變力。雷力也。哉。宜其圻而榮華。而參天。嗚呼。凡數百年一姓之國。既危既弱。者宜鑒於斯。臣謹輯彼得得行事。以備採擇。上呈聖鑒。臣康有爲序言。

戊戌奏稿

戊戌奏稿

進呈日本明治變政考序 正月
臣聞國無小大。民無衆寡。能修其政則強。不修其政則弱。臣不敢遠述。請言至近者。明有天下。豈不龐大哉。然而 聖朝龍興東土。起自旅成。遂能北收蒙古四十國。東定朝鮮。入主華夏。數月而奄有率土。若夫近者。俄本蕞爾。自大彼得起。發憤變法而霸北球。德大非特獵。起自小普。能勝奧俄法。而成強大。威廉第一能用俾士麥治國。今乃霸全歐。薩諦尼小侯國耳。有賢相嘉高。與其主伊曼奴核起。而勝帝國之奧。遂合十一國以立意。若夫日本地域。比我四川。人民僅吾十之一。而赫然變法。遂殲吾大國之師。割我遼臺。償二萬萬。若夫印度突厥。豈非古有名萬里大國哉。然今則夷爲奴屬。或割爲病。夫聽諸歐蹂躪焉。夫以普魯士薩諦尼日本與印度突厥比土。量民不足。一映焉。然強弱盛亡榮辱。若是其遠也。臣滋懼焉。況今者四海隸通。列強互競。歐美之新政新法新學新器。日出曹奏。歐人乃挾其汽船鐵路。以貫通大地。囊括宙合。觸之者靡。逆之者碎。採而用之。則與化同。乃能保全。突厥至大國。守舊拒之則弱。削日本小國。更新變用之則強。強此其明效。大驗。公理正。則無可遁逃者矣。嘗考日本變法之始至難矣。與歐美語文迥殊。則欲譯書而得歐美之全狀難。帝者守府。而武門執權。列侯拱之。其孝明天皇欲作詩而無紙。則收權難。及倒幕維新。而革命四起。則靖人心難。新政初變。百度需支。頻仍變亂。兵餉交困。而國庫乏絕。初創國家銀行。資

本僅得二十九萬。全國歲入。僅逾千二百萬。直至前歲。勝我之後。歲入亦僅八千萬。則籌款難。然二十年間。遂能政法大備。盡擬歐美之文學藝術而鎔之于國。民歲養數十萬之兵。與其十數之艦。而勝吾大國。以蕞爾三島之地。治定功成。豹變龍騰。化爲霸國。若以我廣土衆民。十倍于日。

皇上乾綱獨攬。號令如雷霆。無封建之強侯。更無大將軍之霸王。片紙渙汗。督撫貫行。四海無虞。民罔異志。就今歲入。已逾萬萬。若括陋規。必可得倍。若正經界。更得倍。若善銀行之用。則不可思議也。若因日本譯各書之成業。政法之成。職而妙用之。彼與我同文。則轉譯輯其成書。比其譯歐美之文。事一而功萬矣。彼與我同俗。則考其變政之次第。鑒其行事。

戊戌奏稿

之得失。去其弊誤。取其精華。在一轉移間。而歐美之新法。日法之良規。悉發現于我神州大陸矣。夫凡有興作。必有失弊。幾經前車之覆。乃得後軌之道。今我有日本。爲鄉導之卒。爲測水之竿。爲探險之隊。爲膏藥之神農。爲識途之老馬。我盡收其利而去其害。何樂如之。譬如作室。歐美繪型。日本爲匠。而我居之也。譬如耕田。歐美覓種。灌溉。日本耨艾。而我食之也。雖國勢不同。民俗少異。有不可盡用者。則斟酌補苴。彌縫救正。亦何難焉。且我數千年文明之舊。亦自有應保全者。其不能盡同。且不可盡探。奚待言哉。但藉其同文。因其變跡。規模易舉。條理易詳。比之探譯歐文之萬難。前無鄉導之旨。豈不相距萬里哉。昔在

聖明御極之時。琉球被滅之際。臣有鄉人。商于日本。携示書自。臣託購求。且讀且駭。知其變政之勇猛。而成效之已著也。臣在民間。募開書局以譯之。人皆不信。事不克成。及馬江敗後。臣告長吏。開局譯日本書。亦不見信。及東事將興。舉國上下。咸昧日事。若視他星。臣曾上書言日本變法已強。將窺遼東。先謀高麗。大臣不信。猥以疎賤。九門深遠。格不上達。及東事之興。舉國人皆輕日本之小國。貿然與戎。遂致敗辱。則太不察鄰國。誤輕小邦之所由也。嚮使二十年前。臣譯局書成。或十年前。長吏聽臣言而譯之。或六年前。大臣信臣言而上奏。

皇上亟變法而預防。有一于此。其在前乎。則國民必瞭而不

戊戌奏稿

瞭。其在後乎。則中國已強而無患。乃皆不獲。遂至喪師辱國。割地賠款。以至乎此也。臣不能不嘆息痛恨也。夫臣愚狂謬。豈敢妄陳前事。幾類炫伐。上瀆

聖明。所以敢不避斧鉞。拳拳上告者。誠以前事不忘。後事之師也。亡羊補牢。今未爲晚也。臣考日本之事。至久且詳。觀前車之覆。至險可鑒。若採法其成效。治強又至易也。大抵歐美以三百年而造。成治體。日本效歐美。以三十年而摹。成治體。若以中國之廣土衆民。近探日本。三年而宏規。成五年而條理。備八年而成效。舉十年而霸圖。定矣。臣荷

皇上非常之知。籌爲中國自強之計。未有過此。

皇上若採臣言。中國之治強。可計日而待也。臣昔譯集日本

羣書。但割取明治變政之事。編輯成記累承

聖問。今乃寫定上呈

聖鑒。臣康有爲序言

進呈突厥削弱記序 戊戌五月

臣聞醫而後知病之輕重。鑒而後知貌之妍媸。鑒于遠古。不若鑒于近今。鏡于不同類。而異我者。不若鏡于同類。而似我者。故蘇援切近。診切脈絡至要矣。橫覽萬國。與中國至近。形似比擬。同類鑒戒最切者。莫如突厥矣。突厥出自匈奴。蓋股人消維之後。而吾同種也。昔在侑唐之世。赫然控北方數萬里。亘自遼東延瀚海。至于裏海。奄有中亞。自蒙古前莫比強焉。及敗逐于契丹時。號爲西突厥。終敗逐于蒙古。燕帖木兒。

戊戌奏稿

走爲今突厥。已而攻東羅馬。滅而代之。遷居其君士但丁那部之大都。當是時。突之四域。北據今強俄之全土。東破取波斯之半壤。南臣服非洲數萬里之北域。中撫亞喇伯希臘之舊國。東取歐洲之塞維布加利牙羅馬尼亞之腴壤。挾其黑海地中海印度海幅輳之力。兼有摩西穆護希臘羅馬文教之舊。疆東向而爭歐。土當明之中葉。其蘇丹索立曼擁馬隊兵百萬。以壓全歐。玉節金幢。鐵馬鳴鑼。鞭箠所指。指日滅歐。德之維也納城門不啓。匈之標德卑士京邑瀕危。諸歐列國王侯聯兵合拒之。幸霖雨坱溢。疫病大起。僅乃得解。否則諸歐咸爲吞併。自爾三百年間。諸歐同心竭力。奔命靡遑。蓋聞突厥之聲威。而心懼骨震矣。然而三百年間。適當歐人新

戊戌奏稿

世勃興。倫科布則尋得美洲。漸乃覓得全地。以增新識。意大利文學復興。後新教出而舊教殄。于是倍根笛卡兒。創新學。講物質。自是新舊新器大出矣。突人得大砲火藥于蒙古。而輸之歐。于是破封建萬千之侯壘。而王權成。騰揚濫天之革命波。而立憲偏于各國矣。至近世百年。諸歐治定功成。其新政新法新學新器。絕出前古。橫被全球。其汽船鐵路電線汽球。並出齊奏。絕地通天。歐人用以囊括四海。席捲大宇。無有留者。而突厥恃其強大。軒睡于其比。鄰閱數百年。渺若無知。不少覺寤。豈不異哉。及夫歐勢內膨。兵力外挺。耽耽逐逐。惟此地兼三海三洲之神。鼻腴壤。始因種爭教爭。借扶其民。于是埃及希臘自立。羅馬尻亞塞維繼之。及布加利牙教案之

戊戌奏稿

起。俄人藉口。仗義與師。于是可薩克數十萬兵。立馬巴達坎岳之顛。以俛歐君士但丁那部矣。當是時。突君主大臣。喘喘不國。英人爲均勢。而爭鄭之虎牢也。乃連法意德奧之師。勒俄退兵。列強乃分割其要壤。俄得黑海。高加索。奧得赤次戈兩省。英得毛魯塌。布加利牙與門的內哥均自立。自是突遂偏安。地壤褊小。君廢國幾亡。當是時。幸賴賢相阿士文之才。立憲法。變新政。訂外交。令國家危而復安。國民懸而復解。若使突主倚用之。以突之兵強地大。至今二十年。雖齊法德。軼奧意可也。然而突之蘇丹。乃遂阿士文。廢憲法。復守舊。至于今二十年。全突黑開。仍數百年之故俗也。其國土地蕪蕪。與我國同。道路污穢。與我國同。無自來水。無排洩。無電燈煤燈。

七三三

無機器。與我國同。全國少鐵路電線。交通不便。與我國同。人民愚昧篤舊。于讀回教經典外。地球大勢。隨無所知。其學校皆無世界學。無各專門化光電重工程機器學。無商船駕駛學。與我國學子昧昧于八股試帖楷法同。人民無權。國無議院。縣鄉無議局選舉。與我國同。其財政因亂。人民窮苦。如牛馬。與我國同。其訟武斷。其獄黑苦。與我國同。其負外國債累數萬萬。與我國同。英俄德法奧意六國大使外攬收其財。內干預其政。日迫壓取其利權。國民愁怨咨嗟。與我國同。于是革命四起。人人思易朝逐君矣。而突厥蘇丹。以其黑暗守舊之治法。晏然處諸歐列強狡啓之中。偃然臥國民憤怒革命之上。所謂寢積薪之上。火未然而以爲安。臥羣虎之旁。虎未噬則且酣醉。豈有不危哉。突厥不亡。國則革命殆不遠矣。無可救藥矣。豈止削弱而已哉。書云與治同道罔不興。與亂同道罔不亡。中國與突厥乎。西歐久謂爲東方兩病夫矣。其意謂未知孰先死也。今中國之形。與突厥同。中國之病。亦與突厥同。臣編譯突厥事。窃窃自危。旁皇淚下。窃幸恭逢 皇上神聖英武。維新變法。且決立憲。有以起病而扶衰焉。惟此獨與突厥異。中國不亡。國民不奴。惟 皇上是恃。書曰一人有慶。兆民賴之。此中國四萬萬人民之幸也。臣謹譯編上呈

聖鑒臣 康有爲序言

進呈法國革命記序 六月

昔孔子讀詩。至殷士膚敏。灌將于京。乃掩卷而歎曰。大哉天

命無常。故君子不可不戒懼。黎民不可不勤勉。臣讀各國史。至法國革命之際。君民爭禍之劇。未嘗不掩卷而流涕也。流血徧全國。巴黎百日而伏尸百二十九萬。變革三次。君主再復。而綿禍八十年。十萬之貴族。百萬之富家。千萬之中人。暴骨如莽。奔走流離。散逃異國。城市爲墟。而革變頻仍。迄無安息。旋入洄淵。不知所極。至夫路易十六。君后同囚。並上斷頭之臺。空瀟國民之淚。悽惻千古。感痛全珠。自是萬國驚心。君民交戰。革命之禍。徧于全歐。波及大地矣。諸歐鑒戒巴黎。殺戮畧減。而君主殺逐。王族逃死。流血盈野。死人如麻。則百年來。百國實書寔錄。莫不同然。普大地殺戮變亂之慘。未有若近世革命之禍酷者矣。蓋皆自法肇之也。大學曰。惟命不予

常。道善則得之。不善則失之。惟石岩岩。民具爾瞻。故有國者不可以不慎。僻則爲天下戮。故桀放南巢。而民曰時日曷喪。厲王放彘而下。乃共和爲政。至于懸太白。焚漸臺。蓋皆不慎不善。以辟爲天下戮也。若夫路易十六。寬裕愛民。寔爲恭儉之君。故遭禍戮。民多哀憐之。以憐民飢。特許開議院。至仁也。特許平民預議而立憲法。至公也。飢民從其徽除喇宮。推至巴黎。至寬也。惜其許行立憲。不盡出于己意。而多由于民迫。不剛斷于速行。而游移于衆議。始則恃瑞士之軍。以兵爲衛。既乃撤之。則無兵而同于匹夫矣。中則與民黨米拉伯盟而付以大政。則得人而王室固矣。既乃背之。則民黨失心矣。終則恃外援而不出奔。遂激民怒而成大戮。身首異處。爲天下

民性可靜而不可動也。一動之後。如轉石于懸崖。不至于趾不止也。傳曰。豈其使一人肆于民上。民愚不知公天下之義則已。既知之。則富貴崇高者。衆之所妒。事權尊一者。衆之所爭也。法民既遠。感于美民主之政。近視于英戮桎理逐占士之故。久受壓制。具瞻岩岩。必傾覆之。吳起所謂水能載舟。亦能覆舟。書所謂顧畏于民岩也。民情大動。民心大變矣。昔之名分不足。以定之。適足以激之。權勢不足以壓之。適足以怒之。若使路易十六。剛復雄武。仍壓其民。若秦始皇則禍延後嗣。二世而亡。如其祖路易十四而已。而雄武之才。乃天寔生之。非尋常人主所能學也。苟誤師之。則如秦二世吳孫皓隋煬帝英桎理十一而已。既不能爲始皇路易十四。則察

戊戌奏稿

時勢審民情。知變之不能復止也。動之不能復靜也。違之愈激。遲之生變。且夫寡不敵衆。私不敵公。人理之公則也。安有以一人而能敵億兆國民者哉。則莫若立行乾斷。不待民之請求。迫脅而與民公之。如英之威廉第三。後諸主然。明定憲法。君民各得其分。則路易十六。必有秦山磐石之安。聘彭之壽。堯舜之譽。生死榮哀。國家長久。天下後世師之。慕之。而惜路易十六不能審時剛斷也。徘徊遲疑。欲與不與。緩以歲月。新其事權。遂至身死國亡。爲天下戮笑。幾沒其賢也。豈不哀哉。昔司馬遷笑項羽爲婦人之仁。匹夫之勇。寬柔不斷。遂以身死國亡。至今觀之。與路易十六。同出一轍。有國者固與匹夫異體哉。臣竊觀近世萬國行立憲之政。蓋皆由法國革命

戊戌奏稿

而來。跡其亂禍。雖無道已甚。而時勢所趨。民風所動。大波翻瀾。週易大地。深可畏也。蓋大地萬千年之政變。未有宏巨若茲者。亦可鑒也。中國未有此書。臣謹編譯上呈。

聖鑒臣康有爲序言

進呈波蘭分滅記序 七月

臣竊聞波蘭分滅後。其民散走歐。美。俄人虐待之。幾同猶太。俄普皆禁其作波蘭語。文。禁買地。即美至平等。均爲僕婢。亦恥與波蘭人伍。蓋雖爲歐種。幾視與印度人等矣。哀哉。亡國人也。波蘭分滅事。未入中國載記。臣每讀之。親夫列強同謀之詭。連兵壓逼之酷。波蘭君相忍辱。頻仍之苦。割講漸次之盡。及將分滅。君主后妃親王大臣。迫劫囚據之慘。若設晉愷

戊戌奏稿

愷。徵欽石重貴故事。豈徒富貴皆空。其戮辱困苦。求爲奴隸不可得也。國民性懦。不早事力。爭及經萬變。流血無數。獲開議院。而俄人環兵三千。陳礮對院。以監囚諸議員。莫敢噤聲。其勇烈者言出而戮矣。臣既痛波蘭之君民行復自念。中國未嘗不爲之掩卷流涕。淚下沾襟也。嘗推波蘭所以致分滅之由。一由其君忍受恥辱。不早英武自強也。一在其宰相大臣守舊保祿。苟延旦夕。而甘心賣國也。夫以列強之窺伺。如彼。而波君相之怯偷。如此。未有不亡國者也。使其民早同心竭力。以與君相爭國會。不二心。不易慮。不畏囚死。波王本亦寬棄愛民之主。未嘗不可得也。徒惑于其大臣耳。乃國民愛死坐視。不早爭之。至于國已瀕危。大勢盡去。雖得開國會。而

七三五

已為強鄰所制。雖有聖者。無救于亡也。及亡後。乃始沉族。破家。肝腦原野。欲以救亡。終無成也。此國民酣嬉目前之罪也。所以為亡國之民也。若其君主。既上制于椒房之太后。下制于貴族之大臣。不能自奮矣。與其分滅于外。慘為亡國之戮。囚。孰若付權于民。猶得守府而安榮。乃逸遁避終。徘徊不決。至于國勢瀕危。大勢盡去。乃始開國會而聽之民。獻則已為強鄰所制。雖有無數之忠臣義士。終無救于亡矣。若其親貴大臣。守舊持祿。日以剝民納財。賣國鬻權為事。誅囚才賢。壓抑新法。蒙閉人主。力拒國會。以為一身富貴長久之計。而不知分地既盡。剝床切膚。家族妻子。囚擄誅夷。高臺傾而玩好散。身首不保。白首同歸。是則自作之孽。無復可憫者矣。惟惜

戊戌奏稿

三

其君寬仁好善。不能自克。以至身死國亡。為天下戮。禍及其民。延于累世。此則後之覽者。不能無歎。歎三歎也。夫嗟乎。弱為六極。需者事賊。以召分滅。亦可鑒也。謹輯叙之上呈聖鑒。臣康有為謹序

應 詔統籌全局摺 正月初八日具奏
奏為應

詔陳言乞統籌全局以救危立國恭摺仰祈

聖鑒事竊頃者德人割據膠州。俄人窺伺旅大。諸國環伺。岌岌待亡。自甲午和議成後。臣累上書。極陳時危。力請變法。格未得達。旋即告歸。士室撫膺。閉門泣血。未及三年。遂有茲變。臣萬里浮海。再詣

闕廷。荷蒙

皇上不棄芻蕘。特命總理各國事務王大臣傳詢。問以大計。復命具摺上陳。並宣取臣所著日本變政考。俄大彼得變政考。進呈

戊戌奏稿

御覽。此蓋歷朝未有之異數。而

大聖人探及葑菲之盛德也。臣愚何人。受此殊遇。遭際時艱。敢不竭盡其餘。以備採擇。臣聞方今大地守舊之國。未有不分割危亡者。也有次第。裔割其土地。人民而亡之者。波蘭是也。有盡取其利權。一舉而亡之者。緬甸是也。有盡亡其土地。人民而存其虛號者。安南是也。有收其利權而後亡之者。印度是也。有握其利權而徐分割而亡之者。土耳其埃及是也。我今無士無兵。無餉無船。無械雖名為國。而土地鐵路輪船。商務銀行。惟敵之命。聽客取求。雖無亡之形。而有亡之實矣。後此之變。臣不忍言。觀大地諸國。皆以變法而強。守舊而亡。然則守舊開新之效。已斷可觀矣。以

皇。上。之。明。觀。萬。國。之。勢。能。變。則。全。不。變。則。亡。全。變。則。強。小。變。仍。亡。

皇。上。與。諸。臣。誠。審。知。其。病。之。根。源。則。救。病。之。方。即。在。是。矣。夫。方。今。之。病。在。篤。守。舊。法。而。不。知。變。處。列。國。競。爭。之。世。而。行。一。統。垂。裳。之。法。此。如。已。夏。而。衣。重。裘。涉。水。而。乘。高。車。未。有。不。病。賜。而。淪。胥。者。也。大。學。言。日。新。又。新。孟。子。稱。新。子。之。國。論。語。孝。子。毋。改。父。道。不。過。三。年。然。則。三。年。之。後。必。改。可。知。夫。物。新。則。壯。舊。則。老。新。則。鮮。舊。則。腐。新。則。活。舊。則。板。新。則。通。舊。則。滯。物。之。理。也。法。既。積。久。弊。必。叢。生。故。無。百。年。不。變。之。法。况。今。茲。之。法。皆。漢。唐。元。明。之。敝。政。何。嘗。爲。

皇。上。之。法。度。哉。又。皆。爲。胥。吏。舞。文。作。弊。之。巢。穴。何。嘗。有。絲。毫。戊戌奏稿

祖。宗。之。初。意。哉。今。託。於。

祖。宗。之。法。固。已。誣。

祖。宗。矣。且。法。者。所。以。守。地。者。也。今。

祖。宗。之。地。既。不。守。何。有。於。

祖。宗。之。法。乎。夫。使。能。守。

祖。宗。之。法。而。不。能。守。

祖。宗。之。地。與。稍。變。

祖。宗。之。法。而。能。守。

祖。宗。之。地。孰。得。孰。失。孰。重。孰。輕。殆。不。待。辨。矣。雖。然。欲。變。法。矣。而。國。是。未。定。衆。論。不。一。何。從。而。能。舍。舊。圖。新。哉。夫。國。之。有。是。猶。船。之。有。舵。方。之。有。針。所。以。決。一。國。之。趨。向。而。定。天。下。之。從。

違。者。也。若。針。之。子。午。未。定。舵。之。東。西。游。移。則。徘徊。莫。適。悵。悵。何。之。行。者。不。知。取。從。居。者。不。知。取。往。放。乎。中。流。而。莫。知。所。休。指。乎。南。北。而。莫。知。所。極。以。此。而。駕。橫。海。之。大。航。破。滔。天。之。巨。浪。而。適。遭。風。沙。大。霧。之。交。加。安。有。不。沈。溺。者。哉。今。朝。廷。非。不。稍。變。法。矣。然。

皇。上。行。之。而。大。臣。撓。之。才。士。言。之。而。舊。僚。攻。之。不。以。爲。用。夷。變。夏。則。以。爲。變。亂。

祖。制。謠。謗。並。起。水。火。相。攻。以。此。而。求。變。法。之。有。效。猶。却。行。而。求。及。前。也。必。不。可。得。矣。

皇。上。既。審。時。勢。之。不。能。不。變。知。舊。法。之。不。能。不。除。臣。請。

皇。上。斷。自。聖。心。先。定。國。是。而。已。國。是。既。定。矣。然。下。手。之。方。其。戊戌奏稿

本。末。輕。重。剛。柔。緩。急。不。同。措。置。之。宜。其。規。模。條。理。綱。領。節。目。

大。異。稍。有。乖。誤。亦。無。成。功。臣。愚。嘗。斟酌。古。今。考。求。中。外。唐。虞。三。代。之。法。度。至。美。但。上。古。與。今。既。遠。臣。願。

皇。上。日。讀。孟。子。師。其。愛。民。之。心。漢。唐。宋。明。之。沿。革。可。採。但。列。

國。與。一。統。迥。異。臣。願。

皇。上。上。考。管。子。師。其。經。國。之。意。若。夫。美。法。民。政。英。德。憲。法。地。

遠。俗。殊。變。久。迹。絕。臣。故。請。

皇。上。以。俄。大。彼。得。之。心。爲。心。法。以。日。本。明。治。之。政。爲。政。法。也。

然。求。其。時。地。不。遠。教。俗。略。同。成。效。已。彰。推。移。即。是。若。名。書。佳。畫。墨。蹟。尙。存。而。易。於。臨。摹。如。宮。室。衣。裳。裁。量。恰。符。而。立。可。鋪。

設。則。莫。如。取。鑑。於。日。本。之。維。新。矣。日。本。之。始。也。其。守。舊。攘。夷。

與我同。其幕府封建與我異。其國君守府。變法更難。然而成
功甚速者。則以變法之始。趨向之方針定。措置之條理得也。
考其維新之始。百度甚多。惟要義有三。一曰大誓。羣臣以定
國。是二曰立對策。所以徵賢才。三曰開制度。局而定憲法。其
誓文在決萬機於公論。採萬國之良法。協民國之同心。無分
種族。一上之議論。無論藩庶。今羣臣咸誓言上表。革面相
從。於是國是定而議論一矣。召天下之徵士貢士。咸上書于
對策所。五日一見。稱

旨者擢用。於是下情通而羣才進矣。開制度局於宮中。選公
卿諸侯大夫。及草茅才士二十人。充總裁。議定參預之任。商
權新政。草定憲法。於是謀議詳而章程密矣。日本之強。效原
於此。

皇上若決定變法。請先舉三者。大集羣臣於

天壇

太廟。或

御乾清門詔定國。是躬申誓。戒除舊布。新與民更始。令群臣
具名上表。咸革舊習。黽勉維新。否則自陳免官。以激厲衆志。
一定輿論。設上書取於

午門。日輪派御史二人監收。許天下士民。皆得上書。其群僚
言事。咸許自達。會得由堂官代遞。以致阻撓。其有稱
旨者

召見察問。量才擢用。則下情咸通。群才輻輳矣。設制度局於

內廷。選天下通才十數人。入直其中。王公卿士。儀皆平等。畧
如

聖祖設南書房。

世宗設軍機處例。

皇上每日親臨商榷。何者宜增。何者宜改。何者當存。何者當
刪。損益庶政。重定章程。然後敷布施行。乃不膠素。近泰西政
論。皆言三權。有議政之官。有行政之官。有司法之官。三權立。
然後政體備。以我

朝論之。

皇上則為元首。百體所從。軍機號為政府。出納王命。然跪對
頃刻。未能謀議。但為喉舌之司。未當論思之寄。若部寺督撫。

戊戌奏稿

僅為行政之官。譬於手足。但供奔持。豈預謀議。且部臣以守
例為職。而以新政為之。議事既違例。勢必反駁而已。安有以
手足而參謀。欲近者新政。多下總署。總署但任外交。豈能
兼營商務。況員多年老。或兼數差。共議新政。取決俄頃。欲其
詳美。勢必不能。若御史為耳目之官。刑曹當司法之寄。百官
皆備。而獨無左右謀議之人。專任論思之寄。然而新政之行
否。實關軍國之安危。而言者妄稱施行主者。不知別擇。無專
司為之討論。無憲法為之著明。浪付有司。聽其抑揚。惡之者
駁詰而不行。決之者倉卒而不盡。依違者狐疑而莫定。從之
者條畫而不詳。是猶範人之形。有頭目手足口舌身體。而獨
無心思。必至冥行躓墮。顛倒狂瞽。而後已。以此而求新政之

能行豈可得哉。故制度局之設。尤爲變法之原也。然今之部
寺。率皆守舊之官。驟與改革。勢實難行。既立制度局。總其綱
宜立十二局分其事。一曰法律局。外人來者。自治其民。不與
我平等之權利。實爲非常之國恥。彼以我刑律太重。而法規
不同。故也。今宜採羅馬及英美德法日本之律。重定施行。不
能驟行內地。亦當先行於通商各口。其民法。民律。商法。市則
則通商交際。勢不能不概予通行。然既會律法。吏民無所率
從。必致更滋百弊。且各種新法。皆我所夙無。而事勢所宜。可
補我所未備。故宜有專司。探定各律。以定率。從二曰度支局。
我國地比歐洲。人數倍之。然患貧實甚。所入乃下等。於智利

戊戌奏稿

希臘小國無理財之政。故也。西人新法。紙幣。銀行。印稅。證券。
訟紙。信紙。烟酒稅。礦產。山林。公債。皆致萬萬。多我所無。宜開
新局專任之。三曰學校局。自京師立大學。各省立中學。各府
縣立小學。及專門各學。若海陸醫律師範各學。編譯西書。分
定課級。非禮部所能辦。宜立局而責成焉。四曰農局。舉國之
農田。山林。水產。畜牧。料量其土宜。講求其進步改良焉。五曰
工局。司舉國之製造。機器。美術。特許其新製。而鼓厲之。其船
舶市場。新造之橋梁。堤岸。道路。咸屬焉。六曰商局。舉國之商
務。商學。商會。商情。商貨。商律。專任講求。激厲之。七曰鐵路局。
舉國之應修鐵路。繪圖定例。權限。咸屬焉。八曰郵政局。舉國
皆行郵政。以通信。命各省府縣。咸立分局。並電線屬焉。九

戊戌奏稿

日礦務局。舉國之礦產。礦稅。礦學。屬焉。十曰游會局。凡舉國
各政會學。教會。游歷。游學。各會。司其政律。而鼓舞之。十一
曰陸軍局。選編國民爲兵。而司其教練。十二曰海軍局。治鐵
艦。練軍之事。十二局設。庶政可得而舉矣。然國政之立。皆以
爲民。民政不舉。等於具文而已。夫地方之治。皆起於民。而縣
令之下。僅一二簿尉。雜流。未嘗託以民治。縣令重任。而選賤
俸薄。而官卑。自治。獄。催。科。外。餘皆置之度外。其上乃有藩臬
道府之轄。經累四重。乃至督撫。而後達於上。藩臬道府。拱手
無事。皆爲冗員。徒增文書。費厚祿而已。一省事權。皆在督撫。
然必久累資。勞乃至此。地位大事。繁。年老。精。衰。舊制。且望而
生畏。望其講求新政。而舉行之。必不可得。向者興學堂。農商

戊戌奏稿

之
詔累下矣。而各直省多以定文。塞責。亦可見矣。日本以知縣
上隸於國。漢制百郡。以太守達天子。我地大不能同日。本宜
用漢制。每道設一。民政局。妙選通才。督辦其事。用南書房。及
學政。例自一品。至七品。京朝官。皆可爲之。准其專摺。奏事。體
制。與督撫平等。用出使。例聽其自辟。參贊。隨員。俾其指臂。收
得人之助。其本道有才。者可特授。否則。開缺。另候。簡用。即
以道缺。給之。先撥。釐。稅。俾其創辦。新政。每縣設。民政。分局。督
辦。派員。會同。地方。紳士。治之。除刑。獄。賦。稅。暫時。仍歸。知縣。外
凡。地。圖。戶。口。道。路。山。林。學。校。農。工。商。務。衛。生。警。捕。皆。次。第。舉
行。三。月。而。備。其。規。模。一。年。而。責。其。成。效。如。此。則。內。外。並。舉。皆

七三九

指靈通憲章草定奉行有準然後爰法可成新政有效也若夫廣遣親王大臣游歷以通外情大譯西書游學外國以得新學厚俸祿以養廉恥變通科學以育人才皆宜先行者猶慮強鄰四逼不能容我從容圖治也且我民窮國匱新政何以舉行聞日本之變法也先行紙幣立銀行財源流通遂以足維新之用今宜大籌數万万之款立局以造紙幣各省分設銀行用印度田稅之法仿各國印花之稅我地大物博可增十倍然後郡縣獨立各種學堂沿海皆設武備學院大購鐵艦五十艘急練民兵百萬則氣象丕變維新有圖雖不敢望自強亦庶幾可以自保臣愚夙夜憂國統籌大局思之至詳其能舉而行之惟

戊戌奏稿

皇上之明其不能舉而行之惟諸臣之罪時防國危謹謁愚誠伏乞

皇上聖鑒謹呈

呈請代奏 皇帝第七疏正月
竊頃強鄰四迫國勢危蹙

皇上憂勞

社稷亟籌自強量勢審時必有取法將篤守

祖宗之舊法耶則大地忽通數十強國環迫皆

祖宗所未遇必不能執舊方以醫變症也將近探漢唐宋明

之法度耶則接鄰諸國文學極盛迥非匈奴突厥契丹獫狁

之風又漢唐宋明所未有也將上法唐虞三代之治道德純

備矣而時勢少異或慮有一二迂濶而遠於事情者職竊考

之地球富樂莫如美而民主之制與中國不同強盛莫如英

德而君民共主之制仍與中國少異惟俄國其君權最尊體

戊戌奏稿

制崇嚴與中國同其始為瑞典削弱為泰西積鄙亦與中國

同然其以君權變法轉弱為強化衰為盛之速者莫如俄前

主大彼得得故中國變法莫如法俄以君權變法莫如探法彼

得職前言至近之譜蹟可臨摹者也職搜探彼得變政之事

苦中國群書皆罕譯出職刻意考求始獲彼得本傳即為譯

出旁搜記乘稍加損益於是彼得行事粗見本末矣考彼得

之能開地萬里創霸大地者豈有他哉不過紆尊降貴游歷

師學而已以欲變法自強之故而師學他國非徒紆尊降貴

且不惜易服為僕隸辱身為工匠焉凡強敵之長技必通曉

而摹仿之凡萬國之美法必採擇而變行之此其神武獨授

破盡格式操縱自在動作非常以發揚神智丕變國俗其舉

動爲千古英主之所無。故其創業遂爲大地萬里之雄。新易曰：天行健。又曰：武人爲於大君。書曰：錫王勇智。詩曰：武王桓撥。彼得大力自運乾坤。堦剛武健。撥勇智天錫。宜其遠撫長駕創業垂統威聲赫然也。昔勾踐爲吳夫差而沼吳。晉文公游歷十九年。知民情僞而創霸。殷武丁奮勞於外。爰暨小人而稱宗。舜耕稼陶漁而爲聖。帝蓋虛驕自大者。敗之媒。卑飛欽翼者。擊之漸。人主不患體制之不尊。而患太尊天下不患治安之無策。而患不取。此所以危敗接踵也。昔緬甸勢弱將亡。覲見英使。英使不跪。尙須以黃布作帷。遮其下體。安南國權已削。而下僚尙不得見其主。並遞條陳。觀緬甸安南之所以亡。考俄之所以霸。以。

戊戌奏稿

皇上之明。鑒觀得失。果何擇焉。今明知法敝不能不變。而卒不能變者。大率爲體制所拘。與天下賢士不接。故不能大變也。夫威權者實也。體制者虛也。

皇上既自強之後。緩服鄰國。大地內外。悉主悉臣。欲崇體制。何求不得。若國體不立。割地賠款。築路開礦。勒遂疆臣。強出上諭。俛首宛頸。委命他人。無復自主之權。亦無保國之術。雖我待藩屬如朝鮮。越南尙未限禁。至是既迥非。

祖宗一統之舊。且並非泰西平等之邦。若仍用舊時體制。以爲尊崇。是甘蹈越南緬甸之覆轍。而及勾踐武丁帝舜之良圖。竊爲。

皇上不取也。考中國敗弱之由。百弊叢積。皆由體制尊隔之。

戊戌奏稿

故自知縣號稱親民。而吏役千數人。盤隔於內。山野數百里。遠隔於外。小民有冤。呼號莫達。累上而爲知府。則千里剖符之寄。又累上而爲司道。則百城藩屏之任。然上未得其摺。以上達下。須行縣乃達。民若夫督撫之前。去民益遠。百縣之地。爲事更繁。積弊如山。疾苦如海。既已漫無省識。安能發之。奏章一省一人。一月數摺。隔塞甚矣。何能爲治。京師百僚千萬。非無人才。而惟九卿台諫。方能上達。故直省民數雖四萬萬。而達官僅數十。餘皆隔絕。是雖有四萬萬人。而實俱棄之。樞臣位尊體重。禮絕百僚。卿貳大臣。不易得見。至興群僚。益復適隔。東閣不開。諮謀無人。自塞耳目。自障聰明。故有利病而不知。有才賢而不識。惟有引體尊高。望若霄漢而已。比之外。

戊戌奏稿

國君主尊隔過之。詩云：瞻彼南山。維石巖巖。赫赫師尹。民具爾瞻。刺尊隔也。昔周公吐哺握髮。以待天下士。况無周公之才美。而加以驕吝。而欲旋乾轉坤。安可得哉。

皇上九重深遠。堂遠廉高。自外之樞臣內之奄寺。外無得親近。况能議論小臣引。

見僅望。

清光大僚。

召見乃問數語。

天威儼穆於上。匍匐跪於下。屏氣戰慄。心顏震播。何能得人才而盡下情哉。每日未明。辦事。

召見樞臣。限以數刻。皆須了決。伏跪屏氣聽候。

顏色未聞反覆辨難甚少窮日集思天下甚大事變甚微
皇上雖明宮無缺失而限時以言事拳跪以陳詞雖有才賢
不能竭盡當此時變豈能宏濟艱難哉尊嚴既甚忌諱遂多
上雖有好言之誠臣善為行意之媚樂作太平頌聖之詞畏
言危敗亂賊之事故人才隔絕而不舉積弊日深而不發至
中國敗壞之由外夷強盛之故非不深知實不敢言昔黎庶
昌奉使日本有所條陳但請親王出游不能上達其他關切
皇上之事皆知之而不言言之而不達達之而不動動之而
不行

皇上雖天竄聰明而深居法宮一切壅塞既未嘗遍閱萬國
以比較政俗之得失並未遍見中國而熟知小民之困窮所

戊戌奏稿

十三

見惟宮妾宦官所遇皆竄敗舊物諸媚日接於耳目局束自
困其心靈外國宮室橋梁道路器藝軍械之環奇新麗孰從
而知之故欲坐一室而知四海較中外而求自強其道無由
如浮屠十級級級難通廣夏千間重重並隔譬咽喉上塞胸
膈下滯血脈不通病危立至固也夫天子之所以為尊者威
稜遠播四夷賓服德澤流溢海內又安上播
祖宗之靈下庇生民之命盛德成功傳於後世乃可尊耳若
徒隔絕才賢威臨臣下以不見不動為尊以忌諱壅塞為樂
則近之有土地不守之患遠之有二世瓦解之禍夫大臣記
於體制尊主如帝天者豈為其敬上哉一以行其引體自尊
之分一以便其蒙蔽欺罔之私耳文王與國人交帝舜臣哉

隣哉豈以尊若天神為貴哉人情安於所習蔽所未見而禍
敗一來悔無可及職曩言

皇上尊則尊矣實則獨立於上

皇上何樂此獨尊良為此也夫天地交則泰天地不交則否
自然之理也歷觀自古開國之君皆與臣民相親挽輅可以
移駕止輦可以受言所以成一代之治也自古危敗之君並
與其臣相隔絕情場之畏聞盜賊萬歷之久不視朝所以致
國祚之傾也伏讀

太宗文皇帝聖訓謂明主自視如天臣下隔絕是以致敗我
國上下相親是以能強嗚呼明室之所以亡我

朝之所以興者盡在此矣夫泥虛文之體制則不能保寔有

戊戌奏稿

十三

之威權使如天如神內示尊於奴隸而外躐辱於強鄰孰若
紆尊降貴內交泰於臣民而外揚威於四海孰得孰失
皇上又何擇焉外侮迫矣通商則不許借款則阻撓今雖欲
變政恐外人掣肘况能從容待我十年教訓乎故非如彼得
之舉動奇絕不能拒撥速成雷轟電掣也

皇上天錫勇智鑑考今古深觀時變徧察萬國遠念帝舜武
丁勾踐

太宗文皇帝之圖跡下鑑亡明緬甸之覆轍伏願
幾暇垂覽此書日置左右彼得舉動日存

聖意摩積激動震越於中必有赫然發憤不能自己者非必
全摹其跡而神武舉動絕出尋常雷霆震聲皎日照耀一鳴

驚。人。萬。物。昭。蘇。必。能。令。天。下。回。首。而。內。強。鄰。改。視。易。聽。其。治。效。之。速。奏。功。之。奇。有。非。臣。下。所。能。窺。測。者。以。中。國。二。萬。萬。方。里。之。地。四。萬。萬。之。民。

皇。上。舉。而。陶。冶。之。豈。可。量。哉。謹。將。俄。彼。得。變。政。記。進。呈。伏。維。

代

奏

皇。上。聖。鑑。謹。呈。

戊戌奏稿

十四

敬。謝。天。恩。並。統。籌。全。局。摺。五。月。初。一。日

奏。為。敬。謝

天。恩。准。予。專。摺。奏。事。請。統。籌。全。局。以。變。法。強。國。恭。摺。仰。祈

聖。鑒。事。竊。臣。嶺。海。下。士。才。識。庸。愚。以。時。事。艱。難。屢。次。上。書。冒

瀆

天。聽。荷。蒙

皇。上。天。地。之。量。採。及。芻。蕘。頃。乃。蒙。過。聽。虛。聲。特。予

召。見。垂。問。懇。懇。過。二。時。許。容。其。狂。愚。寬。其。禮。數。復。令。有。所。條

陳。准。其。專。摺。遞。奏。隆。天。重。地。稱。疊。有。加。臣。俯。念。時。艱。仰。感

知。遇。祗。竭。駑。鈍。圖。投。涓。埃。頃。仰。承

聖。訓。以。國。家。之。敗。歸。罪。守。舊。諸。人。臣。妄。陳。大。計。皆。承

戊戌奏稿

十五

俞。允。仰。見

聖。明。天。縱。求。治。若。渴。洞。萬。國。之。故。審。時。變。之。宜。此。真。中。國。之

福。也。四。萬。萬。臣。民。之。幸。也。臣。愚。但。有。喜。舞。抃。蹈。詠。歌

聖。德。然

皇。上。詢。訪。之。盛。意。臣。何。敢。知。而。不。言。臣。今。取。欲。陳。者。曰。統。籌

全。局。以。圖。變。法。

御。門。警。衆。以。定。國。是。開。局。親。臨。以。定。制。度。三。者。而。已。方。今。累

經。外。患。之。來。天。下。亦。知。舊。法。之。敝。思。變。計。圖。存。矣。然。變。其。甲

不。變。其。乙。舉。其。一。而。遺。其。二。枝。枝。節。節。而。為。之。逐。末。偏。端。而

舉。之。無。其。本。原。失。其。輔。佐。牽。連。並。敗。必。至。無。功。夫。物。之。為。體

合。多。質。點。而。後。成。室。之。可。居。合。多。土。木。而。後。備。體。不。備。謂。之

不成人政不備亦謂不成國故臣以為不變則已若決欲變法勢當全變如匠人築室千門萬戶必繪圖畫則先定雛形而後鳩工庀材乃行興築若全局未定圖繪全無聽甲言而為杙為枿尺寸不知又聽乙言而肯構肯堂木石未備磚瓦亂構工匠雜陳及其全局合龍必致乖悞擊枓風雨驟至託庇仍無若夫縫人裁衣必量全狀之度庖人調味必酌醬齊之宜若妄施刀剪勢必顛倒衮衣亂下鹽梅以致難供刀七薄物猶爾況於舉萬里之國而治之哉故臣請變法不欲言某事宜舉某事宜行者恐難

詔行難收成效必至與總署使館海軍船廠電線鐵路礦務製造廠同文館同為守舊者藉口攻撓而已故今欲變法請

戊戌奏稿

十六

皇上統籌全局商定政體自百司庶政用人外交並草具綱領條目然後渙汗大號乃與施行本末並舉首尾無缺治具畢張乃收成效臣所請統籌全局者此也頃者膠旅既割內地權利盡失危亡逼迫若火燎原

皇上審時變法發憤圖存特下

詔書明定國是苦心明斷天下共知而諸臣惑于舊俗謠言紛紛或庸人知見損於維新恐富貴之難保或僉人思媚于權貴造疑謗而詆謀交章飛文變亂黑白誣攻新政具錦如織流言惑聽害過流賊或老耄舊學自託清流挾用夷變夏之言特變亂

祖制之說劫亂民聽衆志焚惶親親王言如弁髦視繪音如草

弄臣惟三代大舉亦復胥動浮言盤庚遷股屢煩管誥戒以黜心從一責其起積自臭警以祖父斷棄嚴以剝殄無遺蓋嘗者經義取重亦西國通行昔

聖祖高宗時頗有

御門之典臣伏乞

皇上諷日齋戒特

御乾清門大集羣臣相與

勅誓布告天下與民更始咸令具名上表盡革舊習勉勉維新其有不率予之休免其有造謠興謗不奉新政者上用盤

庚則滅之刑旁探秦西謠謗之律明罰勅法刑茲無赦庶幾

浮言可靖衆志乃一國是既定大勢成趨臣所請

戊戌奏稿

十七

御門誓衆者此也今天下之言變者曰鐵路曰礦務曰學堂

曰商務非不然而若是者變事而已非變法也變一事者

微特偏端不舉即使能舉亦於救國之大體無成非

皇上發憤自強之意也周公思兼三王孔子損益四代乃為

變法臣所請者規模如何而起條理如何而詳綱領如何而

舉節目如何而備憲法如何而定章程如何而周損益古今

之宜斟酌中外之善若者宜革若者宜增若者宜刪若者宜

改全體商榷重為草定茲事體大關國安危舉錯偶乖必至

齟齬此非特開專司以鈔選通才不足以商鴻業而定巨典

今欲行新政但聽人言下之部議尤重者或交總署樞臣會

議然大臣皆老耄守舊之人樞垣總署皆兼差股忙之候求

其議政詳善。必不可得也。臣前請用日本例。開制度局于內廷。選天下通才任之。

皇上親臨。日共商榷。其有變法之措。並下制度局商議。擬

旨施行。然後繁領振裘。日張網舉。新政可行。自強有效。臣所

請開制度局者。此也。雖然以

皇上之明。豈不知籌全局而全變哉。其有不能者。或勢有所

限也。然人主有雷霆萬鈞之力。所施無不披靡輓

皇上所有之權。行方今可爲之事。舉本握要。則又可一轉移

間。而天下移風振作。人心矣。國勢危迫。不能需時。及今爲之

已遲不及。事惟

皇上乾綱獨攬。速斷

戊戌奏稿

聖心以救中國。天下幸甚。臣愚憂國。敢冒死以竭拳拳。伏乞

皇上聖鑒。謹奏

